

Ælinjil æn Ȝaysa Ælmæsix

Tawallammat Tamajaq New Testament (Latin Script)

This Bible is copyrighted by Wycliffe Bible Translators (Wycliffe.org) and is printed with permission by the Digital Bible Society (dbs.org) for non-commercial use.

This Bible is available for free download in a variety of digital formats at dbs.org/bibles.

Language:
Country:
Publisher:
Copyright: © Wycliffe Bible Translators, Inc
Last Updated: 2023-10-20
ID: a15fe575-5a1b-4e9c-a230-7b7eaba091a2
ISO: ttq
ISBN:

Matta	4
Markus	35
Luqa	55
Yaxya	88
Igitan ən Nəmmuzal	110
Kəl-Ərrum	140
1 Kəl-Korent	155
2 Kəl-Korent	169
Kəl-Galatəya	178
Kəl-Efez	183
Kəl-Filib	188
Kəl-Kolosəya	192
1 Kəl-Tesalonik	196
2 Kəl-Tesalonik	199
1 Timotay	201
2 Timotay	205
Titəs	208
Filemona	210
Kəl-Şibri	211
Yaqub	221
1 Butros	225
2 Butros	229
1 Yaxya	232
2 Yaxya	236
3 Yaxya	237
Yuday	238
Əlkəttab wa n Ənəfilal	240

Matta

Təhəwt ən Xaysa d ətəwəsəmutəg-net y əššəxəl wa z'agu

Aljadan ən Xaysa əd təhəwt-net

Aljadan ən Xaysa Əlməsix

1 Əntanay da esmawan n aljadan ən Xaysa Əlməsix, ahaya n ənnəbi Dawəd, d ənnəbi İbrahim:

² İbrahim eraw Isəhaq.

Isəhaq eraw Yaqub.

Yaqub eraw Yahuda əd mədrayan-net.

³ Yahuda eraw Fərəs əd Zarax, anna-nasan esəm-net Tamar.

Fərəs eraw Xasrun.

Xasrun eraw Ram.

⁴ Ram eraw Xaminadab.

Xaminadab eraw Naşon.

Naşon eraw Salmuna.

⁵ Salmuna eraw Boxaz was anna-net Rahab.

Boxaz eraw Xubayd was anna-net Rut.

Xubayd eraw Yasay.

⁶ Yasay eraw Dawəd wa n əmənokal.

Dawəd eraw Suliman was anna-net tantut n Urəyya.

⁷ Suliman eraw Roxoboham.

Roxoboham eraw Abəya.

Abəya eraw Aza.

⁸ Aza eraw Yahuşafat.

Yahuşafat eraw Yuram.

Yuram eraw Xuzəyas.

⁹ Xuzəyas eraw Yutam.

Yutam eraw Axaz.

Axaz eraw Xizqəyyas.

¹⁰ Xizqəyyas eraw Manaşša.

Manaşša eraw Amun.

Amun eraw Yuşəya.

¹¹ Yuşəya eraw Yakunəya əd mədrayan-net.

Azzaman win den əntanay

a dağ tawayan Kəl-İsrayil əmməwayan s akal ən Babəylon əqqalan dağ-as ikefəlan.

¹² Dəffər adi, eraw Yakunəya Şalatəyel.

Şalatəyel eraw Zərubabil.

¹³ Zərubabil eraw Abihud.

Abihud eraw Alyaqim.

Alyaqim eraw Yazur.

¹⁴ Yazur eraw Saduq.

Saduq eraw Xakim.

Xakim eraw Eləyud.

¹⁵ Eləyud eraw Elyazar.

Elyazar eraw Mattan.

Mattan eraw Yaqub.

¹⁶ Yaqub ənta a erawan Yusəf

wa izlafan Maryama ta terawat Xaysa

was itawannu Əlməsix.

¹⁷ Dağ adi maraw meddan d əkkəz a əllanen gər Dawəd d əmaraw-net İbrahim. Əllân-tu maraw d əkkəz gər Dawəd d azzaman win ətəwəkfal ən Kəl-İsrayil əs Babəylon, əllân-tu değ maraw d əkkəz gər ətəwəkfal ən Kəl-İsrayil əs Babəylon əd təhəwt ən Xaysa.

Təhəwt ən Xaysa wa n Əlməsix

¹⁸ Ənta da əmmək was d-iggaz Xaysa Əlməsix əd-dənet: Maryama ta n anna ən Xaysa, imirakan dər-əs Yusəf azalaf. Mişan harwa da wər təzlay əs Yusəf, as təga tadist, əs tarna n İnfəs wa Zəddigan.

¹⁹ Yusəf, imosan aləs oğadan, wər ira əsəkkərəkəd ən Maryama dağ aytedan. Awen dağ a fəl isam-markas dağ man-net as a dər-əs iğrəd da wər t-illa i əhan salan-nasan. ²⁰ Isamadran dağ awen da as t-in-ibaz etəs inafalal-as-du angalos n Əməli dağ targət, inn-as: «Yusəf, ahaya ən Dawəd, a kay-wər-təggəz tasa n azalaf ən Maryama, fəlas barar wa ihan tadist-net, İnfəs wa Zəddigan a d-ifal. ²¹ Ad təgrəw barar amaran kay aq-as esəm Xaysa fəlas ənta a z'assafsin tamattay-net dağ bakkadan.» ²² Arat wa kul iga fəl ad andu awal wa d-imal Məşşina əs tarrayt n ənnəbi İsayas as inna: ²³ «*Ad tagu təmawat tadist da wər təzday meddan, təgrəw barar. Barar wədi a das-itəwəggu esəm Emanəwel, al-mayna: Məşşina illâ yur-na.*»

²⁴ As d-inkar Yusəf dağ etəs, immozal s arat was t-omar angalos n Əməli, izlaf Maryama. ²⁵ Mişan wər kala a dər-əs inamansa har ihəw barar. As ihəw, iga Yusəf esəm Xaysa.

Tagadəzt ən musanan win dənnəg Əlməsix

2 Azzaman n Əmənokal Herod a dağ ihəw Xaysa, dağ əğrəm ən Betalxam, dağ amağal ən Yahudəyya. Əqlan-du musanan ən manayan a d-əfalnen dənnəg har d-osan Yerusalam. ² Ənnan: «Ma iga əmənokal ən Kəl-Elyəhud wa ihəwan da

sugi a tat-iga əzzəna, amaran as izlaf aləs iyyan tantut ta təmməzzayat da, wədi əzzəna a iga ənta da.

Əmazal n awa itawannan: Əlmital dəy batu ən təhuday

³³Təslâm dəy as itawanna y aljadan-nana: "Ad wər təhhadam fəl arət, taqqamim wər tu-təmzoza-lam. Kalar sabdadat arkawalan win fəl təhadam s esəm n Əməli."

³⁴Nak za ənnəx-awan, ad wər təhhadam fəl arət waliyyan fadda: Gər za əs jənnawan, fəlas edag n əlxəkum ən Məşşina a mosan, ³⁵wala dəy təhədam s amadal, fəlas ənta a illan daw daran-net, wala dəy təhədam əs Yerusalam, fəlas ənta a təmosat əxrəm n Əmənokal wa Zəwwəran, a t-imosan Məşşina. ³⁶Ad wər təhhadağ ənta da s əxaf-nak, fəlas wər təfregəğ əsəmləl n anzad-net waliyyan da, wala dəy əsəkwl-net. ³⁷Ganniwat xas: "Ayew" y awa imosan tidət, madəğ "kala" y awa imosan bahu. Batu a du-təşşotam fəl adi kul Aşşaytan as du-təha.

Əmazal n awa itawannan: Əlmital dəy batu n əzəzəl

³⁸Təslâm as itiwanan: "I d-ikkasan šat n iyyan a du-tətəwəkkəs šat-net ənta da, i d-irzan ešen n iyyan a d-itəwərzu ašen-net."

³⁹Nak za ənnəx-awan ad wər tətəgazam iman-nawan dəy amaksan. Kalar as dak-iqqas fəl əmdəd-nak wa n əxil, takfağ-qu əmdəd-nak wa hadan.

⁴⁰As ira awedan a kay-ibəz s əşşərixa fəl ad igrəw alxaşşaba-nak, takfağ-qu əbərnuz-nak da. ⁴¹As kay-işahhaşşal awedan əgğay ən lalan-net har əgim ən takkolt, tawəyax-as-tan har əşşin gim ən takkolt. ⁴²I kay-onsayan takfağ-qu, i dəğ-ak ig-mayan əmarwas, a das-tu-wər-təgdəla.

Əmazal n awa itawannan: Əlmital dəy batu ən tara n əzənga-nana

⁴³Təslâm as itiwanan: "Iru anammaraq-nak, təğzəray azangaw-nak." ⁴⁴Nak za ənnəx-awan: Iri-wat izənga-nawan, ad tətəgğim šiwatriwen olax-nən y aytedan win kawan-əsasnən, ⁴⁵fəl ad təqqəlam əs tidət da bararan n Abba-nawan wa ihan ijənnawan. Ənta a d-isəgmadan təfuk-net fəl aytedan win maksanan əd win olaxnən, isawat akonak-net fəl win oğadnən əd win nəmməzray.

⁴⁶Kud wər tarəm år aytedan win kawan-əranən, awak ma imos aroz wa za təgrəwam dəy əwən? Wərgəğ aytedan win zarzamnən takəsən a əmosnən imaksanan da əwən dəy a əgan? ⁴⁷As imos as imədrayan-nak xas a tarəğ təsaslamağ-qan, awak ma imos arət immittayan wa təgəğ? Wərgəğ aytedan win wər nəssen Məşşina da adi dəy a taggin? ⁴⁸Dəy adi kawanay, əqqələt aytedan əkmələn šilat n Abba-nawan wa ihan ijənnawan.››

Əsəssəğri igân fəl təlmənufəqa dəy əddin

⁶Igla Xaysa işşəwal, inn-asan: «Ənkədat d igi n əlxibada imosan sokni. As wər iga adi wər za təgrəwam arozan xur Abba-nawan wa ihan ijənnawan.»

²«As tətəgğa takutay y amaddarar, ad wər iqqəl adi arət təsinafalala, zun awa taggin əlmunafiqan dəy nan n əlxibada ən Kəl-Əlyəhud, əd tarrayən, fəl tara n ad əgrəwan adkul xur aytedan. Əgğəyğəğ əsilakanax-awan as əlmunafiqan win di arozan-nasan əgrəwan-tan. ³Kay amaran, as tətəgğa takutay, ad wər issən əfus-nak wa n zalgat awa itagğu wa n əxil, ⁴fəl ad təqqəl təkutay-nak əssir. Abba-nak s ənta a ihannayan əssiran, a dak-z-irzəman.»

⁵«As tətəttaram, ad wər tətəgğim awa taggin əlmunafiqan ərənən ad tattaran əbdadan dəy nan n əlxibada, əd sammanayan, əgməyan s əwən a tan-ənəyan aytedan. Əgğəyğəğ əsilakanax-awan as arozan-nasan əgrəwan-tan. ⁶Kay amaran as tətəgğa šiwatriwen, təgğəzəğ dəy ahan-nak edag wa oğaran ənəməgğəg d aytedan, təxfəlağ-q-in fəl man-nak, tətərə dəy əssir s Abba-nak id illa əddi. Abba-nak s ənta a ihannayan əssiran, a kay-z-akfin arozan. ⁷As tətəttaram, ad wər tətəgğam awal əgğən təgənam arət iyyanda zun awa taggin aytedan win wər nəssen Məşşina, əxilnən wər dasan-z-aslu Məşşina ar s ad taggin awal əgğən. ⁸A tan-wər-təttalalam, fəlas Abba-nawan, issən əwas təddəraram da harwa wər dəğ-as tu-təğ-mayam. ⁹Təwatray da tas ihor a tat-tətəgğim kawanay:

"Abba-nana wa ihan ijənnawan,
Itəwəsəğmərət esəm-nak di zəddigan,
¹⁰taset-du Tağmar-nak.

Tətəwəmizələt tara-nak fəl amadal
s əmmək was tətəwəməzal dəy jənnawan.

¹¹Akf-anax isudar-nana win azalada;

¹²təssurəfağ-ana tədləmt ta nəğa
zund əmmək as nakkanay da
nəssoraf i win danağ-ədlamnən.

¹³A dana-wər-tagə dəy alğarar ən jarrabatan,
kalar əgəz-ana dəy Iblis,
[fəlas tağmar, əd tarna, əd tanaya ši-nak har faw.
Amin."››]

¹⁴«As təsurufam y aytedan arək mazalan win dawan-əgan, kawanay da a dawan-issurəf Abba-nawan wa ihan ijənnawan. ¹⁵Mišan as wər təsurufam y aytedan, wədi Abba-nawan wa ihan ijənnawan wər dawan-z-issurəf arək mazalan win təgam.»

¹⁶«As təzumam ad wər təsənnəfilələm təkənert zun awa taggin əlmunafiqan, əntanay a samattay-nən udmawan-nasan fəl ad əssusənan aytedan kul as əzuman. Əgğəyğəğ əsilakanax-awan as aytedan win di, arozan-nasan əgrəwan-tan harwa əmərəda. ¹⁷Kay amaran, as təzumax, təşşirədağ udəm-nak, tagə alwardi, ¹⁸fəl ad wər əssənan aytedan as

day Taʒmar-in aratan kul win takkasnen əzəgzan day aytedan, d aytedan win nəmməzray ən Məššina. ⁴² Təzzar əgəran-tan day amahander ən təmsay, ad hallin əddadan idədwān-nasan fəl təmagraz. ⁴³ Eddi day ad z'agin aytedan win oʒadnen əmələwləw wa n tēfuk, day Taʒmar ta n Məššina di n Abba-nasan. I isallin aslet!»

Elmital wa n ərrəzəy iʒbâran

⁴⁴ «Taʒmar ta n jənnawan tola harwa da d ərrəzəy iʒbâran day tawagost, isaffagg-ay d awedan iyyan, ilas-tu aʒabar. Awa iga day təfalawist, igla izzənz-in awa ila kul, izzənza tawagost ten.»

Elmital wa n əljühər wa n ələsəl

⁴⁵ «Taʒmar ta n jənnawan tola harwa da d amasatag igammayan əljühər wa ihossayan. ⁴⁶ As igraw əljühər iyyan ihossayan, wa n ələsəl, igla izzənz-in awa ila kul izzənz-ay.»

Elmital wa n sangay wa n abbaz ən kifitan d almayna-net

⁴⁷ «Taʒmar ta n jənnawan tola harwa da əd sangay zəwwəran n abbaz ən kifitan itiwagaran day agaraw, obaz-du kifitan əmosnen əzzənəfan. ⁴⁸ As idnay, ərkaban-t-idu nabazan ən kifitan əs təgadamayt, əqqiman, ədkalan-du izmaman a day-san taggin kifitan win olaynen, əggaran-in win wər nənfa wala. ⁴⁹ Awen day a z'agin əzəl wa n tabaday. A d-asin angalosan, əskətan-in inəmməzray ən Məššina, zəmməzəyan-tan d aytedan win oʒadnen, ⁵⁰ əgəran-tan day amahander ən təmsay, ad hallin əddadan idədwān-nasan fəl təmagraz.»

Elmital wa n məššis n aʒaywan

⁵¹ Igla ʒaysa iššəwal inn-asan: «Ak təgrām awa ənne da kul?» Ənnan-as: «Awalla.» ⁵² Təzzar inn-asan: «Day adi, əmusan n Əttawret kul wa itawasasayran y ad iqqəl ənalkim ən Taʒmar ta n jənnawan, ola əd məššis n aʒaywan, a d-itakkasan day təla-net aratan win aynaynen əd win waššar-nen isataymal-tan.»

Awa d-izdaran

⁵³ As iʒrad ʒaysa əsəssəʒri wa igan s əlmitalan en, igmad akal wa ihozan agaraw, igla.

Əsəssəʒri ən ʒaysa, itittəy ətəwəššak-net

Iba n əzəgzan day Nazaret

⁵⁴ As d-osa aʒrəm wa day idwal ad isasayru aytedan day ahan-nasan wa n əlʒibada. Awa sər-san iga awen day əsəmməkləl, har əqqiman gannin: «Mənis t-idu-təggaz masnat togdat d awa, əd təlməxjujaten šin itaggu da?» ⁵⁵ «Ak awa wərgəy ag aləs wa ikarrasan inan? Wərgəy anna-net esəm-

net Maryama, imədrayan-net iyyan Yaqub, iyyan Yusəf, iyyan Simyən, iyyan Yahuza? ⁵⁶ Wərgəy šimədrayan-net kul əllanat ʒur-na? Day adi məni iguz wa das-d-əgan aratan win da kul?» ⁵⁷ Awen day a dasan-igdalān əzəgzan sər-əs. Mišan inn-asan ʒaysa: «Ənnəbi wər itəwəlku ar day aʒrəm wa day idwal d aʒaywan-nasan.» ⁵⁸ Amaran iqqim da wər iga təlməxjujaten aggotnen day adag wen, fəlas əzəgzan a sər-əs wər əgen aytedan win den.

Ətəwəxay ən Yaxya wa isalmaʒan aytedan day aman

14 Azzaman en da a day isla Herod Antifas wa n əmuzar n akal ən Galilaya, isalan ən ʒaysa. ² Təzzar inna Herod y aytedan-net: «A igan da Yaxya wa isalmaʒan aytedan day aman, a d-inkaran den day təmattant! Awen da fəl ila tarna n igi ən təlməxjujaten.» ³ Arat wen inn-ay Herod fəlas azzaman dat awen omâr s ətərməs ən Yaxya, itawakrad itawagga day kasaw, fəl əddəlil ən Herodəyas təmosat taʒur Filibus imosan amadray ən Herod a da, ⁴ fəlas Yaxya a igannin i Herod: «Xaram fall-ak azalaf ən təntut di.» ⁵ Eway-du awen əs Herod as ira ikus ən man ən Yaxya, mišan iksud tamattay təgât i Yaxya iduf n as ənnəbi a imos. ⁶ As d-iʒləy əzəl wa n təhəwt ən Herod, isasaga saksas, təga elles ən Herodəyas eweʒ iknan šihussay dat naftayān. Təzzar oggām-tat Herod ⁷ har as ihad-as âs, a das-əgu arat kul wa day-as təgmay. ⁸ As təššəwwar anna-net tənn-as ad tannu i Herod əʒaf ən Yaxya a təra. Tənkər təbarart tənn-i Herod: «Akf-i attabla da da iha əʒaf ən Yaxya wa isalmaʒan aytedan day aman.» ⁹ Arat wa təgmay təbarart ten eway-du s əmənokəl Herod as əʒsadan man-net. Mišan omar s a das-itəwəggu arat wa təgmay den, fəl əddəlil ən təhuday ta das-iga d əddəlil ən naftayān-net. ¹⁰ Issəgla awedan y a d-ifrəs əʒaf ən Yaxya day kasaw. ¹¹ Immeway-du əʒaf n ənnəbi en day attabla, itawakfa i təbarart, təzzar təkf-ay y anna-net. ¹² Osan-du nalkiman ən Yaxya ədkalan taʒəssa-net, ənbalan-tat-in. Əgla əmalan i ʒaysa.

Əšətši wa iga ʒaysa səmmos gim n aləs

¹³ As isla ʒaysa isalan win, igmad edag wen, iha aʒlāl n aman. Igla ʒas-net ikka edag issufan a din-ikitaynen. Təsla tamattay ta təhat šixarmaten šin ʒələyʒələyan awen, təkam-as idaran-net. ¹⁴ As d-izzəbbat aʒlāl inay tamattay tagget, təggaz-tu təhanint-net, ad izuzəy imiranān-nasan. ¹⁵ As təga takəst, əhozan-t-idu nəttulab-net ənnan-as: «Edag issufan awa, amaran əzəl igla, day adi suxəl tamattay a, ad təgməy id təzzənza a tətša day təʒarmaten.» ¹⁶ Inn-asan ʒaysa: «Wər təga addararat s ad aʒlin, šatšat-tan kawanay iman-nawan da!» ¹⁷ Ənnan-as: «Nakkanay ya wər nəla da ar səmmosat təgəlwen d əššin kifitan.» ¹⁸ Inn-asan ʒaysa:

sawsan, tattin-tu.» ²⁸ Inn-as Ƴaysa: «Ya tantut! Ƴezəgzan-nam i zəwwəran! Itəwəgget-am awa tareɣ!» Amazay en da a ɗay təzzay elles ən tətut en.

Ƴuzəy ən Ƴaysa aytedan ɗay təwərnawen aggotnen

²⁹ Dəffər awen igmad Ƴaysa edag wen, ikka təgadamayt n agaraw wa n Galilaya, təzzar iwar adɣaɣ, iqqim. ³⁰ Təkk-ay-du tamattay tagget, a sər-əs du-tewayat iməggudal, əd məddərxal, əd nəbdan, d aytedan as əmmidadan mawan-nasan, əd miranan wiyyad aggotnen. Aytedan win, tawasansin dat Ƴaysa, izuzəy-tan. ³¹ Isammaklal əs tamattay anay wa təga aytedan as əmmidadan mawan-nasan əššewalan, tənay inəbdan əgrāwan šixurad-nasan, tənay iməggudal jiwanken s əlluɣ, tənay iməddərxal hannayan. Ad taggin aytedan təmmalen y Ƴməli n Israyil.

Ƴətsi ən Ƴaysa əkköz gim n aləs

³² Iyra-du Ƴaysa inəttulab-net inn-asan: «Təh-i təhanint ən tamattay a. Karad adan a ɣur-i əgan, amaran ab'as t-illa a ətsan. Wər areɣ a tan-ayya aglin wər əreman arat, fəlas əddi mijas a tan-ag-gadlu gələk ɗay tarrayt.» ³³ Ƴnnan-as nəttulab-net: «Məni du-za-nəgrəw za ɗay əsuf a šigəlwen siyyawannen tamattay togdāt d awa?» ³⁴ Inn-asan Ƴaysa: «Mənəkət təgəlwen təlam?» Ƴnnan-as: «Ƴs-sayat təgəlwen a nəla d arat ən kifitan win madror-nen.» ³⁵ Omar tamattay s ad təɣrəd təɣimit. ³⁶ Id-kal-du əssayat təgəlwen en əd kifitan win den, iga igodan i Məššina, amaran ikaramkaram-tan ikf-en i nəttulab, əzunan-tan i tamattay. ³⁷ Aytedan en ket-nasan əyyəwanan əglazan-du, har as əssa əzma-man win zawwarnen a du-tawatkarnen ɗay karam-mutan win d-əglazan. ³⁸ Aytedan win ətsanen den, əmosan əkköz gim n aləs as wər əhenat tədoden əd bararan. ³⁹ Dəffər awen issəllam Ƴaysa tamattay, iggaz aylal n aman, ikka akal ən Magadan.

Agamay ən Farisaytan əd Sadusaytan ɗay Ƴaysa a dasan-agu təlməxjujat

16 Ƴkkan-du Farisaytan, əd Sadusaytan Ƴaysa ərân ad t-ajjaraban, gammayan ɗay-as a dasan-agu təlməxjujat təmosat alɣalamat a du-təfâlat Məššina. ² Inn-asan: «As iga əlməz, tənayam ijənnawan zaggaɣan ad tannim: "Tufat za ad agu əzəl ihossayan." ³ As affaw amaran, tənayam ijənnawan zaggaɣan əhânat-tan šiyyay ad tannim: "Azalada ad agu əzəl ibrâran." As təswadam ɗay jənnawan, ad təssənam awa dər z'alu alhawa dəffər awen, mišan awa itaggin ɗay azzaman win wər təssənam almaɣna-net! ⁴ Aytedan n azzaman win, inəllubas, wər nəksud Məššina, amaran gammayan təlməxjujat! Kala! Təlməxjujat ta dasan-tətawaggat iyyadda ɣas, a

tat-imosan ta n ənnəbi Yunəs.» Den da a tan-ifal Ƴaysa, igla.

Ƴsəmmutəg ən Ƴaysa inalkiman-net

Emel ən Ƴaysa i nalkiman-net əddəlil n assa-net əddənət

Xamira wa n Farisaytan əd Sadusaytan

⁵ Ƴkkan nəttulab tagadamayt ta hadat n agaraw. As ewadan, əgran-in əs əttəwan-in igi n allaw ən təgəlla. ⁶ Inn-asan Ƴaysa: «Ənkədət wəllen i xamira ən Farisaytan, əd wa n Sadusaytan.» ⁷ Təzzar ad gannin nəttulab gar-essan: «Awa wər t-inna ar fəlas wər neway tagəlla.» ⁸ Issan Ƴaysa ɗay awen inn-asan: «Mafəl təššewalam gar-ewwan fəlas wər təlem tagəlla, kəl əzəgzan əndarran? ⁹ Awak əgərri a wər təgem harwa da? Wər təkəttəwam səmmosat təgəlwen šin ətsan səmmos gim n aləs, d əket n əz-maman win du-tədnayam ɗay gəlzan-nasan? ¹⁰ Məɣ ak təttəwam-in əssayat təgəlwen šin əššətsanen əkköz gim n aləs! Mənəkət əzmaman win zawwarnen a du-tədnayam əzəl wen? ¹¹ Nak a dawan-ənneɣ: "Ənkədət i xamira ən Farisaytan, əd wa n Sadusaytan". Manəmmək as wər təgrem as wərgəɣ tagəlla as dawan-əheɣ batu-net?» ¹² Den ɗay ad əgran as wərgəɣ xamira ən Farisaytan, əd wa n Sadusaytan a fəl dasan-imməgrad den, kalar əsəssəxri-nasan as dasan-inna a das-ənkədan.

Emel ən Butros awa imos Ƴaysa

¹³ Ikkâ Ƴaysa amaɗal ən Qaysarəya wa n əmuzar Filibus as issəstan Ƴaysa i nəttulab-net, inn-asan: «Ak ɗay iduf n aytedan, ma əmosa nak Ag Ag-gadəm?»

¹⁴ Ƴnnan-as: «Wiyyad za gannin kay Yaxya wa isalmaɣan aytedan ɗay aman. Wiyyad gannin kay ənnəbi Ilyas. Wiyyad amaran a gannin kay ənnəbi Irməya a təmosa, madeɣ iyyan ɗay ənnəbitan win hadatnen.» ¹⁵ Inn-asan Ƴaysa: «Kawanay za, ma tənnam ma mosa?» ¹⁶ Inn-as Simɣon Butros: «Əlməsix a təmosa, barar ən Məššina di n Amaɣlol.» ¹⁷ Inna Ƴaysa i Simɣon Butros: «Təbbilala ya Simɣon, ag Yunəs, fəlas arat wədi wərgəɣ kay a ɗay-as issosanan iman-nak, kalar Abba-nin di ihan ijənnawan a dak-isannafalalan. ¹⁸ Nak amaran ənnəɣ-ak: Kay Butros təhunt a təmosa, amaran təhunt ta, ənta a fəl z'əkrəsəɣ Əlkənisan-in. Əlkənisan ta, tarna ən təməttant da wər təfreg a das-təɣšəd wala. ¹⁹ A kay-akfa təsassarut ən Taɣ-mar ta n jənnawan. Arat kul wa təssəxrama ɗay əd-dənət dada, ijənnawan da a ɗay-san ixram, arat dəɣ wa təssəxlala ɗay əddənət dada, ijənnawan da a ɗay-san ixlal.» ²⁰ Təzzar iga i nəttulab-net ammar a ɗay idgâz, s ad wər əmelan y awedan waliyyan as ənta a imosan Əlməsix.

Emel wa azzaran iga Xaysa y alxazab-net əd tə-mattant-net

²¹ A obazan xur əzəl wen, ənta ad iggaz Xaysa şin əsəssəgri ən nəttulab-net as iwâr-tu iki ən Yerusalam, y ad agu alxazab aggen, a das-z-agin muzaran ən Kəl-Əlyəhud, əd muzaran ən limaman, əd musanan n Əttawret, təwəggin man-net, inkər-du dəx dəx təmattant əzəl wa n karad. ²² Təzzar iwat-tu Butros s ahal, işşewal fall-as, inn-as: «Əməli, ihənəttətək Məşşina dəx arat wa tə-malaş əddi! Kala wər kay-z-igrəw adi!» ²³ Mişan imalallay-in Xaysa Butros, inn-as: «Əfəl dəffər-i Aşşaytan! Təqqalaş-i təsənkəft dəx əşşəxəl wa di-d-ewayan s əddənət, fəlas imedranan-nak, wərgex Məşşina a d-əfalan, kalar imedranan n aggadəm xas a əmosan.»

Tarrayt ən wa ilkaman i Xaysa

²⁴ Dəffər awen inna Xaysa i nəttulab-net: «Wa iran a di-ilkəm, wədi igmədet tara ən man-net, agu imateran-net, idkəl təgəttawt-net, ilkəm-i. ²⁵ Əssənət as awedan wa wər nəgəmməy ar aggaz ən man-net, wədi ad t-əgmədan, mişan wa iqbala ad t-əgmədan fəl əddəlil-in, wədi a tan-igrəw. ²⁶ Ma z'aknu y awedan ad igrəw əddənət ketnet, ənta amaran temsay a ikka? Awak mas ifrag awedan tehakkay-net y a sər-əs agəz iman-net dəx təmsay? ²⁷ Əssənət as nak Ag Aggadəm a d-asa ələx tanaya n Abba-nin, əddəwa d angalosan-net, əddi amaran, awedan kul ad t-akfu maruzat n awa ewadan maza-lan-net. ²⁸ Əggəyyey əsilakanax-awan as wiyyad dəx aytedan win əbdadnen da wər tan-z-iba iket wər ənayan assa-nin nak Ag Aggadəm əmosax əmənokal.»

Ətəwənay ən tanaya ən Xaysa

17 As əgan sədis adan dəffər awen, iddew Xaysa əd Butros, əd Yaqub, əd Yaxya imosan amadray ən Yaqub en da, ikka dər-san adxax za-gren xas-nasan. ² Den da ad imməttay azzahir-net dat-san, imalawlaw udəm-net s ənnur olan əd wa n təfuk, əgan səlsa-net təməllay təsiraqqet wəllen, təkna əsəməxməx. ³ Əhinan-in oggân ənnəbi Musa, d ənnəbi İlyas as du-nafalalan, mişawalan əd Xaysa. ⁴ İggad-du Butros inna i Xaysa: «Əməli, olay as nəlla da! Kud tarex adi, ad əkrəsa karad həktan dəx adag wa. İyyan i-nak, iyyan in Musa, iyyan in İlyas.» ⁵ Harwada işşewal Butros as tan-təlsa tə-garak təmilawlawat, təqqal-asan zun telay. İgmad əməsli tagarak ten, inna: «Awa Barar-in wa əkney tara; ənta a d-issəndan agna-nin. Səsəmat-as!» ⁶ As əslan nəttulab i batu ten, ərmağan wəllen, fa-taqqen əssəjadan. ⁷ İhoz-tan-in Xaysa, idas-tan, inn-asan: «Ənkərat, təgmədet-kawan tasa!» ⁸ Əd-kalan-du nəttulab isawadan-nasan wər hənneyan ar Xaysa.

⁹ Tazabben-du adxax en da, as tan-omar Xaysa, inn-asan: «Ad wər təməlam y awedan waliyyan awa tənayam da, iket wər d-ənkəra nak Ag Ag-gadəm dəx təmattant.» ¹⁰ Əssəstanan nəttulab Xaysa, ənnan-as: «Mafel za gannin musanan n Ət-tawret: "Kundaba osa-du İlyas təzzar as du-z-asu Əlməsix?"» ¹¹ İjjəwwab-asan Xaysa inn-asan: «Awalla za ar a d-asu İlyas, annazzam aratan kul. ¹² Amaran əssosanaq-qawan as İlyas, osâ-du, mişan wər t-əqbelan aytedan, kalar əgan-as awas əran. Əmmək en dəx as illikan as a di-zəxxəzzəban nak Ag Aggadəm.» ¹³ Əgran nəttulab as Yaxya wa isalməğan aytedan dəx aman, as iha Xaysa batu-net den.

Barar wa təgraw tazakarkarat əd tarna ta ila əzəgzan

¹⁴ As d-izzabbat Xaysa əd nəttulab-net win karad en adxax, əhozan-du tamattay, ikk-ay-du aləs iyyan igaraffat dat-əs, ¹⁵ inn-as: «Əməli, hənəttət i barar-in, tazakarkarat a tu-təgrawat, amaran ixxizzab wəllen fəlas faw da itudu dəx təmsay, madex aman. ¹⁶ Ewayaq-qu əs nəttulab-nak y ad t-əzzuzəyan, mişan indar-asan.» ¹⁷ Inna Xaysa: «Xa! İket iba n əzəgzan, iket əşşur dəx aytedan n azzaman a! Awak har əmmay əddəwa dər-wan, əzizaydara dər-wan? Awəyat-i-du barar sa da!» ¹⁸ İharaşşat Xaysa aggəşuf wa ihan barar en, təzzar igmad-tu. İzzay barar dəx amazay wen da. ¹⁹ Əhozan-in nəttulab Xaysa ənnan-as: «Mafel nakkanay indâr-anax ikus n aggəşuf wen?» ²⁰ Inn-asan: «Adi za aşşaddat ən rəkkəm n əzəgzan-nawan! Əggəyyey əsilakanax-awan as ənnar tələm dəx əzəgzan a ogdân əd wala imi ən təzuxay n əşənnan, har tənəm y ədxax en: "Əgməd edag di takka wen", ad ammazal s adi. Əd-di wər t-illa arat as dawan-z-indər igi-net. ²¹ [Ama-ran əzzənəf n aggəşuf wen, wər igəmməd awedan ar əs təwatriwen, d əzum.»]

Emel wa n əşşin iga Xaysa y alxazab-net əd tə-mattant-net

²² Əzəl iyyan əddəwan nəttulab ən Xaysa dəx akal ən Galilaya as dasan-inna: «Nak Ag Aggadəm əjwâra ad əggâzaş ifassan n aytedan, ²³ agin iman-nin, təzzar ənkəra-du dəx təmattant əzəl wa n karad.» Təxşad batu ten iman-nasan wəllen.

Amana wa itawarzaman y Ahan wa Zəwwəran n Əlyibada

²⁴ İgla Xaysa əd nəttulab-net har ewadan Kafar-nahum. Ənkaran aytedan win zarzamnen amana y Ahan wa Zəwwəran n Əlyibada, əhozan-in Butros, əssəstanan-tu ənnan-as: «Awak əşşex-nawan arazam a wər itəggu amana y Ahan wa Zəwwəran n Əlyibada?» ²⁵ Inn-asan Butros: «Awalla za ar iraz-zam-tu». İggaz Butros ehan, azzar-as Xaysa awal işsəstan-tu inn-as: «Ma tənne kay Simxon, ma iraz-

zaman takösen d amana i mənokalan n əddənət? Awak maddanəsan a dasan-tan-razzamnen, mey aytedan sa hadan?»²⁶ Inn-as Simyon: «Aytedan sa hadan a dasan-tan-razzamnen.» Inn-as Xaysa amaran: «Dağ adi maddanəs ən mənokalan wər tan-iw-er arazam ən wala.²⁷ Mişan ya fəl ad wər nəqqəl təsənkeft y əzəgzan n aytedan win zarzamnen, aglu akku agaraw, təgəra dağ-as azabzab wa n ab-baz ən kifitan. Kifi wa tobazağ əstizarat, aru imi-net, a dağ-as in-tagəza tefelt n əzrəf wa mallan. Tefelt ten əkkəs-tat-du, tagla takfağ-asan-tat, ad təqqal ərruzmatan n amana wa-nin, əd wa-nak.»

Əsəssəğri wa n əkkoz: Təməddurt ta tənaman-nakat əd Taymar ta n Məşşina

Eres d ədkul

18 Amazay wen dağ a dağ din-əhozan nəttulab Xaysa, ənnan-as: «Ma imos za wa ogaran dağ Taymar ta n jənnawan?»² Təzzar iyra-du Xaysa arat ən barar, issəbdad-tu gar-essan,³ inna: «Əggəyyey əsilakanax-awan əs as wər təsammata-yam alxal, təqqələm zun bararan, wədi wər ilkem a təggəzam Taymar ta n jənnawan.⁴ Awen dağ a fəlas awedan kul wa issərasan iman-net, zun arat ən barar wa, wədi illikan as ənta ogaran dağ Taymar ta n jənnawan.»

Əsənkəd y igi ən bakkadan

⁵ «Amaran i iqbalan barar şilan wa fəl əddəlil-in, wədi nak iman-nin as di-iqbal.⁶ Mişan i iqqalan əssəbab n abakkad y iyyan dağ aytedan win sər-i əzzəgzannen, əmosnen zun bararan madrornen, wədi of-as ad itəwəqqən əzəzəd zəwwəran ən təhənt dağ iri-net, itəwəgər dağ ammas n agaraw əmazal wa iga əddi.⁷ Iket alğazab ill-ay y aytedan n əddənət! Əddəlilan aggotnen a t-əllanen tan-sisuginen ibakkadan! Illikan as ad t-əməlan əd-dəlilan win den har faw, mişan iket alğazab ill-ay y awedan wa dasan-d-iqqalan əssəbab!⁸ Kud əfus-nak madex adar-nak a kay-sisuginen ibakkadan, wədi əfrəs-tan-in, təgəraq-qan-in sədi. Id of-ak təggəza aljannat təgeğ əfus, madex təgeğ adar y ad tələğ əşşin fassan, d əşşin daran, tətəwəgəra dər-san dağ Jahannama.⁹ Amaran kud şat-nak a təbukət a dak-təqqəl əssəbab n igi n abakkad, wədi kəkkərət-tat-du, təgəraq-qat-in sədi, id of-ak ad təgeğ şat dağ aljannat, y ad tələğ sanatət şittawen tətəwəgəra dər-əsnat dağ təmsay an Jahannama.»

Əlmital wa n tilay ta təssəggalat

¹⁰ «Ənkədat! Ad wər talkim iyyan dağ aytedan win madrornen di, fəlas silakanax-awan as angalosan-nasan əhən ijənnawan, faw əllan xur Abbanin.¹¹ [Nak Ag Aggadəm oseğ-du gammamayğ aytedan win əxraknen y a tan-əxləsa.»]

¹² «Ma tənnam kawanay y awen? Awak amadan ilən temeday ən tilay, har dağ-asnat təssəggal iyyadda, wəgeğ ad ayyu tazayat təmərwen əd tazayat şin hadatnen ədənnat, təzzar azəl iswəd i ta təsəggalat?¹³ Əggəyyey əsilakanax-awan əs as d-igraw tilay ta n iyyadda en, ogar tədəwit ta z'agu fəl əddəlil-net, i ta z'agu fəl əddəlil ən tazayat təmərwen əd tazayat şin wər nəssəgəl.¹⁴ Əmmək en dağ as abba-nawan ihən ijənnawan, wər ira ad ihlək waliyyan dağ aytedan win madrornen di.»

Awəs danax-iwar igi-net y amadray-nanax igən abakkad

¹⁵ Iqla Xaysa işşewal inna: «As kay-idlam amadray-nak, takkaq-qu dağ adag a dağ təmosam xas-nawan, təsəssagraq-qin lahan-net. Kud za is-səsam-ak itub, wədi zun as amadray-nak a du-tə-grawax a kay-igmâdan.¹⁶ Mişan as ugay s a dak-is-səsam, tiddawa d awedan iyyanda, madex əşşin, təqqələq-qu. Əmmək en dağ as "batu kul ad taknu əqqimnat-as sanatət təgeğyawen madex karadat."¹⁷ Amaran as ugay s ad ilkəm y awal wa das-əgan aytedan win di, təmələğ almasalat tədi y Əlkənisat. As ugay s ad ilkəm y awa das-tənna Əlkənisat, wədi ag-as iduf wa təgeğ y aytedan win wər nəssen Məşşina, madex tagağ-as iduf wa təgeğ y aytedan win zarzamnen takösen.¹⁸ Əggəyyey əsilakanax-awan as arat kul wa təssəxramam dağ əddənət ta, wədi ijənnawan da a dağ-san ixram. Amaran wa təssəxlalam dağ əddənət ta, wədi ijənnawan da a dağ-san ixlal.¹⁹ Əsilakanax-awan dəğ əs as namar-dan əşşin dağ-wan dağ əddənət da da əttaran s es-əm n Abba-nin ihən ijənnawan, wədi arat kul wa dağ-as əgməyan, a dasan-t-akfu.²⁰ Fəlas edağ wa dağ əmmənəyan əşşin, madex karad dağ-wan s es-əm-in, wədi əssənət as əlle gar-essan əddi da.»

Dağ batu ən təsureft: Əlmital wa n əkli wa wər təha təhanint

²¹ Təzzar ihoz-in Butros Xaysa issəstan-tu inn-as: «Əməli, har mənəkət təklaten as di-iwar ad əssurəfa y amadray-nin a di-idlâman? Awak har əssayat təklaten?»²² Inn-as Xaysa: «Wər dak-ənne har əssayat təklaten, kalar a dak-ənne surəf-as əssayat təmərwen ən təklat har əssa.

²³ Əmmək en dağ as Taymar ta n jənnawan, təha əlmital n əmənokəl ad iyrən eklan-net, irâ ad is-səğrəd ərrəzəğan-net.²⁴ As issənta, itawağra-du iyyan dağ eklan en, a xur ila igiman ən gimən ən tafelt.²⁵ Mişan əkli wen wər ifreg ərruzmatan n əzrəf en. Awen dağ a fəl omar məşşis s a din-itəwəzənzə ənta əd taxurəs əd maddanəs d awa ila kul, əqqələn ərruzmatan n ərrəzəğan win xur-əs ila.²⁶ Təzzar ifataqqad əkli en issəjad dat məşşis, inn-as: "Ağ-i təzaydart, məşşi, a dak-ərzəməğ awa xur-i tələğ kul."²⁷ Arat wen eway-du əs məşşis as tu-təggaz təhanint-net. Təzzar issoraf-as awa xur-

nasan ad gannin: «Hënöttöt-anax, Ëmëli, Ag ən-nəbi Dawəd!»³¹ Təsannaryaman-asan tamattay fəl ad affastin, mišan əššotan adakal ən maslan-nasan gannin: «Hënöttöt-anax, Ëmëli, Ag Dawəd!»³² Iz-zəkkat Xaysa, iyr-en, inn-asan: «Mas taram a dawan-t-aga?»³³ Ennan-as: «Ëmëli, asawad-nanax as nara agaraw-net.»³⁴ Təggaz təhanint-nasan Xaysa, idas šittawen-nasan. Amazay wen daɣ a tan-d-iqqal asawad-nasan, təzzar əlkaman-as.

Adan win əlkammen ən Xaysa daɣ Yerusalem

Iguz ən Xaysa Yerusalem imos əmənokal

21 As din-ihoz Xaysa əd nəttulab-net Yerusalem, daɣ ənəmiəaz ən təxrəmt ta n Betfajay, dagma n ədɣax was itawannu wa n "Eškan ən Zaytun", izammazal Xaysa əššin nəttulab,² inn-asan: «Akkiwat təxrəmt ten dat-wan den. Tosəm-tat-in ɣas, tənəyam təjat təqqanat təlât əhulel. Ariwat-tan-du təlwəyam-i-tan-du.³ As dawan-inna awedan arat, tannim-as: "Ëmëli a sər-san iddərarat." Əddi a kawan-ayyu taglim dər-san amazay wen da.»⁴ Arat wa iga fəl ad andu awal wa d-imal Məššina əs tarrayt n ənnəbi as inna:⁵ «*An-niwat y əxrəm wa n Səyon: Ənəy! Əmənokal-nak izây-kay-du. Ikna əsərəs ən man-net. İwân tâjat, əhulel fadda, imosan ara n əmudar a fəl itamaway əzuk.*»

⁶ Əqlan nəttulab əmmoəalan awa as tan-omar Xaysa. ⁷ Əlwayan təjat d əhulel-net i Xaysa. Əd-faran fall-asan isəlsa-nasan, iwan Xaysa əhulel. ⁸ Təgla-du tamattay təgget wəllen ad tətissəw i Xaysa isəlsa-net fəl tarrayt, wiyyad farrasan-du ilədlad tissəwan-as-tan fəl tarrayt. ⁹ Tamattay ta təkamat i Xaysa, əd ta das-təzzarat, təkâl əməsli-net təgannu:

«Ozana!
Təmmal y ahaya n əmənokal Dawəd!
Iga Məššina albaraka daɣ
wa d-osan s esəm n Ëmëli!
Ozana! Təmmal i Məššina
daɣ jənnawan win ədkalnen!»

¹⁰ As d-iggaz Xaysa Yerusalem, aytədan n əxrəm ketnasan nijarwayan gannin: «Ma imos aləs en?»

¹¹ Ad təgannu tamattay: «Adi za ənnəbi Xaysa imosan ag əxrəm ən Nazaret ta n akal ən Galilaya.»

Assa ən Xaysa Ehan wa Zəwwəran n Əlyibada

¹² Iggaz Xaysa aɣalla wa iɣlayan Ehan wa Zəwwəran n Əlyibada. İyrad daɣ-as asatay n aytədan kul win massatagan, harkid win mazan-zan. İsabbanbay təbərən šin fəl sansin kəl sanji izərfa-nasan, isabbanbay dəɣ šisəqqima ən mas-satagan ən tədəbren. ¹³ Təzzar inn-asan: «İktâb as: "*Ehan-in a das-itəwəggu esəm ehan n əlyibada.*" *Kawanay amaran təgâ-tu "əsəlyəs ən bayda-*

gan."»¹⁴ Əhozan-in məddəryal, əd məggudal Xaysa daɣ Ahan wa Zəwwəran n Əlyibada en da, izzozay-tan. ¹⁵ Mišan ənkarat muzaran ən limaman əd musanan n Əttawret əššakan wəllen aratan simaklalen win iga Xaysa den. Əššakan dəɣ şiyaratən šin taggin bararan daɣ Ehan wa Zəwwəran n Əlyibada gannin: «Ozana! Təmmal y ahaya n əmənokal Dawəd!»¹⁶ Awen a fəl ənənən i Xaysa: «Təsâlla y awa gannin da?» Amaran inn-asan Xaysa: «Awalla. Awak təxaray a wər təgem daɣ İlkəttaban batu ta tənnat: "*Kay a d-ewayan əs bararan, əd janyayan a dak-əgin təmmalen!*"»¹⁷ Dəffər awen ifal-tan Xaysa, igmad Yerusalem, edwa təxrəmt ta n Bettanəy inſa daɣ-as.

Alayan ən Xaysa əšək wa n fig

¹⁸ As affaw iqqal-du Yerusalem harwa aɣôra, ifray i gələk daɣ tarrayt. ¹⁹ Inay əšək ən fig immar-t-in mišan wər daɣ-as in-ogez ar ifərkak ɣas. Təzzar inna y əšək wen: "Tammazəxət d igi n aratan har faw daɣ əddənət!" Amazay wen daɣ ad iqqur əšək en. ²⁰ As ənayan nəttulab-net awen, isammaklal sər-san, ad gannin: «Manəmmək as iqqur əšək ən fig wen imi iyyanda?»²¹ Inn-asan Xaysa: «Əg-gəyyey əsilakanax-awan âs as təzzəgzanam, wər təgem a imosan əšək, wərgəx awa əgəx y əšək a ɣas as za təfərgam igi-net. Kalar ad təfərgam ad tannim y adɣax wa: "Əgməd adag di təfətəqqe daɣ agarew", agu dəɣ awen da. ²² Arat kul wa ton-sayam Məššina s əzəgzan, a tu-təgrəwam.»

Əsəstan igân daɣ batu ən tarna ən Xaysa

²³ İkka Xaysa Ehan wa Zəwwəran n Əlyibada, a daɣ-as isasayru. Əhozan-t-in muzaran ən limaman, əd muzaran ən Kəl-Əlyəhud ənənən-as: «Awak ma təmos tarna tas tətaggax aratan win? Ma kay-ikfan tarna ta?»²⁴ Inn-asan Xaysa: «Nak da a dawan-əgax əsəstan iyyanda. As təjjəwwabam y əsəstan-in, a dawan-əmələ da d-əgrəwax tarna n igi n aratan win tagga da. ²⁵ Ənta da əsəstan-in: "Awak əsəlməx wa iga Yaxya aytedan daɣ aman Məššina a xur d-ifal awen meɣ aggadəm?"» Təzzar ad tinəmənən gar-essan: «As nənna: "Məššina a xur d-igraw turagat n awen", a danaɣ-annu: "Mafel za wər sər-əs təzzəgzanam?"»²⁶ As das-nənna amaran: "Aggadəm a xur d-igraw Yaxya tarna ten", wədi a dana-təššək tamattay, fəlas ketnet təkkâs əšək as Yaxya ənəbi a imos.»²⁷ Təzzar ənənən i Xaysa: «Wər nəssen.» Inn-asan Xaysa: «Nak da za wər dawan-z-əmələ wa di-ikfan tarna n igi n aratan win.»

Əlmital wa n bararan win əššin

²⁸ İgla Xaysa işşewal inn-asan: «Ma tənəm s əlqissat ta? Aləs iyyan a ilan əššin bararan. İhoz-in barar-net wa azzaran, inn-as: "Aglu barar-in təşxəla daɣ afarag-nana wa n alyanab azala."»

²⁹ Inn-as barar-net wen: "Wër di-ihä ädi." Mišan ya dëffër awen, immëgraz barar en tugëyt ta iga y abba-net, tëzzar igla ikka afarag-nasan. ³⁰ Ihoz-in alës wen barar-net wa n ësshin igmay dağ-as arat wa igmay dağ wa azzaran. Ig-as barar-net wen al-jawab igân ës saymar, inn-as: "Awalla Abba-nin, ad akkağ afarag-nana!" Mišan iqqim da wër t-ikka.

³¹ Awak ma imos dağ bararan en wa immozalan tara n abba-nasan?» Ennan-as: «Ädi za barar wa azzaran!» Eddi a dasan-inna Xaysa: «Eggëyyey ësilakanax-awan za as, inabazan ën takësen ëd tëkar-waten, da a dawan-izaran ëtëwëqbal dağ Taxmar ta n Mësshina. ³² Enney-awan ädi fëlas Yaxya, osiwän-du, issëkn-iwan awa kawan-iwaran ëmërëdda gar-ewwan ëd Mësshina, mišan wër sër-ës tëz-zëgzanam. Amaran inabazan ën takësen, ëd tëkar-waten, ëzzigzanan sër-ës. Kawänay iman-nawan tënäyam awen, mišan wër sër-wän d-eway tëmëgrist waliyyat n arak mazalan-nawan ëngëm za tëz-zëgzanam sër-ës.»

Elmital wa n magyakan n alyanab

³³ Sësëmät y ëlqissat iyyat tëmosat ëlmital: «Mësshis n ağaywan iyyan a inbalan alyanab dağ amağdal-net, issëğlay-tu afarag, izzëğaz dağ-as tag-dayt ta dağ itawazmu alyanab. Issëkras ogga ihhoken as z'iggâr awedan wa ogazan afarag en. Tëzzar issëğfar afarag-net en i magyakan wiyyad, iëshokal. ³⁴ As du-tahoz tamert ta n ëmilëy n alyanab, izammazal eklan-net ës magyakan win ëğfarnen afarag-net, y a das-d-awëyan adagar-net dağ alyanab. ³⁵ Mišan obazan magyakan win eklan win, ëgan y iyyan dağ-san šiwwit, ëgan iman ën wa hadan, ad ëggaran wa n karad ës tëhun har t-aba. ³⁶ Ilaş mësshis n afarag izammazal sër-san eklan wiyyad ogarnen win den igët, mišan ëgan-asan meddan win ëğfarnen afarag en awa dağ ëgan i win din-izammazal dat awen. ³⁷ Tëzërëst n awen, as sër-san izammazal barar-net, fëlas inna dağ man-net: "Dad zamas barar-in awa immikkan as ad t-ësëğmëran!" ³⁸ Mišan as ënayan magyakan win barar-net namannan gar-essan: "Ënta ëddi amakkasu n afarag. Endawat a tu-nanxu kërëz, ad nëkkusët afarag." ³⁹ Tëzzar obazan-tu, ëkkasan-tu dağ afarag, ënğan-tu kërëz.»

⁴⁰ Inn-asan Xaysa: «Awak as d-osa mësshis n afarag n alyanab wen, ma z'agu i magyakan n alyanab win den?» ⁴¹ Jajjayen aytedan ënnan-as: «As d-osa za, ad iğrëd tenaxay ën maksanan win di, issëğfar afarag-net i magyakan wiyyad a das-du-za-tawaynen tënfa dağ tamert-net.»

⁴² Inn-asan Xaysa: «Awak tëğaray a wër tëgem dağ İlkëttaban as: "Tëhunt ta din-ëgaran makrasan, ënta a tëqqalat tëhunt ta tëkbalat ehan, arat wen Èmëli a d-ifal, amaran isimaklal sër-na"?"

⁴³ «Awen dağ a fëlas ëmälax-awan as Taxmar ta n Mësshina a dağ-wän tattarmas, tëtëwëkfı i tamattay ta dağ-as du-za-tawëyat tënfa. ⁴⁴ Awedan wa

udan fël tëhünt ten, ad addagdag, wa fël tuda dëğ a tu-tëlkëş.»

⁴⁵ As ëslan muzaran ën limaman ëd Farisaytan y ëlmitalan win iga Xaysa den, ëgran as ëntanay a fël immëgrad. ⁴⁶ Ad gammayan ëmmëk was tu-za-sët-tërmësan, mišan ëksudan tamattay, fëlas tëğa i Xaysa iduf n as ënnëbi a imos.

Elmital wa n tëkrëst

22 Ilaş Xaysa ig-asan ëlqissat iyyat tëmosat ëlmital, inn-asan: ² «Taxmar ta n jënnawan, tëha ëlmital n ëmënokal iyyan isassagan saksas dağ tëkrëst ën barar-net. ³ Izammazal eklan-net y ad ëmëlan y aytedan win as ira a d-ëggëzan saksas wen, mišan uğayan s a d-asin. ⁴ Ilaş ëzëmmizël n eklan-net wiyyad y ad annin y aytedan win den: "Nak sammatagax imëğura-nin, ëgzamağ izëgran-in, ëd haran-in win ëddëratnen, arat kul immotag ëmërëdda, ağliwat-du amaran ad nassantu saksas." ⁵ Mišan ëğmadan batu-net, wiyyad ëkkan ši-wëgas-nasan, wiyyad ëkkan idaggan win dağ satagan, ⁶ tëzzar obazan win hadatnen inammazalan win den, ëgan-asan tarëshëşad, ënğan-tan kërëz. ⁷ Iggaz alham labasan ëmënokal, issëğla sojitan-net, ëğradan tenaxay ën maggan ën man win den, ëğradan ësëqqëd n ëğrëm-nasan ketnet.»

⁸ «Tëzzar inna y eklan-net: "Imutag za win saksas ëğân, mišan meddan win den, wër ëhoran ëd mëğura win. ⁹ Dağ ädi, ağliwat takkim idaggan win dağ ëmmënaynat tarrayen, taxrim-du aytedan kul win tënayan, a d-akkin saksas." ¹⁰ Tëzzar ëğlan eklan win den, ëğran-du aytedan kul win ënayan, gër za win olaynen, wala win ëmosnen imaksanan, har iğrad adag wa n saksas en adanay n aytedan. ¹¹ Iğla-du ëmënokal y ad inëğ ëljëmëyat ta du-tëd-dewat den i tëkrëst. Inay dağ meddan win ëllanen den iyyan wër nëlsa tabdoğ tas ihor a du-tëtëwëqqën ës tëkrëst. ¹² Inn-as ëmënokal: "Obaz, kay ak mas du-tëggazax edag a wër tëqqëna tabdoğ tas ihor a du-tëtëwëqqën ës tëkrëst?" Wër du-tëgmed tefert waliyyat imi n alës wen. ¹³ Den dağ ad inna ëmënokal i maşşaxalan-net: "Abëzat-tu, tëğrëdam kerrad ën daran-net ëd fassan-net, tëğëram-t-in sëdi dağ šiyyay, dağ adag wa dağ hallin aytedan, ëddâdan idëdwan-nasan fël tëmëgraz."» ¹⁴ Inna Xaysa: «Aytedan aggotnen a dutawayranen, mišan wër dağ-san ëggëtän win tawasanafarnen.»

Arazam n amana i Qaysara

¹⁵ Dëffër awen maşawwaran Farisaytan, ad gammayan ëmmëk as ëgan i Xaysa taftaw, ërân a tu-sëssugin batu a tu-za-tagit dağ çunan. ¹⁶ Zammazalan-du arat dağ nalkiman-nasan, d aytedan wiyyad ëwarnen aganna n ëmënokal Herod y ad annin i Xaysa: «Èşşëx, nëssân as ëmëggi ën tidët a tëmosa, amaran tësasaxra ës tidët awas dana-iwar

taddanen daɣ adag iyyanda, ad tammadkal iyyat, tətəwəyyad-du ta hadat.»

Elmital wa n mæššis n aɣaywan d abaydag

⁴² Inn-asan: «Daɣ adi ənəkədat, fəlas wər təsse-nam əzəl wa daɣ du-z-asu Əməli-nawan. ⁴³ Təssâ-nam wəllen âs ənnar issân mæššis n aɣaywan amazay wa daɣ du-z-idəl abaydag, ahad wədi ad akəy isəmmutəg y a das-igdəl terazay n ahan-net. ⁴⁴ Awen daɣ a fəlas kawanay da, səmmutəgat, fəlas nak Ag Aggadəm, a d-asa daɣ assaɣat ta wər tor-dem.»

Elmital wa n əkli wa olaxan əd wa wər noley

⁴⁵ Iгла Ҷайса ишсəwal inn-asan: «Daɣ adi akli iɣdalan, ilân əgərri, ənta a isannafran mæššis iz-zuzər-tu y eklan-net win hadatnen y a tan-ihakku imensewan daɣ alwaq was ihor. ⁴⁶ Ibbilal əkli wen, as d-iqqal mæššis, ogaz-t-id iha əššəɣəl wa daq q-id-oyya den. ⁴⁷ Eggəyyeɣ əsilakanay-awan as akli wen, ad t-izzuzər mæššis i təla-net kul. ⁴⁸ Mišan ənnar imos ark əkli, inna daɣ man-net: "Məšši illolat-in," ⁴⁹ təzzar ad iggat imidawan-net, idarraw d aytedan win tamaswadnen, itinəməšəw dər-san es-mad, ⁵⁰ wədi ilkâm a t-id-iɣdər mæššis daɣ əzəl d amazay wər orda. ⁵¹ Təzzar ad t-iggât mæššis har t-iksən, ag-ay dad tawaggin əlmunafiqan. Den da ad əllan aytedan win hallinen əddadan idədwan-nasan fəl təmagraz.»

Elmital wa n marawat təmawaden wər nəzday meddan

25 Iгла Ҷайса ишсəwal i nəttulab-net, inn-asan: «Əzəl wədi assa ən Taɣmar ta n jənnawan, ad iggəz əlmital ən marawat təmawaden wər nəz-day meddan, ədkalnen ibelan-nasnat əzəl ən təkrəst, əssəlkadnat y amazlay. ² Səmmosat daɣ-asnat za wər əlenat tayttay, səmmosat amaran əlânat-tat. ³ Šin wər nəla tayttay za, as ədkalnat ibelan-nasnat, wər ewaynat widi wa n əsəryi-nasan. ⁴ Šin əlanan tayttay amaran, as ədkalnat ibelan-nasnat, ewaynat šitəkan iha widi wa n əsəryi-nasan. ⁵ Illolat-in amazlay, har as obaz-tanat etəs ketnasnat. ⁶ As iga adawannay, təga-du təɣərıt, itawanna: "Amazlay əddi, ərdəɣat-du səl-kədat-as!" ⁷ Təzzar ənkarat-du təmawaden šin marawat en ketnasnat, sammatagnat ibelan-nasnat. ⁸ Ənnanat šin wər nəla tayttay i šin hadatnen: "Ibelan-nana əggazan šin təmattant, akfimat-anadu daɣ widi." ⁹ Ənnanat-asnat šin əlanan tayttay: "Kala, widi-nana wər danay-ewed dər-əkmat. Agli-mat akkimat imassatagan ən widi tazanzimat-du widi i belan-nakmat." ¹⁰ As əglatan y a d-azzanzinat widi, osa-du əmazlay, əggaznat fall-as səmmosat təmawaden šin sammatagnen edag wa daɣ itaggu saksas, tətawahar-du təsəhərt n ahan. ¹¹ Dəffər awen, ewadnat-du təmawaden šin hadatnen, ad

səɣaratnat y amazlay, ganninat-as: "Mandam! Mandam! Aləm-ana!" ¹² Təzzar inn-asnat amazlay: "Əggəyyeɣ əsilakanay as wər kamət-əzdayay."» ¹³ Iгла Ҷайса ишсəwal inn-asan: «Daɣ adi ənəkədat, fəlas wərmad təssânam əzəl, za wala assaɣat ta du-z-asa.»

Elmital wa n təsəgras n urəɣ

¹⁴ «Batu ta təqqalat Taɣmar ta n jənnawan, təha əlmital n aləs išakalan. Iɣra-du eklan-net, a tan-isaɣlaf ərrəzəɣan-net. ¹⁵ Ikfa iyyan daɣ-san səmmosat təsəgras ən dinaran n urəɣ, ikfa wa hadan sanatat, ikfa iyyadda y əkli wa n karad, a daɣ ewal awen əs da du-təqqal fərregat-nasan, amaran išşokal. ¹⁶ Tarmad as igla wa issəɣlaf səmmosat təsəgras, išşəɣal urəɣ wen, igraw-du fall-as səmmosat təsəgras šiyad ən dinaran. ¹⁷ Wa issəɣlaf sanatat dəɣ igla, išɣal, igraw-du fall-asnat sanatat šiyad. ¹⁸ Wa wər nəgrew ar təsəgrəst iyyadda, igla iga anu daɣ amaɣal inbal daɣ-as təsəgrəst ta iɣlaf den.

¹⁹ As təga tərut dəffər awen, osa-du mæššissan, ad isaɣrad ərrəzəɣan win tan-issəɣlaf. ²⁰ Ibdad-du wa issəɣlaf səmmosat təsəgras, eway-du səmmosat šin fall-asnat d iššota. Inn-as: "Məšši, səmmosat təsəgras a di-təssəɣlafa, amaran əgrawa-du fall-asnat səmmosat šiyad. Əntanatay da." ²¹ Inn-as mæššis: "Alafəyet! Illikan as akli olâɣan a təmosa, təmosay dəɣ awedan ən təfləst. Təssiknay adi daɣ arat wər nəggət. Dəffər awa a kay-əssəɣləfay a aggen. Iyyaw taga təfalawist ta əgəɣ nak an mæšşik!"»

²² «Wa issəɣlaf sanatat təsəgras dəɣ ibdad-du, inna: "Məšši, sanatat təsəgras a di-təssəɣlafa, amaran əgrawa-du fall-asnat sanatat šiyad. Əntanatay da." ²³ Inn-as mæššis: "Alafəyet! Illikan as akli olâɣan a təmosa, təmosay dəɣ awedan ən təfləst. Təssiknay adi daɣ arat wər nəggət. Dəffər awa a kay-əssəɣləfay a aggen. Iyyaw taga təfalawist ta əgəɣ nak an mæšşik!"»

²⁴ «Dəffər awen amaran, ibdad-du wa issəɣlaf təsəgrəst iyyadda, inna: "Məšši, əssânay as aləs labasan a təmosa, tətalaya-du ɣarat daɣ adag a daɣ wər tən-bela, tətalaya-du dəɣ tənfa daɣ adag a daɣ wər tənbesay amasa waliyyan. ²⁵ Adi da fəl di-təggaz tasa-nak, əgley ənbala təsəgrəst ta di-təssəɣlafa. Əmərədda ənta da." ²⁶ Inn-as mæššis: "Kay arak əkli a təmosa, təmosa dəɣ anaffarašşay! Dad zamas təssânay as ətälaya-du ɣarat daɣ adag a daɣ wər ənbela, ətalaya-du dəɣ tənfa daɣ adag a daɣ wər ənbəsəy amasa waliyyan, ²⁷ wədi, ənnâr di təssinsay azrəf-in daɣ bank, as du-z-əqqələy əgrâwa-du fall-as tətəyt, ətkəlaq-q-idu." ²⁸ Inna mæššis: "Daɣ adi abəzat-du daɣ-as təsəgrəst tədi, takfim-tat i wa ilan marawat. ²⁹ Fəlas awedan kul wa ilan, wədi a das-itəwəšitu awa ila, annafly, amaran wa wər nəla, arat n arat wa ila da, a daɣ-as attarmas. ³⁰ Akli amaran wa wər nənfə wala,

iyyan daγ-wan a di-z-agin daγ fassan.»²² Batu ten, teway-du sər-san as eγšadan man-nasan wəllen, a das-igannu akkiyyan daγ-san: «Eməli, əngəm wərgəγ nak a kay-z-agin daγ fassan?»²³ Itajawwab-asan, igann-asan: «Wa di-z-agin daγ fassan, ədrawa dər-əs da da daγ eγəzu iyyanda.²⁴ Tidət as nak Ag Aggadəm a di-iba s əmmək wa əmalan Elkəttaban daγ batu-nin. Mišan ya, iket alyazab ad t-agu wa di-igan nak Ag Aggadəm daγ fassan! Awedan wədi, a das-afu fadda a du-wəriggez əddənet.»²⁵ Təzzar iššewal Yahuza s ənta a tu-z-agin daγ fassan, inn-as: «Əngəm wərgəγ nak as təgannaγ əddi, Əššəx?» Inn-as Ƴaysa: «Kay iman-nak as tənneγ adi.»

Tadrəwt ta təlkatam iga Ƴaysa əd nəttulab-net

²⁶ Amazay wen daγ a daγ tattin den, a daγ d-idkal Ƴaysa tagəlla, iga igodan i Məššina, irza tagəlla ten, izun-tat i nəttulab-net, inn-asan: «Atšiwat da. Taγəssa-nin adi.»²⁷ Dəffər awen, idkal-du tək-abart, iga igodan i Məššina, ikf-asan-tat, inn-asan: «Ašwat daγ-as ketnawan,²⁸ fəlas azni-nin adi, isitaddan azni wa n arkawal ən tassaγ gər Məššina əd tamattay-net. Azni wa ad inxəl fəl ad əgrəwan aytedan aggotnen təsureft ən bakkadan-nasan.²⁹ Əsilakanay-awan as a obazan Ƴur əmərədda wər z'ələsa tessay n esmad n alyanab wa, iket wər dewed əzəl wa daγ z'ašwa wa aynayan nak dər-wan daγ Taγmar ta n Abba-nin.»³⁰ Təzzar əssəggadan daγ təmmalen a d-əgmadden Azzabur, as tanat-əγradan, əkkan adɣay wa n Eškan ən Zaytun.

Emel ən Ƴaysa ətəwəyya-net d ətəwənkə-net

³¹ Əhən tarrayt den da as dasan-inna Ƴaysa: «Ahad ada, ketnawan as dawan-z-əqqələγ əssəbab n ad iwəliwəl əzəγzan-nawan, fəlas ənnan Elkəttaban: "Ad əwətaγ amadan, iba-tu, təzzar wəziwəznat ayfad-net."»³² Mišan dəffər ətəwəsənkə-net-in daγ təməttant, a dawan-in-izaray s akal wa n Galilaya, əqqələγ-awan daγ-as.»³³ Iššewal Butros, inn-as: «Kud iwəlawəl əzəγzan-nasan ketnasan daγ batu-nak, da wa-nin wər ilkem ad iwəlawəl.»³⁴ Inn-as Ƴaysa: «Əggəyyeγ silakanay-ak as ahad ada, as z'aγru əkəji aγora, təggədaγ-i har karadat təklat-en.»³⁵ Inn-as Butros: «Kud iqqal as ətəwənyə kərəz a za nugu nak dər-ək, da wər kay-z-əggəda.» Ənnan nəttulab ketnasan awen da.

Təwatray ən Ƴaysa daγ Gatsemanay

³⁶ Ewad dər-san Ƴaysa afarag n eškan ən zaytun as itawannu Gatsemanay, inn-asan: «Qamiwat əddi da, ad akkaγ edag en, ad aga šiwatriwen.»³⁷ Iz-zənkəz fall-asan Ƴaysa, iddew əd Butros, d əššin meddan ən maddanəs ən Zabadaγ, təzzar əssəntan man-net aγšud, iššəwaš.³⁸ Den daγ a dasan-inna: «Awa əgan man-in daγ aγšud, əbukay a di-aba. Ad wər təfəlam da, ad nakəy nak dər-wan.»³⁹ Təzzar

iga fall-asan arat n əzənkəz, issəjad, ittar, inna: «Abba-nin, kud immikkan adi təssəgəgəγ-i tək-abart ta n alyazab di! Dər iga awen da ya, wərgəγ awa areγ nak a itaggin, kalar awa tareγ kay a z'agin.»⁴⁰ Dəffər awen iqqal-du Ƴaysa inəttulab-net win karad en, os-en-du ənsən. Inna i Butros: «Daγ adi indar-awan ad tagim alwaq iyyanda tokəyam nak dər-wan!»⁴¹ Akəyat, tansəyam Məššina a kawan-oggazan daγ jarrabatan n Iblis. Tidət as əññəyat n aggadəm təsidaran igi n awa olayən, mišan igdal-as rəkkəm ən təγəssa-net awen.»⁴² İlas əzənkəz fall-asan, ad itaggu šiwatriwen, inna: «Ya Abba-nin, kud wər t-illa əmmək as di-təγlay təkabart ta n alyazab di, kud ilzəm-i a tat-ašwa, wədi tagiwet tara-nak!»⁴³ İlas iqqal-in inəttulab-net win karad, ogaz-tan-in əqqələn etəs, fəlas awa dasan-iga etəs daγ iguz ab-as əfragen arra ən šit-tawen-nasan.⁴⁴ İlas ifal-tan, ikka den, iga təwatray-net ta n karadat, a daγ inna arat wa inna dat awen.⁴⁵ Dəffər awen iqqal-du inəttulab-net, inn-asan: «Kawanay harwa da tənsəm, təsanfım! Ənəyat! Alwaq ihoz-du wa daγ za təwəgga daγ fassan ən nasbakkadan nak Ag Aggadəm.⁴⁶ Ənkərat-in əndawat! Ənəyat! Wa di-z-agin daγ fassan, ewad-du.»

Ətərməs ən Ƴaysa

⁴⁷ Iššewal harwa da, as d-ewad Yahuza, imosan iyyan daγ nəttulab-net win maraw d əššin, iddew əd təmmattay tagget a d-əssiglan muzaran ən limaman əd muzaran ən Kəl-Əlyəhud. Tamattay ten tewəy šikabiwen əd təburəgen.⁴⁸ Wa tu-z-agin daγ fassan, iməl-asan alyalamat tas z'itəwəssən, inn-asan: «Wa zalamme daγ meddan en, əssənət as ənta, tabəzam-tu.»⁴⁹ Osa-du Yahuza Ƴas, ihoz-in Ƴaysa, inn-as: «Ma təxlakay Əššəx?» Təzzar iza-lammat-tu.⁵⁰ Inn-as Ƴaysa: «Əmidi-nin, arat wa kay d-ewayan, ag-ay.» Təzzar ewadan-du, obazan Ƴaysa.⁵¹ Amazay wen da a daγ d-ilbay iyyan daγ nəttulab ən Ƴaysa takoba-net, iwət sər-əs akli n Əlimam wa Zəwwəran, ifras-du təməzzuk-net.⁵² Təzzar inn-as Ƴaysa: «Suğəl takoba-nak tətərut, fəlas aytedan kul win šaqqalnen əs takoba, takoba as z'ammatin.⁵³ Wər tordeγ as əfrəgəγ ad əgməya tilalt daγ abba-nin assagl-i-du əmərədda a ogaran maraw gənan n angalosan d əššin?»⁵⁴ Mišan as iga adi, mas z'andu awa ənnan Elkəttaban, a əmalnen as awa kul ilzəm ad andu s əmmək wa da?»⁵⁵ Təzzar inna Ƴaysa i tamattay: «Mafel tosam-i-du tewəyam šikabiwen, əd təburəgen y a di-tabəzam, zun as təgməyam əjajəb iyyan n abaydag? Nak wərgəγ əzəl kul niyama dər-wan daγ Ahan wa Zəwwəran n Əlyibada, sasayra daγ-as, amaran wər di-tobezam.⁵⁶ Mišan əssənət as awa igan da ketnet iga fəl ad andu awa ənnan Elkəttaban.» Den daγ a t-əfalan nəttulab-net ketnasan, əddəggagan.

Etəwəgga ən Xaysa dağ əzəkka

⁵⁷ Ill-ay aləs n əməgğergəs igân esəm Yusəf, n əxřəm n Arimatay, imosan iyyan dağ məzzəgzan əs Xaysa. Osa-du xur aqadal ən təfuk, ⁵⁸ ikka Bilatəs, igmay dağ-as tağəssa ən Xaysa. Təzzar omar Bilatəs s ad itəwəyyu Yusəf awəy tağəssa ən Xaysa. ⁵⁹ Idkal Yusəf tağəssa ten, ig-et dağ šifit təhossayat. ⁶⁰ Eway-tat, issəns-et dağ əzəkka aynayan imosan akazam isisaga i man-net. Təzzar isaxğararad-du təhünt zəwwərat, ihar sər-əs imi n əzəkka, igla. ⁶¹ Təlla Maryama Madəl den, əd Maryama ta hadat, əqqimnat dağ tənəmiwəla n əzəkka wen.

Etəwigaz n əzəkka

⁶² As iga əzəl wa dəffər awen, imosan əzəl wa dəffər əsəmmütəg n əzəl wa n təsənfawt ən Kəl-Elyəhud, əglan muzaran ən limaman, əd Fərisaytan, əkkan Bilatəs, ⁶³ ənnan-as: «Ya əmuzar, nəkit-təw as anasbahu en harwa da iddar ad inna y aytedan: "Dəffər karad adan a du-təwəsankara dağ təmattant." ⁶⁴ Dağ adi amər s ad itəwigəz əzəkka wen har əzəl wa n karad, fəl a du-wər-əsin nalkiman-net akəran tağəssa-net, ad gənnin y aytedan: "Itawasankar-du dağ təmattant." Bahu wa, as iga, ad agər wa azzaran.» ⁶⁵ Inn-əsan Bilatəs: «Ənta əd-di da! Idawat əd təsəgərt ən sojitan, təzəzzigəzəmtan əzəkka əs təməwit tas təram.» ⁶⁶ Təzzar əkkan əzəkka, əxfalan-tu əğradan əzəzzəwi wəllən i təhünt ta tu-təharat, zəzəgazan-tu i sojitan wen den.

Tanakra ən Xaysa dağ təmattant

Əzəkka wər tu-təha tağəssa ən Xaysa

28 Dəffər as okay əzəl wa n təsənfawt ən Kəl-Elyəhud, affaw ağora n alxad, təgla Maryama Madəl, əd Maryama ta hadat, y a d-ənəynat əzəkka. ² Ihin-in amađal iga ənəgəynəgəy issohen fəlas iyyan dağ angalosan n Əməli a d-izzabbe dağ jənnawan, ihoz-in əzəkka, isaxğararad təhünt zəwwərat ta tu-təharat, iqqim fall-as. ³ İla əzzahir a n əssam, təga tabdoq-net təməllay təsiraqqet. ⁴ Təga taysəst dağ sojitan win ogaznen əzəkka, fəl awa dasan-təga tasa dağ iguz, zun tan-əgmədan man. ⁵ İşşewal angalos, inna i tədoden šin din-osanən əzəkka wen: «Kamatay a kamət-wər-təgğəz tasa, fəlas əssanax as Xaysa as təsəgğadmat wa itawataytayan fəl təgəttawt. ⁶ Wər illa da, fəlas itawasankar-du dağ təmattant s əmmək was imal awen. Aqlimat-du ad tənəymat edag was kala a

dağ-as tənəsa tağəssa-net, ⁷ taglimat tarmad təməlməmat i nəttulab-net as itawasankar-du dağ təmattant. Azzar-əsan-in əs Galilaya. Den da a tu-zatənəyam. Adi da as are a dakmat-t-anna.»

Əmənəy ən tədoden əd Xaysa dəffər tanakra-net

⁸ Əfalnat əzəkka tarmad, təh-ənat tasa, mişan ya əfilawasnat wəllən, ozalnat əganat isalan i nəttulab-net. ⁹ Əglānat den da, as əmmənəynat əd Xaysa, inn-əsnat: «Ma təxlakmat.» Əhoznat-t-in, gabarratnat idaran-net, əssəjadnat-as. ¹⁰ Təzzar inn-əsnat Xaysa: «A kamət-wər-təgğəz tasa! Aqlimat tannimat i mədrayan-in, ad akkin Galilaya. Den dağ a di-z-ənəyan.»

Arat was ənnan sojitan ənəyan-tu əd tanat ta əgan muzaran ən Kəl-Elyəhud

¹¹ Harwada əhānat tarrayt, as d-ewadan arat dağ sojitan win ogaznen əzəkka ağřəm, əssoğalan i muzaran ən limaman awa igan ketnet. ¹² Təzzar əmmənəyan muzaran ən limaman, əd muzaran ən Kəl-Elyəhud, əgan šinaden, əkfən sojitan win azrəf aggen. ¹³ Ənnan-əsan: «Anniwat: "Inəttulab-net a d-osanen ehad, nənsa, okaran tağəssa-net." ¹⁴ As isla ənaxkim Bilatəs arat wa, a tu-nəsəssagru awa imos, taqqamim da wər kawan-igrew wala.» ¹⁵ Ədkalan sojitan azrəf, əmmožalan s arat wa dasan-itawannan den. Əlqissat ta tawazawaz dağ Kəl-Elyəhud, amaran har azalada suğulan-tat.

Əlməsix əd nəttulab-net dəffər tanakra-net dağ təmattant

Ənəməğraw ən Xaysa əd nəttulab-net win maraw d iyyan dağ Galilaya

¹⁶ Əglan nəttulab win maraw d iyyan, əkkan Galilaya, əgğəzzayan adax wa dər tan-isannamawal Xaysa. ¹⁷ As ənəyan Xaysa, əssəjadan-as. Mişan wiyyad dağ-san əgan dağ-as ašşak.

Awa issəwar Xaysa inəttulab-net

¹⁸ Təzzar ihoz-tan-in Xaysa, işşewal-əsan, inna: «Tiwakfa tağmar kul dağ jənnawan, tiwakfaq-qat dəx fəl amađal: ¹⁹ Dağ adi aqliwat, takkim šimattiwən kul n əddənet tagim-tanat inalkiman-in. Salməxət-tan dağ aman s esəm n Abba, əd Barar, d İnfəs wa Zəddigan. ²⁰ Sassaxriwat-tan ləkkum y aratan kul win as kawan-omara. Nak amaran əssənat as əlle xur-wan faw, har əğrud n əddənet.»

Markus

Æsæmmutæg y æššøxæl ən Ʒaysa

Isalan win iga ænnəbi Yaxya

1 Ænta da tæsəntit n Ælinjil ən Ʒaysa Ælməsix, Barar ən Məššina. ² Ænta en da a fəl inna ən-nəbi Isayas daƷ əlkəttab-net: «*Ænəy za a dat-ək as-saglaƷ anammazul-in a z'aknin tarrayt-nak.*³ *Idkāl əməsli-net daƷ əsuf igannu: "Sæmmutəgat abaraqqa y Æməli! TəsəssiƷədam tarrayen dat-əs!"*»

⁴ Adi da a fəl d-osa Yaxya, iggaz əsuf ad itaggu y aytedan təlxtutbat, igann-asan ad təwəsəlməƷan daƷ aman imos awen arat issiknan tətubt-nasan, fəl ad əgrəwan təsurreft ən bakkadan-nasan. ⁵ A t-in-tasin aytedan aggotnen a din-gammadnen akal ketnet wa n Yahudəyya d aytedan kul n əƷrəm wa n Yerusalem. Ætutaban daƷ bakkadan-nasan dat tamattay, isalmaƷ-qan daƷ aman daƷ agarew was itawannu Yordan.

⁶ As itaggu awen izlāƷ Yaxya asalsaw igān s an-zadan n əmnəs, otāb s əsatəb n agašək. Iddār s əjwalan əd turawat. ⁷ Itaggu təlxtutbat, igannu i tamattay:

"A dəffər-i d-asu aləs
s awa di-iga daƷ šigrat,
wər eweda wala enez

y ad ara i suƷan ən Ʒateman-net.

⁸ Nak, aman a daƷ-qawan salmaƷa,
mišan ənta Infas Wə Zəddigan
a daƷ-qawan z'issəlməƷ."

ÆtəwəsəlməƷ ən Ʒaysa daƷ aman d ətəwəjərrab-net

⁹ Adan en da a daƷ d-osa Ʒaysa, igmād-du Nazaret təmosat təƷrəmt təhāt akal ən Galilaya. Ikka edag wa daƷ isalmaƷ Yaxya aytedan daƷ agarew wa n Yordan, issəlməƷ-qu Yaxya. ¹⁰ Igmad-du Ʒaysa aman Ʒas ogga ijənnawan as ənnolaman, izzəbbat-du fall-as Infas wa Zəddigan, iha šaššəlan ən tədabert. ¹¹ Igmad-du əməsli ijənnawan, inna: «Kay a imosan Barar-in əkneƷ tara, təssinda-du agna-nin.»

¹² Tamazayt tenda a daƷ issoka Infas wa Zəddigan Ʒaysa taneray. ¹³ Iga daƷ-as əkkozat təmərwen n əzəl, itajarrab-tu Iblis. Itinəmərzig əd wəxsan, əssānan daƷ-as angalosan.

Æššøxæl ən Ʒaysa daƷ akal ən Galilaya əd ƷələƷƷələyan-net

Iguz ən Ʒaysa akal ən Galilaya

¹⁴ Dəffər ətərməs ən Yaxya wa isalmaƷan aytedan daƷ aman, ad ikka Ʒaysa akal ən Galilaya, a daƷ-as immal əmazal wa d-ifalan Məššina. ¹⁵ Igannu i tamattay: "Təmastant tənda, TəƷmar ta n Məššina təhōz. Utabat, təzzəƷzənam s Ælinjil."

Inəttulab win azzarnen ən Ʒaysa

¹⁶ Æzəl iyyan illil Ʒaysa tagadamayt n agaraw wa n Galilaya as ogga SimƷon d amadray-net An-drawəs, fattawan daƷ agaraw sangaytan-nasan win as tabazan kifitan, fəlas inabazan ən kifitan a əmosan. ¹⁷ Inn-asan Ʒaysa: "Əlkəmat-i, a kawan-aga meddan sər-i du-za-tawaynen aytedan y a tan-assafsa daƷ bakkadan-nasan." ¹⁸ Oyyan sangaytan-nasan daƷ tamazayt ten da, əlkaman-as. ¹⁹ Iga Ʒaysa y adag en arat n akkay, inay YaƷub d amadray-net Yaxya win maddanəs ən Zabaday, ən-tanay da əhān əƷlal n aman; kannin sangaytan-nasan win as tabazan kifitan. ²⁰ IƷr-en-du daƷ amazay wen da. Oyyan abba-nasan Zabaday əd maššəƷalan-net daƷ əƷlal, əlkaman i Ʒaysa.

ÆsəssəƷri ən Ʒaysa daƷ Kafarnahum

²¹ Ikka Ʒaysa əd nəttulab-net təƷrəmt təƷāt Kafarnahum. Ewad-du əzəl wa n təsənfawt Ʒas, iggaz Ʒaysa ehan n əƷibada ən Kəl-Əlyəhud, a daƷ-as isasəƷru. ²² Isammaklāl əs tamattay əmmək was itaggu əsəssəƷri-net, fəlas ig-asan əsəssəƷri n awedan ilān tanaya wər əlen musanan n Ættawret. ²³ Wala a ihogan idkal aləs iyyan iha aggəsuf əməsli-net daƷ ahan n əƷibada ad igannu: ²⁴ "Ma daƷ-na tareƷ, Ʒaysa wa n Nazaret? Ængəm assa a du-təƷəƷ y a danəƷ-təhləka? ÆssānaƷ awa təmosa: Kay a imosan Æmizdag wa d-izammazal Məššina". ²⁵ Iharaššat-tu Ʒaysa, inn-as: "Fəstu, təgmədəƷ aləs di!" ²⁶ Təzzar izazzakarkar aggəsuf aləs en, izyak, igmad-tu. ²⁷ Əhagan aytedan ketnasan ad tinəmənnin Ʒər-essan: "Ma imos awa? Ma təmos masnat ta wər nəzday a, təddewat əd tanaya! Awedan wa, wala kələsuf əttāfan tənna-net". ²⁸ Tar-mad as təwazawaz sallat ən Ʒaysa daƷ Galilaya ketnet.

d alfawaxiŝ as wər ifreg Məŝšina a t-issurəf y awedan ²⁹ ar alfawaxiŝ imosan ikus ən tarna y Infas wa Zəddigan, fəlas abakkad adi iɣallalan fəl awedan.» ³⁰ Batu ta ig-asan-tat ʕaysa fəlas tənna a taggin: «Ih-ay aggəsuf.»

Anna əd mədrayan ən ʕaysa win tidət

³¹ Tosa-du anna ən ʕaysa əd mədrayan-net, əb-dadan dat əmi n ahan, zammazalan sər-əs awedan y a dasan-t-id-aɣru. ³² Təqqim tamattay tagget ɣur ʕaysa, təɣilayɣalay-tu as das-itawanna: «Təbdād-ak anna-nak əd mədrayan-nak dat ahan, sastanan dər-ək.» ³³ Inna ʕaysa: «Ma imosan za anna-nin, ma imosan imədrayan-in?» ³⁴ Təzzar issələl asawad-net tamattay ta ɣur-əs təqqimat da təɣilayɣalay-tu, inna: «Əntanay da da anna-nin əd mədrayan-in, ³⁵ fəlas awedan kul wa itamazalan tara ən Məŝšina, ənta a imosan amadray-nin, madəɣ təmadrayt-in, madəɣ anna-nin.»

Igi ən ʕaysa əlmitalan aggotnen əmmigraden ən Taɣmar ta n Məŝšina

Əlmital wa n əmagyak

4 Ilas ʕaysa tewaxlay ən təgadamayt n agaraw wa n Galilaya, ad isasaɣru aytedan. Təddew-du fall-as tamattay tagget, har as iggaz aɣlal n aman a d-ihân imi n agaraw da da, iqqim daɣ-as. Tamattay amaran ketnet təqqim-du təbdād daɣ əsəlim n agaraw. ² A tat-isasaɣru aratan aggotnen s əlmitalan. Inn-asan daɣ əsəssəɣri-net: ³ «Səsəmat! Əmagyak iyyan a iglan y ad inbəl tawagost-net. ⁴ Daɣ anabal wa itaggu den imosan anabas n amasa, ertaknat təblalen ſiyyad fəl tama ən tar-rayt, osan-du gəɖad ətšan-tanat. ⁵ ertaknat ſiyyad daɣ amaɖal əhanat təhun. Idwal-du amasa wen tar-mad fəlas wər illa daw-əs amaɖal aggen daɣ əqlan kewan, ⁶ mišan as təggəzzay təfuk, illəsway, iqqur fəlas wər iha amaɖal a daɣ in z’ugagan kewan-net. ⁷ ſiyyad ertaknat daɣ təfəssaɣ. Ədwalnat təfəssaɣ ſin, əlmaznat amasa wa d-idwalan den, igdal-asnat awen ara. ⁸ Mišan ya arat daɣ təblalen en irtak daɣ amaɖal olaɣan. Igmədu, idwal, iga ſiɣaɣanen. ſiɣaɣanen-net ſiyyad akkiyyat əhanat-tat karadat təmərwən ən təblalt. ſiyyad sədisat təmərwən, ſiyyad temeday.» ⁹ Dəffər awen inn-asan ʕaysa: «Wa isallin, issəsəmet.»

Əssiran win əqqalnen Taɣmar ta n Məŝšina

¹⁰ As təfal tamattay ʕaysa, ənkarən-du nəttulabnet win maraw d əſſin d aytedan wiyyad a dər-əs tidawnen, əssəstanən-tu d almaɣna n əlmitalan win itaggu. ¹¹ Inn-asan: «Kawanay təgrāwam masnat daɣ əssiran ən Taɣmar ta n Məŝšina, mišan aytedan win hadatnen arat kul tangalen as dasan-itamat. ¹² *Adi a d-ewayan as əswādan, mišan wər hənnəyan, əssisaman, mišan wər gərrin. Id ənnar*

wər iga adi, utaban, təwəsurəfan-asan bakkadan-nasan.»

Almaɣna n əlmital wa n əmagyak

¹³ Inn-asan dəɣ: «Awak əgərri a wər təgem wa daɣ əlmital? Daɣ adi manəmmək as za tagrim əlmitalan win hadatnen? ¹⁴ Əmagyak wa n ihogan, əlmital a imos n awedan immalan awal ən Məŝšina y aytedan. ¹⁵ Amasa wa irtakan fəl tama ən tar-rayt, əlmital a imos n aytedan win əslanen y awal ən Məŝšina mišan a d-asu Aſſaytan den da ikkəs-tu daɣ wallan-nasan. ¹⁶ Amasa wa irtakan daɣ amaɖal əhanat təhun, əlmital a imos n aytedan win as, as əslan y awal ən Məŝšina ad t-əqbalan əddi da əs man filawasnen, ¹⁷ mišan wər ila awen ekay. Aytedan win wər əmosan ar məssawəsan ən təmazayen. Igda ɣas a tu-təməl təssust, madəɣ tədəguzt təgāt fəl əddəlil n Awal ən Məŝšina, ad ayyin əzəgzan əddi da. ¹⁸ Amasa wa irtakan daɣ təfəssaɣ, əlmital a imos n aytedan win əslanen y Awal ən Məŝšina, ¹⁹ mišan aſſawaſatan n əddənət, d adakal wa təga təgərgist n əddənət taytwnenasan, d ark deranan wiyyad aggotnen, əssəfalan-du dənnəg Awal wen, igdal-as awen a d-awəy tənfa. ²⁰ Amasa wa irtakan amaran daɣ amaɖal olaɣan, əlmital a imos n aytedan win as, as əslan y Awal ən Məŝšina, a sər-əs əzzəgzənən, iqqəl-asan tənfa, təmosat karadat təmərwən n ənətfus, iyyat təqqəl sədisat təmərwən, iyyat amaran təqqəl temeday.»

Səsəmat s əllux

²¹ Inn-asan ʕaysa dəɣ: «Awak fətəla təɣɣāt idakkal-tat awedan ag-et daw əɣəzu madəɣ daw tessat? Wərgəɣ ətəwəsəwar a tətawaggu edag ih-hoken? ²² Wər t-illa a iɣbâran, wər za nənəfiləl; wala iyyan imosan əssir, wər za naffaggu. ²³ Wa isallin, aslet!» ²⁴ Inn-asan dəɣ: «Taggat əsəsəm olâɣan y əmazal wa d-ifalan Məŝšina! Təsəkət tas təkkatam y aytedan ənta as dawan-z-ikət Məŝšina, iſſit-awan dəɣ fall-as. ²⁵ Fəlas wa ilan, a das-itəwəſitu awa ila; wa wər nəla amaran, arat n awa ila da a daɣ-as attarmas.»

Əlmital wa n tadwala n amasa

²⁶ Inn-asan dəɣ: «Taɣmar ta n Məŝšina təha əlmital n awedan inbâlan amasa daɣ tawagost-net. ²⁷ Gər z’insâ wala okây, gər z’ehad wala ezal; amasa wədi a d-igməd, ad idaggal. Wər issen məſſis əmmək was d-igməd wala was idaggal, ²⁸ fəlas amaɖal, gər-es əd man-net as d-itakkas tənfa. Yel a d-itizaran agamad, dəffər awen agu ſiɣaɣanen, amaran ədwələn-du daɣ-asnat təblalen. ²⁹ Tənggâ təbzəst ɣas, idkâl-du məſſis əl-moſi, assantu daɣ allay-net; fəlas tamert n allay a təgat.»

Lökkum i Ҳaysa Ёлмөsix

⁴² «I iqqalan әssәbab n abakkad y iyyan daғ aytedan win sәr-i әzzәgzannen, әmosnen zun bararan madorren, wәdi of-as ad itәwәqqәn әzәzәd zәwwәran әn tәhunt daғ iri-net itәwәgәr-in daғ agaraw әmazal wa iga әddi. ⁴³⁻⁴⁴ Kud kay әfusnak a ibukan a dak-iqqәl әssәbab n igi n abakkad, tәfrәsaq-q-in; id of-ak ad tәggәza aljannat tәgәx әfus, y ad tәlәx әššin fassan tәggәzaғ tәmsay an Jahannama. ⁴⁵⁻⁴⁶ Kud deғ adar-nak a ibukan a dak-iqqәl әssәbab n igi n abakkad, tәfrәsaq-q-in; id of-ak ad tәggәzaғ aljannat tәgәx adar y ad tәlәx әššin daran tәggәzaғ tәmsay an Jahannama. ⁴⁷ Amaran kud šat-nak a tәbukat a dak-tәqqәl әssәbab n igi n abakkad, tәkәkkәreq-qat-du; id of-ak ad tәggәza Taғmar ta n Mәššina tәgәx šat y ad tәlәx sanatat šittawen, tәtәwәgәra dәр-әsnat daғ tәmsay an Jahannama, ⁴⁸ tәmosat edag as wәрmad tamattatnat tәwәkkawen-net, wala deғ tәmsay-net.»

⁴⁹ «Awedan kul ad itәwәzәzdәg әs tәmsay, zun d әmmәk as tәtaggaz tәsәmt imensewan fәl a tan-tәggәz tenbay. ⁵⁰ Tәsәmt arat olâҗan a tәmos, mišan as tat-tәgmad tenbay-net, awak ma imos arat wa daғ-as z'itәwәggin tәqqәl-tat-du? Tәqqәlet tәmәddurt-nawan a ilân tenbay zun tәsәmt, amaran imәlet alxer gar-ewwan.»

Isalan n әmәzzәy

10 Ifal Ҳaysa edag wen ikka akal әn Yahudәyya ihân aganna wa hadan n agarew wa n Yordan. Tәlas fall-as tamattay tiddawt, a tat-isasiҗru imos awen arat itaggu faw da. ² Ёhozan-t-in Farisaytan әgan-as әsәstan imosan tәnagmayt, әnnan-as: «Awak xalal y alәs ad izәmmәzzәy tantut-net meғ wәр xalal?» ³ Inn-asan Ҳaysa: «Mas imos alwajib wa dawan-d-oyya Ёnnәbi Musa daғ batu tәdi?» ⁴ Ёnnan-as: «Ёnnәbi Musa ikfâ turagat n ad tәtәwәktәb širawt n әmәzzәy i tәntut, tәtәwәzәmәzzәy.» ⁵ Inn-asan Ҳaysa: «Aššaddat әn taggarmamt әn wallan-nawan a fәl dawan-d-oyya Musa alwajib wәdi. ⁶ Dәр iga awen da ya, әs tizarat as d-ixlak Mәššina әddәnet, "ixlak-du aytedan, ixlak-kan-du әmosan yay әd tәntay." ⁷ Adi da a fәl iffâl alәs abba-net d anna-net, irtәy әd tәntut-net, ⁸ әqqәlan fәl әššinessan arat iyyanda. Ёmmәk en daғ as ad ib-as әmosan әššin aytedan, kalar ad әqqalan taғәssa iyyadda. ⁹ Daғ adi, awa issәrtay Mәššina a tu-wәр-izәmmәzәy awedan.» ¹⁰ As iggaz Ҳaysa ehan, әssәstanan-tu nәttulab-net әntanay da әd batu ten. ¹¹ Inn-asan: «I izam-mazzayan tantut-net, izlaf iyyat, wәdi әzzәna a iga

әddi. ¹² Tantut deғ ta tәmmәzzayат d alәs-net, izlaf-tat iyyan, әnta da әzzәna a tәga di.»

Bararan әd Тағmar ta n Mәššina

¹³ A du-tawayan aytedan bararan әs Ҳaysa fәl a tan-issәwәр ifassan-net ittәр-asan, mišan әššә-walan nәttulab fәl aytedan win den. ¹⁴ Inay Ҳaysa awen ғas iššak-ku, inn-asan: «Ayyiwat bararan a di-d-akkin. A tan-in-wәр-tәwәғam fall-i, fәlas Тағmar ta n Mәššina šin aytedan win šilatәn-nasan. ¹⁵ Ёggәyyәx әsilakanay-awan as, i wәр nәga i Тағmar ta n Mәššina әlqәbulat šilat әn ta das-iga barar, wәdi wәр das-ilkem a tat-iggaz.» ¹⁶ Tәzzar ad itizәlәmmit Ҳaysa bararan win den, isawar-tan ifassan-net, itattar-asan.

Alәs n әmәgгergәs әd Тағmar ta n Mәššina

¹⁷ As zama imitakway Ҳaysa daғ adag wen irazdu sәр-әs alәs iyyan sәр-әs d-ozâlan, igaraffat dat-әs, inn-as: «Ёššәx olâҗan, mas di-iwar igi-net y ad әgrәwa tәmәddurt ta tәғlalat?» ¹⁸ Inn-as Ҳaysa: «Mafel as di-tәgannay Ёššәx olâҗan? Wәр t-illa i olâҗan ar Mәššina. ¹⁹ Alwajiban-net tәssânaq-қан, ih-en as: "Ad wәр tagay iman, ad wәр tagay әzzәna, ad wәр takәra, ad wәр taggayyәx әs bahu, ad wәр taga tәkma y awedan, sәғmәr abba-nak d annan-nak."» ²⁰ Inn-as alәs wen: «Ёlfәqqi, aratan win di kul harwa da mәdrәya as tan-әssәbdada.» ²¹ Tәz-zar idak-ku Ҳaysa s asawad tәha tara, inn-as: «Arat iyyanda a dak-in-iqqiman әmәрәdda: Aglu zanz-in tәla-nak kul, takfay inazzan-net i tәlәqqawen, ad tәgrәwax әrrәzәғ a dak-z-ansin daғ alaxirat. Dәf-fәр adi amaran tagla-du tәlkәmaғ-i.» ²² Isla alәs en i batu ten ғas, izakkanzar. Inkar, igla әғšâdan man-net fәlas әrrәzәғ aggen a ila. ²³ Issәlal Ҳaysa asawad-net tamattay ta tu-tәғalayғalayat den, amaran inna i nәttulab-net: «Iket әzzәwi ig-ay iguz әn Тағmar ta n Mәššina fәl win әggәrgasnen.» ²⁴ Batu ten, tәqqan iғafawan әn nәttulab-net, ilas Ҳaysa inn-asan: «Bararan-in, iket әzzәwi ig-ay iguz әn Тағmar ta n Mәššina! ²⁵ Ogar tәғasay ta iga fәl aғam aradaғ daғ tәbuday n әnazmay, i ta iga fәl әmәgгergәs iguz әn Тағmar ta n Mәššina.» ²⁶ Batu ta tәsammaklal wәllen әs nәttulab, tәzzar ad tinәmәnnin: «Adi za ma ifragan ad iғlәs daғ tәmsay?» ²⁷ Iswad daғ-san Ҳaysa inna: «Muxal a imos adi ғur aytedan, mišan Mәššina wәр sәр-әs t-imos, fәlas arat kul ifrâk-ku.»

Alak wa z'igrәw әnalqim әn Ҳaysa

²⁸ Tәzzar inn-as Butros: «Nakkanay za? Awak wәrgәx noyya arat kul nәlkam-ak?» ²⁹ Inn-asan Ҳaysa: «Ёggәyyәx silakanay-awan as, awedan kul wa ifalan fәl әddәlil-in d әddәlil n Ёlinjil ehan-net madeғ imәdrayan-net madeғ šimәdrayen-net madeғ anna-net madeғ abba-net madeғ bararan-net madeғ šiwәgas-net, ³⁰ wәdi awedan ad iғrәw

harwa da əməməddə, temeday n ənətfus ən nan madey imədrayan madey şimədrayen madey annaten madey bararan madey şiwəgas. Amaran adi ketnet ad t-igrəw iddew-as d alğazab, igrəw dəy tēməddurt təylalat dəy alaxirat. ³¹ Amaran a aggen dəy win əhanen eğaf əməməddə, ilkâm ad əggəzan ələqqam, win əhanen ələqqam dəy əməməddə, ilkâm a əggəzan eğaf.»

Ətəməl wa n karad n alğazab wa z'inəy Əlməsix

³² İha Xaysa tarrayt ənta əd nəttulab-net, azzarasan, taggazzayan əs Yerusalam. As itaggu awen əşşiwaşan nəttulab-net, taha dəy tasa aytedan win das-əlkamnen. İlas Xaysa ikus ən nəttulab-net win maraw d əşşin dəy aytedan y a dasan-iməl arat a fall-as z'agin dəy alwaq wər nəggug. ³³ Inn-asan: «Səsəmat: Nakkənay da əggəzzaynen əs Yerusalam da. Den da ad za təwəgga nak Ag Aggadəm dəy fassan ən muzaran ən limaman, əd musanan n Əttawret. Aytedan win a di-əxkəman tətəttant, agin-i dəy fassan n aytedan wər nəmos Kəl-Əlyəhud, ³⁴ a dəy-i tajaban, əssutəfan fall-i, ayyawanan-i şiwit, agin iman-in, mişan a d-ənkəra dəy tətəttant əzəl wa n karad.»

Əsəssəxri igân dəy batu ən tizart

³⁵ Ənkəran nəttulab əşşin win maddanəs ən Zabaday əmosnen Yağub əd Yaxya, əhozan-du Xaysa, ənnan-as: «Əşşex, a dəy-ək nəgməy arat as nəra a danaq-qu-taga.» ³⁶ Inn-asan: «Mas tərəm a dawan-t-aga?» ³⁷ Ənnan-as: «Nəra dəy-ək ad aqqam iyyan dəy-na dəy əxil-nak, aqqam wa hadan dəy zalgat-nak alwaq wad za təggəza tanaya-nak.» ³⁸ Inn-asan Xaysa: «Wər təssenam almağna n arat wa təgməyam əddi. Awak təfragam a dər-i tədrəwam alğazab wa z'aga dəy alwaq wər nəggug?» ³⁹ Ənnan-as: «Awalla, nəfrâg a dər-ək tu-nədrəw.» Inn-asan: «Tidət a imos as təfrâgam a dər-i tədrəwam alğazab wa, tagim dəy tətəttant ta z'aga. ⁴⁰ Amaran dəy batu ta təqqalat wa z'aqqamin dəy əxil-in wala zalgat-in, wərgəx nak a t-ihakkin. Kalar idag-gan win in win as tawasammatagan.»

⁴¹ Əslan maraw nəttulab win hadatnen y awen, əşşakkən Yağub əd Yaxya. ⁴² Təzzar iğr-en-du Xaysa inn-asan ketnasan: «Təssânam as aytedan win tawattafnen dəy tişit ən muzaran ən tətəttiwən saknin tarna y aytedan win as azzaran, amaran aytedan win dəy-san attafnen əlxəkum saknin aytedan win as azzaran təğmar. ⁴³ Mişan kəwanay ad wər tagim adi gar-ewwan. Kalar as ira iyyan dəy-wan ad ilu almaqam, wədi iqqəlet zun amaşşaxal-nawan. ⁴⁴ Amaran wa dəy-wan iran tizart, wədi iqqəlet zun akli n awedan kul, ⁴⁵ fəlas nak Ag Aggadəm wər d-osey əddənət y a di-əşxələn aytedan. Kalar assa a d-əge y ad əşxəla y aytedan, akfa iman-nin fəl ad səddərfəx əs tətəttant-in aytedan aggotnen dəy bakkadan-nasan.»

Əzuzəy wa iga Xaysa Bartimay

⁴⁶ İgla Xaysa əd nəttulab-net har din-ewadan əğrəm wa n Yerikaw. As iggaz Xaysa şin əgamad n əğrəm wen ənta əd nəttulab-net əd taməttay tagget, ill-ay əməddərxəl iyyan igân esəm Bartimay əg Timay iqqiman fəl afay ən tarrayt itansay. ⁴⁷ Da da xas ad isla as Xaysa wa n əğrəm ən Nazaret awen, ənta ad idkal əməsli-net ad igannu: «Ya Xaysa, Ag ənnəbi Dawəd, hənəttət-i.» ⁴⁸ Ərğaman-as aytedan aggotnen y ad affastu, mişan isahakat əməsli-net wəllen, igannu: «Ya Xaysa, Ag Dawəd, hənəttət-i.» ⁴⁹ İzzəkəkət Xaysa, inna: «Ağriwat-i-t-id». İtəwəğra əməddərxəl, itəwann-as: «Dawat, təbdəda, iğarr-ik.» ⁵⁰ İgar-in əməddərxəl əsalsaw-net wa n əfalla, iggad, innəmad Xaysa. ⁵¹ İssəstan-tu Xaysa inn-as: «Mas təreğ a dak-k-aga?» Inn-as əməddərxəl: «Əşşex, a əreğ a di-d-iqqəl əsawad-in.» ⁵² Təzzar inn-as Xaysa: «Aglu, izozay-kay əzəgzan-nak sər-i.» İqqal-t-id əsawad-net dəy taməzayt ten da, obaz tarrayt, iggaz taməttay ta təkəmat i Xaysa.

İgitən ən Xaysa dəy əğrəm ən Yerusalam əd xələyğəlayan-net

İgi ən Xaysa i Yerusalam iguz n əmənokal

11 As din-ihoz Xaysa Yerusalam ənta əd nəttulab-net, dəy ənəmihaz ən təğrəmt ta n Betəfəy əd ta n Betənəy, dəğma n ədğax was itəwannu wa n "Əşkan ən Zaytun"; izammazal əşşin dəy nəttulab-net. ² Inn-asan: «Akkiwat təğrəmt ten datwan den. Təggəzam-tat-in xas tənəyam əhulel n əzdan iqqanan, as wər kala ad ittəwan. Ariwat-tu, təwəyam-t-idu. ³ Amaran as dawan-inna awedan: "Ma tətəggim əddi?" Tənnim-as: "Əməli a sər-əs id-dəraran." Amaran a t-id-issuxəl tarmad.» ⁴ Əğlan nəttulab win den osan-in əhulel iqqân fəl tarrayt dat əmi n ahan iyyan; a tu-tarin. ⁵ Təzzar ənnan-asan aytedan əllānen den: «Ma tətəggim əddi? Mas tətərim əhulel di?» ⁶ Əjjəwwəban-asan nəttulab s awa dasan-inna Xaysa. Amaran təwəyyan, oran əhulel, əğlan dər-əs.

⁷ Əlwayan-t-id i Xaysa. Ədfaran-as fall-as isəlsənasan, iwan-tu. ⁸ Ad tissəwan aytedan aggotnen i Xaysa isəlsənasan dəy tarrayt, wiyyad xətəsan-du ilədlad wər əhen şənnənan tissəwan-as-tan.

⁹ Aytedan win das-əzzarnən əd win das-əlkamnen, ketnasan siğaren, gənnin:

«Ozana! Təmmal i Məşşina!

Iga Məşşina albaraka dəy wa d-osan s esəm n Əməli.

¹⁰ İga Məşşina albaraka dəy təğmar ta du-təzayət, təğmar n amaraw-nana Dawəd.

Ozana! Təmmal i Məşşina

¹⁶ I izzəgzanan, itawasalməy dəy dəy aman s esəm-in ad igrəw efsan. Amaran wa ugayan s əzəgzan, ad t-iwər attadib ən Məşşina. ¹⁷ Əntanatay da alğalamaten şin za təwənəynen fəl aytedan win sər-i əzzəgzannen: Ad əkkəsan kələsuf dəy aytedan əs tarna n esəm-in, əşşiwəlan awalan ən tawşeten wər əzdayan, ¹⁸ amaran kud ədkalan taşşolen əs fassan-nasan wala əşwan sənsəg da wər dasan-z-iğşəd adi wala. As əssəwaran ifassan-nasan imiranan, ad əzzəyan.»

Tewaxlay ən Xaysa ijənnawan

¹⁹ Ig-asan Əməli Xaysa batu ten xas, immədka əs jənnawan, iqqim dəy əxil ən Məşşina. ²⁰ Əntanay amaran, əqlan ad əmmalan isalan n Əlinjil dəy adag kul. Illil-asan Əməli s əşşəxəl wen, isataddu awa gannin s alğalamaten əmosnen təlməxjujaten şin taggin.

Luqa

Æsenti

1 ¹⁻³ Ya Tayofil wa ækney saɣmar, aytedan aggotnen a æktabnen isalan n awa ɣur-naɣ igan, s æmmæk iman-net was dana-tan-æssoyalan aytedan win tan-æggoyatnen æs šittawen-nasan harwa ɣur ænætti-nasan, æqqalan aytedan æšɣâlneŋ daɣ amel n awal æn Mæššina. Awen da fæl di-d-iggaz nak da, dæffær as æššiggaray isalan di kul s ælluɣ a d-ibazan ɣur ælæsæl-nasan, a dak-in-aga y-asan akatab inniz-zaman, ⁴ fæl ad tækkəsəy aššak as tæssunen šin tətəwasasəyɣa ættiddanat.

Təhəwt æn ɣaysa æd təmmədrəyt-net

Ætəməl æn təhəwt n ænnəbi Yaxya wa isalməyan aytedan daɣ aman

⁵ Elan win daɣ imos Herod æmənokal n akal æn Yahudəyya, ill-ay ælimam iyyan igân esəm Zakarayya ihân taggayt æn limaman win hayawan n Abəya. Tantut-net tahayawt æn Harun, esəm-net Elizabet. ⁶ Ænta dær-æs æmosan alɣadilən dat Mæššina, ægân y alwajiban n Æməli d alamanan-net ləkkum daɣ wær ælən lahan waliyyan. ⁷ Wær ælən barar waliyyan fəlas Elizabet a wær nətilu bararan, ægmâdan-tan deɣ elan wəllen.

⁸ Əzəl iyyan itaggu Zakarayya dat Mæššina æššəɣəl wa taggin limaman fəlas taggayt æn limaman ta iha as d-issəɣləy igi n awen. ⁹ Əbaznat-tu tašəɣeren, æmosnen as, ænta a z'iggəzan edag wa zəddigan daɣ Ahan wa Zəwwəran n Əlɣibada n Æməli, issəqqəd daɣ-as aɣutan fæl majmar wa iskatan y awen. Šišəɣeren šin imos igi-nasnat alɣadət æn limaman. ¹⁰ As iga alwaq wa daɣ taqqadan aɣutan, tamattay ketnet təbdâd daɣ təfərray n Ahan wa Zəwwəran n Əlɣibada, tətattar.

¹¹ Wala a ihogan inafalal-as-du angalos n Æməli ibdâd daɣ əɣil æn majmar wa n əsəqqəd n aɣutan. ¹² Inay Zakarayya angalos ɣas irmaɣ, təggaz-tu tasa. ¹³ Mišan inn-as angalos: «Zakarayya! A kay wær təggəz tasa fəlas Mæššina iqbâl mansay-nak, tantut-nak Elizabet ad təgrəw barar, amaran ag-as esəm Yaxya. ¹⁴ Ad taddawəɣ, təfəliwəsəy; təsəddəwət deɣ təhəwt-net aytedan aggotnen, ¹⁵ amaran ad iqqəl awedan zəwwəran dat Æməli. Wær mad as z'ašu esmad n alɣanab wala deɣ esmad waliyyan. Ad t-idnəy Infas Wa Zəddigan harwa da

iha tadist n anna-net. ¹⁶ Ad d-issəɣəl Kəl-Israyil aggotnen Æməli-nasan Mæššina. ¹⁷ Ænta a du-z-izaran y Æməli imos anammazul-net, igrâw Infas Wa Zəddigan æd tarna šilat æn win igræw ænnəbi Ilyas, fæl a d-awəy alxer gær aytedan æd bararan-nasan, awəy-du inəmməzray s ad ilen tayttay ta elan aytedan win əɣdalnen. Təməwit tædi as z'isəmmutəg y Æməli tamattay təsimatagat i ləkkum y-as.»

¹⁸ Təzzar inna Zakarayya y angalos: «Məni alɣalamat ta di-za-təssusənat as adi ad agu? Ænta nak aɣmar waššaran a əmosa, tantut-in deɣ əɣlân daɣ-as elan wəllen.» ¹⁹ Inn-as Angalos: «Awa nak Jibril, akli æn Mæššina wa dat-əs ibaddadan. Ænta a di-d-izimmazalan sər-ək y a dak-agəɣ isalan hos-saynen win di. ²⁰ Amaran dad zamas wær təz-zəgzanaɣ isalan win dak-əgeɣ da, as z'andinen daɣ alwaq-nasan, ad ammadad əmi-nak. Wær za tələsəy awal iket wær d-osa əzəl wa daɣ z'agu arat wədi.»

²¹ Awen as itaggu tamattay təqqâl i Zakarayya, æqqânan ɣafawan-nasan y awa t-in-isahhagan daɣ adag wa zəddigan. ²² As t-id-igmad, indar-as a dasan-iššiwəl fəlas imi-net a immədadan, a dasan-isidugun. Əssanan as arat iyyan a das-d-inafalalan.

²³ As issənda adan-net win əššəɣəl daɣ Ahan wa Zəwwəran n Əlɣibada, iqqal aɣaywan-net. ²⁴ Dæffær awen təga tantut-net Elizabet tadist, təzzar təgdal i man-net ətəwənaɣ har təga səmmosat təlil, təgan-nu: ²⁵ «Awa igi n Æməli! Ænta daɣ-i issanan, ikkas-i asakor wa di-əggatan aytedan.»

Ætəməl æn təhəwt æn ɣaysa

²⁶ Təha Elizabet tallit-net ta n sədisat as izam-mazal Mæššina angalos Jibril s əɣrəm as itawannu Nazaret ihân akal æn Galilaya. ²⁷ Issok-ay təmawat iyyat wær nəzday meddan harwada təgât esəm Maryama. Amaran Maryama təsımərkas d aləs igân esəm Yusəf, imosan arat daɣ əzzurrəyya n əmənokal Dawəd wa n ænnəbi. ²⁸ Os-et-du angalos, inn-as: «Maryama, ma təxlaka! Æməli izizabbat-du fall-am arraxmat-net. Issân daɣ-am.» ²⁹ Iqqan awal wen əɣaf æn Maryama, idgaz-tat, təzzar ad təsamadran awa imos almaɣna n assalam wen.

³⁰ Inn-as angalos: «A kam-wær-təgəz tasa Maryama, Mæššina izizabbat-du fall-am arraxmat-net. ³¹ Ad taga tadist, təgrəwa barar, tagaɣ-as esəm ɣaysa. ³² Ad itəwəsəɣmər, agu esəm Barar æn Mæššina di n Amadkol. Ad t-akfu Æməli Mæššina taɣmar n amaraw-net Dawəd, ³³ izar i hayawan æn

¹⁹ Herod amaran wa n əmənokal n akal ən Galilaya əruxmatan a das-iga dəy batu ən Herodəyas təmosat tayur amadrax ən Herod en da igān esəm Filibus, ig-ās dəy wiyyad əruxmatan fəl arak mazalan labasnen kul win hadatnen iga.

²⁰ İššota Herod fəl arak mazalan win den kul igi ən Yaxya dəy kasaw.

Ətəwəsəlmax ən Xaysa dəy aman

²¹ As tawasalmayən aytedan kul dəy aman, itawasalmay dəy-san Xaysa ənta da. Itattar alwaq wen da as ənnolaman jənnawan, ²² izzəbbat-du fall-as Infas wa Zəddigan iha šaššelan ən tədabert, igmad-du əməsli ijənnawan, inna:

«Kay a imosan Barar-in əknəy tara, təssinda-du agna-nin.»

Aljad ən Xaysa Əlməsix

²³ İla Xaysa edag ən karadat təmərwen n awatay as issənta əššəxəl-net.

Əttāfan aytedan as ag Yusəf wa n ag Heli.

²⁴ Heli ənta ag Mâtat, Mâtat ag Lebi, Lebi ag Malki, Malki ag Yannay, Yannay ag Yusəf, ²⁵ Yusəf ag Matasiyas, Matasiyas ag Amos, Amos ag Nahum, Nahum ag Xasli, Xasli ag Naggay.

²⁶ Naggay ag Matti, Matti ag Matasiyas, Matasiyas ag Samxi, Samxi ag Yosax, Yosax ag Yoda,

²⁷ Yoda ag Yohanan, Yohanan ag Xaysa, Xaysa ag Zərubabil, Zərubabil ag Assalat, Assalat ag Nayri,

²⁸ Nayri ag Malxi, Malxi ag Addi, Addi ag Kosam, Kosam ag Almadama, Almadama ag Er,

²⁹ Er ag Xaysa, Xaysa ag Alyazar, Alyazar ag Yorim,

Yorim ag Mâtat, Mâtat ag Lebi,

³⁰ Lebi ag Simxon, Simxon ag Yahuda,

Yahuda ag Yusəf, Yusəf ag Yunam, Yunam ag İlyakim,

³¹ İlyakim ag Malaya, Malaya ag Mayna, Mayna ag Mâtat, Mâtat ag Natan, Natan ag Dawəd,

³² Dawəd ag Yasay, Yasay ag Xubayd, Xubayd ag Boxaz, Boxaz ag Sala, Sala ag Nasun,

³³ Nasun ag Xaminadab, Xaminadab ag Admin, Admin ag Arni, Arni ag Xasrun, Xasrun ag Farəs, Farəs ag Yahuda,

³⁴ Yahuda ag Yaqub, Yaqub ag İsəhaq, İsəhaq ag İbrahim, İbrahim ag Terax, Terax ag Naxur,

³⁵ Naxur ag Sarux, Sarux ag Raggaw, Raggaw ag Falax, Falax ag Xabbir, Xabbir ag Salax,

³⁶ Salax ag Kaynam, Kaynam ag Arfakšad, Arfakšad ag Sam, Sam ag Nux, Nux ag Lamax,

³⁷ Lamax ag Matusala, Matusala ag Henox,

Henox ag Yarit, Yarit ag Malelyal, Malelyal ag Kaynam,

³⁸ Kaynam ag Enus, Enus ag Set, Set ag Adəm, Adəm ənta Məššina t-id-ixlakan.

Ətəwəjərrab ən Xaysa

4 İgmad Xaysa tamawen n agarew wa n Yordan idkâr-tu Infas wa Zəddigan. Infas wa da a t-issokan teneray. ² Iga dəy-as əkkozat təmərwen n əzəl itajarrab-tu İblis. Adan win kul ig-en wər itsə wala, as əxradan ih-ay laz.

³ Inn-as İblis: «Kud kay Barar ən Məššina, taməra təhunt ta s ad təqqəl amensay.» ⁴ Inn-as Xaysa: «Wərgəx ənnan Elkəttaban: "Awedan wər itəddər əs mensewan xas."»

⁵ İkka dər-əs İblis edag iknan əhuki, issəswad-tu dəy taymaren kul n əddənət dəy ellaf ən šat.

⁶ Amaran inn-as: «A kay-akfa taymaren en kul əd təhussay-nasnət fəlas tiwakfanat-i hakkaq-qanat dəy i was tanat-əreğ. ⁷ Dəy adi as di-təssəjada ad təgrəwəy awen kul.» ⁸ Inn-as Xaysa: «Wərgəx ənnan Elkəttaban: "Əməli-nak Məššina as za təssəjəda, ənta xas a za təxbəda."»

⁹ Təzzar ikka dər-əs İblis Yerusalam, issəbdad-tu fəl afalla n Ahan wa Zəwwəran n Əlyibada, inn-as: «Kud kay Barar ən Məššina tətərəgge, ¹⁰ fəlas ənnan Elkəttaban: "Ad amər angalosən-net a kay ağəzan dəy əššur," ¹¹ iktâb dəy as: "A kay-əkbələn dəy fassan-nasan fəl a dak-wər-tənkef təhunt."»

¹² Inn-as Xaysa: «Wərgəx za Elkəttaban di ənnân: "Ad wər tətajjarraba Əməli-nak Məššina."»

¹³ As t-ixrad İblis əjərrəb, igla oyy-ay har sər-əs iləs agaraw ən tarrayt.

Əššəxəl ən Xaysa dəy Galilaya

İsalan ən Taymar ta n Məššina

İsəssəxri ən Xaysa dəy Nazaret

¹⁴ Dəffər awen, iqqal Xaysa akal ən Galilaya, təh-ay tarna n Infas wa Zəddigan. Təffəzzat sallat-net dəy akal en ketnet. ¹⁵ İsayəru aytedan dəy nan win əlyibada ən Kəl-Əlyəhud, ketnasən əssiğ-maran-tu.

¹⁶ Osa dəy Xaysa Nazaret, aXRəm wa dəy idwal. As əzəl wa n təsanfawt iggaz ehan wa n əlyibada ən Kəl-Əlyəhud imos awen arat itaggu faw. İbdad y ad aXRu awal ən Məššina. ¹⁷ İtawakf-ay-in əlkəttab wa n ənnəbi İsayas. İkkas y əlkəttab adğa wa iga, olam fəl adag a dəy iktab as: ¹⁸ «*Iwâr-i Infas n Əməli, fəlas isinafran-i y ad əməlay isalan n Əlinjil i tələqqawen. İzimazal-i-du y ad ağəy isalan i win tawattafnən, əgrəwan iman-nasan, əzzuzəyay iməddəryal, aytedan win tawadgaznen dəy ağaq-*

özəl wa n tösanfawt wala, fəl tara n ad əgrəwan əd-dəlil əs təxtəst-net.

⁸ Xaysa ənta issân awa ihan iman-nasan. Inna y aləs was immût əfus-net: «Ənkər, əbdəd dəx ammas n əljəmayət.» Inkar aləs, ibdad. ⁹ Təzzar innasan Xaysa: «Əssistanaq-qawan, awak xalal dəx özəl wa n tösanfawt igi n arat olâxan meyx igi n a labasan, ereg n awedan dəx təmattant meyx awak şiyit-net iba-tu?» ¹⁰ Issəläl-tan Xaysa asawad-net ketnasan, amaran inna y aləs was immût əfus-net: «Əzzəl əfus-nak» Iga awa das-inna, izzay əfus-net.

¹¹ Arat wen iga dəx-san alham labasan, ad tinəməşiwwiran gar-essan fəl awa z'agin i Xaysa.

Xaysa isassayru inəttulab-net

Əsənnəfrən ən Xaysa inəttulab win maraw d əşšin

¹² Adan en da a dəx ikka Xaysa adxax iyyan y a fall-as agu şiwatriwen. Iga fall-as ahad iyrâdan itattar. ¹³ As affaw iyra-du inəttulab-net, isannafran dəx-san maraw d əşšin, ig-asan esəm inəmmuzal. ¹⁴ Ismawan-nasan da: Simxon was iga esəm Butros d amadray-net Andrawəs; Yaqub, Yaxya, Filibus, Bartulamawəs, ¹⁵ Matta, Tuma, Yaqub wa n ag Alfay, Simxon was itawannu wa Isaggatakken, ¹⁶ Yahuz wa n ag Yaqub əd Yahuza Isxarəyuti wa z'akkaddalan Xaysa.

Xaysa əd tamattay

¹⁷ Dəffər awen izzəbbat dər-san Xaysa adxax, ibdad dəx ataxas iyyan a dəx təbdād tamattay tagget ən nalkiman-net əd tamattay tagget a du-təfâlat akal ən Yahudəyya əd Yerusalam əd xərman win Tir əd Sidon əhanen tagadamayt n agaraw wa zəwwəran. ¹⁸ Aytedan en osân-du fəl ad əssəsəman y awa isasaşru Xaysa, təwəzuzəyan dəx dəx təwər-nawen-nasan. Izzozay dəx-san dəx win əhan kələsuf. ¹⁹ Tamattay en ketnet təgammay d ades ən Xaysa fəlas tarna t-id-təgammadat təzuzəy-tan ketnasan.

Əşšin əzzənəfan n aytedan a t-əllanen

²⁰ Iswad Xaysa dəx nəttulab-net, inna: «Təbbilalam kawanay win sallaqqawnen iman-nawan dat Məşşina fəlas Taymar ta n Məşşina şinawan.

²¹ Təbbilalam kawanay win iha laz əmərədda fəlas ad tayyawanam. Təbbilalam kawanay win hallinen əmərədda fəlas ad tadzim.

²² Təbbilalam kawanay win əkyadan aytedan, əkkâsan-kawan dəx ammas-nasan, rabbadan-kawan, xaşşadan ismawan-nawan

fəlas di-təlkəmam nak Ag Aggadəm.

²³ Dawatat, təfəliwəsam özəl wədi, fəlas təlâm arozan aggotnen dəx jənnawan. Arat wa dawan-əgan əddi ənta iman-net a əgan marawan-nasan y ənnəbitan.

²⁴ Mişan kawanay iməggərgas iket alxazab iqqâl-awan, fəlas awa əran man-nawan iha ifassan-nawan.

²⁵ Iket alxazab iqqâl-awan kawanay win əyyəwannen əmərədda, fəlas ad tullazam.

Iket alxazab iqqâl-awan kawanay win dazzinen əmərədda, fəlas a dəx-wan tagu təfəyyawt, talim.

²⁶ Iket alxazab iqqâl-awan kawanay win əmmalan aytedan; a dida a əgan marawan-nasan y ənnəbitan win bahu.»

Tara n aytedan

²⁷ «Kawanay win di-əssəsəmnen amaran, ənnəx-awan: "Iriwat izənga-nawan, ad tətamazalam əllux i win kawan-əkyadnen. ²⁸ Tattarat a igan arraxmat i win kawan-sawarnen allaxanat, tansəyam Məşşina a igan alxer i win dawan-tagginen tarşəxşad. ²⁹ As dak-iqqas awedan, takfaq-qu amdəd-nak wa hadan. As dəx-ak irkab awedan əbərnuz-nak, alxaşşaba-nak da ayy-as-tu. ³⁰ I kay-onsayan takfaq-qu. Ad wər təgməya dəx awedan a kay-d-is-suxəl awa dəx-ak irkab."»

³¹ «Arat was təram a dawan-t-agin aytedan, agat-asan-tu kawanay da. ³² Kud wər tarem ar aytedan win kawan-əranen, awak ma imos aroz wa za təgrəwam? Wala ark aytedan da ərân aytedan win tan-əranen. ³³ Kud wər tətəggim a olaşan ar i win dawan-tu-tagginen, awak ma imos aroz wa za təgrəwam? Wala arak aytedan taggin adi. ³⁴ Kud dəx wər təsəmərwisam ar aytedan win as tordam as a dawan-ərzəman, awak ma imos aroz wa za təgrəwam? Ark aytedan da tinəməkfin imarwasan gar-essan fəlas əssânan as a tan-d-iqqəl awa sammarwasan ketnet.»

³⁵ «Kalar iriwat izənga-nawan, ad tətəggim y aytedan awa olaşan, tətizəbənem i win dəx-wan əgmaynen əzəbənə. Tagim adi ketnet da wər təgem attama n a dawan-itəwəggu. Əddi ad igat aroz-nawan, təqqələm bararan ən Məşşina di n Amadkol fəlas ənta itaggu əllux y aytedan win wər iha agoda əd win maksanan. ³⁶ Təggəzet-kawan təhanint ta təhat Abba-nawan.»

³⁷ «Ad wər tannim ark arat s awedan fəl a sərwan wər itəwənnu. Ad wər təssəwəram awedan lahan fəl a kawan-wər-itəwəsəwər kawanay da. Sirufat, ad təgrəwam təsüref. ³⁸ Hakkat, ad tətəwakfim. Təsəkət tolâxat, təkârat, təssiksakat har tətətənxəl a dawan-z-itəwəggin dəx səbbətəran-

Iyyat təməzaq əd Farisaytan

Tarna ən Məşşina meyx tarna n Iblis

¹⁴ Dəffər awen ikkas Xaysa dağ aləs iyyan aggə-suf a das-igaddalan awal. Igməd-tu aggə-suf xas išşewal, isammaklal awen əs tamattay. ¹⁵ Mişan ad gannin wiyyad dağ-san: «Awen Aşşaytan Baçalzabul, wa n əmənokal ən kələsuf a t-ikfan fərregat n ikus ən kələsuf dağ aytedan.»

¹⁶ Wiyyad dəx arân ad t-ajjarraban, gammayan dağ-as a dasan-əgü təlməxjujat təmosat alxalamat a du-təfəlat Məşşina. ¹⁷ Xaysa ənta issân awa samadranan, adi a fəl dasan-inna: «Taxmar kul tas əmməgaran məssawəs gar-essan, əbərəjji a za tagu, təzzar əbərəjjen xawnatan-net s iyyan iyyan. ¹⁸ Təgannim nak Aşşaytan Baçalzabul a di-ikfan fərregat n ikus ən kələsuf dağ aytedan; kud adi a igan wədi manəmmək as za tihag taxmar-net ənta iməggar əd man-net? ¹⁹ Amaran kud nak tarna ən Baçalzabul as takkasax kələsuf dağ aytedan, in-alkiman-nawan za ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əşşərixa.

²⁰ Kud amaran nak tarna ən Məşşina as takkasax kələsuf, dağ adi Taxmar ta n Məşşina tos-iwan-du. ²¹ Aləs n əməqgerəd otâban fəl təzoli, ogâz ehan-net, wədi təla-net wər tat-in-ikka wala. ²² Mişan as t-id-ibag iyyan a t-ogaran assahat, orn-ay; a dağ-as ibəz təzoli-net ta fəl iffəlla, irkəb dağ-as təla-net, uzan-tat. ²³ Wa dər-i wər nəddew, azangaw-nin a imos; wa di-wər-nəllil dəx s əşsidəw, wədi əzəwwəziwəz a itaggu.»

Tewaylay ən kələsuf

²⁴ «As igmad aggə-suf awedan, ad irəs aggə-suf wen idaggan əqqurnen, igammay id imal, iqqim wər t-igrew, ad annu dağ man-net: "Nak a za, ad əqqələy ehan-in wa d-əgmada." ²⁵ As t-id-iqqal, a t-id-asu ifrâd, immotag. ²⁶ Təzzar əglu idaw-du d əs-sa kələsuf wiyyad a t-ogarnen tallabəst, əggəzan awedan wanâd, əzdəxan-tu. Tagu taxara n awedan wen axşud ogaran was kala tu-təga.»

Əbbələl wa n tidət

²⁷ Išşewal Xaysa den da as tədkal təntut iyyat əməsli-net, tənn-as: «Təbbilal təntut ta kay-ter-awat, əd fəfan win təkasağ.» ²⁸ Mişan inn-as Xaysa: «Aytedan win ogarnen əbbələl da əssəsamen y awal ən Məşşina, tamazalan awa inna.»

Alxalamat ta n Yunəs

²⁹ As inay Xaysa aytedan tiddawan fall-as, inn-asan: «Aytedan n azzaman win, inəllubas; gammayan təlməxjujat! Kala! Təlməxjujat ta dasan-tətawagat iyyadda xas, a tat-imosan ta n ənnəbi

Yunəs. ³⁰ Emmək was kala ad iqqal Yunəs alxalamat y aytedan n əxrəm ən Ninif, əmmək en da as z'əqqələ nak Ag Aggadəm alxalamat y aytedan n azzaman win. ³¹ Əzəl wa n tabadday, a du-tənkər təmənokalt tas kala təxkam fall akal n əgala igan esəm Şəba, taggayyat fəl aytedan n azzaman win, təzzəbəz-tan y əşşərixa fəlas d ad iraz amadəl a du-təgmad fəl ad təssəsəm y awal ən təla n əgərri wa itaggu əmənokal Suliman. Əssənat za as, wa illan da əmərədda, ogar ənnəbi Suliman mişan tugayam s a das-təssəsəməm. ³² Əzəl wa n tabadday, ad d-ənkəran aytedan n əxrəm wa n Ninif, əzzəbəzan aytedan n azzaman win y əşşərixa fəlas tətubt a əgan əzəl wa dasan-iga Yunəs təlxutbat, imal-asan awal ən Məşşina. Əssənat za as, wa illan da əmərədda, ogar Yunəs mişan tugayam əs tətubt.

Ənnur əd şiyay

³³ Wər t-illa awedan isarxın fətəla təzzar ixbərtat, madəy əg-ət daw əxəzu, kalar əsəwər a tat-itaggu edag ihhoken fəl ad ənəyan aytedan win du-taggaznen ehan s ənnur-net. ³⁴ Şat, şilat ən fətəla a təmos i təxəssa-nak. As imos as şat-nak təhannay s əlluğ, wədi təxəssa-nak ketnet təha ənnur; mişan as imos as şat-nak wər təhənnəy s əlluğ, wədi təxəssa-nak ketnet təha şiyay. ³⁵ Dağ adi əgü ənəyat əd man-nak, ənnur wa kay ihan a tu-wər-alsinat şiyay. ³⁶ Amaran kud təxəssa-nak ketnet təha ənnur, wər tat-iha adag ihân şiyay; wədi ad təmələwləw ketnet, zun təhəy edag təsimalawlaw fətəla.»

Təlmənufəqa ən Farisaytan əd musanan n Ət-tawret

³⁷ Igrad Xaysa awal xas igmay dağ-as Farisay iyyan a xur-əs ammansaw. Os-in Xaysa ehan ən Farisay wen, iggaz edag wa dağ əskaran mensewan, isaxxamar, ad itattu. ³⁸ Isammaklal əs Farisay en awas issənta Xaysa tettay wər išşorad ifassan-net awa tənna alxadat-nasan. ³⁹ Təzzar inn-as Əməli Xaysa: «Kawanay Farisaytan, təzazdagam afalla n əsəlkəw d əxəzu, as iga awen, ammas ən wallan-nawan wər ədnayan ar tarkəbt əd talbast. ⁴⁰ Aljahilan! Wərgəy wa d-igan afalla ən təxəssa, ənta a d-igan ammas-net da? ⁴¹ Dağ adi əkətət i təlaqqawen awa ihan ikassan-nawan, əddi arət kul a dawan-izdag. ⁴² İket alxazab iqqâl-awan ya Farisaytan, fəlas təhakkam awa imosan təməssədək-nawan dağ ənnixnağ d əzzənəfan ən yelatan kul win fərgan, as iga awen, tətamazrayam əşşərixa ən Məşşina əd tara-net, s əntanay əs kawan-iwar ləkkum y-asan, da wər din-təglemam win hadatnen!

⁴³ İket alxazab iqqâl-awan kawanay Farisaytan, fəlas tərâm təximit dağ adag wa ilan almaqam dağ nan n əlxibada ən Kəl-Əlyəhud, d a kawan-saslan aytedan dağ sammanayan. ⁴⁴ İket alxazab

wər kala ad ewad wala iyyadda daɣ-asnat šiussay ən talassay. ²⁸ Dad isalsu Məššina yel əs tēmawit tēdi, s azalada ibdād, tufat ad itəwəsəryu daɣ təjəngərert; manəmmək as kawan-wər-z-assalsu, kəl əzəgzan əndərran!

²⁹ Daɣ adi a kawan-wər-ədgəzan medranan n awa za tatšim, wala awa za tašwim, wala deɣ işšəwəšan-kawan. ³⁰⁻³¹ Aratan win di kul aytedan win wər nəssen Məššina, a ozalnen daɣ agamay-nasan. Mišan kawanay, ədgəzat daɣ agamay ən Taɣmar ta n Məššina. Aratan win di kul a kawan-tawakfin əntanay da, fəlas Abba-nawan issân as təddiraram sər-san.

³² Təsəgərt n ayfad-in a kamət-wər-təggəz tasa, fəlas Abba-nakmat igrāz-as wəllen a kamət-akfu taɣmar-net.

³³ Zanzat-in awa təlam, təkətam-tu i təlaqqawen, tagim i man-nawan fartamanitan wər nətəməndu, təššidəwam daɣ jənnawən ərrəzəɣ wa wər nəxər-rəd, wər mad t-in-z-ihazan baydagan wala deɣ təɣšəd-tu tamaday. ³⁴ Edag wa teggaz təgərgist-nawan, ənta a z'əggəzan wallan-nawan.»

Assa n Ag Aggadəm

³⁵ «Eqqəlat aytedan otābnen, əs əryānat fətəlat-en-nasan. ³⁶ Talim d eklan əqqālnen y ad d-ifəl məššissan takrəst fəl a sər-əs in-əbdədan da da ad d-izzəkkat daɣ əmi n ahan. ³⁷ Əbbilalan eklan win d-ogaz məššissan okāyan. Silakanay-awan as, ad atəb ənta iman-net, isəɣɣimen, isəmmənsəw-tan. ³⁸ Gər z'iqqâl-du adawannay n ahad wala deɣ am-mas n ahad, eklan win d-ogaz məššissan okāyan əbbilalan.

³⁹ Wərgəy kawanay iman-nawan təssānam as, ən-nâr issân məššis n aɣaywan amazay wa daɣ du-z-idəl abaydaɣ, akəy isəmmutəg y a das-igdəl ter-azay n ahan-net? ⁴⁰ Səmmutəgat za kawanay da, fəlas nak Ag Aggadəm ad d-asa daɣ assəɣat tas wər tordem a daɣ-as d-asa.»

⁴¹ Təzzar inn-as Butros: «Əməli, nakkanay ɣas a fəl təgeɣ tangalt tēdi, meɣ aytedan kul?»

⁴² Ijjəwwab-as əməli ɣaysa inn-as: «Əmaššaxal wa iɣdalan ila deɣ əgərri ənta a isannafran məššis izzuzər-tu i maššaxalan-net win hadatnen fəl a tan-ihakku idəgran-nasan daɣ sudar daɣ alwaq wa ig-madan y awen. ⁴³ İbbilal əkli wen as d-iqqal məššis, ogaz-t-id iha əššəxəl wa daq q-id-oyyə den. ⁴⁴ Əg-gəyyəy əsilakanay-awan as, ad t-izzuzər məššis i təla-net kul.

⁴⁵ Mišan ənnar inna əkli wədi daɣ man-net: "Məšši illolat-in," təzzar ad iggat imaššaxalan əd təmaššaxalen win hadatnen, itattu, issasu esmad har ammaswad, ⁴⁶ əkli wədi, ilkâm a t-id-iɣdər məššis daɣ əzəl d amazay wər orda, təzzar ad t-ig-gât har t-iksən, ag-ay dad tawaggin aytedan win wər nəydel.

⁴⁷ Amaran əkli wa issanan awa ira məššis, iqqim wər t-iga madeɣ wər iga ənnəyat n igi-net, a das-

təwəgginat təwit aggotnen. ⁴⁸ Mišan əkli wa wər nəssen awa ira məššis, amaran iga arət ihoran d əwəddəb, a das-təwəgginat təwit wər nəggət. Awedan igrawan a aggen, a daɣ-as itəwəgməy a aggen. I itawasaxlafan a aggen, a daɣ-as itəwəgməy a ogaran awa itawasaxlaf.»

Ənəməzray d əššəriɣa wa d-izayan

⁴⁹ Dəffər awen inna ɣaysa: «Oseɣ-du fəl ad as-sarɣa təmsay daɣ əddənət. Sidaranay ad imos as tərɣâ. ⁵⁰ Amaran ilkâm daɣ-i ətəwəsəlməɣ, s iket wər t-əgeɣ əknan-i man-in əddəguz.

⁵¹ Tordâm as, assa a d-əgeɣ fəl a d-awəyax alxer s əddənət? Kala kala, ənəməzray a sər-əs d-ewaye. ⁵² Id a ibazan ɣur əmərədda, səmmos aytedan n ahan iyyanda ad nəməzrəyan, əwaran karad aganna fəl əššin, əššin deɣ əwəran aganna fəl karad. ⁵³ Ad inəməzrəy aləs əd barar-net, barar deɣ in-əməzrəy d abba-net, tənəməzrəy tətut əd tabarart-net, tabarart deɣ tənəməzrəy d anna-net, tənəməzrəy tədagalt əd tətut ən barar-net, tənəməzrəy deɣ tətut əd tədagalt-net.»

⁵⁴ Inna ɣaysa deɣ i tamattay: «Wərgəy as tənayam tagarak as du-təgmad daɣ ataram ad tannim əddi da: "Akonak izay-du." Təzzar agu adi da. ⁵⁵ As tənayam deɣ əhud as d-igar, ad tannim: "Ad tagu taksay." Təzzar agu adi da. ⁵⁶ Elmunafiqan, təssānam emel n alɣalamaten šin əganen fəl amaɣal əd šin əganen daɣ jənnawan, mišan adis wər təgrem azzaman win fall-awan əganen da?

⁵⁷ Mafel za wər təgrem kawanay iman-nawan awa oɣadan? ⁵⁸ Masalan as kay-iɣra awedan s adag n əššəriɣa, təgməy tēmawit əs tənəmaknam daɣ tarrayt. As wər təgeɣ adi, a kay-ilwəy har kay-is-səbdəd dat əlqali. Əlqali amaran a kay-igu daɣ fas-san ən soji wa kay-z-igəran daɣ kasaw. ⁵⁹ Əsilakanay-ak âs: Wər du-za-təgmeda iket wər tərzema. Wala tamma iyyadda wər din-za-taqqam.»

Addararat əs tətubt

13 Harwada işšewal ɣaysa as d-ənkarən aytedan əllanən den, əssoɣalan-as isalan ən meddan wiyad ən Galilaya as isisaga ənaxkim Bilatəs iman-nasan alwaq a daɣ taggin šikutawen daɣ Ahan wa Zəwwəran n Əlɣibada daɣ Yerusalam.

² Inn-asan ɣaysa: «Awak tordâm as, Kəl-Galilaya win di ogaran Kəl-Galilaya kul win hadatnen tišit ən nəsbakkadan fəl as əgan arak təmattant tēdi?

³ Ənnəy-awan, kala! Amaran kawanay da, as wər tətubam, ad təhləkam ketnawan.

⁴ Ma tənnam za s aytedan win maraw d əttam win fəl ibarajjat suru was itawannu Silowam daɣ əxrəm ən Yerusalam, inɣ-en? Tordâm as, ogaran Kəl-Yerusalam kul win hadatnen tišit ən nəsbakkadan?

⁵ Ənnəy-awan, kala! Amaran, kawanay da, as wər tətubam, ad təhləkam ketnawan.»

⁶ Ig-asan Xaysa tangalt iyyat, inn-asan: «Kala inbal aləs iyyan ašək as itawannu fig daɣ afarag-net n alɣanab. As təga tamert n ara-net, os-ay-du y ad d-inkəd aratan-net, mišan wər daɣ-as igrew wala. ⁷ Təzzar inna y amaššaxal wa innəttafan d afarag: "Ənəy! Əmərədda karad elan a əgeɣ tasa-du, gammaya-du aratan n ašək wa, mišan wər kala daɣ-as əgrawa wala. Daɣ adi əxtəs-t-in! Ma ikannu daɣ amaɖal wər t-idu-təgəmməd tənfa." ⁸ Inn-as amaššaxal wen: "Məšši, are daɣ-ak a tu-tayya tenewa da ɣas, ad əɣəzəɣ amaɖal wa t-iɣlayan, ənɣəla daɣ-as tamaqqost. ⁹ Iha mijas awatay wa d-izayan ad arəw, as wər erew, təssəxtəsaq-q-in."»

Təməzzəyt ən təntut iyyat daɣ əzəl ən təsanfawt

¹⁰ Əzəl iyyan ən təsanfawt isasaɣru Xaysa daɣ ahan n əlɣibada ən Kəl-Əlyəhud. ¹¹ Təlla təntut iyyat den təlât maraw elan d əttam issirantat aggəsuf, imos əruru-net təganzay, wər təfreg aqqad ən tabadday-net. ¹² As tat-inay Xaysa, iɣr-et-du, təzzar inn-as: «Tantut, təwərna-nam təzzayax daɣ-as!» ¹³ Issəwar-tat ifassan-net, toɣad təbadday-net alwaq wen da, ad təmmâl Məššina.

¹⁴ Mišan iggaz alham əmuzar n ahan n əlɣibada wen fəlas izzozay Xaysa awedan daɣ əzəl ən təsanfawt, inna əmuzar en i tamattay: «Wərgəɣ sədis adan as imməkkan a daɣ-san itəwəggu əššəxəl? Asiwat-du daɣ-san təgməyam təməzzəyt, wərgəɣ əzəl wa n təsanfawt!»

¹⁵ Inn-as Xaysa: «Əlmunafiqan, məni daɣ-wan wa wər nətəkkəs tewaxnay y azgar-net madəɣ itrəg əjad-net daɣ əzəl wa n təsanfawt y a t-id-aššašəw? ¹⁶ Tahayawt n ənnəbi İbrahim ta amaran, ikrâd İblis a ilân maraw elan d əttam, adis wər imməkkan ad tətəwəzuzəy daɣ əzəl ən təsanfawt?»

¹⁷ As inna Xaysa awen, təbaz təkarakit aytedan kul win nəmməzray-net, aytedan sa hadan amaran, ketnasan sidawen-tan mazalan əknanen šihussay win itaggu.

Əlmital n amasa n annabat igân esəm mutard əd wa n xamira

¹⁸ Inna Xaysa: «Ma dər tola Taɣmar ta n Məššina? Mas tat-z-ammattala? ¹⁹ Tolâ d amasa n annabat igân esəm mutard, idkal awedan inbal-tu daɣ afarag-net, idwal, iqqal ašək, ad taggin gəɖad šisəllula daɣ zəlan-net.»

²⁰ Inn-asan Xaysa dəɣ: «Mas z'ammattala Taɣmar ta n Məššina? ²¹ Tola əd xamira tərway təntut əd karad annafaxaten n agel n alkama har ikuf agel ketnet.»

Tarrayt ta n Taɣmar ta n Məššina

Iguz ən Taɣmar ta n Məššina

²² Iqla Xaysa, illil iɣərman əd təɣarmaten, isasaɣru aytedan, idâg sa sər Yerusalam.

²³ Inn-as awedan iyyan: «Əməli, awak aytedan wər nəgget ɣas a z'assafsu Məššina?» Təzzar inna Xaysa i tamattay: ²⁴ «Imi ən Taɣmar ta n Məššina i kəruzan, daɣ adi ballanat təgməyam d iguz-net. Ənneɣ-awan aytedan aggotnen a z'əgməynen d iguz-net, mišan a dasan-indər.

²⁵ As ijwar məššis n aɣaywan iɣfal-in fəl man-net təsəhərt n ahan, kawanay təbdâdam dat-əs, ad təgəzəm šin əkukəw, təgannim: "Mandam, aləm-anax!" Ann-awan: "Wər kawan-əzdayax za wər əssena da du-təfalam."

²⁶ Alwaq wədi a das-tannim: "Wərgəɣ nədraw dər-ək tettay əd tassay, təsisaxra dəɣ daɣ ɣərman-nana?" ²⁷ Mišan a dawan-annu: "Nak wər kawan-əzdayax. Ketnawan imaggan ən talbast a təmosam, ugagat-i."

²⁸ As tənayam İbrahim d İsəhaq əd Yaquub d ən-nəbitan kul əqqiman daɣ Taɣmar ta n Məššina, ən-ta kawanay iman-nawan tətəwəstəɣam daɣ-as, ad talim, ad tədaddam idədwən-nawan fəl təmagraz. ²⁹ Ad d-əgmədan aytedan dənnəg d ataram əd tamasna d agala, təzzar nəximin ədrəwan iməgura daɣ Taɣmar ta n Məššina.

³⁰ Ənəyat za! Aytedan win əhanen ələqqam əmərədda ad izaran, win azzarnen dəɣ əmərədda ad əggəzan ələqqam.»

Igi n ənnəyat əd Herod

³¹ Alwaq wen da t-id-əhozan arat daɣ Farisaytan, ənnan-as: «Əgməd edag a, fəlas əmənokal Herod ira igi ən man-nak.»

³² Inn-asan Xaysa: «Aɣlat tannin y awaqqas wa igan Herod: "Takkasax kələsuf daɣ aytedan, zuzəyax imiranan azalada əd tufat, amaran əzəl wa n karad ad assanda əššəxəl-in." ³³ Dər iga awen da ya, əššil a imos ad agla daɣ əšikəl-in, azalada əd tufat əd tufat ten, fəlas wər imməkkan ad iba ənnəbi daɣ adag wər nəmos Yerusalam.»

Tala ən Xaysa fəl Yerusalam

³⁴ Inna Xaysa: «Xa aytedan ən Yerusalam, iket təgam iman n ənnəbitan, tənɣam dəɣ əs təgur ən təhun win sər-wan d-izammazal Məššina! Awak har mənəkət taklaten, gammaya d a kawan-d-əšsidəwa s əmmək as du-təšadaw təkəjit ikərətənet daw əfrutan-net, mišan tugayam s awen! ³⁵ Ənəyat za, Məššina a daɣ-wan idkəl ifassan-net, iqqəl ahan-nawan əməjir. Amaran ənneɣ-awan, wər di-za-tələsam anay iket wər d-osa əzəl wa daɣ za tannim: "Wa d-osan s esəm n Əməli, iğrâw arraxmat."»

Æzuzøy ən Xaysa aləs iyyan dağ əzəl ən Kəl-Əlyəhud wa n təsanfawt

14 Əzəl iyyan ən təsanfawt, iggaz Xaysa ehan n iyyan dağ muzaran n Farisaytan fəl a xur-əs atşu. Əgaran dağ-as Farisaytan əllänen den şit-tawen. ² Illa aləs iyyan den as ibəyaxat alam-net ketnet, iqqîm dat Xaysa. ³ Issəstan Xaysa imusanan n Əttawret əd Farisaytan, inn-asan: «Awak əzuzøy n awedan dağ əzəl wa n təsanfawt xalâl, meğ wər xalal?»

⁴ Mişan wər das-ənnen wala. Amaran idas Xaysa əmiran en, izzozay-tu, issəgl-ay. ⁵ Təzzar inn-asan: «Məni dağ-wan was z'ihannayan barar-net madəx azgar-net har iqqəl dağ anu əzəl wa n təsanfawt, aqqam wər t-id-ikkəs dağ-as tamazayt tədi da?»

⁶ Wər əssenən a das-ənnan dağ batuten şin iga da.

İdaggan win saxmar

⁷ Igr-in Xaysa əsənnəfran wa əgan naftaxan idag-gan win taggazan aytedan win tawasaxmarnen təz-zar ig-asan ahol, inn-asan: ⁸ «As dağ-ak igmay awedan izzazlayan a das-in-təmögurex, ad wər təsənnəfrənax edag wa taggazan aytedan win tawasaxmarnen fəlas mijas igmây dağ awedan iyyan a kay-ogaran almaqam a das-in-iməgürət, ⁹ təzzar as-ik-du məşşis n ahan wa kawan-d-ixran əs məgura-net, ann-ak: "Əgməd edag y aləs wa." Təbəz-kay təkarakit, takkax dəffər aytedan taqqama. ¹⁰ Kalar as dağ-ak itawagmay a din-tasax iməgura, takka dəffər aytedan taqqama. Əddi, as d-osa məşşis n ahan, a dak-annu: "Əmidi-nin, zənkəz-du s adag ofân wədi." Akf-ik adi ətəwəsəxmar xur naftaxan kul win hadatnen.

¹¹ Fəlas awedan kul wa idkalan iman-net, ad itəwəsərəs, wa issərəsan iman-net dəx ad itəwəd-kəl.»

¹² Dəffər awen inna Xaysa i Farisay was innəftax: «As du-təxarrağ aytedan y a tan-taşşatşax ezal madəx ehad, a du-wər-taxra imidawan-nak, wala imədrayan-nak wala işəqqaxan-nak wala imah-haragan-nak ən məggərgas, fəl a kay-du-wər-axrin əntanay da, əzəl iyyan, ərzəman-ak awa dasan-təgeş. ¹³ Kalar as iqqal as təşatşax aytedan, şatşu şiləqqawen əd nəbdan əd məggudal əd məddərçal. ¹⁴ Təbbilalax as təgeş adi, fəlas əntanay wər əfregan a dak-ərzaman. Ərruzmatan-nak a tan-təgrəwa əzəl wa n tanakra n alxadilan.»

Əlmital wa n məgura win zawwarnen

¹⁵ As isla iyyan dağ naftaxan i batu ten, inna i Xaysa: «İbbilal awedan wa z'atşin dağ məgura win z'aginen dağ Taxmar ta n Məşşina.»

¹⁶ Inn-as Xaysa: «Aləs iyyan a itaggan iməgura zawwarnen, igmay dağ aytedan aggotnen a t-id-asin. ¹⁷ As d-əmməgnen mensewan, izammazal ak-

li-net y ad annu i naftaxan: "Asiwat-du, imensewan əmərədda əmmotagan."»

¹⁸ «Mişan əggazan-tu ketnasan s iyyan iyyan əd sur. Inn-as wa azzaran: "Səket əzzənza tawagost, kundaba oseq-qat ənəyaq-qat. A di-wər-təşşəkax." ¹⁹ Inn-as-du iyyan: "Səket d-əzzanza maraw zəgran y agayak, amaran areğ a tan-ərəma. A di-wər-təşşəka." ²⁰ Inn-as-du iyyan: "Səket əzlafa, dağ adi wər əfrega a kay-in-asax."»

²¹ «As d-iqqal əkli, iga i məşşis isalan kul win den. Iggaz alham labasan məşşis n axaywan, amaran inn-as: "Aglu tarmad, tilalax axrəm, tidawa-du əd tələqqawen əd nəbdan əd məddərçal əd məggudal."»

²² «As d-iqqal əkli, inna i məşşis: "Məşşi, əgeş awa di-tənnəx, mişan ehan harwa da ih-ay adag." ²³ Inn-as məşşis: "Əgməd axrəm, tilalax əd tar-rayen əd tamawen ən fərgan, təşəhhəşşələx aytedan a d-asin fəl ad idnəy ahan-in. ²⁴ İllikan as aytedan win as əzzara əgməya dağ-san a di-d-asin, wər tan-iha i z'irəman imensewan-in."»

Əşşərədan win əhanen ləkkum i Xaysa

²⁵ İmalallay-in Xaysa tamattay təkənat igət ta dər-əs təddewat, inn-asan:

²⁶ «Awedan wa iran a di-ilkəm, ənta wər di-iga tara togarat ta iga y abba-net, d anna-net əd tən-tut-net əd bararan-net əd mədrayan-net əd təmədrayen-net d ənta iman-net, wədi wər ifreg ad iqqəl anattalib-in. ²⁷ I wər nəger iri y ad idkəl təgəttawt-net, agu imateran-net ilkəm-i, wədi wər ifreg ad iqqəl ənalkim-in. ²⁸ Id nənna masalan ad ira iyyan dağ-wan ad ikrəs ehan imosan suru. Wəgeş təximit a itaggu, ixşəb awa t-ikrasan təz-zar, issən kud ila azrəf a t-issindan wala? ²⁹ As wər iga awen, as t-issənta akarəs har t-orna əsəndi-net, a dağ-as agin aytedan kul win t-ənaynen tamakkakkayt, ³⁰ annin: "Awedan wa, issənta akarəs n ahan, orn-ay ad t-isəkkəsəw." ³¹ Madəx nənna masalan, əmənokəl iyyan as inkar əməgər gar-es d iyyan. Wəgeş təximit a z'agu təzzar, isəmmədrən, issən kud ənta wa ilan maraw əgim n aləs, ifrâğ terazay n əmənokəl wa hadan ilân ənta sanatat təmərwən n əgim n aləs? ³² As inay as wər t-ifreg, harwa da iggug əmənokəl wa hadan as tu-z-issuku inəmmuzal, igməy dağ-as alxer.

³³ Kawanay da za əmmək di da, i dağ-wan wər nəmməzzay d awa ila kul, wər ifreg ad iqqəl anat-talib-in. ³⁴ Tesəmt arat olâxan a təmos, mişan as tat-təgməd tembay-net, məni təməwit tas tat-za-tətəwəsuxəl? ³⁵ Ab-as tat-təha tənfa waliyyat y amaçal wala dəx tah-et tənfa i tamaqqost. Tanayla xas a din-za-tətəwəggü. Wa isallin, aslet!»

Isalan ækkânen aytedan win æxtraknen

Elmital en tilay ta aba

15 Osan-du nabazan n amana ed nashakkadan kul Xaysa y a das-æssesëman. ² Eggazan Farisaytan ed musanan n Ettawret šin egëtetentë, gannin es Xaysa: «Awedan wa iqbâl inashakkadan, idarraw deŷ der-san imensewan.»

³ Tëzzar ig-asan Xaysa ëlmital wa, inna: ⁴ «As ila iyyan daŷ-wan temeday en tilay har daŷ-asnat tæssëggal iyyadda, awak wërgëŷ ad ayyu tazayat tëmërwen ed tazayat šin hadatnen edânmat, tëzzar azël iswëd i ta tæssëggalat har tat-d-igrëw? ⁵ As tat-d-igrëw, a tat-issëwër izeran-net fël awa iga daŷ tädëwit, ⁶ as d-iqqal aŷaywan a d-aŷru imidawan-net ed mahharagan-net, ann-asan: "Ayewat, tagim tädëwit ta egeŷ, fëlas agaraw a d-ëgeŷ tilay-nin ta tæssëggalat."

⁷ Ænnëŷ-awan zund ëmmëk di daŷ as, tëfalawist ta z'agin win ëhanen ijënnawan fël tëtubt n anashakkad iyyanda, togar ta tan-za-tëssëŷugu tazayat tëmërwen n aŷadil ed taza as ŷur iga as wër ed-dërarënan es tëtubt.»

Tamma n ëzrëf ta aba

⁸ «Madëŷ nënna masalan, tëntut iyyat a tëlät marawat tammaten n ëzrëf har daŷ-as aba iyyat. Wërgëŷ ad tassarŷu fëtëla, tëfrëd ehan-net ketnet, tës-wëd-as s ëlluŷ iket wër tat-tëgrëw? ⁹ As tat-tëgrëw, a du-tarŷu šimidawen-net ed tamahharagen-net, tann-asnat: "Agimat tädëwit ta egeŷ, fëlas agaraw a d-ëgeŷ tamma-nin ta daŷ-i aba." ¹⁰ Ænnëŷ-awan zund ëmmëk di daŷ as, tëtubt n anashakkad iyyanda tësifëliwis angalosan en Mëššina.»

Barar wa ixrakan

¹¹ Inn-asan Xaysa deŷ: «Alës iyyan a ilan ëššin bararan. ¹² As ezël iyyan inna wa mëdrëyan y abba-net: "Abba, akf-i adagar-in daŷ tëkasit." Izun-asan abba-nasan tëla-net.

¹³ Arat n adan dëffër awen, inkar barar wa ëndarënan iššëdaw awa ila kul, ikka akal iyyan iggugan. İlkam i tara en man-net, ad iŷaššad awa ila. ¹⁴ As inŷa awa ila kul, osa-du laz labasan akal wa iha, tëzzar iggaz šin tëmätatirt. ¹⁵ Iгла, išŷal y awedan iyyan n akal en da. Issok-ay šiwëgas-net y a das-idën daŷ-asnat iladayan-net. ¹⁶ Awa das-iga laz daŷ iguz, isidaran tettay en šëtša win tattin ladayan, mišan wër t-illa i das-tan-ikfân.

¹⁷ Amaran isammadran daŷ man-net, inna: "Awak wërgëŷ imaššaxalan n abba-nin eggëtan mišan ket-nasan elân a ëtšan har t-id-ëglëzan, ënta nak in-aqq-i laz da! ¹⁸ Ad ënkëraŷ, ëqqëla abba-nin, annaŷ-as: 'Abba, ëmmizrayax Mëššina, kay deŷ ëbbodaraq-ŷay, ¹⁹ ab-as ëhora d a di-itëwënnu barar-nak, ag-i iyyan daŷ maššaxalan-nak.'"

²⁰ Tëzzar inkar iqqal abba-net. Izây-in ehan daŷ igëg as t-ogga abba-net, tëggaz-tu tëhanint-net, ozal sër-ës, izalammat-tu, a das-itamallat.

²¹ Tëzzar inna barar y abba-net: "Abba, ëmmizrayax Mëššina, kay deŷ ëbboraŷ-ŷay, ab-as ëhora d a di-itëwënnu barar-nak." ²² Mišan inna abba-net y eklan-net: "Tarmâd awëyat-du takatkat ta tëhossayat, tëzzëzlägam-as-tat, tagim tësëndërt daŷ adad-net, tësëssëlam-tu. ²³ Tabëzam-du ëhëri wa iddëren, tëgzëmam-tu, ad natšu, nagu saksas, ²⁴ fëlas barar-in wa, šilat n as t-aba, amaran ëmërëdda idar-du; kala ixrak, amaran ëmërëdda igraw-du." Amaran ëssëntan daŷ saksas.

²⁵ As itaggu awen, barar-net wa n aŷafadday iha šiwëgas. As d-iqqal, ihöz-du aŷaywan, isla i sëwat d aweŷ. ²⁶ Iŷra-du iyyan daŷ eklan-nasan, issëstan-tu d awa itaggan den? ²⁷ Inn-as ëkli: "Amadray-nak a d-iqqalan, igzam abba-nak ëhëri wa iddëren, fëlas tewaxlay a t-id-iga barar-net wër ila malad."

²⁸ Iggaz-tu alham, ugay s iguz n ahan. Iqqab-du abba-net ad t-itansay. ²⁹ Eges inna y abba-net: "Wërgëŷ a ilan elan ëšŷälax-ak, wër kala ëmmëzrayax tënna-nak, harkid awen, wër kala di-tëkfëŷ wala ŷas ëŷayd eŷzama aga fall-as saksas nak ed midawan-in. ³⁰ Rurek amaran wa iŷšadan eharay-nak daŷ tëkarwaten ënta, osa-du ŷas tëgazamaŷ-as ëhëri wa iddëren."

³¹ Inn-as abba-net: "Barar-in, kay fawda tëlëŷ ŷur-i, awa ëlëŷ ketnet i-nak. ³² Mišan immikkan ad naddawat nagu saksas, fëlas amadray-nak, šilat n as t-aba, amaran ëmërëdda idar-du; kala ixrak, amaran ëmërëdda igraw-du."»

Tarŷëmt fël tara n ëddënet

Amaššaxal wa ilan tayttay

16 Inna Xaysa i nëttulab-net: «Kala a t-illa alës iyyan n ëmëggergës ilân amaššaxal isinattaf d ërrëzëŷ-net, amaran itawann-as iŷaššat-tu. ² Tëzzar isassaŷra-ay-du, inn-as: "Ma imos awa fall-ak sallax? Æmël-i awa tëgeŷ y ërrëzëŷ-in, nak ab-as areŷ ëššëŷël-nak."

³ Inna amaššaxal wa gar-es ed man-net: "Awak ëmërëdda ma z'aga as di-ikkas amuzar-in daŷ ëššëŷël? Nak, wër ëfregax agayak, mansay deŷ isikarakad-i. ⁴ Æssânax awa z'aga as kud tawakkasa daŷ ëššëŷël-in da, a di-ëqbelan aytedan daŷ nan-nasan."

⁵ Tëzzar isassaŷra-du aytedan win irwas alës was išŷal s iyyan iyyan. Inna i wa azzaran: "Ma kay irwas ëmuzar-in?" ⁶ Inn-as: "Temeday en tanaw en wëdi wa n azzayt." Inn-as amaššaxal: "ŷam, täd-këla širawt-nak ta n ëmarwas, tëktëbaŷ fall-as tarmâd sëmmostat tëmërwen en tanaw." ⁷ Dëffër awen inna y iyyan: "Kay za ma tëtawarwasax?" Inn-as: "Temeday en bëhu n alkama." Inn-as: "Ëdkël ši-

rawt-nak ta n əmarwas, təktəbəy fall-as əttamat təmərwən."

⁸ Təmərkəst ten, isl-et aləs wa iššəşyalan ark amaşşayal wen, təzzar ad t-immâl fəl təla-net tayt-tay. Tidət a imos as aytedan win wər nəksud Məşşina, ogaran win t-əksudnen təla ən tayttay dəy təyawsiwən šin əllanen gar-essan.

⁹ Nak za ənnəy-awan: Agiwat imidawan s ər-rəzəxən ən bannan win n əddənət ta; əddi as kawan-əgmadan, ad tətəwəqbalam dəy adag ən təməxsurt ixlâlan.

¹⁰ Awedan wa təha təfləst dəy arət əndərran, wa zəwwəran da təh-ay dəy-as. Wa wər təha təfləst dəy a əndərran, wa zəwwəran da, wər dəy-as tu-təha. ¹¹ Dəy adi, da kawan-wər-təha təfləst dəy ər-rəzəxən ən bannan wa n əddənət ta, ma kawan-z-izəzzigəzan ər-rəzəxən wa n tidət, wa ihan alaxirat.

¹² Amaran kud wər kawan-təha təfləst dəy arət wa wər tələm, ma kawan-z-akfin arət wa təlam dəy alaxirat?

¹³ Wər t-illa amaşşayal ifrâgan ad işxəl y əşšin muzaran. Wa xas icyad iyyan, iru wa hadan; madəy abbardag y iyyan, alku wa hadan. Wər təfregam ad təybədəm Məşşina, taglim dəy tozâlam dəffər əddənət.»

¹⁴ Əssisaman Fərisaytan y awa inna Xaysa den kul, taggin dəy-as tamakkakkayt fəlas imaran n əzrəf a əmosan.

¹⁵ Inn-asan Xaysa: «Kawanay təsaknim dat aytedan as alxədilan a təmosan, Məşşina amaran issân awa ihan iwallan-nawan; fəlas arət wa əz-zəwwəran aytedan, Məşşina ənta tagəlfat a t-iga.»

Əttawret d Əlinjil

¹⁶ «Əttawret d Əlkəttaban win Ənnəbitan əntanay xas a tawasaxrinen har əzəl wa d-osa Yaxya wa isalmağan aytedan dəy aman. Əddi amaran ad əggəzan salan win Əlinjil šin ətəwəgga, əmosnen isalan n əssa ən Təxmar ta n Məşşina, amaran ad igammay awedan kul iguz-net s assahat əd tal-labəst. ¹⁷ Dər iga awen da za, ogar tərğasay ta iga ad iba ijənnawan d amaḍal, ta iga ad iba wala xas əsakal iyyanda n Əttawret.

¹⁸ Adi a fəlas, aləs kul wa izammazzayan tantut-net, izlaf iyyat, wədi iga əzzəna. Aləs dəy wa izlafan tantut təmmizzayat, ənta da igâ əzzəna.»

Əməggərgəs iyyan əd təlaqqay təgât Lazarəs

¹⁹ Inn-asan Xaysa dəy: «Kala ad t-illa aləs iyyan n əməggərgəs n amayyan əs faw izlâg isəlsa win hossaynen, əzzəwatnen, faw dəy inniflay issiksas. ²⁰ As itaggu awen, dat əmi n ahan-net, isrâd aləs iyyan ən təlaqqay igân Lazarəs, əs əlsânat šiqqas elam-net. ²¹ Isidaran tettay ən kərəmrəm win du-rattaknen dəy mensewan n əməggərgəs en. Wala idan, tasin-t-idu tallaxan šiqqas-net. ²² Har əzəl wad aba təlaqqay ten, təzzar ewayan-tu anga-

losan s ənnəbi İbrahim dəy aljannat. Əməggərgəs ənta da, aba-tu itawanbal-in. ²³ İha Jahannama, itayazzab dəy-as as idkal asawad-net, ogga İbrahim dəy igəg, illâ xur-əs Lazarəs. ²⁴ Ad iğarru İbrahim, igann-as: "Ya Abba İbrahim, hənəttət-i, təzəmmizəla-du sər-i Lazarəs y ad issəlməx kuddey imi n adad-net dəy aman, issəsməd-i sər-əs iləs-in, fəlas alxəzab a tagga dəy təmsay ta."

²⁵ Mişan inn-as İbrahim: "Barar-in, Akta-du as kay təgrəwəx arət kul wa tərəx dəy təməddurt-nak, as iga awen, Lazarəs ənta wər inay ar alxəzab. Amaran əmərədda ənta as tawaknan man, kay tətağəzəba. ²⁶ Wa dəffər adi as, illâ əxəxi wər nələ edər gar-ena dər-wan, fəl ad wər iru waliyyan dəy-na a kawan-in-akku, ifrəg adi, wala dəy ifrəg waliyyan dəy-wan a dana-d-akku."

²⁷ İna əməggərgəs: "Dəy adi Abba, əgmâya dəy-ak ad təzəmmizəla Lazarəs s ayaywan n abba-nin, ²⁸ fəlas ələx səmmos mədrayan, y a dasan-irxəm fəl a du-wər-əggəzan əntanay da edag n alxəzab wa."

²⁹ Mişan inn-as İbrahim: "İmədrayan-nak əttâfan əlkəttab wa n Əttawret d Əlkəttaban n ənnəbitan win hadatnen, əlkəmanet-asan." ³⁰ İna y İbrahim: "Kala kala Abba-nin İbrahim, adi wər igda, mişan as tan-in-iqqal awedan a d-inkâran dəy nəmmət-tan, ad utaban." ³¹ Mişan inn-as ənnəbi İbrahim: "As wər əssəsəman y ənnəbi Musa d ənnəbitan win hadatnen, wər z'utaban kuddey ig-asan awedan a d-inkâran dəy nəmməttan isalan."»

Əssəsəxi ən Xaysa dəy batu n abakkad əd təsureft d əzəgzan

17 Əzəl iyyan inna Xaysa i nəttulab-net: «Wər t-illa a tu-wər-əmelan aratan as za səssuginen aytedan ibakkadan, mişan iket alxəzab ill-ay y awedan wa dasan-d-igan əssəbab. ² A das-afu ad itəwəqqən əzəzəd zəwwəran ən təhənt dəy iri-net itəwəgər-in dəy agaraw, tişit n əssəbab n abakkad i wala iyyanda dəy aytedan win mədrornen di.

³ Agat ənnəyat əd man-nawan!

As kay-idlam amadəy-nak, tərğəməy-as. Kud im-məgraz, təssurəfay-as. ⁴ Kud imos as ig-ak əssəyat tədlamen dəy əzəl, ig-ak-du əssa əssatən igammay təsureft dəy əzəl wen da, da surəf-as.»

⁵ Ənnan nəmmuzal y Əməli Xaysa: «Şitu əzəgzan-nana.» ⁶ Inn-asan Əməli Xaysa: «As təlam əzəgzan oğdân əd wala imi ən təzuxay n əşənən ad təfregam ad tannim y əşək wa: "Əlbəy-du iman-nak, təxta dəy agaraw en", agu awa tənnam.»

Təngalt n amaşşayal wa wər nələ maruzat

⁷ «Məni dəy-wan wa du-z-adəw akli-net iddânan mədəx igayyakan, ann-as: "Ayo tarmad tamman-sawax!" ⁸ Wərgəx tənna a das-za-tagim: "Saŋŋ-i a ətşəx təzzar, təwəyax-i-t-id, təşxələ har atşa, aşwax, dəffər adi amaran tatşa təşwa kay." ⁹ Awak aləs en ad iggudəy y əkli-net fəlas iga awas t-omar?

¹⁰ Kawanay da za, as tēgam arat kul was tētawamaram, tannim: "Nakkanay wēr nēmos ar eklan, wēr nēga ar awas danaḡ-iwar igi-net."»

Assa n Ag Aggadēm

Agoda iga alēs iyyan n aw Samarøya i Mēššina

¹¹ Ḳur iki ēn Ḳaysa Yerusalām, illam gēr akal wa n Samarøya ēd wa n Galilaya. ¹² As d-iggaz taḡrēm t iyyat, ēssēlkēdan-as-du maraw meddan igrâw kētru, ēbdadan-as-in daḡ igēḡ. ¹³ Ḳd kalān imaslan-nasan, ēn nan-as: «Ya Ḳaysa, Ḳššēx-nana, hēnētēt-ana!»

¹⁴ Iswad daḡ-san, inn-asān: «Aglat saknat iman-nawan i limaman.» Ḳglân ēkkân ilimaman y a dasan-ēmēlan, as ēzzayan zaddogan. ¹⁵ As din-igra iyyan daḡ-san tēmēzzēyt ta iga den, iqqal Ḳaysa, idkâl ēmēsli-net, immâl Mēššina. ¹⁶ As t-in-osa issējad dat-ēs, a das-itigudēy. Alēs en in akal ēn Samarøya.

¹⁷ Inna Ḳaysa: «Wērgēḡ marawessan as ēzzayan, zaddogan, ma ēgan taza win hadatnen? ¹⁸ Adis wēr tan-iha i d-iqqâlān iggudēy i Mēššina ar ēnaftaḡ wa?»

¹⁹ Amaran inna Ḳaysa y alēs wen: «Ḳbdēd, aglu, ēzēḡzan-nak a kay-iḡlasan.»

Assa ēn Taḡmar ta n Mēššina

²⁰ Ḳaysa, as t-ēssēstānan Farisaytan d alwaḡ wa du-za-tasu Taḡmar ta n Mēššina, inn-asān: «Taḡmar ta n Mēššina wēr du-tētēḡḡu assa ilân anay. ²¹ Wēr mad z'itēwēnnu: "Ḳnta da", wala "Ḳnta den". Ḳssēnat as, Taḡmar ta n Mēššina tēlla gar-ewwan.»

Assa n Ag Aggadēm

²² Dēffēr awen inna Ḳaysa i nēttulab-net: «Ḳlkâman adan a daḡ za tēsēddirēnam anay ēn tawaḡlay-nin nak Ag Aggadēm, kuddeḡ anay n ēzēl iyyanda, mišan wēr di-za-tēnēyam.

²³ Amaran a dawan-itēwēnnu: "Ḳnta den" madēḡ "Ḳnta da". Ad wēr taglim, wala tēlkēmam y awen.

²⁴ Ḳbēlēzēlēz a itaggu essam daḡ jēn nawan, isēm-mēlēwēlēw tama n amaḡal ta har ta, a dēr z'alu as-sa-nin nak Ag Aggadēm daḡ ēzēl-in. ²⁵ Mišan dat adi, ilzâm-i nak Ag Aggadēm anay n alḡazab aggen, unkarān-i dēḡ aytedan n azzaman win.

²⁶ Awa igan daḡ azzaman n ēnnēbi Nux, a z'agin daḡ adan win daḡ du-z-asa nak Ag Aggadēm. ²⁷ Az-zaman win den, aytedan tattin, sassin, zallafan, zâz-lafan har ēzēl wa d-iggaz Nux aḡlal n aman, tēzzar osa-du alwabil, ihlak-kan ketnasan. ²⁸ Zun d awen da dēḡ a igan daḡ azzaman ēn Lot. Aytedan tattin, sassin, zanzan, satagan, nabbalan, gayyakan, kar-rasan, ²⁹ har ēzēl wad igmad Lot aḡrēm ēn Sēdom, tēzzar issofay-du Mēššina fēl ēḡrēm en adayās-ēn-tahart ibilaglan, ihlak aytedan-net ketnasan.

³⁰ Zun d adi da a z'agin ēzēl wa du-za-tēwēsēnē-filēla nak Ag Aggadēm. ³¹ Ḳzēl wēdi, awedan wa iqqiman daḡ adag wa n afalla n ahan-net, amaran ēhân lalan-net ehan-net, a du-wēr-azzabbat y a tan-in-idkēl. Wa ihan tawagost-net dēḡ, ad wēr iqqēl aḡaywan. ³² Aktiwat-du awa igrawan taḡur Lot.

³³ Id awedan wa wēr nēḡēm mēy ar aggaz ēn man-net daḡ ēddēnet ta, ad affatu daḡ alaxirat; mišan wa isaffatan iman-net daḡ ēddēnet ta, ad iḡlēs.

³⁴ Ḳnēḡ-awan ahad wēdi, ad ēnsân ēššin aytedan daḡ tessat iyyadda, ammadkal iyyan, itēwēyyad-du wa hadan. ³⁵ Ad taddinat sanatat tēdoden daḡ adag iyyanda, tammadkal iyyat, tētēwēyyad-du ta hadat. ³⁶ Ad ēhân ēššin meddan tawagost iyyadda, ammadkal iyyan, itēwēyyad-du wa hadan.»

³⁷ Ḳssēstānan nēttulab Ḳaysa ēn nan-as: «Ḳmēli, wēdi arat mēnid z'agu?» Inn-asān: «Edag tēḡgaz tēmāxayt, a daḡ-as iddawan jadaran.»

Ḳl mital n ēmašraḡ ēd tētut as wēr idder alēs-net

18 Iga Ḳaysa i nēttulab-net Ḳl mital iyyan a daḡ ira a tan-issusēn as, ihor ad tansayan Mēššina faw, a daḡ-as wēr ēkkēsān attama.

² Inn-asān: «Aḡrēm iyyan a iha ēmašraḡ wēr nēk-sud Mēššina, wēr issēḡmar dēḡ awedan waliyyan.

³ Amaran aḡrēm en, tēh-ay tētut as wēr idder alēs-net a du-tētāsīt amašraḡ en, tēḡann-as: "Akf-i alxaḡ-in daḡ amakkarad-in." ⁴ As iga tamert itugēy-as, inna gar-es ēd man-net: "Kud wēr ēksudaḡ Mēššina, wala ēssiḡmaray awedan waliyyan, ⁵ da tantut ta, tēdgaz-i. A tat-akfa alxaḡ-net fēl a daḡ-as ēḡrēway iman-in.»

⁶ Tēzzar inna Ḳmēli Ḳaysa: «Tēsallam y awa inna arak amašraḡ wa? ⁷ Tordâm as Mēššina wēr z'akfu aytedan win isannafran alxaḡ-nasan, tu-tansaynen hallan ehād ezal? Tordâm as a fall-asan-in isahh-agu tadhēlt-net? ⁸ Ḳnēḡ-awan, a tan-akfu alxaḡ-nasan tarmad. Mišan harkid adi, ēzēl wa du-z-ēqqēla nak Ag Aggadēm, awak a d-agēzaḡ daḡ ēd-dēnet aytedan ēzzigzannen?»

Tilwat n ēḡyillas

Ḳl mital wa iga Ḳaysa fēl Farisay d ēn abaz n amana

⁹ Dēffēr awen, iga Ḳaysa Ḳl mital y aytedan ēttâf-nen iman-nasan daḡ tišit n alḡadīlan, as iga awen olkân aytedan, inn-asān:

¹⁰ «Kala ad ēḡḡēzayan meddan ēššin s Ahan wa Zēwwēran n Ḳḡyibada fēl ad agin šiwatriwen. Iyyan Farisay, wa hadan anabaz n amana. ¹¹ Farisay za, ibdad ad itattar, igannu daḡ man-net: "Ya Mēššina, ēḡḡodayay-ak as wēr oḡēḡ d aytedan win hadatnen ēmosnen inarkaban ēd nēm mēzraḡ ēd maggan n ēzzēna, wala dēḡ oḡēḡ d anabaz n amana wa. ¹² Ḳs-

sa adan kul, tuzama day-san əşšin. Takkasay təməssədək day awa garrawa kul."

¹³ Mişan anabaz n amana ənta, ibdad-in day igög, wər ihel wala adakal n asawad-net sa sər jənwawan, iggât idmaran-net fəl awa əgan man-net day əşşud, igannu: "Ya Məşşina təggəzet-kay təhanint-in nak n anasbakkad."

¹⁴ Ənneğ-awan, anabaz n amawan wa, iqqal ehan-net igrâw taqqat dat Məşşina, mişan Fərisay wen ənta wər igrew taqqat dat Məşşina; fəlas i idkalan iman-net, ad t-issərəs Məşşina, i issərasan iman-net ad t-idkəl Məşşina.»

Təwatray ən Xaysa i bararan

¹⁵ Harkid bararan win janğayan tawayan-tan-du aytedan əs Xaysa fəl a tan-issəwər ifassan-net, it-tər-asan. Ənayan nəttulab-net awen, əşşewalan fəl aytedan win den. ¹⁶ Mişan iğr-en-du Xaysa əs man-net, inna i nəttulab-net: «Ayyat bararan a di-d-akkin, a tan-in-wər-təwəxam; Tağmar ta n Məşşina, şin aytedan win şilaten-nasan. ¹⁷ Eggeyey silakanax-awan as, awedan wər nəga i Tağmar ta n Məşşina əlqəbulat şilat ən ta das-iga barar, wədi wər das-ilkem a tat-iggaz.»

Əddənet meş alaxirat

¹⁸ Issəstan əmuzar iyyan ən Kəl-Əlyəhud Xaysa, inn-as: «Əşşex olâyan, mas di-iwar igi-net y ad əgrəwə təməddurt ta təxlalat?» ¹⁹ Inn-as Xaysa: «Mafel as di-təganna Əşşex olâyan? Wər t-illa i olâyan ar Məşşina. ²⁰ Təssânaş alwajiban-net: Ad wər tagay əzzəna, ad wər tagay iman, ad wər takəra, ad wər tagay təgəyya ən bahu, səxmər abba-nak d anna-nak.» ²¹ Inn-as ələs wen: «Aratan win di kul harwa da mədrəya as tan-əssəbdada.» ²² As isla Xaysa y awen, inn-as: «Arat iyyanda a dak-in-iqqiman əmərədda: Aglu zanz-in awa təley kul, tuzanaş inazzan-net i tələqqawen ad təgrəwəş ərrəzəş a dak-z-ansin day alaxirat. Dəffər adi amaran tagla-du təlkəməş-i.» ²³ As isla y awen, əşşadan man-net wəllen fəlas təgərgist tagget a iga.

²⁴ As inay Xaysa as, əşşadan man n ələs en wəllen, inna: «İket əzzəwi ig-ay iguz ən Tağmar ta n Məşşina fəl win əggərgasnen. ²⁵ Ogar tərgəşay ta iga fəl ałam aradaş day təbuday n ənazmay, i ta iga fəl əmөгgərgəs iguz ən Tağmar ta n Məşşina.» ²⁶ Təzzar ənnan-as aytedan win das-əssəsammen: «Adi za ma ifragan ad ixləs day təmsay?» ²⁷ Inn-asan Xaysa: «Awa imosan muxal şur aytedan, Məşşina ifrâk-ku.»

²⁸ Inn-as Butros: «Nakkanay za, a oyyanen awa nəla kul, nəlkam-ak?» ²⁹ Inn-asan Xaysa: «Eggeyey əsilakanax-awan as, wər t-illa i din-z-ayyin ehan-net madəş tantut-net, madəş imədrayan-net, madəş imarwan-net madəş bararan-net fəl əddəlil ən Tağmar ta n Məşşina, ³⁰ əs wərgəş ad igrəw in-

ədfusan-nasan day harwa əmərədda, igrəw dey təməddurt ta təxlalat day azzaman win əlkammen.»

Ihəz n alğazab wa z'inəy Xaysa

³¹ İkkas Xaysa inəttulab-net win maraw d əşşin day aytedan, inn-asan: «Səsəmat: nakkanay da əg-gəzzaynen əs Yerusalama da, amaran den da ad z'andu arat kul wa əktaban ənnəbitan day salan-in nak Ag Aggadəm. ³² Ad tawagga day fassan n aytedan wər nəmos Kəl-Əlyəhud, agin day-i tamakkakkayt, agin-i şisəsəlka, əssutəfan fall-i, ³³ ayyawanan-i şiwwit, agin iman-in, təzzar ənkara-du day təməttant əzəl wa n karad.»

³⁴ Mişan wər t-illa a əgrân nəttulab-net day awa inna den, ittinkal-asan almaxna-net, wər əgren awa day dasan-işşewal.

Əzuzəy ən Xaysa əməddərgəl iyyan

³⁵ As d-ihəz Xaysa ağrəm wa n Yerikaw, okay fəl əməddərgəl iyyan iqqiman fəl afay ən tarrayt, itansay. ³⁶ As isla əməddərgəl i tamattay ta fall-as tətakayat da, issəstan d awa imos awen.

³⁷ Itawann-as: «Xaysa wa n əğrəm ən Nazaret a itakayan.» ³⁸ Amaran idkal əməsli-net, igannu: «Ya Xaysa wa n Ag ənnəbi Dawəd, hənəttət-i!» ³⁹ Sannarğaman-as aytedan win azzarnen y ad affastu, mişan idkal əməsli-net wəllen, igannu: «Ya Ag Dawəd, hənəttət-i!»

⁴⁰ Təzzar izzəkkat Xaysa, omar s a das-d-attalway. As t-id-osa, issəstan-tu, inn-as: ⁴¹ «Mas tareş a dak-aga?» Inn-as əməddərgəl: «Əməli, a ərəş a di-d-iqqəl asawad-nin.» ⁴² Inn-as Xaysa: «İqqələt-kay-du asawad-nak, əzəgzan-nak a kay-iğlasan.»

⁴³ İqqal-du asawad əməddərgəl tamazayt ten da, igla ilkam i Xaysa, immâl Məşşina. Aytedan kul win ənaynen awa iğan den, əntanay da əmmâlân Məşşina.

Zakkəyas wa n anabaz n amana

19 İggaz Xaysa ağrəm ən Yerikaw, okay day ammas-net y ad t-irdəş. ² Ağrəm en ih-ay ələs igân esəm Zakkəyas imosan əmuzar ən nabazan n amana n əmөгgərgəs. ³ Ad igammay d anay ən Xaysa, mişan təgdal-as-tu tamattay fəlas təgzələy a iga. ⁴ Təzzar ozal, azzar i tamattay, iftan aşək igân esəm sikamor fəl ad inəy Xaysa fəlas den da a du-z-akəy. ⁵ As d-ewad Xaysa edag wen, idkal asawad-net, inn-as: «Zakkəyas, zabbat-du tarmâd, əzalada kundaba əzzəbbəş day ağaywan-nak.» ⁶ İzzəbbat-du Zakkəyas tarmâd, iqbal awen, ifilawas. ⁷ As ənayan aytedan awen, gatantanan ketnasan, gannin: «İzzəbbat şur ələs n anasbakkad.» ⁸ Amaran ibdad Zakkəyas dat Əməli Xaysa, inn-as: «Ya Əməli, ad akfay təzunt ən təla-nin i tələqqawen, kud dey ill-ay i day ətşəş arat, a das-t-əssuyələ imos əkköz nədfusan.» ⁹ Təzzar inna Xaysa: «Azalada, ehan wa iggaz-t-id əlyillas, fəlas ələs wa, ənta

da ahaya n ənnəbi İbrahim a imos. ¹⁰ Nak Ag Ag-gadəm oseş-du gammayaş aytedan win əxraknen y a tan-əyləsa.»

Əşşəyəl ən Xaysa daş Yerusalam

Tangalt ta n tammaten

¹¹ Əssisaman aytedan y awa igannu Xaysa ketnet. İg-asan Xaysa tangalt iyyat fəlas ihoz Yerusalam amaran əxilan alwaq wad za tənəfiləl Taymar ta n Məşşina ewad-du. ¹² Inn-asan: «Kala ikka aləs iyyan n ag əket akal iyyan iggugan y a daş-as d-igrəw təmənukəla, iqqəl-du. ¹³ Dat teklay-net, iğradu maraw daş eklan-net. Akk iyyan daş-san ikf-ay tamma inn-asan: "Agiwat daş-asnat jola har d-əqqəla." ¹⁴ Amaran aləs en, wər t-əren aytedan n akal-net. As igla, əssəglan inəmmuzal s əmənokal wa zəwwəran y a das-annin: "Aləs di, wər nəra ad iqqəl əmənokal-nana."

¹⁵ Mişan igraw taymar, iqqəl-du akal-net. Isas-sayra-du eklan-net winəd ikfa tamatten da, fəl ad issən awa sər-san d-iggazan daş jola-nasan. ¹⁶ Os-ay-du wa azzaran, inn-as: "Məşşi, tamma ta di-tək-fəş əgrawa-du fall-as marawat şiyvad." ¹⁷ Inn-as məşşis: "Alafəyet! İllikan as akli oláşan a təmosa. Zamas təh-ik təfləst daş awa wər nəggət, adi za a kay-əzzuzəray i maraw xərman." ¹⁸ Os-ay-du wa n əşşin, inn-as: "Məşşi, tamma ta di-tək-fəş əgrawa-du fall-as səmmosat şiyvad." ¹⁹ Inna i wa: "Kay, ad tizaray i səmmos xərman." ²⁰ Os-ay-du wa n karad, inna: "Məşşi, tamma ta di-tək-fəş ənta da. Akamas a tat-əgəş daş əlkəşifa-nin, ogazaq-qat. ²¹ Təksəda a kay-əgəş, fəlas əssənay as aləs labasan a təmosa. Tədakkalay a wər təssənsa, tətəlaya dəş tawagost wər tənbelə." ²² Inn-as məşşis: "Kay, ark əkli a təmosa, awa d-igmadan imi-nak as kay-z-abəzəş. Dad təssənay as əməsəş awedan labasan, idakkalan a wər issənəsa, italay dəş tawagost wər inbel, ²³ ma fəl as wər təgəş azrəf-in daş bank, əddi as du-z-əqqəla əgrāwa fall-as tətəyt." ²⁴ Təzzar inna y aytedan win əllanə den: "Abəzat daş-as tamma ta ittaf, takfim-tat i wa ilan marawat." ²⁵ Ənnan-as: "Məşşikəna, wərgəş ilā marawat?"

²⁶ İjəwwab-asan, inna: "Silakanəş-awan as, wa ilan, wədi a das-itəwəşitu awa ila; amaran wa wər nəla, arət n arət wa ila da, a daş-as attarmas."

²⁷ Amaran aytedan win zəngə-nin, wər nəra ad əqqəla əmənokal-nasan, awəyat-tan-du, təgzə-mam-tan dat-i.»

Ihəz ən Xaysa Yerusalam

²⁸ As inna awen, iggaz əşaf ən nəttulab-net, ig-gəzzay əs Yerusalam. ²⁹ As din-ihoz tayrəmt ta n Betfajay əd ta n Betanəş, dəğma n ədşəş was itawannu wa n "Eşkan ən Zaytun", izammazal əşşin daş nəttulab-net. ³⁰ Inn-asan: «Akkiwat tayrəmt ten dat-wan den. As tat-in-təggazam, ad tənəyam

əhulel n əzdan iqqənan əs kala wər ittəwan. Ari-wat-t-id, təlwəyam-t-idu. ³¹ As kawan-issəstan awedan, inn-awan: "Xa, ma tətəggim əddi?" Tan-nim-as: "Əməli a sər-əs iddəaran."» ³² Əglan nəttulab win den, ənayan arət kul s əmmək wa daş as dasan-t-inna Xaysa. ³³ Təran əhulel, as dasan-ənnan məssawəs: «Xa, ma tətəggim əddi?» ³⁴ Ənnan-asan nəttulab win əşşin en: «Əməli a sər-əs id-dəaran.»

³⁵ Əlwayan-t-id i Xaysa. Ədfaran-as fall-as isəlsan-nasan, əssəwanan-as-tu. ³⁶ İmatakway, a das-tis-səwan aytedan isəlsan-nasan daş tarrayt-net. ³⁷ As d-ewad Xaysa edag wa daş təzagaday tarrayt adşəş wa n Eşkan ən Zaytun, daş ənəmişəş ən Yerusalam, ədkalan nalkiman-net ketnasan imaslan-nasan, əssəggadan daş təmmalən i Məşşina daş batu ən təlməşjəşaten kul şin ənayan.

³⁸ Gannin:

«İga Məşşina albaraka y əmənokal wa d-osan s esəm n Əməli.

Attadet alxer əd tanaya daş jənnəwan win ədkalnen!»

³⁹ Təzzar ənnan Fərisəştan əhanən tamattay en i Xaysa: «Əşşəş, ərgəş i nalkiman-nak!» ⁴⁰ Inn-asan Xaysa: «Ənşəş-awan, as əffəstan, şihun a, a za səşşəşətən.»

Awa iqqalan i Yerusalam

Tala ən Xaysa fəl Yerusalam

⁴¹ As din-ihoz Xaysa aşrəm ən Yerusalam, ogg-ay, iggaz fall-as şin tala; ⁴² igannu: «Ya Yerusalam, ən-nar kam dā, təssənəş əmmək was za təgrəwəş alxer azalada; mişan wər tu-təssəna, fəlas aşabar a dam-iga. ⁴³ Əlkəman adan a daş kam-za-xəlişləşəş zəngə-nam, ağın-am afarag issohen n əməgər, ədgəzan-kam fəl gannatan kul.

⁴⁴ Addəgdəgan-kam, kam d aytedan-nam. Wər daş-am du-z-ayşin təhənt təwərat iyyat, fəlas tugayəş s ad tagraş assa wa dam-d-iga Məşşina y dam-əgu arraxmat-net.»

Asatəş ən Xaysa imassatəgan daş Əhan wa Zəwwəran n Əlyibada

⁴⁵ Dəffər awen, iggaz Xaysa aşalla wa işlayan Əhan wa Zəwwəran n Əlyibada, a daş-as isattay imassatəgan. ⁴⁶ İgann-asan: «Wərgəş iktāb as, inna Məşşina: "Əhan-in ad iqqəl əhan ən təwətri-wen." Kawanay amaran təgəm-tu "əşəşləş ən baydəgan"?"

⁴⁷ Akk əzəl isəsəşşu Xaysa daş Əhan wa Zəwwəran n Əlyibada. Ad gammayan muzaran ən limaman əd musanan n Əttawrət əd muzaran ən Kəl-Əlyəşhud d igi ən man-net, ⁴⁸ mişan ab-asan təməwit tas z'əgin awen, fəlas aytedan kul əknən-as əsəsam.

Æsossægrī ən Ȝaysa day Ahan wa Zəwwəran n Elyibada

Ma ikfan Ȝaysa tarna ta ila?

20 Ezel iyyan isassayru Ȝaysa aytedan day Ahan wa Zəwwəran n Elyibada, immal-asan Elinjil as t-id-osan muzaran ən limaman əddewan əd musanan n Ettawret əd muzaran ən Kəl-Elyəhud, ² ənnan-as: «Eməl-ana da du-təgrawa tarna n igi n aratan win tətægga da? Ma dak-kat-ikfan?» ³ Inn-asan: «Nak da a dawan-agay əsəstan iyyan, amaran əməlat-i: ⁴ Awak əsəlməx wa iga Yaxya aytedan day aman, Məššina a xur d-ifal awen meyx aggadəm?»

⁵ Təzzar namašawwaran gar-essan, ənnan: «As das-nənnan "Məššina a xur d-ifal" a danay-annu: "Mafel za wər təzzəgzənam s awa inna?" ⁶ As das-nənnan "Aggadəm a xur d-ifal", tamattay ta, ketnet as dana-za-tanxu əs zabaw ən təgur, fəlas təkəkās aššak as Yaxya ənnəbi a imos.» ⁷ Ənnan-as amaran: «Wər nəssen wa xur d-ifal.» ⁸ Inn-asan Ȝaysa: «Nak da za, wər dawan-z-əmələx dad d-əgrawax tarna n igi n aratan win.»

Elmital ən magyakan n alyanab

⁹ Amaran imalallay-in Ȝaysa tamattay ig-as əlmital wa, inna: «Kala ad ila aləs iyyan afarag n alyanab. Təzzar issəxfar afarag-net en i magyakan wiyyad, iššokal, ig-in tamert tagget. ¹⁰ As du-tewad tamert ta n əmiləy n alyanab, izammazal sər-san iyyan day eklan-net y a t-id-akfin adagar-net day awa d-eraw afarag, mišan əgan-as šiwwit, əs-soxalan-tu məššis isikarayray ifassan. ¹¹ Izammazal sər-san iyyan akli. Ənta da, əgan-as šiwwit, safallasan-tu, əssoxalan-tu wər eway wala. ¹² As taklat ta n karadat, izammazal sər-san iyyan akli. Ənta da sabbasan-tu, əstaḡan-tu. ¹³ Dəffər awen inna məššis n afarag: "Awak ma z'aga? A sər-san zəmmizəla ruray wa əkney tara, mijas ənta a t-əssəxməran." ¹⁴ Mišan as ənayan magyakan win əxfarnen afarag barar-net izay-tan-du, namannan gar-essan: "Ənta əddi amakkasu n afarag. Anxi-watanaq-qu kərəz, fəl ad təqqəl təkəsət šin-nana." ¹⁵ Ekkasan-tu day afarag, ənḡan-tu kərəz.» Amaran inna Ȝaysa i tamattay: «Əmərədda ma tordam ma z'agu məššis n afarag i win den meddan? ¹⁶ Adi za ad aglu ənta iman-net, agu iman ən magyakan win, issəxfər afarag-net i magyakan wiyyad.» Eslan aytedan y awen ḡas, ənnan: «Məššina ya wər təgey adi!»

¹⁷ Təzzar idak-kan Ȝaysa s asawad, inn-asan: «Day adi ma imos almayna ən batu ta tənnat day Elkəttaban: "Təhunt ta din-əgaran makrasan, ənta a təqqalat təhunt ta təkbalat ehan"?"¹⁸ Awedan kul wa udan fəl təhunt ta, ad addagdag, wa fəl tuda dey a tu-təlkəš.»

¹⁹ Egran musanan n Ettawret əd muzaran n limaman as əntanay a fəl iga Ȝaysa əlmital wen, təzzar əgməyan d abbaz-net amazay wen da, mišan wər əgen awen, fəlas tamattay a əksudan.

Arazam n amana i Qaysara

²⁰ Adi a fəl ewalan Ȝaysa, ənkādan-as. Əssokan-tidu meddan əgānen iman-nasan almat alḡadılan, fəl a tu-šəššiwəlan sassannin-tu arət wər nətəwənnu, abəzən-tu sər-əs, agin-tu day fassan n əmuzar n akal d əlxəkum-net. ²¹ Əssəstanan Ȝaysa, ənnan-as: «Eššex, nəssān as awa təganna d awa təsasayra oxād; wər tətəgga təmərīt gər aytedan. Təsasayra əs tidət awas danay-iwar igi-net day tarayt ta n Məššina. ²² Amaran əməl-ana, awak xalalana arazam n amana y əmənokal wa zəwwəran Qaysara meyx?»

²³ Igra Ȝaysa tənəgməyt-nasan, inn-asan: ²⁴ «Saknat-i tefelt n əzrəf. Ma ilan udəm d esəm win t-əwarnen?» Ənnan-as: «In Qaysara.» ²⁵ Inn-asan: «Adi za agiwat i Qaysara awa kawan-issəwar, tagim dey i Məššina awa kawan-issəwar.» ²⁶ Indarasan a tu-səssugin ark awal dat aytedan. Isammakləl sər-san aljawab wa dasan-iga den, əffəstan.

Æsəstan igān day batu ən tanakra day təmat-tant

²⁷ Dəffər awen osan-t-id arət day aytedan ən taggayt ta n Sadusaytan. Sadusaytan əttāfan as wər tu-təlla tanakra dəffər təmat-tant. Əssəstanan-tu, ²⁸ ənnan-as: «Eššex, inna ənnəbi Musa day Ettawret: "As aba aləs, oyya-du tantut dər wər ila barar, a tat-izləf amadrəy-net fəl ad agu əzzurrəyya y əmidi-net wa aba den." ²⁹ Amaran kala a t-əllan əssa mədrayan. Izlaf wa dasan-waššaran ketnasan, aba-tu wər ila barar. ³⁰ Izlaf wa n əššin tantut ta d-oyya əmaq-qar-net, ənta da aba-tu wər d-oyya ara. ³¹ Wa n karad dey awen da. Əssa mədrayan en ketnasan igraw-tan awen da, wər tan-iha i d-oyyan ara. ³² Dəffər awen, aba tantut ənta da. ³³ Awak əzəl wa n tabadday, ma imos day əssa mədrayan win den was za təqqəl təntut ten taḡurəs, dad zamas ketnasan əzlāfan-tat?»

³⁴ Inn-asan Ȝaysa: «Day əddənət ta nəha da, zalafan meddan, tawazlafnat tədoden, ³⁵ mišan aytedan win isannaha Məššina əd tanakra day təmat-tant fəl ad əggəzan aljannat, win di wər dasan-tilla azalaf gər za meddan wala šidoden. ³⁶ Id abas day-san təlcam təmat-tant, olān d angalosan, əqqalan bararan ən Məššina id tanakra a d-əgan day təmat-tant. ³⁷ Amaran day awa iqqalan tanakra ən nəmməttan, ənnəbi Musa ənta iman-net as isat-tadda awen day Ettawret, day batu ən təfsəq, as-sayə wad inna Məššina imos "Eməli n Ibrahim, d Isəhaq əd Yaḡub." ³⁸ Day adi Məššina wər imos Eməli ən təməxsa, kalar Eməli ən win əddarnen a imos, fəlas xur-əs aytedan kul əddāran.»

³⁹ Ennan wiyyad daɣ musanan n Ettawret i ʒaysa: «Eššex, tægêɣ awal olâyan.» ⁴⁰ Dëffër adi ab-as əhalan əsəstan-net d arat waliyyan.

Əsəstan igân daɣ batu n awa imos Elməsix

⁴¹ Dëffër awen issəstan-tan ʒaysa inn-asan: «Manəmmək as itawannu Elməsix Ag əmənokal ənnəbi Dawəd a imos? ⁴² Ənta Dawəd iman-net as sər-əs inna daɣ əlkəttab wa n Azzabur: "Inna Əməli y Əməli-nin: 'Qamu daɣ əyil-in, ⁴³ har aga izəngan-nak daw daran-nak.'"

⁴⁴ Daɣ adi dad zamas Dawəd iman-net iyra Elməsix s esəm wa n Əməli, manəmmək as z'iqqəl barar-net?»

Ənnəkud i təlmənufəqa ən musanan n Ettawret

⁴⁵ Harwada əssisaman aytedan kul, as inna ʒaysa i nəttulab-net: ⁴⁶ «Ənkədat i musanan n Ettawret, ərân əsəɣləy əzlâgan šikadkaden zagrotnen, d ətəwəsəslam igân əs saɣmar daɣ sammanayan, ərân təyimit daɣ daggan win əlanen almaqam daɣ nan win əɣibada ən Kəl-Əlyəhud, əd daggan n aytedan win tawasaymarnen daɣ məgura. ⁴⁷ Tattan eharay ən tədoden šin as aba meddan-nasnat, as iga awen, taggin imaddan tahaginen wər nəmos ar sokni. İlkâm a dasan-itəwəxkəm attadib labasan.»

Takutay ən təntut as aba aləs-net

21 Idkal ʒaysa asawad-net, inay iməggərgas taggin azrəf wa əkkatan daɣ əssənduq wa daɣ itiddaw ərrəzəɣ n Ahan wa Zəwwəran n Əlyibada. ² Inay deɣ tantut iyyat ən tələqqay as wər idder aləs-net as təga daɣ əssənduq en sanatat təfelen. ³ Təzzar inna: «Əggəyyeɣ silakanax-awan as, tantut ten ən tələqqay en as wər idder aləs-net en, togar aytedan a ketnasan tehakkay. ⁴ Fəlas ketnasan awas wər əddərarən a əkfan, ənta amaran, addararat-net a daɣ təkəl awa təla kul təkət-tu.»

Assa n əzəl wa ilkaman

Əbərəjji wa ilkaman daɣ Ahan wa Zəwwəran n Əlyibada

⁵ Əššəwalan aytedan wiyyad daɣ batu n Ahan wa Zəwwəran n Əlyibada, əmmâlan adalag wa iga əs təhun hossaynen d aratan win əkfan aytedan daɣ təkutawen-nasan. Inna ʒaysa: ⁶ «A wa təhannayam da, əlkâman adan a daɣ-as du-wər-za-taqqam təhünt təwârat təmidit-net, ketnet ad itəwəjəb-bərəjjət.»

Ənkədat y awa ilkaman

⁷ Təzzar əssəstanan-tu, ənnan-as: «Eššex, əmmay ad z'agu wədi arat? Ma za təqqəl aɣalamat ta za tassaknit as ibuk y igi?»

⁸ Inn-asan ʒaysa: «Ənkədat ad wər tətəwəsəxrəkam, id aytedan aggotnen a du-z-asinən əttafan esəm-in. Akkiyyan daɣ-san igannu: "Nak a imosan Elməsix", "Taqqan tewad." A dasan-wər-təlkəmam. ⁹ As təslam i tərnuq ən məgiran d əlfəllagatan, ad wər təššəwəšam fəlas, aratan di kundaba izâran-du, mišan wər dasan-za-təlkəm təzərəst n əddənət əddi da.»

¹⁰ Inn-asan deɣ: «Ad əknəsnat addawlaten gar-es-sanat, əknəsnat təymaren gar-essanat, ¹¹ əməlan-tu nəgəynəgəyan n amaɣal labasnen; iməl-tu laz əd təwərnawen əssiksadnen daɣ daggan aggotnen, əməlan-tu deɣ aratan əssiksadnen d aɣalamaten əsimaklalnən daɣ jənnawan.

Ətəwədgaz ən nalkiman

¹² Mišan dat adi kul, ad tattarmasam, tətəwəzəxəzzəbam, tammawayam əs nan win əɣibada ən Kəl-Əlyəhud, tətəwəggim da kasaw, tətəwəsəbdədam dat mənokalan əd naxkiman, tətəwəsəstənam fəlas kawan-iwar esəm-in. ¹³ A kawan-akfu adi tarrayt n a fall-i taggayem.

¹⁴ Daɣ adi sansiwat taytween-nawan, ad wər təsəmmutəgam awa za tannim y ad təkəkəsam iman-nawan, ¹⁵ fəlas a kawan-akfa masnat n awal əd təla n əgərri as tu-wər-illa azangaw-nawan a dasan-z-ifrəgan wala deɣ ifrəg isəbbəhəw-nawan. ¹⁶ Wala imarwan-nawan a kawan-səttərməsən, sət-tərməsən-kawan mədrayan-nawan əd šəqqaqan-nawan əd midawan-nawan, təwənyin wiyyad daɣ-wan kərəz. ¹⁷ A kawan-əgzəran aytedan kul fəlas kawan-iwar esəm-in, ¹⁸ mišan wər dawan-z-iɣšəd adi wala a odgan əd təzuyay n əmi n əššənnan. ¹⁹ Zəmmerat-nawan as za tagəzəm iman-nawan.

Ətəwəšray wa ilkaman daɣ əxrəm ən Yerusalam

²⁰ As tənayam əxrəm ən Yerusalam ɣilayɣalayan-tu gənan ən sojitan, təssənam as ijwâr itiwadagdag. ²¹ Eddi, aytedan win ahanen akal ən Yahudəyya, win di addaggaganet s ədɣaxan. Win əhanen əxrəm ən Yerusalam, əgmədanet-tu, win t-əgmədnən əs saffan-net, a t-idu-wər-əqqələn, ²² fəlas adan win di, ad əqqələn adan a daɣ z'awwaddab Məššina aytedan, fəl ad andin aratan kul win ənnan Əlkəttaban.

²³ İket aɣazab ad t-aginət tədoden šin əganen šidusen əd šin sankasnen daɣ adan win dən, fəlas ad tagu təssust labasat daɣ akal, azzabbat-du at-tadib ən Məššina fəl tamattay ta. ²⁴ Arat daɣ tamattay ta ad itəwənyu əs takoba, awa hadan ikfəl əs kallan kul, əggəznat təmattiwen wər nəmos Kəl-Əlyəhud əxrəm ən Yerusalam, a tu-tataftafnat har tandu təmastant ta tanat-ikfa Məššina.

Assa n Ag Aggadëm

²⁵ Ad tawənəyan aratan saksodnen əmosnen alğalamaten as z'əginen da təfuk əd təllit d etran. Ad əşşəwəşnat təmattiwen n əddənet wəllen, iqqən əməsli labasan wa tagginat tanazzamaren n aman ən gərwan ixfawan-nasan. ²⁶ Aytedan a tantanxu tasa n aratan win hannayan əzayan-du əd-dənet fəlas ad tawəsənəgəynəgəynat təxəllak šin əlānen tarna daɣ jənnawan. ²⁷ Alwaq wədi, a di-ənəyan aytedan nak Ag Aggadëm as du-z-asa, əheɣ tagarak, əleɣ tarna əd tanaya tagget.

²⁸ As əntan aratan win di, təsəmmutəgam, an-nalamanet man-nawan, fəlas alwaq ən tədarfit-nawan ihôz.»

Elmital wa iga Xaysa s ašək ən fig

²⁹ Ig-asan Xaysa əlmital, inn-asan: «Ənzərat-in daɣ ašək ən fig d eškan win hadatnen. ³⁰ As əggazan šin tanazra, ad təssənam kawanay iman-nawan as tamert ta n akasa təhöz. ³¹ Zund əmmək en daɣ əs as tənayam aratan win dawan-əmalay əddi, təssənam as Taɣmar ta n Məššina təhöz. ³² Əggəyyey əsilakanay-awan as tamattay ta da n azzaman win nəha da, ad tənəy ənətti n aratan kul win dawan-əmalay da. ³³ Ijənnawan d amaɣal ilkâm ad ib'as t-əllan, mišan batuten-in əllanat-tu har faw.»

Səmmutəgat, tənkədam

³⁴ «Ənkədat fəl man-nawan! Ad wər ixsəd igət ən tattay əd tassay n esmad əd medranan n əddənet ənnəyaten-nawan, aɣ-awan əzəl wədi aɣadar, ³⁵ zun wa tətəggu taftaw y awedan. Arat wədi ad agu fəl aytedan kul win əwarnen tesayt n amaɣal. ³⁶ Daɣ adi agat ənnəyat, ad tətansayam Məššina al-waq kul a kawan-issəfragan ikus ən man-nawan daɣ awa d-izayan ketnet, təfrəgam a dat-i təbdə-dam nak Ag Aggadëm.»

Əšşəxəl ən Xaysa daɣ Ahan wa Zəwwəran n Əlyibada

³⁷ Faw isasayru Xaysa aytedan daɣ Ahan wa Zəwwəran n Əlyibada, amaran as iga əhad, ad adəw adɣay igân esəm wa n Eškan ən Zaytun. ³⁸ Id affaw, a d-ənəyan aytedan kul s Ahan wa Zəwwəran n Əlyibada y a das-əssəsəman.

Tamattant əd tanakra ən Xaysa Əlməsix

Tadrəwt ən Xaysa ta təlkamat əd nəttulab-net imensewan

Anu ən təydərt wa itawayazan i Xaysa

22 Amud wa daɣ tattin aytedan šigəlwen šin wər iha xamira, was itawannu wa n Akkay, ihôz. ² Imuzaran ən limaman əd musanan n Ət-tawret gammayan təmərkest tas z'əgin iman ən Xaysa, mišan əksudan ad t-anɣin ijənnəjərwəy awen tamattay.

³ Iggaz Aššaytan Yahuza was itawannu Isxarəyuti imosan iyyan daɣ nəttulab ən Xaysa win maraw d əššin. ⁴ Iгла, ikka imuzaran ən limaman əd muzaran n aytedan win ogaznen Ehan wa Zəwwəran n Əlyibada, imašawal dər-san daɣ batu n əmmək was z'əgu Xaysa daɣ fassan-nasan. ⁵ Isaddawat-tan awen; ərdan s ad t-akfin azrəf. ⁶ Ird-asan, təzzar ad igammay təməwit tas z'əgu Xaysa daɣ fassan daɣ amazay a ɣur-əs wər təlla tamattay.

Imutag n əmud wa n Akkay

⁷ As d-ewad əzəl n əmud wa n təgəlwen šin wər iha xamira, wa daɣ tawagzaman jəɣal win əmud wa n Akkay, ⁸ izammazal Xaysa Butros əd Yaxya, inn-asan: «Aɣlat təsəmmutəgam-anay imensewan win əmud wa n Akkay.»

⁹ Ənnan-as: «Mənid tareɣ a tan-nəsəmmutəg?» ¹⁰ Inn-asan: «As din-təggazam aɣrəm, ad tam-manayam d aləs a d-iktâran ətəkin-net. Əlkəmat-as s ahan wa z'iggəz, ¹¹ tannim i məššis n ahan wədi: "Inn-ak Əššex: 'Məni tu daɣ ahan-nak edag wa n naftaxan, wa daɣ za nammansaw nak əd nəttulab-in daɣ əmud wa n Akkay?'" ¹² A kawan-assaknu daɣ suru-net, ehan wa n afalla, elwân, əhân-tu mutag kul. Əddi da ad za təsəmmutəgam imensewan.»

¹³ Əɣlan, ənayan arat kul s əmmək was dasan-t-inna Xaysa; təzzar ad simutugan imensewan win Akkay.

Imensewan win əmud wa n Akkay

¹⁴ As iga alwaq ən tattay, inaxama Xaysa əd nəm-muzal-net, əggazan šin tattay. ¹⁵ Təzzar inn-asan: «Əkney dərən ən tadrəwt ta dər-wan əgeɣ imensewan n əmud wa, harwa wər əɣxəzzaba.

¹⁶ Silakanay-awan as, wər di-ilkem a tan-ələsa tət-tay iket wər d-osa əzəl wa daɣ z'andu almayn-nasan daɣ Taɣmar ta n Məššina.»

¹⁷ Təzzar idkal-du Xaysa təkabart iha esmad n alɣanab, iggoday i Məššina, inna: «Abəzat təkabart ta, tənəməgləzam awa tat-ihan, ¹⁸ fəlas əsilakanay-

awan as, wər ilkem ad əşwey esmad n alɣanab, iket wər du-tosa Taymar ta n Məşšina.»

Əsəbdəd ən mensewan win əmosnen isaktan n Əməli

¹⁹ Dəffər awen idkal Ƴaysa tagəlla, iga igodan i Məşšina, irz-et izun-asan-tat, inn-asan: «taɣəssa-nin adi, tətıwəkfət fəl əddəlil-nawan. Tuzanat-tat əs təməwit ta da, imos adi isaktan-in.»

²⁰ Zund əmmək en da əs as ətšan, idkal təkabart, inn-asan: «Təkabart ta, arkawal wa aynayan ən tassaq a təmos gər Məşšina əd tamattay-net. Arkawal wa, azni-nin a z'ınxəlan fəl tənfa-nawan a t-isattaddan.»

Emel ən Ƴaysa ətəwəkəddal wa z'itəwəggu

²¹ «Fadda ənəyat, aləs wa di-z-aggin dəy fassan, illa da da, idrâw dər-i. ²² Illikan as nak Ag Aggadəm a di-iba əs təməwit ta d-ixkam Məşšina harwa dat alwaq, mišan iket alɣazab ad t-inəy awedan wa di-igan dəy fassan.»

²³ Təzzar ad tinəməsəstinan nəmmuzal-net gər-essan əd wa dəy-san z'agin wen dəy arət.

Ma imos wa dəy-wan ogaran

²⁴ Dəffər awen tənkar tamazaq gər-essan təgât dəy batu ən was əttafan as ənta a dəy-san ogaran.

²⁵ Inn-asan Ƴaysa: «İmənokalan ən təməttiwen n əddənət saknin tarna y aytedan win as azzaran, zamazalan fall-asan dəy əlxəkum-nasan; mišan dər iga awen da əttâfan as imadhəlan n aytedan a əmosan. ²⁶ Mišan kawanay, ad wər tagim awen. Kalar, wa dəy-wan ogaran almaqam, iqqəlet zun wa dəy-wan mədrəyan. Wa dəy-wan azzaran, iqqəlet zun amaşşaxal. ²⁷ Awak ma ogaran awedan wa iqqıman itattu əd wa das-işxalan? Wərgəy wa iqqıman itattu? Mišan nak imosan əmuzar-nawan aheq-qawan əmosa zun amaşşaxal-nawan.»

Əşşəxəl wa ilkaman dəy nəttulab win maraw d əşşin

²⁸ «Kawanay win da, a d-əqqimnen təlkâmam-i dəy jarrabatan win ənaya. ²⁹ Adi as, təhakkay ta di-iga Abba-nin taymar, ənta a dawən-z-aga y-as nak əmərədda. ³⁰ Fəl a dər-i tədrəwam tettay əd tassay dəy taymar-in, taqqamim fəl təsəqqima ən təmənukəla y ad təsrəxam i tawşeten marawat əd sanatat šin İsrayil.»

Emel ən Ƴaysa ikus wa das-z-əgu Butros tazdəyt

³¹ «Simxon, Simxon! Ənkəd! Aşşaytan igmây turagət n a dawən-əgu əsəkənsəki wa itawaggin y alkama. ³² Mišan nak onsâyax-ak Məşšina fəl a kay-wər-igməd əzəgzan wa sər-i təgey. Amaran as di-

du-təqqala, təsəssuhey əzəgzan ən mədrayan-nak.»

³³ Inn-as Simyon Butros: «Əməli, nak simataga s a dər-ək idawa kuddey əs kasaw, əd təməttant.»

³⁴ Mišan inn-as Ƴaysa: «Butros, silakanax-ak as, wər z'axru əkəji axora ahada da wər di-təggeda har karadat təklaten.»

Ənnəkud i təməyutar šin d-əzaynen

³⁵ Dəffər awen inna Ƴaysa i nəmmuzal-net ket-nasan: «Alwaq wa kawan-zammazala wər tewayam əzrəf, wala axrəg, wala təsəsəlt ta n sanatat, awak ill-ay arət a din-todānam?» Ənnan-as: «Kala.»

³⁶ Inn-asan: «Əmərədda za, wa ilan əzrəf awəyet-tu, wa ilan axrəg awəyet-tu. Wa wər nəla takoba, azzanzet-in əbərnuz-net, azzanzet-du. ³⁷ Silakanax-awan as, awa fall-i itawannan dəy Əlkəttab ən Məşšina n as "iddun dəy maggan ən təkma." Kund-aba inda. Awalla, arət kul wa fall-i itawannan ad andu.»

³⁸ Ənnan-as: «Əməli, sanatat təkabiwen da.» Inn-asan: «Ayyat batu di, wər di-təgrem.»

Ətərməs ən Ƴaysa d əşşərixa wa das-itawaggin

Təwatray ən Ƴaysa

³⁹ İgmad Ƴaysa, iddêw əd nəttulab-net, ikka adxax wa n Eşkan ən Zaytun, imos awen arət itaggu faw. ⁴⁰ As din-ewadan, inn-asan: «Ansəyat Məşšina a kawan-ogazan dəy jarrabatan n İblis.»

⁴¹ Ənta amaran izzənkaş-in fall-asan, əddukad ən taggor ən təhunt, igarəffət ad itattar, ⁴² igannu: «Abba, kud immikkan adi, təsəgəgəy-i təkabart ta n alɣazab di! Dər iga awen da ya, tagət tara ta-nak wərgəy ta-nin.»

⁴³ Amaran inafalal-as angalos y ad t-isəssuhət. ⁴⁴ Təzzar ədgəzan man Ƴaysa, idgaz wəllen dəy təwatriwen, har təqqal tarraft-net šilat n əzni, ad tətəttab dəy amadəl.

⁴⁵ As iyrad šiwatriwen, ibdad, iqqal-du inəttulab-net, os-en-du issins-en əxşud ən man. ⁴⁶ Inn-asan: «Mafel tənsâm? Ənkərat tansəyam Məşšina a kawan-ogazan dəy jarrabatan n İblis.»

Ətərməs ən Ƴaysa

⁴⁷ Harwada išşewal-asan as tan-təggəz tamattay təgget as azzar Yahuza wa n iyyan dəy nəttulab-net win maraw d əşşin. İhoz-du Yahuza Ƴaysa y ad t-izələmmət. ⁴⁸ Mišan inn-as Ƴaysa: «Adis kay Yahuza, təzələmmət as di-za-təsəssuga dəy fassan, nak Ag Aggadəm?»

⁴⁹ As ənayan nəttulab win hadatnen awa ibukan y igi da, ənnan: «Əməli, ma iqqal nəşşəşxəl şikabiwen-nana?» ⁵⁰ Təzzar iwət iyyan dəy-san akli n Əlīmam wa Zəwwəran, ifras-du təməzzuk-net ta n əxil. ⁵¹ Mišan iharaşşat-tan Ƴaysa, inn-asan: «Ayyat

adi!» Təzzar idas tēməzzuk n əkli wen, izzozay-tat, təqqəl əmmək-net.

⁵² Amaran inna i muzaran ən limaman əd muzaran n aytedan win tagaznen Ehan wa Zəwwəran n Əlyibada əd muzaran ən Kəl-Əlyəhud, əs ketnasan osân-du y ad t-əbəzan: «Awak əjajəb iyyan n abaydag a əmosa as sər-i du-tewayam šik-abiwen əd təburəgen?» ⁵³ Wərgəx əzəl kul ertāya dər-wan dağ Ahan wa Zəwwəran n Əlyibada mišan wər di-tobezam? Əmərədda za alwaq-nawan a d-ewadan, kawanay əd tağmar ta n Iblis əd šiyyay-net.»

Ikus ən Butros tazdəyt i Xaysa

⁵⁴ Təzzar obazan Xaysa, ewayan-tu s ağaywan n Əlimam wa Zəwwəran. Ig-asan Butros ləkkum zagren. ⁵⁵ As din-osan, tətawasarğa təmsay dağ ammas n ağalla, əqqiman sər-əs aytedan. Iggaz-tan-in Butros.

⁵⁶ Tənay-tu tēmaşşaxalt iyyat iqqim əs təmsay, təzaggazd-ay wəllen, amaran tənna: «Aləs wa, ənta da, iddew əd Xaysa.» ⁵⁷ Mišan iggad Butros awen, inna: «Tantut, wər t-əzdaya.» ⁵⁸ Arat n amazay dəffər awen, inay-tu iyyan awedan, inn-as: «Kay da, iyyan dağ-san.» Mišan inn-as Butros: «Xa aləs wa, kala wər t-əmosa.» ⁵⁹ As iga adag n alwaq dəffər awen, inna aləs iyyan s assahat: «Illikan as aləs wa iddew dər-əs, fəlas ənta da in akal ən Galilaya.» ⁶⁰ Inn-as Butros: «Xa aləs, wər əssenay awa dağ-i təşşewalax.» Harwa da išşewal Butros alwaq wen da as iğra əkəji ağora. ⁶¹ Təzzar imalalay-in Əməli Xaysa iswad dağ Butros. Den da a d-ik-ta Butros awal wa das-iga Əməli, as das-inna: «Wər z'ağru əkəji ağora azalada wər di-təkkesay tazdəyt har karadat təklaten.»

⁶² Təzzar İgmad Butros, ad ihallu fəl awa əgan man-net dağ əğşud.

Tamakkakkayt ən sojitan dağ Xaysa

⁶³ Alwaq wen, meddan win əttafnən Xaysa, əgân dağ-as tamakkakkayt, əggâtan-tu. ⁶⁴ Əgan-as aban-aban, a das-gannin: «Kay ya ələwli! Əməl wa kay-iwatan.» ⁶⁵ A das-taggin batuten šiyyad aggotnen labasnen.

Tebadday ən Xaysa dat Asaggawar wa Zəwwəran

⁶⁶ As affaw ağôra, immənay Asaggawar wa Zəwwəran ən muzaran ən Kəl-Əlyəhud, əhân-tu əmuzaran ən limaman əd musanan n Əttawret, itawasabdad dat-san Xaysa. ⁶⁷ Ənnan-as: «Kud kay Əlməsix, tēməlay-ana?» Təzzar inn-asan: «Kud dawan-əmala da wər di-za-təzzəgzənam, ⁶⁸ kud kawan-əssəstana dəy wər di-za-tajjawwabam. ⁶⁹ Mišan a obazan ħur əmərədda, Nak Ag Aggadəm ad aqqama dağ əyil ən Məşşina di n Əməli ən Tar-na.»

⁷⁰ Ənnan-as ketnasan: «Dağ adi kay Barar ən Məşşina?» Inn-asan: «Kawanay iman-nawan as tənnam əmosaq-qu.» ⁷¹ Təzzar ənnan: «Ma nəkka y iyyat təgəyya? Wərgəx nakkanay iman-nana nəslâ y awa d-igmadan imi-net?»

Tebadday ən Xaysa dat Bilatəs

23 Tənkər aljamağat ketnet, teway Xaysa əs Bilatəs wa n ənaxkim. ² A ħur-əs tu-ğattasan gannin: «Aləs wa, as t-in-nosa isaxrak tamattay-nana. Igaddal dəy y aytedan ad ərzəman amana i Qaysara wa n əmənokal wa zəwwəran, harwa igannu ənta a imosan Əlməsix, əmənokal.»

³ Awen da a fəl t-issəstan Bilatəs, inn-as: «Awak kay dağ a imosan əmənokal ən Kəl-Əlyəhud?» Inn-as Xaysa: «Kay iman-nak as tənney adi.» ⁴ Inna Bilatəs i limaman win zawwarnen əd tamattay: «Wər hənneyay əddəlil waliyyan a fəl obazağ aləs a.»

⁵ Mišan ədgazan wəllen dağ təğəttas-net, gannin: «İjinəjərwəy aytedan əs səsşəğritan-net dağ akal ən Yahudəyya ketnet. İssənta-du awen dağ Galilaya har awas d-ewad Yerusalam da.»

Tebadday ən Xaysa dat əmənokal Herod

⁶ İsla Bilatəs y esəm wa n Galilaya ħas, issəstan kud Xaysa in akal ən Galilaya wala. ⁷ As issan as tağmar ta n Herod a das-tazzarat, issok-as-tu fəlas iha Yerusalam dağ adan en. ⁸ Herod isidawat-tu wəllen anay ən Xaysa, irəw ira anay-net fəl əddəlil n aratan win sər-əs isallu. Igâ dəy attama n a dat-əs agu Xaysa təlməxjujat. ⁹ Ig-as isəstanan aggotnen, mišan wər das-inna Xaysa wala.

¹⁰ As itaggu awen, imuzaran ən limaman əd musanan n Əttawret əllân den, siğaren da təğəttas ən Xaysa. ¹¹ A das-itaggu Herod əd sojitan-net şisəssəlka, taggin dağ-as tamakkakkayt; əzzəzlagan-tu takatkat təkñât əbələzləz, amaran issoğaltu Herod i Bilatəs. ¹² Eway-du awen əzəl wen da as immedaw Bilatəs əd Herod, id dat awen nimagzaran.

Ətəwəxkam ən tēmattant i Xaysa

¹³ İşşədaw-du Bilatəs ilimaman win zawwarnen əd muzaran ən Kəl-Əlyəhud win hadatnen əd tamattay, ¹⁴ inn-asan: «Tewayam-du sər-i aləs a, tənnam isafallag aytedan. Əşrağax-as dat-wan, mišan wər ənaya əddəlil waliyyan a fəl t-əbaza dağ aratan win tu-təssəwaram. ¹⁵ Wala dəy inay-tu dağ-as Herod, fəlas issoğal-anaq-q-id. Amaran ənəyat! Aləs wa, wər iga arat waliyyan a t-issiwaran tēmattant. ¹⁶ Dağ adi a das-səssuga šiwwit, amaran ayyaq-qu.»

¹⁷ Təll-ay alğadat təmosat as i d-iğlay əmud wa n Akkay, iwâr Bilatəs a dasan-ikkəs awedan iyyan dağ kasaw. ¹⁸ Jajjəyən adakal ən maslan-nasan ketnasan dağ jənnawan gannin: «Agu iman n aləs di, təkkesay-ana-du Bəğabbas.» ¹⁹ Bəğabbas wen,

ənəjərway as kala ad t-əgan aytedan dağ əyrəm n Yerusalam d igi ən man n awedan a fəl iggaz ka-saw.

²⁰ İlas-asan Bilatəs awal fəlas tara a iga ad ayyu Xaysa. ²¹ Mişan əqlan siğaren dağ jənnawan, gannin: «Taytay-tu fəl təgəttawt! Taytay-tu fəl təgəttawt!» ²² Ig-asan Bilatəs tənna ta n karadat: «Mafel za? Ma ixsad? Wər hənnəyax əddəlil waliyyan a t-issiwaran təmattant. Dağ adi a das-səssuga šiwwit xas, ayyaq-qu.»

²³ Mişan əşşotan siğaraten wəllen, gammayan dağ-as ad itəwətəytəy Xaysa fəl təgəttawt. Əylaban Bilatəs əs takat. ²⁴ Təzzar ixtas Bilatəs i Xaysa əşşərixa wa dağ-as təgmay tamattay ten. ²⁵ İkkas aləs wa dağ-as gammayan, iggāzan kasaw fəl ənəjərway n aytedan d igi n man n awedan. Xaysa amaran, ig-ay dağ fassan-nasan, y a dağ-as itəwəxkəm awas əran.

Tamattant ən Xaysa

İki ən Xaysa edag wa dağ z'itəwətəytəy

²⁶ Əzzərgazan sojitan Xaysa. Əqlan dər-əs as əm-mənyan d aləs iyyan n əyrəm ən Qərwan igān es-əm Simyon a d-ifālan šiwəgas, təzzar əbazan-tu, sassawayan-tu təgəttawt ta fəl z'itəwətəytəy Xaysa, ilkam-as dər-əs. ²⁷ Təlkām-as tamattay tagget, əhānat tədoden aggotnen a fall-as hallinen, sikalalnat. ²⁸ İswad-in dağ-asnat Xaysa, inn-asnat: «Aşset Yerusalam, ayyimat fall-i tala. Kalar alimat fəl man-nakmat, əd maddannəkmat, ²⁹ fəlas əlkāman adan a dağ z'itəwənnu: "Əbbilalnat tədoden şin wər nətilu bararan, əd şin əs kala wər tan-ələnat, əd şin əs kala wər əsənkasnat." ³⁰ Adan win-di ad annin aytedan y ədaxayan: "Bərəjjətət fall-ana", annin i kaşwaran: "Alsawat-ana"; ³¹ fəlas dad itawagga əmazal wa y aşək wa ibdagan, wədi ma d-innayan wa iqquran?»

İtəwətəytəy ən Xaysa fəl təgəttawt

³² Əllan meddan den əşşin ən nəsgufa labasnen s əntanay da tiwazargazan s adag ən təmattant.

³³ As ewadan sojitan edag igān esəm Təkəyya, ət-təytəyan Xaysa fəl təgəttawt, əssəxtan-tat dər-əs. Əgan awen da i meddan win əşşin en. Iyyan əgan-tu dağ əxil ən Xaysa, wa hadan əgan-tu dağ zalgat-net. ³⁴ İnnə Xaysa: «Ya Abba, surəf-asan; wər əssenan awa taggin.»

Əzunan tabdoq ən Xaysa əs təşayeren. ³⁵ Tamattay təbdād den təswād. İmuzaran amaran əgān tamakkakkayt dağ Xaysa, gannin: «Ənta wa issəfsan aytedan, assafset iman-net kud ənta a imosan Əlməsix, Tafrent ən Məşşina.»

³⁶ Sojitan da, əgān dağ-as tamakkakkayt. Tihazan-t-in, tazzalan-as-in bənəgər. ³⁷ Gannin-as: «Kud kay əmənokəl ən Kəl-Əlyəhud a təmosax, tassafsax

iman-nak.» ³⁸ Əttəytəyan dəy dənəg-əs əsəllum a fəl iktāb as: «AWA ƏMƏNOKAL EN KƏL-ƏLYƏHUD.»

Meddan win əşşin ən nəsgufa

³⁹ A das-itaggu iyyan dağ meddan ən jujab ən baydagan win dəgman-əs tawatəytəyən ark batuten, igann-as: «Wərgəx kay Əlməsix? Safsu za iman-nak, tassafsax-ana.»

⁴⁰ İsannarxam-as wa hadan, inn-as: «Kay təksəda a wər tège Məşşina, kay wa obaz əşşərixa imosan təmattant wa t-ibazan? ⁴¹ Nakkənay əşşərixa wa danax-itawagga oxād, awa dər əhoran mazalan-nana a danax-itawaxkaman, mişan aləs wa, ənta wər iga ark amazal waliyyan.» ⁴² Təzzar inna i Xaysa: «Xaysa, aktəw-i-du as du-təqqala taheş taşmar-nak.» ⁴³ İnn-as Xaysa: «Əggəyex əsilakanax-ak as, azalada ad nənəməgəz aljannat nak dər-ək.»

Tamattant ən Xaysa Əlməsix

⁴⁴ Awen itaggu attayan n ammasnazal. Təzzar əl-sanat šiyyay amaçal ketnet har tēja tazzar, ⁴⁵ fəlas təfuk a igmad ənnur. Afər dəy wa izammazzayan edag wa zəddigan əd wa ogaran tazdak dağ Ahan wa Zəwwəran n Əlyibada, izzərrat dağ ammas.

⁴⁶ Təzzar ikkas Xaysa əməsli issohen, inna: «Abba, əgəy iman-in gər fassan-nak.» İnnə awen xas əg-madan-tu man.

⁴⁷ As inay kabtan ən sojitan ən Kəl-Ərrum win ət-təytəyən Xaysa awa igan den, iga təmmal i Məşşina, amaran inna: «İllikan as aləs wa alxādil.» ⁴⁸ Əd-dəwan aytedan aggotnen den y ad ənəyan awa z'əgin. As t-ənəyan, əqqalan əggātan idmaran-nasan fəl awa əgan man-nasan dağ əşşud. ⁴⁹ As itaggu awen, imidawan ən Xaysa kul, əhānat tədoden şin das-d-əlkammen harwa dağ akal ən Galilaya, əbdādan sədi, əswādan.

Tanakra ən Xaysa dağ təmattant

İtəwəgga ən Xaysa dağ əzəkka

⁵⁰ İll-ay aləs igān Yusəf ihān Asaggawar wa Zəwwəran ən muzaran ən Kəl-Əlyəhud, imosan awedan olāxan n alxādil. ⁵¹ Ənta wər irda əs tanat ta əgan muzaran win, wala dəy s arət wa igan. Yusəf wa, in əyrəm ən Kəl-Əlyəhud igān esəm Arimatay, amaran igā attama-net dağ əssa ən Taymar ta n Məşşina. ⁵² İkka Yusəf Bilatəs wa n ənaxkim n akal, igraw-du xur-əs turagat n ad itkəl taxəssa ən Xaysa. ⁵³ Təzzar ikkas-tat-du fəl təgəttawt, ig-et dağ şifit, ig-et dağ əzəkka imosan akazam əs wər kala a dağ-as itawagga ənəmmettən. ⁵⁴ Awen itaggu dağ əzəl wa dağ simutugan aytedan y əmud wa n təsanfawt, ibukan y ənətti. ⁵⁵ Şidoden şin d-əd-dəwnen əd Xaysa harwa dağ Galilaya, əlkāmnat i Yusəf. Ənaynat əzəkka d əmmək was dağ-as tətawagga taxəssa ən Xaysa. ⁵⁶ Əqqalnat axaywan, təzzar ad simutugnat ađutan əzodnen d alwarditan

win za tawənyələn fəl təğəssa-net. As d-ewad əzəl wa n əssəbət əssənfanat, imos awen alwajib n əššəriya wa n Əttawret.

Agamad ən Xaysa əzəkka

24 As əzəl wa n alxad, ənzaynat tədoden šin den s əzəkka ən Xaysa, ewâynat ađutan win sammatagnat. ² Osanat-in təhunt ta təharat əzəkka, tətivasaxararad, təlla den y əzəkka. ³ Əggaznat əzzəka mišan wər dağ-as ənaynat təğəssa ən Xaysa. ⁴ Əqqanan xafawan-nasnat y awen. Wala a ihogan əbdadan-du əššin meddan dəgma-nasnat əlsānen isəlsa bilazlaznen. ⁵ Ərmağnat, oyyanat idmaran s amađal, təzzar ənnan-asnat meddan win əššin en: «Mas təsaggadmat y i iddāran dağ nəm-məttan? ⁶ Ab'as illa da, inkar-du dağ təməttant. Aktimat-du awa inna harwa iha akal ən Galilaya, ⁷ as inna: "Ag Aggadəm ilzâm-tu ad itəwəggu dağ fasan ən nasbakkadan, itəwətəytəy fəl təgəttawt, iba-tu, təzzar inkər-du dağ təməttant əzəl wa n karad."»

⁸ Amaran əktanat-du awa inna Xaysa. ⁹ Əfalnat əzəkka, əqqalnat əsoğalnat awen kul i nəmmuzal ən Xaysa win maraw d iyyan əd nalkiman kul win hadatnen. ¹⁰ Šidoden šin əmosnat Maryama Madəl əd Taxya əd Maryama ta n anna ən Yaqub əd tədoden šiyyad dər-əsnat əddawnen. Əntanatay a əsoğalnen aratan win i nəmmuzal. ¹¹ Mišan wər sər-san əlen aratan en almağna; adi a fəl dasnat-wər-əzzəgzanan.

¹² Dər iga awen da ya, igga-du Butros, ozal s əzəkka. As t-in-osa, iššəgga dağ-as, wər dağ-as in-ay ar šifit, təzzar iqqal, iqqân awen eğraf-net.

Tarrayt n Emayos

¹³ Əzəl wen da iman-net ad əkkan nalkiman ən Xaysa əššin təğrəmt iyyat təgât Emayos as təlla təklay n əššin alwaqan gar-es əd Yerusalam.

¹⁴ Mişawalan dağ batu n aratan win əganen den kul. ¹⁵ Mişawalan den da as tan-d-ewad Xaysa ənta iman-net, iddew dər-san. ¹⁶ Hannayan-tu mišan wər t-əzdayan.

¹⁷ Inn-asan: «Ma dağ təmaşawalam da?» Əbdadan, təwâr təkənzert udmawan-nasan. ¹⁸ Inn-as wa dağ-san igan esəm Kləyubas: «Adis kay ças dağ aytedan win əhanen Yerusalam a wər əhen salan n awa dağ-as igan dağ adan win?» ¹⁹ Inn-asan: «Ma dağ-as igan?» Ənnan-as: «Arat wa igrawan Xaysa wa n Nazaret, imosan ənnəbi itagğan imazalan d awalan ən təla tarna dat Məššina d aytedan kul. ²⁰ Sattarmasan-tu limaman win zawwarnen əd muzaran-nana, tətawaxkam-as təməttant, sattaytayan-tu fəl təgəttawt. ²¹ Nakkanay dat awen, nəgâ attama n as ənta a z'isəddərferen tamattay n Israyil. Mišan azalada, əzəl n aratan en wa n karad d igi. ²² Dər iga awen da ya, əqqânnat tədoden-nana šiyyad iğafawan-nana, ənzaynen s əzəkka, ²³ mišan

wər dağ-as ənaynat təğəssa-net. Əqqalnat-du, ənnan nifalalan-asnat angalosan, ənnan-asnat id-dâr. ²⁴ Təzzar əkkan wiyyad dağ-na əzəkka, osan-in, ənayan arat kul wa ənnan tədoden en, mišan ənta wər t-ənayan.»

²⁵ Amaran inn-asan Xaysa: «Xa kawanay za aljahilan! İzzəwwat fall-awan əzəgzan s arat kul wa ənnan ənnəbitan dağ Əlkəttaban. ²⁶ Wərgəç Əlməsix ilzâm âs ad inəy alyazab təzzar, amaran igrəw tanaya-net?» ²⁷ Təzzar a tan-isasagru Xaysa awa sər-əs ənnan Əlkəttaban kul. İbaz-du çur Əlkəttaban win ənnəbi Musa har win ənnəbitan kul win hadatnen.

²⁸ As din-əhozan təğrəmt ta əkkan, issəkna Xaysa as okây. ²⁹ Mišan əwağan-tu, ənnan-as: «Çam çur-na fəlas əzəl igla, ehad ibuk y igi», təzzar izzəbbat çur-san. ³⁰ As əggazan šin tattay, idkal Xaysa tagəlla, igğoday i Məššina, irz-et ikf-asan-tat. ³¹ Əmmoranat šittawen-nasan alwaq wen da, əzdayan-tu, mišan iggaz-asan ətənkul tamazayt ten da. ³² Təzzar namannan gar-essan: «Zağnin awen da fəl əkkan man-nana təfalawist alwaq wa danağ-işşewal dağ tarrayt, isasagr-ana Əlkəttaban n ənnəbitan.»

³³ Əbdadan tamazayt ten da, əqqalan Yerusalam. Osan-in inəmmuzal win maraw d iyyan əd nalkiman win hadatnen əddewan dağ adag iyyanda, ³⁴ gannin: «Tidət dağ a imos as Əməli Xaysa inkâr-du dağ təməttant, amaran inifalal i Simçon.» ³⁵ Əsoğalan-asan meddan win əššin əntanay da awa ənayan dağ tarrayt, d əmmək was t-əzdayan alwaq wad irza tagəlla.

Ənəfilal ən Xaysa i nalkiman-net

³⁶ Harwada əšşewalan dağ awen as d-ibdad Xaysa iman-net gar-essan, inn-asan: «Alxer fall-awan.» ³⁷ Əgan tərəmməç zəwwərat, təggaz-tan tasa fəlas əğilan əgğəsuf a hannayan den.

³⁸ Təzzar inn-asan Xaysa: «Ma fəl təššiwaşam? Ma fəl dəğ təgâm ašşak? ³⁹ Ənəyat ifassan-in əd daran-in, nak iman-in awa. Ədəsət-i ad tənəyam, fəlas əgğəsuf wər ila təğəssa wala iğasan win as di-təhannayam da ələq-qan.»

⁴⁰ As dasan-inna awen, isakn-en ifassan-net əd daran-net, ⁴¹ mišan əqlan wər dağ-as əkkesan ašşak fəl awa əgan dağ təfalawist, ikna dəğ sər-san awen əsəmməkləl. Adi a fəl a dasan-inna: «Awak təlâm a itamatšan da?» ⁴² Əkfan-tu tablalt ən kifi tənğât. ⁴³ İbaz-tat, itş-et dat-san.

Əšşəğəl wa dağ iga Xaysa inalkiman-net

⁴⁴ Dəffer awen inn-asan Xaysa: «Əntanay da aratan win dawan-əne harwa kawan-əheç: Aratan kul win fall-i əktabnen dağ Əttawret n ənnəbi Musa d Əlkəttaban win hadatnen d Azzabur əššil ad andin.» ⁴⁵ Amaran ora iğafawan-nasan alwaq wen da y ad agrin Əlkəttaban.

⁴⁶ Inn-asan: «Wergey iktâb as, Elmæsix ad inøy algazab, iba-tu, inkær-du day tømattant ezæl wa n karad, ⁴⁷ tæzzar tæwæggin salan ən tətubt s esəm-net i tømattiwen kul fæl ad əgrəwnat təsurreft ən bakkadan, antu awen day Yerusalem. ⁴⁸ Kawanay tēmôsam šigəyyawen n aratan win. ⁴⁹ Amaran nak a fall-awan du-zəzzəbbəy Infas wa Zəddigan s Abba-nin a igan arkawal-net. Day adi ad wər təgmədam ayrəm wa da har d-azzabbat Infas wa Zəddigan, akf-iwan tarna ta du-təfalat Məššina.»

Tewaɣlay ən ʁaysa ijənnawan

⁵⁰ Dəffər awen, iddew dər-san, əgmadan ayrəm, har din-əhozan taɣrəmt ta n Betanøy, tæzzar idkal ifassan-net, ittar-asan a tan-ikfan albaraka. ⁵¹ Itattar-asan harwa da as dər-san imməzzay, immədkaal əs jənnawan.

⁵² Əntanay amaran, as das-əssəjadan, əqqalan Yerusalem əknân təfalawist. ⁵³ Faw əhân Ehan wa Zəwwəran n Elɣibada, əmmâlan Məššina.

Yaxya

Æsænti

Awal wa imosan ænnur æd tæmæddurt

1 Æstizarat as d-ixlak Mæššina æddænet da Awal ill-ay. Awal illa ġur Mæššina, amaran Awal wa imos Mæššina. ² Awal æstizarat illa ġur Mæššina. ³⁻⁴ Ixlak-du sær-æs Mæššina arat kul; wær t-illa arat daġ æddænet wa sær-æs du-wær-næxlek fêlas Awal wa ænta a ihakkin tæmæddurt ta tæmosat ænnur y aytedan. ⁵ Imilawlaw daġ šiyay mišan wær t-æqbel-nat. ⁶ Osa-du alæs iyyan igân esæm Yaxya, a d-iz-imazal Mæššina; ⁷ imos tægøyya fêl ad ammagrad s ænnur wa, æzzægzænan aytedan kul s aratan win igannu. ⁸ Ænta iman-net wær imos ænnur, ætæwæsægla ġas a d-iga imos tægøyya fêl ad ammagrad s ænnur wa. ⁹ Awal wa ænta a imosan ænnur wa n tidæt, wa d-ikkan æddænet isimælæwlæw aytedan kul. ¹⁰ Ænta a ihan æddænet, ixlak-kat-du sær-æs Mæššina, mišan wær tu-tæqbel æddænet. ¹¹ Osa-du akal-net eges wær t-æqbelan aytedan-net. ¹² Amaran aytedan kul win t-æqbalnen, æzzægzænan sær-æs, win di ikf-en almaqam æn tišit æn bararan æn Mæššina. ¹³ Bararan en elâsan tæhæwt. Mišan tæhæwt en wær tola æd ta tætawazdayat. Wær tæga æs lækkum i deran n aggadæm, wala tanat-net. Kala kalar Mæššina iman-net as tan-iga bararan-net. ¹⁴ Wa imosan Awal, iqqal awedan ixsar ġur-na, ikna tæla n ælxurma, imos mæššis æn tidæt. Næsinagra tanaya-net, tanaya ta igarraw Barar a n iyyanda ġur Abba-net. ¹⁵ Iggøyyat-as Yaxya, iššewal s afalla ad igannu: «Wa daġ as æhe batu-net, assaġa wa dawan-ganna: "A d-asu dæffær-i mišan ogar-i, fêlas dat-i da ill-ay."» ¹⁶ Awalla ketnana nægraw albaraka wær nêla æddukad s ælxurma-net ikmâlan. ¹⁷ Fêlas Mæššina ikf-anax æššæriġa daġ æfus æn Musa, ælxurma æd tidæt amaran osa-du dær-san Ĥaysa Ælmæsix. ¹⁸ Wær t-illa awedan inâyan Mæššina, mišan Barar a n iyyanda imosan Mæššina, illa ġur Abba, ænta a danaq-q-issosanan.

Æššæġæl wa iga Ĥaysa dat aytedan kul

Tægøyya æn Yaxya wa isalmæyan daġ aman

¹⁹ Ænta da tægøyya ta iga Yaxya y arat daġ limaman æd Kæl-Lebi win d-æfalnen Yerusalem assaġa

wa tan-du-zammazalan muzaran æn Kæl-Ælyæhud y ad t-æssætænæn d awa imos. ²⁰ Wær ugay s a dasan-ajjawwab. Kala kalar idkal æmæsli-net s afalla inn-asan: «Nak wær æmosaġ Ælmæsix.» ²¹ Ænnan-as: «Ma tæmosa za? Ilyas a tæmosa?» «Kala kala» inn-asan, «wær t-æmosa.» «Ænnæbi wa ittæmalan a tæmosa?» «Kala kala» inn-asan, «wær t-æmosa.» ²² Tæzzar ænnan-as: «Daġ adi ma tæmosa? Ihor a din-nasu aytedan win dana-d-æssæglanen newâyan aljawab n awa tæmosa. Daġ adi æmæl-anaq-qu.» ²³ Inn-asan arat wa inna ænnæbi Isayas iræw, as inna: «Nak, a imosan wa isayæren daġ æsuf igannu: "Sæssiġædat abaraqqa y Æmæli."»

²⁴ Aytedan win d-æmmozaalnen æs Yaxya da, æhântan kæl taggayt ta n Færisaytan. ²⁵ Ælasan-tu æsæstan ænnan-as: «Ma fêl tæsalmaġaġ aytedan daġ aman, kay tænnæ wær tæmosaġ Ælmæsix, wær tæmosaġ dæy ænnæbi wa ittæmalan?» ²⁶ Inn-asan: «Nak, aman a daġ salmaġa, mišan illa gar-ewwan awedan wær tæzdayam, ²⁷ s ænta a du-z-asin dæffær-i, amaran awa di-iga daġ šigrat, wær eweda wala arra æn suġan æn ġatemæn-net.» ²⁸ Aratan win kul amaðal æn Betanøy a daġ taggan fêl tagadamayt ta hadat n agarew wa n Yordan s ænta a daġ isalmaġ Yaxya aytedan.

²⁹ As iga æzæl wa hadan ogga Yaxya Ĥaysa izay-t-idu, tæzzar inna: «Ænta den ajaġol æn Mæššina wa itakkasan ibakkadan daġ æddænet. ³⁰ Ænta as æhe batu-net as dawan-ganna: "Alæs iyyan a d-asu dæffær-i, mišan ogar-i fêlas dat-i da ill-ay." ³¹ Nak iman-in wær t-æzdaya mišan ose-du ad salmaġaġ aytedan daġ aman, fêl a d-inæfilæl i Kæl-Ælyæhud.» ³² Ilas Yaxya tægøyya inna: «Æswâda daġ Infas wa Zæddigan as d-igmad jønnawan, iha šaššelan æn tæd-abert, iwar-tu. ³³ Dat awen wær t-æzdaya, mišan Mæššina, s ænta di-d-izammazalan y ad æsalmaġaġ aytedan daġ aman, inn-i: "Alæs was tænayaġ Infas wa Zæddigan as fall-as d-izzæbbat, alæs wædi ænta a z'isalmaġan aytedan daġ Infas wa Zæddigan."»

³⁴ Æmæredda arat wa ænayaq-qu æs šittawen-in; amaran æggøyye silakanax as alæs wa ænta Barar æn Mæššina.»

Inættulab win azzarnen

³⁵ As iga æzæl wa hadan, iha Yaxya edaġ wa harwa da, ænta æd nættulab-net æššin, ³⁶ ogga Ĥaysa as dagma-nasan d-illam, inna: «Ænta den, Ajaġol æn Mæššina.» ³⁷ Æslan nættulab win æššin a i batu ta

iga da, tæzzar ælkaman i Xaysa. ³⁸ Iswad-in Xaysa dæffer-æs ogg-en ælkâman-as, inn-asan: «Mas tæsaggadam?» Ennan-as «Mënid tæxsara Eššex?» ³⁹ Inn-asan «Aglawat-du a tu-tənøyam». Itaggu awen takæst zagret. Eglan æddewan dær-æs, ənayan dad illa, tæzzar æssendan xur-æs æzæl. ⁴⁰ Meddan win æššin ælkammen i Xaysa dæffer tasalay ta øgan y awal ən Yaxya, esəm n iyyan daɣ-san Andrawæs, amadray ən Simxon Butros. ⁴¹ Immənay Andrawæs d əmaq qar-net Simxon æstizarat, inn-as: «Nakkanay nəmminay d Elməsix.» (Almaɣna Kristos.) ⁴² Amaran ilway-tu əs Xaysa. Iswad Xaysa daɣ Simxon ɣas inn-as: «Kay Simxon ag Yaxya, ad tagaɣ esəm Qayfas.» (Esəm wa ola əd wa n Butros, almaɣna-net təhunt.) ⁴³ As affaw ira Xaysa iki n amaɣal ən Galilaya. Immənay əd Filibus inn-as: «Elkəm-i.» ⁴⁴ (Filibus d Andrawæs əd Butros aɣrəm-nasan iyyanda, esəm-net Betsayda.) ⁴⁵ Immənay Filibus əd Natanəyel inn-as: «Nakkanay nəmminay əd was imməgrad ənnəbi Musa daɣ Ət-tawret, əmmigradan sər-əs deɣ Elkəttaban n ən-nəbitan, a t-imosan Xaysa wa n ag Yusəf wa n əɣrəm ən Nazaret.» ⁴⁶ Tæzzar inn-as Natanəyel: «Immikkan aɣrəm ən Nazaret a t-id-əgməd arat ihossayan?» Inn-as Filibus: «Ayaw tənəya.» ⁴⁷ O-ga Xaysa Natanəyel izay-t-idu, inna: «Ənta den awedan n Israyil wa n tidət, wa wər iha a imosan təlmənufəqa.» ⁴⁸ Inn-as Natanəyel: «Məni awas di-təzdaya?» Ijəwwab-as Xaysa inn-as: «Harwa kay du-wər-iɣra Filibus, assaɣa wad tölle daw ašək wa n fig, da əhannayaq-qay.» ⁴⁹ Inn-as Natanəyel: «Eššex, kay a imosan Barar ən Məššina, təmosaɣ əmənokal n Israyil.» ⁵⁰ Inn-as Xaysa: «Təzzəgzana fəl as dak-ənneɣ əhannayaq-qay daw ašək ən fig. Ad tənəyaɣ aratan wiyyad zawwarnen ogarnen wə-di.» ⁵¹ Inn-as Xaysa deɣ: «Əggəyyeɣ əsilakanax-awan as dæffer awa ad tənəyam ijənnawan ənnolan tagazzayan sər-san angalosan, tazabben-du fall-i nak Ag Aggadəm.»

Takrəst ta təgat daɣ əɣrəm ən Kâna

2 Əzəl wa n karad təmal-tu təkrəst daɣ əɣrəm ən Kâna daɣ amaɣal ən Galilaya, təh-et anna ən Xaysa, ² tæzzar itawaɣra-du Xaysa ənta da, id-dew-du əd nəttulab-net əs təkrəst en. ³ As ab'as d-iqqim wala daɣ esmad n alɣanab, tənna anna ən Xaysa y as: «Esmad n alɣanab iɣrad.» ⁴ Inn-as Xaysa: «Anna, tədi a kam-wər-tədgəz. Alwaq-in wər d-ewed.» ⁵ Tənna anna-net i maššaxalan: «Agat awas dawan-inna kul.» ⁶ Əskâran den sədis təkən taggazan aman as taggin Kəl-Əlyəhud əzəzdəg imosan alɣadat-nasan. Əkkulluk n iyyan itaggaz-tu əddukad ən temeday ən litər. ⁷ Inna Xaysa i maššaxalan en: «Ədnəyat itəkan di aman.» Əntanay deɣ ədnayan-tan har fayyan. ⁸ Inn-asan amaran: «Elkəwat daɣ-san əmərədda y əmaway ən saksas.» Əgan awen da. ⁹ As iram əmaway ən saksas aman win əmməttaynen da, əqqalan esmad n

alɣanab, as wər issen iguz wa d-iga, mišan imaššaxalan win tan-d-əlkawnen da əssânan, iɣra amazlay, ¹⁰ inn-as: «Iməssəksas kul esmad n alɣanab wa izodan a garrawan, amaran dæffer as fi-lawasan ad garrawan wa isammakkanan. Eges kay təɣbara wa izodan har əmərədda!» ¹¹ Ənta əddi təlməxjujat təmosat alɣalamat ta tazzarat immozal Xaysa. Ig-et daɣ əɣrəm ən Kâna ta n Galilaya. Isan-nafalal sər-əs tanaya-net, tæzzar əzzəgzanan sər-əs nəttulab-net. ¹² Dæffer awen izagaday Xaysa, ikka təɣrəmt ən Kafarnahum, ənta d anna-net, əd mədrayan-net, əd nəttulab-net. Wər daɣ-as øgen ar arat n adan.

Assa ən Xaysa Ehan wa Zəwwəran n Əlyibada

¹³ As d-ihoz əmud wa n Akkay imosan amud maqqaran ən Kəl-Əlyəhud, iggəzay Xaysa ikka Yerusalem. ¹⁴ Ogaz-in Xaysa daɣ aɣalla wa iɣlayan Ehan wa Zəwwəran n Əlyibada, imassatagan ən zəgran, d ayfəd, əd tədəbren, əd təximiten ən kəl sanji. ¹⁵ Iga ələkkud əs ɣunan istaq-qan daɣ afarag en ketnasan, əntanay d ayfəd, əd zəgran, infaz daɣ amaɣal izərfan ən kəl sanji, isabbanbay təbəren-nasan. ¹⁶ Imassatagan ən tədəbren əntanay inn-asan: «Əkkəsət awa daɣ adag a, ad wər tagim ehan n Abba-nin əssuk.» ¹⁷ Əktan-du nəttulab akatab n ənnəbi Dawəd wa innan: «Tara-nin ehan-nak təɣa daɣ-i šilat ən təmsay.» ¹⁸ Əssəstanan-tu muzaran ən Kəl-Əlyəhud ənnan-as: «Ma təmos təlməxjujat tas təfragay igi-net təmosat alɣalamat, təsitaddat as tələɣ tarrayt n igi n adi?» ¹⁹ Ijəwwab-asan Xaysa inn-asan: «Jəbbərəjjetat Ehan wa Zəwwəran n Əlyibada di, ad t-əssəbdəda daɣ karad adan.» ²⁰ Ennan-as: «Ehan wa Zəwwəran n Əlyibada di əkkozat təmərwen n awatay əd sədis a fəl itawakras. Kay mas tu-za-təssəbdəda daɣ karad adan?» ²¹ Ehan wa Zəwwəran n Əlyibada wa immal Xaysa da, təɣəssa-net a sər-əs issoka. ²² As d-inkar daɣ təmattant əktan-du nəttulab-net tənna ta iga adi. Əzzəgzanan s Awal ən Məššina, d awal wa iga Xaysa da. ²³ Aytədan aggotnen əzzigzanan əs Xaysa ɣur anay ən təlməxjujaten šin immozal əmosnen alɣalamaten, daɣ adan win iga daɣ Yerusalem ɣur əmud wa n Akkay. ²⁴ Mišan ya Xaysa wər tan-ifles fəlas izdây-tan ketnasan, ənta ²⁵ wər iddərər s i das-igan isalan n awedan id wər das-iɣber awa ihan əwəl-net.

Xaysa əd Nikodemos

3 Ill-ay aləs iyyan igan esəm Nikodemos, ihân taggayt ən Fərisaytan, imos iyyan daɣ muzaran ən Kəl-Əlyəhud. ² Osa-du Xaysa ahad iyyan inn-as: «Eššex-in, nakkanay nəssân as Məššina kay d-izammazalan sər-na, a dana-təsassaɣra, id wər t-illa i z'agin təlməxjujaten šin təge əmosnen alɣalamaten, ar əs tədhəlt ən Məššina.» ³ Xaysa deɣ inn-as: «Əggəyyeɣ əsilakanax-ak as:

Wær t-illa awedan ifrâgan anay ən Taymar ta n Məşşina ar s ad ilas tēhəwt.»⁴ Issəstan-tu Nikodemos inn-as: «Mas z'iləs awedan waşşaran tēhəwt? Ši tēgat da wær ifreg ad iləs tewaḡlay ən tēdist n anna-net.»⁵ Inn-as Ḥaysa: «Əggəyyey əsilakanay-ak as: awedan wær ifreg iguz ən Taymar ta n Məşşina ar s ad ihəw s aman d Infas wa Zəddigan.»⁶ Eləsəl n aggadəm iyyan aggadəm, amaran awedan wa d-igmadan Infas wa Zəddigan, Infas wa Zəddigan a daḡ-as innodan.⁷ Daḡ adi a dak-wær-ıqqən eyaf as dak-ənnəy: Iwâr-kawan ad tələsam tēhəwt.⁸ Aḡu iggâr sas ira, təsalla y əməsli-net, mişan wær tössena da d-ifal wala dad ikka. Samal di da a iha awedan wa ihəwan s Infas wa Zəddigan.»⁹ Issəstan-tu Nikodemos inn-as: «Məni tat tēməwit tas z'agin aratan win di?»¹⁰ Ijjəwwab-as Ḥaysa inn-as: «Təmosay əmusan zəwwəran daḡ Israyil eges wær tössenay aratan win!»¹¹ Əggəyyey əsilakanay-ak as: Nətamagrad s awa nəsən, nətagayyat deḡ fəl awa nənay, eges tugayam s ad tēqbəlam tēgəyya-nana.¹² Dad wær təzzəgzanam s awa dawan-ganna s əddənet mas za təzzəgzanam awa dawan-ganna s alaxirat?¹³ Wær t-illa is kala ad inay ijənnawan, ar nak Ag Aggadəm a tan-d-igmadan.¹⁴ Əmmək was issərgag ənnəbi Musa taşşolt fəl əgət daḡ taneray, əmmək wen daḡ as kundaba tawasahake nak Ag Aggadəm,¹⁵ fəl ad ıqqəl as i sər-i izzəgzanan, ad igrəw tēməddurt ta tēylalat.¹⁶ Fəlas, Məşşina awa iga y əddənet daḡ tara ikfa Barar-net a n iyyanda fəl ad ıqqəl as i sər-əs izzəgzanan wær z'ihlək, kalar ad igrəw tēməddurt ta tēylalat.¹⁷ Məşşina wær d-issoka Barar-net əddənet fəl a tat-ihlək kalar issok-as-tat-du fəl a sər-əs tafsu.¹⁸ I sər-əs izzəgzanan wær ihlək, mişan wa sər-əs wær nəzzəgzan ihlək fəlas wær izzəgzan s esəm ən Barar a n iyyanda ən Məşşina.¹⁹ Əddəlil da wa d-ewayan ahluk: Ənnur a d-osan əddənet, mişan əssofan-tu aytedan šiyyay id arak mazalan a taggin.²⁰ Amaran i itaggan təkma wədi oglaf ənnur, wær t-id-z-akku fəlas iksud ad nəfiləlan arak mazalan-net ezal a mallan.²¹ Mişan wa itaggan arat wa imosan tidət, wədi itakka-du ənnur, fəl ad itəwənoy as əmazal-net issind-ay daḡ ləkkum i Məşşina.»

Ḥaysa əd Yaxya wa isalmaḡan daḡ aman

²² Dəffər awen ikka Ḥaysa əd nəttulab-net amaḡal ən Yahudəyya. Iqqim daḡ-as har iga arat n azza-man ənta dər-san, isalmaḡ Ḥaysa aytedan daḡ aman.²³ Yaxya ənta da isalmaḡ aytedan daḡ aman daḡ təsəssəngəyt ta n Aynon, dagma ən Salim, fəlas əllan-tu aman den aggotnen. Tasin-t-idu aytedan isalmaḡ-qañ.²⁴ Arat wa as itaggu Yaxya harwa da wær iggez kasaw.²⁵ Tənkər təmazaḡ gər nəttulab ən Yaxya d iyyan daḡ Kəl-Əlyəhud, daḡ batu ən tēməwiten šin as itaggu zazdag.²⁶ Əkkan Yaxya ənnan-as: «Əşşəx-nana, təkittəwa aləs wa dər təddəwa fəl afay ən Yordan wen sen, s ənta as

dana-təmməgrada? Tahannaya! Əmərədda isalmaḡ aytedan daḡ aman amaran ketnasan takkin-tu!»²⁷ Inn-asan Yaxya: «Awedan wær z'igrəw ar awa t-ikfa Məşşina.²⁸ Kawanay iman-nawan tēggəyyem-i as ənnəy: "Wær əmosay Əlməsix, ətəwəzəmizal ḡas a d-əge dat-əs." "²⁹ Əmazlay da ilan təmazlayt, amaran əmidi-net wa n ənaflis-net, ənta a innəttafan əd zəzlay, issigad den da ıqqəl-as. As isla y əməsli n əmazlay igmây-du təmazlayt, ad aknu tədəwit. Tədəwit tēdi za ənta a əgey, amaran əmərədda tēnda.³⁰ Ittəyet ətəwəşəḡmar-net ifnəz wa-nin.³¹ Wa d-igmadan afalla, ənta a idkalan dənnəg awedan kul, wa ihan əddənet in əddənet amaran aratan n əddənet as itamagrad. Wa d-igmadan ijən-nawan, idkəl dənnəg awedan kul,³² iggəyyat s awa inay d awas isla mişan wær t-illa i iqbəlan tēgəyya-net.³³ Wa iqbəlan tēgəyya-net, isilakan awa inna Məşşina,³⁴ fəlas wa d-izammazal Məşşina, awal ən Məşşina a immal, id Məşşina a das-igan y Infas wa Zəddigan tēhakkay wær nəla əddukad.³⁵ Abba ira Barar-net amaran aratan kul ig-en daḡ əfus-net.³⁶ Wa izzəgzanan əs Barar ən Məşşina wədi igraw tēməddurt ta tēylalat, amaran wa ugayan s a sər-əs izzəgzən wədi əway-du əs man-net alham ən Məşşina.»

Ḥaysa əd təntut ən Kəl-Samarəya

4¹⁻³ Əslan Farisaytan as itawannu Ḥaysa igar-raw inəttulab ogarnen win Yaxya isalmaḡ-qañ daḡ aman. (Arat wa imosan tidət as Ḥaysa iman-net wær isəlmix awedan waliyyan daḡ aman, inəttulab-net a salmaḡnen aytedan daḡ aman.) As isla Ḥaysa y awa itaqqalan, igmad amaḡal wa n Yahudəyya, ıqqal Galilaya.⁴ Dad t-ilzam imur n amaḡal wa n Samarəya,⁵ išşokal har ewad aḡrəm iyyan ən Samarəya igân esəm Šixar, dagma ən tawagost ta ikfa Yaḡub barar-net Yusəf.⁶ Edag wen ənta a iha əḡarus ən Yaḡub. As t-id-ewad Ḥaysa, iddâz əşikəl, təzzar iqqim fəl əmi n əḡarus, itaggu awen ammas-nazal.⁷⁻⁸ As əkkan nəttulab-net aḡrəm y ad d-az-zanzin imensewan, təwar-du təntut ən Kəl-Samarəya a du-təzrâgat anu en. Inn-as Ḥaysa: «Şaşw-i-du.»⁹ Tənn-as: «Kay təmosay iyyan daḡ Kəl-Əlyəhud tēgammaya daḡ-i aman, nak təmosat iyyat daḡ Kəl-Samarəya?»¹⁰ Inn-as Ḥaysa: «Ənnar təssânaḡ arat wa ihakku Məşşina, təssânaḡ deḡ awa əmosa nak wa kam-itansayan aman ən tassay, tansiyay-i-tan kam, akfaḡ-am-tan deḡ əmosan win sidurnen.»¹¹ Tənn-as təntut: «Əşşəx-in, anu i zəgren amaran kay wær təley aga, daḡ adi məni du-za-təgrəway aman win sidurnen di?»¹² Şigrat a tēgey əmaraw-nana Yaḡub a danaḡ-ikfan anu a, išwa aman-net, əşwan-tan maddanəs d aharay-net?»¹³ Inn-as Ḥaysa: «I išwan aman di, ad t-iləs fad iguz,¹⁴ mişan i išwan aman win tu-z-akfa wədi immizzay əd fad, fəlas a daḡ-as əqqəlan adri ingayan s aman win hakkinen tēməddurt ta tēylalat.»¹⁵ Tənn-as təntut: «Şaşw-i-du daḡ aman

win di, fəl a di-igməd fad, ammazzaya d azarog n anu a.» ¹⁶ «Aglu», inn-as Xaysa. «Ayrı-du aləs-nam təqqəlay-i-du da da.» ¹⁷ Tənn-as: «Wər əley aləs.» Inn-as Xaysa: «Tidət-nam as tənne wər təley aləs, ¹⁸ fəlas səmmos as kala tan-təle, amaran wa xur tölley əmərədda wərgex aləs-nam. Tidət a di-təge.» ¹⁹ Təzzar tənn-as: «Əhannayaş as kay ən-nəbi a təmosa. ²⁰ İmarwan-nana adxaş a da a fəl əxbadan Məşşina, mişan kawanay Kəl-Əlyəhud tənnam Yerusalam a iha adag wa daş itawaybad Məşşina.» ²¹ «Tantut», inn-as Xaysa, «Zəgzən-i, al-waq izay-du a daş wər za təyabbadam Abba gər za fəl ədxaş wa, wala deş Yerusalam. ²² Kawanay Kəl-Samarəya wər təzdayam wa təybadam, nakkanay Kəl-Əlyəhud nəzdây wa nəybad, fəlas efsan iguz wa n Kəl-Əlyəhud a d-əgan. ²³ Mişan alwaq izay-du – amaran osa-du – was inaybidan win tidət əd əxbədan Abba s Infas wa Zəddigan əd tidət, fəlas Abba inaybidan win t-əxbadnen əs təməwit tēdi, əntanay a ira. ²⁴ Məşşina Infas wa Zəddigan a imos, amaran inaybidan-net ilzâm-tan ad t-əxbədan s Infas wa Zəddigan əd tidət.» ²⁵ Tənn-as tēntut: «Əssânax as Əlməsix, itawann-as Kristos, a d-asu. As d-osa a danaş-isassagru aratan kul.» ²⁶ Inn-as Xaysa: «Nak a t-imosan, nak wa dam-işşewalan da.» ²⁷ Assaxat ten da a d-əqqalan nētutulab, iqqan-asan əxaf əməşiwəl wa iga Xaysa əd tēntut. Mişan wər tan-ihə i ihalan ad t-issəstən, ann-as: «Ma daş-as tare?» Madəş: «Mas dər-əs təmaşawala?» ²⁸ Təzzar toyya-du tēntut ətəkin-net təqqal axrəm tənna y aytedan: ²⁹ «Ayewat ad tənəyam awedan a di-imâlan arət kul was kala ad t-əge, ifrâg as ənta a imosan Əlməsix!» ³⁰ Təzzar əgmədan-du aytedan axrəm əkkan Xaysa. ³¹ As itaggu awen inētutulab gammayan daş Xaysa ad atşu, gannan-as: «Əşşex, atşu arət iyyan.» ³² Inn-asan: «İmensewan win z'atşə wər tan-təzdayam.» ³³ Ad tənəmännin nētutulab gar-essan: «Əngəm xas wərgex awedan iyyan a das-d-ewayan imensewan?» ³⁴ Inn-asan Xaysa: «İmensewan-in wər tan-imos ar ad ammazala tara ən wa di-d-izammazalan, əxrədaş əşşəxəl wa daş-i iga. ³⁵ Awak kawanay wər təgənnim: "Əqqimnat-in əkkozət təlil y ad tagu xarat?" Nak za ənneş-awan akniwat əzəggəzdi ən təwəgas ad tənəyam as şıxaxanen əğnat, wər ərenat ar əmiləy. ³⁶ Awedan wa italayan, wədi igraw ərruzmatan-net. Şıxaxanen şin tēməddurt ta təylalat a işadaw, fəl ad əjjayat wa inabbalan əd wa italayan tədəwit. ³⁷ Fəlas tidət ən təmajəq ta tēnnat: "Aləs iyyan in-abbal, iyyan italay." ³⁸ Əssəqlaq-qawan fəl ad taləyam tawagost a daş wər təşxələm, aytedan wiyyad a daş-as əşxələn, mişan təgrawam tənfa daş əşşəxəl wa əgan den.» ³⁹ Əzzəgzanan aytedan əgğotnen ən Kəl-Samarəya əs Xaysa fəlas tantut a dasan-tēnnat: «İmâl-i aratan win as kala tan-əge.» ⁴⁰ Awen da a fəlas osan-t-idu xas əgməyan daş-as a xur-san aqqam. İqqim xur-san Xaysa har iga əşşin adan. ⁴¹ Əslan aytedan y awal-net, əzzəgzanan sər-

əs wiyyad ogarnen winad igət. ⁴² Təzzar ənnan i tēntut: «Nakkanay səkət nəkna əzəgzan fəlas əstizarat kam xas a danaş-igan isalan, əmərədda iman-nana as das-nəsla, amaran nəsşân as tidət as ənta a imosan Ənəssefsi n əddənet.»

Təməzzəyt ən barar n amaşşaxal n əmənokal ən Kafarnahum

⁴³ As əndan əşşin adan win den, ikka Xaysa amaşşal ən Galilaya, ⁴⁴ fəlas ənta iman-net as inna, ənənəbi wər itəwəsəxmır daş axrəm wa daş idwal. ⁴⁵ As din-osa Galilaya əqbalan-tu Kəl-Galilaya id ənâyən imazalan kul win iga daş Yerusalam xur əmud wa n Akkay fəlas əntanay da osân-in amud en. ⁴⁶ İlas-du Xaysa assa ən təxrəmt ən Kâna ta n Galilaya, ta daş isammattay aman ig-en esmad n alxanab. İll-ay aləs imosan amaşşaxal n əmənokal daş təxrəmt ən Kafarnahum. Aləs a ila barar-net irinan. ⁴⁷ As isla as Xaysa igmâd-du amaşşal ən Yahudəyya iha Galilaya, os-ay-du onsay-tu ad idawan, a das-izzuzəy barar-net a xur təlla təmat-tant. ⁴⁸ Inn-as Xaysa: «As wərgex ad tənâyam alxalamaten əmmittaynen əd təlməxujaten, wər za təzzəgzənam fadda.» ⁴⁹ Inn-as amaşşaxal n əmənokal: «Əməli, ərəs-anax əs Kafarnahum tar-mad harwa ad wər aba barar-in.» ⁵⁰ Inn-as Xaysa: «Aglu, barar-nak izzay.» Aləs deş izzəgzan s awal ən Xaysa, igla. ⁵¹ İha tarrayt iqqâl as immənay əd maşşaxalan-net das-d-əlkamnen. Ənnan-as: «Barar-nak izzay.» ⁵² İssəstan-tan inn-asan: «Ma imos alwaq wa daş igraw iman-net?» Ənnan-as: «Əndazəl iggi ən tazzar a fall-as təwat tanaday.» ⁵³ İkta-du aləs as alwaq wen da iman-net a daş-as inna Xaysa: «Barar-nak izzay.» İzzəgzan sər-əs ənta d əyaywan-net kul. ⁵⁴ Ənta da da təlməxujat tēmosat alxalamat ta n sanatat immozal Xaysa daş Galilaya dəffər əgamad-net Yahudəyya.

Təməzzəyt n anabdon

5 Dəffər adi ewad-du əmud iyyan ən Kəl-Əlyəhud, təzzar ikka Xaysa Yerusalam. ² Axrəm wa n Yerusalam təh-ay təxazart təhozət edag was itawannu təsəhərt ta n Ayfəd. Təxazart ta esəm-net Betsada, daş təlxibrit, amaran təlla gər səmmosat taliwen. ³ Taliwen şin əsrâdan daw-əsnat miranan əgânen daş məddərxal, əd məgğudal, əd nəbdan. Əssigadan y ad əgğəzan aman şin əmətəkwəy, ⁴ fəlas immal-tu alwaq a daş d-itazabat angalos iyyan n Əməli ijənnejərway aman ən təxazart ten. Əmiran kul wa azzaran iguz-net dəffər ənəjərway wa təga da, wədi ad izzəy daş təwərna ta tu-təgrawat, a təqqal. ⁵ Edag en ih-ay aləs igân karadat təmərwen n awatay d əttam irin. ⁶ Ogg-ay Xaysa isrâd, amaran issan as iga təwərna tərəwat, issəstan-tu inn-as: «Awak tərə tēməzzəyt?» ⁷ Inn-as əmiran wa: «Əşşex, nak wər əley awedan a di-igan daş

təyazart ta dəy amazay wa dəy tinəjərwəyan aman-net, amaran id əgmaya d iguz-net, a di-izar sər-əs awedan iyyan.» ⁸ Inn-as Xaysa: «Əbdəd, tədkəla təssut-nak təjəwənke» ⁹ İzzay aləs wen dəy tamazayt ten da, idkal təssut-net ijawankat.

Ənta arət wa itaggu dəy əzəl ən təsanfawt ən Kəl-Əlyəhud. ¹⁰ Ənnan muzaran ən Kəl-Əlyəhud y aləs wa izzayan da: «Kay ak masnat a wər təgey as azal-ada əzəl ən təsanfawt a dəy-ak wər xalal aggay ən təsalat-nak?» ¹¹ Eges ya inn-asan aləs wen: «Aləs wa di-izzozayan, ənta a di-innan: "Ədkəl təsalat-nak təjəwənke".» ¹² Ənnan-as: «Ma imos za aləs wa dak-innan: "Ədkəl təsalat-nak təjəwənke"?» ¹³ Ənta aləs wa izzayan da, wər t-əhen salan n awa imos awedan wa t-izzozayan den, fəlas aytedan əknanen igət a əhanen edag wa daq-q izzozay Xaysa den, iras-tan Xaysa, ijawankat.

¹⁴ Dəffər awen ogaz-t-in Xaysa dəy Ahan wa Zəwwəran n Əlyibada inn-as: «Səsəm. Kay da izzayan da əməyəddə. Əyrəd d igi ən bakkadan, a kay wər igrəw arət ogaran wanad tallabəst.»

¹⁵ İjawankat aləs wen təzzar imal i muzaran ən Kəl-Əlyəhud as Xaysa a t-izzozayan. ¹⁶ Arat wa eway-du sər-san as əknan gezzar ən Xaysa fəlas əzəl ən təsanfawt a dəy iga awen. ¹⁷ Mišan inn-asan Xaysa: «Abba-nin faw da işğâl, dəy adi nak da əşğâla.»

¹⁸ Batu ta, teway-du əs muzaran ən Kəl-Əlyəhud as əşšotan dəy agamay ən tanağay ən Xaysa, fəlas wərgex əlqanun n əzəl wa n təsanfawt xas a im-məzray, kalar işšota-du fall-as as inna imos Məşşina abba-net. Dəy adi işəşğadə iman-net əd Məşşina.

Tanaya ən Xaysa

¹⁹ Inn-asan Xaysa: «Əggəyyey əsilakanay-awan as Barar wər ifreg igi n arət waliyyan gar-es əd man-net. Wər itəggu ar arət was ihannay Abba-net itagğ-ay. Amaran arət kul wa itaggu Abba, Barar da itagğ-ay s asaway wen da. ²⁰ Fəlas Abba ira Barar, amaran isakn-ay arət kul wa itaggu; ad t-asaknu aratan ogarnen win da təla n almağna y a tan-agu, fəl ad təxjim. ²¹ Emmək wa dəy-as d-isankar Abba inəmməttan itaggu dəy-san iman, əmmək wədi da as ihakku Barar ənta da təməddurt i was tat-ira. ²² Wa dəffər adi as Abba wər ixəkkəm y awedan waliyyan, kalar əşşəriya kul ig-ay dəy əfus ən Barar ²³ fəl ad əzzəzwəran aytedan kul Barar s əmmək was əzzəzwəran Abba. Awedan kul wa wər nəzzəzwar Barar, wədi wər izzəzwar Abba wa t-id-izammazalan.»

²⁴ «Əggəyyey əsilakanay-awan as awedan kul wa issəsaman i batuten-in, izzəgzan əs wa di-d-izammazalan, wədi igrāw təməddurt ta təylalat. Wər z'awwaddab, kalar təməttant a d-igmad əs təməddurt.»

²⁵ «Əggəyyey əsilakanay-awan as izay-du alwaq – s ənta da da nəha da əməyəddə – as aytedan win sər-i wər nəzzəgzan ad aslin y əməsli ən Barar ən

Məşşina, amaran win das-əslanen əkkəwanan-as ad əgrəwan təməddurt ta təylalat. ²⁶ Fəlas əmmək wa dəy as ihakku Abba təməddurt, əmmək wədi dəy as ikfa Barar fərregat n a tat-ihakku ənta da. ²⁷ İkf-i dəy turagat n əşşəriya y aytedan, fəlas nak Ag Aggadəm a mosa. ²⁸ Ad wər əqqənan yafawan-nawan y arət wa: ilkām a d-awəd alwaq a dəy z'aslin nəmməttan kul dəy zəkwan-nasan, y əməsli-nin nak Ag Aggadəm ²⁹ əgmədan-du izəkwan-nasan əddi da. Win əganen aratan olaynen, a d-əgmədan izəkwan y a d-ənkəran dəy təməttant əgrəwan təməddurt, win əganen təkma amaran a d-əgmədan izəkwan y ad awwaddaban. ³⁰ Wər t-illa arət as əfragağ igi-net gər-i əd man-in. Əşşəriya wa tagga, əlkama dəy-as y awa di-igannu Məşşina, amaran əşşəriya-nin oxâd, fəlas wər əlkema y arət wa əre nak iman-in, kalar arət wa ira wa di-d-izammazalan as əlkama.»

Şigəyyawen ən Xaysa

³¹ «As imos as nak xas-in as əggəyyey i man-in, wədi təgəyya-nin wər təmos tidət. ³² İllat-tu wa di-imosan iyyat təgəyya, amaran əssânay as arət wa igannu dəy talğa-nin, tidət a imos. ³³ Təssəğlam in-ammazalan əs Yaxya, iggəyyat-asan fəl arət wa imosan tidət. ³⁴ Nak wər əddərarağ əs təgəyya n awedan. Arat wa, wər tu-gənnay ar fəl ad təgrəwam təsureft. ³⁵ Yaxya zun fətəla tərğât təbilazlaz a imos, amaran təqbalam ad tagim arət n as-sayət ən tədəwit dəy ənnur-net. ³⁶ Nak amaran əle təgəyya togarat ta n Yaxya assahat: Əşşəğəlan win tagga, a tan-imosan win as di-issəwar Abba igi-nasan, əntanay a əmosnen təgəyya-nin, sitaddan as Abba di-d-izammazalan. ³⁷ Abba iman-net s ənta a di-d-izammazalan, ənta da iggiyyat-i. Wər kala ad təslam y əməsli-net wala dəy tənâyam azzat-net. ³⁸ Amaran wər iha awal-net iwallan-nawan, arət wədi isitadd-ay iba n əzəgzan-nawan əs wa d-izammazal. ³⁹ Tətəgğam y Awal ən Məşşina təğaray təgət s ənnəzər fəlas təğilam a sər-əs təgrəwam təməddurt ta təylalat. Awal wa təğarrim da, ənta iman-net as fall-i iggəyyat, ⁴⁰ eges wər tərem a didu-takkim y ad təgrəwam təməddurt.»

⁴¹ «Nak wər gəmməyay ətəwəsəğmar xur aytedan. ⁴² Əzdâyağ-qawan: əssânay as iman-nawan wər tan-təha tara i Məşşina. ⁴³ Nak Abba-nin a di-d-issəğlan mišan wər tərem əlqəbulat-in. Amaran as kawan d-osa awedan iyyan a d-iglan gar-es əd man-net, a tu-təqbəlam! ⁴⁴ Tərâm ad tət-inəməşəximiram gar-ewwan, eges wər tərem say-mar wa d-ifalan Məşşina di n iyyan. Dəy adi manəmmək as za təzzəgzənam? ⁴⁵ Ad wər təğilam a kawan-əssəwəra lahan xur Abba-nin. Ənnəbi Musa ənta kawan z'issəwəran lahan, ənta wa dəy təgam attama-nawan. ⁴⁶ Ənnar təzzigzanam əs Musa, təzzəgzənam sər-i nak da, fəlas immigrad sər-i dəy Əlkəttaban-net. ⁴⁷ Mišan dad imos as wər

təzzəgzanam s Elkəttaban-net, manəmmək as za təzzəgzanam awa ganna?»

Əsətsi wa iga Xaysa i səm mos gim n aləs

6 Dəffər adi ikka Xaysa təgadamayt ta hadat n agaraw wa n Galilaya, itâwann-as dəx agaraw wa n Tiberəyad. ² Təlkâm-as tamattay tagget, fəlas əhannayan aytedan alxalamaten šin as itamazal əmosnen əmmək was izuzəy imiranən. ³ Iggəzzay Xaysa adxax, təzzar iqqim den da ənta əd nəttulab-net. ⁴ As itaggu awen amud wa n Akkay ihoz-du.

⁵ Iswad Xaysa inay tamattay tagget təzây-t-idu, inna i Filibus: «Məni du-za-nazzanzu tagəlla ətšan aytedan en kul?» ⁶ Əsəstan wa as t-iga Xaysa da is-sân arət was otas igi-net. A ira xas ad issən awa das-z-annu Filibus. ⁷ Inna Filibus i Xaysa: «Kud du-nəzzənza tagəlla ən sanatət təmad ən tafelt, al-maxna alxaq ən sanatət təmad n əzəl n əşşəxəl, da wər dasan-təkna arət.» ⁸ Inn-as ənattalib-net igân Andrawəs wa n amadray ən Simxon Butros: ⁹ «İlla barar da ilân səmmosət təgəlwen n əşşəxir d əşšin kifitan, mišan ya ma za aknin y aytedan ogdânen d awa?»

¹⁰ Inna Xaysa: «Sağxamiwat tamattay kul.» Təzzar əqqiman aytedan kul dağ yel aggen illân den. Səmmos gim n aləs a əhanən tamattay en. ¹¹ İdkal-du Xaysa şigəlwen šin den. As iga igodan i Məşşina, izun-tanat i tamattay. Iga awen da i kifitan. İgraw awedan kul awa das-igdan. ¹² As əyyəwanan aytedan inna Xaysa i nəttulab-net: «Şidəwat-du ikarammutan win du-tawaglaznen, fəl a dağ-as wər iğşəd wala.» ¹³ Əxradan-du əkəmmi ən karammutan win d-əglazan aytedan dağ təgəlwen n əşşəxir şinad ən səmmosət a. Maraw əzmaman d əşšin a d-ədnayan dağ gəlzan en.

¹⁴ As ənayan aytedan win alxalamat tas immozal Xaysa da, ad gannin: «İgmâd aşşak as aləs wa ənta a imosan ənnəbi wa du-z-asin əddənət!» ¹⁵ İssan Xaysa as aytedan win abbaz a tu-z-agin şəh-həşəlan-tu tişit n əmənokal, ilas-tan efel, ikka edag iyyan dağ ədxax en da, xas-net.

Əjəwəнки wa iga Xaysa fəl aman

¹⁶ As təga takəst zagadayan nəttulab-net s agaraw, ¹⁷ əggazan axlal əssəwəlan agaraw y ad əxərəsan əs təxrəmt ta n Kafarnahum. İtaggu awen əhad, Xaysa amaran wər tan-in-ewed harwa da. ¹⁸ İgar-du ađu issohen ad tanastaban aman n agaraw. ¹⁹ As əgan nəttulab ən Xaysa edag ən səm mos kilawtan madəx sədis n əşikəl, oggan Xaysa dağ ihəz ijiwankat-du fəl aman izay-du axlal wa han, təzzar təggaz-tan tasa. ²⁰ Mišan inn-asan Xaysa: «Təgmədet-kawan tasa, nak awa!» ²¹ Gammayan d a t-id-əzzugəzan axlal den da, as dər-san ewad əxlal edag wa əkkan.

Xaysa a imosan amensay wa ihakkin təməddurt

²² As əzəl wa hadan təgr-in tamattay ta təwarat efay n agaraw wen sen as axlal iyyanda xas a illan den əndazəl, amaran əssanan as Xaysa wər inam-aggaz axlal wa əd nəttulab-net. Əssânən ənta da as inəttulab-net xas-nasan as əglan. ²³ Ənzayan-du wiyyad a d-əfalnen ayxəm ən Tiberəyad. Osan-du dagma n adag wa dağ tətša tamattay tagəlla dəffər godan win iga Xaysa y Əməli. ²⁴ As tənay tamattay as Xaysa wər illa den ənta wala inəttulab-net, təggaz ixlalan win den əgməyan Xaysa əs Kafarnahum.

²⁵ Osan-t-in fəl afay n agaraw wa hadan, təzzar ənnan-as: «Ya Əşşex, Əmmay du-tose da?» ²⁶ İg-asan Xaysa aljawab wa, inna: «Əggəyye silakanax-awan as wər di-təsəggədam ar fəl as tətşam tagəlla har dağ-as təyyəwanam, wərgəx aşşaddat n əgərri n almaxna n alxalamaten šin əmmoza a fəl di-təlkamam. ²⁷ Ayyat əşşəxəl dağ agamay ən mensewan win xaşşadnen, gammayat imensewan win wər nəxəşşəd, hakkin təməddurt ta təxlalat. İmensewan win nak Ag Aggadəm a dawan-tan-z-akfin fəlas nak a issəwar Məşşina di n Abba ejwal wa n təymar-net.»

²⁸ Əsəstanan-tu ənnan-as: «Məni za arət was danax-iwar a tu-nagu y ad naknu əşşəxələn win ira Məşşina?» ²⁹ İjjəwəwəb-asan Xaysa inn-asan: «Əşşəxəl wa dağ-wan ira Məşşina, wər t-imos ar ad təzzəgzanam əs wa d-issəgla.» ³⁰ Əlasan-tu əsəstan ənnan-as: «Ma təmos za alxalamat ta dana-za-tam-mazala fəl a sər-ək nəzzəgzən? Ma za taga?»

³¹ İmarawan-nanay ətšan dağ taneray amensay wa n Manna. Ənta da awa ənnan Elkəttaban dağ batu tədi: «İşşəts-en amensay wa d-ifalan ijənnawan.»

³² Inn-asan Xaysa: «Əggəyyey silakanax-awan as wərgə ənnəbi Musa a kawan-ikfan amensay wa d-ifalan ijənnawan. Abba-nin ənta kawan-ikfan amensay wa d-ifalan ijənnawan, imos amensay wa n tidət. ³³ Fəlas amensay wa d-ifalan Məşşina ənta a d-igmədan ijənnawan, amaran ənta a ihakkin təməddurt y əddənət.» ³⁴ Ənnan-as: «Əməli, amensay wədi hakk-anaq-qu faw.»

³⁵ Inn-asan Xaysa: «Nak a imosan amensay wa ihakkin təməddurt ta təxlalat. Wa di-d-ikkan wər das-ilkem ad t-iggaz gələk, amaran wa sər-i iz-zəgzəzan wər dağ-as ilkem ad t-iggaz fad. ³⁶ Mišan ənnəx-awan: tənayam-i eges wər təzzəgzanam.

³⁷ Awedan kul wa di-ikfa Abba a di-d-asu, amaran wər za mələlləya fəl i di-d-ikkan, ³⁸ fəlas əzəbbi a d-əge dağ ijənnawan fəl ad ammazala s arət wa ira wa di-d-issəgla, wərgəx arət wa əre nak iman-in. ³⁹ Ənta wa di-d-izammazalan wər ira ad ixrək awedan waliyyan dağ win di-ikfa, kalar a ira a tən-d-əssənkəra dağ təməttant əzəl a ilkaman. ⁴⁰ Awalla, ənta da awa ira Abba-nin: Aytedan kul win di-ənaynen nak Barar-net, əzzəgzəzan sər-i, əntanay

a z'əgrəwnen tēməddurt ta təxlalat, əssənkəraq-qan-du dəy tēmattant, əzəl wa ilkaman.»

⁴¹ Təzzar ad tigətəntinan Kəl-Əlyəhud əhân batunet fəl as inna: «Nak a imosan amensay wa d-igmadan jənnawan.» ⁴² Gannin: «Awak awen wərgə Xaysa wa n ag Yusəf, nəkna tēməzdəyt n abba-net d anna-net, manəmmək as du-z-inkər əmərədda ad igannu ijənnawan a d-igmad?» ⁴³ İjjəwəwəb-asan Xaysa inn-asan: «Ayyiwat əgətəntən gar-ewwan. ⁴⁴ Wər t-illa i di-du-z-akkin ar s a t-id-ewây sər-i Abba a di-d-issəglan, nak amaran əssənkəraq-q-idu dəy tēmattant əzəl wa ilkaman. ⁴⁵ Əlkəttaban n ənəbitan ih-en as: "Ketnasan a tan-isassayru Məşşina."

Awedan kul wa islan y Abba, iqbəl əsəssəxri-net wədi a di-d-akku. ⁴⁶ Wər t-illa is kala ad inay Məşşina di n Abba ar wa t-id-ifalan. Ənta xas a t-inayan.

⁴⁷ Əggəyyəx əsilakanay-awan as i izzəgzanan ad igrəw tēməddurt ta təxlalat. ⁴⁸ Nak a imosan amensay wa ihakkin tēməddurt. ⁴⁹ İmarawan-nawan ətşan Manna dəy taneray mişan wər dasan-igdel awen tēmattant. ⁵⁰ As iga awen amensay was ganna nak, ijənnawan a dəy d-igmad. I t-itşan wər tu-z-iba. ⁵¹ Nak a imosan amensay wa d-igmadan jənnawan ihakku tēməddurt. Awedan kul wa itşan amensay wa ad iddər har faw. Amaran təxəssa-nin a təmosat imensewan win z'akfa fəl ad təgrəw əd-dənet tēməddurt.»

⁵² Tənkər tamazaq təsohet gər Kəl-Əlyəhud ad gannan: «Manəmmək as dana-z-akfu awedan wa təxəssa-net natş-et?» ⁵³ Təzzar inn-asan Xaysa: «Awalla, əggəyyəx əsilakanay-awan əs as wər tətşəm təxəssa-nin nak Ag Aggadəm, taşwim dəy azni-nin, wər dawan-tu-təlla tēməddurt ta təxlalat. ⁵⁴ Awedan wa itşan təxəssa-nin işwa ənta da azni-nin, wədi igrāw tēməddurt ta təxlalat, əssənkəraq-q-idu dəy dəy tēmattant əzəl a ilkaman. ⁵⁵ Fəlas təxəssa-nin amensay wa n tidət a təmos, azni-nin dəy aman ən tassay win tidət a imos. ⁵⁶ Awedan wa itşan təxəssa-nin, işwa dəy azni-nin, wədi irtay dər-i, nak dəy əheç əwəl-net. ⁵⁷ Abba wa di-d-izammazalan ənta xur təlla tēməddurt, amaran ənta a di-tat-ikfan, dəy adi wa itşan təxəssa-nin ad t-əs-sudəra nak da. ⁵⁸ Ənta əddi da amensay wa d-igmadan ijənnawan. Wər ola əd wa ətşan marawan-nawan fəlas wər dasan-igdel adi tēmattant. Awedan wa t-itşan, wədi ad igrəw tēməddurt ta təxlalat.» ⁵⁹ Arat da da wa inna Xaysa dəy ahan n əlxibada ən Kəl-Əlyəhud dəy əxrəm wa n Kafarnahum.

Efəl wa əgan aytedan wiyyad dəffər Xaysa, əlkaman-as wiyyad

⁶⁰ As əslan nəttulab-net aggotnen y arat wa inna da, ənnan: «Batu ta şı labasat, izzəwat əzəgzan-net. Ma ifragan əlqəbulat-net?» ⁶¹ İssan Xaysa dəy man-net as gıtantanan nəttulab-net gar-essan dəy talxa ten, inn-asan: «Əngəm əzəgzan-nawan a t-

das batu di? ⁶² Ma za tagim za as di-toggam nak Ag Aggadəm tagazzaya s adag wa əheç əstizarat?

⁶³ İnfəs wa Zəddigan a ihakkin tēməddurt. Awedan əs təxəssa-net, wər imos wala. Awalan win dawan-əgəç, İnfəs a mosan, hakkin dəy tēməddurt.

⁶⁴ Mişan əhân-kawan aytedan wər nəzzəgzan.»

Xaysa harwa xur tizarat da issân win wər nəz-zəgzan, issân dəy wa tu-z-agin dəy fassan. ⁶⁵ İlas inn-asan: «Adi da a fəl dawan-ənnə: "Wər t-illa i ifragan a di-d-akku ar s ad t-ikfa Abba fərregat n adi."»

⁶⁶ Den da dəffər-əs ifal a əggen dəy nəttulab-net, əxradan əd tidawt-net. ⁶⁷ Təzzar inna Xaysa i nəttulab win maraw d əşşin: «Məqqal kawanay da tərəm teklay?» ⁶⁸ İnn-as Simxon Butros: «Əməli, ma imos wa za nakku? Kay a itaggan awalan win əhakkanen tēməddurt ta təxlalat. ⁶⁹ Nakkanay nəzzigzan sər-ək, nəssân as kay Əmizdag a d-ifalan Məşşina.» ⁷⁰ İnn-asan Xaysa: «Ak wərgəç əsənnəfrən a kawan-əge ketnawan, fəl marawəwwan d əşşin, kuddeç əs iyyan dəy-wan İblis.» ⁷¹ Batu ta Yahuza wa n ag Simxon İsxarəyuti a fəl tat-iga Xaysa. Fəlas Yahuza a tu-z-agin dəy fassan kuddeç əs iyyan dəy nəttulab win maraw d əşşin a imos.

Əlməsix iha tarrayt əs Yerusalam

7 Dəffər adi issəwal Xaysa d akal ən Galilaya, fəlas wər ira əsəwəl ən wa n Yahudəyya, id imuzaran ən Kəl-Əlyəhud a gammaynen əd tanaxay-net. ² As itaggu awen əmud ən Kəl-Əlyəhud was itawannu wa n Təkarbanen ihoz-du. ³ Ənnan-as mədrayan-net: «Əfəl da takka akal wa n Yahudəyya fəl ad ənəyan nəttulab-nak əşşəxələn win tətəgga. ⁴ Awedan as ira fall-as tagu masnat wər işəqqəl dəy əssir. Dad zama as tətəggaç aratan oğdanen d awa, wədi agu təməwit ta fəl tan-z-inəy awedan kul.» ⁵ As das-gannin mədrayan-net awen da wər sər-əs əzzəgzanan. ⁶ İnn-asan Xaysa: «Assaxat ta-nin harwa da wər du-tewed. Kawanay amaran wər təzlayam assaxaten. ⁷ Wər t-illa əd-dəlil a fəl kawan-za-təgzər əddənet. Nak amaran əddənet təgzâr-i fəlas təgəyya a əmosa y arak mazalan win dəy-as tagginen. ⁸ Akkiwat amud wen kawanay. Nak wər t-əkke fəlas assaxat-in harwa da wər du-tewed.» ⁹ As dasan-ixrad tənna n aratan win, iqqim-du dəy Galilaya.

¹⁰ Dər iga awen da ya as əkkan mədrayan-net amud, ikk-ay Xaysa ənta da, eges iki wa zun as iga dəy əssir, fəlas wər issəkna iman-net y aytedan. ¹¹ İtaggu əmud den da gammayan-tu muzaran ən Kəl-Əlyəhud gannan: «Ma iga aləs a?» ¹² As itaggu awen tənkar təmazaq gər aytedan dəy talxa ən Xaysa. Wiyyad za gannan: «Aləs di olâç.» Wiyyad amaran gannan: «Kalar əsəxrək fadda a itaggu tamattay.» ¹³ Mişan wər t-illa awedan ihalan amagrad dat aytedan dəy talxa-net, fəl təkşəda ən muzaran ən Kəl-Əlyəhud.

Assa ən Ҳaysa Ehan wa Zəwwəran n Ғлҗибada

¹⁴ As isaggaraygaray əmud ikka Ҳaysa Ehan wa Zəwwəran n Ғлҗибada a daғ-as isasaғru.

¹⁵ Ғсəssəғри wa iqqan iғafawan ən Kəl-Ғлыəhud wəllen har əqqiman gannin: «Wa ak awedan ma t-issosanan aratan win, ənta wər iғra?» ¹⁶ Inn-asan Ҳaysa: «Ғсəssəғри-nin wəрге nak a d-ifal, kalar wa di-d-izammazalan a d-ifal. ¹⁷ Awedan kul wa iran ad ammazal tara ən Məşšina, wədi ad issən kud əsəssəғри-nin ənta Məşšina a d-ifal wala deғ arat a imos a d-ənzama gər-i əd man-in. ¹⁸ Awedan wa işšewalan s aratan a d-inzām gar-es əd man-net, wədi iman-net as igammay tanaya. Mişan awedan wa işxalan daғ əsənnəfiləl ən tanaya ən wa t-id-izammazalan, wədi tidət a immal, wər daғ-as t-illa a imosan lahan. ¹⁹ Wəргеғ ikf-iwan ənnəbi Musa Ғlqanun? Wər kawan-iha za i das-ilkâman. Mafel as təram a di-tanғim?» ²⁰ Ғnnan-as aytedan: «Kay agğəsuф a kay-ihan. Ma iran tenaғay-nak?»

²¹ Inn-asan Ҳaysa: «Nak təlməғjujat iyyadda ғas a əge daғ əzəl ən təsanfawt, mişan əqqanan-as ғafawan-nawan. ²² Kawanay wəргеғ təsaqqalam daғ əzəl ən təsanfawt fəlas bararan-nawan a daғ-as təsamankadam? Amanan wər fall-awan imos awen lahan, fəlas ənnəbi Musa a dawan-t-innan – as iga awen imarawan-nana a t-id-əssəntanen, wəрге Musa. ²³ Ғnəyat za, dad imos as itawasamankad barar daғ əzəl ən təsanfawt fəl ləkkum y əşšəriғa wa n ənnəbi Musa, mafel as kawan-iha alham-in fəlas əgeғ y awedan əzuzəy ikmālan daғ əzəl ən təsanfawt? ²⁴ Ad wər təxakka-mam awedan s azzahir-net. Kalar xakkamat əs tidət.»

²⁵ As t-oggan arat daғ aytedan win Yerusalām ad gannin: «Awak aləs wen, wəргеғ ənta as əran muzaran-nana tenaғay-net? ²⁶ Amanan ənta den əmərədda işšewalan den dat awedan kul, wər t-illa i das-igannin wala! Awak immikkan imuzaran-nanaғ a sallakannen as ənta a imosan Ғlməsix? ²⁷ As iga awen da za aləs wa nəssân akal wa d-igmad, Ғlməsix amaran assaғa wa du-z-asu ənəfilal ғas a du-z-agu, wər t-illa awedan a issānan da d-igmad.» ²⁸ Harwa da isasaғru Ҳaysa daғ Ahan wa Zəwwəran n Ғлҗибada as idkal əməsli-net wəllen inna: «Təzdāyam-i təssānam sas d-əhe! As iga awen da ya wər d-ose gər-i əd man-in, kalar wa imosan tidət a di-d-izammazalan; amaran wər tu-təzdayam. ²⁹ Nak əzdayaq-qu, fəlas ənta sər-wan d-əfala, amaran ənta di-d-izammazalan.»

³⁰ Den da ad əғmayan muzaran ən tamattay d abbaz-net mişan wər tan-iha i t-idasan, fəlas alwaqnet a du-wər-newed harwa da. ³¹ Aytedan aggotnen a əzzəғzannen əs Ҳaysa daғ tamattay en, gannin: «Tordām as kud d-osa Ғlməsix ifrāғ əsəкni n alғalamaten ogarnen šin issəкna aləs wa?»

³² Arat wa simətəktikan aytedan daғ tamattay ta, əslan-tu Farisaytan. Ғnkaran limaman win za-

wwarnen, əd Farisaytan əssəғlan-du imagazan n Ahan wa Zəwwəran n Ғлҗибada y ad abəzan Ҳaysa. ³³ Inn-asan Ҳaysa: «Nak ad aғaғ arat ən tamert əd-dewa dər-wan, dəffər adi amaran ad z'akka wa di-d-izammazalan. ³⁴ A di-təғməyam mişan wər di-zatəғrəwam fəlas edag wa z'akka wər təfregam ikinet.» ³⁵ Ad tinəməsəstinan Kəl-Ғлыəhud, gannin: «Ma imos za adag wa z'akku daq-qu wər za nəgrəw? Məqqal Kəl-Ғлыəhud win wazawaznen daғ kallan win tama a z'akku igğəz-tan? Məғ ak aytedan win wər nəmos Kəl-Ғлыəhud a z'isasagru? ³⁶ Ma imos almaғna ən batu ta iga da, as inna: "A di-təғməyam mişan wər di-zatəғrəwam, fəlas wər təfregam iki n adag wa z'akka"?»

Aman win sidurnen

³⁷ As d-ewad əzəl wa ilkaman n əmud wa n Təkarbanen, s ənta a imosan əzəl wa zəwwəran daғ əmud en, ibdad Ҳaysa dat tamattay idkal əməsli-net inna: «Awedan kul wa iffudan akkiwet-i-du ad ašəw. ³⁸ Awedan kul wa sər-i izzəғzanan "ad əngəyan gərwan n aman win sidurnen daғ əwəl-net", s əmmək was iktab awen daғ Ғlkəttaban.» ³⁹ Batu ta iga Ҳaysa den, Infas wa Zəddigan a sər-əs issoka, a z'əgrəwan aytedan win sər-əs əz-zəғzannen. Ғnta azzaman en Infas wa Zəddigan wər itawakfa harwa da fəlas Ҳaysa a wər nəggeз tanaya-net.

Ғməzzəy gər aytedan

⁴⁰ As isla ades ən tamattay en i batuten šin iga Ҳaysa da ənnan: «Illikan as aləs wa ənta a imosan Ғnnəbi wa ittəmalan!» ⁴¹ Ғnnan wiyyad: «Ғlməsix awa!» Ғnnan-asan wiyyad: «Manəmmək as du-z-igməd Ғlməsix Galilaya? ⁴² Awak Ғlkəttaban wəргеғ a ənnan: "Ғzzurrəyya ən Dawəd, əd təғrəmt ən Bətalxam s ənta as kala daғ-as iғsar Dawəd, a du-z-igməd Ғlməsix."» ⁴³ Ғmmək en daғ as təmməzray tamattay daғ talғa ən Ҳaysa. ⁴⁴ Wiyyad daғ-san ərân abbaz-net, mişan wər tan-iha is t-idas əfus-net.

⁴⁵ Ғglan magazan n Ahan wa Zəwwəran n Ғлҗибada əqqalan ilimaman win zawwarnen, əd Farisaytan. Osan-in ғas ənnan-asan: «Mafel wər t-idutewayam?» ⁴⁶ Ғnnan-asan magazan: «Wər kala itawanay awedan igan awal wa iga aləs en.» ⁴⁷ Ғnnan-asan Farisaytan: «Daғ adi kawanay da toyyam iman-nawan tətawasaxrakam? ⁴⁸ Ғssənāt ill-ay i sər-əs izzigzanan daғ-na? ⁴⁹ Wər sər-əs izzəғzan ar tamattay n aljahilan wər nəssen wala daғ awa ihan əşšəriғa n Ғttawret, as ketnasan təwâr-tan tulғant.» ⁵⁰ Inn-asan Nikodemos imosan iyyan daғ Farisaytan s ənta din-osan Ҳaysa dat awen: ⁵¹ «Ғşšəriғa-nana wər t-iha ad itəwəкkəm awedan iket wər işšewal, itəwəssən awa daғ işšokal.» ⁵² Ғnnan-as: «Galilaya kay təlat kay da? Aknu

təyaray n Elkəttaban ad tənəya kay iman-nak as wər t-illa ənnəbi a du-z-igmədan Galilaya.»
 53 Təzzar ikka awedan kul ehan-net.

Tantut ta təgat əzzəna

8 Ikka Xaysa adxax as itawannu wa n Eşkan ən Zaytun. ² As affaw axôra iqqal Ehan wa Zəwwəran n Elxibada, təzzar tək-ay-du tamattay ketnet. Iqqim a tan-isaxru. ³ Işşewal den da as d-osan musanan n Ettawret əd Farisaytan ewâyan tantut a d-əxdaran tətəggu əzzəna. Əssəbdadan-tat dat awedan kul, ⁴ ənnan i Xaysa: «Ya Eşşex-nana, tantut a əzzəna a təga, amaran tətəwanay tətəg-ay. ⁵ Dağ Ettawret za a inna Musa: "Tantut zun ta, ilzâm a tat-əggaran aytədan əs təhun har tat-iba." Amaran kay ma tənne?»

⁶ Arat wa tēmərkest a imos a das-əgân fəl ad t-əssəwəran lahan. Edag ân a dasan-ajjawwab Xaysa, inaz ad ikattab s adad-net fəl amaçal. ⁷ Eqqiman ədgâzan-tu s əsəstan, as ihog ibdad-du inn-asan: «Inkəret-du dağ-wan was kala wər iga abakkad izaret əs taggor-net.» ⁸ Ilas enez ad ikattab s adad-net fəl amaçal. ⁹ Əslan i batu ta xas, mazazaran əqlan, azzaran-asan win waşşarnen. Iqqim-du Xaysa xas-net ənta əd təntut ta nad, təbdâd dat-əs.

¹⁰ Ibdad-du inn-as: «Tantut, ma əgan aytədan win kam-əbaznen? Wər tan-iha i kam-ibâzan s əşşərixa?» ¹¹ Tənn-as: «Waliyyan dağ-san, Əməlinin». Inn-as Xaysa: «Nak da za wər kam-z-abəza s əşşərixa. Aglu təjəwənce, mişan ad wər tələsağ igi ən bakkadan.»

Xaysa ənta a imosan ənnur n əddənet

¹² Ilas Xaysa awal i tamattay inna: «Nak a imosan ənnur n əddənet. Dağ adi wa di-ilkaman ad igrəw ənnur wa isiduran, amaran iğrâd d ad ijiwankat dağ šiyyay.» ¹³ Ənnan-as Farisaytan: «Təgəyya ən man-nak a təmosa, arat wa təgannağ əddi irkam wəllen.» ¹⁴ Inn-asan Xaysa: «Kud imos as təgəyya ən man-in a mosa da təgəyya-nin tidət a təmos fəlas əssâna sas d-əhe, əd sas ədaga. Kawanay amaran wər təssenam sas d-əhe, wala sas ədaga. ¹⁵ Kawanay azzahir xas as təşarraqam aytədan, nak amaran wər şərrəxa waliyyan. ¹⁶ As iga awen da as fall-i d-osa adi, ad şarraqa, amaran əşşərixa-nin issohat, fəlas iddew dər-i Abba wa di-d-izammazalan. ¹⁷ Əşşərixa-nawan iktâb dağ-as âs təgəyya n əşşin meddan a təmosat tidət. ¹⁸ Nak za təgəyya iyyadda a mosax i man-in, təgəyya-nin ta n sanatat amaran Abba s ənta di-d-izammazalan a tat-imosan.» ¹⁹ Təzzar ənnan-as: «Mənid illa za Abba-nak?» Inn-asan Xaysa: «Wərmad di-təzdâyam za wər təzdayam Abba-nin. Ənnar di-təzdâyam təzdayam Abba-nin.»

²⁰ Batuten şin itagg-enat Xaysa assaxa wa dağ isasaxru dağ Ahan wa Zəwwəran n Elxibada dag-

ma n adag wa iha əssənduq wa dağ tiddawnat təkutawen. Mişan wər t-illa i igmâyan d abbaz-net fəlas alwaq-net a du-wər-newed harwa da.

Wər təfregam iki ən dad əkke

²¹ Ilas Xaysa inn-asan: «Nak teklay a z'aga. A di-təgməyam amaran a kawan-iba dağ tişit ən nas-bakkadan. Wər təfregam a din-tawədam edag wa əkke.» ²² Ad tinəmənnin arat dağ Kəl-Əlyəhud gar-essan: «Meqqal iman-net a z'anxu, fəlas a inna wər nəfreg a din-nawəd edag wa ikka.» ²³ Inn-asan Xaysa: «Kawanay aytədan n ares a təmosam, nak in afalla. Kawanay kəl əddənet a da a təmosam, nak wər di-təla əddənet a. ²⁴ A di da a fəl dawan-ənne a kawan-iba dağ tişit ən nasbakkadan. As wər təzzəgzanam as nak a imosan "Wa Illan da", wədi a kawan-iba əd tişit ən bakkadan.» ²⁵ Ənnan-as: «Ak ma təmosax?» Inn-asan Xaysa: «Awa dawan-əmala xur tizarat har əmərədda ənta a mosa. ²⁶ Əllân-tu aratan aggotnen as əfrâgağ a tan-anna dağ talxanawan, əllân-tu değ aratan aggotnen as əfrâgağ a kawan-awwaddaba fall-asan. Mişan wa di-d-izammazalan məşşis ən tidət a imos, amaran arat wa di-d-inna, xas a əmmala y əddənet.»

²⁷ Wər əgren as batu n Abba a dağ dasan-imməgrad. ²⁸ Inn-asan Xaysa: «As təgam iman-in nak Ag Aggadəm s əsəhhuki wa di-za-tagim fəl təgəttawt, ad təssənam as nak da a imosan "Wa Illan da", təssənam değ as wər t-illa a tagga gər-i əd man-in, arat wa di-isasaxra Abba xas a ganna. ²⁹ Wa di-d-izammazalan iddew dər-i. Wər di-oyya xas-in fəlas faw da arat wa das-igrazan xas a tagga.» ³⁰ Əslan aytədan aggotnen y awa inna Xaysa den əz-zəgzanan sər-əs.

Win əmosnen əzzurrəyya n İbrahim əs tidət

³¹ Inna Xaysa i Kəl-Əlyəhud win sər-əs əzzəgzan-ən: «As təbbərdagam y awa kawan-sasaxra, ad təqqəlam inəttulab-in win tidət, ³² təssənam tidət, tidət amaran ənta kawan-za-təsaddarfit.»

³³ Ənnan-as: «Nakkanay ya əzzurrəyya n ənnəbi İbrahim a nəmos, wər kala dağ əddənet ad nəqqal eklan ən waliyyan, mafəl təganna: "Ad taddarfem"?» ³⁴ Inn-asan Xaysa: «Əggəyyəğ əsilakanax-awan as awedan kul wa itaggin ibakkadan, wədi akli ən bakkadan a imos. ³⁵ Akli amaran wər das-t-illa adag ən faw dağ axaywan, mişan Barar wa er-aw axaywan wədi edag-net ill-ay har faw. ³⁶ Dağ adi as kawan-isaddarfat Barar, wədi ad taddarfem əs tidət. ³⁷ Əssânağ as əzzurrəyya n İbrahim a təmosam, mişan təgammayam d ad tagim iman-in fəlas awal-in a wər nədes iwallan-nawan. ³⁸ Nak arat wa ənaya xur Abba-nin a əmmala, amaran kawanay tətəggim awas təslam xur abba-nawan İblis.»

³⁹ Ənnan-as: «Abba-nana ya ənnəbi İbrahim a t-imosan.» Inn-asan Xaysa: «Ənnar tidət âs təmosam

bararan n Ibrahim ad tætaggim imazalan win iga Ibrahim. ⁴⁰ Kawanay amaran æmæreda tægammayam æd tanayay-nin, nak imosan awedan a dawan-immalan tidæt s æmmæk was di-tat-d-inna Mæššina. Arat wædi wær t-iga Ibrahim. ⁴¹ Imazalan win iga abba-nawan a tætaggam.» Ennan-as: «Nakkanay wær næmos iniba; wær næla ar abba iyyanda a t-imosan Mæššina.»

⁴² Inn-asan Xaysa: «Ennar Mæššina a imosan Abba-nawan tarim-i, fêlas Mæššina a d-ægmda, ænta a d-æfala, wærgæ gær-i æd man-in as d-ose, kalar ænta di-d-izammazalan. ⁴³ Mafel wær tægrem awal-in? Wær dawan-igdel ægærri-net ar as wær tæfregam æsæsəm y as. ⁴⁴ Wær tælem dağ abbatan ar Iblis, amaran tærâm ad tassandim deranan n abba-nawan. Harwa yur ænætti ad iqqal æmæggi æn man, amaran wær ibded dağ tidæt, fêlas wær tæha tidæt æwæl-net. Igi æn bahu a imosan ættæbiçat-net fêlas anasbahu a imos, imos dey abba æn bahu. ⁴⁵ Nak amaran tidæt as tamagrada, adi da fêl di-wær-tæz-zægzanam. ⁴⁶ Mæni dağ-wan wa ifragan ad aggayy-at as kala ad ægæx abakkad? Kud tidæt a æmmala mafel wær di-tæzzægzanam? ⁴⁷ Awedan imosan arat dağ tamattay æn Mæššina, æsæsəm a itaggu y awa inna Mæššina. Kawanay amaran wær das-tæsësi-mam, fêlas wær tæmosam tamattay æn Mæššina.»

Yaysa d Ibrahim

⁴⁸ Tæzzar ænnan Kæl-Ëlyæhud i Xaysa: «Wærgæx kala ad nænna kay iyyan dağ Kæl-Samaræya a tæmosağ amaran ih-ik aggæsuf?» ⁴⁹ Inn-asan Xaysa: «Wær di-ihæ aggæsuf, Abba-nin ças a æssæxmara, kawanay amaran wær di-tæssæxmaram. ⁵⁰ Wær gæm-mæyax tanaya i man-in. Ill-ay wa di-igammayan tanaya, amaran ænta a ixakkaman. ⁵¹ Eggyæyæx æsilakanax-awan as awedan wa ittafan awal-in, wær ilkem ad inay tæmattant.»

⁵² Ennan-as arat dağ Kæl-Ëlyæhud: «Æmæreda ad nækkas aššak as ih-ik aggæsuf! Ibrahim da aba-tu ænta harkid ænnæbitan kul, kay amaran tæganna: "Awedan kul wa ittafan awal-in, wær ilkem ad inay tæmattant." ⁵³ Abba-nanay Ibrahim dâ aba-tu: tordeğ as togaraq-qu almaçam? Ennæbitan dâ abatan. Kay ma tæxsabay iman-nak?»

⁵⁴ Inn-asan Xaysa: «As imos as iman-in a fêl sanamala, wædi tanaya-nin wær tænfa wala. Abba-nin s ænta as tægannim imos Æmæli-nawan, ænta a di-ihakkan tanaya, ⁵⁵ amaran wær tu-tæzdayam, mišan nak æzdâyaq-qu. As ænne wær t-æzdaya, wædi ad æqqælax anasbahu æn šilat-nawan. Kalar æzdâyaq-qu, amaran ættáfay awal-net. ⁵⁶ Abba-nawan Ibrahim imâl-tu æd tædæwit fêl as das-igmad aššak as ad inæy assa-nin, amaran inay-tu, ikn-ay awen æsæffæliwæs.» ⁵⁷ Ennan-as Kæl-Ëlyæhud: «Kay wær teweda wala sëmmosat tæmærwæn n awatay eges tænne tænâyax Ibrahim?» ⁵⁸ Inn-asan: «Eggyæyæ silakanax-awan as dat tæhæwt n ænnæbi Ibrahim da nak æmosa "Wa Illan da".» ⁵⁹ Tæzzar ad takammen

šihun y a das-agin zabaw, mišan ya igmad-tan dağ tamattay, irdağ afarag n Ahan wa Zæwwæran n Ælyibada.

Æzuzøy wa iga Xaysa y awedan a d-ihæwan æd taddarçalt

⁹ Ijiwankat Xaysa as inay alæs s as d-ihæw da id-dirçal. ² Æssæstanan-tu nættulab-net ænnan-as: «Æššæx, mafel d-ihæw alæs a æd taddarçalt? Awak æddælil n abakkad-net, meç ak abakkad æn marwan-net?» ³ Inn-asan Xaysa: «Wærmad iddirçal fêl æddælil n abakkad-net, wala dey abakkad æn marwan-net. Wær d-ihæw æd taddarçalt ar y a sær-æs tæwænøyæn igitan æn Mæššina. ⁴ Iwâr-anax ad naknu æššæçælan æn wa di-d-izammazalan iket di ad iga azal, fêlas ehad izay-du, amaran wær t-illa i dağ-as ifragan æššæçæl. ⁵ Iket æheç æddænet æmosağ ænur n æddænet.»

⁶ As iga batu ta, issotaf dağ amaçal, iga arat æn talaq æs mætman-net, issælal-tat i šittawæn n æmædderçæl en, ⁷ inn-as: «Aglu takka tæçazart ta n Siloxam tæšširæda dağ-as udæm-nak.» (Siloxam almaçna-net anammazal.) Iglæ æmædderçæl iššorad udæm-net, as d-iqqal da ihannay.

⁸ Ad gannin mahharagan-net, d aytedan win t-ænaynen dat awen imos æmædderçæl itansayan: «Ak awen wærgæx alæs was faw iqqim itansay?»

⁹ Wiyyad gannin: «Ænta dağ awen.» Wiyyad ænta da gannin: «Kala, tulat ças a dær-æs iga.» Ænta amaran igannu: «Nak dağ awa.» ¹⁰ A tu-sastanan gannan-as: «Mæni tæmæwit tas tægrawax asawad-nak?»

¹¹ Igann-asan: «Alæs as gannin Xaysa, a igan arat æn talaq, tæzzar issælal-tat i šittawæn-in, inn-i ad aglay æšširædağ udæm-in dağ tæçazart ta n Siloxam. Egley æššoradaq-qu ças, ægrawax asawad-in.»

¹² Ennan-as: «Ma iga za alæs wædi?» Inn-asan: «Wær æssena.»

¹³ Ælwayan aytedan win alæs was kala ad imos æmædderçæl da æs Farisaytan. ¹⁴ Ænta æzæl æn tæsanfawt æn Kæl-Ëlyæhud a dağ iga Xaysa talaq, is-sæswad æmædderçæl wen. ¹⁵ A tu-sastanan Farisaytan æntanay da æd tæmæwit tas igraw asawad-net. Inn-asan: «Arat æn talaq a issælal šittawæn-in, æššoradağ udæm-in, æswada.» ¹⁶ Ad gannin arat dağ Farisaytan: «Alæs wa igan arat wa, wær d-ifel Mæššina fêlas wær isassahat æzæl æn tæsanfawt-nana.» Ennan wiyyad: «Alyalamaten šin, manæmmæk as tanat-z-agu awedan imosan anasbakkad?» Tæzzar iga æmæzrøy gar-essan. ¹⁷ Ælasan æsæstan n alæs was kala ad iddærçæl ænnan-as: «Kay a innan izzozay-kay alæs dağ taddarçalt, æmæl-anax was tordeğ as imos-tu.» Inn-asan: «Ennæbi a imos.»

¹⁸ Eglan Farisaytan wær æzzægzanan as alæs wa kala ad iddærçæl har du-sassayran imarwan-net. ¹⁹ Ennan-asan: «Ak ænta da da barar-nawan was tænnam as d-ihæw da iddirçal? Mæni tæmæwit tas igraw asawad-net æmæreda?» ²⁰ Ennan-asan marwan n alæs: «Næssân as barar-nanay a imos, næssân

ənta da âs as d-ihəw da iddiryal, ²¹ mišan wərmad nəssân tēməwit tas igraw asawad-net, za wala dey awedan wa t-issəsawadan. Səstənat-tu iman-net, fəlas aləs waşşaran a imos ifragan ad ammagrad daɣ talxa ta tu-təqqalat.» ²² Batu ta wər tat-əgen marwan-net ar fəl təksəda ən muzaran ən Kəl-Elyəhud fəlas tənna a gan awedan kul wa iggəyyen as ʔaysa a imosan Elməsix, wədi ad t-əkkəsan daɣ əljəməɣat n ahan n əlyibada ən Kəl-Elyəhud. ²³ Awen da fəl ənnan marwan-net: «Tuşaray-net təşişawad-tu a dawan-ammagrad daɣ talxa ta tu-təqqalat, səstənat-tu.»

²⁴ Əlasan-du Farisaytan teɣaray n aləs was kala ad iddəryal ənnan-as: «Iksad Məşşina təməla tidət. Nakkanay nəssân as aləs di anasbakkad.» ²⁵ Inn-asan aləs wa: «Nak wər əssena kud anasbakkad a imos wala. Arat iyyanda ɣas a daɣ əssana, as kala ad əddərɣala, əmərədda əhannaya.» ²⁶ Dəffər awen ənnan-as: «Ma imos arat wa dak-iga? Məni tēməwit tas kay-issəsawad?» ²⁷ Inn-asan: «Arat wədi ya əmələx-awan-tu mišan wər di-təzzəgzanam. Mafəl təram a dawan-t-ələsaɣ eməl? Meqqal ak kawanay da a təram ad təqqəlam inalkiman-net ketnawan?» ²⁸ Əgan-as ərərbədan ənnan-as: «Kay a imosan ənalkim-net, nakkanay inalkiman n ənnəbi Musa a nəmos. ²⁹ Musa nəssân as išşəwal-as Məşşina, amaran aləs wədi wər nəssen sas d-ihə fadda.»

³⁰ Inn-asan: «Aləs wa wər təssenam wala sas d-ihə mišan izzozay-i daɣ taddarɣalt! Arat ya wa ənta a isammaklalan wəllen! ³¹ Təssənam as Məşşina wər iqəbbəl šiwatriwen ən nasbakkadan. Awedan wa das-ibbərdagan itamazal tara-net, ənta as iqqabbal šiwatriwen-net. ³² Wər kala ad itawasla awedan ipsiswadan iyyan a d-ihəwan əd taddarɣalt. ³³ Ənnar du-wər-ifel aləs di Məşşina, wər z'ifrəg igi ən wala.» ³⁴ Haraşşen-tu ənnan-as: «Ko! Adis kay was as du-təhəwa da təmosa təbəluləq n abakkad, kay a iran a dana-takfaɣ alfaydaten?» Təzzar əstəyan-tu.

Aytedan win əddərɣalnen daɣ batu ta təqqalat əddin

³⁵ As isla ʔaysa əmazal wa igan da, iswad y aləs wen har t-igraw inn-as: «Awak təzzigzanax sər-i Ag Aggadəm?» ³⁶ Inna aləs i ʔaysa: «Əməli-i awa imos, Əməli-nin, fəlas areɣ a sər-əs əzzəgzəna.» ³⁷ Inn-as ʔaysa: «Tənayaq-qu, amaran ənta da da dak-im-məgradan da.» ³⁸ Inn-as aləs: «Daɣ adi əzzigzanax Əməli-nin.» Təzzar issəjad-as.

³⁹ Amaran inna ʔaysa: «Nak assa a d-əgeɣ əd-dənet y ad ammazalax əşşərixa, əswədan win wər nəhənnəy, addarɣalan win hannaynen.» ⁴⁰ Əslan arat daɣ Farisaytan win dər iddew y awa inna da ənnan-as: «Daɣ adi nakkanay da iməddərɣal a nəmos?» ⁴¹ Inn-asan ʔaysa: «Ənnar təmosam iməddərɣal wədi wər kawan-iwer abakkad, mišan dad

imos as təgannim: "Nakkanay nəhannay", wədi iwər-kawan abakkad.»

ʔaysa ənta a imosan amadan wa olaɣan

10 «Əggəyyeɣ əsilakanax-awan as: Awedan wa wər nəggez afarag n ayfəd s əmi was itawaggaz, itaraggat-t-idu, wədi abaydag a imos n ənarkab. ² Amaran wa d-iggazan s əmi n afarag, wədi ənta a imosan amadan n ayfəd. ³ Ənaɣlif n afarag a das-z-aləman imi, aslinat ayfəd y əməsli-net, ad iɣarru šin-net s esmawan-nasnat isardaɣ-qanat afarag. ⁴ As d-iɣrad ikus ən šin-net, a dasnat-izar, əlkəmnat-as, fəlas əzdəynat əməsli-net. ⁵ As iga awen awedan wa dasnat-imosan ənaftax, wər das-z-əlkəmnat, ewef fadda a tu-z-aginat fəlas wər əzdaynat əməsli-net.» ⁶ Əlmital wa da, a dasan-iga ʔaysa, mišan wər əgren almaɣna n awa daɣ-san imməgrad da.

⁷ İlas ʔaysa inn-asan: «Əggəyyeɣ əsilakanax-awan as nak a imosan imi was raddaxnat ayfəd. ⁸ Win dat-i d-osanen kul ibaydagan ən narkaban a mosan, amaran wər dasan-əssəsamnat ayfəd. ⁹ Nak a imosan imi n afarag. Wa sər-i d-iggazan ad afsu. İfrəg ad itaggaz iraddax, igrəw əntada imensewan-net. ¹⁰ Abaydag wər d-itisu ar fəl šikra, d igi ən man d əhluk. Nak amaran ose-du fəl ad əgrəwan aytedan təməddurt, əgrəwan-tat da za əs tēməwit wər nəla əddukad.

¹¹ Nak a imosan amadan wa olaɣan. Amadan wa olaɣan iman-net a ihakku fəl ayfəd-net. ¹² Mišan awedan wās ayfəd wərgəɣ šin-net, ətəwəɣfar ɣas a itawagga y a tanat-idən, wədi as ogga əridal izaytanat-du, ad addaggag ayy-enat-in, abəz daɣ-asnat əridal awa ira, izəwwəziwəz-tanat. ¹³ Arat wa itagg-ay aləs wa fəlas ətəwəɣfar ɣas a iga y əşşəɣəl wa, wər izlay a əganat ayfəd. ¹⁴ Nak a imosan amadan wa olaɣan. Əzdəyax ayfəd-in, ayfəd-in dəɣ əzdaynat-i, ¹⁵ əs tēməwit ta daɣ as di-izday Abbain, nak dəɣ əzdəyax-qu. Əkfəy iman-in fəl ayfəd-in. ¹⁶ Əley ayfəd šiyyad wər nəha afarag wa. Əntatanatay da kundaba azzarax-asnat, aslinat y əməsli-nin. Ayfəd-in kul ad ərtəynat əqqəlmat əsəgən iyyanda, ilən amadan iyyanda. ¹⁷ Abba ir-i fəlas iman-in a əkfe fəl a tan-ələsaɣ agaraw. ¹⁸ Wər t-illa i daɣ-i z'abəzan iman, kalar iman-in a əkfəy əs təradawt-in. Əley fərregat ən tahakkay-nasan, əley da fərregat n əsuxəl-nasan. Ənta da daɣ arat was di-omar Abba-nin s igi-net.»

¹⁹ Əlasan Kəl-Elyəhud əməzrəy daɣ talxa n aratan win igannu ʔaysa da. ²⁰ A daɣ-san aggen gannin: «Aləs wa aggəsuf a t-ihan! Awa əmeskel! Mafəl təsisamam-as?» ²¹ Wiyyad gannin: «Awedan iha aggəsuf wər itəggu awal wa. Tordam as ill-ay aggəsuf İfrəgan əsəswəd ən məddərɣal?»

Yaysa ənta a imosan Elməsix, imos Barar ən Məşšina

²² Azzaman en tagrəst. Ewad-du əmud imosan isaktan n ətəwəzəzdağ wa iga Ahan wa Zəwwəran n Elxibada dağ Yerusalam. ²³ Itijəwənkət Yaysa dağ Ahan wa Zəwwəran n Elxibada issiwal əd tarrayt təfəlat as itawannu «ta n Suliman.» ²⁴ Xi-layxalayan-tu Kəl-Elyəhud win əllanen den gannin-as: «Kay ak har əmmay wər dana-tore dağ aɣaf? Kud kay Elməsix a təmosa, təzəluləxa-du da da tanax-anaq-qu.»

²⁵ Inn-asan Yaysa: «Əmələx-awan, mişan wər di-təzzəgzanam. Imazalan win əge s esəm n Abba-nin, əggəyyen-i, ²⁶ mişan wər di-təzzəgzanam fəlas wər tətəbaqqem dağ ayfəd-in. ²⁷ Ayfəd-in əsallinat y əməslin-nin, əzdāyaq-qanat, amaran əlkāmnat-i. ²⁸ Əkfeq-qanat təməddurt ta təxlalat, wər dağ-as-nat təlkem təmattant, amaran wər t-illa i dağ-i tanat-z-irkəban. ²⁹ Abba-nin a di-tanat-ikfan, wər t-illa i wər oger. Amaran wər t-illa i tanat-z-irkəban dağ əfus-net. ³⁰ Nak d Abba arat iyyanda a nəmos.»

³¹ Əlasan-du sər-əs adakal ən təhun y ad t-anxin. ³² Ilas Yaysa inn-asan: «Əssiknaq-qawan imazalan aggotnen olaynen a d-əfalnen Abba. Məni dağ-san wa fəl taram a di-tanxin?» ³³ Ənnan-as: «Nakkanay wər nərə tenaxay-nak fəl as təgey əmazal olayan, kalar əmadraw wa təgey əddi a fəl kay-za-nanxu. Kay wər təmosax ar əggadəm amaran tarex ad tagax iman-nak Məşšina.»

³⁴ Inn-asan Yaysa: «Awak wərgəy iktāb dağ Əttawret as inna Məşšina: "*Kawanay təmosam imalan*"?»

³⁵ Wər nəfreg a din-nəgər arat wa ihan Əlkəttəban. Esəm wa n malan, iyra sər-əs Məşšina aytedan win ikka awal-net. ³⁶ Nak Məşšina a di-isannafran an izammazal-i-du s əddənet. Mənəmək dağ adi as za tannim taggax əmadraw fəlas ənne: "Əmosa Barar ən Məşšina"? ³⁷ As imos as wər təggax imazalan win as di-d-issəgla Abba-nin y a tan-aga, a di-wər-təzzəgzənam. ³⁸ Mişan dad imos as taggaq-qan, wədi kud sər-i wər təzəgzənam da, zəgzənət kuddey əs mazalan win tagga, fəl ad təssənam, tassantim deyx dağ əgərri n as Abba irtāy dər-i, nak deyx ertāya d Abba.»

³⁹ Əlasan əgamay d əbbaz-net, mişan igmad-tan.

⁴⁰ Ilas Yaysa iki ən təgadamayt ta hadat ən Yordan, dağ adag wa dağ issənta Yaxya əsəlməx n aytedan dağ aman, iqqim den da. ⁴¹ Osan-t-in aytedan aggotnen, gannin: «Yaxya wər iga alxalamat waliyyat, mişan aratan kul win danağ-inna s aləs wa, tidət a mosan.» ⁴² Den dağ ad əzzəgzənan aytedan aggotnen əs Yaysa.

Iba ən Lazarəs

11 Ill-ay aləs irinan igan esəm Lazarəs, ihan təxrəmt ən Betanəy s ənta a dağ təxsar

Maryama əd Marta əmosnen şimədrayen. ² Maryama ta da a tənçalət alwardi fəl Əməli Yaysa, təmas idaran-net əs jəkkad-net. Amaran amadəray-net Lazarəs a irinan den. ³ Əssokanat təmədrayen-net Yaysa əmazal as: «Əməli, əməri-nak irin.»

⁴ As isla Yaysa i salan win den, inna: «Təsəlkəmt ən təwərna ten, wər za təqqəl təmattant ən Lazarəs, arat a təmos a z'assəknin tanaya ən Məşšina, isənnəfiləl-du əntada tanaya ta ila Barar ən Məşšina.» ⁵ Yaysa ira Marta wəllen, ənta əd təmadrayt-net, əd Lazarəs. ⁶ Isla təwərna-net, mişan iga dəffər awen əşšin adan wər igmed edag wa iha. ⁷ Dəffər adi inna i nəttulab-net: «Əndawat ad nəqqəl Yahudəyya.» ⁸ Ənnan-as nəttulab-net: «Əşşəx-nana, imuzaran-nana wərgə edes-nasan səket dā da dā gammayan əd tanaxay-nak, kay amaran tarex təwaɣlay n akal wen?» ⁹ Inn-asan Yaysa: «Əzəl wərgəy maraw alwaqan d əşšin a imos? As ijawankat awedan ezal, wər z'inəgərtət-təf, fəlas ihannay dat-əs. ¹⁰ Mişan as ijawankat awedan əhad, ad inəgərtət-təf, fəlas wər t-ihə ən-nur.»

¹¹ As iga batu ta inna tolas: «Əmidi-nana Lazarəs insā, ad aɣləx a t-id-əssənkərə.» ¹² Ənnan-as nəttulab-net: «Əməli, dad zamas insā, wədi əngəm ad izzəy.» ¹³ Ənta Yaysa təmattant ən Lazarəs as dasan-imməgrad den, mişan əntanay a xilan etəs wa n alxadat as igannu. ¹⁴ Adi a fəl d-izalələx Yaysa inn-asan: «Lazarəs aba-tu. ¹⁵ Amaran isidawat-i as wər əlle den alwaq wədi, fəlas arat wa ənta sərwan du-z-awəyan a sər-i təzzəgzənam. Əmərədda əndawatanaq-qu.» ¹⁶ Inkər Tuma was gannin Əknay, inna i nəttulab win hadatnen: «Əndawat nakkənanay da a danağ-iba nəddew dər-əs.»

Yaysa ənta a imosan tanakra dağ təmattant, imos təməddurt

¹⁷ As din-osa Yaysa ittəmal-as as Lazarəs iga əkköz adan dağ əzəkka. ¹⁸ Betanəy təhoz Yerusalam. Edag ən karad kilawtan ɣas a illan garessanat. ¹⁹ Osan-in Kəl-Elyəhud aggotnen Marta əd Maryama fəl a dasnat-in-şəwwəşkənan dağ adag n amadəray-nasnat.

²⁰ As təsla Marta as Yaysa ihoz-du təxrəmt, təssəlkad-as. Maryama ənta təqqim-in dağ aɣaywan. ²¹ Tənnə Marta i Yaysa: «Əməli, ənnar tölle da, wər z'iba amadəray-nin. ²² Mişan əmərədda da əssənaɣ as arat kul wa təgmaya dağ Məşšina a dak-k-əgu.» ²³ Inn-as Yaysa: «Amadəray-nam a d-inkər dağ təmattant.» ²⁴ Tənnə-as Marta: «Əssānay as amadəray-nin a d-inkər ɣur tanakra n aytedan əzəl wa ilkaman.» ²⁵ Inn-as Yaysa: «Nak a imosan wa d-isankaran dağ təmattant, əmosa təməddurt. Awedan wa sər-i izzəgzənan, wədi kud t-aba da a d-iddər. ²⁶ Amaran awedan kul wa iddaran izzigzan sər-i, wədi wər ilkem ad t-aba. Təzzigzanaɣ adi?» ²⁷ Tənnə-as: «Awalla, Əməli, əzzigzanaɣ as kay a

imosan Elməsix, təmosa dəy Barar ən Məşşina, as ittimal as a d-asu əddənet.»

Tanakra ən Lazarəs day təmattant

²⁸ As təga Marta batu ta, təkka təmadrayt-net Maryama, təwat-tat s ahal tənn-as: «Əşşex illa-da, isastan dər-əm.» ²⁹ As tēgraw Maryama isalan win, tēggad-du, təssəlkad i Xaysa. ³⁰ As itaggu awen harwa da wər d-iggez təxrəmt, wər igmed edag wa daq-q in-tosa Marta. ³¹ Ellân Kəl-Əlyəhud xur Maryama a das-du-şiwaşkannen. As tat-ənayan as du-tēggad tarmad tēqqab, əlkaman-as əxilən əzəkka a təkka y a fall-as tēhallu.

³² As din-tosa Maryama edag wa iha Xaysa toggay xas tēfataqqat xur daran-net, tēnn-as: «Əməli, ənnar tälle da, wər z'iba amadray-nin.» ³³ As tat-in-ay Xaysa tēhallu, inay Kəl-Əlyəhud win dər-əs d-əddewnen əntanay da əhallin, ikna tərəmməq, əxşadan man-net. ³⁴ Inn-asan: «Məni tu-təgam?» Ənnan-as «Əməli, ayaw tənəya.» ³⁵ Ad ihallu Xaysa. ³⁶ Ənnan aytedan: «Ənawat awa dər togda tara ta iga y aləs wa.» ³⁷ Təzzar ənnan wiyyad dağ-san: «Aləs wa issəswadan əmədderyəl, wərgex ifrâg a ad igdəl i Lazarəs təmattant?»

³⁸ İlas Xaysa tərəmməq, təzzar ikka əzəkka imosan akazam, tēdbâx təhunt zəwwərat. ³⁹ İnnə Xaysa: «Əkkəsət təhunt!»

Tənn-as Marta ta n tamadrayt n aləs wa aba da: «Əməli, aləs di əmərədda ilə ađu, fəlas əzəl-net wa n əkköz d anabal awa.» ⁴⁰ Inn-as Xaysa: «Wərgex ənnex-am as təzzəgzana ad tənəyax tanaya ən Məşşina?» ⁴¹ Tətawakkas-du təhunt. İswad Xaysa dağ jənnawan inna: «Abba, əggodayax-ak as di-təqbala təwatray-nin. ⁴² Nak iman-in əssənağ as faw da tēqqabbala şiwatriwen-in. Əddəlil ən tamattay ta di-təğalayğalayət da a fəl dak-əşşewala fəl ad təzzəgzən as kay a di-d-izammazalan.» ⁴³ As iga təwatray ta, idkal əməsli-net inna: «Lazarəs, əgməd-du!» ⁴⁴ İgmad-du ənəmməttən wa nad, əttâlan fassan-net əd daran-net əs təsəwad, təlsa dəy təbdəq udəm-net. Inn-asan Xaysa: «Əkkəsət-as itul tayyim-tu ad ijəwənkət.»

Şimərkas şin tanaxay ən Xaysa

⁴⁵ Kəl-Əlyəhud əgğotnen a d-osânen Maryama, ənayan arat wa, əzzəgzanan əs Xaysa. ⁴⁶ Wiyyad dağ-san amaran əkkan Fərisaytan əmalan-asan awa iga Xaysa da. ⁴⁷ Təzzar sassagan limaman win zəwwarnen, əd Fərisaytan əmənyə ən muzaran ənnan: «Ma za nagu? Aləs wa itaggu ağalamaten əgğotnen.» ⁴⁸ As tu-noyya itaggu aratan win, a sər-əs əzzəgzənan aytedan kul, təzzar asin-du sojitən ən Kəl-Ərrum a dana-sitağmarnen, əddəgdəgan Ehan wa Zəwwəran n Əlğibada, əxrədan dəy tenaxay ən tamattay-nana. ⁴⁹ İnkərdə iyyan dağ-san igân es-əm Kayif, imosan Əlimam wa Zəwwəran dağ awatay wen, inn-asan: «Kəwanay wər təgrem wala.

⁵⁰ Wər din-təgrem as ofa ad ammat awədan iyyanda dağ adag ən tamattay n İsrəyil kənet?» ⁵¹ Batu ta iga da wər tat-iga gar-es əd man-net, kalar tişitnet Əlimam wa Zəwwəran dağ awatay wen, a fəl igraw əlwəlayət n as Xaysa kundaba immut dağ adag ən tamattay kənet. ⁵² Amaran wərgə tamattay n İsrəyil xas as tu-z-iba dağ adag-net, kalar bararan ən Məşşina kul win wəzawaznen gər kallan a du-z-işşidəw əqqəlan təğəssa iyyadda.

⁵³ Əzəl wen da dağ əgan muzaran ən Kəl-Əlyəhud tanat ta n tanaxay-net. ⁵⁴ Awen da fəlas ab'as italam Xaysa dad ira dağ Kəl-Əlyəhud. İgmad akal wen, ikka əxrəm igân esəm Efrayim inimahazan əd taneray, iqqim dağ-as ənta əd nəttulab-net.

⁵⁵ Azzaman ən amud ən Kəl-Əlyəhud wa n Akkay ihoz-du. A du-gammadan aytedan idəgğan əgğotnen takkin-du Yerusalam, fəl ad əzzəzdəgan dat əmud. ⁵⁶ Səgğadan i Xaysa tinəmənnin gar-essan dağ Ahan wa Zəwwəran n Əlğibada: «Kəwanay ak ma tənnam, tordâm as a d-asu amud a meğ?» ⁵⁷ Ənta ilimaman win zəwwarnen əd Fərisaytan omâran aytedan s âs i issanan edag wa iha Xaysa isaffagget-tu fəl ad attarmas.

Ətəwəngal n əlwardi fəl Xaysa dağ Betənəy

12 Sədīs adan dat Əmud wa n Akkay ikka Xaysa Betənəy, s ənta dağ ixsar Lazarəs wa d-issodar dağ təmattant. ² As din-osa Xaysa təwəgğan-as məgura olaynen. A du-tətaway Marta imensewan, Lazarəs amaran iha aytedan win nəğamanen əd Xaysa ədrâwan dər-əs. ³ Təzzar tədkaldu Maryama ağanna ən litər n əlwardi iknan şizada d əzzəwi as itawannu nar, a tu-tənaqqal fəl daran ən Xaysa, təmmas-tan əs jəkkad-net, idnay ahan ađu n əlwardi. ⁴ İnkərdə Yahuza İsxərəyuti wa n iyyan dağ nəttulab ən Xaysa was ənta tu-z-əgin dağ fassan inna: ⁵ «Mafel wər din-nəzzənza əlwardi wa əzrəf a z'awədan karadat təmad n əzəl n əşşəğəl nakf-ay i tələqqawen?» ⁶ Arat wa wər t-inna fəl təhanint i tələqqawen, kalar əbaydag a imos, amaran ənta a ittafan əssənduq wa itagğaz əzrəf ən nəttulab, idakkal dağ awa t-ihan. ⁷ Eges ya inna Xaysa: «Ayy-et! Əlwardi wa kala da togâz-tu y əzəl wad za təwəga dağ əzəkka. ⁸ Şiləqqawen faw da əl-lânat xur-wan, nak amaran wərgex faw əlle xur-wan.»

Assa ən Xaysa əxrəm ən Yerusalam

⁹ Təsəla tamattay tagget ən Kəl-Əlyəhud as illa Xaysa den təzzar əkkan ehan wen, mişən wərgə Xaysa xas din-əkkən, kalar awnaf a tan-ihan ən Lazarəs wa d-issənkər dağ təmattant. ¹⁰ Təzzar əkkasan-du limaman win zəwwarnen tanat n ad anxin Lazarəs ənta da, ¹¹ fəlas əddəlil-net a fəl dəf-fər-san əfalən Kəl-Əlyəhud əgğotnen əzzəgzanan əs Xaysa.

¹² As affaw əslan aytedan aggotnen a d-əkkanen amud, as Xaysa iggaz-du ayxrem wa n Yerusalām.
¹³ Edkalan-du ilədlad ən tagayt əglañ əssəlkadan-as gannin s afalla:

«Ozana! Təmmal i Məššina!
 Iga Məššina albaraka dağ
 wa d-osan s esəm n Əməli!
 Kay əmənokāl n İsrayil!»

¹⁴ Igraw Xaysa əhulel, iwan-tu, s əmmək wa əmalan Əlkəttaban as ənnan: ¹⁵ «*Ad wər təššəwəša ya wələt Səyon, əmənokāl-nam əddi a din-izayan əddi, iwān əhulel.*»

¹⁶ Arat wa wər t-əgren nəttulab-net dağ tizarat, mišan as igraw Xaysa adkul-net, əktan-du as aratan win əməlan-tan Əlkəttaban, amaran kul ən-dan fall-as.

¹⁷ Tamattay ta təmməgnet assaxa wa dağ d-iğra Xaysa Lazarəs dağ əzəkka issənkar-t-idu dağ tə-mattant, təgəyyat-as. ¹⁸ Awen da fəl das-du-təssəlkad tamattay, fəlas əslān alyalamat ta iga.
¹⁹ Təzzar ad tinəmənning Fərisaytan gər-essan: «Toggām-tu? Indar-awan a dər t-in-təkkam, har as aytedan kul əlkaman-as.»

Emel wa iga Xaysa təmattant-net

²⁰ Əllan-tu arat ən Kəl-Əlyunan əhanen aytedan win d-əkkanen Yerusalām y a dağ-as əxbədan Məššina dağ adan en da n əmud en. ²¹ Əkkan iyyan dağ nəttulab ən Xaysa igan Filibus wa n təxremt ən Betsayda ta n akal ən Galilaya, ənnan-as: «Nəgmay dağ-ak a dana-tassakna Xaysa.» ²² Iqla Filibus imal y Andrawəs, iddew dər-əs Andrawəs əmalan i Xaysa. ²³ Inn-asan Xaysa: «Alwaq ewad-du əməmədə-da wa dağ z'əgrəwa nak Ag Aggadəm adkul-in.

²⁴ Əggəyyey əsilakanax-awan as tablalt n alkama as wər tərtek dağ amađal təmmut, ad taglu təmos iyyadda, mišan as təmmut a du-tədwəl, tagu ara aggen. ²⁵ Awedan wa iran iman-net dağ əddənət ta ad affatu dağ alaxirat. Amaran wa irdan ad isaffatu iman-net dağ əddənət ta, wədi wər tu-z-əgmədan, kalar ad igrəw təməddurt ta təğlalət. ²⁶ Awedan kul wa iran a di-işğəl, ilkəmet-i, as iga adi edağ wa əheğ ənta a z'iggəz, akf-ay değ Abba-nin almaqam.

²⁷ Əməmədəda əğşādān man-in. Ma z'anna? Awak ad anna: "Abba saf-s-i dağ assaxat ta? Mišan wər d-ewedağ alwaq wa, år y a fall-i agu. ²⁸ Abba, sənnefiləl təla-nak tanaya."» Təzzar igmad-du əməsli ijənnawan inna: «Təla-nin tanaya əsinafalalaq-qat, amaran a tat-ələsağ əsənnəfiləl.»

²⁹ Tamattay ta təllat den, təsla y əməsli wa, a təğil eggag. Ad əgannin wiyyad: «Angalos das-işse-walan den.» ³⁰ Inn-asan Xaysa: «Əməsli wa wərgex əddəlil-in a fəl d-iga, kalar əddəlil-nawan kaway. ³¹ Əməmədəda ad za tətəwəxkəm əddənət ta, itəwəstəğ əmənokāl-net İblis. ³² Amaran nak as tawasahake fəl amađal əwara təgəttawt, a d-axray aytedan kul əs man-in.» ³³ Batu ta isidagan sər-əs təməwit tas tu-z-iba.

³⁴ Tənn-as tamattay: «Nənây dağ Awal ən Məššina as Əlməsix ad agu təməddurt təğlalət. Manəm-mək amaran as dana-za-tannax Ag Aggadəm ad itəwəsəhukət fəl amađal? Ma imos Ag Aggadəm was təgannax əddi?» ³⁵ Təzzar inn-asan Xaysa: «Ənnur harwa da illa xur-wan, har ağin arat n az-zaman. Jəwənkətat iket di ad t-illa fəl a kawan-wər-əğdərnət šiyyay, fəlas wa ijawanken dağ šiyyay, adi wər issen sas idag. ³⁶ Zəğzənət s ənnur harwa togazam, fəl ad təqqəlam kəl ənnur.»

As iğrad Xaysa igi ən batu ta igguk-kan, ikka edağ wər əssenən.

Təzərəst n əššəğəl wa iga Xaysa dat awedan kul

³⁷ Alyalamaten aggotnen šin iga Xaysa dat-san, wər sər-san d ewaynat as sər-əs əzzəgzənən, ³⁸ fəl ad tandu batu ta iga ənnəbi İsayas as inna: «*Əməli, ma imos wa izzəgzənən s arat wa nəmal? Ma imos was tənafalal tarnə n Əməli?*»

³⁹ Əddəlil wa fəl wər əfregan ad əzzəgzənən da imal-tu ənnəbi İsayas as inna: ⁴⁰ «*Məššina a tan-isaddaryalan, issəğar iwallan-nasan, fəl ad ib'as hannaynat šittawen-nasan, ib'as garrin wallan-nasan, fəl ad wər utaban, izzuzəy-tan.*»

⁴¹ Aratan win inn-en İsayas fəlas inây tanaya ən Xaysa, immigrad değ dağ batu ən Xaysa. ⁴² As iga awen imuzaran iman-nasan da a dağ-san aggen əzzigzənən əs Xaysa, mišan wər əhelan emel n awen fəl təksəda ən Fərisaytan, fəlas wər aren ad təwəkkəsən dağ əljəməğat n ahan n əlyibada ən Kəl-Əlyəhud. ⁴³ Amaran əssəfan sağmar wa n aytedan tanaya ta ihakku Məššina.

⁴⁴ İdkal Xaysa əməsli-net inna: «Awedan wa sər-i izzəgzənən, wərgə nak xas as izzəgzən, kalar wa di-d-izammazalan da izzigzən sər-əs. ⁴⁵ Amaran wa dağ-i iswadan, adi wa di-d-izammazalan a dağ iswad. ⁴⁶ Nak zun ənnur a mosa, əkke-du əddənət y âs i sər-i izzəgzənən wər z'aqqam dağ šiyyay. ⁴⁷ As isla awedan i batuten-in iqqim wər tanat-ittef, wərgə nak a tu-z-awwaddaban, fəlas nak efsan n aytedan a d-əkke s əddənət, wərgex attadib-nasan. ⁴⁸ Dağ adi awedan kul wa di-olkan, iqqim wər iga tenbay dağ batuten-in, wədi ill-ay wa tu-z-awwaddaban. Awal iman-net wa da əge da, a das-z-ışrəğan əzəl wa ilkaman. ⁴⁹ Fəlas aratan win dawən-əməla da, wərgex nak a tan-d-inzaman gər-i əd man-in, kalar Abba wa di-d-izammazalan iman-net as di-omar s arat was di-iwar ad t-anna, əd was di-iwar a fall-as ammagrada. ⁵⁰ Əssānax as arat was omar ənta a itawayan əs təməddurt ta təğlalət. Dağ adi arat was əmməgrada, əmmək wa dağ as di-t-imal Abba ənta as sər-əs əmməgrada.»

Iba ən Xaysa əd tanakra-net day tə-mattant

Əsirəd wa iga Xaysa idaran ən nəttulab-net

13 Ahad wa oggan amud wa n Akkay, issân Xaysa as alwaq-net osa-du wa day z'igməd əddənət iqqəl Abba. Xaysa faw da isaknu inəttulab-net tara, amaran əmərədda isannahal-tan əsəkni ən tara ta dasan-iga.

² Itamansaw Xaysa əd nəttulab-net ehad, as itagu awen da Iblis igâ day əwəl ən Yahuza wa n ag Simxon Isxarəyuti təkaddilt-net. ³ Issân Xaysa as Məşşina di n Abba igâ arat kul day əfus-net, issân deş as igmâd-du Məşşina amaran ad t-iqqəl. ⁴ İbdad fəl mensewan, ikkas takadkat-net ta n afalla, idkal afər igbas-tu, ⁵ təzzar iga aman day əğlal, ad işarad idaran ən nəttulab-net, immas-tan s əfər wa igbas da.

⁶ As d-ewad Xaysa Simxon Butros inn-as: «Əməli, kay, a z'ışsirədan idaran-nin?» ⁷ Inn-as Xaysa: «Awa tagga da wər təfrega əgərri-net əmərədda mişan a tu-tagra dəffər awa.» ⁸ Inn-as Butros: «Kay, ad təşsirəda idaran-in? Wala ənəmi haz!» Inn-as Xaysa: «As dak-kan-wər-əşşorada nak dər-ək nəmmizzay.» ⁹ Inn-as Simxon Butros: «Daş adi Əməli, werge idaran-nin şas, şirəd harkid fassan-in d aşaf-in.» ¹⁰ Inn-as Xaysa: «Awedan işşoradan, wər iddarar ar əşirəd ən daran fəl ad izdag ketnet, amaran kawanay, təzəddigam, mişan werge ketnawan.» ¹¹ Xaysa issân wa tu-z-akkaddalan; adi a fəl inna: «Wər təzəddigam ketnawan.»

¹² As iğrad Xaysa əşirəd ən daran-nasan, izlag takadkat-net, iqqal edag-net, inn-asan: «Awak təgrâm awa dawan-əge da?» ¹³ Təgannim-i "Aməsəsseyri" d "Əməli", təgannim a olaşan, fəlas əmosaq-qan. ¹⁴ Daş adi dad zamas nak imosan Əməli d Əməsəsseyri, əşşorada idaran-nawan, iwâr-kawan, kawanay da, day ilkam a, ad tətimaşiridam idaran. ¹⁵ Əsəknaq-qawan arat wa fəl a tu-tətaggim kawanay da s əmmək was dawan-təge. ¹⁶ Əggəyyey silakanax-awan as, akli wər oger məşşis, anammazal dey wər oger wa t-id-izammazalan. ¹⁷ Dad zamas təssânam aratan win, wədi təbbilalam kudis tətamazalam-tan.

¹⁸ Wər dawan-ganna ketnawan; win sannafrana kul əzdâyaq-qan amaran kundaba inda awa imal Awal ən Məşşina as inna: "Wa dər ədrawa, iqqal amaksan-in." ¹⁹ Arat wa, as igâ ad təzzəgzənəm as nak a imosan "Wa İllan da." Adi da a fəl dawan-tənney əmərədda harwa wər iga. ²⁰ Əggəyyey silakanax-awan as wa iqbalan iyyan day nəm-muzal-in, nak iman-in a iqbal. Harwa wa di-iqbalan, wa di-d-izammazalan a iqbal.»

Emel ən Xaysa təkaddilt ta tu-z-əgu Yahuza

²¹ As inna Xaysa awen, əğşadan man-net, təzzar inna: «Əggəyyey əsilakanax-awan as iyyan day-wan a di-z-aggin day fassan.» ²² Ad tinəməswidan nəttulab-net, əqqânan şafawan-nasan i was igannu. ²³ İyyan day nəttulab-net, wa isannahal Xaysa tara, işxamar day ihəz n ədmaran ən Xaysa. ²⁴ Isaddagan-as Simxon Butros ad işsəstən Xaysa əd was igannu. ²⁵ Təzzar inaz-in ənattalib wen fəl ədmaran ən Xaysa, inn-as: «Əməli, ma z'iqqəl?» ²⁶ İjjəwwab-as Xaysa inn-as: «Wa əkfe akarammu ən təgəlla wa z'əssəlməşa day ədrəz a.» Təzzar işsəlməş akarammu ən təgəlla ikf-ay i Yahuza ag Simxon Isxarəyuti. ²⁷ As igraw Yahuza akarammu wen, iggaz-tu Aşşaytan. Təzzar inn-as Xaysa: «Tagaxət tarmad awa kay-iwaran.» ²⁸ Awa fəl inna Xaysa awen i Yahuza, wər iha inəttulab-net win hadatnen şıxamarnen den tattin i t-igrân. ²⁹ Wiyyad ordân as, iduf wa iga Yahuza azrəf ən nəttulab a fəl das-inna Xaysa: «Zanza-du arat was za naddarar y əmud; madex akfu şiləqqawen arat iyyan.» ³⁰ İbaz Yahuza akarammu ən təgəlla, igmad tarmad, as itaggu awen da ehad igâ.

Alwajib wa aynayan

³¹ As igmad Yahuza, inna Xaysa: «Əmərədda tanaya-nin nak Ag Aggadəm tənifalal, tənifalal day-i dey tanaya ən Məşşina. ³² Dad zamas tanaya ən Məşşina tənifalal day-i, Məşşina da ad işənnəfiləl day man-net tanaya-nin nak Ag Aggadəm day alwaq ihozan wəllen. ³³ İmaran-in, alwaq wər nəg-gət a şur-wan z'aga. A di-təgməyam mişan edag wa əkkeş wər təfregam a t-in-tawədam. Kala ad ənnəş adi i Kəl-Əlyəhud, amaran kawanay da əmərədda ənnəş-awan-tu. ³⁴ A kawan-akfaş alwajib aynayan, a t-imosan as namariwat. Namariwat kawanay da s əmmək was kawan-are. ³⁵ As tənəmaram, ad işsəsən adi aytədan kul as kawanay in-əttulab-in.»

Xaysa əd Butros

³⁶ Inn-as Simxon Butros: «Əməli, mənid təkke.» Inn-as Xaysa: «Edag wa əkke, wər təfrega a di-sər-əs-təlkəmə əmərədda, eges a din-təlkəmə dəffər awa.» ³⁷ Inn-as Simxon Butros: «Əməli, mafel as wər əfrega a dak sər-əs əlkəmə əmərədda. Əgaray iri y a fall-ak akfa iman-nin.» ³⁸ Inn-as Xaysa: «Adis a fall-i takfaş iman-nak? Əggəyyey silakanax-ak as wər z'ayru əkəji aşora wər di-təggeda har karadat təklaten.»

Xaysa ənta a imosan tarrayt

14 Inn-asan Xaysa: «Ad wər təşşəwəşam, zəgzənət əs Məşşina, təzzəgzənəm sər-i nak da. ² Ehan n Abba-nin ahân-tu daggan aggotnən ən tēməxsurt. Awak ənnar wər iga adi manəmmək as

dawan-z-anna ad agla səmmutəgəy-awan edag təz-dayam? ³ As tu-sammataga, ad d-əqqala, idaway-in dər-wan fəl ad təggəzam edag wa əhe. ⁴ Edag wa əkke təssānam tarrayt-net.» ⁵ Inn-as Tuma: «Əməli wər nəssen dad təkke, manəmmək as za nəssen tarrayt-net?» ⁶ Inn-as Xaysa: «Nak a imosan tarrayt id əmosa tidət əmosa əntada wa ihakkan tēməddurt. Awedan waliyyan wər in-z-awəd Abba, ar əs tarrayt-in. ⁷ Ənnar təssānam awa mosa, təssənam awa imos Abba-nin da. Əmərədda təssānam awa imos, amaran tənayam-tu.» ⁸ Inn-as Filibus: «Əməli, susən-anay awa imos Abba, igd-ana adi.» ⁹ Inn-as Xaysa: «Filibus, əruway as dər-wan əddəwa, eges harwa da wər təssenay awa mosa? Wər təssenay as wa di-inayan ināy Abba! Dağ adi manəmmək as təganna: "Susən-anay awa imos Abba?" ¹⁰ Wər təzzəgzanay as, nak d Abba arat iyyanda a nəmos? Aratan win dawan-əmala da wərgəy nak a tan-d-inzaman gər-i əd man-in, kalar Abba dər əmosay arat iyyanda a isandan igitan-net. ¹¹ Zəgzanat-i, nak d Abba arat iyyanda a nəmos; kud əzəgzan a wər təgem s awa ənne, zəgzanat fəl əddəlil ən mazalan win as di-tənayam taggaq-qan. ¹² Əggəyyeş əsilakanay-awan as wa sər-i iz-zəgzanan, ad agu imazalan win tagga. Fadda ad agu win tan-ogarnen, fəlas nak abba a z'akka. ¹³ Amaran a iqqal arat wa təgmayam s esəm-in ad t-aga, fəl ad tətəwənəy tanaya n Abba dağ Barar. ¹⁴ As dağ-i təgmayam arat a iqqal s esəm-in, ad t-aga.

¹⁵ Kud tara a di-təgam, tətəfam alwajiban-in. ¹⁶ Amaran ad əgməya dağ Abba a kawan-akfu əmadhal iyyan a xur-wan z'iməlan har faw. ¹⁷ Ənta a imosan Infas wa isinəfililan tidət, as wər təfreg əddənət əlqəbulat-net, fəlas wər tu-təhənnəy wala da təzday-tu; eges kawanay təzdəyam-tu fəlas ihoz-kawan amaran ad iggəz iwallan-nawan har faw. ¹⁸ Wər kawan-z-ayya dağ əddənət təmosam şilat ən gugelan, a kawan-d-əqqəla. ¹⁹ Dəffər alwaq wər nəggət, əddənət wər di-za-tələs anay; eges kawanay a di-tələsam anay fəlas əddāra, kawanay da ad təddəram. ²⁰ Alwaq wədi ad təssənam as nak d Abba-nin arat iyyanda a nəmos, təssənam dəş as təhām əwəl-in, nak da aheş win-nawan. ²¹ Wa ittafan alwajiban-in, ənta a di-iran. Wa di-iran ad t-iru Abba-nin, ireq-qu nak da, sənnəfilələş-as iman-in.» ²² Inn-as Yahuza wa wər nəmos ag Isxarəyuti: «Əməli, manəmmək as dana-za-təsənnəfilələş iman-nak nakkanay şas, wər tan-təssosana y əddənət?» ²³ Inn-as Xaysa: «Awedan wa di-iran, ad it-təf awa ənne, ir-ay Abba-nin, nas-ay-du nəməl xur-əs. ²⁴ Wa di-wər-nəra, wədi wər əttef batuten-in; amaran batu tas təsallim da, wərgə nak a tat-igan kala ar şin Abba s ənta a di-d-izammazalan.

²⁵ Əgəş-awan-tat harwa kawan-əhe. ²⁶ Amaran əmadhal imosan Infas wa Zəddigan wa dawan-du-z-assaglu Abba s esəm-in, a kawan-isassayru aratan kul, assakt-iwan-du arat kul wa dawan-ənne

nak iman-in. ²⁷ Oyyeş-awan-du alxer, əkfeq-qawan alxer wa-nin; nak wər dawan-t-əkfeş əs təməwit tas tu-təhakku əddənət; ad wər təşşəwəşam wala təggəz-kawan tasa. ²⁸ Təslām-i as dawan-ənne: "Teklay a əgeş", ənneş harwa: "A kawan-d-əqqəla." Ənnar ixşāl as di-tərām, təsəffəliwəset-kawan tənna ta əgeş: "Əqqalay Abba", fəlas Abba oğar-i. ²⁹ Amaran aratan win, əmələş-awan-tan əmərədda harwa wər əgen, fəl a sər-i təzzəgzənam alwaq wad z'agin. ³⁰ Wər dər-wan z'ələsa igi ən batu tagget, fəlas əmənokəl n əddənət izay-du. Wər di-in-ikka d arat, ³¹ mişan kundaba əgeş awas di-omar Abba, təssənam əddənət dəş as areş Abba.» As iğrad batu ta inn-asan: «Ənkərat əgmədatana edag a.»

Xaysa ənta a imosan esab n alyanab wa n tidət

15 Inna Xaysa i nəttulab-net: «Nak a imosan esab n alyanab wa olaşan, Abba-nin imos məşşis. ² Alədlid-in kul wa wər nətirəw ad t-ixtəs, wa itarawan ad t-ifnəş fəl ad d-inzər agu ara aggen. ³ Zun d adi da, kawanay da eway-du sər-wan awal-in tazdak; ⁴ ağıwat dər-i tartəyt şilat ən ta dər-wan əge, əzəl wər z'arəw şas-net as d-iqqə-tas dağ aşək; kawanay da əlmital di da a təham as dər-i wər tərtayam.

⁵ Nak a imosan esab n alyanab, kawanay ilədlad-net. Wa dər-i igan tartəyt ta dər-əs əge, a t-idu-təgməd tənfa tagget fəlas as dağ-i in-təqqətasam wər təfregam wala. ⁶ Wa dər-i wər nərtay, a din-itəwəgər şilat n ələdlid iqqitasan, aqqar, itəwəkəm-məd-du, itəwəgər dağ təmsay, ibələgləş. ⁷ As dər-i tərtayam, tətəfam batuten-in, əgməyat dağ Məşşina di n Abba arat kul wa tərām, a tu-təgrawam. ⁸ Ənta da awas tətəwanay tanaya n Abba-nin: a dutarəwam tənfa tagget, assaknu adi as təmosam in-əttulab-in. ⁹ Tara ta di-iga Abba, ənta a dawan-əge; əttəfat-tat. ¹⁰ As imos as tətəfam alwajiban-in, wədi təhām tara-nin zund əmmək as nak da əttafa win Abba, əhe tara-net.

¹¹ Ənneş-awan adi fəl ad tagim təfalawist zun ta əgeş, tagim dəş təfalawist təkməlat. ¹² Ənta da alwajib wa-nin: "Namariwat s əmmək was kawan-are." ¹³ Wər tu-təlla tara togarat ad akfu awedan iman-net fəl midawan-net. ¹⁴ As imos as tətəggim awas kawan-omara, wədi kawanay imidawan-in. ¹⁵ Wər dawan-gannay eklan, fəlas akli wər itəssən arat wa itag məşşis. Kala kalar a dawan-gannay imidawan-in, fəlas awas əşləş xur Abba-nin kul əs-sosanaş-awan-tu. ¹⁶ Wər di-təsannafranam, kawanay amaran, nak a kawan-isannafranam; əssi-waraq-qawan ad taglim, tammazalam awa təha tənfa tagget xur Məşşina. Tənfa di da ta za tahagit. A təgmayam dəş dağ Abba s esəm-in a dawan-t-agu. ¹⁷ Omāraq-qawan s ad tənəmərım.

¹⁸ Kud gezzar a kawan-təga əddənət, əssənət as təgzār-i dat-wan. ¹⁹ Kud kawanay əddənət kawan-tələt, wədi əddənət tərā wa təla; mişan wər kawan-təla, fəlas nak kawan dağ-as d-isannafranam, adi a

fəl kawan-təgzar. ²⁰ Aktiwat-du awa dawan-ənney, as: "Akli wər oger məššis." Kud əsəkni a di-əgan alğazab, a dawan-t-assaknin kawanay da; kud tərəddawt a əgan s awal-in, wədi kawanay da, ad ardin əs wa-nawan. ²¹ Adi kul, əddəlil-in a fəl dawan-tu-z-agin; fəlas wər əssenən wa di-d-izammazalan.

²² Ənnar du-wər-ose, əššewalağ-asan, wər z'at-tarmasan əs bakkadan-nasan, eges əmərədda wər t-illa əsarə waliyyan a dasan-z-igdəlan a sər-san at-tarmasan. ²³ Wa di-igzaran, igzâr Abba-nin ənta da. ²⁴ Ənnar wər əge gar-essan imazalan əs wər t-illa awedan as kala tan-iga, wər z'attarmasan əs bakkadan-nasan. Ənayan-tan eges əglan əgzâran-ana nak d Abba-nin. ²⁵ Mišan adi igâ fəl ad tandu batu ta tətawaktabat dağ Əttawret, tənnât: "Əgzaran-i bannan."

²⁶ As d-osa əmadhal wa dawan-du-z-assagla ħur Abba, imosan Infas wa isinəfililan tidət a sər-wan du-z-igmədan Abba, a fall-i aggayyat. ²⁷ Kawanay da, a fall-i taggayyem, fəlas təddewam dər-i harwa ħur tizarat.»

16 «Əmâlağ-awan adi fəl a kawan-wər-igməd əzəgzan-nawan. ² Ad tətəwəkkəsam dağ əljəmāğat ən nan n əlyibada ən Kəl-Əlyəhud, fadda ilkâm alwağ dağ-as wa dağ-wan ikkasən iman, illa ħur-əs as tara ən Məššina a immozal den. ³ Adi a dawan-z-agin aytedan fəlas wərmad a di-əzdayan wala əssânan Abba. ⁴ Əmâlağ-awan aratan di əmərədda, fəl a tan-du-taktim as d-ewad alwağ wa dağ z'agin aytedan tara-nasan. Aratan win wər dawan-tan-əmela dağ tizarat n əššəğəl-in ħur-wan, fəlas alwağ wədi harwa da əddewa dər-wan.»

Əššəğəl n Infas wa Zəddigan

⁵ «Əmərədda ad əqqəla wa di-d-izammazalan, mišan wər kawan-iha i di-issistanan əd dad əkke. ⁶ Eges əknân man-nawan ağşud fəl as dawan-ənney adi. ⁷ Dər iga adi da ya, a dawan-əmela tidət: of-awan ad ağıla, fəlas as wər əgle wər kawan-du-z-asu Əmadhal, as əgle amaran a dawan-t-id-assagla. ⁸ As d-osa ad issusən aytedan n əddənət as əxrâkan dağ batu n awa imosan abakkad, d awa imosan taqqat ən Məššina d awa imosan əššəriğə-net. ⁹ Issusən-tan as əxrâkan dağ batu n awa imos abakkad fəlas tugəyt a əgan a sər-i əzzəgzənan. ¹⁰ Issusən-tan as əxrâkan dağ batu n awa imosan taqqat fəlas təwəğlay a əgeğ Abba amaran wər z'ələsəğ ətəwə-nay. ¹¹ Issusən-tan as əxrâkan dağ batu n awa imosan əššəriğə ən Məššina fəlas əmənokal n əd-dənət, a t-imosan Iblis, ibâz-tu əššəriğə.

¹² Harwada əle batuten aggotnen as are a dawan-tanat-aga eges wər dasnat-təzmeram əmərədda. ¹³ As d-osa Infas wa Zəddigan isinifililan tidət, a kawan-issəlkəm i tidət kul ta du-təfalat Məššina fəlas batuten-net wərgəğ ənta a du-z-əgmədnat, awa as z'aslu ħas a dağ dawan-z-iššiwəl ketnet, iməl-awan aratan win d-əzaynen, ¹⁴ issəğməri-

fəlas awa z'igrəw dağ awa əle a dawan-z-iməl.

¹⁵ Awa ila Abba ketnet i-nin nak da; adi a fəl dawan-ənne, awa igraw Infas wa Zəddigan dağ awa əle a dawan-z-iməl.»

Təkenzert ən nəttulab təqqal tədəwit

¹⁶ «A dawan-əgmədağ anay dəffər alwağ wər nəg-gət, mišan a di-tələsam anay dağ adan wər nəggət dəffər adi.» ¹⁷ Təzzar namannan wiyyad dağ nət-tulab-net: «Ma imos almağna n awa danəğ-inna da: "A dawan-əgmədağ anay dəffər alwağ wər nəggət, mišan a di-tələsam anay dağ adan wər nəggət dəffər adi?" Ma imos dəğ almağna n "Abba a əkke?" ¹⁸ Ma imos almağna ən "dağ alwağ wər nəggət" wa imal da? Arat wa dağ iššewal da wər tu-nəğra.»

¹⁹ Issan Ĥaysa as ərân ad t-əsəstanan. Inn-asan: «Tətinamasəstinam fəlas ənne: "A dawan-əgmədağ anay dəffər alwağ wər nəggət, mišan a di-tələsam anay dağ adan wər nəggət dəffər adi." ²⁰ Əggəyyeğ silakanəğ-awan as ad talim, təsəkkələlam mišan aytedan n əddənət əntanay əddəwen. Ad əğşədan man-nawan eges ağşud di a tu-təzrəy tədəwit.

²¹ Tantut as tətəgğaz amadal, ad əğşədan man-net fəl aggad wa du-təga alwağ-net; mišan as d-ihu barar-net, ad tammazzay d əsəmmədrən dağ arkanay wa tənay, isəddəwat-tat as du-təga awedan dağ əddənət. ²² Kawanay da zun d adi da, əmərədda əğşâdan man-nawan, mišan a kawan-ələsəğ anay, əzəl wədi ad tagim tədəwit as tu-wər-illa i dağ-wan tat-z-ikkəsən. ²³ Wər di-za-təssəstanam d arat waliyyan əzəl wədi. Əggəyyeğ silakanəğ-awan as, a təgməyam dağ Abba s esəm-in a dawan-t-əgu. ²⁴ Harwada wər t-illa a təgməyam s esəm-in. Əgməyat ad təgrəwam fəl ad tagim tədəwit təkmâlat.»

Ĥaysa irza əddənət

²⁵ «Əmâlağ-awan adi s əlmital, mišan ilkâm alwağ dağ awan-wər-z-ələsəğ emel n arat waliyyan iqqâlan Abba s əlmital, kalar a dawan-t-əmela s awa imos. ²⁶ Alwağ wədi ad təgməyam dağ Abba s esəm-in. Wər dawan-ənne a dawan-t-ansəya, ²⁷ fəlas Abba iman-net ir-iwan fəl as di-təram, təzzigzanam dəğ as ħur-əs d-əgmâda. ²⁸ Abba a ħur d-əgmada, ose-du əddənət amaran əmərədda a tat-əgməda əqqəlağ-qu.»

²⁹ Təzzar ənnan-as nəttulab-net: «Ənəy, əmərəd-da təmmalağ-anəğ aratan s awa mosan, wərgə s əlmital. ³⁰ Nəssân as təssâna dağ arat kul, wər t-illa arat a iqqal a dak-iğbaran; adi da a fəl nəzzəgzan as Abba a ħur du-təgmada.» ³¹ Inn-asan Ĥaysa: «Adis əmərədda təzzəgzanam? ³² Ənəyat, alwağ ihoz, fadda iga, wa dağ za tətəwəzəwəziwizam, akkiyyan ikka ağaywan-net, tayyim-i-d ħas-in; mišan ya wər əmosa ħas-in fəlas illa ħur-i Abba. ³³ Əmâlağ-awan arat wa fəl ad təgrəwam alxer dağ tərtəyt ta dər-i təgam. Ad tənəyam arkanay dağ əd-

dənet, ad wər tiksadam wala, fəlas əddənet ərzəq-qat.»

Təwatray ən Xaysa i nəttulab-net

17 As inna Xaysa awen, idkal asawad-net ig-gəzzay ijənnawan, ittar inna:

«Abba, alwaq ewad-du, saknu tanaya ən Barar-nak fəl ad assaknu ənta da ta nak, ² id təzzozaraq-qu y aytedan kul fəl ad akfu təməddurt ta təxlalat i win tu-təkfe. ³ Amaran təməddurt ta təxlalat awa tatimosan, ad inəfiləl y aytedan awa təmosa, kay a imosan Məşşina wa n tidət; inəfiləl-asan əntada as Xaysa Elməsix a du-təzammazala. ⁴ Əssikna tanaya-nak fəl amađal s əsəndi wa əge əşşəxəl was di-təssəwarax igi-net. ⁵ Amaran əmərədda kay Abba, akf-i xur man-nak tanaya ta xur-ək ələx harwa dat əxluk n əddənet. ⁶ Sinafəlalaş awa təmosa y aytedan win du-təsannafrana təkataş-şan-du daş əddənet, təgeş-şan daş əfus-in əttafan awal-nak. ⁷ Əmərədda əssənan as arət kul wa di-təkfe, kay a xur d-igmad. ⁸ Fəlas əməlaş-şan awa di-tənnə, əqbalan-tu, amaran silakanan as kay a xur d-əğmada, əzzigzanən deş as di-du-təzimazala. ⁹ Wər kaytinsəya y aytedan win əddənet, kalar aytedan win di-təkfe as kay-tansayaş fəlas əntanay a tələş. ¹⁰ Awa ələ kul i-nak, kay da awa tələ kul i-nu; amaran əntanay en da a daş tənafalal tanaya-nin. ¹¹ Nak, ab'as əhəş əddənet, kay a din-əkke, əntanay amaran əhən-tat. Ya Abba di zəddigan, ağız-tan s esəm-nak wa di-təkfəş, fəl ad əqqələn arət iyyanda şilat ən wa dər-ək əmosa. ¹² Harwa tanəhe, oğazaş-şan s esəm-nak, a di-təkfə, wər daşsan ixrək waliyyan ar wa ixrakan fəl ad andu awa ənnan Əlkəttaban. ¹³ Əmərədda kay a din-əkke, gannaş awa harwa əhəş əddənet fəl ad ağın təfalawist təndət ta da əgeş. ¹⁴ Əməlaş-şan awal-nak təgzar-tan əddənet fəlas wər tan-təla zun d as nak iman-in da wər di-təla. ¹⁵ Wər daş-ak əğməya a tan-təkkəsa daş əddənet, mişan əğməya daş-ak a tan-tagəza daş İblis. ¹⁶ Wər tan-təla əddənet, zun d as nak iman-in da wər di-təla. ¹⁷ Zəzdəş iwallannasan s awal-nak imosan tidət. ¹⁸ Əzəmmizəl wa di-du-təge s əddənet, ənta a tan-sər-əs-əge nak da. ¹⁹ Amaran əkfəş-şan iman-in fəl əddəlil-nasan fəl ad akfin win-nasan əntanay da əs tidət. ²⁰ Wəgeş inəttulab-in şas as kay-tansaya, kalar tansayaş-şan y aytedan win sər-i z'əzzəgzənnən s əssəbab n as əslan y awal-nasan. ²¹ Əğməya daş-ak a tan-igan ketnasan arət iyyanda s əmmək was dər-ək t-əmosa; nəqqəl-tu dər-san nakkanay da fəl ad təzəgzən əddənet as kay a di-d-izammazalan. ²² Əkfəş-şan tanaya ta di-təkfe, fəl ad əqqələn arət iyyanda s əmmək was tu-nəmos nak dər-ək. ²³ Nak ərtəya dər-san, kay tərtəya dər-i. Əqqələn arət iyyanda əs təməwit təndət fəl ad təssən əddənet as kay a di-d-izammazalan təgeş-şan deş tara ta di-təge. ²⁴ Abba, aresh as win di-təkfe ad əggəzan əntanay da edag wa əhe fəl ad əhannayan tanaya ta

di-təkfe fəlas di-tare harwa dat əxluk n əddənet. ²⁵ Abba, kay a oşadan, əddənet wər kay-təssen eges nak əssənaş-şan amaran inəttulab-in, əssənan as kay a di-d-izammazalan. ²⁶ Əssənaş-şan awa təmosa amaran wər z'amazzaya d igi n adi, fəl a tan-təggəz tara ta di-təgeş, ərtəya dər-san.»

Ətərməs ən Xaysa

18 As iga Xaysa batu ta, ikka tama ta hadat n əgirer wa n Kedron. İggaz afarag n əşkan il-lən-den ənta əd nəttulab-net. ² Edag wen issən-tu Yahuza İsxarəyuti wa z'akkaddalan Xaysa, fəlas faw da itakk-ay Xaysa ənta əd nəttulab-net. ³ Azzar-du Yahuza y ağan ən sojitan ən Kəl-Ərrum, əd magazan n Ahan wa Zəwwəran n Əlxibada a d-əssiglan muzaran ən limaman, əd Farisaytan, ewəyan fətəlatən, əd belən, əd təzoli-nasan. ⁴ As din-ewadan ihoz-tan-in Xaysa issənan daş arət kul wa tu-z-igrəwan, issəstan-tan inn-asan: «Ma imos was təsəggadam?» ⁵ Ənnan-as: «Xaysa wa n Nazaret as nəşəggad.» Inn-asan: «Nak da da.» İbdəd gar-essan Yahuza wa t-ikkəddalan. ⁶ Amazay wa da daş dasan-inna Xaysa: «Nak da da» ənta a daş ərməşan əqqələn dəffər-san har udan. ⁷ İlas Xaysa inn-asan: «Ma imos was təsəggadam?» Ənnan-as: «Xaysa wa n Nazaret as nəşəggad.» ⁸ Inn-asan: «Wəgeş ənnəş-awan nak da da. Daş adi kud nak as təsəggadam, tayyim aytedan win da ad jəwənken.» ⁹ Əmmək wen da as inda awal wa iga dat awen as inna: «Wər daş-i z'ixrək waliyyan daş win di-təkfe.» ¹⁰ İhəd-du Şimşon Butros ilbây-du takoba-net iwət sər-əs akli n Əlimam wa Zəwwəran, ifras-du təməzzuk-net ta n əşil. Akli wa esəm-net Malxus. ¹¹ Təzzar inna Xaysa i Butros: «Suxəl takoba-nak tətərut! Awak ad aqqama wər əgeş əlxazab wa di-ixkam Abba?»

Ətəwəsəbdad ən Xaysa dat limaman

¹² Təzzar obazan Xaysa, əkradan-tu, əmosan eğan ən sojitan ən Kəl-Ərrum d əmuzar-nasan, əd magazan n Ahan wa Zəwwəran n Əlxibada a d-əssiglan muzaran ən Kəl-Əlyəhud. ¹³ Ewayan-tu az-zaran dər-əs s aşaywan ən Xənan wa n ədəggal ən Kayif wa imosan Əlimam wa Zəwwəran daş awatay wen. ¹⁴ Amaran Kayif ənta a igan i muzaran ən Kəl-Əlyəhud tanat ta n as ofa ad ammat awədan iyyanda daş adag ən tamattay. ¹⁵ İlkam Şimşon Butros i Xaysa ənta d ənəttalib iyyan. Ənəttalib wa izdəy Əlimam wa Zəwwəran iman-net, təzzar iggaz afarag wa işlayan aşaywan n Əlimam wa Zəwwəran daş amazay wa da daş-şan iggaz Xaysa. ¹⁶ Butros ənta iqqim-du dat ahan, xur əmi n aşalla. İrdəş-du ənəttalib wen, igrəw xur tətut ta togazət təsəhərt ad tayyu Butros iggez aşaywan. ¹⁷ Təzzar tənna təməşşaxalt ta togazət imi n ahan i Butros: «Wəgeş kay da iyyan daş nəttulab n aləs wa a təmosa?» Inn-as: «Wər t-əmosa.» ¹⁸ Asamed igā. Xi-

layğalayan eklan eð magazan n Ahan wa Zəwwəran n Elyibada temsay ən təkakaten əsukusan sər-əs. Ik-en-in Butros ənta da ad isukus.

¹⁹ As itaggu awen isastan Əlimam wa Zəwwəran Xaysa daɣ talxa ən nəttulab-net, d əsəssəxi wa itaggu. ²⁰ Inn-as Xaysa: «Awal wa əge y əddənet, wər imos arat ixbāran. Faw da inan ən taɣaray ən Kəl-Elyəhud d Ahan wa Zəwwəran n Elyibada a daɣ sasaxra dad əddewan Kəl-Elyəhud kul, daɣ adi wər t-illa awal əge daɣ əssir. ²¹ Mafel as di-təsastana? Səstən aytedan win di-əslanen d aratan win daɣ dasan-əmməgrada; əntanay əssānan daɣ arat wa ənne.» ²² As inna Xaysa arat wa, iqqas-as iyyan daɣ magazan n Ahan wa Zəwwəran n Elyibada ib-dādan den, inn-as: «Ma kay-issəhalan igi n aljawab wa y Əlimam wa Zəwwəran?» ²³ Ijjəwwab-as Xaysa inn-as: «Kud arak batu a əge, əməl-i edag wa daq qat-əge. Kud amaran əgeɣ batu tolayat, ma imos əddəlil wa fəl di-təggata?» ²⁴ Issərdaq-qu Xānan da ikrad, issok-ay Kayif wa n Əlimam wa Zəwwəran.

²⁵ As itaggu awen, Simxon Butros illa den isukus əs təmsay en da. Itawann-as: «Wərgə kay da arat daɣ nəttulab n aləs wa a təmosa?» İlas Butros şigget ən Xaysa, inna: «Kala kala wər t-əmosa.» ²⁶ İnkār-du iyyan daɣ eklan n Əlimam wa Zəwwəran, imosan əşəqqax n aləs was d-ifras Butros təməzzuk-net, inna i Butros: «Wərgə ənāyaq-qay təddewa dər-əs daɣ afarag?» ²⁷ İlas Butros şigget ən Xaysa. Amazay wen da daɣ iɣra əkeji aɣora.

Ətəwəsəbdad ən Xaysa dat Bilatəs

²⁸ İmməway Xaysa ɣur Kayif s aɣaywan n ənaxkim. İtaggu awen ɣur əfərirəy n anay. Aytedan win dər-əs d-əddewnen wər dər-əs əggezən aɣaywan wa n ənaxkim, fəl ad əttəfan tazdak-nasan har atşin amensay wa n Akkay. ²⁹ Awen da fəl sər-san d-igmad Bilatəs wa n əmuzar n akal ehan-net, ikk-en-du inn-asan: «Ma imos lahan wa fəl təbazam aləs wa?» ³⁰ Ənnan-as: «Ənnar wər imos əməggi ən təkma, wər dak-k-idu-za-nawəy.» ³¹ Inn-asan Bilatəs: «Awəyat-tu təkəmam-as s əşşərixa wa-nawan.» Ənnan-as Kəl-Elyəhud: «Nakkanay wər nəla turagat ən tanaxay n awedan.» ³² Arat wa igā fəl ad andu awal wa iga Xaysa assaxa wad imal ən-nux ən təməttant ta z'agu. ³³ Təzzar iqqal Bilatəs ehan-net iɣr-in Xaysa issəstan-tu inn-as: «Awak kay daɣ a imosan əmənokəl ən Kəl-Elyəhud?» ³⁴ Inn-as Xaysa: «Arat wa kay iman-nak as tu-tənne, meɣ ak aytedan wiyyad a dak-k-ənnanen sər-i?» ³⁵ Inn-as Bilatəs: «Un nak iyyan daɣ Kəl-Elyəhud a mosa? Tamattay-nak, əd limaman win zawwarnen a kay-d-əwaynen sər-i, ma imos arat wa təxşada?»

³⁶ Ijjəwwab-as Xaysa inn-as: «Taɣmar-in wər tat-təla əddənet ta da. Ənnar taɣmar-in təll-et əddənet a, ənkərnat-du təɣurad-in əknəsna fəl ad wər əg-gəzax ifassan ən Kəl-Elyəhud. Kala kala, igmād əşşak as taɣmar-in wər tat-təla əddənet ta da.»

³⁷ Inn-as Bilatəs: «Ak tidət as kay a imosan əmənokəl ən Kəl-Elyəhud?» İjjəwwab-as Xaysa inn-as: «Kay da tənneɣ adi. Awalla əmənokəl a mosa. Arat da wa fəl d-əhəwa amaran ənta fəl d-əggazax əddənet a t-imosan as assa a d-əge y ad əggayyex i tidət. Awedan wa ilkaman i tidət, kul ipsisam y awal-in.» ³⁸ Inn-as Bilatəs: «Tidət za ma təmos?»

Təzzar iqqal-du Bilatəs Kəl-Elyəhud inn-asan: «Fəl aganna za wa di-iqqalan nak, wər əhənnəya lahan waliyyan iga aləs wa. ³⁹ Mişan ya, daɣ arat wa imosan alɣadat əs id d-iɣlay əmud wa n Akkay a dawan-d-əkkəsax iyyan daɣ məskəsa-nawan. Meqqal tarām a dawan-sassayya əmənokəl ən Kəl-Elyəhud?» ⁴⁰ Əlasan adakal ən maslan-nasan wəllen ketnasan ənnan-as: «Kala, kala, wərgəx ənta! Baryabbas as nəra danaq-q-idu-təkkəsa.» Baryabbas wa əjajəb n ənəffəlləg a imos.

19 Təzzar omar Bilatəs s ad təwəgginat təwit n ələkkud i Xaysa; itawagg-as awen da. ² Əzdān sojitan təkəbbut təgāt əs şənnanan əssəwaran-tat əɣaf-net, əzzəzlagan-tu dəx əbərnuz zaggaxan. ³ Tihazan-t-in gannan-as: «Oyy-ik! Əmənokəl ən Kəl-Elyəhud!» Taqqasan-as sa əd sa. ⁴ İlas-du Bilatəs aradaɣ, inna i Kəl-Elyəhud: «Ənəyat! A dawan-t-id-əssərdəxa, ad təssənam as wər fall-as ənaya lahan waliyyan fəl iwəddəb.» ⁵ Təzzar irdaɣ-du Xaysa təwār-tu təkəbbut ən şənnanan, izlāg əbərnuz zaggaxan, inn-asan Bilatəs: «Aləs-nawan əddi.» ⁶ As t-oggan muzaran ən limaman əd magazan n Ahan wa Zəwwəran n Elyibada, əd-kalan imaslan-nasan gannin: «Taytay-tu fəl təgət-tawt! Taytay-tu fəl təgəttawt!» Inn-asan Bilatəs: «Abəzat-tu kawayan iman-nawan tattaytayam-tu, nak wər hənnəyax əddəlil waliyyan a t-issiwaran təməttant.» ⁷ Ənnan-as muzaran ən Kəl-Elyəhud: «Nakkanay nəla əşşərixa, amaran əşşərixa wa, ih-ay as aləs wa ihor əd təməttant, fəlas a inna ənta Barar ən Məşşina a imos.»

⁸ Batu ta təga tasa wəllen daɣ Bilatəs, ⁹ iqqal ehan-net, iggaz edag wa n əşşərixa, inna i Xaysa: «Mənis du-təhe?» Mişan wər das-iga Xaysa al-jawab waliyyan. ¹⁰ Amazay wen da das-inna Bilatəs: «Nak as tugaya s a di-təşşiwəla? Wər təssə-nay as əle fərregat n a kay-sassayya, əley əntada fərregat n a kay-attaytaya fəl təgəttawt?» ¹¹ Inn-as Xaysa: «Wər fall-i təle tarna waliyyat ar ta sər-ək du-təfalat Məşşina. Adi da fəlas awedan wa di-igan gər fassan-nak, ogar-kay igi n abakkad.» ¹² Amazay wen da daɣ iggaz Bilatəs şin agamay n asaway was z'ayyu Xaysa. Mişan ənkarand-ü Kəl-Elyəhud ad gannin s afalla: «Aləs di as tu-təsassayya, wədi wər təmosax əmidi ən Qaysara, əmənokəl ən Kəl-Ər-rum, fəlas awedan wa innan imos əmənokəl, wədi azangaw ən Qaysara a imos!»

¹³ As isla Bilatəs i batu ta, issərdəy-du Xaysa, təzzar iqqim daɣ təxawit ta n adag n əşşərixa. Edag wa esəm-net «Aɣarɣar ilsān təsəlit» itawann-as daɣ təlxibrit «Gabbata». ¹⁴ İtaggu awen ammas-

nazal n əzəl wa oggan amud wa n Akkay, simutugan aytedan y əmud. Inna Bilatəs i Kəl-Əlyəhud: «Əmənokəl-nawan əddi!»¹⁵ Iqqal-asan awen as sahhaken imaslan-nasan wəllen gannin: «Ammatet! Ammatet! Taytay-tu fəl təgəttawt!» Inn-asan Bilatəs: «Dağ adi ad attaytayax əmənokəl-nawan fəl təgəttawt?» Ənnan-as muzaran ən limaman: «Əmənokəl-nana wər t-imos ar Qaysara.»¹⁶ Təzzar ikf-en Bilatəs Xaysa y ad itəwətəytəy fəl təgəttawt.

Ətəwətəytəy ən Xaysa fəl təgəttawt

Əzzərgazan sojitan Xaysa.¹⁷ Igmad axrəm ewəy ənta iman-net təgəttawt ta fəl z'itəwətəytəy. Əkkan dər-əs edag as itawannu «Təkəyya», itawann-as dəx dağ təlxibrit «Golgota».¹⁸ Den da ad əttəytəyan sojitan Xaysa fəl təgəttawt. Tawataytayan əşšin meddan wiyyad əntanay da fəl təgəttawen dəgma-net, a dağ illa Xaysa gar-essan.¹⁹ Omar Bilatəs s ad ammadkal əsəllum itəwəktəb fall-as: «*AWA XAYSA WA N NAZARET, ƏMƏNOKAL EN KƏL-ƏLYƏHUD*», itəwətəytəy dağ afalla ən təgəttawt. Itawagga awen da.²⁰ Əxran Kəl-Əlyəhud aggotnen əsəllum wa. Ənta edag wa dağ itawataytay Xaysa fəl təgəttawt ihoz axrəm, amaran əsəllum wa iktâb dağ awal wa n təlxibrit, əd wa n təlâtint əd wa n təlyunant.²¹ Ənnan limaman win zawwarnen ən Kəl-Əlyəhud i Bilatəs: «Ad wər tayyax əsəllum wa təssəltəyax təgəttawt iktâb fall-as âs: "Aləs wa əmənokəl ən Kəl-əlyəhud", kalar əktəb fall-as âs: "Aləs da wa innan ənta a imosan əmənokəl ən Kəl-Əlyəhud."»²² Inn-asan Bilatəs: «Arat wa əktəba, wər-tu-za-səmməttəya.»

²³ As əttəytəyan sojitan Xaysa fəl təgəttawt, əd-kalan isəlsa-net, əgan-asan əkkozat təzunen, əkkulluk n iyyan dağ-san igrâw iyyat. Ədkalan əntada təkadkat-net ta zəwwərat, tégât dağ təbdoq wər iha a imosan azamay, tosâx-du xur afalla har eres.²⁴ Ənnan gar-essan: «Ad wər nəzəzzərrət təkadkat ta, ofa ad nagu şisəyeren fəl ad nəssən wa tat-z-ilen.» Arat wa ənnân-tu fəl ad tandu batu tēhât Əlkəttaban ta tənna: «*Əzunan tabdoq-in, təzzar əgan şisəyeren fəl təkadkat-in.*»

Arat wen ənta iman-net a əgan sojitan win den.²⁵ Təgəttawt ta fəl ittəytəy Xaysa, əbdâdnat dagma-net tədoden əmosnen anna-net, əd Maryama ta n tamadrayt n anna-net, təmosat təxur Klobas, əd Maryama Madəl.²⁶ Ogga Xaysa anna-net, inay ənattalib-net wa n əməri-net ibdâd dagma-net, innas: «Anna, barar-nam əddi.»²⁷ Təzzar inna y ənattalib-net wen: «Anna-nak əddi.» Amazay wen da dağ dər-əs iddew ənattalib wen s ayaýwan-net is-san dağ-as.

²⁸ Dəffər awen inna Xaysa: «Ih-i fad», fəlas issân as arat kul ikmal, amaran arat wa wər t-inna ar fəl ad andu awa ənnan Əlkəttaban.²⁹ Edag en inna dağ-as əxəzu iha bənəgər, təmmədka-du təduft tətawattal d əmi n agabal n əzzənəf n ənnixnay

iyyan idwâlan as itawannu xisof, tətawasalmağ-du dağ bənəgər wa, tətawazzal-in s əmi-net.³⁰ As izannalmaz Xaysa bənəgər, inna: «Arat kul ikmal.» Təzzar issərəs eyaf-net, əgmadan-tu man.

Ətəwəgga ən Xaysa dağ əzəkka

³¹ Əzəl wen simutugan aytedan y əmud wa n Akkay. Wər əren Kəl-Əlyəhud ad aqqaminat alzanazaten n aytedan əwârnat şigəttawen dağ əzəl wa n təsanfawt-nasan. Ənta əzəl wen, wər og-da əd win hadatnen təzzəwwert. Əkkan muzaran ən Kəl-Əlyəhud Bilatəs ənnan-as: «Amər s ad tawarzin daran-nasan, fəl a tan-iba tarmad, təs-sukəsa-du alzanazaten-nasan!»³² Əkkan-du sojitan meddan win tawataytəyən dagma ən Xaysa. Ərzan idaran ən wa azzaran, okayan əs wa n əşšin əgan-as awen da.³³ As d-ewadan Xaysa ənayan âs as d-osan da aba-tu. Əqqiman da wər ərzen idaran-net,³⁴ Mişan idag iyyan dağ sojitan win tasaga ən Xaysa s allax-net, iffay-du dağ-as əzni d aman.³⁵ Awedan wa igan isalan win, inay-tan əs şittawen-net, amaran təgəyya-net tidət a təmos. Issân as tidət ta təzdarat as işşewal da, fəl ad təzzəgzənam kawanay da.³⁶ Ənta aratan win kul wər əgen ar fəl ad tandu batu tēhât Əlkəttaban ta tənna: «*Eyas-net waliyyan wər z'arraz.*»

³⁷ Əlkəttaban ih-en əntada as: «*Ad əssədəgan isawadan-nasan sa sər wa saxxarabben.*»

³⁸ Dəffər adi osa-du Yusəf wa n əxərəm n Arimatay, imosan iyyan dağ nalkiman ən Xaysa, eges dağ əs-sir, fəlas iksud Kəl-Əlyəhud. Ikka Bilatəs igmay dağ-as ad awəy təxəssa ən Xaysa. Ikf-ay Bilatəs turagat n awen, təzzar igla eway-tat.³⁹ Osa-du Nikodemos ənta da, s ənta as kala din-osa Xaysa ahad iyyan. Eway-du təfərşit dağ ənğâlan alwarditan təmosat amađal ən karadat təmərwen ən kilaw.⁴⁰ Iddkal-du Yusəf əd Nikodemos təxəssa ən Xaysa əgan-tat dağ şifit tégât dağ təsəwad, əssəlalan-tat ađutan əzodnen win. Arat wa imos alğadat ən Kəl-Əlyəhud dağ anabal ən nəmməttan.

⁴¹ Edag wa dağ itawataytay Xaysa fəl təgəttawt ih-ay afarag. Amaran afarag wen ih-ay əzəkka imosan akazam as wər kala a dağ-as itawagga ənəmməttən.⁴² Əzəl wen ənta dağ simutugan Kəl-Əlyəhud y əzəl-nasan wa n təsanfawt, awen da fəl iga Yusəf əd Nikodemos Xaysa dağ əzəkka wa, fəlas ənta a ihozan.

Tanakra ən Xaysa dağ təməttant

20 As affaw əzəl wa n alxad, harwa da wər ifarayray anay, as təkka Maryama Madəl əzəkka. As din-tosa tənay as tēhant ta tēharat əzəkka tətawakkas-du.² Tozal təkka Simxon Butros d anattalib wa isannahal Xaysa tara tənna-asan: «Əməli itawakkas dağ əzəkka amaran wər nəssen edag wa dağ itawagga.»

³ Irdax-du Butros d anattalib wa hadan əkkan əzəkka. ⁴ Ozalan, azzar-in ənəttalib wa hadan fəlas orna Butros dağ azzal. ⁵ Išşəgga inay šisəwad šin šifit ənsənat den, mišan wər iggez. ⁶ As d-ewad Simyon Butros wa das-d-ilkaman, iggaz əzəkka, inay əntada šisəwad šin ənsənat den. ⁷ Inay asalsaw wa iwaran eɣaf ən Xaysa wər irtay əd šifit, ittâl in-sa s aganna. ⁸ Təzzar iggaz-du anattalib wa hadan, s ənta a d-azzaran, inay arat wa izzəgzan-tu. ⁹ Ənta harwa da wər əgren batu ta tənnat dağ Əlkəttaban, Əlməsix kundaba inkar-du dağ təmattant. ¹⁰ Təzzar əqqalan nəttulab win den aɣaywan.

Ənəfilal ən Xaysa i Maryama Madəl

¹¹ Təqqim-du Maryama təhallu dagma n əzəkka. Təšşəgg-in dağ-as, ¹² tənay əššin angalosən əssimlalen, əqqiman dağ adag was kala a tu-təha təxəssa ən Xaysa. Iyyan illa ɣur anamod n aɣaf-net, wa hadan illa ɣur daran-net. ¹³ Ənnan-as: «Ma kam-isâlan, tantut?» Tənn-asan: «Wər di-isəlu ar as immeway Əməli-nin, amaran wər əssena dad itawagga.» ¹⁴ As tənna arat wa, təswad dəffər-əs, togga Xaysa ibdâd. Mišan wər təssen as ənta awen. ¹⁵ Inn-as Xaysa: «Ma kam-isâlan tantut? Ma imos was təsaggada?» Tənn-as Maryama: «Ya aləs, kud kay a t-ewayan, təmələy-i dad illa, a t-id-awəya.» Arat wa, as das-tu-tənna a təxil əmagyak n afarag wa iha əzəkka a das-išşewalan den. ¹⁶ Inn-as Xaysa: «Maryama!» Təzzar təmalallay-t-in tənn-as dağ awal wa n təlxibrit: «Rabbuni!» (Almayna n awen Əšşəx-in.) ¹⁷ Inn-as Xaysa: «A di-wər-təgdəla teklay, fəlas harwa da wər əggəzzaya s Abba, kalar aglu əməl i mədrayan-in as nak ad aggəzzaya s Abba-nin, s ənta a imosan Abba-nawan kawanay da, aggəzzaya s Əməli-nin s ənta a imosan Əməli-nawan kawanay da.» ¹⁸ Təgla Maryama Madəl təmal i nəttulab as tənây Əməli, təmal-asan dəy awa das-inna.

Awa d-izdaran dağ Əlkəttab wa

Ənəfilal ən Xaysa i nəttulab-net

¹⁹ Tadwit n alxad wen da iman-net, əddewan nəttulab, əɣfalan-du ehan fəl man-nasan, fəlas əksudan imuzaran ən Kəl-Əlyəhud. Osa-du Xaysa ibdad gar-essan inn-asan: «Alxer fall-awan!» ²⁰ As dasan-inna awen issəkən-en ifassan-net, əd tasaga-net. Falawasan nəttulab fəl anay wa əgan Əməli. ²¹ Ilas inn-asan: «İg-awan Məšşina alxer! Əzimazalaq-qawan s əmmək was di-d-izammazal Abba.» ²² As dasan-iga batu ta, issəwad-du fall-asan s əmi-net, inn-asan: «Təgrəwamet Infas wa Zəddigan!» ²³ Win as təssorafam ibakkadan-nasan za, a dasan-təwəsurefan, amaran win as tan-wər-təssorafam, wər z'əgrəwan təsureft-nasan.»

Ənəfilal ən Xaysa i Tuma

²⁴ Tuma was təsəmmədəq-net Eknay imosan iyyan dağ nəttulab win maraw d əššin, wər illa den as ənayan Xaysa. ²⁵ As das-ənnan nəttulab win: «Nənây Əməli!» Inn-asan: «Wər z'əzzəgzənay iket wər ənaya šimijar ən nəsmar dağ fassan-net, ədəsəy idaggan-nasan s adad-in, ədəsa dəy tasaga-net s əfus-in.»

²⁶ As əgan əttam adan dəffər awen, əddewan-du nəttulab ən Xaysa dağ ahan iyyan amaran taklat ten ih-en Tuma. İggaz-du fall-asan Xaysa da əhar-nat təsəhar n ahan, ibdad gar-essan, inn-asan: «İg-awan Məšşina alxer!» ²⁷ Dəffər adi inna i Tuma: «Agu adad-nak da, təswədə dağ fassan-in, tədəsa dəy tasaga-nin s əfus-nak, təzzəgzəna taqqama da wər təqqələy awedan wər nəssen Məšşina!» ²⁸ Inn-as Tuma: «Ya Məšşina di n Əməli-nin!» ²⁹ Inn-as Xaysa: «Kay wər təzzəgzəna har di-tənaya. Əbbilalan aytedan win di-wər-nənay mišan əzzigzanan!»

Əlməxsud n Əlkəttab wa

³⁰ Immozal Xaysa aɣalamaten šiyyad aggotnen dat nəttulab-net, mišan ya wər sər-əsnat imməgrad əlkəttab wa. ³¹ Eges arat wa t-ihan, itiwaktab fəl ad təzzəgzənam as Xaysa ənta a imosan Əlməsix, imos dəy Barar ən Məšşina, amaran, as sər-əs təz-zəgzənam ad təgrəwam təməddurt s esəm-net.

Ənəfilal ən Xaysa i nəttulab-net ɣur tama n agaraw

21 Dəffər awen ilas Xaysa ənəfilal i nəttulab fəl təgadamayt n agaraw wa n Tiberəyad. Əm-mək da was dasan-inafalal: ² Simyon Butros, əd Tuma was təsəmmədəq-net Eknay, əd Natanəyel wa n Kâna dağ amaɣal ən Galilaya, əd bararan ən Zabada, d əššin nəttulab wiyyad, ketnasan əddewan. ³ Inn-asan Simyon Butros: «Nak ad akkaɣ edag n abbaz ən kifitan.» Ənnan-as: «Nakkanay da nəddew dər-ək.» Əglan, əggəzan aɣlal n aman. Ahad wen wər obezan wala.

⁴ As affaw iwar-in Xaysa təgadamayt n agaraw, mišan wər əssenən nəttulab-net as ənta awen.

⁵ Inn-asan: «İmaran-in, awak abbaz a wər təgəm wala dağ kifitan?» Ənnan-as: «Kala». ⁶ Inn-asan: «Əgərat əməzzəzdər-nawan wa n abbaz ən kifitan fəl aganna n əɣlal wa n əxil, a tan-təgrəwam.» Əgaran əməzzəzdər-nasan dağ agaraw, təzzar indar-asan a t-id-ədkəlan, fəl awa əgan kifitan win t-əhanen dağ igət. ⁷ Inkar ənəttalib wa isannahal Xaysa tara inna i Butros: «Awen Əməli!»

Da dağ ad isla Simyon Butros as Əməli awen, ənta ad iqqan asalsaw-net wa n afalla, fəlas izzâf, təzzar itaraggat dağ agaraw. ⁸ Amaɣal ən sanatat təmad n əxil a əllanen gar-essan əd təgadamayt n agaraw. Əqqiman-du nəttulab win hadatnen dağ

əylal erkâban-du dëffër-san əməzzezdër-nasan, id-nây kifitan. ⁹ Əzzəbben-du ças oggan təmsay ən təmakaten fəl naŋŋin kifitan, tənsa dəy tögəlla den. ¹⁰ Inn-asan Çaysa: «Awəyat-du arat dəy kifitan win du-tobazam əmərədda.» ¹¹ Igməd-du Simçon Butros aman illil-asan s arakab n əməzzezdër wa əhan kifitan. Təmeday əd səmmosat təmərwen ən kifi əd karad əs kul win zawwarnen a t-əhanen mišan wər izzərrat. ¹² Inn-asan Çaysa: «Ayewat tatšim.» Wər iha inəttulab i ihalan ad issəstən Çaysa ann-as: «Ma təmosa?» Fəlas əssânan as Əməli awen. ¹³ Ihoz-tan-in Çaysa, obaz-du tagəlla ikf-asan-tat, ikf-en əntada kifitan. ¹⁴ Taklat ta ənta a təmosat ənəfilal wa n karad a d-iga Çaysa i nət-tulab-net dëffër tanakra-net dəy təmattant.

Çaysa əd Butros

¹⁵ As ətšan inna Çaysa i Simçon Butros: «Simçon ag Yaxya, awak tidət as tara ta di-təge togar ta di-əgan nəttulab win hadatnen?» Inn-as Simçon: «Ayew Əməli, təssâna dəy tara ta dak-əge.» Inn-as Çaysa: «Agəz za ijamaran-in.» ¹⁶ Ig-as y əsəstan wa igi wa n əššin inn-as: «Simçon ag Yaxya, awak tərəç-i?» Inn-as Butros: «Ayew Əməli, təssâna dəy tara ta dak-əge.» Inn-as Çaysa: «Əqqəl za amadan n ayfəd-in.» ¹⁷ Ig-as y əsəstan wa igi wa n karad inn-as: «Simçon ag Yaxya, awak tərəç-i?» Əçšadan man ən Simçon Butros fəlas karad igitan das-iga Çaysa y əsəstan wa. Inn-as: «Əməli, kay a issanan dəy arat kul, təssânaç as əreç-qay.» Inn-as Çaysa:

«Əssən za dəy ayfəd-in. ¹⁸ Əggəyyeç əsilakanay-ak as harwa taynaya, iman-nak as təlassa tabdoq-nak, tətakkay edag was tare, mišan as təqqalay açmar, ad təzzəlay ifassan-nak, assals-ik awedan iyyan tabdoq-nak, awəy-kay s adag as wər tərəç iki-net.» ¹⁹ Batu ta issoka sər-əs Çaysa ənnuç ən təmattant ta z'agu Butros s ənta as z'assaknu adkul wa iga i Məššina. As iga Çaysa batu ta inn-as: «Əlkəm-i» ²⁰ Iswad-in Butros dëffër-əs ogga anattalib wa isan-nahal Çaysa tara ilkâm-asan-du. Anattalib wa ənta a isayçamaran dəy ihəz n ədmaran ən Çaysa ahad wad tattin imensewan n əmud wa n Akkay, ənta dəy as kala ad issəstanan Çaysa inn-as: «Əməli, ma imos wa kay z'akkaddalan.» ²¹ As t-ogga Butros is-səstan Çaysa inn-as: «Ənta za Əməli, ma dəç-as ilkaman?» ²² Inn-as Çaysa: «Kud tara a əgeç ad id-dər har d-əqqəla, tədi wər kay-təqqəl. Kay əlkəm-i ças!» ²³ Wazawazan salan dəy məzzəçzan əs Çaysa as anattalib wa wər tu-z-iba. Ənta Çaysa wərgəç a inna wər tu-z-iba, tənna ças a iga: «Kud tara a əgeç ad iddər har d-əqqəla tədi wər kay-təqqəl.»

Zagzal dəy batu ta təmosat əlməxsud n əlkətab wa

²⁴ Anattalib wa ənta iman-net as iggəyyat fəl igitan win, iktab-tan. Nəssân as tögəyya-net tidət a təmos. ²⁵ Çaysa iga aratan wiyyad aggotnen. As ig-may awedan d a sər-san ammagrad s iyyan-iyyan, ordeç as əddənət ketnet da wər za tawəy əlkəttaban win z'iktəb.

Igitan ən Nəmmuzal

Ēkkozat tēmərwen n əzəl win dat əmədkəl ən Ğaysa

Ēsənti

1 Ya Tayofil, əlkəttab-in wa azzaran əktâbay day-as aratan kul win as issənta Ğaysa igi-nasan d əsəssəğri-nasan, ² har əzəl wa d immədkəl əs jənnawan dəffər as iga ammaran-net əs tarna n Infas wa Zəddigan i nəmmuzal-net win isannafran. ³ Ēntanay en da a issəkna iman-net dəffər alyazab-net. Isattad-asan əs tēməwiten aggotnen tanakra-net day tamattant. Ēkkozat tēmərwen n əzəl a iga itinəfilil-asan, itagg-asan isalan ən Taymar ta n Məşşina.

Arkawal n assa n Infas wa Zəddigan

⁴ Əzəl iyyan idrâw dər-san imensewan as tan-omar, inn-asan: «Ad wər təgmədam ayrəm ən Yerusalam. Ēqqələt y arkawal n Abba wa dawan-əməla, ⁵ fəlas Yaxya aman a day issəlməy aytedan mişan kawanay, ħur adan wər nəggət, Infas wa Zəddigan a day za tətəwəsəlməyam.» ⁶ Ēddêwan ħur-əs nəmmuzal-net as t-əssəstanan, ənnan-as: «Ēməli, awak əmərədda ad za təssuğəla tēmənukəla y Israyil?» ⁷ Inn-asan: «Wər kawan-təwer masnat n alwaq wala tamert win otas Abba əs tanaya-net. ⁸ Mişan ya a fall-awan d-azzabbat Infas wa Zəddigan, təgrəwam tarna, təqqələm şigəyyawen-in day əyrəm wa n Yerusalam, d akal kul wa n Yahudəyya əd wa n Samarəya, taglim har da d-iraz amağal.»

Ēmədkəl ən Ğaysa

⁹ As inna awen, immədkəl əs jənnawan. Ēswâdan day-as har dasan-tu-təlsa tagarak. ¹⁰ Harwâda əg-gizzayan ijənnawan assağə wad itagazzay Ğaysa as nafalalan əşşin meddan ən samlalan dəğma-nasan. ¹¹ Ēnnan-asan: «Ya meddan ən Galilaya, mas təbdadam, təswâdam day jənnawan? Ğaysa wa immədkalan gar-ewwan da əs jənnawan, ilkâm a d-iqqəl s əmmək wa da as tu-tənyam ikk-en.»

Ēnətti n Ēlkənisat - Şiggəyyawen day Yerusalam

Awedan wa z'iggəzan edag ən Yahuza

¹² Təzzar əfalan nəmmuzal adğay was itawannu wa n Eşkan ən Zaytun, əqqalan ayrəm ən Yerusalam a das-ihân edag ən teklay tas tətawala turagat-net day əzəl wa n təsanfawt ən Kəl-Əlyəhud, almağna edag ən kilaw iyyanda ən teklay. ¹³ As din-osan, əggəzan ehan wa n afalla day suru wa day saganan. Ēmosan Butros, Yaxya, Yaqub, Andrawəs, Filibus, Tuma, Bartulamawəs, Matta, Yaqub wa n ağ Alfay, Simğon was itawannu wa Is-aggakken əd Yahuza wa n ağ Yaqub. ¹⁴ Ketnasan tiddawan-du y igi ən təwatriwen s əwəl iyyanda, əntanay əd mədrayan ən Ğaysa əd tədoden təha Maryama ta n anna-net.

¹⁵ Adan en da a day ibdad Butros gər nəlkiman ən Ğaysa, əmosnen temeday n awedan əd sanatat tēmərwen, inn-asan: ¹⁶ «İmədrayan-in, əşşil ad andu awa inna Infas wa Zəddigan day Ēlkəttaban irəw s əmi n ənnəbi Dawəd day salan ən Yahuza wa d-issələlan aytedan win əbaznen Ğaysa. ¹⁷ Fəlas kala day-nağ iddun nakkanay inəmmuzal, amaran igrâw adagar-net day əşşəğəl wa dər-nağ isanattaf Ğaysa Ēlməsix. ¹⁸ Aləs za wa, izzənza tawagost day azrəf wa igray day abakkad-net, dəffər awen uda day-as əs tədistanet, ibbəqqat, iffəzzat awa ihan tadistanet kul. ¹⁹ Aytedan kul win əxsarnen day Yerusalam əslân awen, har as tawagost ten əgan-as esəm day awal-nasan "Akaldama", alamağna tawagost ta n əzni. ²⁰ Amaran iktâb day əlkəttab wa n Ēzzəbur as: "İqqələt ahan-net əməjir, a tu-wər-iləs awedan iguz." İktâb day-as dəğ as: "İggəzet awedan iyyan edag-net day əşşəğəl."

²¹ Day adi ilzâm-ana ad nəsennefrən iyyan day meddan win dər nətidaw faw day şikilan n Ēməli Ğaysa, ²² a d-ibazan ħur əzəl wa t-issəlməy Yaxya day aman har əzəl wa ħur-nağ immədkəl əs jənnawan. Aləs wa za nəsennefrən da, ad iqqəl tğəyya ən tanakra ən Ğaysa day tamattant.»

²³ Ēssəbdadan əşşin meddan əmosnen Yusəf was itawannu Barsabbas, gannin-as dəğ Yustus, əd Matəyyas. ²⁴ Təzzar əttaran, ənnan: «Ya Ēməli, kay a issanan awa ihan iwallan n aytedan kul, sakn-ana wa təsannafrana gər meddan win əşşin a, ²⁵ fəl ad

iggəz əşşəxəl n anammazul wa igmad Yahuza ikka edag wa imosan wa-net.» ²⁶ Egan šišayeren, əbaznat Matəyyas, iddun dağ nəmmuzal win maraw d iyyan.

Assa n Infas wa Zəddigan

2 As d-iɣlay əzəl n əmud ən Kəl-Əlyəhud was itawannu Fantəkawt, əddəwan nalkiman ən ʒaysa ketnasan dağ adag iyyanda. ² Wala a ihogan igmad-du əjit iyyan ijənnawan olân d in aɗu issohen, itkar ehan ketnet wa dağ əqqiman. ³ Nafalalan-asan d ilsawan olanen d in abalagleg ən təmsay, əmməzzayan ilsawan en; əkkulluk n iyyan iwar iyyan dağ-san, ⁴ Idnay-tan Infas wa Zəddigan ketnasan, təzzar əssəntan awal dağ awalan wər nəmos win-nasan, s əmmək was tan-ikfa Infas wa Zəddigan fərregat n awen. ⁵ As itaggu awen, aɣrəm ən Yerusalam əxsâran dağ-as Kəl-Əlyəhud zizawatnen dağ əddin a d-əgmâdnen ikallan n əd-dənet kul. ⁶ As əslan y awal wen, təddew-du tamattay tagget, təzzar isammaklal sər-san awen fəlas akkiyyan dağ-san isallu i nalkiman əşşəwalan dağ awal n akal wa d-igmad. ⁷ Iga sər-san awen əsəmməkləl labasan, gannin: «Xa! Aytedan a əşşəwalnen da, awak wərgəx ketnasan Kəl-Galilaya? ⁸ Mas za, akkiyyan dağ-na isall-asan əşşəwalan awal ən marwan-net? ⁹ Ənta nakkanay əhân-anay aytedan a d-əgmâdnen amaɗal ən Bartəya, d akal wa n Medəya, əd wa n Aɭam, d aytedan əxsârnen dağ akal wa n Mezobotaməya, əd wa n Yahudəyya, əd wa n Kabadokəya, əd wa n Fontəs əd wa n Asəya, ¹⁰ əd wa n Frijəya, əd wa n Banfiləya əd wa n Masar. Wiyyad əgmâdan-du akal ən Libəya dağ ɣələyɣələyan n aɣrəm wa n Qərwan, wiyyad aytedan n Ərrum, ¹¹ wiyyad aytedan ən Kəret əd win Arabəya. Gər za win dağ-na əmosnen Kəl-Əlyəhud wala deɣ aytedan a d-əhdânen s əddin wa n Kəl-Əlyəhud, ketnana nəsal-asan əmmâlan dağ awalan-nana igitan ən tarna ən Məşšina.» ¹² Ketnasan isimaklal sər-san awen, wər əssenən a ən-nan, tinəmənnin: «Ma imos almaɣna n awa?» ¹³ Mişan ya wiyyad dağ-san əgan dağ nəlkiman tamakkakkayt, gannin: «Awen esmad n aɣanab a tan-isammaswadan.»

Təlɣutbat ən Butros əzəl wa n Fantəkawt

¹⁴ Təzzar ibdad Butros ənta əd nəmmuzal win maraw d iyyan, idkal əməsli-net išşəwal i tamattay, inna: «Meddan ən Yahudəyya əd kawanay ketnawan win əxsarnen dağ Yerusalam, aɣriwat awa igan da, təssəsəmam wəllen y awa dawan-z-anna da. ¹⁵ Meddan win wər əmməswadan, arat wa təɣilam əddi, fəlas taza alwaqan win aɣora awa harwa da. ¹⁶ Kala kalar arat wa imal ənnebî Yowəl a d-osan, as inna: ¹⁷ "Inna Məşšina: 'Ənta da awa du-z-asin dağ adan n əddənet win əlkamnen: a du-zəzzəbbəx Infas-in fəl i t-illa awedan, əssuxələn

maddanəwan d ašşekkawan awa dasan-z-əməla; sənnefilələy aratan əttinkalnen i mawadan-nawan, səssuga iɣmaran-nawan targəten. ¹⁸ Awalla, a du-zəzzəbbəx dağ adan win den Infas-in fəl nəyɣbidan-in əd tənaybiden-in təzzar əssuxələn awa dasan-z-əməla.

¹⁹ Ad aɣay təlməxjujaten dağ jənnawan, aɣay aratan əmosnen aɣalamaten fəl amaɗal: Inɣəl əzni, tarɣu təmsay, akku əhu ijənnawan. ²⁰ Təfuk ad tamattay, təqqəl šiyay; tizwəx təllit šilat n əzni; izar-du adi kul y assa n əzəl zəwwəran ilân əlxurma wa issəbdad Əməli. ²¹ Amaran i igmayan dağ Əməli əɣillan ad t-igrəw."

²² Ya meddan n İsrayil, səsəmat i salan win: ʒaysa wa n Nazaret, aləs a imos as kawan-issikna Məşšina əs təlməxjujaten d aratan əmmittaynen, əd wiyyad əmosnen aɣalamaten win as t-ikfa igi-nasan gar-ewwan as ənta a isannafran. Kawanay iman-nawan təssənam dağ adi. ²³ Aləs di, Məşšina di as tu-wər-illa a das-idrâgan a t-igan dağ fassannawan, imos awen arat ixtâs irəw, təgam iman-net s ətəwəsetəytəy wa tu-təsassagam i nəzzulam fəl təgəttawt. ²⁴ Mişan isənkərt-idu Məşšina, ikkas-t-idu dağ tarna ən tamattant fəlas wər t-illa əmmək as t-in-təttəf tamattant. ²⁵ Batu-net a dağ inna ən-nəbi Dawəd irəw: "Hannaya Əməli dat-i faw, iha aɣil-in fəl ad wər əxşədan man-in. ²⁶ Adi fəl falawasan man-in, təkna tədəwit iguz n awal-in, wala təɣəssa-nin wər nəmos tamaylolt da ad tagu attama, ²⁷ id wər za tayyax iman-in dağ alaxirat, wala deɣ tayyax Əmizdag-nak tarɣu təɣəssa-net. ²⁸ Kay a di-issəknan tarrayt ta təha təməddurt. A di-təsəffəliwəsa wəllen əs tassaɣ ta dər-ək əgəx."

²⁹ Imədrayan-in, ələx tarrayt n a dawan-aɣay isalan dağ əkkâsaɣ ašşak n əmaraw-nana Dawəd n as, aba-tu, itawanbal-in. Əzəkka-net, har azalada il-la gar-ena. ³⁰ Ənnəbi a imos, issân deɣ fəl arkawal wa fəl das-ihad Məşšina n as, ilkâm ad agu dağ taɣmar-net iyyan dağ hayawan-net. ³¹ Dağ adi Dawəd inây dat alwaq tanakra n Əlməsix dağ təməttant, amaran isalan ən tanakra-net a dağ inna: "Wər din-itawayya dağ alaxirat, wala deɣ tərka təɣəssa-net." ³² ʒaysa za wa, issənkərt-idu Məşšina gər nəmməttan, nakkanay nəggəyat adi. ³³ İdkal-tu Məşšina di n Abba-net ig-ay dağ əɣil-net, ikf-ay Infas wa Zəddigan was iga arkawal-net, ənta amaran izazz-abbat-t-idu fall-ana. Adi a imos arat wa təhan-nayam da, təsallim-as. ³⁴ Wərgəx ənnebî Dawəd a ikkan ijənnawan, kalar ənta iman-net a innan: "Inna Əməli Məşšina y Əməli-nin: 'ʒam dağ əɣil-in, ³⁵ iket di ad taggaɣ izənga-nak daw daran-nak.'" ³⁶ Dağ adi akninet Kəl-İsrayil kul masnat dağ as, ʒaysa wa təttəytayam fəl təgəttawt, ənta a iga Məşšina Əməli d Əlməsix.»

³⁷ İdas awal wa iga Butros den iwallan n aytedan wəllen, ənnan-as ənta əd nəmmuzal win hadatnen: «Imədrayan-nana mas danay-ilzam igi-net?» ³⁸ Innasan Butros: «Utabat. Akkiyyan dağ-wan

itəwəsəlməxət dəy aman s esəm ən Xaysa Əlməsix fəl ad təgrəwam təsüref tən bakkadan-nawan, təgrəwam təhəkküt ən Məşşina təmosat Infas wa Zəddigan, ³⁹ ənta arkawal wa iga Məşşina, kawanay as t-iga, kawanay əd hayawan-nawan d aytedan kul win əxsarnen dəy igəg, almaɣna aytedan kul win du-z-aɣru Əməli-nana Məşşina əs man-net.» ⁴⁰ Har irəw Butros itagg-asan təlxutbat idgāz wəllen igann-asan: «Agəzət iman-nawan dəy aytedan əxrāknen ən nəllubas win azzaman a.»

Tassaɣ ta əgan məzzəgzan win azzarnen

⁴¹ Aytedan win əzzəgzannen s awa inna, tawasalmaɣan dəy aman, təzzar tətəy tiddawat ən məzzəgzan əzəl wen s adag ən karad gim n awedan. ⁴² Wər əgmedan ar əs taɣaray daw nəmmuzal, əmosan arət iyyanda ketnasan, darrawan imensewan-nasan, tuzanan amensay wa n saktan, taggin šiwatriwen. ⁴³ Təkna tasa ən Məşşina igguz n awedan kul, inəmmuzal dəy taggin s əlqudrat ən Məşşina təlməxjujaten aggotnen d aratan əmosnen alɣalamaten.

⁴⁴ Ərtāyan məzzəgzan ketnasan, ədrāwan dəy arət kul wa əlan. ⁴⁵ Zanzin-in dəy ərrəzəɣ-nasan, tuzanan attaman-net, ewal awen s awa dər togdā addararat n akkiyyan dəy-san. ⁴⁶ Əzəl kul tamanayan dəy Ahan wa Zəwwəran n Əlɣibada, ni-mannakan s awen. Tuzanan amensay wa n saktan dəy nan-nasan, darrawan dəy imensewan-nasan dəy təfalawist əd tazdak n əwəl. ⁴⁷ Əmmālan Məşşina, əssiɣmaran-tan aytedan kul. Akk əzəl išşota Əməli əljəməɣat-nasan s aytedan win iɣlas.

Təməzzəyt n anabdon iyyan

3 Əzəl iyyan iggəzzay Butros əd Yaxya s Ahan wa Zəwwəran n Əlɣibada y ad agin šiwatriwen šin tazzar. ² Alwaɣ wen da a dəy d-imməway aləs iyyan a d-ihəwan əd bəddən s əmi n Ahan wa Zəwwəran n Əlɣibada was itawannu: «Imi wa Ihossayan» itawasansa fəl ad igməy takutay dəy aytedan win tu-tagaznen. Akk əzəl itawasansu den. ³ As inay Butros əd Yaxya əbukən y iguz n Ahan wa Zəwwəran n Əlɣibada, a tan-itansay. ⁴ İdak-ku Butros əd Yaxya s asawad, inn-as Butros: «Əswəd dəy-na.» ⁵ İkna dəy-san asawad, iga attama n ad t-akfin arət iyyan. ⁶ Təzzar inn-as Butros: «Urəɣ wala azrəf, wər tan-ələɣ, mišan a kay-akfa awa ələɣ: Əs tarna n esəm ən Xaysa Əlməsix wa n əxrəm ən Nazaret, əbdəd jəwənkət!» ⁷ Təzzar ibaz Butros əfus-net wa n əɣil, issəbdad-tu. Əddaran-du daran-net əd təlazzen-net alwaɣ wen da. ⁸ İnnad-du zəllat ibdad, ijawankat. İddew dər-san, əggazan Ehan wa Zəwwəran n Əlɣibada, ijiwankat itaggad fəl tədəwit imməl Məşşina. ⁹ Hannayan-tu aytedan kul ijiwankat imməl Məşşina. ¹⁰ As din-əgran as, ənta a itaxamin ɣur əmi n Ahan wa Zəwwəran n

Əlɣibada was itawannu: «Imi wa Ihossayan», itānsay, əhagan, isammaklal sər-san awa t-igrawan.

Emel ən Butros i tamattay almaɣna n əzuzəy wa iga y anabdon

¹¹ İgla aləs wa itawazozayan da iltāɣ dəy Butros əd Yaxya. Jiwanken dəy tarrayt təfələt as itawannu «ta n Suliman» as sər-san du-tozal tamattay ket-net. İgā awen s aytedan əsəmməkləl labāsan. ¹² As inay Butros awen, inna y aytedan: «Meddan n İsrəyil, mafel ikna sər-wan awa əsəmməkləl?

Təgāram dəy-na šittawen, təgām dəy-na asawad n as nakkanay a izzozayan aləs wa əs fərregat-nana nakkanay iman-nana, mədəɣ nəzzozay-tu fəl aššadət ən təksəda-nana Məşşina? ¹³ Əməli n İbrahim d İsehaq əd Yaqub, Əməli ən marawan-nana, ənta a ikfan akli-net Xaysa əlxurma. Kawanay imannawan a t-igan dəy fassan, tənkuram-tu dat Bilatəs s ənta ikus-net a otas. ¹⁴ Awalla tənkuram Alɣadil di n Əmizdag, təgməyam a dawan-d-itəwəkkəs aləs n əməggi ən man. ¹⁵ Təgam iman ən wa ihakkin təməddurt. Ənta a d-issənkər Məşşina dəy tamattant, nakkanay nəggəyat adi. ¹⁶ Əzəgzan-nana əs tarna n esəm ən Xaysa a ikfan aləs a təhannayam da, təzdāyam-tu šiɣurad-net. İllikan as əzəgzan əs Xaysa a ikfan aləs di šiɣurad-net kul dat-wan ketnawan. ¹⁷ Amaran imədrayan-in, əssānaɣ as əljəhəl a dəy təgam adi kawanay əd muzaran-nawan. ¹⁸ Mišan əssənət as irəw as imal Məşşina dəy mawan n ənnəbitan kul as Əlməsix ilzām-tu ad inəy alyazab, amaran issənda adi əs təməwit tədi da. ¹⁹ Dəy adi utabat tiksadam Məşşina fəl ad iməs ibakkadan-nawan, ²⁰ izəzzəbbət-du fall-awan šimeren ən təsasmit, issuyəl-du Əlməsix a dawan-isanafnan dat alwaɣ, almaɣna Xaysa. ²¹ İlzām-tu ad aqqam dəy jənnawan har d-asu alwaɣ wa dəy z'is-suyəl Məşşina arət kul əmmək-net wa azzaran, iməl awen irəw əs mawan n ənnəbitan-net di zad-doggen.

²² Awalla a inna ənnəbi Musa: "Məşşina, Əməli-nawan a dawan-d-isənnəfiləl iyyan ənnəbi ən šilat-in dəy mədrayan-nawan amaran ad təsəsəmam y awa dawan-z-annu kul. ²³ Awedan kul wa wər nəb-bərdag y ənnəbi wədi, ad itəwəkkəs dəy tamattay ən Məşşina, ihlək." ²⁴ Ənnəbitan kul win hadatnen, a d-ibazan ɣur ənnəbi Saməwel əd win t-əzraynen ketnasan, əmālan arət wa igan dəy adan win. ²⁵ Kawanay a imosan iməkkusa n ənnəbitan win den, təkkošem dəy arkawal ən tassaɣ wa idkal Məşşina i marawan-nawan as inna y İbrahim: "Tawšeten n əddənət kul ad əgrəwnat albaraka s əssəbab n əzzurrəyya-nak." ²⁶ Kawanay as d-isan-nafalal Məşşina Akli-net Xaysa dəy tizarat, issok-awan-t-id, fəl a kawan-akfu albaraka-net ikkəs akkiyyan dəy-wan dəy tarrayt ta n əšşur.»

Tebadday ən Butros əd Yaxya dat Asaggawar wa Zəwwəran

4 Harwada iššewal Butros əd Yaxya i tamattay as fall-asan əhan limaman əddewan d əmuzar n aytedan win tagaznen Ehan wa Zəwwəran n Əlyibada əd Sadusaytan; ² ih-en alham n əsəssəxri wa taggin tamattay, əmmālan əs dad zamas Xaysa inkar-du daɣ təmattant, wədi inəmməttan da a daɣ-as d ənkarən. ³ Sattarmasan-tan əgan-tan daɣ kasaw har ifaw fəlas əhad a igan. ⁴ Mišan ya əz-zəgzanan aytedan əggotnen daɣ win əslanen i təl-xutbat ten, təzzar əqqalan məzzəgzan edag ən səm-mos gim n aləs.

⁵ As affaw əmmənayan muzaran ən Kəl-Əlyəhud, d əmɣaran-nasan əd musanan n Əttawret daɣ Yerusalām. ⁶ Ih-en Xānan wa n Əlimam wa Zəwwəran əd Kayif, əd Yaxya d Alaskandər d aytedan n aɣaywan n Əlimam wa Zəwwəran ket-nasan. ⁷ Əssəbdadan Butros əd Yaxya gar-essan, əsəstanan-tan ənnan-asan: «Ma ilan tarna madex esəm was təgam adi?» ⁸ Təzzar inn-asan Butros id-kāran Infas wa Zəddigan: «Ya imuzaran ən tamattay-nana d əmɣaran n İsrayil, ⁹ əzalada nəbdād dat asaggawar wa fəlas nəga əmazal olāxan imosan tilalt y awedan ibdānan, amaran ilzām-ana ad nəməl əmmək was itawazozay. ¹⁰ Əssənət za ket-nawan, kawanay d aytedan n İsrayil kul as, aləs wa ibdadan dat-wan da wər ila malad waliyyan, tarna n esəm ən Xaysa Əlməsix wa n Nazaret a t-izzozayan, wa tətəytayam fəl təgəttawt, issənkar-t-idu Məššina daɣ təmattant. ¹¹ Xaysa, ənta a imosan "təhant ta din-təgaram kawanay win makrasan, amaran ənta a təqqalat təhant ta təkbalat ehan." ¹² Ənta xas a iɣallasan, amaran wər ikfa Məššina gər jənnawan d amaɣal esəm n awedan iyyan was za nəxləs ar wa-net.»

¹³ As ənayan taholat ən Butros əd Yaxya awal isammaklal sər-san awen fəlas əgran as aljahilan a əmosan, əssānan dəx as aytedan a əmosan as kala tiddawan əd Xaysa, ¹⁴ mišan wər t-illa as əfrāgan a dasan-t-annin fəlas hannayan aləs wa itawazozayan ibdād den ɣur-san. ¹⁵ Təzzar əkkasan-tan daɣ ahan wa daɣ immənay asaggawar, amaran ad tinəməggin šinaden. ¹⁶ Gannin: «Ma za nagu y aytedan a? İllikan as ənāyan Kəl-Yerusalām kul təlməxjujət zəwwərat ta əgan, amaran wər nəfreg əsəbbəhəw-net. ¹⁷ Mišan ya fəl ad wər wəziwəzan salan n awen daɣ tamattay kul, daɣ adi əgiwatana y-asan šisəksədawen fəl a du-wər-ələsan adakal n esəm ən Xaysa dat awedan waliyyan.»

¹⁸ Təzzar sassaxran-tan-du, ərɣaman-asan fəl a du-wər-ələsan adakal n esəm ən Xaysa wala dəx əsəssəxri n arət a t-iqqālan. ¹⁹ Mišan inn-asan Butros əd Yaxya: «Kawanay iman-nawan ma tən-nam: Məni daɣ aratan win wa oɣadan dat Məššina: awak əbərdəg y-awan məx əbərdəg i Məššina?

²⁰ Nakkanay za, wər nəfreg ad nayyu emel n aratan

win nənay əd win as nəsla.» ²¹ İlas-asan asaggawar igi n təsəksədawen, amaran oyyan-tan, id wər əgrewan əsarı fəl tan-əwwəddaban. Əgān awen fəl əddəlil n aytedan, fəlas aytedan en ketnasan taggin i Məššina təmmalen fəl awa igan den. ²² Ənta aləs wa igan təməzzəyt təmosat təlməxjujət ten, elan-net ogaran əkkozət təmərwen n awatay.

Şiwatriwen ən məzzəgzan əs Xaysa a dasan-olaman fəl man

²³ Itawayya Butros əd Yaxya xas, əkkan imi-dawan-nasan, əssoxalan-asan awa dasan-ənnan muzaran ən limaman d əmɣaran ən Kəl-Əlyəhud. ²⁴ As əslan i salan win, jajjayen daɣ təwatray ta, s əwəl iyyanda, ənnan s afalla: «Ya Əməli, kay a d-ixlakən ijənnawan d amaɣal, əd gərwan d awa tanihan kul, ²⁵ kay a innan əs tarna n Infas wa Zəddigan s əmi n amaraw-nana akli-nak Dawəd: "Mafel xışašatnat addawlaten n əddənet, tagginat təmattiwen šinaden wər nənfa wala? ²⁶ Əbdadan mənokalan n əddənet, əddewan dəx muzaran daɣ adag iyyanda, fəl ad ammaddin Əməli d Əlməsix-net." ²⁷ Id illikan as, aɣrəm wa da, a daɣ immənay Herod əd Fons Bilatəs əntanay əd təmattiwen šin nəzzulam əd šin İsrayil, əmməddan Xaysa, imosan Akli-nak zəddigan, wa təgəx Əlməsix. ²⁸ İmos awen igi n arət ketnet was təxtasa fəl igi-net dat alwaq əs tarna-nak əd tara-nak. ²⁹ Amaran əmərədda Əməli, əswəd daɣ təsəksədawen šin dana-taggin, təzzar təssəhəlay-ana wəllen nakkanay an eklan-nak emel n awal-nak, ³⁰ tilalay-ana əs tarna n əfus-nak fəl ad nəzzuzəy aytedan, nagu təlməxjujaten d aratan əmosnen aɣalamaten s esəm ən Xaysa, Akli-nak Zəddigan.» ³¹ As əxradan təwatray-nasan in-əgaynəgəy adag wa daɣ əddewan, idnay-tan Infas wa Zəddigan ketnasan, təzzar ad əmmālan awal ən Məššina ši wala tasa.

Tartəyt ta əgan məzzəgzan

³² Əljəməxət ta n məzzəgzan ketnet tənimmannak təmos arət iyyanda. Wər tan-ıha i igannin awa ila, i-net xas-net, kalar ədrāwan arət kul wa əlan.

³³ Tagayyen nəmmuzal əs tarna zəwwərat fəl tanakra n Əməli Xaysa daɣ təmattant, ikf-en dəx Məššina ketnasan arraxmat-net s igət. ³⁴ Əljəməxət en wər tat-ıha i iddiraran əs wala, fəlas win daɣ-san əlanen inan madex šiwəgas zanzan-tan-in, tawayan-du attaman-nasan, ³⁵ hakkin-tu i nəmmuzal, amaran itəwizən gər məzzəgzan ewālan dəgran-nasan s awa dər ogdanat təməxutar-nasan.

³⁶ Awen da a iga aləs iyyan igān Yusəf imosan iyyan daɣ Kəl-Lebi n akal ən Qıbrus. Ənta as əgan nəmmuzal təsəmmədəq Barnabas, almaɣna «Ənalam fəl man» ³⁷ İzzənz-in tawagost təhat təla-net, ewaydu attaman-net ikf-ay i nəmmuzal.

Bahu wa iga Ananəyâs əd Safira

5 Ill-ay aləs iyyan igân esəm Ananəyâs a din-izzinzan, ənta əd təntut-net Safira, tawagost-net, 2 təzzar inamarda əd təntut-net fəl a din-ittəf arat dağ əzrəf wa din-tənza, eway-du awa hadan, ikf-ay i nəmmuzal. 3 Inn-as Butros: «Ananəyâs, mafel as toyyex Aşşaytan iga y əwəl-nak iguz ogdân d awa, ewad dağ-ak ad taga y Infas wa Zəddigan bahu s iduf wa din-təgey arat dağ əzrəf wa din-tənza tawagost-nak? 4 Harwa tat-in-wər-təz-zənza, wərgex təla-nak a təha? As tat-in-təzzənza deḡ, wərgex azrəf wa tat-in-təzzənza kay a ittafan tanat-net? Dağ adi, mafel təsamarkasa dağ əwəl-nak igi n əmazal ogdân d awa? Wərgex aytedan as təgey bahu, kalar Məşşina əs tu-təgey.» 5 As isla Ananəyâs i batu ten, ifataqqat, əgmadan-tu man. Təggaz tasa zəwwərat aytedan kul win əslanən awen. 6 Təzzar osan-t-idu meddan ən mawadan, əgan-tu dağ şifit, əqlan dər-əs ənbalan-t-in. 7 Edag ən karadat assaxaten dəffər awen, tosa-du təntut n Ananəyâs, wər təssen fəl awa igan. 8 Issəstan-tat Butros, inn-as: «Safira, əməl-i, awak tawagost-nawan azrəf wa tat-in-təzzənzam, ənta da da ketnet?» Tənn-as: «Awalla, ənta əddi da.» 9 Təzzar inn-as Butros: «Manəmmək əs tənammakam fəl igi ən taremt y Infas wa Zəddigan? Səsəm, meddan win din-ənbalən aləs-nam əllân dat əmi n ahan; a kam-awəyan kam da.» 10 Təfataqqat tamazayt ten da çur daran ən Butros, əgmadan-tat man. Əggazan-du meddan winad ən mawadan a, osan-tat-du wər tədder, ewayan-tat ənbalan-tat-in dəgma n aləs-net. 11 Eway-du awen as təggaz tasa labasat Əlkənisat ketnet d aytedan kul win əslanən awen.

Inəmmuzal dat Asaggawar wa Zəwwəran

12 Taggin nəmmuzal təlməxjujaten aggotnen əmosnen alçalamatən d aratan aggotnen simaklalənən dağ aytedan. Tamanayan faw məzzəgzan əs Xaysa ketnasan, daw tafala n Ahan wa Zəwwəran n Əlyibada tas itawannu «ta n Suliman». 13 Əssiçmaran-tan aytedan mişan wər-t-illa i ihalan a tan-in-ihaz. 14 Dər iga awen da ya, tittəyan s aytedan əknənən igət əgānen dağ meddan əd tədodən win zagzannen s Əməli. 15 Har as, tamawayan-du miranən tawasansin dağ tessaten madex şisalaten fəl afay ən tarrrayən ən Yerusalam, fəl a din-tawəd kuddeḡ telay ən Butros wiyjad dağ-san as d-illam den. 16 Tazalan-du deḡ aytedan əknənən igət ən çərman win əhoznen Yerusalam, əs Yerusalam ewāyan imiranən-nasan d aytedan-nasan win əssəranən kələsuf. Ketnasan deḡ tiwəzuzəyan.

17 Əggaznat təsmiten labasən Əlimam wa Zəwwəran ənta d aytedan kul win təximit-net, ən taggayt ta n Sadasaytan, 18 təzzar ənkarən satar-masan inəmmuzal əgan-tan dağ kasaw dat awedan

kul. 19 Mişan osa-du angalos n Əməli ehad, olam şisəhar ən kasaw, ikkas-tan-du, inn-asan: 20 «Akki-wat Ehan wa Zəwwəran n Əlyibada, təməlam y aytedan isalan kul win təməddurt ta taynayət.» 21 Əgan nəmmuzal awa dasan-itawannan, ənzayan s Ahan wa Zəwwəran n Əlyibada, a dağ-as sasaxrin aytedan.

As d-osa Əlimam wa Zəwwəran ənta d aytedan win təximit-net, sassaxran-du Asaggawar wa Zəwwəran almaçna içmarən kul win əmosnen şig-gətawən ən Kəl-İsrayil, amaran əssəgmayan inəmmuzal əs kasaw. 22 Osan-in məşşaxalan win tan-əgmaynen ehan ən kasaw, mişan wər tan-in-ogezan dağ kasaw, təzzar əqqalan əgan isalan, 23 ənnan: «Nos-in kasaw ketnet itimantammat, əbdâdan sojitan win t-ogaznen dat mawan-net, mişan əs nolam təsəhərt ən kasaw, wər dağ-as in-nosa awedan waliyyan.» 24 As isla kabtan ən sojitan win tagaznen Ehan wa Zəwwəran n Əlyibada, əd muzaran ən limaman i salan win den, əqqanan çafawan-nasan, ad samadrənən dağ awa z'iqqəl awen. 25 Əhân ten da as tan-d-osa awedan, inn-asan: «Səsəmat! Meddan win təgam dağ kasaw, əbdâdan dağ Ahan wa Zəwwəran n Əlyibada, sasaxrin dağ-as tamattay.» 26 Təzzar igla kabtan alwaç wen da iddew əd sojitan-net əbazan-du inəmmuzal, mişan wər tan-ədəsan fəlas əksudan a sər-san du-təggəd tamattay əntanay en da, tanç-en əs zabaw ən təgur.

27 As tan-d-ewayən, zazzakken-tan dat Asaggawar wa Zəwwəran, təzzar issəstan-tan Əlimam wa Zəwwəran, 28 inn-asan: «Wərgex nəçəm-awan wəllən fəl a imosan əsəsəçri n awedan waliyyan dağ batu n esəm di? Mişan ənəyat awa təgam! Təzawwazawazam dağ Yerusalam ketnet əsəsəçri-nawan, tərâm a dana-təssəwaram tamattant n aləs di.» 29 Inn-asan Butros əd nəmmuzal win hadatnen: «Məşşina as danaç-ilzam a das-nabardag, wərgex aytedan! 30 Məşşina, Əməli ən marawan-nana a d-issənkarən Xaysa was təgam iman-net s ətəytəy wa tu-təgam fəl təgəttawt. 31 Ənta a da, a idkal Məşşina ig-ay dağ əçil-net, ig-ay Əmuzar d Əmaçlas y ad igrəw i Kəl-İsrayil tar-rayt ən tətubt, əgrəwan təsureft ən bakkadan-nasan. 32 Nəmos şigəyyawən n awen, nakkanay d Infas wa Zəddigan ihakku Məşşina y aytedan win əlkamnen i tara-net.»

33 As əslan muzaran n Asaggawar wen i batu ten, iggaz-tan alham labasan, əran a dağ-san əkkasan iman. 34 Mişan ibdad iyyan dağ-san ən taggayt ta n Fərisaytan igân esəm Gamaləyel imosan əmusan zəwwəran n Əttəwret, əssiçmarən aytedan kul, omar s ad təwəkkəsan nəmmuzal dağ ahan wa dağ iga əməneç har din-agin arat n amazay, 35 amaran inn-asan: «Kəl-İsrayil, ənkedat y a was təräm a tu-tagim i meddan en. 36 Wər irəw adi as d-inkar aləs igân Tedaş inna ənta imos arat, təzzar əlkaman-əs meddan ewādnən əkkozət təmad n aləs. Ənta za iman-net itawança kərəz, meddan win das-əlkam-

nen wazawazan, ibənnan awen ketnet. ³⁷ Dəffər-əs, daɣ azzaman win tuddant, inkar-du iyyan aləs igân esəm Yahuza wa n Galilaya, isaffallag aytedan aggotnen, əlkaman-as. Ənta da za, itawaxa kərəz, təzzar wazawazan aytedan kul win das-əlkamnen. ³⁸ Daɣ adi daɣ talxa ta, ənnəsixa wa dawan-z-aga: Əgmədat batu ən meddan en, tayyim-tan ad aglin; fəlas kud arat wa ənnəyən madex wa taggin wər imos ar arat ərân aytedan a, wədi ad ibərəjjət. ³⁹ Mişan kud arat a imos as Məşşina a t-iran, wədi wər təfregam əzərəz-nasan. Ənkədat, a din-wər-tagrim iman-nawan təmosam əllid ən Məşşina.» Təzzar əttafan ənnəsixa-net. ⁴⁰ Sassaxran-du inəm-muzal, sassagan-asan šiwwit labasnen s ələkkud. Dəffər awen ərɣaman-asan fəl a du-wər-əlesan adakal n esəm ən Xaysa, amaran oyyan-tan. ⁴¹ Əfalan nəmmuzal ehan wa daɣ itamanay Asaggawar wa Zəwwəran, əknân tədəwit id Məşşina a tan-issəharan d ad tawasaknin məkla fəl əddəlil ən Xaysa. ⁴² Akk əzəl, gər za daɣ Ahan wa Zəwwəran n Əlyibada wala deɣ daɣ nan n aytedan, wər kala əmməzzayan d əsəssəxri d igi ən salan n Əlinjil a tan-imosan əs Xaysa ənta a imosan Əlməsix.

İssa meddan win tawasanafrannen y ad ilalan i nəmmuzal

6 Azzaman en, inalkiman ən Xaysa tittəyan wəllen. Eway-du awen as gatantanan Kəl-Əlyəhud win əşşəwalnen təlyunant fəl Kəl-Əlyəhud win əşşəwalnen təlyibrit fəlas wər tətawagga masnat tolâxat daɣ tədoden-nasan şin as aba meddan-nasnat xur təzunt ta tawaggin mensewan akk əzəl. ² Adi a fəl sassagan nəmmuzal win maraw d əşşin əməney təha əljəməxat ən nalkiman ən Xaysa kul, ənnan-asan: «Wər ihor ad nayyu emel n awal ən Məşşina fəl ad nannataf əd təzunt ən mensewan. ³ Daɣ adi imədrayan-nana, sənnəfrənət daɣ-wan əssa meddan as təga masnat fəl əlluɣ-nasan, idkâr-tan Infas wa Zəddigan, əmosan imusanan, a tan-nəsənnəttəf d əşşəxəl wədi. ⁴ Nakkanay amaran nəgməd s igi ən təwatriwen d əşşəxəl wa n amel n awal ən Məşşina xas.» ⁵ Tanat ten, toggam-tat aljəməxat ketnet. Təzzar sannafranan Əstefanos imosan aləs izzigzanan wəllen, idkâr-tu deɣ Infas wa Zəddigan, əd Filibus əd Frukurus əd Nikanor əd Timun əd Barmenas əd Nikolayos wa n əxgrəm n Antəyoxəya as kala-net əddin wa n Kəl-Əlyəhud a iha. ⁶ Təzzar əssəbdadan-tan dat nəmmuzal, əssəwaran-tan nəmmuzal ifassan, əttəran-asan. ⁷ Ad itəyttəy ətəwəsəxmar wa itawaggan y awal ən Məşşina. Təzzar əttəyan nalkiman ən Xaysa wəllen daɣ Yerusalām, fadda əhdan-du limaman ən Kəl-Əlyəhud aggotnen əs Xaysa, əzzəgzanan as Əlməsix a imos, əlkaman y awas omar.

Ətərməs n Əstefanos

⁸ Əstefanos aləs a imos iknân agaraw n arraxmat əd tarna ən Məşşina. Itamazal dat aytedan aratan simaklalnən əd təlməxujatən əmosnən alxalamat-en zawwarnən. ⁹ Təzzar ənkarən-du aytedan wiyyad n ahan n əlxibada ən Kəl-Əlyəhud was itawannu «wa n Dərfan» əs wiyyad daɣ-san Kəl-Əlyəhud ən Qərwan, wiyyad in əxgrəm n Alaskan-drəya, wiyyad in akal wa n Kilikəya əd wa n Asəya, ad tamaxan d Əstefanos. ¹⁰ Mişan wər t-illa a dər din-əkkân masnat ta t-ikfa Infas wa Zəddigan. ¹¹ Təzzar ərzaman i meddan wiyyad daɣ əssir fəl ad əssəwaran Əstefanos bahu, ann-in: «Nəsl-əs itaggu batuten əmosnən ikus ən tarna i Məşşina, əmosnat deɣ iba n safrar n ənnəbi Musa.» ¹² Əgan s awen alham daɣ tamattay əd muzaran ən Kəl-Əlyəhud əd musanan n Əttəwret. Wər isla Əstefanos wala as t-id-osan aytedan, əbazan-tu. Ewayan-tu s Asaggawar wa Zəwwəran ən Kəl-Əlyəhud. ¹³ Təzzar əssəbdadan şigəyyawən ən bahu, ənnanət: «Aləs wa, wər itəməzzəy d abayak n ahan wa zəddigan [wa] d Əttəwret. ¹⁴ Igməd aşşak as nəsl-əs as inna, ilkâm ad ijəbbərəjjət Xaysa di ən Nazaret di ehan wa, isəmməttəy alxadaten şin dana-d-oyya Ənnəbi Musa.» ¹⁵ Əgaran aytedan ketnasan win asaggawar şittawən daɣ Əstefanos, iqqal sər-san udəmnet zun in angalos.

Təlxutbat n Əstefanos dat Asaggawar wa Zəwwəran

7 Təzzar issəstan Əlimam wa Zəwwəran Əstefanos, inn-as: «Awak aratan win tidət?» ² Inna Əstefanos: «Kawanay imədrayan-in d abbatan-in, səsəmat-i! Məşşina di n əməli ən tanaya, ənta as kala a d-inafalal y amaraw-nana İbrahim harwa iha akal wa n Mezobotaməya, dat təməxsurt-net daɣ akal wa n Xaran. ³ Inn-as: "Əgməd akal-nak əd marwan-nak, takkax akal wa kay-z-assakna." ⁴ Təzzar igmad İbrahim akal wa n Kasdaytan, ixsar daɣ wa n Xaran. Dəffər iba n abba-net a t-id-isagğalat Məşşina s akal wa da daɣ təxsaram da azalada. ⁵ Akal wa, wər daɣ-as ikfa Məşşina İbrahim edag as z'iggəzan təkasit-net, wala xas edag daɣ issənsa adar-net, mişan idkal-as Məşşina arkawal n a *das-t-akfu ənta d əzzurrəyya-net*, kuddeɣ as alwaq wən, wər ila İbrahim ara waliyyan. ⁶ Ənta da awa inna Məşşina: "*Thayawan-nak ad əxsəran daɣ akal a daɣ əmosan ixərab, əqqəlan daɣ-as eklan, ad tawaxaxazzaban har agin əkkozat təmad n awatay.*" ⁷ Mişan *addawlat ta tan-təgat eklan, nak iman-in a tat-z-abəzan s əşşərixa, dəffər adi, əkkəsaq-qan-du daɣ-as, əxəbdan-i daɣ adag wa da.*" ⁸ Təzzar inamagga Məşşina d İbrahim arkawal ən tassaɣ s ənta as imos əmənkəd ejwalnet. Adi a fəlas, as ihəw barar-net İsəhaq isam-mankad-tu əzəl wa n əttam dəffər təhəwt-net. Iga

Isəhaq awen da i barar-net Yaquub, Yaquub dəx iga awen da i bararan-net əmosnen maraw d əşšin, win əmosnen aljadan-nana. ⁹ Ənkaran meddan win əmosnen aljadan-nana əmmənəzəyan amadrayan-nasan Yusəf, təzzar əzzənzən-t-in, immeway s akal ən Masar; mişan issan dəx-as Məşşina. ¹⁰ İkkas-t-idu Məşşina dəx təməxutar kul šin iggaz. İkf-ay masnat, d udəm xur Firxawna wa n əmənokal ən Masar, har as ig-ay Firxawna daw-əs, izzozar-tu y akal ən Masar d ayaqwan-net ketnet.

¹¹ Dəffər awen, iga laz dəx akal ən Masar ketnet, ənta əd wa n Kanan. Ad təxəzzaban aytedan wəllen, aba i meddan win əmosnen aljadan-nana a ətşan.

¹² As isla Yaquub as Masar tah-et təbzəst, izam-mazal sər-əs meddan win dana-sahhayawnen, imos awen iki-nasan y-as wa azzaran. ¹³ Xur iki-nasan Masar wa n əşšin, ad izzəzday Yusəf iman-net i mədrayan-net, əggazan dəx salan Firxawna n ayaqwan wa d-igmad Yusəf.

¹⁴ İssəgmay Yusəf abba-net Yaquub əd marwan-net kul, əmosan əssayat təmərwən n awedan əd səmos. ¹⁵ Təzzar iras Yaquub akal ən Masar, s ənta a dəx t-aba, aba dəx-as dəx imarawan-nana. ¹⁶ Əmmewaynat təxəswen-nasan s əxrəm ən Şəkem, tawanbalnat dəx əzəkka wa izzənzə İbrahim azrəf wa ibalalaqan xur maddanəs ən Xamor dəx Şəkem, y ad iqqəl tanbəl-t-net.

¹⁷ As d-ihoz alwaq wa dəx z'assandu Məşşina arkawal wa fəl ihad y İbrahim, tamattay-nana tət-təy, təməs taxlək tagget dəx Masar, ¹⁸ har "iggaz iyyan əmənokal wər nəssen fəl Yusəf taxmar [ən Masar]."¹⁹ İkkərras kəl-tamet-nana, iga i marawan[-nana] əzəxəzzəb labâsan har âs işah-şaşal-tan a din-tayyin bararan-nasan win əs səkət əhəwan dəx əsuf fəl ad wər əddərən. ²⁰ Azzaman en da a dəx ihəw Musa, imos barar ihossayan, igrâwan arraxmat ən Məşşina. Əttafan-tu marwan-net dəx ahan-nasan har iga karadat təlil.

²¹ Oyyan-t-in marwan-net xas fəl afay n Ənnil, tənay-tu tabarart ən Firxawna, tədkal-tu tæg-ay barar-net, tæg-as əsədwəl wa za tagu i barar ən tədist-net. ²² İtawasasaxru Musa masnat kul ta n Kəl-Masar, iqqal aləs ilân tənna dəx awa igannu d awa itaggu.

²³ As iga əkkozat təmərwən n awatay əd təhəwt, iggaz-t-id a din-asu imədrayan-net Kəl-İsrayil inəy awa dər t-əllan. ²⁴ İnay iyyan dəx-san tawagginat-as tarşəxşad, oş-as šinaqen, iga iman n aw Masar wa das-itaggin ark aratan.

²⁵ İxil ad agrin mədrayan-net Kəl-İsrayil as Məşşina a t-id-izammazalan sər-san fəl a tan-assafsu, mişan wər əgren awen. ²⁶ Əzəl wa ilkaman i wen, osa-du əşšin dəx-san əknâsan. İgmay d a tan-aknu, nəməggin alxer, inn-asan: "Məddan, kawanay əmosnen imədrayan, mafel as tətinnəməyim?"

²⁷ Mişan ibdaq-q-in aləs wa itaggin tarşəxşad y əmide-net, inn-as: "Ma kay-igan əmuzar-nana wala

*əmaşray-nana?*²⁸ *Əngəm a tarex a di-taga tenayay ta təgey y aw Masar wa n əndazəl?"*

²⁹ Isla Musa i batu ten xas, təggaz-tu tasa, igmad Masar ilxas dəx akal wa n Midəyan, iqqal dəx-as əxərrib, izlaf dəx-as igrav əşšin bararan. ³⁰ As əganat əkkozat təmərwən n awatay dəffər awen, "inafalal-as-du angalos dəx təfsəq təbilaglagat dəx taneray xur ədyay" wa n Sinay.

³¹ Isammaklal əs Musa arat wa das-d-inafalal den. İtihaz-in za tafsəq fəl ad annaflay dəx awen, as isla y əməsli n Əməli Məşşina as das-inna:

³² "Nak a imosan Məşşina ən marawan-nak, Əməli n İbrahim, d İsəhaq əd Yaquub." Təndaw taysəst Musa ab'as ihal ad iləs asawad dəx təfsəq en.

³³ Inn-as dəx Əməli: "Əkkəs iyatəman-nak, fəlas edag wa dəx təbdadax əddi amađal zəddigan a imos."³⁴ *Əyxəyyanay alyazab wa tətəggu tamattaynin dəx Masar, əsləy dəx i hərərrəkitan-nasan. Əz-zəbbe-du fəl a tan-assafsa. Əməredda ihaz-du, a kay-zəmmizəla əs Masar.*" ³⁵ Musa wen da, a ənku-ran əs tənna ta das-əgan: "Ma kay-igan əmuzar-nana wala əmaşray-nana?" Ənta en da za, a d-izammazal Məşşina y ad izar i Kəl-İsrayil, isəddərfət-tan, əs tarna n angalos wa das-d-inafalalan dəx təfsəq. ³⁶ Ənta en da, a tan-d-ikkasan dəx Masar s aratan simaklalnen win itaggu əd təlməxjujaten əmosnen alxalamaten ən tarna ən Məşşina. İga aratan wiyyad simaklalnen əd təlməxjujaten əmosnen alxalamaten xur aradaq wa əgan dəx Agaraw was itawannu wa Zaggaxan, igla itaggu awen da dəx taneray har iga əkkozat təmərwən n awatay. ³⁷ Musa en da, a innan i Kəl-İsrayil: "İlkâm a sər-wan d-izəmmizəl Məşşina ənnəbi iyyan ən şilat-in, a kawan-du-z-igmədan."³⁸ As təddew tamattay n İsrayil dəx taneray ən Sinay, ənta en da a ibdadan gər marawan-nana win den d angalos wa das-işşewalan fəl ədşağ wa n Sinay, təzzar ikf-ay Məşşina awalan hakkinen təməddurt y a dana-taniməl. ³⁹ Mişan uqayan marawan-nana s ad əlkəman y awa inna Musa, uqayan sər-əs, saddranan ad əqqəlan Masar. ⁴⁰ Ənnan i Harun: "Ag-ana imalan a z'əməlnen dat-na, fəlas Musa wa dana-d-ikkasan dəx akal ən Masar da, wər nəssen awa dəx-as in-igan."⁴¹ Adan en da a dəx əgan əssənəm igân təməwit a n abarkaw, əkatan fall-as. İsidawat-tan wəllen arat wa əgan əs fassan-nasan.

⁴² Təzzar inamagğag dər-san Məşşina, oyy-en əd man-nasan, əxbadan təfuk əd təllit d etran, imos awen arat ənnân Əlkəttaban, as ənnan: "Ya Kəl-İsrayil, awak nak as tətəggin şizəgzam əd təkutawen dəx əkkozat təmərwən n awatay šin təgam dəx teneray?"⁴³ *Wərgəx ahaket n əssənəm wa igan Molox a tewayam, əd şaşşelan n ətri wa igan Rəmfan wa n əssənəm-nawan, əmosnen əssənəman win təgam*" fəl a tan-təxbədəm! "Adi fəl kawan-z-əstəxa har takəyam" Babəylon. ⁴⁴ Amaran imarawan-nana win d-ikkas Məşşina dəx Masar əggazan teneray, əlân əhaket wa n əməyəy əd

Məşşina, was omar Məşşina Musa s ad t-agu s əm-mək wa t-issəkna. ⁴⁵ Ahaket en, iggaz-du əs marawan-nana win dəffər win den, azzaman win daɣ dasan-azzar Joswe, ewayan-tu s akal wa əbazan, s ənta a daɣ istay Məşşina tawšeten dat-san. Iggaz ahaket wen akal en da har azzaman n ənnəbi Dawəd. ⁴⁶ Ənnəbi Dawəd igrâw arraxmat ɣur Məşşina. Ənta a igmayan daɣ Məşşina turagat n ad ikrəs ehan y Əməli ən Yaquub.

⁴⁷ Mišan ənnəbi Suliman a igrawan turagat ten, ikras ehan y Əməli Məşşina. ⁴⁸ Dər iga awen da ya, Məşşina di n Amadkol wər ixser daɣ a əkrasan fas-san n aytedan. Adi a inna ənnəbi Isayas as inna: ⁴⁹ Inna Əməli Məşşina: "*Ijənnawan a əmosnen təx-awit-in ta n taɣmar, amaɖal wər imos ar arat illan daw daran-in. Daɣ adi ma imos əzzənəf n ahan wa di-za-təkrəsam? Madəɣ edag wa daɣ z'assan-fa?*"⁵⁰ Wərgəɣ əfus-in a d-ixlakan adi kul?"⁵¹ Har-wa inn-asan Əstefanos: «Ya meddan win əqqəssat-nen, təxfâlam iwallas-nawan, tədbâɣam šiməzzu-gen-nawan wər təzlayam d aytedan wər nəksud Məşşina, faw tugâyam s Infas wa Zəddigan. Adi da a əgan marawan-nawan. ⁵² Məni daɣ ənnəbitan wa wər zaɣɣazzaban marawan-nawan? Əgan iman ən nəmmuzal ən Məşşina win əmalnen dat alwaq assa ən Wa Oɣadan, as kawanay əmərədda a t-ikkəd-dalan təgam iman-net. ⁵³ Kawanay win d-issoka Məşşina angalosən ewâynen əlqanun-net, mišan tugayam s a das-təlkəmam.»

Tamattant n Əstefanos

⁵⁴ As əslan i batu ten, iggaz-tan alham labasan, ad samadadan fəl alham n Əstefanos.

⁵⁵ Mišan ənta idkâran Infas wa Zəddigan, idkal asawad-net sa sər jənnawan, inay tanaya ən Məşşina, inay deɣ ɣaysa ibdâd daɣ əɣil ən Məşşina.

⁵⁶ Təzzar inn-asan: «Ənəyat, ijənnawan ənnolan-man! Hannayaɣ Ag Aggadəm ibdâd daɣ əɣil ən Məşşina.»

⁵⁷ Əslan y awen ɣas, ad zayyakan ədbâɣan šiməzzugen-nasan, əggadan-in ketnasən s Əstefanos, əbazan-tu. ⁵⁸ Ekkasan-tu daɣ əɣrəm, ad t-əggaran əs təhun. Amaran meddan win fall-as əgəyyatnen, aləs n ammas igân esəm Talut a ɣur əssənsən ibərnaz-nasan. ⁵⁹ Eggâran Əstefanos əs təhun as ittar inna: «Ya Əməli ɣaysa, əqbəl iman-in!»

⁶⁰ Dəffər awen, igarəffat, idkal əməsli-net s afalla, inna: «Ya Əməli, a tan-wər-təssəwaray əbakkad wa!» As inna awen, əgmadan-tu man.

8 Amaran Talut ənta, iha win ərdanən s ətəwənɣa n Əstefanos.

Təttəyt n Əlkənisat - Šiggəyyawen daɣ Yahudəyya əd Samarəya

Ətəwədgaz d əwəziwəz ən məzzəgzan əs ɣaysa

Əzəl wen da ad tənta təssust labasat fəl Əlkənisat ta təhat Yerusalam; təzzar wazawazan əlməsixitan ketnasən daɣ kallan win Yahudəyya əd Samarəya. Wər d-iqqim daɣ Yerusalam ar inəmmuzal. ² Osan-du meddan ən miksadan ən Məşşina, ənbalan-in Əstefanos. Əyyəwanan fall-as tala.

³ Talut ənta, issənta daɣ əhluk n Əlkənisat. Irzag inan, ilabbay-du daɣ-san meddan əd tədoden, iggar-tan daɣ kasaw.

Emel ən Filibus isalan win Əlinjil daɣ Samarəya

⁴ Amaran iməzzəgzan əs ɣaysa win təwazawaz-nen den, ərzagan akal ketnet əmmâlan y aytedan isalan win əhanen Əlinjil.

⁵ Awen da a d-ewayan Filibus s əɣrəm iyyan n akal ən Samarəya a daɣ-as immâl y aytedan isalan n Əlməsix. ⁶ As təsla aljaməyat tagget təniman-nakat y awal ən Filibus, tənay deɣ təlməxjujaten šin itaggu əmosnen alɣalamaten ən tarna ta igraw, təsoɣal-in ənnəyat-net aratan win igannu. ⁷ Fəlas aytedan aggotnen a əgmadan kələsuf. As tan-du-gammadan, takkasan imaslan labasnen. Tawazozayan deɣ nəbdan əd məggudal aggotnen. ⁸ Eway-du awen tədəwit agget daɣ əɣrəm en.

⁹ Amaran əɣrəm en, ih-ay aləs iyyan n amassaxar igân esəm Simɣon itaggin išaɣawan simaklalnen s aytedan ən Samarəya. Igannu ənta awedan zəwwəran a imos. ¹⁰ Aytedan kul sasaman-as s əl-luɣ, gər za win wər nəla almaqam, wala win t-ələnen, gannin: «Aləs wa, tarna n Əməli tas itawannu ta togarat a imos.» ¹¹ Aytedan win sasaman-as s əl-luɣ, fəlas irəw itagg-asan išaɣawan sər-san simaklalnen.

¹² Mišan as əzzəgzanan i Filibus a dasan-immâlan isalan ən taɣmar ta n Məşşina əd tarna n esəm ən ɣaysa Əlməsix, tawasalməyan daɣ aman, meddan harkid tədoden. ¹³ Izzəgzan Simɣon ənta da, itawasalməy daɣ aman; iltay daɣ Filibus. Əqqânnat alɣalamaten ən tarna əd təlməxjujaten zəwwarən šin itaggu Filibus əɣaf-net.

¹⁴ As əslan nəmmuzal daɣ Yerusalam as Kəl-Samarəya əqbalan awal ən Məşşina, zammazalan sər-san Butros əd Yaxya. ¹⁵ As tan-in-osan, əttaran-asan a fall-asan d-izazzabben Infas wa Zəddigan, ¹⁶ fəlas harwa da wər tan-iha i fəl d-izzibbat, ətəwəsəlməy ɣas a tawaggan daɣ aman s esəm n Əməli ɣaysa. ¹⁷ Təzzar a tan-isawar Butros əd Yaxya ifassan-nasan, garrawan Infas wa Zəddigan. ¹⁸ As inay Simɣon as, Infas wa Zəddigan əsəwər ən fassan ən nəmmuzal as itawagraw, igmay daɣ-san

a tan-akfu azrəf, inn-asan: ¹⁹ «Akfiwat-i nak da tar-na tədi, tas i əssəwara ifassan-in ad igrəw Infas wa Zəddigan.» ²⁰ Inn-as Butros: «Təhləkəget kay d əzrəf-nak, zama təyila təfrəgay a tazzanza təhəkut ən Məşşina. ²¹ Batu ta, wərmad tat-təhey za wala təley day-as tanat fəlas əwəl-nak wər oyed dat Məşşina. ²² Day adi utab day əşşur-nak, tan-səya Məşşina a dak-issurəf ark ənnəyat ta təhat əwəl-nak, kud immikkan adi. ²³ Fəlas hannayəx as, əwəl-nak wər idker ar tara n əddənet labasat d iba n aqqad.»

²⁴ Təzzar inn-asan Simyon: «Ansəyat-i Əməli kawanay iman-nawan fəl a di-wər-abəz s awa tən-nam.» ²⁵ Butros əd Yaxya win nəmmuzal, as əmalan y aytedan awa əggəyən fəl Xaysa Əlməsix, əməlan-asan dəy awal n Əməli, əqqalan Yerusalam. Əmalan isalan n Əlinjil day təxarmaten aggotnən ən Samarəya šin əhanen tarrayt-nasan.

Filibus d aləs iyyan n Etəyofəya

²⁶ Dəffər awen išşewal angalos n Əməli i Filibus, inn-as: «Ənkər tawəya əd tarrayt təkkât ağala ta təgmadat Yerusalam teras təkka Gaza.» Tarrayt ten, təssuf. ²⁷ Inkar Filibus, igla. Ijiwankat day tar-rayt as immənay d aləs n ənazum n akal n Etəy-ofəya imosan awedan zəwwəran day təxmar ən Kandas ta n təmənokalt n Etəyofəya s ənta a in-nəttafan d ərrezəx kul wa n təmənokalt en. Osâ-du Yerusalam fəl a day-as ixbəd Məşşina. ²⁸ Iqqâl akal-net, iqqîm day amalankay-net, iğarru əlkəttab n ənnəbi Isayas.

²⁹ Inna Infas wa Zəddigan i Filibus: «Ihaz-in amalankay en, təmmudəyax i məşşis» ³⁰ Ozal-in sər-əs Filibus. Isl-as iğarru əlkəttab n ənnəbi Isayas, inn-as: «Awak təgrex almağna n awa təxarra əddi?» ³¹ Inn-as aləs wen: «Manəmmək as tu-z-agra, wər t-illa awedan a di-t-iffəssaran?» Təzzar igmay day Filibus a d-iwən, aqqam dəgma-net. ³² Edag wa iğarru day əlkəttab en, ənta da awa in-na: «*Ittilway zun tilay s adag n agazam, təfastit a itaggu əjayol y aytedan lazzinen təduft-net a iga, wər d-igmed əlxərəf imi-net.*» ³³ *Itiwasaras, wər das-əgen əşşərixa wa dər ihor. Ma ifragan igi ən salan kul ən hayawan-net, id tətīwazaraz təxrest-net day əddənət?*»

³⁴ Təzzar issəstan aləs wa n Etəyofəya Filibus, inn-as: «Kay ak əməl-i, was iha ənnəbi šin-net da. Ənta iman-net mey awedan iyyan?» ³⁵ İbaz Filibus xur batu ten da, imal-as isalan n Əlinjil ən Xaysa.

³⁶ Eglân za, as d-osan edag əhân aman, təzzar in-na aləs wa n Etəyofəya: «Aman da, ma di-z-igdəlan ad təwəsəlməx?» ³⁷ [Inn-as Filibus: «wər t-illa, kud təzzigzana s əwəl iyyanda.» Inn-as aləs wen: «Əzzigzanax as Xaysa Əlməsix Barar ən Məşşina a imos.»] ³⁸ Omar alwaq wen da s ad itəwəsəbdəd amalankay, əzzəbbən ənta əd Filibus, əggazan aman, issəlmaq-qu Filibus.

³⁹ Da da xas a d-əgmadan aman, ənta ad idkal Infas n Əməli Filibus, ab'as t-ihannay aləs wen, mišan igla day tarrayt-net, ikna tədəwit. ⁴⁰ Filibus ənta, as din-igra iman-net iha əxərəm n Azot. As t-igmad illil akal en itaggu day xərman kul win əhanen tarrayt isalan n Əlinjil har osa əxərəm ən Qaysarəya.

Talut ihdad-du

⁹ As itaggu awen, Talut harwada isamahad fəl igi ən man ən nəttulab n Əməli Xaysa. İkka Əlimam wa Zəwwəran, ² igmay day-as a das-agu šira əs nan n əlxibada ən Kəl-Əlyəhud win əxərəm ən Damas əmosnen šira a t-əkfanen turagat s as, as igraw aytedan, gər za meddan wala šidoden, win əhanen tarrayt ta n Xaysa, a tan-ikrəd ilwəy-tan-du əs Yerusalam. ³ İkkâ za əxərəm ən Damas, as t-in-ihoz, wər isla a igan as fall-as ibalazzat ənnur a d-igmâdan ijennawan. ⁴ Ifataqqat, isla y əməsli wa das-innan: «Talut, Talut mafel as di-təzaxəzzaba?» ⁵ Inn-as Talut: «Ma təmosəx, Əməli?» İsla i wa das-innan: «Nak Xaysa wa təzaxəzzaba. ⁶ Əbdəd əggəz əxərəm a dak-attamal awas kay-iwar igi-net.»

⁷ Meddan win əddewnen əd Talut əbdâdan, təgdal-asan tərəmmeq awal, sallan y əməsli mišan wər hənneyan awedan waliyyan.

⁸ İbdad-du Talut, ora şittawen-net, mišan indar-as anay ən wala. Kundaba as əbazan midawan-net əfus-net, əlwayan-tu har dər-əs əggazan Damas. ⁹ Har iga karad adan wər ihənneyəy arət, wər itša za wər işwa.

¹⁰ Amaran Damas ih-ət ənalkim ən Xaysa igân es-əm Ananəyâs. İyr-ay Əməli day tərğət inn-as: «Ananəyâs!» İkkəwan-as inn-as: «Nak da, Əməli!» ¹¹ Inn-as Əməli: «Ənkər, təssəwəla əd tarrayt tas itawannu "ta toğadat", takkaş ehan ən Yahuza, təssəstənaş d aləs n əxərəm ən Tarsa igân esəm Talut, id itansay-i day alwaq wa da. ¹² Amaran inay [day tərğət] aləs igân esəm Ananəyâs as t-id-osa, issəwar-tu ifassan-net fəl a t-id-ıqqal asawad-net.»

¹³ Təzzar inn-as Ananəyâs: «Ya Əməli, aytedan aggotnən əgân-i isalan n aləs di, əd talbast tagget ta issəkna imizdagan-nak win əhanen Yerusalam. ¹⁴ Da da ila turagat n abbaz n aytedan kul win tətarnen s esəm-nak, amaran imuzaran ən limaman a t-əkfanen turagat ten.» ¹⁵ Mišan inn-as Əməli: «Aglu, aləs di nak a t-isannafran fəl a di-iməl y aytedan wər nəmos Kəl-Əlyəhud əd mənokalan-nasan, iməl-i dəy i Kəl-İsrayil. ¹⁶ Nak iman-in as das-z-agay əzəxəzəzəb kul wa t-iwaran fəl əddəlil-in.»

¹⁷ Təzzar igla Ananəyâs har din-osa ehan, iggaz-tu, inay Talut, issəwar-tu ifassan-net, inn-as: «Amadray-nin Talut, Əməli Xaysa wa dak-in-afalalan day tarrayt ta du-təgex, ənta a di-d-izamazalan fəl a kay-d-ıqqəl asawad-nak, idnəy-kay Infas wa Zəddigan.» ¹⁸ Tamazayt ten da a day d-ər-takan aratan olanen əd təfərənəkawen day şittawen

ən Talut, təzzar iqqal-t-id asawad-net. Ibdad, itawasalmağ day aman. ¹⁹ Dəffər awen itša, əqqal-nat-t-idu təyurad-net.

Tewağlay ta iga Talut təgəyya ən Xaysa Əlməsix

Talut iha Damas

Iga arat n adan xur nalkiman ən Xaysa win əhanen Damas. ²⁰ Tarmâd as ikka Talut inan n əlxibada win Kəl-Əlyəhud a dağ-san immâl as Xaysa Barar ən Məşşina a imos. ²¹ Isammaklal awen s aytedan ad gannin: «Ak wərgex ənta, as kala ibbənbay dağ aytedan win tattarnen s esəm ən Xaysa dağ Yerusalem ihallak-kan? Wərgex wər t-id-eway s əxrəm wa, ar a tan-abəz, ilwəy-tan əs muzaran ən limaman?» ²² Mišan Talut ənta itisuhit əzəgzan-net. Wər əssenən Kəl-Əlyəhud win Damas a das-ən-nan dağ əsəkni wa tan-itaggu as Xaysa ənta a imosan Əlməsix.

²³ As irəw Talut dağ Damas, namaggan Kəl-Əlyəhud əyaf fəl ad agin iman-net, ²⁴ mišan ittəmal-as awen. Ewadan dağ tara ən tənaxay-net as das-ənkadan ehad ezal xur mawan n əxrəm. ²⁵ As ahad iyyan, ənkaran nəttilab-net əgan-tu dağ əzmam zəwwəran, ərdufan dağ-as ağan, zazzabben-tu fəl aganna wa hadan n aqalla wa iqlayan əxrəm.

Talut iha Yerusalem

²⁶ As osa Talut Yerusalem, igmay d ad irtəy əd nalkiman ən Xaysa, mišan əwafan-tu ketnasan fəlas harwa da wər əzəgzanan as iyyan dağ-san a imos.

²⁷ Ibaz-t-idu Barnabas əs man-net, iddew dər-əs əs nəmmuzal, təzzar ig-asan isalan kul n əmmək was inay Talut Əməli Xaysa dağ tarrayt ən Damas d awal wa das-iga, imal-asan deş igi wa iga isalan n Əməli Xaysa dağ Damas wər t-illa i as tu-təha tasanet. ²⁸ Alwaq wədi a dər-san irtay, itidaw dər-san dağ Yerusalem. Itaggu isalan n Əməli Xaysa ši wala tasa ən waliyyan. ²⁹ Itiməşiwil Talut əd Kəl-Əlyəhud win əşşewalnen təlyunant, itamazax deş dər-san; ad gammayan d igi ən man-net. ³⁰ As əslan mədrayan-net dağ əzəgzan awen, əddewan dər-əs wiyyad dağ-san s əxrəm ən Qaysarəya, amaran əs-sokan-tu wa n Tarsa.

Tagadezt ta n Butros iməzzəgzan win Yahudəyya

³¹ Azzaman en, əgrāwan dağ-san nalkiman ən Xaysa d Əlkənisaten alxer dağ akal kul wa n Yahudəyya əd wa n Galilaya əd wa n Samarəya. Itasahat əzəgzan n Əlkənisaten, tagginat imazalan əssiymarnen Əməli, tittəynat deş əs tilalt n Infas wa Zəddigan.

Təmməzzəyt n Enəyas

³² Illil za Butros akal ketnet har iras təxrəmt ta n Ludda fəl ad inəy imizdagan win dağ-as əxsarnen. ³³ Inay dağ-as aləs igân esəm Enəyas, igân əttam elan əd bəddən, wər kala igmad təssut-net. ³⁴ Inn-as Butros: «Enəyas, əbdəd tada təssut-nak, Xaysa Əlməsix izzozay-kay.» Ibdad Enəyas tamazayt ten da.

³⁵ Ənayan-tu aytedan kul win təxrəmt ən Ludda əd win azawaş wa n Šaron, təzzar əhdan-du s Əməli.

Ətəwəsənkər ən Tabita dağ tamattant

³⁶ As itaggu awen əxrəm ən Yaffa təxsâr dağ-as tənalkimt ən Xaysa təgât esəm Tabita, almaşna n esəm wa dağ təlyunant Dorkas, almaşna «Tenert». Wər təgmed ar s igi ən mazalan olaynen əd təkutawen i maddararan. ³⁷ Adan en da a dağ tərין, aba-tat. Tətawaşarad, tətawasansa dağ ahan wa n afalla ən suru. ³⁸ Dad imos as Ludda wər təggug Yaffa, as əslan nalkiman ən Xaysa win əhanen Yaffa as Butros iha Ludda, zammazalan sər-əs əşšin meddan fəl ad t-ansəyan a tan-d-akku tarmâd.

³⁹ Inkər Butros iddew dər-san. As din-osa, ewayan-tu əs suru wa təha təğəssa ən təntut, əkkanat-idu tədoden şin as wər ədderan meddan-nasnat hallinat, sakninat-tu şikadkaden əd səlsa wiyyad a das-nat-təga Dorkas harwa təddâr.

⁴⁰ Issərdaş Butros awedan kul, igaraffat ad itatar. As issənda təwatray-net, imalallay-du təğəssa ən təntut ta aba, inna: «Tabita, ənkər-du», təzzar tora şittawen-net, tənay Butros, təqqim-du. ⁴¹ Iz-zal-as-in əfus-net, illil-as əs tebadday, amaran iğra-du imizdagan əd tədoden şin as wər ədderan meddan-nasnat, issəkn-asan-tat təddâr. ⁴² Itawasla awen dağ əxrəm ən Yaffa ketnet, təzzar əz-zəgzanan aytedan aggotnen s Əməli. ⁴³ Iha Butros Yaffa har irəw, illa xur aləs iyyan igân esəm Simxon as imos əşşəxəl-net əşifəl ən gəşkan.

Əlkənisat əd təgəyya dat aytedan wər nəmos Kəl-Əlyəhud

Butros əd Korniləyas

10 Aşrəm ən Qaysarəya ih-ay aləs iyyan ən Kəl-Ərrum igân esəm Korniləyas, imos iyyan dağ kabtanatan win azzarnen y ağan ən sojitan was itawannu «Italəya». ² Imos aləs iksudan Məşşina, iğbâd-tu ənta d aytedan n ahan-net ketnasan, itaggu şikutawen aggotnen i Kəl-Əlyəhud, faw deş itatar əs Məşşina. ³ As əzəl iyyan xur amađal ən karad alwaqan win tazzar, inafalal-as-du angalos ən Məşşina, inay-tu as d-iggaz ehan-net, inn-as: «Korniləyas!» ⁴ Irmay Korniləyas, igar şittawen dağ angalos, inn-as: «Ya Məşşi, ma tareş?» Inn-as an-

galos: «Şiwatriwen-nak əd təkutawen-nak əggəz-zaynat əs Məşşina, iqbâl-tanat. ⁵ Dağ adi əmərədda, zəmmizəl meddan s əxrəm ən Yaffa a dak-d-idawan d aləs iyyan igân esəm Simyon as itawannu Butros, ⁶ inniftayən i Simyon wa işafalan igəşkan s ehan-net ihâ tagadamayt n agaraw.» ⁷ Ifal-tu angalos wa das-işşewalan ɣas, iɣra-du imaşşayalan-net əşşin d iyyan dağ sojitan win išaşyal imosan awedan iksudan Məşşina, ⁸ issoxal-asan awa igan kul, amaran izammazal-tan əs Yaffa.

⁹ Əhōzan-in əxrəm əzəl wa hadan, as iwar Butros afalla ən taɣazamt attayan n ammas n azal fəl ad agu şiwatriwen. ¹⁰ Itattar den da as t-iggaz gələk, isaddaran a itša. Tawaggin-as-du mensewan as tu-tobaz tarna n Infas wa Zəddigan. ¹¹ Ogga ijən-nawan as əmmoran, itawasaras-du dağ-san arat olân d əfər zəwwəran itiwattafan s əkkozat təsəlkad-net, har dat-əs imal. ¹² Əhân-tu əzzənəfan ən mudaran kul win jawankatnen fəl amaḍal əd dəmərdəmaran əd gəḍad. ¹³ Təzzar isla y əməsli iyyan as das-inna: «Butros, ənkər, təgzəma, tatša!» ¹⁴ Mişan inn-as Butros: «Kala kala Əməli, id wər kala ad ətşəx a xaraman wala a immidasan.» ¹⁵ Ilas tesalay y əməsli en as inna: «Awa issəxlal Məşşina, wərgəx kay a tu-z-agin i xaraman!» ¹⁶ Har iga əməsli en y awen karadat tənnawen, amaran im-mədkal əfər en əs jənnawan.

¹⁷ Harwada iqqân awen əɣaf ən Butros, isamad-ran dağ awa z'iqqəl almaɣna-net n awa das-d-in-afalalan den, as d-əbdadan meddan win d-izammazal Korniləyas dağ əmi n ahan ən Simyon, dəffər as əssistanan əd dad illa. ¹⁸ Əxran-du məssawəs n ahan, əssəstanan-tan kud den da ad izzəbbat Simyon was itawannu Butros. ¹⁹ Harwada isamad-ran Butros dağ awa z'iqqəl almaɣna n arat wa das-d-inafalalan as [das]-inna Infas wa Zəddigan: «Ənəy! Meddan den karad a dər-ək sastannen. ²⁰ Ad wər təzləyax aytedan, əbdəd, tazabbəx, tidawa dər-san; id nak a tan-d-izammazalan.» ²¹ Təzzar izzəbbat-du sər-san Butros inn-asan: «Nak da as təsaggadam. Ma imos əddəlil wa kawan-d-ewayan da?» ²² Ənnan-as: «Korniləyas wa n kabtan ən Kəl-Ərrum a dana-d-izammazalan, imosan aləs oɣâdan, n əmiksad ən Məşşina, əssiɣmaran-tu Kəl-Əlyəhud ketnasan. Ənta as inafalal angalos zəddigan ən Məşşina omar-tu s a kay-is-səgməy, tasax-in ehan-net fəl ad aslu y awa za tanna.» ²³ Amaran izzogaz-tan-du Butros, isammagarat-tan. As affaw, iddew dər-san. Əddewan dər-əs arat dağ nalkiman ən ɣaysa win n əxrəm ən Yaffa.

²⁴ As əzəl wa hadan ewadan əxrəm wa n Qaysarəya. As din-osan da, iqqâl-asan Korniləyas ənta əd marwan-net d aytedan win dər ikna təm-midwa s ənta a tan-d-iɣran. ²⁵ As zama din-iggâz Butros ehan, issəlkad-as-du Korniləyas, igaraffat yur daran-net, issəjad-as. ²⁶ Mişan issəbdad-tu Butros, inn-as: «Əbdəd! Nak əggadəm ɣas a

əmosa.» ²⁷ Əggazan ehan mişawalan, os-in dağ-as Butros aljamaɣat tagget. ²⁸ Təzzar inn-asan: «Təssânam kawanay iman-nawan as issixram əlqanun ən Kəl-Əlyəhud y iyyan dağ-san tassağ madeɣ iguz n ahan n awedan wər nəmos iyyan dağ Kəl-Əlyəhud. Mişan nak issosan-i Məşşina dağ as ad wər əgax y awedan waliyyan iduf n as i xaraman wala immidas. ²⁹ Adi da fəlas, as di-təssəgməyam, əkkeq-qawan-du əddi da wər əgəx asarəw waliyyan. Amaran əmərədda əməlat-i əddəlil wa fəl di-təssəgməyam.»

³⁰ Inn-as Korniləyas: «Əzəl iyyan tattara dağ ahan-in, ila adi əmərədda karad adan, wər əsley a igan as dat-i ibdad aləs ilsân isəlsa bilazlaznen. ³¹ Təzzar inn-i: "Korniləyas! Təwatray-nak təqḥâl, şikutawen-nak dəx iqbâl-tanat Məşşina. ³² Dağ adi, zəmmizəl əs Yaffa, təssəgməya Simyon was itawannu Butros. Inniftax y aləs igân Simyon wa işafalan igəşkan ihân tagadamayt n agaraw." ³³ Təzzar əssəgməyaq-qay tamazayt tədi da, olâx dəx as du-tosex. Amaran əmərədda ketnana nəlla da dat Məşşina, fəl ad nəssəsəm y arat kul was kay-omar Əməli s a danaq-qu-tanna.»

Talxutbat ən Butros dağ ahan ən Korniləyas

³⁴ İşşewal Butros inna: «Əmərədda əgrex as, tidət dağ a imos as Məşşina wər izlay aytedan. ³⁵ Kalar awedan kul wa t-iksudan, itaggu awa oɣadan, awedan wədi, ad t-iqbəl Məşşina, a təqqal tawşet-net. ³⁶ Issoka-du Kəl-İsrayil awal-net imosan isalan n Əlinjil, əmmâlne isalan n alxer wa ihakku ɣaysa Əlməsix, ənta wa n Əməli n awedan kul. ³⁷ Təssânam dağ awa igan dağ akal kul ən Yahudəyya, intâdu adi dağ wa n Galilaya dəffər təlxutbat ta iga Yaxya y aytedan dağ batu n alamaɣ dağ aman; ³⁸ d əmmək was issəkna Məşşina aytedan as ɣaysa wa n Nazaret a issannafran əs tahakkay ta t-iga Infas wa Zəddigan əd tarna. Təssânam dəx dağ tilalt ta iga akal itamazal əlluɣ, izuzəy aytedan kul win dağ innoda İblis, id tarna ən Məşşina a igraw.

³⁹ Nakkanay inəmmuzal nəggəyat awa iga ketnet dağ əxrəm wa n Yerusalam d akal sa hadan wa n Kəl-Əlyəhud. Ənta wa itawataytayan fəl təgəttawt, aba-tu; ⁴⁰ issənkər-t-idu Məşşina əzəl wa n karad dəffər iba-net, ikf-ay turagat n ad itəwənəy iddâr. ⁴¹ Wərgəx aytedan kul a t-ənaynen, kalar wər t-in-ay ar şigəyyawen şin isannafran Məşşina harwa dat alwaq, a tanat-imosan nakkanay win dər-əs ədrawnen tettay əd tassay dəffər tanakra ta d-iga dağ tamattant. ⁴² Təzzar omar-ana ɣaysa s ad nəməl Əlinjil y aytedan, naggəyat-asan as, ənta da, a isannafran Məşşina ig-ay əmaşraɣ n id t-illa awedan, gər za win əddarnen wala win aba. ⁴³ Ənta en da as əggəyyen ənnəbitan kul as, i sər-əs iz-zəgzanan ad igrəw təsureft ən bakkadan-net s es-əm-net.»

Agaraw wa əgan aytedan wər nəmos Kəl-Əlyəhud Infas wa Zəddigan

⁴⁴ Harwada išşewal Butros as d-izzəbbat Infas wa Zəddigan fəl aljamaxat ketnet ta təssəsamat i təl-xutbat-net. ⁴⁵ Ikna awen əsəmməkləl əs nalkiman ən Xaysa win Kəl-Əlyəhud win d-əddewnen əd Butros, əs, wala aytedan win wər nəmos Kəl-Əlyəhud da garrawan s igət təhəkkut ta n Infas wa Zəddigan. ⁴⁶ Fəlas sallan-asan əşşewalan awalan wər nətawazday, əmməlan adkul ən Məşşina. Təzzar in-na Butros: ⁴⁷ «Awak ma z'igdəlan y aytedan əgənen y Infas wa Zəddigan agaraw wa das-nəga ad təwəsəlməxan dağ aman?» ⁴⁸ Amaran omar s ad təwəsəlməxan dağ aman s esəm ən Xaysa Əlməsix. Dəffər awen əgməyan dağ Butros a xur-san agu adan.

Isalan win iga Butros dat nalkiman ən Xaysa win Yerusalam

11 Əslan nəmmuzal əd mədrayan dağ əzəgzan win əhanen akal wa n Yahudəyya as, əllən-tu aytedan wər nəmos Kəl-Əlyəhud əzzigzannen əntanay da s awal ən Məşşina. ² Alwaq wad iggəzzay Butros əs Yerusalam, əşşewalan fall-as inalkiman ən Xaysa win Kəl-Əlyəhud win əttafnen alxadat-nasan ta n əmənəkəd. ³ Ənnan-as: «Manəmmək as tətəggaza ehan n aytedan wər nəmmənəkəd, wala tədarraw dər-san imensewan.»

⁴ Təzzar issoxal-asan Butros awa igan kul, wa n ənətti, inn-asan: ⁵ «Tattara dağ əxrəm ən Yaffa as di-tobaz tarna n Infas wa Zəddigan, inafalal-i arət iyyan. Arat wa, itawasaras-du dağ jənnawan, olâ d əfər zəwwəran itiwattafan s əkkozat təsəlkad-net, har dat-i d-imal. ⁶ Əswada dağ-as, zəggazdaq-qu, ənayax dağ-as eharay, əd təwaqqast əd dəmərde-maran əd gədad. ⁷ Təzzar əsleq y əməsli wa di-innan: "Butros, ənkər, təgzəma, tatša!" ⁸ Mişan ən-neq-as: "Kala kala Əməli, id imi-nin wər kala t-iggaz arət xaraman wala iyyan immidasan." ⁹ Əlasa tesalay y əməsli en as inna dağ jənnawan: "Awa is-səxlal Məşşina, wərgəx kay a tu-z-agin i xaraman!" ¹⁰ Har iga əməsli en y awen karadat tənnewen, amaran itawarkab-in awen ketnet əs jənnawan.

¹¹ Tamazayt ten da a d-əbdadan karad meddan s ahan wa dağ əssəgana, sər-i d-əmmozaalnen dağ əxrəm ən Qaysarəya. ¹² Təzzar inn-i Infas wa Zəddigan a dər-san idawa əddi da. Ad wər əzləyax aytedan. Əddewa dəx əd mədrayan-nana sədis win, har nəggaz ehan n aləs wa di-d-issəgməyan. ¹³ Isoxal-ana əmmək was das-inafalal angalos dağ ahan-net, ibdad dat-əs inn-as: "Zəmmizəl awedan s əxrəm ən Yaffa y a dak-d-idaw əd Simxon was itawannu Butros. ¹⁴ A dak-əgu amagrad a sər-ək du-z-awəyan efsan kay d əyaywan-nak ketnet." ¹⁵ Harwada wər əhoga əşşewala as fall-asan d-iga Infas wa Zəddigan əzəbbi wa fall-ana d-iga

nakkənanay dağ tizarat. ¹⁶ Təzzar əkteq-du tənna ta iga Əməli: "Yaxya, aman a dağ issəlməx aytedan, mişan kawanay, Infas wa Zəddigan a dağ za tətəwəsəlməxam." ¹⁷ Dağ adi, dad zamas ig-asan Məşşina təhəkkut zun ta danaq-iga as nəzzəgzan s Əməli Xaysa Əlməsix, ma əmosa nak as gaddala i Məşşina igi n awa ira?» ¹⁸ As təsla aljamaxat i salan win, təffəsta, təzzar ad təmmal Məşşina təgannu: «Dağ adi aytedan win wər nəmos Kəl-Əlyəhud, da issəfrak-kan Məşşina ad utaban, əgrəwan təməddurt ta təxlalat.»

Ətəməl n Əlinjil i Kəl-Əlyəhud dağ Antəyoxəya ta n Surəya

¹⁹ Inalkiman ən Xaysa win izawwazawaz alxazab wa d-izrayan ətəwənxa n Əstefanos, əqlan wiyyad har osan akal wa n Fəniseya, wiyyad osan akal imosan gərwətlan as itawannu Qibrus, wiyyad osan əxrəm wa n Antəyoxəya. Əmməlan awal ən Məşşina, eges i Kəl-Əlyəhud xas. ²⁰ Dər iga awen da ya, wiyyad dağ-san n akal wa n Qibrus əd wa n Qərwan, as din-osan əxrəm wa n Antəyoxəya əşşewalan y aytedan win wər nəmos Kəl-Əlyəhud win əşşewalnen təlyunant, əmməlan-asan isalan n Əlinjil n Əməli Xaysa. ²¹ Tədhal-tan tarna ən Məşşina dağ awa taggin, təzzar əzzəgzanan aytedan əgğotnen əs Xaysa Əlməsix, ətuban, əlkaman y Əməli imosan əmənokəl-nasan.

²² Isalan n awen ewadan-in Əlkənisat ta təhat Yerusalam, təzzar təzəmmazal Barnabas s əxrəm n Antəyoxəya. ²³ As din-osa inay arraxmat ən Məşşina ta du-təzzəbbet den, iddəwat. Təzzar ig-asan ketnasan ənnəsixa imosan ad əlkəman y Əməli. ²⁴ Ənta iman-net Barnabas, aləs olâxan a imos, itkəran Infas wa Zəddigan, issohat dəx əzəgzan-net. Əzzəgzanan aytedan wiyyad əgğotnen s Əməli Xaysa. ²⁵ Amaran ikka Barnabas əxrəm ən Tarsa, isəggad i Talut. ²⁶ As t-igraw, iddəw-du dər-əs s Antəyoxəya. Əgan dağ-as awatay iyrâdan osâxan əd nalkiman ən Xaysa win əhanen Əlkənisat ten, sasaxrin aytedan əgğotnen. Əxrəm wen da n Antəyoxəya en a dağ əssəntan aytedan təyaray nalkiman ən Xaysa s esəm wa n «əlməsixitan».

²⁷ Adan en da a dağ əgmədan ənnəbitan wiyyad Yerusalam, ərasan s əxrəm wa n Antəyoxəya. ²⁸ İbdad iyyan dağ-san igən esəm Agabus, imal dat alwaq əs tarna n Infas wa Zəddigan as, ilkâm ad agu laz labasan dağ əddənət ketnet. Laz en da dəx osadu s əmmək was t-imal dağ əzzaman n əmənokəl Kləwdəyus Qaysara. ²⁹ Təzzar namardan nalkiman ən Xaysa win Antəyoxəya fəl tanat təmosat ad irəg akkiyyan dağ-san awa ifrag səsiwəyan tədhəlt ta i mədrayan-nasan dağ əzəgzan win əhanen akal ən Yahudəyya. ³⁰ Əgan awen da, əgan şirgitan-nasan dağ əfus ən Barnabas əd Talut y a tanat-awəyan i muzaran n Əlkənisat ta təhat Yahudəyya.

Tamattant ən Yaqub d iguz ən Butros kasaw

12 Azzaman en da a daɣ issənta əmənokəl Herod əzəxxəzzəb n arət daɣ aytedan n Elkənisat. ² Isassanxa əs takoba Yaqub wa n amadray ən Yaxya. ³ As inay as oggaman Kəl-Əlyəhud awen, isattarmas Butros. Itaggu awen adan n əmud wa daɣ tattin aytedan şigəlwen şin wər iha xamira. ⁴ Isassag-ay daɣ kasaw, issəwəq-qu i maraw sojitan əd sədis a tu-tinəməzrəynen s əkkoz əkkoz. Otās a das-işrəx dat awedan kul dəf-fər əmud wa n Akkay. ⁵ A iha Butros kasaw den, Elkənisat ənta tədgəz wəllen tətansay-as Məşşina. ⁶ As ahad wad z'ifaw işrəx-as Herod, insâ Butros gər əşşin sojitan a t-əttâfnen s əşşin sassaran, əb-dâdan deɣ magazan wiyyad dat əmi ən kasaw. ⁷ Wala a ihogan inafalal-du angalos iyyan n Əməli, imalawlaw adag wa daɣ insa Butros daɣ ammas ən kasaw. Təzzar idas angalos tasaga ən Butros, is-sənkər-tu inn-as: «Əbdəd tarmâd!» Ɛrtakan sassaran win as əkradan fassan-net daɣ tamazayt ten. ⁸ Harwa inn-as: «Əzləg isəlsa-nak, təsələɣ iɣateman-nak.» Iga Butros awen da. «Əmərədda əzləg əbərnuz-nak, təkəməɣ-i-du.» ⁹ Igmad-du Butros ilkâm y angalos, wər issen as awa itaggu angalos den tidət a imos, iɣil targət awen. ¹⁰ Okayan fəl magazan win azzarnen əd win əllanen dənnəg-san, amaran osan-du təsəhərt ən tətoli təswâdat sa sər əɣrəm. Tənnolam dat-san şin man-net, ərdayan. Ɛssəwəlan əd tarrayt iyyat, wala a ihogan ifal-tu angalos.

¹¹ Təzzar iggaz Butros annawalat n aɣaf-net, in-na: «Əmərədda əkkasay aşşak daɣ-as, Əməli Məşşina a d-izammazalan angalos-net, ikkas-i-du daɣ fassan n əmənokəl Herod əd talbast kul tas ərən Kəl-Əlyəhud a di-təgrəw.» ¹² Amaran igra tayarə-net, ikka ehan ən Maryama ta n anna ən Yaxya was itawannu Markus. Ɛmminayan ɣur-əs aytedan aggotnen tansayan Məşşina. ¹³ Ikawkaw imi n aɣalla, təgla-du tamaşşayalt təgât esəm Ɔoda y ad təssən awa imos awedan. ¹⁴ As təzday əməli ən Butros, awa təga daɣ tədəwit, edag n a das-taləm, tozal təqqal ammas n ahan, təmal as Butros illa dat əmi n aɣalla. ¹⁵ Ɛnnan-as: «Kam, əmməskəl a təgeɣ!» Mişan təzazzayyar-asan daɣ-as ənta daɣ awen. Amaran ənnan-as: «Daɣ adi angalos-net adi.» ¹⁶ A əgənnin awen, Butros ənta itakawkaw-asan imi n aɣalla. As olaman, ənayan-tu, iga sər-san awen əsəmməkləl labasan. ¹⁷ Isaddagan-asan s əfus-net ad affastin, təzzar imal-asan təməwit kul tas t-id-ikkas Əməli Məşşina daɣ kasaw. Inn-asan deɣ: «Əmələt adi i Yaqub əd mədrayan-nana win hadatnen.» Amaran ifal-tan, ikka edag iyyan. ¹⁸ As affaw, təga tənajarwayat labasət daɣ sojitan; akk iyyan isastan əmidi-net d awa iga Butros. ¹⁹ As t-id-aba y aytedan win as t-issəswad Herod, issəstan sojitan win t-ogaznen, amaran omar s ad tawanɣin kərəz. Dəffər awen igmad Herod akal wa n

Yahudəyya, izagaday ikka aɣrəm ən Qaysarəya y a daɣ-as agu tamert.

Iba ən Herod

²⁰ Awen as itaggu, Herod ih-ay alham labasan n aytedan n əɣrəm wa n Tir əd wa n Sidon. Idhal-tan Blastus wa n əməşşewwər ən Herod, namannakan zammazalan əs Herod almawakkilan-nasan, fəl a dər-əs aknin, fəlas akal-net a du-gammadan sudar-nasan. ²¹ As d-osa əzəl wa itawasanafranən, izlag Herod isəlsa-net win taɣmar təzzar iqqim fəl təx-awit-net ta n taɣmar, amaran işşewal i tamattay. ²² Ad saɣaren aytedan, gənnin: «Əməli wa in əməli iyyan, wərgeɣ in awedan!» ²³ Wala a ihogan iwat-tu angalos n Əməli fəlas iga a iga iman-net daɣ adag ən Məşşina, wər iga y Əməli adkul wa dər ihor; təzzar ətşanat-tu təwakkawen, aba-tu. ²⁴ Awal ən Məşşina ənta, igla itiwəzəwiz, tigatan aytedan win sər əzzəgzannen. ²⁵ Amaran Barnabas əd Talut as əɣradan əşşəɣəl wa tan-d-ewayan s əɣrəm ən Yerusalam, əqqalan s as d-əhan, əddəwan əd Yaxya was itawannu Markus.

Şigəyyawen daɣ Asəya əd daɣ akal ən Kəl-Əlyunan**Ɛtəwəsənnəfrən ən Barnabas əd Talut y ad əşşikəlan**

13 Elkənisat ta təhat aɣrəm n Antəyoxəya əhân-tat ənnəbitan əd məsəssəɣra əmosnen Barnabas əd Simyon was itawannu "Akawel" əd Luqəyus wa n akal ən Qərwan əd Manahin wa inamədwəlan d əmənokəl Herod daɣ ahan iyyanda amaran əd Talut. ² Ɛzəl iyyan ad əmminayan əxbâdan Əməli əzuman deɣ, inn-asan Infas wa Zəddigan: «Səwərat-i Barnabas əd Talut aɣanna fəl ad aɣin əşşəɣəl was tan-d-əɣrəɣ.» ³ Ɛzuman əgan şiwatriwen təzzar, amaran əssəwəran Barnabas əd Talut ifassan-nasan əgan-asan şiwatriwen, dəffər adi əssəglan-tan.

⁴ Issoka Infas wa Zəddigan Barnabas əd Talut aɣrəm ən Salukəya. Ɛggazan daɣ-as aɣləl n aman əkkan akal imosan gərətlan as itawannu Qibrus. ⁵ As osan aɣrəm ən Salamin, ad əmmâlan awal ən Məşşina daɣ nan n əlɣibada win Kəl-Əlyəhud. Id-dew dər-san Yaxya was itawannu Markus. Illil-asan idhâl-tan.

Əmənoy d Eləymas wa n amaşşayaw daɣ Qibrus

⁶ Ɛrzagan Qibrus, sannaqqaban-tu har osan aɣrəm ən Bafus. Den da ad əmmənayan d aləs iyyan ən Kəl-Əlyəhud igân esəm Bar-Ɔaysa n amaşşayaw, igənnin ənta ənnəbi. ⁷ Amaran osâɣ əd Sarjəyus Buləs wa n ənaxkim n akal, imosan

awedan ilân əgərri. Issəgmay əmuzar wa Barnabas əd Talut fəlas ikna əsənnəhəl ən tara n ad aslu y awal ən Məššina. ⁸ Mišan inkar Eləymas wa n amaššayaw – awen da a imosan almayna n esəm-net daɣ təlyunant – iqqal əllid-nasan, ad igammaɣ d ad igdəl y ənaxkim wen əzəgzan. ⁹ Təzzar ijaj-janɣal daɣ-as Talut, as itawannu deɣ Buləs, igrāwan s igət Infas wa Zəddigan, ¹⁰ inn-as: «Agg Aššaytan, azangaw n arət kul wa oɣadan. Wər t-illa əzzənəf ən təkərras a kay-wər-nəha, əməkkərrəs n ənallabus a təmosaɣ. Emmay ad za tammazzayaɣ d agamay n əsəfrəɣ ən tarrayt toɣâdat n Əməli Məššina?

¹¹ Əmərədda ənəy, a fall-ak assansu Əməli əfus-net, taddarɣala. Ad tagaɣ azzaman wər təlesay anay n ənnur ən təfuk.» Tamazayt ten da a fall-as əganat šiyay, idalammət fall-as amaɣal, təzzar ad iddâz, igammaɣ i t-ilwayan. ¹² As inay ənaxkim wen awa igan den, izzəgzan. Isimaklal sər-əs əsəssəɣri was isla daɣ batu n Əməli.

Təlxutbat ta iga Buləs daɣ əɣrəm wa n Antəy-oxəya wa n Bissidəya

¹³ Iggaz Buləs aɣlal n aman ənta əd midawan-net daɣ Bafus, əkkan aɣrəm ən Bərgə ihân akal ən Banfiləya. Den da a dər-san imməzzay Yaxya was itawannu Markus, iqqal Yerusalam. ¹⁴ Ətanay amaran əgmadan Bərgə, əkkan aɣrəm n Antəy-oxəya wa n akal ən Bissidəya. As iga əzəl wa n təsanfawt, əggazan ehan n əlyibada ən Kəl-Əlyəhud, əqqiman. ¹⁵ As tawaɣran daggan daɣ Ət-təwret d Əlkəttaban win Ənnəbitan sa hadan, ən-nan-asan-in muzaran n ahan n əlyibada wen: «Imədrayan-nana, kud təll-ay batu as za təsəssuhet əzəgzan n aytedan, tagim-tat.» ¹⁶ İbdad Buləs, isaddagan-asan s əfus-net ad affastin, amaran inna: «Meddan win Kəl-İsrayil əd kawanay win mik-sadan ən Məššina, səsəmat-i!

¹⁷ Məššina di n Əməli ən tamattay ta da n İsrayil a isannafranən imarawan-nana, təzzar issəgat-tan daɣ elan win daɣ əmosan inaftayan daɣ akal ən Masar, dəffər adi ikkas-tan-du daɣ-as əs tarna n əfus-net. ¹⁸ Iga edag n əkkozat təmərwən n awatay, šin əgan daɣ taneray, izizaydar dər-san. ¹⁹ İkf-en as ərzən əssayət tawşeten daɣ akal ən Kanan, ikf-en akal-nasan, iggaz təkasit-nasan. ²⁰ Awen ketnet, edag n əkkozat təmad n awatay əd səmmosat təmərwən a daɣ iga. Dəffər awen a dasan-izuzir əlqalitan taqqalan-asan imənokalan har azzaman n ənəbi Saməwel.

²¹ Azzaman en da a daɣ əgmayan əmənokal, təz-zar ikf-en Məššina Talut ag Kiš wa n tawşet ta n Benyamin. Iga əkkozat təmərwən n awatay ixkâm fall-asan. ²² Dəffər adi ikkas-tu Məššina da taɣmar, iga Dawəd daɣ adag-net s ənta a fəl inna Məššina: "Əgrawa Dawəd ag Yasay, imosan aləs ilkâman i tara-nin, wa z'ammazalan əs tara-nin ketnet."

²³ İhayawan-net a daɣ d-ikkas Məššina ɣaysa s ənta a imosan Əmaɣlas was iga arkawal-net i Kəl-İsrayil. ²⁴ Dat assa-net ad iga Yaxya i tamattay n İsrayil ketnet isalan əmosnən ad utaban, təwəsəlməyan daɣ aman, assaknu adi tətubt-nasan. ²⁵ As ibuk Yaxya y əsəndi n əšşəɣəl-net, ad igannu: "Ma təɣilam, ma əmosaɣ? Wər əmosaɣ za awedan was təɣilam. Kala, kala! İlkâm-i-du, nak wər əwəda wala arra ən suyan ən ɣateman-net."

²⁶ İmədrayan-in kawanay win hayawan n İbrahim əd kawanay win wər nəmos Kəl-Əlyəhud təksudam Məššina, isalan n əlyillas wa, nakkanay as tan-d-issoka Məššina. ²⁷ Amaran aytedan ən Yerusalam əd muzaran-nasan wər əgřen awa imos ɣaysa, wər əgřen deɣ wala daɣ awa ənənən ənnəbitan daɣ Əlkəttaban win tawaɣrinen akk əzəl wa n təsan-fawt daɣ nan n əlyibada, əssəndan awa ənənən ənnəbitan win di s abbaz wa t-əgan s əšşəriɣa. ²⁸ Wər əgrewan arət waliyyan a t-issiwaran tamattant, mišan harkid awen, əgmayan daɣ Bilatə a daɣ-as təwəkkəsən man. ²⁹ As əssəndan arət kul awa fall-as ənənən Əlkəttaban, əkkan-t-idu fəl təgəttawt, əgan-tu daɣ əzəkka. ³⁰ Mišan issənkar-t-idu Məššina daɣ tamattant. ³¹ Iga adan aggotnən itinəfilil y aytedan win dər-əs d-əddawnən daɣ akal ən Galiləya əgəzzayyan s əɣrəm ən Yerusalam. Əntanay a əmosnən əmələdda šigəyyawən-net ɣur tamattay n İsrayil.

³² Amaran nakkanay da, nətəgg-awan isalan n Əlinjil, əmosnən isalan win as itawagga arkawal-nasan i marawan-nana. ³³ Arkawal wen issənd-anaq-qu Məššina nakkanay win hayawan-nasan s əsənkar wa d-iga ɣaysa s əmmək was iktab daɣ təsarnat ta n sanatat n Azzabur, as inna daɣ salan ən ɣaysa: "*Kay Barar-in, əqqalaɣ azalada Abbanak.*"³⁴ Əsənkar wa t-id-iga Məššina daɣ tamattant, da wər tərka təɣəssa-net daɣ əzəkka imâl-tu Məššina daɣ Əlkəttaban əs təməwit ta, as inna: "*A kawan-akfa arraxmaten zaddognen, ətiddanen šin as əgeɣ arkawal-nasnət i Dawəd.*"³⁵ İktâb deɣ as: "*Wər za tayya Əmizdag-nak arku daɣ əzəkka.*"³⁶ Dawəd amaran, dəffər as immozal daɣ azzaman-net s aratan win ixtas Məššina, aba-tu, itawanbal dəgma ən marawan-net, tərka təɣəssa-net; ³⁷ mišan ɣaysa, ənta a d-issənkar Məššina daɣ tamattant, wər tərka təɣəssa-net. ³⁸⁻³⁹ Daɣ adi imədrayan-in əssənət as təsureft ən bakkadan, təttil-mal-awan əs tarrayt-net; amaran i sər-əs iz-zəgzanan ad igrəw tədarfit daɣ aratan kul win as wər ifreg tədarfit daɣ-san əs tarrayt ta n ləkkum y əšşəriɣa wa d-izzəbben fəl ənəbi Musa.

⁴⁰ Adi a fəl za tənəkədam y a kawan-igrəw awa əmalan ənəbitan, as ənənən: ⁴¹ "*Ənəyat kawanay win nujabat; səmməkləlat, təhləkam; fəlas ad ammazala arət daɣ azzaman-nawan, as kud dawan-iga awedan isalan-net kul da, wər das-za-təzzəgzənam.*"»

⁴² Igammad Buləs əd Barnabas as dağ-san əg-mayan aytedan ad d-ələsan tewaylay əzəl ən təsan-fawt wa d-izayan fəl a dasan-əşsitin dağ igi ən salan win den. ⁴³ As təwazawaz əljəməyat, ədde-wan Kəl-Əlyəhud aggotnen d aytedan wiyyad ad d-əhdānen s əddin wa n Kəl-Əlyəhud əd Buləs əd Barnabas. Maşawalan dər-san, gammayan dağ-san ad zəzzəwen dağ arraxmat ən Məşşina ta əgrawan.

⁴⁴ As d-iylay əzəl wa n təsanfawt, təddew-du taşşam n əxrəm ketnet y ad issəsəm y awal n Əməli. ⁴⁵ As ənayan Kəl-Əlyəhud igət ən tamattay, əggaznat-tan təsmiten labasnen, ad sabahawan Buləs, rabbadan-tu. ⁴⁶ Təzzar inn-asan Buləs əd Barnabas wər təha tasa ən wala: «Kawanay a id-dərarən s a dawan-attamal awal ən Məşşina əs tizarat, mişan dad zamas tugayam sər-əs, wər təssəharam iman-nawan əd təməddurt ta təxlalat, wədi ad nəmələlləy s aytedan win wər nəmos Kəl-Əlyəhud. ⁴⁷ Fələs awen da as danağ-omar Əməli Məşşina s əmmək was inna dağ Əlkəttaban as ən-nan: *"Əgeq-qay ənnur i tawşeten šin wər nəmos Kəl-Əlyəhud fəl ad tawəyağ isalan n əlyillas har d a du-təraz əddənet."*»

⁴⁸ As əslan aytedan win wər nəmos Kəl-Əlyəhud y awen, əddəwen, əzzəzwəran awal n Əməli Məşşina, əzzəgzanan aytedan kul win as itawatas ad əgrəwan təməddurt ta təxlalat. ⁴⁹ Ad itiwəziwiz awal n Əməli dağ akal ketnet.

⁵⁰ Mişan ənkarən Kəl-Əlyəhud əgan ark-man dağ tədoden šiyyad tiwasaxmarnen əhānen əddin ən Kəl-Əlyəhud əd muzaran n əxrəm, ewayan-du əs Buləs əd Barnabas ətəwədgaz labasan, təzzar əs-taxan-tan, əkkasan-tan dağ akal-nasan. ⁵¹ Əbbək-bakan aboqqa ən daran-nasan dağ batu n əxrəm wen, təzzar əkkən əxrəm wa n İkonəyum. ⁵² İnalki-man ən Şaysa win d-oyyan dəffər-san dağ Antəy-oxəya amaran, əknān təfalawist, idnay-tan dəy İn-fas wa Zəddigan.

Buləs əd Barnabas dağ İkonəyum

14 İga Buləs əd Barnabas dağ əxrəm n İkonəyum arət wa da taggin fawda, a t-imosan iguz n ahan n əlyibada ən Kəl-Əlyəhud; təz-zar əgan dağ-as awal a d-ewayan as əzzəgzanan aytedan aggotnen dağ Kəl-Əlyəhud əd Kəl-Əlyunan əs Şaysa. ² Mişan ənkarən Kəl-Əlyəhud win ugay-nen s əzəgzan əs Şaysa, əgan dağ aytedan win ha-datnen wər nəmos Kəl-Əlyəhud ark-man əs məz-zəgzan əs Şaysa. ³ Harkid awen iga Buləs əd Barn-abas tamert tagget dağ İkonəyum. Taggin awal a daq-qan wər təha tasa, tagayyen fəl Əməli. İkf-en Əməli fərregat n igi ən təlməxjujaten əmosnen əlğalamaten d aratan simaklānen satəddinen tidət a mosan salan win əqqalnen arraxmat-net.

⁴ Mişan təzun tamattay n əxrəm. Wiyyad əwaran aganna wa n Kəl-Əlyəhud, wiyyad aganna wa n nəmmuzal. ⁵ Ənkarən aytedan win wər nəmos Kəl-Əlyəhud əd Kəl-Əlyəhud əd muzaran-nasan sam-

markasan ad əgin tarşəxşad labasnen i Buləs əd Barnabas, anğin-tan kərəz əs təgur ən təhun. ⁶ As isla Buləs əd Barnabas awen, əgmadan əxrəm wen, əkkən Lustra əd Derbe əmosnen iğərman n akal wa n Lukawnəya əd kallaan win tan-əylaynen, ⁷ a dağ-san əmmalan isalan n Əlinjil.

Buləs əd Barnabas dağ Lustra

⁸ Əxrəm ən Lustra ih-ay aləs n anabdon s as d-ihəw da, əmmutan daran-net, wər kala təwər takkolt-net amadal. ⁹ As əzəl iyyan ad issisam i Buləs išşewal, idak-ku Buləs s asawad, inay dağ-as as, ila əzəgzan a t-izzozayan; ¹⁰ təzzar inn-as s afalla: «Ənkər, tağəda tebadday-nak!» İggad aləs, iggaz šin teklay. ¹¹ As tənay tamattay təgget awa iga Buləs den, ad gannin aytedan s afalla dağ awal wa n təlukawnəyat: «İmalan əhānen şaşşelan an aytedan, a fall-ana d-əzzəbbatnen.» ¹² Əgan i Barn-abas esəm n iyyan dağ əssənəman-nasan as gannin «Zus», Buləs əgan-as esəm n iyyan as gannin «Hərmes» fələs ənta a imosan əməşşewəl. ¹³ İnkar əlimam n əssənəm wa igan «Zus» əs ehan n əlyiba-da-net iha imi n əxrəm, isassalway-du əs mawan n əxrəm izəgran əd tətəltəla ən təjigay, ira ənta əd tamattay tagget a tan-əgin şizəgzam i Buləs əd Barnabas.

¹⁴ Mişan as əslan nəmmuzal win əganen Barn-abas əd Buləs awen, zazzarren şikadkaden-nasan fəl man-nasan, ozalan əs tamattay təgget ədkālan imaslan-nasan s afalla gannin: ¹⁵ «Xa meddan! Ma tətəggim da? Nakkanay wər nəmos ar aytedan ən şilaten-nawan. İsalan n Əlinjil a dawan-du-neway fəl ad tamməzəyayam d əlyibada n əssənəman, tutabam əs Məşşina di n Amaylöl a d-ixlakan ijən-nawan d amağal əd gərwan d awa tan-ihən kul. ¹⁶ Dağ elan win ərəwnen, oyya şimattiwen kul, əlkamnat i tara ən man-nasnat. ¹⁷ Mişan dər iga awen da ya, iga i man-net təgəyya id issəkna əllux-net imosan: əsufəy wa dawan-d-itaggu akonak dağ jənnawan, ihakk-iwan şimeren olaynen əd sudar, isifəliwis-kawan.» ¹⁸ Gərrid as sahhadarren aytedan əs batu ta əgan den, əgdalan-asan a dasan-əgin şinagzamen. ¹⁹ Osan-du Kəl-Əlyəhud wiyyad a d-əfalnen əxrəm n Antəyoxəya əd wa n İkonəyum, əşşewalan y aytedan har tan-əssəwaran aganna wa-nasan. Ad əggaran Buləs əs təhun, dəf-fər adi zarorawan-tu har dər-əs əgmadan əxrəm, əxilan aba-tu. ²⁰ Mişan as sər-əs d-əddəwan nalki-man ən Şaysa, şalayğalayan-tu, ibdad-du iqqal əxrəm. As affaw, iddew əd Barnabas əkkən əxrəm ən Derbe.

Tewaylay ən Buləs əd Barnabas Antəyoxəya

²¹ As əmalan isalan n Əlinjil dağ əxrəm wen, əlka-man aytedan aggotnen i Şaysa; iqqal Buləs əd Barnabas əxrəm ən Lustra əd wa n İkonəyum əd wa n Antəyoxəya, ²² ad gammayan dağ nalkiman

ən Ҳaysa win җәрман win ad zəzzəwen даҗ таррайт-насан. Šáwalan-asan, talaman-asan фəл ман s ad zəzzəwen даҗ əzəgzan-насан, gannin-asan: «Il-likan as, iguz ən Таҗмар та n Мəššina, iddew əd təssust tagget.»²³ Əkkulluk n Əlkənisat sinafranan-as imuzaran, əššədan awen əd təwa-triwen d əzum, amaran аgin-tan даҗ тəҗlift ən Мəššina di as əzzəgzanan.²⁴ Dəffər awen ərzagan akal wa n Bissidəya, okayan əs wa n Banfiləya.²⁵ Əmalan isalan n Əlinjil даҗ əҗrəm wa n Bərgə, amaran ərasan əs wa n Attaləya.²⁶ Əggazan аҗлал n aman даҗ Attaləya, ənnəmadan Antəyoxəya, аҗrəm was ənta as kala даҗ-as tawaggan даҗ тəҗlift ən Мəššina y əššəҗəl wa əssəndan den.²⁷ As din-osan, sassayran-du аytedan kul n Əlkənisat, təzzar əs-soyalan-asan isalan n arat kul was tan-ikfa Мəššina turagat n иги-net, d əmmək was olam Мəššina таррайт n əzəgzan i təmattiwen šin wər nəmos Kəl-Əlyəhud.²⁸ Dəffər awen əmalan җur nalkiman win den har əgan tamert tagget.

Əmənəy ən məzzəgzan əs Ҳaysa даҗ Yerusalām

15 Osan-du meddan wiyyad a d-əgmāden akal ən Yahudəyya аҗrəm n Antəyoxəya ad sasayrin inalkiman ən Ҳaysa, gannin-asan: «As wər təkemam y аҗадат n əmənəkəd ta d-oyya ənnəbi Musa, wər za təgrəwam əлҗillas.»² Wər irda Buləs əd Barnabas əs batu ten, eway-du awen tamazaq labasat gar-essan əd Buləs əd Barnabas. Təzzar tətawagga tanat n ad aggazzay Buləs əd Barnabas əd nalkiman ən Ҳaysa wiyyad əs Yerusalām фəл ad ənəyan inəmmuzal əd muzaran n Əlkənisat даҗ batu ten.³ Təkf-en Əlkənisat ta n Antəyoxəya arat kul was əddəraran, amaran əglan. Ərzagan akal wa n Fenisəya əd wa n Samarəya suḡulan isalan kul ən tətubt ta d-əganat təmattiwen šin wər nəmos Kəl-Əlyəhud əs Мəššina. Isifilawas awen wəllen inalkiman kul win kallan en.⁴ As osan Yerusalām təg-asan Əlkənisat ketnet marxaba əd nəmmuzal əd muzaran. Təzzar əgan даҗ-san isalan n arat kul was tan-ikfa Мəššina иги-net.⁵ Mišan əggadan-du meddan wiyyad ən nalkiman ən Ҳaysa əhanen taggayt ta n Fərisaytan ənnan: «Əmənəkəd əd ləkkum y əlqanun wa n ənnəbi Musa fərəd a imos фəл аytedan win wər nəmos Kəl-Əlyəhud.»

⁶ Təzzar əmmənəyan nəmmuzal əd muzaran n Əlkənisat фəл ad əssənan awa z'əgin даҗ batu ten.⁷ As ərəwan əmmizayan, ibdad Butros inn-asan: «Imədrayan-in, təssānam as irəw as di-isannafran даҗ-wan Мəššina фəл ad aslin аytedan win wər nəmos Kəl-Əlyəhud isalan n Əlinjil даҗ imi-nin, əz-zəgzənan əs Мəššina.⁸ Мəššina issānan awa ihan əwəl n awedan kul, issikna tərəddawt ta sər-san ига əs təhakkay ta tan-ига Infas wa Zəddigan əs təməwit tas dana-t-ikfa nakkanay win Kəl-Əlyəhud.⁹ Wər данаҗ-izannamazlay dər-san фəlas Мəššina a izazdagan iwallan s əzəgzan sər-əs.¹⁰ Даҗ adi əmərədda ma фəл tətəggim tənəgməyt i Мəššina s

иги wa tətəggim фəл rawan ən nalkiman əzuk əs wərmad əfrāgan marawan-nana adakal-net wala dəҗ nəfrāk-ku nakkanay?¹¹ Wərgəҗ arraxmat n Əməli Ҳaysa as nəzzəgzan, təssəfs-ana? Əntanay da za, əntanay win wər nəmos Kəl-Əlyəhud, təməwit ta da as əfsan!»

¹² Təzzar təffəsta tamattay ketnet, əssəsaman аytedan i Barnabas əd Buləs suḡulan isalan kul ən təlməҗjutaten əmosnen аҗаламатен d aratan simaklalnen win as tan-ikfa Мəššina иги-насан даҗ təmattiwen šin wər nəmos Kəl-Əlyəhud.

¹³ As iffəsta Barnabas əd Buləs, isšewal Yaqub, in-na: «Imədrayan-in, səsəmat-i.¹⁴ Simḡon Butros is-sōḡal-ana təməwit tas issənta Мəššina harwa даҗ tizarat əsəkni ən tara ta ига i təmattiwen šin wər nəmos Kəl-Əlyəhud s əsənnəfrən wa даҗ-asnat ига аytedan as z'əqqələn tamattay-net.¹⁵ Amaran ini-mannak awen d awa ənnan ənnəbitan даҗ Əlkəttaban as ənnan:¹⁶ "Ad d-əqqəla dəffər awa, ələsəҗ i Dawəd akaras n ahan-net ibirajjen, əkrəsəҗ iməg-gulaz-net, əssəbdədaq-qu,¹⁷ фəл ad əgməyan аytedan win d-əqqimnen Əməli. Awalla šimattiwen kul šin wər nəmos Kəl-Əlyəhud, ad əqqəlnat tamattay-nin, əҗbadnat-i. Adi a inna Əməli wa иган aratan di kul",¹⁸ фəл təga masnat harwa irəw.

¹⁹ Awen da фəlas nak Yaqub, ərdəҗ s ad nayyu əsəmməҗitər n аytedan win wər nəmos Kəl-Əlyəhud win du-tutabnen əs Мəššina.²⁰ Mišan ək-təbatana y-asan širawt, nann-asan ad ammazzayan d əsəmmədəs ən man-насан s arat ad d-immāran əssənəm, ammazzayan d иги n əzzəna əd tattay ən şan n əmudar tənҗa tarzam əd təssay n əzni.²¹ Fəlas irəw ad t-əmalan əlfəqqitan sasayrinen Ət-tawret даҗ əkkulluk n əҗrəm, itawayru dəҗ akk əzəl ən təsanfawt даҗ nan ən Kəl-Əlyəhud win əлҗibada.»

Širawt ta tətawasokat i nalkiman ən Ҳaysa win wər nəmos Kəl-Əlyəhud

²² Təzzar ərdən nəmmuzal əd muzaran d Əlkənisat ketnet s ad sənnəfrənan wiyyad даҗ-san, zəmmizəlan-tan s əҗrəm n Antəyoxəya, idawan əd Buləs əd Barnabas. Sannafranan Yahuza was itawannu Barsabbas əd Silas, əmosnen imuzaran даҗ məzzəgzan əs Ҳaysa.²³ Əssəwaran-tan ad awəyan širawt s ənta da awa даҗ-as əktaban: «Awa nakkanay inəmmuzal əd muzaran ən nalkiman ən Ҳaysa win mədrayan-nawan. Nəhul-in imədrayan-nana win wər nəmos Kəl-Əlyəhud, win əhanen аҗrəm n Antəyoxəya əd win əhanen akal ən Surəya əd wa n Kilikəya.²⁴ Nəslā assa wa kawan-in-əgan meddan данаҗ-in-əfalnen ši wala turagat-nana, əҗšadan iman-nawan, əššəwəšan-kawan s awa gannin.²⁵ Adi a фəл nənamannak ketnana, nəga tanat ad nəsənnəfrən meddan, nəzəmmizəl-tan-in sər-wan, idawan-in əd maran-nana Barnabas əd Buləs,²⁶ əmosnen meddan əgānen iman-насан даҗ аҗарар фəл əddəlil n esəm n Əməli-nana Ҳaysa

Elməsix. ²⁷ Adi da fəl din-nəzammazal Yahuza əd Silas fəl a dawan-ələsan əsuyəl ən salan win imi s imi. ²⁸ Fəlas issibdad Infas wa Zəddigan əd nəkkənanay iman-nana tanat n as wər kawan-za-nəssəwər əzuk waliyyan ar wa n aratan win əwwəj-jabnən, ²⁹ əmosnən: ad tammazzayam əd tattay n amensay itiwakfan y əssənəman əd tassay n əzni əd tattay ən şan n əmudar tənə tarzam d igi n əz-zəna. As tətəfam iman-nawan fəl igi n aratan win di, ad tagim a olāğan. Nəhul-kawan-in wəllən.»

³⁰ Dəffər awen tawasallaman, əzagadayyan, əqqalan Antəyoxyə, ewāyan şirawt. As din-ewadan əşsedawan-du inalkiman ən Xaysa, əkfan-tan şirawt ten. ³¹ Tətawaxra, təzzar saddawen-tan salan talamnen fəl man win əgrawen den. ³² Amaran işşewal Yahuza əd Silas əmosnən əntanay iman-nasan ənnəbitan ad taggin ənnəsixa aggen i mədrayan talaman-asan fəl man, sisuhen əzəgzan-nasan. ³³ As iga Yahuza əd Silas tamert den, əssəl-laman-tan mədrayan win Antəyoxyə fəl ad əqqələn Əlkənizat ta tan-du-təzammazalat. [³⁴ Mişan issof Silas ad aqqam den da, iqqal əs Yahuza xas a iqqalan Yerusalem.] ³⁵ Ixsar Buləs əd Barnabas dağ Antəyoxyə, xattaban əntanay əd wiyyad imədrayan aggotnen y aytedan Əlinjil n Əməli, sasaxrin-asan-tu dəx.

Əməzzəy ən Buləs əd Barnabas

³⁶ As əgan tamert dəffər awen, inna Buləs i Barnabas: «Əqqəlana imədrayan-nana dağ əzəgzan win əhanen iyərman kul win dağ nəmal awal n Əməli, ad nəssən awa dağ-san in-igan.» ³⁷ Ira Barnabas ad idawan əd Yaxya was itawannu Markus. ³⁸ Mişan inna Buləs wər ihor ad idawan d aləs as dat awen a dağ-san ixtas iman-net dağ Banfiləya, wər xur-san iqqim har səkkəsəwan əşşəxəl-nasan. ³⁹ Təkkus talə gar-essan har d-eway awen as əmməzzəyan. İddew Barnabas əd Markus əggəzan aylal n aman əkkan Qıbrus. ⁴⁰ Buləs ənta isannafran Silas, iddew dər-əs. As t-əgan mədrayan dağ təxlift ən Məşşina, igla. ⁴¹ İllil Buləs akal wa n Surəya əd wa n Kilikəya isisuhit əzəgzan n Əlkənizatən.

Tidawt ən Timotay əd Buləs əd Silas

16 Osa Buləs axrəm ən Derbe, as t-ifal ikka wa n Lustra. Amaran Lustra ih-et ənalkim ən Xaysa igân Timotay s anna-net iyyat dağ Kəl-Əlyəhud təzzigzanat əs Xaysa, mişan abba-net iyyan dağ Kəl-Əlyunan. ² Əmmələn-tu mədrayan dağ əzəgzan win Lustra d İkonəyum əllux. ³ Ira Buləs tidawt-net, inkar isammankad-tu fəl əddəlil ən Kəl-Əlyəhud win əhanen akal wen, fəlas əssānan ketnasan as abba-net iyyan dağ Kəl-Əlyunan a imos. ⁴ Axrəm a d-osa Buləs əd Silas a dağ-as əməlan i nalkiman win t-əhanen şinaden şin əgan nəmmuzal əd muzaran n Əlkənizat ta n Yerusalem,

əgməyan dağ-san a dasnat-əlkəman. ⁵ Ad itasahat əzəgzan n Əlkənizatən, təyttəynat akk əzəl.

Ətəwəxra ən Buləs əs Masedonəya

⁶ İrzag Buləs əd Silas akal wa n Frijəya əd wa n Galatəya əqlan okāyan, fəlas Infas wa Zəddigan a dasan-igdalən emel n awal ən Məşşina dağ akal wa Asəya. ⁷ As osan əgogəs n akal wa n Məsəya, əgməyan d iguz n akal wa n Bitinəya, mişan igdal-asan-tu Infas wa Zəddigan. ⁸ Təzzar ərzagan Məsəya, əzagadayyan s əxrəm wa n Trowas. ⁹ As iga əhad orga Buləs: İnay aləs iyyan n akal ən Masedonəya ibdād dənəg-əs, itansay-tu, igannas: «Akka-du Masedonəya, tədhləx-ana.» ¹⁰ İga Buləs targət ten xas, nəsammatag y iki ən Masedonəya fəlas nəkkəs aşşak as Məşşina a danax-ıxran fəl a dağ-as nəməl isalan n Əlinjil.

Əzəgzan ən Lidəya s Əməli dağ Filib

¹¹ Nəggəz aylal n aman dağ Trowas, nənnəmad akal imosan gərətələn as itawannu Samotras. As affaw nəkka axrəm ən Neyabolis. ¹² Ənta nəgmad-tu əs wa n Filib imosan axrəm fəl təxkâm Ərrum; imos dəx axrəm wa azzaran dağ akal ən Masedonəya. Nəga dağ-as adan. ¹³ As d-ewad əzəl wa n əssəbət, əzəl wa n təsanfawt ən Kəl-Əlyəhud, nəgmad-in axrəm əs təgadamayt ən təsəssəngəyt iyyat as norda as, ih-et adag a dağ taggin Kəl-Əlyəhud şiwatriwen. Nogaz-in şidoden əmminaynen den, təzzar nəqqim, nəşşewal-asnat, nəg-asnat dəx təlxutbat.

¹⁴ Təssəsəm-ana iyyat dağ-asnat ən təmiksət ən Məşşina təgāt esəm Lidəya n əxrəm ən Təyatir tətaggit jola ən təbəddax zaggaxnen hossaynen. Ora Əməli əwəl-net, təga əsəsəm olāğan y awa igannu Buləs, təzzar təzəgzan əs Xaysa. ¹⁵ As tətawasalmağ dağ aman ənta d aytedan n axaywan-net, tonsay-ana, tənn-ana: «Zama təhanayam as əzzigzana s Əməli, wədi akkiwat-du ehan-in tazabbem dağ-as.» Təgraw-du dağ-na as nərda.

¹⁶ Əzəl iyyan nəkkâ edag ən təwatriwen wen as nəmmənanay əd təməwat iyyat ən təklit iha əggəsuf a das-imməlan awa d-izayan, garrawan sər-əs məssawəs tənfa tagget dağ awen. ¹⁷ Təlkam-ana nəkkanay əd Buləs təsiyarat təgannu: «Meddan win, eklan ən Məşşina di n Amadkol a əmosan. İsalan ən tarrayt ta n əlxilləs as d-osan y a dawan-tan-agin.» ¹⁸ Təga adan əgəgnən tətaggu awen. İgla Buləs har t-işaxaşşat awen, imalallay-tat-in inna y əggəsuf wa tat-ihan: «Omaraq-qay əs tarna ta təhat esəm ən Xaysa Əlməsix, əgməd-tat!» Təzzar igmad-tat əggəsuf dağ tamazayt ten da.

¹⁹ As ənayan məssawəs as ab-as sər-san tat-du-təgamməd tənfa, əbazan Buləs əd Silas, əlwayantan s asammanay n əxrəm, əssəbdadan-tan dat naxkiman. ²⁰ Ənnan i naxkiman: «Meddan win jan-

najarwayan aɣrəm-nana. Kəl-Əlyəhud a əmosan, ²¹ sasaxrinen aytedan alɣadaten as nakkanay Kəl-Ərrum wər nəla turagat ən tərəddawt sər-əsnat wala ləkkum y-asnat.» ²² Tənkər tamattay ənta da təzzan əs Buləs əd Silas. Ənnan naxkiman a fall-asan təwəzəzərren səlsa, omaran s a dasan-təwəg-ginat təwit. ²³ As tan-əyyəwanan šiwwit, əgarantan daɣ kasaw, omaran əmuzar ən kasaw s a dasan-əgu aggaz olâɣan. ²⁴ Əmuzar ən kasaw deɣ as das-itawanna awen, inkar ig-en daɣ adangaya ən kasaw, inday idaran-nasan daɣ šiləlt.

²⁵ As isaggaraygaray ahad, ad itattar Buləs əd Silas sihaken imaslan-nasan taggin deɣ təmmalen i Məššina, əssisaman-asan məskəsa win hadatnen. ²⁶ Wala a ihogan iga amaɣal ənəgəynəgəy s awa iga daɣ assahat har inagaynagay ahan ən kasaw ketnet, ənnolamnat təsəhar ən kasaw kul tamazayt ten da, zalabben sassaran daɣ məskəsa kul. ²⁷ Inkər-du əmuzar n ahan ən kasaw daɣ etəs. As inay ši səhar ən kasaw ənnolamnat, ilbay-du takoba-net y sər-əs anɣu iman-net fəlas a iɣil iməskəsa əddəggagan. ²⁸ Mišan isaxarat-as Buləs inn-as: «Ad wər tanɣax iman-nak, ketnana nəlla da.» ²⁹ Inna əmuzar ən kasaw ad d-ammawaynat fətəlaten, iggaz ammas ən kasaw tarmad igla har ewad adangaya-net təndaw-tu taysəst har issəjad i Buləs əd Silas. ³⁰ Təzzar ikkas-tan-du inn-asan: «Meddan, mas di-iwar igi-net əgrəwax əlɣillas?» ³¹ Ənnan-as: «Zəgzən s Əməli ɣaysa ad təgləsa kay d aɣaywan-nak.» ³² Amaran əmalan-as awal n Əməli ənta d aytedan kul n aɣaywan-net. ³³ Eway-tan alwaq wen da adawannay n ahad, išşorad ibusan-nasan. Den da ad itawasalmaɣ daɣ aman, ənta d aytedan n aɣaywan-net ketnasan. ³⁴ Təzzar iddew əmuzar ən kasaw əd Buləs əd Silas s ahan-net, isammagartan. Isidawat-tu wəllen ənta d aɣaywan-net ketnet əzəgzan wa əgan əs Məššina.

³⁵ As affaw, zammazalan naxkiman sojitan s əmuzar ən kasaw y a das-annin ad ikkəs Buləs əd Silas. ³⁶ Imal əmuzar ən kasaw əmazal wen i Buləs, inn-as: «Inaxkiman n əɣrəm ənnan-du ad tətəwəkkəsam. Daɣ adi əgmədat, taɣlim daɣ alxer.» ³⁷ Mišan inna Buləs i sojitan: «A danaɣ-agin šiwwit dat awedan kul da wala əšşəriɣa, ənta nakkanay nəmos Kəl-Ərrum; əgəran-ana daɣ kasaw, amaran əmərədda iren a danaɣ-əkkəsən wər t-illa i issanan! Kala kala! Asinet-du iman-nasan, əkkəsən-ana.» ³⁸ Əqqalan sojitan əsoɣalan batu ten i naxkiman. As əslan as Buləs əd Silas Kəl-Ərrum a əmosan, ərmaɣan. ³⁹ Osan-tan-du a tan-taləyden, təzzar əkkasan-tan daɣ kasaw, a daɣ-san gammayan ad əgmədan aɣrəm-nasan. ⁴⁰ Ifal Buləs əd Silas kasaw, əkkan ehan ən Lidəya. As əmmənayan əd mədrayan daɣ əzəgzan, əšşewalan-asan, olaman-asan fəl man, amaran əqlan.

Tugəyt ən Kəl-Əlyəhud win Tesalonik s ad əqbəlan əsəssəɣri ən Buləs əd Silas

17 Iga Buləs əd Silas tarrayt ta tərzagat Anfibolis d Abollonəya har din-osan aɣrəm ən Tesalonik a daɣ ələn Kəl-Əlyəhud ehan n əlɣibada. ² Os-en-in Buləs, awa da itaggu fawda. Iga den karadat əssəbəten itiməšiwil əd Kəl-Əlyəhud daɣ salan n awa ənnan Əlkəttaban. ³ Isassagr-asan-tan, issosan-tan əs, Əlməsix ilzâm-tu ad aɣxazzab ibatu, təzzar inkər-du daɣ təmattant. Igann-asan deɣ: «ɣaysa wa dawan-əmmala da, ənta Əlməsix.» ⁴ Əz-zəgzanan wiyyad daɣ-san s awa igannu, təzzar əwaran aganna ən Buləs əd Silas, əntanay əd Kəl-Əlyunan əknanen igət ən miksadan ən Məššina əd tədoden aggotnen ələnən esəm daɣ əɣrəm.

⁵ Mišan əggaznat təsmiten labasnen tašşam ən Kəl-Əlyəhud, əšşedawan-du ark aytedan win əssuk, əqqalan tiddawat təzzar jannajarwayan aɣrəm. Əstaban y ahan ən Yason gammayan Buləs əd Silas fəl a tan-əssəbdədan dat alɣamaɣat təšrəɣ-asan. ⁶ Wər ɣur-əs tan-əgrewan, təzzar əlwayan Yason ənta d arat daɣ mədrayan daɣ əzəgzan har tan-əssəbdədan dat naxkiman n əɣrəm, ad gannin s afalla: «Aytedan win, əddənət ketnet as sər-əs d-ewayan iba n alxer, əmərədda əntanay da. ⁷ Amaran Yason a tan-igan daɣ aɣaywan-net. Ketnasan tamazrayan əlqanun n əmənokal-nana Qaysara fəlas tənna a taggin ill-ay iyyan əmənokal igân es-əm ɣaysa.» ⁸ Isalan win den as dasan-təsla tamattay əd naxkiman n əɣrəm əgan ašşawaša labasan. ⁹ Əgan azrəf daɣ Yason d aytedan win ɣur-əs əllanen, har t-ərzaman as tawayyan.

Buləs əd Silas daɣ Berawya

¹⁰ Tarmad as əssokan mədrayan daɣ əzəgzan Buləs əd Silas aɣrəm ən Berawya ahad wənda. As t-in-osan, əggazan ehan ən Kəl-Əlyəhud wa n əlɣibada. ¹¹ Əssəknan-tan Kəl-Əlyəhud win Berawya əlləllu ogaran wa tawasaknan daɣ Tesalonik. Əntanay əknən əlqəbulat n awal ən Məššina. Əzəl kul ɣarran Əlkəttaban, tašaggaran kud awa igannu Buləs tidət a imos wala. ¹² Eway-du awen as əzzəgzanan wiyyad daɣ-san aggotnen, əntanay əd tədoden ən Kəl-Əlyunan tiwasaxmarnen əd meddan aggotnen ən Kəl-Əlyunan.

¹³ Mišan as əslan Kəl-Əlyəhud win Tesalonik as aɣrəm wa n Berawya ənta da immâl daɣ-as Buləs awal ən Məššina, əkkan-tu ənta da, əgan arak man daɣ aytedan, jannajarwayan aɣrəm. ¹⁴ Den da ad ənkaran nalkiman ən ɣaysa əssəgylan Buləs, əssokan-tu tama n agaraw. Silas əd Timotay əntanay əqqiman-du daɣ Berawya. ¹⁵ Aytedan win məššidaw ən Buləs, əddewan dər-əs har tu-šəšşawadan aɣrəm n Atena, amaran əqqalan ewəyan əmazal ən Buləs i Silas əd Timotay n as, a das-d-əlkəman tarmad.

Buləs daɣ Atena

16 A iqqal Buləs i midawan-net daɣ əxrəm n Atena, tamatšin man-net fəl alham n igət wa əgan əssənəman daɣ əxrəm wen. 17 Təzzar ad itakku ehan ən Kəl-Əlyəhud wa n əlɣibada itiməšiwil dər-san əntanay d aytedan wiyyad ən miksadan ən Məššina, itakku dəɣ akk əzəl asammanay n əxrəm, itiməšiwil əd win dər itamanay. 18 Itiməšiwil dəɣ Buləs əd meddan wiyyad ən musanan ən taggayt ta n Efikurəyan d Əstoyisəyan. Tamazaɣan dər-əs wiyyad daɣ-san gannin: «Wa akk tawalaqqat, ma igannu?» Wiyyad gannin: «Əs tanna imalan wiyyad wər nəzday as immâl isalan-nasan.» Wər tan-issasanna awen ar, a fəl dasan-immâl Buləs isalan n Əlinjil, itagg-asan isalan ən Ƴaysa əd tanakra-net daɣ təmattant. 19 Təzzar əkkan dər-əs s asaggawar n əxrəm n Atena as itawannu Aryofagəs, ənnan-as: «Ag-ana isalan ən masnat təzrâyat ta dər du-toseɣ da, 20 fəlas təssislaɣ-ana aratan wər nəzday, as nərə ad nəssən almaɣna-nasan.» 21 Əntanay Kəl-Atena kul əd naftaɣan win tan-əhanen, wər əgmedan ar s awal d əsəsəm i salan win d-əzraynen.

22 Ibdad Buləs daɣ ammas n Aryofagəs inna: «Hannaya wəllen as, kawanay Kəl-Atena təddinam wəllen, 23 fəlas əssiɣlaya daɣ əxrəm-nawan, zigaz-daɣ idaggan win daɣ təɣabbadam imalan-nawan, əssiha fadda fəl adag a daɣ tawakfinat təkutawen fəl iktâb: "Edag n əlɣibada n əməli wər nətawas-san". Əməli wa təɣbadam da wər tu-təssenam, ənta as dawan-əmmâla isalan-net da. 24 Məššina wa d-ixlakan əddənet d arat kul wa tat-ihan, ənta a imosan Əməli ən jənnawan d amaɣal, wər ixser daɣ nan n əlɣibada əkrâsan fassan n aggadəm, 25 wala iddirar s a ikna aggadəm fəlas wər iddərər əs wala. Ənta a isuduran, ihakku infas, ihakku arat kul. 26 Ixlak-du tawšetən n əddənet kul daɣ awedan iyyanda, y ad əxsərnat fəl əruru n amaɣal ketnet. Ixtas-asnat azzaman, iga dəɣ šizərəz i kalkan win daɣ əxsaran. 27 Igâ Məššina awen fəl ad t-əgməyan aytedan kuddeɣ s adez, mijas a t-əgrəwan; kuddeɣ as wər danaɣ-iha i iggug, 28 fəlas ənta a ittəfan təməddurt-nana d əmətəkwəy n akk iyyan daɣ-na d awa nəmos. Adi da a ənnan arat daɣ məssiway-nawan wiyyad əs tənna ta əgan: "Awalla, nakkanay da nəmos bararan-net." 29 Daɣ adi dad zamas nəmos bararan ən Məššina, wər imməkkan ad narđu as iha šaššəlan n əssənəm igân daɣ urəɣ, wala azrəf, wala təhunt, a d-inzâm awedan gar-es əd man-net. 30 Əljəhəl wa əgan aytedan daɣ aratan win di, wər fall-asan t-ixseb Məššina daɣ elan win təljühəla, mišan əmərəddə omar aytedan kul, edag əhan, əs tətubt, 31 fəlas ilkâm əzəl igâ təmastant, wa daɣ z'agu y əddənet ketnet əššəriɣa oɣâdan. Isinafran aləs wa z'agu daɣ əššəriɣəl wədi. Issikna adi y awedan kul s əsənkər wa t-id-iga daɣ təmatant.»

32 As əslan i Buləs iššəwal daɣ batu ən tanakra daɣ tamattant, əgan daɣ-as wiyyad tamakkakkayt, wiyyad amaran ənnan-as: «Nərə a dak-nələs əsəsəm daɣ batu tədi əzəl iyyan.» 33 Den da a tan-ifal Buləs, igla. 34 Dər iga awen da osayaɣ dər-əs wiyyad daɣ-san təzzar əzzəgzanan. Aytedan win, ih-en Dəyonusəyəs ihân asaggawar wa n Aryofagəs əd tətut təgât Damaris əd wiyyad aytedan.

Buləs daɣ Korent

18 Dəffər awen igmad Buləs əxrəm n Atena, ikka wa n Korent. 2 Den da ad immənay d aləs ən Kəl-Əlyəhud igân esəm Akilas n akal ən Fontəs, a d-osân səket ifâl-du akal wa n Italəya ənta əd hannes Friska; fəlas əmənokal Klawdəyus Qaysara a omaran s ad təwəstəɣan Kəl-Əlyəhud kul daɣ əxrəm n Ərrum. Osaɣ dər-san Buləs. 3 Amaran dad imos as ola dər-san əššəriɣəl – ketnasan əššəriɣəl-nasan igi ən həktan – imal ɣur-san Buləs, išɣal. 4 Akk əzəl ən təsənfawt, itaggu Buləs isalan daɣ ahan ən Kəl-Əlyəhud wa n əlɣibada, igammaɣ d ad əzzəgzənan Kəl-Əlyəhud əd Kəl-Əlyunan.

5 As d-osa Silas əd Timotay Buləs əfâlan-du Masedonəya, igmad Buləs ənta s amel n awal ən Məššina ɣas, itagayyat i Kəl-Əlyəhud as Ƴaysa a imosan Əlməsix. 6 Mišan ugayan sər-əs Kəl-Əlyəhud, a turabbadan. Ibbəkək Buləs isəlsa-net, almaɣna ab'as dər-san idraw wala. Inn-asan: «Təlmanam iman-nawan; iwəret alxaq-nawan iɣafawan-nawan, nak ab'as di-iwar alxaq n iba n əlɣillan-nawan. A obazan ɣur əmərəddə aytedan win wər nəmos Kəl-Əlyəhud a z'akkay.»

7 Təzzar ifal-tan, iggaz ehan n aləs igân esəm Titəyus Yustus imosan əmiksad ən Məššina as illa ahan-net dəgma n ahan wa n əlɣibada ən Kəl-Əlyəhud. 8 Krisbəs wa n əmuzar n ahan ən Kəl-Əlyəhud wa n əlɣibada ənta izzigzan s Əməli, ənta harkid aytedan n aɣaywan-net kul. Əslan Kəl-Korent aggotnen i salan win itaggu Buləs, əz-zəgzənan əntanay da, təzzar tawasalməyan daɣ aman.

9 As ahad iyyan iga Buləs targət a daɣ das-inna Əməli: «A kay wər təggəz tasa, kalar šawal ad wər taffasta, 10 əlleq-qu dər-ək, wər t-illa i z'ifrəgan a dak-ixšəd arat, fəlas ələɣ aytedan aggotnen daɣ əxrəm wa.» 11 Ixsar Buləs daɣ əxrəm ən Korent har iga awatay d aganna, isasayru aytedan awal ən Məššina.

12 Azzaman win daɣ imos Galləyyun ənaxkim n akal wa n Akayya, ənkarən Kəl-Əlyəhud əgan eɣaf fəl Buləs, əbazan-tu, ewayan-tu s adag n əššəriɣa, 13 ənnan: «Aləs wa, igammaɣ d ad əɣbədan aytedan Məššina əs təməwit təmmizrayat əššəriɣa.» 14 As zama issinta Buləs daɣ awal, inna Galləyyun i Kəl-Əlyəhud: «Kawanay Kəl-Əlyəhud, ənnar assa a di-du-təgam daɣ batu n arat im-mizrayan əššəriɣa madəɣ ark amazal labasan, iməl-tu əddəlil wa fəl dawan-z-əssəsəmaɣ; 15 mišan

zama awa tamazaq tēgât fəl tēfir d əsmawan d əššərixa-nawan, əsrəyat-tan kawanay iman-nawan, nak wər arex ad əqqəla əmaşrax n aratan zun win di.»

¹⁶ Amaran isassarda-qan ehan wa n əššərixa.

¹⁷ Təzzar ənkarən ketnasan, əbazan Sustinəs wa n əmuzar n ahan ən Kəl-Əlyəhud wa n əlxibada, ad t-əggatan da da dat ahan wa n əššərixa; mišan wər izlay Galləyyun daq awen.

Iqqal Buləs ayxəm n Antəyoxəya

¹⁸ Iqla Buləs ixşâr daq ayxəm ən Korent har irəw. Dəffər adi inamagga əd nalkiman ən Xaysa šiwatri-wen, iggaz aqlal n aman ikka Surəya, iddew əd Friska d Akilas. Harwada wər iggez aqlal n aman daq Qankrəya inimahazan əd Korent akku Surəya ad ilza eçaf-net y ad assaknu s awen adqawal wa iga. ¹⁹ As osan ayxəm n Efez, imməzzay dər-san Buləs. Iqla ənta iggaz ehan ən Kəl-Əlyəhud wa n əlxibada imaşawal dər-san. ²⁰ Əgmayan daq-as a xur-san ihag, ugay-asan. ²¹ Mišan as tan-ifal inn-asan: «[Wər imməkkan a di-wər-iga əmud wa d-izayan daq Yerusalām.] A kawan-d-əqqəla kud Məššina irda.» Iqmad Efez iha aqlal n aman. ²² As izzəb-bat daq ayxəm wa n Qaysarəya, iggəzzay, ikka Yerusalām issəslam Əlkənisat, dəffər adi izagaday, ikka ayxəm n Antəyoxəya. ²³ As daq-as iga tamert, iqmad-tu, illil akal wa n Galatəya əd wa n Frijəya, isisuhit əzəgzan ən nalkiman ən Xaysa kul.

Assa n Abbolos Efez d əššəxəl ən Buləs daq Akayya

²⁴ As itaggu awen, ayxəm n Efez os-ay-du aləs ən Kəl-Əlyəhud igân esəm Abbolos n əyxəm n Alaskan-drəya, imosan aləs issânan awal wəllen, igân masnat tagget y Əlkəttaban. ²⁵ Itiwasasayra tarrayt ta n Əməli, amaran ikf-ay Infas wa Zəddigan gəlleyat daq igi ən təlcutbat, isasayru dəx s əlluq daq batu ən Xaysa; dər iga awen da ya, isalan n əsəlməx wa itaggu Yaxya aytedan daq aman ças a t-əhanen. ²⁶ Ad itaggu awal daq-qu wər təha tasa daq ahan ən Kəl-Əlyəhud wa n əlxibada. As das-təsla Friska d Akilas, əddewan dər-əs, sassayran-tu s əlluq, əššotan-as masnat ta iga tarrayt ta n Məššina. ²⁷ Dəffər awen isammarkas Abbolos iki n akal wa n Akayya, təzzar ədhalan-tu mədrayan-net daq əzəgzan s awen. Əktaban şirawt i nalkiman ən Xaysa win t-əhanen fəl a das-agin təməwit toləyat as tan-in-osa. As din-osa, təggaz-tu tənfa zəwwərat a du-təfállat arraxmat ən Məššina y aytedan win əzəgzannen, ²⁸ fəlas isabbahaw s assahat dat tamattay iduf wa əgan Kəl-Əlyəhud. Issəkn-en daq Əlkəttaban as, Xaysa a imosan Əlməsix.

Buləs daq Efez

19 Azzaman win daq iha Abbolos Korent, ad irzag Buləs akal n ədçaxan har iras fəl

ayxəm n Efez. Inay daq-as inalkiman ən Xaysa wiyyad, ² inn-asan: «Awak kawanay, as təz-zəgzanam tēgrāwam Infas wa Zəddigan?» Ənnan-as: «Wər nəsla fadda as t-illa Infas wa Zəddigan.» ³ Inn-asan Buləs: «Daq adi ma imos əzzənəf n əsəlməx wa tətawaggaq daq aman?» Ənnan-as: «Əsəlməx wa n Yaxya.» ⁴ Amaran inn-asan Buləs: «Yaxya, aytedan win ətubnen daq bakkadan a isalməx daq aman, assaknu adi tətubt-nasan, immâl-asan ad əzzəgzənən əs wa du-z-asin dəffər-əs, almaçna Xaysa.» ⁵ As əslan y awen, tawasalmaçan daq aman daq esəm n Əməli Xaysa. ⁶ Təzzar is-səwar Buləs akk iyyan daq-san ifassan-net, əgrawan dəx Infas wa Zəddigan, əššəwalan daq awalan wər nətawazday, əgrawan emel ən salan a d-izizabbat Məššina. ⁷ Meddan en, marawəssan d əššin.

⁸ Amaran ad itakku Buləs ehan wa n əlxibada ən Kəl-Əlyəhud, itaggu daq-as təlcutbat wər t-illa is tu-təha tasa-net har iga karadat təlil. Igammay d ad isəttəddu i Kəl-Əlyəhud isalan win itaggu daq batu ən Taçmar ta n Məššina. ⁹ Mišan saggarmaman wiyyad daq-san iwallan-nasan, ugayan s ad əz-zəgzənən s awa igannu, fadda ad gannin dat tid-dawat aratan wər noləx əs tarrayt ta n Əməli. Imməzzay dər-san Buləs, iddew əd nalkiman ən Xaysa; a tan-isasayru akk əzəl daq ahan ən taçaray n aləs iyyan igâ esəm Turanus, ¹⁰ har iga əššin elan; har as aytedan win akal n Asəya, gər za win Kəl-Əlyəhud wala win Kəl-Əlyunan, ketnasan əslan y awal n Əməli.

¹¹ Isisugu Məššina Buləs təlməxjujaten wər nətawazday, ¹² har as, tamawayan əlkəşifatan əd təsəwad ən təbdoq ədasnen Buləs fəl a sər-san təwədəsan miranan. Təzzayan aytedan en daq təwərnawen-nasan; win daq-san əhan kələsuf dəx gammadan-tan.

¹³ Ənkarən Kəl-Əlyəhud wiyyad əllâmnən gər kallan, takkasan kələsuf daq aytedan, ad gammayan əntanay da d-ikus ən kələsuf daq aytedan s esəm ən Xaysa, gannin daq təməgraw-nasan: «Əhâdaç-awan əs Xaysa, was itaggu Buləs isalan-net ar, ad təgmədəm awedan a!» ¹⁴ Əssa meddan ən mədrayan əmosnen maddanəs n əmuzar iyyan n əlimam igân esəm Sewa a tagginen awen. ¹⁵ As ən-nan awen y əggəsuf, a dasan-annu: «Əzdâyay Xaysa, Buləs dəx əššânay awa imos, kawanay amaran, ma təmosam?» ¹⁶ Təzzar ifətəqqət daq-san awedan wa əhan kələsuf da, əggəznat-tu təçurad a tu-sisarnanen meddan en ketnasan, içləb-tan əs təwit, har as, as gammadan ehan wen, ozâlan, əz-zâfan, əbbôsən.

¹⁷ Əslan aytedan n Efez kul awen, gər za win Kəl-Əlyəhud wala win Kəl-Əlyunan. Təggaz-tan tasa ketnasan, təzzar əzzəzwəran wəllen esəm n Əməli Xaysa. ¹⁸ A du-tasin aytedan əgğotnen əzzigzannen əs Məššina, suçulan ark mazalan win as kala tan-taggin. ¹⁹ Ewayan-du massaxaran əgğotnen əlkət-

taban-nasan, əssəqqadan-tan dat awedan kul. Itawaxsab awa d-ənzan, iqqal səmmosat təmərwen n əgim ən tamma n əzrəf. ²⁰ Emmək en da as təza-wwazawaz tarna n Əməli awal ən Məşşina, təssəkna assahat ta təhat awal ən Məşşina.

²¹ Dəffər awen, isammarkas Buləs dağ man-net iki ən Yerusalām, immər akal wa n Masedonəya əd wa n Akayya. Igannu dağ man-net: «Dəffər as oseş Yerusalām, kundaba əkkeş əxrəm wa n Ərrum ənta da.» ²² Təzzar izammazal Timotay d Erastus win madhalan-net s akal ən Masedonəya, mişan ənta iman-net igla iha akal wa n Asəya har dağ-as ihog.

Şiməyutar šin d-əway əlyibada n əssənəman dağ Efez

²³ Azzaman en inijarway dağ-san əxrəm n Efez wəllen fəl əddəlil ən tarrayt ta n Əməli. ²⁴ Ill-ay anad iyyan igân esəm Demetrəyəs, itaggin dağ əzrəf fototan n ahan n əssənəm iyyan imosan tantut təgât esəm Artemis. Igarraw dağ awen tənfa təknaît igət i nadan win midawan-net. ²⁵ İşsedawtan-du ketnasan, əntanay əd nadan wiyyad win əd-darnen dağ awen, inn-asan: «Ya meddan, təssânam as təgərgist-nana, təqqân dağ əşşəxəl wa da.

²⁶ Mişan təhannayam kawanay iman-nawan, təslâm deş awa itaggu aləs wədi as itawannu əddi Buləs. A igannu: "İmalan win əgan fassan n aytedan, wər əmosan fadda imalan." İzazzagzan awen y aytedan aggotnen, wərge da da dağ Efez ças ad issəxrak aytedan, kalar harkid taşşam n aytedan win akal n Asəya kul. ²⁷ Arat wa, wərgeş əşşəxəl-nana ças as du-z-awəy iguz ən tazak n ad itəwəlku, kalar ehan n əlyibada wa n Artemis di maqqarat, ta təmosat təməlît-nana ənta da ad irtək almaçam-net, tammazzay fadda d ətəwəsəçmar, ənta əçbâdan aytedan kul win akal n Asəya, d əd-dənet ketnet.»

²⁸ As əslan aytedan win das-əssəsamnen y awen, iggaz-tan alham labasan, əssokan imaslan-nasan ijənnawan gannin: «Artemis ta n Kəl-Efez di maqqarat!» ²⁹ Təga tənajarwayat dağ əxrəm ketnet. Tənkar tamattay təggag s ahan zəwwəran wa n əmənəy, təlway Gayəs d Aristarxus win akal ən Masedonəya əmosnen imidawan ən Buləs dər id-dew dağ əşikəl. ³⁰ Təzzar ira Buləs ad akku tamattay ten, mişan əgdalan-as-tu nalkiman ən Çaysa. ³¹ Wala arat dağ muzaran n akal n Asəya ən midawan-net da, zammazalan sər-əs aytedan y a dağ-as əgməyan ad wər ikka ehan en. ³² As itaggu awen, tamattay ta təddewat dağ ahan en, ketnet tənijarway. Siçaren aytedan dağ jənnawan gannin aratan wər nola, fəlas taşşam-nasan wər əssenən fadda əddəlil wa fəl əddewan den. ³³ Əbdəyan-in Kəl-Əlyəhud aləs igân esəm Alaskandər əs tid-dawat, ittəmal-as awa igan den. Təzzar ad isidugin s əfus-net i tamattay təfastit, y a dasan-işşiwəl s esəm ən Kəl-Əlyəhud. ³⁴ Mişan as əgran as awedan ən Kəl-Əlyəhud a imos əssokan imaslan-nasan ijən-

nawan jajjajayen gannin: «Artemis ta n Kəl-Efez di maqqarat!» Har din-əkkan edag ən sanatat as-sayaten gannin awen.

³⁵ Aləs wa imosan ənaktab n əxrəm en, ənta a isahhadarren tamattay en, inn-as: «Ya meddan n Efez, awak ill-ay awedan wər nəssen as, əxrəm wa n Efez ənta a imosan əmagaz n ahan wa dağ tətəwəçbad Artemis di maqqarat əd şaşşelan-net igân dağ təhunt as jənnawan a dağ du-tərtak?

³⁶ Zama wər t-illa awedan as ijhâl awen, wədi ihôr ad təhədərrem, ad wər tagim arat waliyyan dağ tararada, ³⁷ fəlas meddan win du-təlwayam da, wərmâd əmôsən ibaydagan ən nan win əlyibada, wala deş ənnan a labasan əs təməlît-nana. ³⁸ Amaran kud Demetrəyəs əd nadan win midawan-net ill-ay a dasan-içşâd awedan, wədi əllân-tu jilan win dağ itaggu əşşəriçə, əllân-tu deş naxkiman win tütəgginen. Akkinet-tan. ³⁹ Kud deş wiyyad aratan a dər təssəstanam, ad tətəwəknu taçawşay tədi dağ asaggawar wa iskatan s awen. ⁴⁰ Nakkənanay da əməredə əhanen tazak n ad itiwənnu əfəlləg a nəga fəl əddəlil n awa igan azalada; fəlas wər t-illa əsarə nəga as nənna ənta a fəl təga tənajarwayat ta.» İçrad ənaktab n əxrəm awal wen ças, inna i tamattay ad təwəziwəz.

Əşşəxəl ən Buləs dağ Masedonəya d akal ən Kəl-Əlyunan

20 As ədraran aytedan, isassayra-du Buləs in-alkiman ən Çaysa ig-asan ənnəsixa issəsmađ iwəllan-nasan, amaran inamagga dər-san şiwatriwen, igla ikka akal ən Masedonəya. ² Irzag akal en itaggu ənnəsixatan aggotnen i nalkiman ən Çaysa, italam-asan fəl man, dəffər awen ikka akal wa n Kəl-Əlyunan. ³ İga dağ-as karadat təlil. İsimutug y iguz n əçläl n aman s akal ən Surəya as t-əggazan salan n as əgân Kəl-Əlyəhud eçaf fəl a t-ançin, təz-zar İga tanat n ad iqqəl dəffər-əs, agu tarrayt ta n Masedonəya.

⁴ İddew əd Sofatrəs ađ Fərəs wa n əxrəm ən Berawya, d Aristarxus əd Səkəndus win n əxrəm ən Tesalonik, əd Gayəs wa n əxrəm ən Derbe, əd Tişik əd Trofiməs win n akal n Asəya amaran əd Timotay. ⁵ Əçlan meddan win, azzaran-anay, əqqalan-anay dağ əxrəm ən Trowas. ⁶ Amaran nakkənanay as fall-anay okay əmud wa dağ tattin aytedan şigəlwen šin wər iha xamira, nəggaz açläl n aman dağ Filib nəkka Trowas. As nəga səmmos adan fəl ađaraw nos-en-in, nəga den əssa adan.

Assa ən Buləs i Trowas

⁷ As əzəl wa n alxad imosan əzəl wa azzaran dağ jilan, nəmmənay dağ adag iyyanda y ad nədrəw imensewan win saktan. İşşewal Buləs i nalkiman ən Çaysa win əllanen den har isiggarayçaray ahad fəlas əşikəl a fəl insa. ⁸ Əhanat fətəlaten aggotnen ehan imosan suru wa dağ nəmmənay. ⁹ A işşewal

Buləs den, iqqim aləs iyyan n əmawad igân esəm Yutəxos fəl fənetər. Illa den har t-iggaz etəs ad itanaddam. Iqla har dağ-as iqla etəs wəllen, ifataqqat, ikka amađal. Fənetər ən suru wa n karad a fəl d-ifataqqat den. As d-immədkal, wər idder. ¹⁰ Iz-zəbbat-du sər-əs Buləs ənta da, ifataqqat fall-as, izalammat-tu, inna: «Ad wər təşşəwəşam, iddâr.» ¹¹ Təzzar iqqal Buləs ehan wa d-izzəbbat, izun imensewan win saktan, as ətşan, ilas Buləs išşew-al-asan har du-təgmad təfuk, əddi amaran ad iqla. ¹² Əmawad ənta, əddewan dər-əs aytedan s ađay-wan iddâr, wər ila əđəli. Ketnasan olam-asan awen wəllen fəl man.

Şiwatriwen şin əlkammen inamagga Buləs əd muzaran n Əlkənisat n Efez

¹³ Nakkanay nəgla nəggaz ađlal n aman nəkka ađrəm n Assos, nazzar i Buləs. Den da a fall-ana du-z-iggəz ađlal, imos as awen da as otas igi-net. Ənta iman-net a ira a din-ijəwənkət. ¹⁴ As dana-d-osa dađ Assos, nənamaggaz dər-əs ađlal n aman, nəkka ađrəm ən Mitilenəs. ¹⁵ Nəgmad Mitilenəs nəhâ ađlal n aman, as əzəl wa hadan nəmmodađ y akal imosan gər-wətlan as itawannu Xəyyaw, əzəl wa dəffər wədi newad wa n Samos, əzəl wa dəffər wədi nosa ađrəm ən Miletəs. ¹⁶ Igâ Buləs tanat n as, wər z'immər Efez fəl ad wər ađlalat dađ akal n Asəya, fəlas irrorad Yerusalam fəl a dađ-as t-agu əmud wa n Fantəkawt, kud adi ifrâđ igi.

¹⁷ Əzəbbi wa nəga dađ Miletəs a đur izammazal Buləs awedan, issəgmay imuzaran n Əlkənisat n Efez. ¹⁸ As t-id-osan inn-asan: «Kawanay iman-nawan əhân-kawan salan ən tassađ ta dər-wan əgeđ, wa d-əggazađ akal n Asəya əzəl w'azzaran, har awas kawan-əfala; ¹⁹ d əmmək was tagga əşşəđəl n Əməli əssirasəđ iman-in dađ arat kul, id-dew-i awen əd mətəwan əd təməđutar şin sər-i du-tawaynat ark tənagmayen şin di-taggin Kəl-Elyəhud. ²⁰ Təssânam deđ as, wər kala a dawan-əđbara arat waliyyan a dawan-təha tənfa, aqqama wər dawan-t-əmela, sassađr-awan-tu, gər za dat aytedan wala deđ dađ nan-nawan. ²¹ Wər kala əm-məzzaya d agamay dađ Kəl-Elyəhud əd win tan-wər-nəmos ad utaban əs Məşşina, əzzəgzənan s Əməli-nana Xaysa.

²² Amaran əmərədda nak da izzəlam Infas wa Zəddigan iki n Yerusalam, wər əssenəđ awa di-iqqalan dađ-as. ²³ Arat iyyanda đas a dađ əssanađ as, ig-i Infas wa Zəddigan ta daw ađaf as, ađrəm oseđ da ilkâm dađ-i kasaw d alđazab. ²⁴ Wər đur-i təmos təməddurt-in fadda wala, arat wa đur-i t-imosan a d-əssəxsəla arat wa dəffər ozala, əđrəda əşşəđəl wa dađ-i iga Əməli Xaysa, imosan emel n Əlinjil a əhan salan n arraxmat ən Məşşina. ²⁵ Amaran əmərədda əssâna dađ-as, kawanay win gər əl-lama da, əmmâla Tađmar ta n Məşşina, wər di-za-tələsam anay. ²⁶ Adi a fəl kawan-əgeđ əzalada Şigəyyawen n as, ab'as di-iwar alxađ n əzni ən

waliyyan dađ-wan. ²⁷ Fəlas wər kala a dawan-əđbarađ arat waliyyan, əmâlađ-awan tarrayt kul ta d-iktab Məşşina.

²⁸ Dađ adi ənkedat əd man-nawan, təssənam deđ dađ tamattay ketnet tas kawan-iga Infas wa Zəddigan imagazan-net, tagim y Əlkənisat ən Məşşina təmədint tolâđat, ənta di da a d-izzənza Əlməsix s əzni wa-net iman-net. ²⁹ Əssânađ as, nak as əgleđ a kawan-d-əggəzan aytedan wər nəzlay əd tə-zoriyawen labasnen, wər za nayyu Əlkənisat-nawan wər tat-ədesan. ³⁰ Kawanay iman-nawan da, əhân-kawan aytedan as za safrađnen tidət fəl ad əssəxrəkan inalkiman ən Xaysa. ³¹ Dađ adi agat ən-nəyat, a du-təkattim as karad elan a əgeđ sasađraq-qawan s iyyan iyyan əhad ezal, əssirtayađ awen əd mətəwan.

³² Amaran əmərədda əssiđlafađ-qawan i Məşşina əd salan win əmmalnen arraxmat-net. Məşşina ifrâđ əsəssuhi n əzəgzan-nawan d əsəttəddi n ađaraw wa za tagim dađ təkəsət ta issənsa y aytedan kul win zaddoggen. ³³ Wər di-ides as əgəđ attama-nin dađ əzrəf wala urəđ wala isəlsa n awedan waliyyan. ³⁴ Kawanay iman-nawan təssânam as, ifassan win-da-nin as əşđala, əknəđ s əşşəđəl-nasan tuməđlaten-in əd şin midawan-in win dər əddewa. ³⁵ Faw saknađ-qawan as, əmmək en da as kawan-iwar kawanay da, ad təşđəlam fəl ad tilalam i maddararan, a du-təkattim batu ta iga Əməli Xaysa ənta iman-net, as inna: "Əbbələl wa itaggu awedan wa ikfan, ođar wa itaggu awedan wa igrawan."»

³⁶ As inna Buləs awen, igaraffat ənta dər-san ad itattar. ³⁷ Ketnasan hallin, tizələmmen Buləs, tamallen-as. ³⁸ Arat wa iđşadan iman-nasan wəllen, tənna ta dasan-iga, wər tu-z-ələsan anay. Amaran əntagan-tu har osa ađlal n aman.

Şigəyyawen dađ Ərrum

Iki ən Buləs əd midiwan-net Yerusalam

21 As dər-san nəmməzzay gərrid, nəggaz ađlal n aman, izzal dər-na s akal imosan gər-wətlan as itawannu Kos. As əzəl wa dəffər wen, nəgmad-tu s akal imosan gər-wətlan as itawannu Rodəs. Nəgmad Rodəs nəkka ađrəm ən Fatarâ. ² Nogaz-in dađ-as ađlal n aman itakkin akal wa n Fenisəya, təzzar nəggaz-tu, nəgla. ³ As nogga akal imosan gər-wətlan as itawannu Qibrus, nəđlay-tu fəl aganna wa n agala, nədađ sa sər akal wa n Surəya har nəzzəbbat dađ əđrəm ən Tir s ənta a dađ za təwəzəzəbben lalan win eway əđlal. ⁴ Nəgmay inalkiman ən Xaysa har tan-nəđraw, nəzzəbbat đur-san har nəga əssa adan. Nəlla đur-san as tan-issosan Infas wa Zəddigan dađ ad annin i Buləs, ad wər akku Yerusalam. ⁵ Dər iga awen da ya, as əndan adan win den, nəmatađway nəgla. Əntagan-ana ketnasan, harkid tədoden-nasan əd

bararan-nasan har nøgmad aȳrəm, amaran nøgaraffat daȳ tama n agaraw, nøttar. ⁶ As dər-san nənamagga šiwatriwen, nøggaz aȳlal n aman; ən-tanay əqqalan iȳawnatan-nasan. ⁷ Nøgla daȳ əššikəl-nana, nøgmad Tir nəkka Bətolemayəs. As daȳ-as nøzzəbbat, nəkka imədrayan-nana win t-əhanen y a tan-nəssəsləm, nøga ȳur-san əzəl. ⁸ As əzəl wa dəffər wen nəkka aȳrəm ən Qaysarəya. As t-in-nosa nøzzəbbat daȳ ahan ən Filibus wa n əmæggi ən salan n Əlinjil imosan iȳyan daȳ meddan win əssa, win as kala tawasanafranan fəl ad tilalan y Əlkənisat ta n Yerusalām.

⁹ İla əkkozat təbararen wər nəzday meddan. Šibararen šin əmosnat tənnəbiten. ¹⁰ As nøga adan aggotnen den, osa-du ənnəbi iȳyan iġân esəm Agabus, a d-ifalan akal ən Yahudəyya. ¹¹ Os-ana-du, idkal əsatəb ən Buləs, ikrad sər-əs idaran win-net iman-net əd fassan-net, amaran inna: «Ənta da awa inna İnfas wa Zəddigan: "Aləs wa ilan əsatəb wa, əmmək wa da as tu-z-əkrədan Kəl-Əlyəhud daȳ Yerusalām, agin-tu daȳ fassan n aytedan wər nəmos Kəl-Əlyəhud."» ¹² As nəsla y awen, ad nə-tansay Buləs, nakkənay əd nalkiman ən Ȳaysa win əȳrəm en fəl ad wər aggazzay akku Yerusalām. ¹³ Mišan inn-ana Buləs: «Ma fəl təhallim, təsimələššem əwəl-in? Nak, wərgəȳ kerrad ȳas as sammataga, kalar tamattant da simatagaȳ-as daȳ əȳrəm ən Yerusalām fəl əddəlil n esəm n Əməli Ȳaysa.» ¹⁴ As nənay as wər t-idu-za-nəssuȳəl daȳ awas ira igi-net, noyy-ay, nənna: «Aget Əməli taranet!» ¹⁵ Dəffər adan win den ad nasammatag i teklay, nəgla nøggəzzay əs Yerusalām. ¹⁶ Əddewan dər-na arat daȳ nalkiman ən Ȳaysa win əȳrəm ən Qaysarəya. Ewayan-ana s ahan n aləs iġân esəm Mənasən n akal imosan gərwətlan as itawannu Qibrus, irəwan imos analkim ən Ȳaysa, nøzzəbbat ȳur-əs.

Əmənəy ən Buləs əd muzaran n Əlkənisat ən Yerusalām

¹⁷ As din-nøggaz Yerusalām, əgan-ana mədrayan-nana daȳ əzəgzan win əllanen den marxaba, əd-dəwen. ¹⁸ As affaw iddew dər-na Buləs s ahan ən Yaqub ȳur əddəwan əmȳaran n Əlkənisat ketnasan. ¹⁹ İssəslam-tan Buləs, təzzar iȳrad-asan əsuȳəl n aratan kul win iga Məššina əs tarayt n əššəȳəl wa itaggu Buləs daȳ aytedan win wər nəmos Kəl-Əlyəhud. ²⁰ As əslan y aratan win inna, ad əmmālan Məššina. Dər iga awen da ya ənnan i Buləs: «Amadray-nana, ənəy igiman əs giman n aytedan win əzzəgzannen əs Ȳaysa daȳ Kəl-Əlyəhud, ketnasan zizawen wəllen daȳ iduf n əššəriȳa wa n Ət-təwret. ²¹ Ewādan-tan-du za salan wizawaznen daȳ batu-nak, əmosnen as: əsəssəȳri wa tətəgga, it-away-du əs Kəl-Əlyəhud kul win əhanen šimattiwen šin wər nəmos Kəl-Əlyəhud əməzzəy d əššəriȳa wa n Əttəwret, təgannaȳ-asan ad ammazayan d əsəmmənkəd ən bararan-nasan əd ləkkum

y aȳadaten ən Kəl-Əlyəhud. ²² Daȳ adi ma za nagu? Fəlas igmād aššak as ad aslin as tosəȳ-du. ²³ Əddəlil wədi a fəl za taga a wa dak-za-nannu da: Əhân-anay əkkoz meddan ədkālne adđawal. ²⁴ İdaw dər-san s adag wa daȳ zazdagan aytedan, təzzəzdəga iman-nak kay dər-san, tərzəməȳ fall-asan arat wa tan-ihan, fəl a dasan-təwəlzın ȳafawan-nasan. Əddi ad z'əssənan aytedan kul as, awa sər-ək itawannin wər t-iha a iġân, kalar kay da təlkāmȳ y əššəriȳa wa n Əttəwret. ²⁵ Amaran aytedan win wər nəmos Kəl-Əlyəhud win əlkammen i Ȳaysa, nəktāb-asan širawt əhānat tənaden šin nøga əmosnen as, ad wər atšin isan əmosnen takutay y əssənam, wala ašwin azni, wala atšin isan n əmudar tənȳa tarzam, wala agin əzzəna.» ²⁶ Təzzar iddew Buləs əd meddan win əkkoz en. As əzəl wa dəffər wen izzəzdaȳ iman-net ənta dər-san, amaran iggaz Ehan wa Zəwwəran n Əlyibada, imal i limaman əzəl wa daȳ za tandu tazdak-nasan, əzəl wa daȳ za tətəwəkfu təkutay fəl akk iȳyan daȳ-san.

Ətərməs ən Buləs daȳ Ahan wa Zəwwəran n Əlyibada

²⁷ As zama daȳ-san əkmālan əssa adan, tandu tazdak-nasan, ənayan Kəl-Əlyəhud wiyyad n akal n Asəya Buləs daȳ Ahan wa Zəwwəran n Əlyibada; təzzar jannajarwayan tamattay, əgan daȳ-as arak man əs Buləs, əbazan-tu. ²⁸ Gannin s afalla: «Ya Kəl-İsrayil, agəzat! Ənta da aləs wa itaggin daȳ təlxtubaten šin itaggu y aytedan kul daȳ adag kul ark awalan fəl tamattay-nana, d əššəriȳa wa n Ət-təwret d Ahan wa Zəwwəran n Əlyibada wa. İgla har as, iga-du Kəl-Əlyunan daȳ Ahan wa Zəwwəran n Əlyibada, isammadas edag zəddigan wa.» ²⁹ Gannin awen fəlas dat awen ənāyan Trofiməs wa n Efez daȳ əȳrəm iddew əd Buləs; təzzar ordan as iz-zogaz-tu Buləs Ehan wa Zəwwəran n Əlyibada.

³⁰ İnarjarway əȳrəm ketnet, ozalan-du aytedan daȳ təsədag kul. Əbazan Buləs, əlwayan-tu əg-madan dər-əs Ehan wa Zəwwəran n Əlyibada, təzzar tawaharan mawan-net dəffər-san tamazayt ten da. ³¹ Gammayan ad agin iman ən Buləs as din-ewadan salan kumanda ən sojitan n Ərrum n as, aȳrəm ən Yerusalām ketnet injarway. ³² İȳra-du sojitan əd kabtanatan-nasan daȳ tamazayt ten da, ozalan sər-san. As togga tamattay kumanda əd sojitan, tərəz daȳ təwit ən Buləs. ³³ Təzzar ikka-du kumanda Buləs, ibaz-tu, omar s ad itəwəkrəd s əššin sassaran, amaran issəstan d awa imos, d awa iȳšad. ³⁴ Təsəȳarat tamattay ketnet, gannin aratan əmmizraynen. İdar i kumanda ad issən awa imosan tidət daȳ takat ten, təzzar omar s ad ammay Buləs əs barəki wa n sojitan. ³⁵ As ewad Buləs šisəffəttan n ahan wa n barəki, awa sər-əs təga tamattay daȳ əwəjjən, kundaba as t-ədkalan sojitan s afalla. ³⁶ Təlkām-as tamattay ketnet, təsiȳarat təgannu: «Ammatet, ammatet!»

Aljawab wa iga Buləs dat əljəməyat

³⁷ As zama dər-əs əggâzan sojitan barəki, inna Buləs i kumanda: «Awak ələx tarrayt n a dak-annaş arət?» Inn-as kumanda: «Ko! Kay təssana təlyu-nant? ³⁸ Daş adi wər təmosaş aw Masar was kala isaffallag aytedan, təzzar iggaz teneray ənta d əkkoz gim n awedan ən maggan ən man?» ³⁹ Inn-as Buləs: «Nak, Ag-Əlyəhud a əmosaş, ihəwan daş əxrəm ən Tarsa daş akal ən Kilikəya imosan əxrəm fəl təga masnat. Onsayaq-qay a di-takfa turagat n ad əşşiwəla i tamattay ta.» ⁴⁰ Ikf-as-tat kumanda, ibdad Buləs fəl təseffəttan, isaddagan s əfus-net i tamattay ad təssəsəm. Təffəsta tamattay ketnet, təzzar işşewal-asan Buləs daş təlxibrit, awal wa-da-nasan, inn-asan:

22 «Imədrayan-in d abbatan-in, səsəmat əmərədda a kawan-sassagra tadləmt ta tawagga.» ² As das-əslan işşewal-asan daş təlxibrit, əşşotan daş əsəsəm y-as; təzzar inn-asan:

³ «Nak Ag-Əlyəhud a əmosa, ihəwan daş əxrəm ən Tarsa ihân akal ən Kilikəya, mişan əxrəm wa daş a daş ədwala, əxreş daw Gamaləyel. Isassaşr-i s əl-luş ləkkum y əlqanun n aljad-nana. Egeş gəlleayt daş ləkkum i Məşşina şilat ən ta təgam azalada.

⁴ Əzaşazzabaş aytedan win əhanen tarrayt ta da ən Şaysa, har əgmadan man wiyyad, karrada meddan əd tədoden, əggaraq-qan daş kasaw. ⁵ Əlimam wa Zəwwəran d Asaggawar wa n əxmaran əggəyyen fəl adi. Əntanay fadda a di-əkfanen şira əkkanen imədrayan-nana, Kəl-Əlyəhud win Damas, fəl ad əgrəwa as din-oseş tarrayt n abbaz ən nalkiman ən Şaysa kul win t-əhanen, awəyaq-qan-du əs Yerusalam əkrâdan fəl ad awwaddaban.

⁶ Əşşokala za daş awen da, as din-əhozaş əxrəm ən Damas attayan n ammas n azal, wala a ihogan, ibalazzat ənnur labasan a d-igmâdan ijənnawan daş xələyxələyan-in. ⁷ Udeş, əsleş y əməsli iyyan as di-inna: "Talut, Talut ma fəl as di-təzaşazzaba?" ⁸ Ənneş: "Əməli, ma təmosaş?" Inn-i: "Nak awa, Şaysa wa n Nazaret, wa təzaşazzaba." ⁹ Ənâyan aytedan win dər əddewəş ənnur wen, mişan wər əslen y əməsli wa di-işşewalan.

¹⁰ Təzzar ənneş: "Əməli, mas di-iwar igi-net?" Inn-i Əməli: "Əbdəd, takkaş əxrəm ən Damas, a dak-daş-as-attamal arət kul was kay iwar igi-net."

¹¹ Əddəryala fəl təllabəst n ənnur en, təzzar əbazan aytedan win dər əddewa əfus-in, əlwayan-i əs Damas.

¹² Amaran Damas ih-et aləs iyyan igân esəm Ananəyâs iksudan Məşşina wəllen, ilkâm y əlqanun-nana, as Kəl-Əlyəhud kul win Damas əssişmaran-tu. ¹³ Os-i-du, ibdad dəgma-nin, inn-i: "Amadrəy-nin Talut, iqqələt-kay-du asawad-nak." Iqqal-i-du asawad-in tamazayt ten da, ənayaq-qu. ¹⁴ Inn-i deş: "Məşşina wa əşbadan marawan-nana a kay-isannafranən harwa dat alwaq, y a kay-is-susən tara-net, tənəyaş Alşadil-net, tasla deş y

əməsli wa-net iman-net, ¹⁵ id ad təqqəla təgəyya-net dat aytedan kul, təmələş-asan awa tənəyaş d awas təsleş. ¹⁶ Əmərədda mas təqqala? Əbdəd, tətəwəsəlməş daş aman, tansəyaş Əməli a kay-iz-zəzdəg daş bakkadan-nak."

¹⁷ Dəffər awen əqqala Yerusalam. Tattara əzəl iyyan daş Ahan wa Zəwwəran n Əlxibada as di-to-baz tarna n Infas wa Zəddigan. ¹⁸ Ənayaş Əməli, inn-i: "Ətrəb, təgməda Yerusalam tarmâd, fəlas wər z'əqbəlan aytedan-net təgəyya ta fall-i tətagga." ¹⁹ Təzzar ənneş-as: "Ya Əməli, wərgəş əntanay iman-nasan əssânan daş əmmək was kala ad tilala inan n əlxibada s iyyan iyyan, saşfaləş aytedan win sər-ək əzzəgzannen, əggataq-qan?" ²⁰ As itawanşal deş əzni n Əstefanos imosan təgəyya-nak, nak iman-in əlleş den, ərdəş s ətəwənşə-net, nak a ogazan ibərnaz n aytedan win əganen iman-net." ²¹ Amaran inn-i: "Aglu, nak a kay-z-izəmmizəlan s igəg, əssukaq-qay aytedan win wər nəmos Kəl-Əlyəhud."»

Buləs əd kumanda ən sojitan win Ərrum

²² Əssisaman-as aytedan har d-idkal batu n aytedan win wər nəmos Kəl-Əlyəhud, təzzar saşaren daş jənnawan gannin: «Itəwəkkəset awedan wa fəl amaşal! Awedan şilat ən wa, wər immək ad iləs təməddurt.» ²³ Takkasan imaslan saksodnen, əggaran-in ibərnaz-nasan, əggaran aboqqa daş alhawa. ²⁴ Omar kumanda s ad itəwəzugəz Buləs ammas ən barəki, təwəgginat-as təwit s ələkkud fəl a dasan-iməl əddəlil wa fall-as təsaşarat tamattay. ²⁵ Mişan as t-əkradan y a das-əgin šiwwit, inna i kabtan wa illan den: «Awak təlâm tarrayt ən təwit n iyyan daş Kəl-Ərrum wər ibez əşşərişə harwada?» ²⁶ As isla kabtan en y awen, igla imal i kumanda, inn-as: «Ma tətagga da? Aləs a, in Ərrum!» ²⁷ Ikka-du kumanda Buləs, inn-as: «Tidət as kay in Ərrum?» Inn-as Buləs: «Awalla!» ²⁸ Təzzar inna kumanda: «Nak, azrəf əggen a əzzənza tişit n iyyan daş Kəl-Ərrum.» Inn-as Buləs: «Nak ələsəl-in a təmos.» ²⁹ Tarmâd as fall-as əzzənkazan sojitan win as zama a t-əggazan şin tanaşay y a tu-şəşşiwəlan. Kumanda iman-net as issan as iyyan daş Kəl-Ərrum a isassakrad den əs sassaran, təggaz-tu tasa.

Təbadday ən Buləs dat Asaggawar wa Zəwwəran

³⁰ As əzəl wa dəffər wen, omar kumanda imuzaran ən limaman d Asaggawar wa Zəwwəran ən Kəl-Əlyəhud ketnet s ad ammanay, fəlas ira ad ikkəs aşşak daş əddəlil wa fəl sattarmasan Kəl-Əlyəhud Buləs. Təzzar issokas-du Buləs, issəbdad-tu dat-san.

23 Idag Buləs Asaggawar s asawad-net, inna: «Imədrayan-in, wər di-təha tərək waliyyat n as ill-ay arət a iqqal wər ira Məşşina as kala ad t-

əmmozala har awas əbdada da.» ² Mişan omar Ananəyâs wa n Əlimam wa Zəwwəran iyyan daɣ aytedan win əllanen dəgma ən Buləs s a das-infəz. ³ Təzzar inn-as Buləs: «Məşşina a dak-z-infəzan, əl-munafiq! Wər təqqimay əddi ar y a di-təşrəɣa s awa inna əşşəriɣa, kay təmməzrayaq-qu ad tə-sawatay imi-nin.» ⁴ Ennan-as aytedan win əllanen dəgma-net: «Kay, Əlimam wa Zəwwəran ən Məşşina a tərabbada?» ⁵ Inn-asan Buləs: «Wər əssenay imədrayan-in as ənta a imosan Əlimam wa Zəwwəran; tidət daɣ as iktâb as: "Ad wər tannay a labasan s əmənokəl ən tamattay-nak."»

⁶ Issân Buləs as tēzunt n Asaggawar en iyyat Sadusaytan a daɣ tēga, ta hadat Farisaytan; adi a fəl idkal əməsli-net wəllen dat Asaggawar, inna: «Imədrayan-in, nak Farisay a əmosa, erəwan wiyyad Farisaytan, wər d-əmməwaya s adag n əşşəriɣa wa, ar fəlas əgeɣ attama daɣ as inəməttan ilkâm a d-ənkəran daɣ tamattant.» ⁷ Inna awen ɣas tənkar tamazaq gər Farisaytan əd Sadusaytan, tēzun tiddawat, ⁸ fəlas Sadusaytan əttâfan as wər tu-təlla tanakra daɣ tamattant, wala əllân-tu angalosan, wala kələsuf. Farisaytan amaran əntanay əzzigzanan as awen kul ill-ay. ⁹ Təkkus tamazaq wəllen. Inkar arat daɣ musanan win Farisaytan əb-bəllanan fəl awen, əwaran aganna ən Buləs, ad gannin: «Aləs wa, wər fall-as nəhənnəy lahan waliyyan! Mijas tidət daɣ as işşəwal-as əggəsuf madəɣ angalos.» ¹⁰ Awa tēga tamazaq-nasan daɣ tuksay, tēggaz tasa kumanda n ad agin Buləs tankət-tankət. Adi a fəl omar sojitan s ad azzabben fəl a daɣ-san d-əxtəsan Buləs, awəyan-tu əs barəki-nasan. ¹¹ As iga ahad, inafalal Əməli i Buləs, inn-as: «Buləs, a kay-wər-təggəz tasa! Əmmək wa daɣ as fall-i tēggəyyəɣ daɣ əyrəm ən Yerusalam, əmmək di da as kay-iwar a fall-i taggayyəɣ daɣ wa n Ərrum ənta da.»

Əgan Kəl-Əlyəhud əɣaf fəl ad anɣin Buləs

¹² As affaw, namaggan Kəl-Əlyəhud əɣaf, əhadan as wər z'atşin, wala aşwin iket wər əgen iman ən Buləs. ¹³ Aytedan win əhadnen den, ogaran əkkozat tēmərwen. ¹⁴ Əkkan imuzaran ən limaman d əmɣaran ən tamattay, ənnan-asan: «Nəhâd as, wər z'iggəz arat imawan-nana iket wər nəga iman ən Buləs. ¹⁵ Daɣ adi əmərədda kawanay d Asaggawar wa Zəwwəran əgməyat daɣ kumanda a datwan issəbdəd Buləs, tassaknim as, a təräm ad taşşaggaram taɣara-net s əlluɣ. Amaran nakkanay, nasimatag y igi ən man-net harwa du-wər-ewəd da.» ¹⁶ Mişan isla tagazay ən Buləs i taftaw ten, ika barəki ən sojitan, iggaz-tu, imal i Buləs. ¹⁷ Təzzar iɣra-du Buləs iyyan daɣ kabtanatan, inn-as: «Əlwəy abi di əs kumanda, ila isalan a das-z-əgu.» ¹⁸ Iddew dər-əs kabtan, əway-tu əs kumanda, inn-as: «Amaskasaw wa igan Buləs a di-d-iɣran, igmay daɣ-i a sər-ək d-əlwəy abi a, ilân isalan a dak-z-iməl.» ¹⁹ İbaz kumanda əfus n əbi, igmad dər-əs

aytedan, issəstan-tu, inn-as: «Mas tareɣ a di-tu-təməla?» ²⁰ Inn-as əbi: «Kəl-Əlyəhud əgân əɣaf fəl a daɣ-ak əgməyan tufat ad təssəbdəda Buləs dat Asaggawar-nasan wa Zəwwəran, almat erân ad aşşaggaran taɣara-net s əlluɣ. ²¹ A dasan-wər-tarɗa fəlas wiyyad daɣ-san ogarnen əkkozat tēmərwen n aləs a das-za-bəkəmmətnen y ad agin iman-net. Əhâdan as wər z'atşin za wər z'aşwin iket wər əgen adi. Simatagan əmərədda, wər əqqəlan ar y a t-id-tayya sər-san.»

²² İrɣam kumanda y əbi wen fəl amel y awedan waliyyan isalan win das-iga den, amaran issəgl-ay.

Əməwəy ən Buləs s əmuzar ən Qaysarəya

²³ Dəffər awen iɣra-du kumanda əşşin kabtanatan, inn-asan: «Səmmutəgat sanatat tēmad ən soji d əssəyat tēmərwen ən soji daɣ win əggannen əggəsan əd sanatat tēmad daɣ win əttafnen al-laɣan; y ad akkin Qaysarəya dəffər təsudəsen.

²⁴ Təsəmmutəgam dəɣ şisənay şin z'iwən Buləs, təşşiwədam-t-in Felikəs wa n ənaxkim daɣ alx-er.» ²⁵ Amaran iktab-as-in kumanda şirawt inn-as-in:

²⁶ «Awa nak Klawdəyus Lusəyas din-ihulan ənaxkim Felikəs əknəɣ saɣmar. ²⁷ Aləs di, a əbazan Kəl-Əlyəhud, as zama əgân iman-net as tan-in-osey əddəwəɣ əd sojitan. As di-əggəzan salan n as awedan n Ərrum a imos, əgeq-qu daɣ adag a daq-q-in wər ikka arat. ²⁸ Dəffər awen ewayaq-qu s Asaggawar-nasan wa Zəwwəran fəl ad əssənay lahan wa t-əssəwaran. ²⁹ Ənayay as, arat iqqâlan əşşəriɣa wa-nasan ɣas a fəl tu-ɣattasan, wərgəɣ arat a t-issiwaran tamattant wala iguz ən kasaw. ³⁰ Mişan as əsleɣ as əgân Kəl-Əlyəhud əɣaf fəl ad agin iman-net, əssokay-ak-in əddi da, əntanay amaran ənney-asan a sər-ək in-awəyan kay şixəttas şin t-əgan.»

³¹ Əgan sojitan awas tawamaran. Əglan ahad wen da, əddəwan əd Buləs har osan əyrəm n Antifatris. ³² As əzəl wa dəffər wen əqqəlan-du sojitan win jawankatnen barəki-nasan, əglan win əwannen əggəsan əd Buləs. ³³ As din-osan əyrəm ən Qaysarəya, əgan şirawt tanad daɣ əfus n ənaxkim, əssəbdədan dat-əs dəɣ Buləs. ³⁴ İyr-et, amaran issəstan Buləs d akal wa t-ilan. As issan as akal ən Kilikəya a t-ilan, ³⁵ inn-as: «As d-osan aytedan win kay-əxtasnen, a kay-du-sassayra.» Təzzar omar s ad itəwəttəf Buləs daɣ ahan ən tēmənukəla was kala t-issəkras əmənokəl Herod.

Ətəwəsəbdəd ən Buləs dat ənaxkim Felikəs

24 Səmmos adan dəffər awen, osa-du Ananəyâs wa n Əlimam wa Zəwwəran, id-dew-du d arat daɣ əmɣaran ən Kəl-Əlyəhud d aləs a d-əwwikkalan Kəl-Əlyəhud igân esəm Tertuləs. Əxtasan Buləs ɣur ənaxkim n akal Felikəs. ² Təzzar itawaɣra-du Buləs, amaran issənta Tertuləs daɣ

amel n aratan win as ənnan Kəl-Əlyəhud ixsâd-tan, inna: «Ya əmizwar Felikəs, əddəlil-nak d əddəlil n aratan win təgey a fəl igraw akal wa alxer aggen, amaran təgey ənnizam olağan i tamattay-nana fəl aššaddat ən təla-nak əgərri. ³ Nətigudəy-ak wəllen dağ adag kul aratan olağan kul win təgey, ya əmizwar Felikəs! ⁴ Wər arey a kay-səlluley, batu-nana ši gəzzulat, mišan əgmâya dağ-ak fəl əddəlil n əlluğ-nak a dər kay-nəzdây a dana-təssəsəma. ⁵ Nənây as aləs a, əlməssibat a imos, igammayan d əsəffəlləg ən Kəl-Əlyəhud edag əhan dağ əddənət, imos dey əmuzar ən taggayt n arat n aytedan as itawannu Nazaritan. ⁶ Wala Ehan wa Zəwwəran n Əlyibada da, igmây d əsəmmədəs-net; nəbaz-tu. [Nərâ a das-nagu əššəriya wa-nana, ⁷ mišan os-ana-du kumanda Lusəyas, ibaz-tu dağ-na s assahat, ⁸ əmar dey a dat-ək əbdədan aytedan win əxtasnen Buləs.] Kay iman-nak as tu-təssəstana, ad tənəya tidət ən təxəttas kul šin das-nəga.» ⁹ Təzzar ərdən Kəl-Əlyəhud əd batu ən Tertuləs, ənnan tidət a təmos.

¹⁰ Isaddagan ənaxkim i Buləs ad iššiwil. Inna Buləs: «Isidawat-i a dat-ək aga batu tas əgməyay aggaz ən man-in, fəlas əssânağ əmənokal-in as, irəw təmosay amaşray ən tamattay n akal wa.

¹¹ Kay iman-nak təfrəğay ad təssənağ kud tidət wala bahu as, a ilân maraw adan d əššin ad əggəz-zayay əs Yerusalām y a dağ-as əxbəda Məššina.

¹² Wərmâd a di-ənâyan dağ Ahan wa Zəwwəran n Əlyibada, wala dağ nan win əlyibada, wala dey dağ əxrəm, mişawala d awedan waliyyan za wala jina-jarwayay tamattay. ¹³ Aytedan win, wər əfregan əsəbdəd ən təxəttas šin di-əgan da. ¹⁴ Mišan ya ərdəy s arat iyyanda, amaran ad t-anna dat-ək, a t-imosan as: Məššina di n Əməli ən marawan-nana as əlkama əs təməwit tas tu-tənna tarrayt ta n Əlməsix Xaysa, tas gannin əntanay taggayt. Əzzigzanağ s arat kul wa iktaban dağ Əttəwret d Əlkəttaban n Ənnəbitan. ¹⁵ Əgəy attama wa dağ Məššina, amaran əntanay da əgân-tu, a t-imos as təll-ay tanakra dağ tamattant, gər za y aytedan win oğadnen wala win wər noxəd. ¹⁶ Adi a fəlas faw da gammaya nak da wəllen a di-wər-təggəz tərək n a labasan dat Məššina wala dey dat aytedan.

¹⁷ A ilan elan ad əgmadağ Yerusalām, as əmərəd-da əqqala-du y a d-awəyay i tamattay-nin širgiten, aga dey šikutawen šin izzəlzam Məššina. ¹⁸⁻¹⁹ Awa da a əhey as di-d-osan Kəl-Əlyəhud win Asəya dağ Ahan wa Zəwwəran n Əlyibada, əssindağ arat wa di-issəwar əššəriya dağ salan n əzəzdəg-in; wər-mad xur-i təlla tamattay za wala əssinkara əjeqqay n aytedan. Əntanay as ihor a dat-ək əbdədan, əxtəsani xur-ək, kud ənta əlân əddəlil waliyyan, ²⁰ madəy əməlan aytedan win əllanen da lahan was inna Asaggawar wa Zəwwəran əgəq-qu alwaq wa dat-əs əbdada, ²¹ a wər nəmos as ənnəy gər-essan s afalla: "Wər di-issəbdad dat-wan azalada y a di-

təşrəğam ar fəl as əzzəgzanağ as ilkâm a d-ənkəran nəmməttan."»

²² Felikəs əhân salan wəllen ən tarrayt ta n Əlməsix Xaysa, as isla i batu ten, izzərəz əššəriya har iyyan əzəl, inna: «As d-osa Lusəyas wa n kumanda ad əxtəsa əššəriya-nawan.» ²³ Təzzar omar Felikəs kabtan s ad agəz Buləs, mišan ad wər itəwədgəz, wala itəwəgdəl y aytedan-net a dağ-as əssənan.

²⁴ Arat n adan dəffər awen, osa-du Felikəs iddew əd təntut-net Drusilla, təmosat wələt əlyəhud; təzzar isassağra-du Buləs, issəsam i salan win itaggu dağ batu n əzəgzan s Əlməsix Xaysa. ²⁵ Mišan as d-ewad Buləs isalan win əqqalnen taqqat d ənudi dağ man d əššəriya ən Məššina wa d-izayan, təggaz tasa Felikəs, inn-as: «Əmərədda aglu, as əgrawa təmazayyat n a dər-ək məšiwala, a kay-d-ələsay əsəssəğri.» ²⁶ A itaggu Felikəs awen, igâ attama dağ ad t-akfu Buləs azrəf, adi fəl t-id-isasağru itaggu dər-əs takkayt. ²⁷ Awen da a igan har əgan əššin elan. Igmad Felikəs tizart, iggaz Borkəyəs Festus edag-net. Oyya-du Buləs dağ kasaw fəl ad agu tənəfust i Kəl-Əlyəhud.

Təbadday ən Buləs dat Festus - Buləs issəf a das-işrəy Qaysara wa n əmənokal wa zəwwəran

25 As iga Festus karad adan d iguz ən tizart ən Yahudəyya, igmad əxrəm ən Qaysarəya, iggəzzay əs Yerusalām. ² As din-osa, əmmənəyan dər-əs muzaran ən limaman əd muzaran ən Kəl-Əlyəhud, əxtasan xur-əs Buləs. A tu-tansayan, ³ a dasan-əgu tənəfust n ad d-issuku Buləs Yerusalām y a dağ-as işrəy. A gannin awen, əntanay əgân əyaf fəl a das-bəkəmən dağ tarrayt, agin iman-net. ⁴ Mišan inn-asan Festus: «Buləs kasaw wa n Qaysarəya a dağ itawattaf, amaran ənta iman-net ad iqqəl tarmâd. ⁵ Dağ adi idawanet dər-i muzaran-nawan əs Qaysarəya, əyətəsanet-tu den da kud ill-ay a ixsâd.»

⁶ Iga Festus dağ Yerusalām adan əllanen gər ət-tam əd maraw, amaran iqqal Qaysarəya. As əzəl wa dəffər wen, iqqim dağ adag wa dağ iššarrağ, təzzar omar s a dat-əs itəwəsəbdəd Buləs. ⁷ As d-osa Buləs xalayğalayan-tu Kəl-Əlyəhud win d-əgmad-nen Yerusalām, a tu-xattasan sawaran-tu igi n aratan aggotnen labasnen as wər əfregan əsəttəd-di-nasan. ⁸ İššəwal Buləs y ad agəz iman-net, inna: «Nak wər əgey ark amazal waliyyan immâran əššəriya ən Kəl-Əlyəhud, za wala Ehan wa Zəwwəran n Əlyibada wala dey əgeq-qu i Qaysara əmənokal wa zəwwəran.» ⁹ Festus irân igi ən tənəfust i Kəl-Əlyəhud, inna i Buləs: «Awak tərdey s ad taggazayay əs Yerusalām dak-dağ-as-əşrəya aratan win di?» ¹⁰ Inn-as Buləs: «Kala, kala! Edag n əššəriya wa, in Ərrum; dağ adi da da ad za təwəşrəya. Wər əxşədağ arat waliyyan i Kəl-Əlyəhud, kay iman-nak təssânağ wəllen dağ adi.

¹¹ Kud əşşəriya a əmməzraya, madex əgey arat a di-issiwaran tamattant, ərddex əs tamattant. Mişan kud aratan win as itawanna əxşadaq-qan bahu a əmosan, wədi wər t-illa awedan ilân tarrayt n a di-agu day fassan-nasan. Amaran, dad zamas adi a igan, wədi əmənokal Qaysara as arey a di-ışrəy.» ¹² İmaşşawwar Festus əd məşşewwar-net, amaran inna i Buləs: «Əmənokal Qaysara as tərəy a dak-ışrəy, a tu-takka za.»

Tebadday ən Buləs dat Agriffa əd Bernikəs

¹³ Arat n adan dəffər awen, osa-du əmənokal Agriffa axtrem ən Qaysarəya, iddew əd tamadrayt-net tēgât Bernikəs fəl ad əssəsləman Festus agin-as alafəyet d assa. ¹⁴ Adan aggotnen win əgan den, idkal-du daɣ-san Festus y əmənokal Agriffa isalan ən Buləs, inn-as: «İlla aləs da, a d-oyya ənaxkim Felikəs daɣ kasaw. ¹⁵ Alwaq wa d-əkkeɣ Yerusalam, əxtasan-tu ɣur-i muzaran ən limaman d əmɣaran ən Kəl-Əlyəhud, əgmayan daɣ-i a t-əzzəbəza s əşşəriya. ¹⁶ Mişan ənneɣ-asan, əşşəriya wa n Kəl-Ərrum wər itibəz awedan ar s ad ışırəy. Kundaba innəbdad awedan d aytedan win t-əxtasnen, agəz iman-net daɣ arat wa itawasawar.

¹⁷ Adi a fəl dər-i d-əddewan əs Qaysarəya. Ose-du ɣas, as əzəl wa dəffər wen əqqima daɣ adag wa n əşşəriya omara s a d-ammaway aləs wen. ¹⁸ Əbdadan meddan win t-əxtasnen, mişan wər t-əssəwaran arak əmazal labasan waliyyan daɣ win əɣila. ¹⁹ Awa zaɣnin təmazaq ɣas tēgât daɣ batu n əddin-nasan əd salan n aləs iyyan igân esəm ɣaysa abâ, mişan igla Buləs immâl as iddâr. ²⁰ Nak iman-in wər əssenay əmmək was z'əşrəy əzzənəf n aratan win den, adi a fəl əssəstanay Buləs kud ırda s ad akku Yerusalam ışırəy daɣ-as. ²¹ Mişan issof a das-ışrəy Qaysara s ənta əmənokal wa dənnəg mənokalan. Adi a fəl omara s ad itəwigəz har t-itəwəsuku.» ²² Amaran inna Agriffa i Festus: «Nak da arey ad asla y aləs wədi.» Inn-as Festus: «Tufat a das-taslay.»

²³ Əzəl wa dəffər wen iga-du əmənokal Agriffa as-sa wa n mənokalan ənta əd tamadrayt-net Bernikəs. Əggazan ehan wa n əşşəriya əddewan əd kumandatan ən sojitan əd mizwaran n əxtrem. Omar Festus s a d-ammaway Buləs, təzzar imme-way-du.

²⁴ Amaran inna Festus: «Əmənokal Agriffa, əd kawanay ketnawan win əmmənaynen da, ənta da aləs was əddəlil-net a fəl di-d-osan Kəl-Əlyəhud kul, daɣ Yerusalam harkid deɣ da da, gannin s afalla wər imməkkan ad iləs təməddurt. ²⁵ Amaran nak za, wər ənayay as iga əmazal waliyyan a t-issiwaran tamattant, mişan dad zamas ənta iman-net a igmayan a das-ışrəy əmənokal wa dənnəg mənokalan, wədi əge tanat təmosat a das-t-əssuka. ²⁶ Dər iga awen da ya, wər əssenay fəl arat waliyyan igmâd aşşak daɣ talɣa-net a din-z-əktəba y əmənokal wa dənnəg mənokalan. Adi a fəl t-

əssəbdada dat-wan, wəllen kay əmənokal Agriffa, fəl a tu-nəssəstən, əssənay awa z'əktəba daɣ talɣa-net; ²⁷ fəlas wər sər-i ila almayna ad əssuka Qaysara amaskasaw as din-wər-əmelay əddəlil wa fəl itawattaf.»

Aljawab wa iga Buləs dat Agriffa

26 Inna Agriffa i Buləs: «Təgrawa turagat n awal, tagəzay iman-nak.» Təzzar izzal Buləs əfus-net y a das-təssəsəm tamattay, inna: ² «Ya əmənokal Agriffa, əbbələl zəwwəran a di-təmos tahakkay ta di-təgeɣ azalada turagat n aggaz ən man-in daɣ aratan kul win as ənnan Kəl-Əlyəhud əxşadaq-qan, ³ wəllen as əhân-kay salan wəllen n alɣadaten-nasan kul d aratan kul win fəl tamazaɣan. Daɣ adi, onsayaq-qay ad taga tazaydart, təssəsəmaɣ-i.

⁴ Kəl-Əlyəhud kul əzdâyan-i harwa ɣur təmmədrəyt-in. Əssânan daɣ awa əgeɣ kul daɣ tamattaynin harkid deɣ daɣ Yerusalam. ⁵ İrəw as di-əzdayan, amaran as imos as ərđân, əfrâgan a dak-aggayen as, taggayt ta n Farisaytan a əheɣ, s ənta a togarat əzəzzəwi daɣ əddin-nana. ⁶ Əmərədda nak da ibdadan da şarraɣa fəlas əgeɣ attama daɣ arkawal wa iga Məşşina i marawan-nana. ⁷ Attama en da a əganat tawşeten-nana an marawat əd sanatat, eway-du sər-əsnat awen əlɣibada ən Məşşina əs gəlleyat ehad ezal, əqqâlnat y ad andu. Ya əmənokal-in, Agriffa, attama en da za, a fəl di-əxtasan Kəl-Əlyəhud. ⁸ Ma fəl as dawan-orna kawanay Kəl-Əlyəhud əzəgzan âs Məşşina ilkâm ad d-issənkər inəmməttan?

⁹ Nak iman-in, kala a ɣur-i illa as, iwâr-i igi n arat kul wa əfraga fəl a din-anɣa esəm ən ɣaysa wa n Nazaret. ¹⁰ Arat wen iman-net a əgeɣ daɣ əxtrem ən Yerusalam. Əkfan-i daɣ-as muzaran ən limaman turagat, təzzar əbazaɣ inalkiman ən ɣaysa aggotnen əgeq-qan daɣ kasaw. Əwârəy aganna ən win tan-əbaznen s əşşəriya wa n tamattant ta n kərəz. ¹¹ Əyyəwanay ilum gər nan ən Kəl-Əlyəhud win əlɣibada tawaddabaq-qan, şahaşşalaq-qan əbudər ən ɣaysa. Awa dasan-əge daɣ gezzar, lakkamayasan əs ɣərman ən kallan win tamawen.

¹² Əzəl iyyan əşşokala daɣ awen da əkkeɣ Damas, əgrâwa turagat ɣur muzaran ən limaman n igi n awen imos as əntanay a di-əganen daɣ əşşəɣəl wen. ¹³ Ya əmənokal-in, ewâyay əd tarrayt ammas n azal wala a ihogan ənayay ənnur a d-igmâdan ijənnawan ogaran wa n təfuk əmələwləw as ibalazat daɣ ɣələyɣəlayan-nana, nak d aytedan win dər əddewa. ¹⁴ Nuda ketnana, təzzar əsleɣ i wa di-innan daɣ təlɣibrit: "Talut! Talut! Mas di-təzəɣazza-ba? Tugəyt-nak əs ləkkum i tara-nin, wər tənfa wala; wər təzlay əd ta n ays iddag məşşis əs ɣayman." ¹⁵ Ənneɣ-as: "Əməli, ma təmosay?" Təzzar inn-i Əməli: "Nak awa, ɣaysa wa təzəɣazza-ba. ¹⁶ Mişan ənker, təbdədəɣ, fəlas ənifalalay-ak fəl a kay-aggay amaşşayal-in əd təgəyya-nin a za tag-

gayyet y aytedan anay wa [di-]təgeç, taggayyey-
asan deç awa kay-z-assakna dəffər awa. ¹⁷ A kay-
aggaza daç Kəl-Əlyəhud, əd təmattiwen šin tan-
wər-nəmos, əzəmmizəlaç-qay sər-san, ¹⁸ fəl ad tara
šittawen-nasan, təkəsaç-qan-du daç šiyyay s ən-
nur, əgmədan-du tarna ta n Iblis əlkəman i Məšši-
na, fəl ad əgrəwan təsureft ən bakkadan-nasan,
əgrəwan deç tadagart daç mizdagan əs tarrayt n
əzəgəwan sər-i."

¹⁹ Ya əmənokal Agriffa, əddəlil wədi a fəl wər əm-
məzrayay awa di-d-inafalalan, igmād-du ijən-
nawan. Igi ən Məššina a imos. ²⁰ Kalar azzaray əs
Kəl-Əlyəhud win Damas əd win Yerusalam, d
aytedan win Yahudəyya ketnet, d aytedan win wər
nəmos Kəl-Əlyəhud, taggay-asan təlcutbat gannay-
asan, iwâr-tan ad utaban, ahdin-du əs Məššina,
agin imazalan əssiknanen tətub-nasan. ²¹ Əddəlil n
awen da a fəl di-əbazan Kəl-Əlyəhud daç Ahan wa
Zəwwəran n Əlyibada, əgməyan əd tanaçay-nin.
²² Tadhəlt ta di-iga Məššina a di-du-təšašsawadat
əzəl wa n azalada, tebadday ta əge da taggay
isalan-net y aytedan gər win wər nəla almaçam,
wala win t-əlanen, wər d-əššotaç wala daç salan ən
was əmalan ənnəbitan sa hadan d ənnəbi Musa əs
a d-asu; ²³ a t-imosan as, Əlməsix ilkâm ad inəy
alçazab, iba-tu, izar-du deç i nəmməttan tanakra,
iməl ənnur wa ihakku Məššina, imosan isalan n
əlçillas, i Kəl-Əlyəhud d aytedan win tan-wər-nə-
mos.»

²⁴ Harwada iššewal Buləs, išarayaç fəl man-net, as
idkal Festus əməsli-net, inna: «Kay Buləs əm-
məskəl a təgeç, igət ən taçaray ta təgeç isam-
maskal-kay.» ²⁵ Inn-as Buləs: «Əmizwar Festus,
nak wər əmməskala. Kalar awa ganna da, tidət a
imos, təkfât əs tayttay. ²⁶ Amaran əmənokal Agriffa
əhân-tu salan win di. Adi a fəl wər əksudaç igi-
nasan dat-əs, fəlas əkkâsaç aššak as, wər tan-ih
waliyyan a das-ijhâlan, id wər tawaggan daç əssir.
²⁷ Əmənokal-in Agriffa awak təzzigzanay s awa ən-
nan ənnəbitan? Əssânaç as təzzigzanay sər-əs.»
²⁸ Təzzar inna Agriffa i Buləs: «Torda-nak a di-taga
əlməsixi fəl arat n amazay!» ²⁹ Inn-as Buləs: «Gər
za fəl arat n amazay wala, əgmâya daç Məššina a
kay dər-i išaššalan, kay harkid aytedan kul win di-
əssəsammen da azalada, as wər əhen sassaran
win.» ³⁰ Təzzar inkar əmənokal Agriffa əd Festus
wa n ənaxkim əd Bernikəs d aytedan kul win dər
naçaman, ³¹ əgmədan tinəməninin gar-essan: «Aləs
wen wər iga arat waliyyan as ihor a fall-as ammat
wala deç iggəz fall-as kasaw.» ³² Amaran inna
Agriffa i Festus: «Aləs wen ənnar wər igmay a das-
isrəç Qaysara əmənokal wa zəwwəran, itəwəyyu.»

Əmiwəy ən Buləs s əçrəm n Ərrum

27 As itawanna ad nəggəz açlal n aman nakku
akal n Italəya, itawagga Buləs ənta əd
wiyyad iməskəsa daç əfus ən kabtan iyyan igân es-
əm Yuləyus ihân egan ən soçitan as itawannu «Wa n

Qaysara». ² Təzzar nəggəz açlal n aman n əçrəm n
Adramutenəs ikkân ikallan n Asəya win əwarnen
efay n agaraw. Ih-âna Aristarxus imosan awedan n
əçrəm ən Tesalonik n akal wa n Masedonəya.

³ As əzəl wa dəffər wen, nəzzəbbat daç əçrəm ən
Sidon. Yuləyus imosan awedan isâknin Buləs əlluç,
ikf-ay turagat n ad akku imidawan-net win əhanen
əçrəm wen fəl a daç-as əssənan. ⁴ As dər-naç ig-
mad əçlal n aman Sidon, nəllil əsəlīm n agaraw daç
nəha ifi n akal imosan gər-wətlan as itawannu Qi-
brus fəlas ađu dər nəmməçqas. ⁵ Dəffər awen,
nəššokal fəl agaraw was iwar akal ən Kilikəya əd
wa n Banfiləya tama-net, newad-in əçrəm ən Mira
ihân akal wa n Lukəya, nəzzəbbat daç-as. ⁶ Iğraw
daç-as kabtan wa dər nəddew iyyan açlal n əçrəm
n Alaskandrəya, itakkin akal n Italəya, ig-ana daç-
as.

⁷ Nəga adan aggotnen nəsilalam fəl aman sollan,
gərrid as din-nəhoz əçrəm ən Kənidos. Təgdal-ana
assahat n ađu ad naglu daç anamod wen, təzzar
nənnamad akal imosan gər-wətlan as itawannu
Kəret. As nokay fəl Salmone, nəmmodaç i Kəret,
nəggəz ifi-net. ⁸ Gərrid as nəllil əsəlīm n agaraw
har newad edag igân esəm «Izəzzəbba win Hossay-
nen n əçlalalan» inimahazan d əçrəm ən Lasaya.

Tazafa d alamaz n aman açlal

⁹ Isilalat-ana əşikəl wen wəllen, əşikəl daç əçlal n
aman deç əmərədda iggaz-tu alçarar, fəlas wala
əzum ən Kəl-Əlyəhud wa n çarat okay. Adi a fəl iga
Buləs y aytedan win ənnodanən daç əçlal n aman
ənnəsixa, inn-asan: ¹⁰ «Meddan, hannayaç as
əşikəl-nana ad t-iggəz iba ən taçara d əçšud
zəwwəran. Wərgəy açlal n aman ças əd lalan-net a
z'əhləknen, kalar nakkanay da, ad nəggəz tazak
ten.» ¹¹ Mišan issof kabtan iduf ən batu ta dasan-
iga aləs wa ewəyan açlal n aman əd wa t-ilan, iduf
n ənnəsixa wa dasan-iga Buləs. ¹² Dad imos as
azazzabbaw n əçlalalan n aman wen wər daç-as oləy
ikus ən təgrəst, tənkar taššam n aytedan win
maššayalan n əçlal əgan tanat ad açlin, əgməyan d
aggad n iyyan əçrəm imosan azazzabbaw n əçlalalan
n aman igân esəm Fenikəs ihân akal imosan gər-
wətlan as itawannu Kəret, əkkəsan tagrəst daç
çayançayan-net s iyyan iswād sa sər agala daç
ataram, wa hadan sa sər tamasna daç ataram.

¹³ Əllan den da as d-igar arat n ađu wa n agala,
təzzar əkkəsan y əçlal anaday, əçlan, sammadaçyan
y akal imosan gər-wətlan ən Kəret daç əhozan
təšəšwit-net, əçilan ad əfrəgan əmərədda igi n awa
əran. ¹⁴ Mišan wər əhogan əd teklay as fall-asan
du-təgar tazafa təsohet as itawannu ta n tamasna
daç dənnəç, təgât esəm Yurakilon, a dasan-du-
təgât iguz wa n akal ən Kəret. ¹⁵ Təzzar ibat ađu
açlal n aman, indar-ana iduf-net, igla dər-naç ibât-
tu ađu.

¹⁶ As nəggəz ifi n arat n akal imosan gər-wətlan,
igân esəm Kawda, nəga y arat ən təçlalt n aman il-

wây aɣlal wa nəha, təməwit ta nəra gərrid. ¹⁷ Əd-kalan-tat-du maşşaxalan n əɣlal, əgan-tat daɣ am-mas n əɣlal, təzzar əssəɣlayan-du aɣlal n aman ket-net iɣunan zawwarnen otaban-as sər-san fəl a tu-wər-zəmməzzəyan aman. Əssərasan afər wa isakaf aɣu isəluləm fəl aman fəl ad agu sollan, fəlas əksu-dan ad istəb əɣlal y amaɣal daɣ adag igân esəm Surtis a daɣ gəzzul agaraw, igla əɣlal ibât-tu dər-naɣ aɣu. ¹⁸ Awa təga tazafa en daɣ assahat, as əzəl wa hadan a din-əggaran maşşaxalan n əɣlal ilalan daɣ agaraw fəl ad ifsas əɣlal. ¹⁹ As əzəl wa n karad, əgaran-in daɣ aman əs fassan win-da-nasan isəssəkna n əɣlal. ²⁰ Təfuk wala etran nəgâ adan aggotnen wər tan-nənay. Awa təga tazafa en daɣ assahat, nəkkas fadda attama ən man-nana.

²¹ Adan en nəg-en wər t-illa i itşan arat, təzzar ib-dad Buləs daɣ ammas n aytedan, inna: «Meddan, ənnar təttafam ənnəsixa wa dawan-əgəɣ, taqqamim da wər du-təgmedam akal wa n Kəret; əddi wər kawan-z-igrəw iba n taɣara wa d əhluk wa. ²² Amaran əmərədda əgmâya daɣ-wan ad wər təkkesam attama, fəlas wər kawan-ihə i z'əgmədan man-net, mişan ya aɣlal n aman ənta a danaɣ-ig-məd. ²³ Əndod a di-inafalal angalos ən Məşşina wa di-ilan, əheɣ əşşəɣəl-net, ²⁴ inn-i: "Buləs, a kay-wər-təggəz tasa, Qaysara wa n əmənokəl wa zəwwəran, kundaba təbdəda dat-əs işrəɣ-ak. Amaran ənəy, Məşşina ig-ak arraxmat təmosat aggaz n aytedan kul win dər tənamaha aɣlal n aman da." ²⁵ Daɣ adi meddan ad wər təkkesam attama, fəlas əzzigzanaɣ əs Məşşina. Awa di-inna den, ad agu s əmmək en da. ²⁶ Amaran kundaba istab dər-naɣ əɣlal n aman i təşşəwit n akal iyyan imosan gərwətlan.»

²⁷ As igə adawannay n ahad n əzəl-nana wa n maraw d əkkəz təgâr fall-ana tazafa, ibât dər-naɣ aɣu aɣlal fəl agaraw igân esəm Adrəyatik, ən-nəfrayan maşşaxalan n əɣlal n aman d as amaɣal wər iggug. ²⁸ Təzzar əgaran daɣ aman aɣan y sər-əs əkətən təzzəgrət n agaraw. Təqqal təzzəgrət n aman daɣ adag wen əssayət təmərwən n əɣil d əkkəz. As əgan amazay, əlasan taqqot, osan-in edag wen təmos təzzəgrət-net səmmosat təmərwən n əɣil əd sədis. ²⁹ Təggəz-tan tasa n ad infəl əɣlal n aman i təhun, təzzar əgaran daɣ aman daɣ ələqqam n əɣlal əkkəzət təzəliyawən şin as tu-nad-dayan, amaran ad tattaran a tan-issəknan ezal. ³⁰ Ad gammayan maşşaxalan n əɣlal n aman ad addaggagan. Təzzar əssərasan taɣlalt n aman ta əndərrat daɣ agaraw, əgan əsarə âs a əran ad əndəyan əɣaf n əɣlal əs şiiyyad şizəliyawən.

³¹ Mişan inna Buləs i kabtan əd sojitan: «Meddan en, as əgmədan aɣlal wa, wədi wər dawan-t-illa agamad əd man-nawan.» ³² Təzzar olayan sojitan iɣunan win əqqannen taɣlalt, əɣlan dər-əs aman.

³³ As ibuk azal y igi, igmay Buləs daɣ əwedən kul ad atşu, inn-asan: «Azalada, əzəl-nawan wa n maraw d əkkəz d aşşawaşa labasan, wər t-illa arat

as tərâm tettay-net, wala iyyan iggâzan imawan-nawan. ³⁴ Daɣ adi əgmâya daɣ-wan ad tatşim fəl ad tərəgam, fəlas wər kawan-ihə i daɣ in-z-iba wala anzaɣ iyyanda n aɣaf-net.» ³⁵ As inna Buləs awən, idkal-du taɣəlla igə igodan i Məşşina dat-san ket-nasan, amaran ikarammat daɣ-as, ad itattu. ³⁶ Təg-mad-tan tasa ketnasan, ətşan əntanay da. ³⁷ Awa nəmos daɣ əɣlal en ketnana, sanatət təmad n əwedən d əssayət təmərwən əd sədis. ³⁸ As əyyəwanan a din-naqqalan alkama daɣ agaraw fəl ad əssəfsəsan aɣlal n aman.

³⁹ As igə azal, ənayan maşşaxalan n əɣlal as akal wa din-əhozən den wər t-əzdayan. Oggan əzəzəl daɣ təşşəwit, ənnan ad əgməyan d a sər-əs awəyan aɣlal har das-t-əssəstəban kud ad əfrəgan awən. ⁴⁰ Əkkasan şizəliyawən şin əndaynen aɣlal, oyyan-tanat-in s aman, oran dəɣ iɣunan ən katakawtan win sanamadnen aɣlal. Dəffər adi əkkasan aɣda y əfər wa ihən dat əɣlal fəl ad t-issəkəf aɣu, amaran sannamawalan-tu əd təgadamayt ihə əzəzəl.

⁴¹ Mişan ənfalan i tageft n əzəzəl təhât agaraw, ittitaɣ daɣ-as aɣaf n əɣlal, iməzzay d əmətəkwəy; təz-zar ad tərazzu assahat [n tənazzamaren] ələqqam-net. ⁴² Ənayan sojitan awən ɣas, namannakan fəl ad əkkəsən iman daɣ məskəsə fəl ad wər işşəf waliyyan daɣ-san, addaggag. ⁴³ Mişan igdal-asan kabtan-nasan igi n awən, fəlas a ira ad agəz Buləs. Təzzar omar kabtan aytedan win əsannen ewət n aman, ad tərəggen daɣ agaraw izaran-in əs tə-gadamayt. ⁴⁴ Amaran aytedan win hadatnen, ən-tanay omar-tan s ad əwəran katakawtan əd gannatan n əɣlal win du-nassarnen. Əmmək en da as ewadən ketnasan taɣadamayt n agaraw əragan-du.

Buləs ihə akal imosan gərwətlan as itawannu Malta

28 As du-nərag daɣ awən, nəgmad-du aman, itawann-ana akal wen imosan gərwətlan, es-əm-net Malta. ² Əssəknan-anaɣ aytedan n akal wen əlluɣ wər nəla tulat. Əgan-ana ketnana marhaba, əssərxan-ana temsay, fəlas akonak a iffayan, igə dəɣ asamed. ³ İşşədaw-du Buləs əɣaf n eşkan, ig-en daɣ təmsay, təkkes-du daɣ-san tuksay taşşolt, tə-dad əfus-net, təkarayray daɣ-as. ⁴ As ənayan kəl akal wen taşşolt təkirayray daɣ əfus ən Buləs, ad tinəmənnin: «İgmâd aşşak as aləs wən əməggi ən man a imos. İrag-du daɣ agaraw, mişan harwa da ilkâm-as əşşəriɣa, wər ira ad iddər.» ⁵ İrsak-in Buləs taşşolt, tərtak daɣ təmsay, wər t-illa a t-igrâwan. ⁶ Əqqalan aytedan y ad ihədədəy Buləs, madeɣ ifətəqqət ibə-tu tamazayt ten da; mişan as ərəwan wər hənneyan a t-igrâwan, əqqalan-du daɣ awə ənnan, ad gannin amaran: «Əməli iyyan awa!»

⁷ Edag en əhoznat-tu təwəgəs ən Bubləyəs, aləs wa n əmuzar n akal wen. İzazzabbat-ana daɣ ahan-net, nəgə karad adan nəniftay-as. İg-ana marhaba əd məgura əknənən əlluɣ. ⁸ As itaggu awən, təziza-

lallat tanaday abba ən Bubləyəs, tørtây-as əd tədíst. Os-ay-in Buləs issəwar-tu ifassan-net, on-say-as Məşşina. Izzozay-tu. ⁹ Dəffər awen a du-tasin miranan n akal wen win hadatnen, əti-wəzuzəyan. ¹⁰ Əssəknan-anax aytedan n akal wen saymar aggen, as nəggaz šin teklay day əxlal n aman iyyan. Əkfan-anax arat was nəddərar y əšikəl.

Assa ən Buləs ayxəm n Ərrum

¹¹ As nəga karadat təlil day Malta, nəggaz axlal n aman a d-igmâdan ayxəm n Alaskandrəya, as əwâran əssənəman as itawannu "win əknewan" əxaf-net, s ənta da akal wen da imosan gərwətlan a day ikkas tagrəst, nəgla. ¹² As nosa ayxəm ən Surakusa, nəga day-as karad adan. ¹³ Nəgmad Surakusa nəgla har nosa ayxəm ən Regəyon. As əzəl wa dəffər wen, igar-du adu wa n agala, nəgla. As əzəl wa hadan newad ayxəm ən Batəyoləs. ¹⁴ Den da ad nəssəha fəl arat day nalkiman ən Xaysa, əgmayan day-na a xur-san nagu əssa adan. Dəffər awen nənəmad ayxəm n Ərrum. ¹⁵ As danax-əslan mədrayan-nana day əzəgzan win əyxəm n Ərrum, əssəlkadan-ana-du əs təxrəmt ta n Əssuk n Affəyus, wiyyad əssəlkadan-ana-du əs təxrəmt as itawannu Ta n Karad Zəzzəbba. As taninay Buləs iga igodan i Məşşina, ikna awen iman-net. ¹⁶ As din-nəggaz ayxəm n Ərrum, irda əlxəkum i Buləs s ad ixsər day ahan wər inamaha ar əd soji wa t-ogazan.

Təlxutbat ən Buləs day batu ən Xaysa Əlməsix day Ərrum

¹⁷ Karad adan dəffər awen, isassaxra-du Buləs imuzaran ən Kəl-Əlyəhud win əyxəm n Ərrum. As d-əddəwan inn-asan: «Imədrayan-in, nak wər nəxşəd arat waliyyan i tamattay-nana wala dəx əmmizraya alxadaten šin du-nogaz xur marawan-nana, mišan əttəmasax day Yerusalam, tawagga day fassan ən Kəl-Ərrum. ¹⁸ As di-əşrayan, əran di-ayyin fəlas wər əgəx arat waliyyan a di-issiwaran tamattant. ¹⁹ Mišan ənkarən Kəl-Əlyəhud ugayan s ad tawayya, iqqal-i əşšil agamay n a di-işrəx Qaysara əmənokal wa zəwwəran, dər iga awen da ya wər

əgəx ənnəyat n ad aga i tamattay-nana taxtəst waliyyat. ²⁰ Adi a fəl kawan-əssəgmaya, a kawan-ənəya, məšiwəla dər-wan. Isassaran win, wər sər-i tan-d-eway ar as əgəx attama-nin day was əqqalan Kəl-İsrayil.» ²¹ Ənnan-as: «Nakkanay za, wər nə-grew širawt waliyyat a du-təfəlat akal ən Yahudəyya day talxa-nak wala dəx os-âna-du iyyan day mədrayan-nana day əddin, ag-ana isalan-nak madex annu sər-ək ark arat. ²² Amaran nərə a dana-təməla kay iman-nak awa təsamadrənax, fəlas arat iyyanda as danax-əhan salan-net as, taggayt ta n tarrayt n Əlməsix Xaysa, wər t-illa adag a tat-wər-nəşšek.» ²³ Təzzar namaggan dər-əs tə-mastant əzəl iyyan. As d-ixlay əzəl wen, osan-t-idu s igət day ahan wa iha. İşşəwal-asan əs gəlleyat day salan ən Taxmar ta n Məşşina wa n axora har iga ahad, isasagr-asan-tat. Isakn-en əs təməwit tə-sisagrət day Əttawret ən Musa d Əlkəttaban n Ən-nəbitan win hadatnen as, awa igannu əs Xaysa tidət day a imos. ²⁴ Wiyyad əssokasan day-san aratan win inna Buləs aššak, əzzəgzanan; win hadatnen ugayan s əzəgzan. ²⁵ Təzzar əmməzaxan gar-essan. As əggazan šin teklay, inna Buləs: «Tidət da a inna Infas wa Zəddigan i marawan-nana day əmi n ənnəbi Isayas, as inna: ²⁶ "Aglu, akku tamattay en, tannax-as: 'Ad tayyawan əsəsem, mišan wər ilkem ad təgra wala, tayyawan asawad, mišan wər ilkem ad tənay wala';²⁷ fəlas tamattay di, əsəxər a təga əwəl-net, gərrid as sallinat təməzzugen-net, təqqân šittawen-net; fəl ad wər tənəy za wala taslu, taqqam da wər təgra s əwəl-net, əngəm tutab, əzzuzəyaq-qat!"»

²⁸ Dəffər awen, inn-asan Buləs: «Əssənət za as, šimattiwen šin wər nəmos Kəl-Əlyəhud əntanatay da issok-enat-du Məşşina isalan n efsan-net. Əntanatay a dasan-z-əssəsemnen.» ²⁹ [As inna Buləs awen, əfalan-tu Kəl-Əlyəhud, əmmizaxan wəllen gar-essan.]

³⁰ Iga Buləs əşšin elan əxrâdnen day ahan ixfâr ənta iman-net, itaggu marhaba y aytedan kul win əranen anay-net. ³¹ Itagg-asan isalan ən Taxmar ta n Məşşina, isasaxr-en dəx arat kul wa iqqalan Əməli Xaysa Əlməsix ši wala tasa, wər t-illa dəx awedan a das-igdâlan awen.

Kæl-Ærrum

Æsænti

Assalam

1 Awa nak Bulæs akli n Ælmæsix Ƴaysa, iti-waxran æs tišit n anammazul itiwaskat deƳ y igi æn salan n Ælinjil æn Mæššina. ² Ælinjil wen iræw Mæššina as iga arkawal-net y ænnæbitan daƳ Ælkæt-taban win zaddoggen. ³ Isalan n Ælinjil win den æm-migradan daƳ batu æn Barar æn Mæššina a d-ihæwan daƳ æzzurræyya n ænnæbi Dawæd daƳ batu ta tæqqalat tišit-net aggadæm. ⁴ DaƳ batu amaran ta tæqqalat Infas wa Zæddigan æn Mæššina itawaxsab Barar æn Mæššina æs tarna s æssæbab æn tanakra-net daƳ tæmattant. Ænta a imosan Ƴaysa Ælmæsix Æmæli-nana. ⁵ Tarrayt-net as nægraw arraxmat æn tišit æn næmmuzal fæl a du-nawøy šimatti-wen kul šin wær næmos Kæl-Ælyæhud s æbærdæg wa d-itaway æzægzan, fæl saƳmar n esæm-net. ⁶ Šimatti-wen šin kawanay da tæhâm-tanat, kawanay a iƳra Ƴaysa Ælmæsix. ⁷ KattabaƳ-awan-in ketnawan kawanay a æhanen aƳræm n Ærrum tæmosam win ik-na Mæššina tara tætiwayram s ad tizdagam. Æg-maya daƳ Mæššina di n Abba-nana d Æmæli Ƴaysa Ælmæsix a dawan-igan arraxmat d alxer.

Igodan æd sæsægriþan

⁸ DaƳ tizarat æggodayaƳ i Mæššina æs tarrayt æn Ƴaysa Ælmæsix daƳ batu-nawan ketnawan id æzægzan-nawan itiwæsla daƳ æddænet ketnet. ⁹ Ig-giyat-i Mæššina a æƳbada s æwæl iyyanda s amel wa taggaƳ isalan n Ælinjil æn Barar-net æs faw tahâm šiwatriwen-in. ¹⁰ Faw da gammaya daƳ tæwatriwen-in ad ægræway tæmæwit n a kawan-in-asa, as irda Mæššina. ¹¹ Tidæt as æknæƳ tara n a kawan-ænæya fæl a dær-wan ædræway arat æn tæhækkuten šiyad a d-æfalnen Infas wa Zæddigan fæl ad tægræwam æzæzzæwi daƳ æzægzan-nawan. ¹² AlmaƳna as dær-wan namaggazaƳ edag, æzægzan wa næla nak dær-wan a danaƳ-isæssuhæt ketnana daƳ tarrayt ta næha, inæmæsæsuhat deƳ æzægzan wa-nawan æd wa-nin. ¹³ Ya imædrayan-in, areƳ ad tæssænam as æyyæwanay tara n a kawan-in-asa fæl ad ægræwa Ƴur-wan tænfæ n æššæƳæl-in wa n anammazul zun ta ægrawa Ƴur tæmattiwen šin hadatnen wær næmos Kæl-Ælyæhud. Mišan indar-i awen har harwa. ¹⁴ Tišit-in anammazul tæsiwar-i æššæƳæl daƳ

aytedan kul gær Kæl-Ælyunan as æmoranat šittawen-nasan wala win tan-wær-næmos, gær win musanan wala win aljahilan. ¹⁵ Awen daƳ a fælas sidaranay wællen a dawan-agaƳ isalan n Ælinjil kawanay da a æhanen aƳræm n Ærrum.

Awa daƳ tæššewal širawt ta

¹⁶ Fælas wær di-imos Ælinjil tækarakit id tarna æn Mæššina a imos, itaway-du efsan s aytedan kul win æzzægzannen a obazan Ƴur Kæl-Ælyæhud ikka aytedan win tan-wær-næmos. ¹⁷ Illikan as taqqat ta n Mæššina tænfalal daƳ Ælinjil s æzægzan, amaran s æzægzan Ƴas, id ænnan Ælkæt-taban: «*Awedan wa oyadan daƳ tarrayt ta n æzægzan a igarrawan tæmæddurt taynayat.*»

Ælinjil ænta immalan taqqat æn Mæššina

Aytedan kul ibaz-tan æššæriƳa æn Mæššina

Inæmmæzray kul obâz-tan æššæriƳa æn Mæššina

¹⁸ Alham æn Mæššina iffal-du ijænnawan itakka-du aytedan kul win wær næksud Mæššina d aytedan kul win wær noyed, æwâƳan tidæt ægdâlan-as ænæfilal s iba n taqqat-nasan. ¹⁹ Fælas arat wa ifragan ætæwæssan daƳ batu æn Mæššina ibbiyyan-asan id Mæššina iman-net a dasan-t-isannafalalan. ²⁰ Awal-la, harwa Ƴur æxluk æn Mæššina æddænet da assay-faten-net šin wær nætæwænæy, æmosnen tarna-net tæƳlâlæt æd tišit-net Æmæli, tawahannaynat, æm-munnat daƳ igitan-net. DaƳ adi wær ælen æsaræ waliyyan a tan-ikkasan, ²¹ id æssânan Mæššina mišan wær das-ægen saƳmar wa dær ihor za wær das-ægen igodan. Kalar oyyan iman-nasan æssæxrakan-tan medranan wær nænfæ wala, æjawanken deƳ daƳ šiyay id iwællan-nasan a æƳfal-nen. ²² Ægân iduf n as æmosan imalan æn tayttay, æntanay amaran imeskelan a æmosan. ²³ Ænkaran æs tanaya æn Mæššina di n AmaƳløl ægan daƳ adag-net šaššælanan n aggadæm wær næƳlæl æd gædad æd hærwan æd wæxsan æd dæmærdæmaran. ²⁴ Awen daƳ a fæl tan-oyya Mæššina ælkaman y arak deranan-nasan. Æmmæk en daƳ as samadasan iman-nasan æs tæmæwit tæsifallasat aggadæm.

²⁵ Æntanay a sammattaynen tidæt æn Mæššina ægan bahu daƳ adag-net, æƳbâdan æmættæwæxlæk

oyyan Wa d-ixallakan. Attamalet esəm-net har faw! Amin! ²⁶ Awen daḡ a fəl tan-oyya Məššina əggāzan tara ən man-nasan eway-du sər-san awen šifəllas, har əs šidoden-nasan ab-as tinəmənsinat əd meddan, kalar šidoden a dər tinəmənsinat, imos awen arət immizrayan əttəbiḡat n aggadəm. ²⁷ Meddan deḡ əgan awen da. Ab-as tinəmənsin əd tədoden-nasan, ad tinəməggin əzzəna gar-essan, əknān tara n awen. Aytedan win əxraknen en, a tan-abəz əššəriḡa ən Məššina s attadib wa dər əhoran mazalan wər nətəwəggu win taggin den.

²⁸ Dad zamas ugayan s ad əssənan Məššina, oyyen Məššina əlkaman y arak tayttay-nasan ad taggin imazalan wər nəmməkkan. ²⁹ Taggin əzzənəfan kul ən mazalan wər noḡed, d aššar, d attama daḡ a wər əlen, d əzzəngu əd manzaḡ, d igi ən man, əd kənnasan, əd təkərras, əd tišit ən maksanan. Sawaran aytedan bahu, ³⁰ akkiyyan igannu ark aratan əs wa hadan. Əmosan izənga ən Məššina, wər əlen aladab, tanarbadan, ih-en zazwar ən man, gammayan tarrayen kul šin igi ən təkma. Wər əb-bərdagan i marwan-nasan. ³¹ Wər əlen tayttay, wər əḡdelan, wər əlen tafreḡt za wər tan-təha tahanint. ³² Əknān masnat n əššəriḡa imosan tamattant təḡlalət wa issənsa Məššina i win tagganen imazalan win den. Mišan dər igi awen da, əssərtayan as tamazalan ark aratan win den, d as əqbālan aytedan win tan-tamazalnen.

Aytedan win əganen iduf n as olaḡan obaz-tan əššəriḡa ən Məššina

2 Daḡ adi kay wa ixakkaman y aytedan, əssən as wər dak-tu-təlla təsureft a təqqala da, fəlas as təxakkama y aytedan, wədi iman-nak a tətəbaza s əššəriḡa, id kay iman-nak da tətəggaḡ arak mazalan win taggin aytedan win den. ² Amaran nəssān as əššəriḡa ən Məššina was obaz aytedan win tagginen imazalan win den oḡād. ³ Ənzər-in daḡ as kay wa ixakkaman aytedan a dər-ək olanen alxal, wər t-illa əmmək as du-za-tərəga daḡ əššəriḡa wa n Məššina. ⁴ Məḡ ak əsəttəlkək a təgəḡ əlluḡ ən Məššina, d əlləllu-net, əd təzaydart-net, təqqima wər din-təgəḡ as ira a kay-isəmməttəy s əlluḡ-net tutaba? ⁵ Əqqəssu-nak əd tugəḡt-nak əs tətubt a d-ewaynen as itiwəsəmutig-ak alḡazab zəwwəran əzəl wad z'izəmmizəl Məššina alham-net inəfiləl əššəriḡa-net oḡādan.

⁶ Əzəl wen, awedan kul ad t-akfu Məššina awa dər əhoran mazalan-net. ⁷ Win əganen təzaydart za daḡ əmazal n awa olaḡan, gammayan s awen ətəwəsəḡmər ḡur Məššina, d ədkul, gammayan təməddurt ta wər nəḡərrəd, win di ad tan-akfu Məššina təməddurt ta təḡlalət. ⁸ Amaran win wər nəḡəmmay ar tənfa ən man-nasan, əmosan əllid ən tidət, tamazalan deḡ aratan wər noḡed, win di a tan-assaknu Məššina aššar n alham-net. ⁹ Awalla, təssust əd təməḡutar əllānat-tu y aytedan win tamazalnen talbast a obazan ḡur Kæl-Əlyəhud ikka

win wər nəmos Kæl-Əlyəhud. ¹⁰ Amaran awedan kul wa itamazalan awa olaḡan, wədi ill-as-tu ətkul d ətəwəsəḡmər d alxer a obazan ḡur Kæl-Əlyəhud ikka win wər nəmos Kæl-Əlyəhud, ¹¹ fəlas Məššina wər itəggu təmərit.

¹² Adi a fəlas aytedan kul win tagginen ibakkadan imos as ijhal-asan əššəriḡa wa n Əttawret, win di wər z'attarmasan s əššəriḡa wen. Amaran win əs-sannen əššəriḡa wa n Əttawret taggin ibakkadan, win di ketnasan a dasan-itəwəxkəm s əššəriḡa wədi da. ¹³ Wərgəḡ win sasammen y əššəriḡa a oḡadnen dat Məššina, kalar win sər-əs tamazalnen əntanay a z'əgrəwnen ətəwəqbal əd taqqat ḡur Məššina. ¹⁴ Aytedan win wər nəmos Kæl-Əlyəhud amaran wər əssenən fəl əššəriḡa wa n Əttawret mišan imazalan win əttəbiḡat-nasan nimannakan d əššəriḡa wa, win di əntanay a əmosnen əššəriḡa i man-nasan. ¹⁵ Saknin s awen as imazalan win as omar əššəriḡa əktāban daḡ wallan-nasan. Ənnəyat-en-nasan deḡ tagayyatnat awen. Amaran iduf wa namaggan gar-essan assaḡat iyyat tinəməsəwiran sər-əs lahan assaḡat iyyat deḡ gammayan sər-əs ənəməsuraḡ. ¹⁶ Ənta da da awa z'əgin əzəl wad z'isrəḡ Məššina əs tarrayt ən Ḥaysa Əlməsix imazalan n aggadəm win əḡbarnen, s əmmək was t-inna Əlinjil wa əmmala.

Kæl-Əlyəhud obāz-tan əššəriḡa ən Məššina

¹⁷ Kay wa igannin təmosaḡ Ag Əlyəhud təffilla fəl əššəriḡa wa n Əttawret, tətəggaḡ ibaragan as kay təmosaḡ əmaray əs Məššina, ¹⁸ təssānaḡ awa ira Məššina, təssānaḡ arət wa imosan əlməxsud id tətivasasaḡra əššəriḡa wen. ¹⁹ Kay wa ikkasan aššak as təmosaḡ əmalway ən win əddəḡalnen, təmosaḡ ənnur i win əhanen šiyyay, ²⁰ təmosaḡ əməsəsəḡri n aytedan win nəbbənnan, d əməsəsəḡri ən bararan, təgəḡ awen fəlas tənāya daḡ Əttawret masnat əd tidət əkmālnen. ²¹ Xasil kay wa isasaḡrin aytedan amaran wər təsəsəḡraḡ iman-nak! Kay wa itamaran aytedan s ad wər akəran, mafel tətakara? ²² Kay wa itamaran aytedan s ad wər əgin əzzəna, mafel tətəggaq-qu? Kay wa ikəyaḡan əssənəman, mafel təgalla tətakaray awa ihan idaggan n əḡḡibada-nasan? ²³ Kay wa isabaragan fəl əššəriḡa n Əttawret amaran tətə-mazrayaq-qu imos awen iba n saḡrar n esəm ən Məššina. ²⁴ «Fəlas esəm ən Məššina sam-madrayan-tu aytedan win wər nəmos Kæl-Əlyəhud amaran imazalan-nawan a d-ewaynen awen», s əmmək was t-əmalan Əlkəttaban.

²⁵ Illikan as əmənkəd təh-ay tənfa as imos as təb-birdaga y əššəriḡa wa n Əttawret, mišan as tətə-mazrayay əššəriḡa wen, wədi əmənkəd-nak wər izlay d iba-net. ²⁶ As imos as awedan wa wər nəmənkəd ilkām y alwajiban n əššəriḡa ibbirdag-asan, awak wərgəḡ a das-itəwəxsəb as imminkad? ²⁷ Awedan wa wər nəmənkəd amaran ibbirdag y əššəriḡa wa n Əttawret, ənta dak-z'isrəḡan kay wa

ittafan Ettawret təmminkada tətamazraya-
qu. ²⁸ Arat wa imosan tidət as tišit n Ag Əlyəhud wər təmos arat iwaran azzahir ɣas, wala əmənkəd ɣas. ²⁹ Kalar awa ihan əwəl ənta a itaggin awedan Ag Əlyəhud amaran əmənkəd wa itaggin awedan Ag Əlyəhud əwəl a daɣ itaggu imos arat a d-ifalan In-fas ən Məššina, wərgex arat iktaban ɣas daɣ Ettawret. Ənta di da Ag Əlyəhud wa igarrawan təm-malen šin d-əfalnen Məššina, wərgex šin d-əfalnen aggadəm.

3 Daɣ adi məni tat alfaydat ən tišit n Ag Əlyəhud, madeɣ məni tənfa n əmənkəd? ² Tənfa-net ši agget daɣ anamod kul, amaran ta zəwwərat əs Kəl-Əlyəhud əntanay as d-iga Məššina awal-net daɣ fassan-nasan. ³ Tidət as wiyyad daɣ-san əmmizrayan Məššina. Awak immikkən iba n təlyudəla-nasan ad təsəmməttəy arat daɣ təlyudəla ən Məššina? ⁴ Kala kala! Itəwəqbəlet as Məššina ənta a imosan tidət, aggadəm anasbahu. Tišit ən Məššina tidət ənta a fəl ənnan Əlkəttaban: «*Təgrawa taqqat daɣ awal-nak, təgrawa tidət daɣ əššəriɣa-nak.*»

⁵ Mišan ma za nannu as imos as iba n aqqad-nana isannafalal-du aqqad ən Məššina? Awak Məššina imos fall-as iba n aqqad ad izəmmizəl alham-net? Illikan as awal wa tagga da tagga-ɣu əs tayttay ta n aggadəm. ⁶ Kala, kala! Məššina inimaggag d ad imos as wər oɣəd. Kundaba adi, manəmmək as z'isrəɣ y əddənət? ⁷ Amaran as imos as bahu-nin isannahal əsənəfiləl ən tidət ən Məššina, eway-du awen əs təbbəyyan tanaya-net, wədi mafel tətawaxkam-i tišit n anasbakkad? ⁸ Ma ikma fadda nənna: «Mazalatana talbast fəl a tat-du-təgmad tənfa?» Arat s ənta a sər-na gannin arat n aytedan gammaynen a danaɣ-əɣşədan esəm. Aytedan win di əhoran d ad attarmasan s əššəriɣa ən Məššina.

Aytedan kul obâz-tan əššəriɣa ən Məššina

⁹ Ma za? Awak nakkanay an Kəl-Əlyəhud təll-ay alfaydat nəgrâw dənneɣ aytedan harwa da? Kala kala, fəlas nəjwâr nəsatadda as ketnana gər za Kəl-Əlyəhud wala aytedan win tan-wər-nəmos, as nəha təla n abakkad, ¹⁰ s əmmək was ənnan Əlkəttaban:

«Wər t-illa i oɣadan, wala ɣas iyyanda,

¹¹ wər t-illa i igarrin,

wər t-illa i igammayan masnat ən Məššina

¹² Kul əxrâkan əmmək a mosan,

ketnasan əknân aššar,

wər tan-iha i itaggan awa olayan,

[wala] ɣas iyyanda.

¹³ Šigarsaten-nasan əmosnat zun təsəska ənnolamnen,

ilsawan-nasan takarrasan sər-san aytedan,

idəlay-nasan wər əɣberan ar assam ən taššolt.

¹⁴ Imawan-nasan ədnâyan batuten samomnen əd tulɣant,

¹⁵ idaran-nasan təh-en tadasayt ən tanaɣla n əzni,

¹⁶ ahluk d əlməssibat əwâran tarrayt-nasan,

¹⁷ wər əzdayan tarrayt ta n alxer.

¹⁸ Təksəda ən Məššina wər təha wallan-nasan.»

¹⁹ Ənta nəssân as arat kul wa inna əššəriɣa wa n Ettawret, inn-ay y aytedan win əllanen daw əlxəkum wa n Ettawret fəl ad affastin mawan kul itəwəqbəl as əddənət kul obâz-tat əššəriɣa wa n Məššina. ²⁰ Fəlas wər t-illa awedan as za tətəwəqbəl taqqat-net dat Məššina əs tarrayt ən mazal n awa ihan əššəriɣa, fəlas əššəriɣa ənta a danaɣ-isusunan awa imos abakkad.

Aytedan əgrâwan taqqat əs tarrayt n əzəgzan

Əsəssəgri ən taqqat ta ihakku əzəgzan

²¹ Mišan əmərədda, Məššina isinafalal əmmək was z'iqbəl taqqat-nanaɣ da wala tarrayt ta n Əššəriɣa ittiddan daɣ Əlkəttaban. ²² Məššina iqab-bal taqqat əs tarrayt n əzəgzan əs ɣaysa Əlməsix. Amaran aytedan win əzzəgzannen kul iqabbal taqqat-nasan, fəlas aytedan wər əzlayan: ²³ Ket-nasan əgân ibakkadan aba fall-asan tanaya ən Məššina. ²⁴ Amaran əgrâwan taqqat təmosat təhəkkut n arraxmat ən Məššina əs tarrayt ən tədarfit ta du-teway tassaɣ d Əlməsix ɣaysa. ²⁵ Ənta a d-issəgla Məššina ixkâm-as ad iqqəl takutay ta təmmasat ibakkadan n aytedan əs tarrayt n əzəgzan s əzni-net. Əmmək en daɣ as issəkna Məššina taqqat-net. Fəlas Məššina oyya ibakkadan da wər tan-iwwəddab daɣ azzaman win ərəwnen, ²⁶ ən təzaydart-net, amaran azzaman win əmərədda, ira ad assaknu taqqat-net əs təməwit a daɣ z'itəwəqbəl as oɣâd, fəl ad iqbəl taqqat n awedan kul wa izzəgzanan əs ɣaysa.

²⁷ Daɣ adi, awak ill-ay əddəlil a fəl nəga ibaragan? Kala wər t-illa, fəlas wərgex əbərdəg y əššəriɣa a işɣalan əmərədda, kalar əzəgzan.

²⁸ Fəlas nakkanay nəga iduf n as awedan igarraw taqqat əs tarrayt n əzəgzan, wərgex ləkkum y əššəriɣa. ²⁹ Məɣ ak nəga iduf n as Məššina Kəl-Əlyəhud ɣas as imos Əməli-nasan? Awak Məššina wər imos Əməli n aytedan win wər nəmos Kəl-Əlyəhud? Awalla Əməli n aytedan kul a imos, harkid win wər nəmos Kəl-Əlyəhud. ³⁰ Dad zamas Məššina iyyanda ɣas, wədi ad iqbəl taqqat ən Kəl-Əlyəhud s əssəbab n əzəgzan, iqbəl dəɣ taqqat ən win wər nəmos Kəl-Əlyəhud əs tarrayt n əzəgzan wa. ³¹ Daɣ adi wərgex emes a din-nətaggu əššəriɣa nətaggu əzəgzan daɣ adag-net. Kalar əsəttəddi a nətaggu əššəriɣa.

Ibrahim imos almasal n agaraw ən taqqat s əzəgzan

4 Ma za nannu daɣ adi s Ibrahim imosan əmâraw-nanaɣ daɣ batu ta təqqalat tišit n aggadəm? Ma igraw? ² Ənnar imos as Ibrahim tarrayt ən mazalan-net as igraw taqqat ɣur Məššina, wədi

ila əddəlil n igi ən baragan. Mişan wərgex awen a igan xur Məşşina. ³ Fəlas ənnan Elkəttaban: *Iz-zəgzan Abram əs Məşşina, awen dağ a fəl t-ikfa Məşşina taqqat.* ⁴ Awedan wa itaggan imazalan olaynen, wədi alak-net wər das-imos tənəfust, kalar alxaq-net a imos. ⁵ Awedan amaran wa wər nəga imazalan olaynen, mişan izzigzan əs Məşşina s ənta ihakkin taqqat i nasbakkadan, wədi ad igrəw taqqat s əssəbab n əzəgzan-net. ⁶ Emmək en dağ as inna ənnəbi Dawəd dağ batu n əbbələl n awedan wa ikfa Məşşina taqqat da wala imazalan-net, inna:

⁷ «Əbbilalan win as tawasarafan arak mazalan-nasan,

Tawamasan bakkadan-nasan!

⁸ İbbilal aləs wa fəl wər ixəssəb Məşşina

ibakkadan-net!»

⁹ Awak əbbələl wa in Kəl-Əlyəhud xas, meş ak in aytedan kul harkid win wər nəmos Kəl-Əlyəhud? Fəlas nəgannu: *Əzəgzan n İbrahim igraw sər-əs taqqat dat Məşşina.* ¹⁰ Awak ma dər ola İbrahim as igraw ətəwəqbal wen xur Məşşina? Awak im-minkad meş wər immənkad harwa? Kalar harwa da dat əmənəkəd-net ad igraw ətəwəqbal wen.

¹¹ Dəffər awen ad igraw İbrahim xur Məşşina asan-nal wa n əmənəkəd imosan əsətəddi ən taqqat ta igraw s əzəgzan harwa dat əmənəkəd-net. Arat wen igâ fəl ad iqqəl İbrahim əmâraw n aytedan kul win əzzəgzannen əs Məşşina da wər əmmənkadan, fəl ad əgrəwan əntanay da taqqat xur Məşşina.

¹² İbrahim imos harwa da abba n aytedan win əm-mənkadnen, mişan wərgex əmənəkəd-nasan xas a fəl əffəllan, kalar tilalt a əgan tarrayt n əzəgzan ta iga əmaraw-nanaş İbrahim harwa da wər im-mənkad.

¹³ Məşşina iga arkawal y İbrahim əd hayawan-net as ad əgrəwan əddənət. Arkawal wen wər itawagga y İbrahim fəl ləkkum-net y əşşərişə, kalar ig-as-tu Məşşina əs tarrayt ən taqqat tat-t-ikfat əzəgzan-net. ¹⁴ As imos as tarrayt ən ləkkum y əşşərişə as z'əgrəwan aytedan arkawal wen, wədi əzəgzan wər ila tarna waliyyat, arkawal wen dəş ad ib'as t-illa. ¹⁵ Fəlas əşşərişə itaway-du təmazrəyt id wər nəfreg a t-idu-nəsandu, təmazrəyt amaran tət-away-du alham. Amaran edağ wa wər iha əşşərişə, wədi wər tu-za-təggəz təmazrəyt.

¹⁶ Ənta den dağ əddəlil wa fəlas arkawal wen ad itəwəgrəw əs tarrayt n əzəgzan, fəl ad iqqəl təhəkkut təmosat arraxmat. Emmək en dağ as arkawal wen ittidda y əzzurrəyya n İbrahim ketnet, almayna wərgex win əlkammen y əşşərişə xas, kalar harkid win obaznen tarrayt n əzəgzan ta n İbrahim imosan abba-nana ketnana. ¹⁷ Awen da a ihan Elkəttaban id ənnan: «*Əgeq-qay əmaraw ən təmattiwen əknânen igət.*» İmos abba-nana ketnana dat Məşşina s ənta as izzəgzan, Məşşina s ənta a ihakkin təməddurt i win aba, ixallak-du awa tu-wər-nəlla. ¹⁸ İbrahim iggaz alxalat a dağ-as tu-wər-illa attama waliyyan, mişan izzəgzan iga attama-

net dağ Məşşina. Emmək en dağ as iqqal *abba ən təmattiwen əknânen igət*, s əmmək was das-itawanna: «*Awen dağ a dər z'əgdin hayawan-nak*». ¹⁹ Wər ides wala əzəgzan n İbrahim kuddeş as issân as taşəssa-net [zun as] təmmüt fəlas izay-in temeday n awatay, Sarata dəş təwaşşar təggi-gra. ²⁰ İbrahim wər iga aşşak dağ arkawal ən Məşşina zun awedan wər nəzzəgzan, kalar isassa-hat-tu əzəgzan-net issəşmar tanaya ən Məşşina. ²¹ Isannahal ikus n aşşak as Məşşina ila tarna n ad assandu arat was iga arkawal-net. ²² Awen dağ a fəl «*das-itawaxsab awen əs tişit n awedan oğâ-dan.*»

²³ Mişan wərgex əddəlil-net ənta xas a fəl itawaktab as: «*Itawaxsab-as awen*», ²⁴ kalar nakkanay da itiwaktab fəl əddəlil-nana, amaran Məşşina nakkanay da ad ixşəb taqqat-nana. Nakkanay əzəgzan a sər-əs nəga, ənta a d-issənkarən Əməli-nana Xaysa dağ təməttant ²⁵ s ənta a itawakfan fəl əddəlil ən bakkadan-nana, itawasankar-du fəl ad nəgrəw taqqat dat Məşşina.

Agaraw ən taqqat əs tarrayt n əzəgzan d əlxilas

5 Dağ adi as nəgraw taqqat dat Məşşina s əzəgzan-nana, wədi nəgrâw alxer gar-enax əd Məşşina əs tarrayt n Əməli-nana Xaysa Əlməsix. ² Tarrayt n Əlməsix as nəgraw arraxmat [s əssəbab n əzəgzan-nana]. Arraxmat en ənta fella-nana. Nəddəwat amaran attama wa nəga dağ tanaya ən Məşşina, ənta a imosan abarag-nana. ³ Dənnəş awen fadda, nəsabarag kudde nəha təssust, fəlas nəssân as təssust ənta a du-tətawayat zəmmerat. ⁴ Zəmmerat ten amaran ənta a dana-təhakkit tişit n aytedan əlânen almayna, amaran as nəqqal aytedan əlânen almayna wər za nammazzay d igi n attama dağ Məşşina.

⁵ Məşşina amaran wər isərmig i dağ-as igân attama, id tara-net a tədnayat iwallan-nana əs tarrayt n İnfəs wa Zəddigan wa danaş-itawakfan. ⁶ Fəlas harwa danaş-wər-təqqəl alfaydat waliyyat ad immut Əlməsix fəl əddəlil n aytedan wər nəzəgzan əs Məşşina dağ alwaq wa iskat Məşşina y awen. ⁷ İz-zəwat i z'iqbələn ad t-iba kuddeş fəl əddəlil n awedan oğadan. Mijas ifrâş awedan ad iqbəl təməttant fəl awedan olayən. ⁸ Mişan əmmək da was danaş-issəkna Məşşina tara ta danaş-iga: Harwada nəmos inasbakkadan ad aba Əlməsix fəl əddəlil-nana.

⁹ Dad zamas əmərədda nəgraw taqqat əs tarrayt n əzni n Əlməsix, manəmmək as danaş wər z'assafsu dağ alham ən Məşşina? ¹⁰ Fəlas, dad zamas harwa nəmos izənga ən Məşşina da nəga dər-əs alxer əs tarrayt ən təməttant ən Barar-net, manəmmək as wər za nəgrəw efsan s əssəbab ən təməddurt ən Barar-net əmərədda a dər-əs nəga alxer. ¹¹ Amaran iyyan arat as Məşşina a fəl nəşaffalla əs tarrayt n Əməli-nana Xaysa Əlməsix s ənta a danaş-igan

emærødda alxer ød Møššina. Ænta den ðay abarag-nana.

Abakkad n Adøm d arraxmat øn Ýaysa Ælmøsix

¹² Ma tæssoka za batu ten? Adi za as tarrayt n awedan iyyanda as d-iggaz abakkad øddønet, abakkad amaran ønta a d-ewayan tømattant. Æm-møk en ðay as tømattant tøll-ay y aytedan kul følas ketnasan øgân ibakkadan. ¹³ Ænta abakkad ill-ay harwa da wør d-izazzabbat Møššina øššøriða-net føl ønnøbi Musa, amaran abakkad wør ixæssøb, as tu-wør-illa øššøriða. ¹⁴ Dør iga awen da ya tømattant tøll-ay tøkâm ðay øddønet a d-obazan þur Adøm har Musa. Tøll-ay harkid y aytedan win wør nøga abakkad olân ød wa n Adøm s ønta a ihan ølmital øn wa du-z-asin.

¹⁵ Mišan tømazrøyt n Adøm wør tola ød tøkøkkut ta ðanað-iga Møššina s arraxmat-net. Tidøt as aytedan aggotnen aba-tan føl øddølil øn tømazrøyt n awedan iyyanda a t-imosan Adøm. Ma dør øgða igøt n arraxmat øn Møššina, tømosat tøkøkkut-net ta du-tosat øs tarrayt n awedan iyyanda a t-imosan Ýaysa Ælmøsix? Arraxmat ten ød tøkøkkut ten wør ølenat øddukad, amaran ewâdnat-in aytedan øknâ-nen igøt. ¹⁶ Awa du-tøtaway tøkøkkut øn Møššina wør ola d awa d-eway abakkad n awedan iyyanda. Døffer abakkad wa iga Adøm, Møššina iwiddab s øššøriða-net aytedan kul. Tøkøkkut amaran ta d-iga Møššina taqqat as tøtaway aytedan, amaran tosâ-du døffer as øgân aytedan tømazrøyt tøgget. ¹⁷ Illikan as tømazrøyt n awedan iyyanda a du-tewayat as tøkam tømattant øddønet øs tarrayt n awedan iyyanda wen. Mišan øs tarrayt øn Ýaysa Ælmøsix þas-net, øgrâwan aytedan a øgaran awen wøllen. Aytedan win øgrawnen arraxmat wør nøla øddukad ød tøkøkkut-net tøkøkkut taqqat, win ði ad øddøran øxkøman ðeð øs tarrayt n awedan iyyanda a t-imosan Ýaysa Ælmøsix.

¹⁸ ðay adi, kud tømazrøyt n awedan iyyanda teway-du attadib s aytedan kul, wøði aytedan kul ad øgrøwan taqqat tøkøkkut tømøddurt øs tarrayt n ømazal øðadan n awedan iyyanda. Æmazal wen tamattant øn Ýaysa Ælmøsix a t-imosan. ¹⁹ Zund ømmøk as tømazrøyt n awedan iyyanda teway-du as øqqalan aytedan aggotnen inasbakkadan, øm-møk en ðay as øbørdøg n awedan iyyanda a du-z-awøyan s aytedan aggotnen ad øgrøwan taqqat ðat Møššina.

²⁰ Æššøriða amaran øsâ-du føl ad tøttøyt tømazrøyt wøllen. Mišan ibakkadan as øggøtan ðay adag a ðønnøg-san du-tæssøfel arraxmat øn Møššina.

²¹ ðay adi ðad zamas abakkad ixkâm føl øddønet iddew ød tømattant, wøði arraxmat øn Møššina ða ad tøkam tidaw ød taqqat føl a ðanað-takfu tømøddurt ta tøyðalat øs tarrayt n Æmøli-nana Ýaysa Ælmøsix.

Tarna n Ælinjil: Awa du-tøtaway taqqat ta ihakku øzøgzan

Nøddirfa ðay økkølu n abakkad

Ab-ana ðay batu ta tøqqalat abakkad nøddar øs tørtøyt d Ælmøsix

6 Ma za nannu ðay adi? Awak ad naglu ðay igi øn bakkadan føl ad tøttøyt arraxmat øn Møššina? ² Kala kala! Nakkanay win øganen tømattant ta ðana-tøzammazzayat ød bakkadan, manømmøk as za naglu ðay igi-nasan? ³ Nakkanay ketnanað øm-møk a nømos as nøtawasalmað ðay aman s esøm øn Ýaysa Ælmøsix, awak tatawt a ðin-tøgam as nørtây ðer-øð ðay tømattant-net? ⁴ ðay adi tamattant a nøga, nøtawanbal-in, nørtây d Ælmøsix s ala-mað wa nøga ðay aman s esøm-net. Awen ðay as zund ømmøk as d-inkar Ælmøsix ðay tømattant øs tarrayt øn tanaya n Abba-nana, ømmøk en ðay as nakkanay ða ad nagu tømøddurt taynayat. ⁵ ðad zamas nørtây ðer-øð ðay tømattant tolat ød ta-net, wøði a ðer-øð nørtøyt øs tanakra ðay tømattant tolat ød ta-net.

⁶ Næssân ðay adi âs aggadøm was kala a tu-nø-mos, wøði itawataytay føl tøgøttawt iddew d Ælmøsix. Æmmøk en ðay as tømøst-nana ta tørewat øn tiðit øn nasbakkadan tøkøkkut, ab-as tu-tølla, nakkanay ðeð nømmøzzay d økkølu, a t-imosan tiðit øn nasbakkadan. ⁷ Følas awedan wa aba, wøði id-dirfa ðay abakkad. ⁸ Nakkanay amaran, ðad zamas ab-ana nøddew d Ælmøsix wøði nøzzigzan as a ðer-øð nidaw ðay tømøddurt ða, ⁹ id nøssân as Ælmøsix wør tu-z-iba døffer tanakra ta d-iga ðay tømattant. Ab-as fall-as tøla tømattant tarna waliyyat. ¹⁰ Følas aba-tu, amaran øddølil n abakkad a føl t-aba ðay taklat iyyaða. Æmærødda tømøddurt ta iga, Møššina as tat-iga. ¹¹ ðay adi kawanay ða agiwat i man-nawan iduf n as aba-kawan ðay batu ta n abakkad, tagim ðeð iduf n as tøddâram i Møššina ðay tassað d Ælmøsix Ýaysa.

¹² ðay adi ad wør iløð abakkad axakam føl tøkøswen-nawan ømosnen arat itamattin, wala tøkøkamam y arak ðeranan-net. ¹³ Ad wør tøyayim ðisøllad-nawan y abakkad, øqqølnat zun tøzoli as tøyawamazal tøkma; kalar akfiwat iman-nawan i Møššina, tøkqølam zun aytedan aba a d-ønkarnen ðay tømattant, takfim ðisøllad-nawan i Møššina ad øqqølnat tøzoli tøyamazalat awa øðadan. ¹⁴ Følas ab-as tøyam tøla n abakkad id ab-as tøyam tøy-mar ta n øššøriða wa n Ættawret, kalar tøgøgzam tøy-mar ta n arraxmat øn Møššina.

Nøddirfa ðay bakkadan føl ad nøybøð Møššina

¹⁵ Ma za nagu za? Awak ad nagu ibakkadan følas nokay-du azzaman win øššøriða nøggaz win arrax-

mat? Kala kala! ¹⁶ Awak wër tæssenay âs as tægey iman-nak akli n awedan tæbbærdagay-as, wædi kay tæqqalay akli n awedan wen? Day adi wa yas tæqqalay akli n abakkad itawayan æs tæmattant, wa tæqqalay akli æn tarrayt ta n æbærdæg i Mæššina tæ-awayat æs taqqat? ¹⁷ Mišan tæmmalen i Mæššina! Dæffer as kala tæmosam eklan n abakkad, æmæred-da tæbbærdagam day wallan-nawan y æššæredan n æsæssæxri wa tæawaggam. ¹⁸ Tæddærfam day bakkadan, tæqqalam æmæred-da eklan n awa oγadan. ¹⁹ Elmital wa taggaq-qu s anamod wa n ag-gadæm fæl æddælif æn rækkæm-nawan a dær du-tæxlâkam. Zund æmmæk as kala ad tæsamalka-wam šisællad-nawan tæmosam eklan n awa immæ-dasan d awa xaraman fæl ad tawædam taxxaramt ketnet, æmmæk di day as æmæred-da akfiwat šisæl-lad-nawan y ad tæqqalam eklan n awa oγadan fæl ad tawædam tazdak. ²⁰ Fælas assaya wad tæmosam eklan n abakkad, æddi tæddærfam day anamod wa n taqqat. ²¹ Ma dær ola awa du-tæsxalam day azza-man win di? Engæm aratan as æmæred-da sikarakadan-kawan, fælas tæselkamt-nasan tæmat-tant? ²² Mišan æmæred-da dad zamas tæddærfam day bakkadan tæqqalam eklan æn Mæššina wædi tazdak a du-za-tæssæxsælam, amaran tæselkamt-nawan tæmæddurt ta tæxlalat. ²³ Fælas ærruzmatan n abakkad tæmattant, mišan tæhækkut ta danaγ-is-sænsa Mæššina tæmos arraxmat-net, tæmæddurt a tat-imosan ta tæxlalat day tassaγ d Æmæli-nana Ælmæsix Xaysa.

Næddirfa day æššæriya wa danaγ-obazan

Næddirfa day awa danaγ-issæwar æššæriya

7 Awak masnat a wër tægæm ya imædrayan-in as æššæriya wër ilzem ar aytedan win æddarnen? Æssânay as æhân-kawan salan n æššæriya. ² Æmmæk en day as tantut tæzlâfat iket iddar alæs-net osaq-qat dær-æs æššæriya. Mišan as aba alæs-net ad taddafart day æššæriya was kala a tan-osay. ³ Day adi as imos as harwa ad iddar alæs-net a tat-izlaf alæs iyyan, wædi æzzæna a tæga, mišan as aba alæs-net wædi tæddærfam day æššæriya. Æddi kud tat-izlaf alæs iyyan da wër z'itæwænnu tæga æzzæna. ⁴ Æmmæk en da a tæmosam kawanay da ya imædrayan-in: kawanay da aba-kawan day batu ta n æššæriya wa n Ættawret æs tarrayt ta n taγæssa n Ælmæsix. Æmæred-da tæhâm tæla iyyat taynayay a tat-imosan ta n Wa d-inkaran day næmmættan fæl a du-næsaxsal tænfam day tarrayt ta n Mæššina. ⁵ Harwa ad nælkâm i deranan æn wallan-nana, æhân-anay arak deranan win d-itaway æššæriya, ættâfan tanat æn tæsellad-nana fæl a du-næsaxsal aratan win tawaynen æs tæmattant. ⁶ Mišan æmæred-da, næddirfa day ælxækum wa n Æššæriya, ab-ana day batu n aratan win danaγ-æganen day tæla. Day adi næfrâg ad næxbæd Mæššina æs tæmæddurt taynayay æs tarrayt n Infas

wa Zæddigan, wærgæy s anamod wa iræwan n æššæriya wa n Ættawret imosan arat igmâdan.

Assa n æššæriya d ænæfilal n abakkad

⁷ Ma za nannu day adi? Awak æššæriya imitalla d abakkad? Kala kala! Mišan ya æššæriya ænta a di-iz-zæzdayan abakkad, id ænnar wër inna æššæriya: «*Ad wër tagay attama-nak day ares n awedan.*» Wër z'æssænay awa imos almaγna n igi n attama day ares n awedan. ⁸ Æmmæk en day as issolam abakkad daw alwajiban, tæzzar iga-du day æwæl-in arak deranan as tu-wær-illa a day wër ægen. Fælas as tu-wær-illa æššæriya, wædi abakkad da zun as im-mut. ⁹ Dat awa harwa a tu-wær-illa æššæriya nak æd-dâra. Mišan assaya wa d-osan alwajiban ænta ad iqqal abakkad arat iddâran, ¹⁰ nak amaran ab-i. Al-wajiban win as a ihoran âs tæmæddurt as ætawayan, nak tæmattant as di-ewayan ¹¹ fælas abakkad a issolaman daw alwajib n æššæriya, issæxrak-i inγ-i sær-æs. ¹² Day adi æššæriya i zæddigan, alwajib dæg zæd-dîg oγâd olâγ.

Tæmæddurt ta n lækkum y æššæriya

¹³ Awak nak arat olaγan a di-iqqalan tæmattant? Kala kala! Abakkad a imosan æssæbab n awen kul. Day adi abakkad isannafalal-du awa imos æs tidæt. Iššæšγal awa olaγan fæl a sær-i d-awæy tæmattant. Æmmæk en day âs tarrayt n alwajib as tænafalal tal-labæst wër næla æddukad ta tæhat abakkad.

¹⁴ Næssân as æššæriya Infas æn Mæššina a d-ifal.

Mišan nak awedan a æmosa wër nælkem ar i deranan-net. Ænzæy-in æmosa zun akli n abakkad.

¹⁵ Fælas awa tagga wër t-ægre. Arat wa areγ wër tu-tægga, amaran arat wa ækyada ænta a tagga.

¹⁶ Amaran as imos as taggaγ awa wër ære, wædi æqbâlax as æššæriya olâγ. ¹⁷ Æmæred-da wærgæy nak a itaggin awen, kalar abakkad wa day-i iγsaran a t-itaggin. ¹⁸ Fælas æssânay as arat wa olaγan wër day-i iγser, almaγna wër iha taγæssa-nin. Æfrâga tara n awa olaγan, mišan wër æfregay æmazal-net.

¹⁹ Wër tæmizilay awa olaγan s ænta a areγ, kalar awa wër nolæy a tamazala s ænta a wër areγ. ²⁰ As imos as tamazalay awa wër areγ, wædi wærgæy nak a t-itamazalan, kalar abakkad wa di-izdayan.

²¹ Æmmæk en day as d-ægreγ as: Id areγ igi n awa olaγan, a dat-i d-imæl awa wër nolæy. ²² Æfrâya day æwæl-in y as areγ æššæriya æn Mæššina, ²³ mišan æfrâya day tæsellad-in y æššæriya iyyan ibbillanan d æššæriya wa æqbalan man-in. Æmmæk en day as æqqalay akli n æššæriya wa n abakkad ihân šisællad-in. ²⁴ Iket ayšud æn man igraw-i! Ma di-za-assafsin day taγæssa tas tæselkamt-net tæmattant? ²⁵ Tæmmalen i Mæššina æs tarrayt n Æmæli-nana Xaysa Ælmæsix! Day adi æs tayttay-nin za æmosay akli n æššæriya æn Mæššina, æs taγæssa-nin amaran æmosay akli n æššæriya wa n abakkad.

Infas ən Məşşina ihakk-ana tēməddurt taynay-at

Tēməddurt ta danay-ihakku Infas ən Məşşina

8 Adi a fəlas əmərədda ab'as t-illa attadib i win ertaynen d Elməsix Xaysa. ² Fəlas tarna ta n Infas wa ihakkin tēməddurt ihân Xaysa Elməsix təsiddarfət-kay day tarna ta n abakkad əd təmat-tant. ³ Əşşərixa wa n Əttawret wər ifreg igi n awen, fəlas igdal-as-tu rəkkəm ən təxəssa n aggadəm. Adi a fəl d-issəgla Məşşina Barar-net iman-net iha təxəssa zun ta n nasbakkadan a nəmos, iqqal taku-tay ta təmmasat ibakkadan id Məşşina a t-itəwwəddaban day adag-nana. Emmək en day as z'izzərəz tarna ta fall-anay ila abakkad. ⁴ Arat wen ig-ay fəl ad nəfrəg əmazal n Əşşərixa wa n Əttawret əs tēməwit toxadat nakkanay win əlkamnen i tara ta n Infas wa Zəddigan, wərgəx ta n ag-gadəm.

⁵ Aytedan win əlkamnen i tara ta n aggadəm, win di imedranan əd deranan win aggadəm a taggin, amaran win əlkamnen i tara ta n Infas wa Zəddigan, win di imedranan əd deranan win Infas wa Zəddigan a taggin. ⁶ Ləkkum i medranan əd deranan win aggadəm tēməttant as itaway, amaran ləkkum i medranan əd deranan win Infas wa Zəddigan, tēməddurt taynayət as itaway d agaraw n alxer xur Məşşina. ⁷ Fəlas imedranan əd deranan win aggadəm əzgingen Məşşina id aggadəm wər ibbərday y əşşərixa wa n Məşşina, amaran wər t-ifreg. ⁸ Aytedan win əlkamnen i deranan ən təxəssa-nasan wər əfregan gərrezat i Məşşina.

⁹ Kawanay, as imos as izdax-kawan Infas ən Məşşina wədi ab-as təlkamam i medranan əd deranan n aggadəm, kalar win Infas wa Zəddigan as təlkamam. Awedan wa wər iha Infas wa n Elməsix, wədi wərgəx i n Elməsix. ¹⁰ Mişan as imos as tərtāyam d Elməsix, wədi kud imos as təxəssa-nawan təsəlkamt-net tēməttant fəl əddəlil n abakkad, da Infas wa Zəddigan ikf-iwan tēməddurt taynayət fəlas aytedan oğadnen a təmosam dat Məşşina.

¹¹ Şiğəswen-nawan təsəlkamt-nasnət tēməttant; dər iga awen da ya as imos as ih-iwan Infas ən Wa d-issənkaran Xaysa Elməsix day tēməttant, wədi Wa d-issənkaran Xaysa Elməsix day tēməttant ad agu tēməddurt taynayət day təxəswen-nawan s Infas-net Zəddigan a kawan-ihân.

¹² Day adi, imədrayan-in, əllan-tu aratan a danay-əhhişşalnen, mişan wərgəx day anamod wa n deranan n aggadəm əranen ad nəlkəm y awa əran man-nana. ¹³ Fəlas as təgam tēməddurt təlkāmam y awa əran man-nawan, wədi a kawan-iba təg-gəzam Jahannama. Mişan as toyyam imazalan win əran man n aggadəm, təlkamam i win ira Infas wa Zəddigan a kawan-ihân, wədi ad təddəram har faw.

Məşşina ig-anay bararan-net əs tahakkay ta danay-iga Infas-net di Zəddigan

¹⁴ Fəlas aytedan kul win day innoda Infas ən Məşşina, win di bararan ən Məşşina a mosan. ¹⁵ Infas wa təgrawam əddi, wər kawan-iga eklan, wər tu-təgrəwam fəl a taglim tah-iwan tasa, kalar təgrāwam-tu fəl a təqqələm bararan ən Məşşina. Infas en day a sər-na d-əwayan as nədkāl imaslan-nana nəgannu i Məşşina: «Abba! Abba!» ¹⁶ Infas wa Zəddigan əd nakkanay iman-nana a tagayyat-nen as nəmos bararan ən Məşşina. ¹⁷ Amaran, dad zamas bararan ən Məşşina a nəmos, wədi iməkkusa n arraxmaten-net a nəmos, amaran nədrāw təkəsīt ten d Elməsix dad zamas nəddew dər-əs day alğazab fəl ad nəgrəw tədəgart-nana day tanaya-net.

Infas əd tanaya win d-əzaynen

¹⁸ Iga xur-i əs alğazab wa nətaggu əmərədda wər ewed wala day tanaya ta dana-du-z-isənnəfiləl Məşşina.

¹⁹ Awa d-ixlakan kul ikna əddəguz day anay n al-waq wad z'isənnəfiləl Məşşina bararan-net.

²⁰ Fəlas awa d-ixlakan kul iggāz təla ən təxmar ta n təbənnan. Wərgəx əntanay a əranen awen, kalar Məşşina a tan-igan day fassan ən təxmar ten. Ill-ay attama n ²¹ as taxlək ten ənta iman-net da ketnet ad taddarfət day əhluk wa təga imosan əkkəlu, fəl ad əgrəwan əntanay da əlləllu igān day tanaya ta z'əgrəwan bararan ən Məşşina. ²² Amaran nəssān wəllen as har harwa da taxlək ketnet təddew day təhənəffa əd təlawayt zun təntut tətaggazat amzur. ²³ Mişan wərgəx əntanay xas a tihənəffitnen, nakkanay a əgrawnen Infas wa Zəddigan imosan tədəgart ta tazzarat day təhək ən Məşşina, da nəti-hənəffit day man-nana nəkna əddəguz day a danay-agu Məşşina bararan-net akf-anay tədarfit təkmalat. ²⁴ Fəlas nəgrāw efsan, s attama wa nəga. As nəhannay awas nəga attama-net, wədi ab'as imos attama. Ma imos wa z'agin attama n arat ihannay? ²⁵ Mişan as nəga attama-nana day awa wər nəhənnəy, wədi a das-nəqqəl əs zəmmerat.

²⁶ As nəga awen a d-asu Infas wa Zəddigan idhəl-ana day rəkkəm-nana fəlas nakkanay wər nəssen arat was ihor a tu-nansəy day təwatriwen-nana. Mişan Infas wa Zəddigan iman-net itaggu şihənəffa as wər ifreg awedan emel-nasnət. ²⁷ Amaran wa itamayyazan iwallan, issān awa təmos ənnəyat n Infas wa Zəddigan id ənta agna wa n Məşşina as itattar s esəm ən məzzəgzan.

²⁸ Amaran nəssān əs aratan kul əmosan tənfa n aytedan win əranen Məşşina tiwağran-du dəx əs tarrayt-net. ²⁹ Fəlas win isannafran harwa day tizarat win di otās-asan ad əqqələn əlmital ən Barar-net, fəl ad iqqəl Barar-net en ağafadday day bararan aggotnen. ³⁰ Amaran win as otas Məşşina

təyaray-nasan kala da, win di iyr-ên, amaran ig-en aytedan oğâdnen, ikf-en deş tanaya.

Ikus n aššak daş tara ta danaş-iga Məššina

³¹ Daş adi ma za nannu daş batu ta? As imos as Məššina iwâr ağanna-nana, ma ifragan ad iqqəl əl-lid-nana? ³² Məššina as Barar-net an iyyanda da wər t-oyya, kalar ikf-ay fəl əddəlil-nana ketnana, manəmmək as dana-wər-z-akfu arat kul s arrax-mat-net, nədrâw awen əd Barar-net? ³³ Ma z'abəzan s əšşərişə aytedan win isannafran Məššina? Awak aytedan win, wərgex Məššina a tan-ikfan taqqat. ³⁴ Ma imos za wa tan-z-abəzan s əšşərişə? Əlməsix [Şaysa] iman-net as t-aba, amaran wərgex awen şas, kalar itawasankar-du daş təmattant. Iha əmərədda aşil ən Məššina imos almawakkil-nanaş a danaş-itaggin şiwatriwen.

³⁵ Ma ifragan a danaş-izəmməzzəy əd tara n Əlməsix? Awak təssust? Meş təməşatirt, meş ətəwədgaz, meş gələk, meş zəlləm, meş igguz n alşarar ən tamattant, meş takoba? ³⁶ Ənnan Əlkəttaban: «*Tâwakkasan daş-na man əzəl kul fəl əd-dəlil-nak. Nətiwaxsab zun ayfəd tawagzamen.*»³⁷ Mişan daş awen ketnet nəgarraw tarna ta togarat əs tarrayt ən wa danaş-iran. ³⁸ Fəlas əkkasəş aššak as gər za təmattant, wala təməd-durt, wala angalosən win əmməzraynen Məššina, wala tayməren n əšşur şin əhanen ətənkul, wala azzaman win nəha əmərədda, wala azzaman win d-əzaynen, wala şiyurad, ³⁹ wala awa ihan afalla, wala wa ihan eres, wala arat waliyyan a d-ixlâkan, xasil wər t-illa a ifragan a danaş-izəmməzzəy əd tara ta danaş-isannafalal Məššina əs tarrayt n Əməli-nana Əlməsix Şaysa.

Əlinjil d Israyil: Edag wa ittaf Israyil daş attarix n əlşillas

Tarna ən Məššina tosâ-du əs tarrayt n Israyil

Iduf wa iga Buləs i Kəl-Israyil daş əwəl-net

9 Tidət a əmmala s esəm n Əlməsix, wər təgga bahu, iman-in əggəyyen-i fəl awen əs tarrayt n Infas wa Zəddigan. ² Əşşâdan man-in wəllen, əšşi-waşa deş wəllen. ³ Awalla wər di-ikma ilşan-i Məššina ammazzaya d Əlməsix fəl əlşillas ən kəl tamet-in d aytedan win di-erawnen, ⁴ a tan-imosan Kəl-Israyil. Əntanay a əlanen almaşam ən tişit ən bararan ən Məššina win d-iskat i man-net. Əntanay deş a mosnen aytedan win daş du-tənafalal təmust ən Məššina əs tanaya, nafalalan-du deş daş-san arkawalan ən tassaş, əd təhəkkut ta n Əšşərişə, d əlşibada, d arkawalan. ⁵ Əntanay deş a mosnen əz-zurrəyya ən marawan-nana win ərəwnen, Əlməsix deş imos iyyan daş-san əs tişit-net əggadəm.

Əlməsix s ənta a illan dənənəş əkkulluk n arat, imos Məššina. Attamalet esəm-net har faw! Amin!

Awa imos akal wa n Israyil

⁶ Arat wen wər imos almaşna-net as awal ən Məššina ab-as ila almaşam. Kala kala! Ənta ya wərgex aytedan kul win d-əşmadnen Israyil a mosnen Israyil. ⁷ Win d-əşmadnen İbrahim deş wərgex kul əmosan bararan-net, kalar a inna Məššina y İbrahim daş Əlkəttaban: «*Aytedan win d-əşmadnen Isəhaş a z'iqqələn əzzurrəyyan.*»⁸ Almaşna n awen as wərgex bararan win əhəwnen əs təməwit ta n əggadəm a mosnen bararan ən Məššina. Kalar bararan win əhəwnen əs təməwit ta tənəmannakat d arkawal ən Məššina, əntanay a ixsab Məššina daş əzzurrəyya n İbrahim. ⁹ Ənta da awa inna arkawal: «*A kay-d-əqqəla adan a da âznin, əddi da tamahharak-nak Sarata təla barar.*»

¹⁰ Amaran wərgex awen şas. Awen daş a təga Raqqiyetu, ənta da əşşin bararan ən yayyan n eknewan a təla, amaran ketnasən alşad-nanaş İşəhaş a dər tan-təla. ¹¹⁻¹² Məššina ila tarrayt-net tas isannafran aytedan. Əsənnəfrən-net aytedan ilkâm i tayaray ta tan-iga əs tarrayt-net, wərgex imazalan-nasan. Fəl ad isattaddu tarrayt ta d-iga den, təmosat arat isannafran, inna i Raqqiyetu har-wa da wər əhəwan bararan-net, wər əknən wala za wər t-əşşedan: «*Wa wašşaran ad iqqəl akli ən wa əndarran.*»¹³ İnəmannak awen d awa ihan Əlkəttaban əs ənnan: «*Areş Yaşub, əkyâday Esaw.*»

Məššina ənta məšşis ən tarna oğâdan

¹⁴ Daş adi ma za nannu y awen? Awak Məššina wər oşed? Kala kala! ¹⁵ Fəlas a inna i Musa: «*Ad hənətteş i was areş a das-hanattəş, ilalay i was areş a das-ilala.*»¹⁶ Əmmək ən daş as arat wen wər-mad iqqân daş wa ira awedan, wala aratan win əs əzal daş əşaməy-nasan. Kalar wər iqqən ar daş Məššina di n əməhhenən, ¹⁷ s ənta a innan i Firşawna daş Əlkəttaban: «*Ənəy! Əkfeş-qay almaşam fəl ad əşakna tarna-nin əs tarrayt-nak, tagu masnat fəl esəm-in daş əddənət ket-net.*»¹⁸ Daş adi Məššina itihənəttit i was ira, is-əşarmam əwəl ən was ira.

¹⁹ Amaran əssânəş as a di-tanna: «*Mafəl [daş adi] Məššina harwada itabaz aytedan əs mazalan-nasan, dad zamas wər t-illa i ifrâşan əməzrəy ən tara-net?*» ²⁰ Fadda, kay əggadəm, ma təmosəş əs təşarəşə əd Məššina? Awak talaş təfrâş ad tannu i wa sər-əs işaqqalan: «*Mafəl tətəşşəş-i əmmək wa?*» ²¹ Awak akanaw wərgex ənta a ilân talaş itaggu sər-əs ikassan âs wiyyad za tiwasansən y əzəl a sər-san iskâtan, win hadatnen amaran ti-wasataşmalan əzəl kul? ²²⁻²³ Əmmək ən daş a əşan aratan win isammataş Məššina. İga dər-na təşay-dart tagget nakkanay a əhornen d əşluk fəlas ira

ad isənnəfiləl alham-net əd tarna-net. Ira deyə ad isənnəfiləl y aytedan wiyyad tanaya-net wər nəla əddukad. Aytedan win den əntanay as ihanattat, əntanay deyə a isammatag kala da, y a dər-əs ertəyan dağ tanaya-net.

Məşşina iğra Kəl-Əlyəhud d aytedan win tan-wər-nəmos

²⁴ Aytedan win den nakkanay a tan-imosan. İğra-ana-du Məşşina dağ Kəl-Əlyəhud, iğra-ana-du deyə dağ win wər nəmos Kəl-Əlyəhud. ²⁵ Awen dağ a ihan əlkəttab wa n ənnəbi Osay as inna: «Win wər nəmos tamattay-nin, a tan-d-ağrağ aga-qan "tamattay-nin". Win wər nəmos win əknex tara, a tan-aga "win əknex tara".²⁶ Amaran idaggan win dağ dasan-itawannu: "Wər təmosam tamattay ən Məşşina!" Idaggan win di da a dağ dasan-z-itawannu "bararan ən Məşşina di iddaran".»

²⁷ Ənnəbi Isayas deyə iktab dağ batu n İsrayil as: «As əgan maddanəs n İsrayil iğət wa n təblalen n amağdal, arat dağ-san ças a z'afsin.²⁸ Fəlas Amaylöl ad assandu awal-net fəl əddənət əs təməwit tək-mâlat tətrabat.»

²⁹ Zun batu ta iğa ənnəbi Isayas dat awen as inna: «Kundaba as Əməli di ilan tarna a dağ-na d-iglaşan amasa, wədi ad nəqqəl zun Sədom, nalu əd Gamorra.»

Awa iwaran aggadəm d awa iqqalan İsrayil dağ azzaman win əmərədda

Agaraw ən taqqat s əzəgzan wərgəç əs maza-lan

³⁰ Ma za nannu dağ adi? Aytedan win wər nəmos Kəl-Əlyəhud wər əğlayan dağ agamay ən taqqat mişan əğrawan-tat əs tarrayt n əzəgzan-nasan.

³¹ Kəl-İsrayil amaran a gammaynen a d-əssək-məlan ləkkum y əşşəriçə fəl ad əğrəwan taqqat, indar-asan. ³² Ma d-ewayan za awen? Adi za iba n agamay-nasan taqqat ten əs tarrayt ta n əzəgzan, əğmayan-tat əs mazalan-nasan. Tənkaf-asan təhünt ta təsəğadlit. ³³ Təhünt ten təmmittal Əlməsix, amaran ənnan Əlkəttaban dağ batu-net: «Ənəyat, əssinsa dağ Səyon təhünt təmosat təsənkəft, təmos deyə təsəlit tətagadlit aytedan. Mişan awedan wa sər-əs izzəgzanan wər z'ikərukəd.»

10 Imədrayan-in, əknex deran n ad əğrəwan Kəl-İsrayil efsan, amaran awen dağ a tansaya Məşşina faw dağ təwatriwen-in. ² Fəlas əğ-gəyyeç əs əğlāyan dağ batu ta n Məşşina mişan wər əssertəyan awen əd masnat. ³ Wər əğren təməwit tas ihakku Məşşina aytedan taqqat, a tat-gammayan əs mazalan-nasan. Əmmək di dağ əs wər əbbərdəgan i Məşşina, uğayan əs ləkkum i tarrayt tas ihakku Məşşina taqqat. ⁴ Əlməsix ənta a imosan təsəxtəmt n əşşəriçə y ad iqqəl as aytedan

kul win sər-əs əzzəgzannen ad əğrəwan taqqat dat Məşşina.

Efsan s əzəgzan, wərgəç əs ləkkum y əşşəriçə

⁵ Arat da wa iktab ənnəbi Musa dağ batu ən taqqat ta tətawəğrawat əs ləkkum y Əşşəriçə wa n Əttawret: «Awedan kul wa d-issəndan əşşəriçə, wədi ad iğrəw təməddurt s əssəbab n əşşəriçə.»⁶ Mişan ənta da əmmək was tətawəğraw taqqat əs tarrayt ta n əzəgzan: «Ad wər təğanna dağ man-nak: "Ma z'aggəzəyan əs jənnəwan?"» Awak Əlməsix wərgəç izzibbat-du? ⁷ Madəç tanna: «Ma z'əzəbben iğgəz imawetan n amağdal?» Awak Əlməsix wərgəç inkar-du dağ təməttant? ⁸ Awak ma inna Awal ən Məşşina dağ batu ta? A inna: «Aw-al ihoz-kay, iha imi-nak, iha əwəl-nak,» amaran awal wa batu n əzəgzan a dağ işşewal, ənta deyə əs nə-taggu təlxutbat. ⁹ As təşşewala təqbaləç əs Çaysa imos Əməli, təzzəgzana dağ əwəl-nak əs issinkar-tidu Məşşina dağ təməttant, wədi kay təğrəwəç efsan. ¹⁰ Fəlas awedan wa izzəgzanan dağ əwəl-net, wədi ad t-akfu Məşşina taqqat. Amaran wa işşewalan imal əzəgzan-net, wədi ad t-akfu Məşşina efsan. ¹¹ Ənnan Əlkəttaban: Awedan kul wa «fall-as iffəllan iğa dağ-as attama-net, wər ilkem ad iki-rakad.»¹² Wər izləy wa imosan Ağ Əlyəhud wala wa tu-wər-nəmos. Ketnasan Əməli-nasan iyyanda, ihakkin s əlləllu-net taggast y aytedan kul win dağ-as tat-əğməynen. ¹³ «Fəlas awedan kul wa iğmayan taggast dağ Əməli, wədi ad iğrəw efsan.»

Kəl-İsrayil wər əzzəgzanan s Əlinjil

¹⁴ Məni za əmmək was z'əğməyan taggast dağ was wər əzzəgzanan? Məni əmmək was sər-əs z'əzzəgzənan wər əslən y awal-net? Məni əmmək was das-z-aslin da wər t-illa i dasan-timalan?

¹⁵ Məni əmmək was tu-z-əməlan aytedan a dasan-t-əmalnən əs imos əs wər t-illa i tan-issiglan? Ənnan Əlkəttaban: «İket şihussay əganat-tanat takkolen n aytedan win əmmalnən isalan n alxer a imos Əlinjil!»

¹⁶ Mişan wərgəç Kəl-Əlyəhud kul əbbirdəgan y Əlinjil. Inna Ənnəbi Isayas: «Əməli, məni wa iz-zəgzanan s awa nənna?»¹⁷ Dağ adi, isalan win əs nəsla, əntanay a du-tawaynen əzəgzan, amaran awal n Əlməsix a əmosan. ¹⁸ Mişan əsəstan da wa tagga: Awak Kəl-Əlyəhud wər əslən y awal wen? Wəllən za əs əslən-as. Ənnan Əlkəttaban: «Əməli-nasan təsl-as əddənət ketnet, awal-nasan əruru n amağdal ketnet ewād-tu.»

¹⁹ Əlasəç əsəstan harwa da ənne: Awak tamattay n İsrayil masnat a wər təga dağ awen? Ənnəbi Musa a dasan-timalan əs tizarat. Inn-asan: «İnna Məşşina, a kəwan-əğəç inəmmənəçəç ən win əs tamattay da wər tat-əmosan, aknaç dağ-wan iği n alham ən tamattay wər nəla tayttay.»²⁰ Ənnəbi Isayas fadda a dasan-innan əs təholat: «Əğrawan-i

win di-wær-nægømmøy, sannafalalay iman-in i win di-wær-nonsay wala.»²¹ Mišan daḡ batu ta n Kæl-Israyil inna: «Æzəl kul əzzâlax əfus-in ɣarra tamattay təmosat inəmməzray ən nəffəllag.»

Tarrayt ta d-iga Məššina d awa d-izayan Israyil

Məššina isinafran i man-net aytedan win d-əg-golaznen

11 Ænne daḡ adi: Awak Məššina agamad a iga batu ən tamattay-net? Kala kala! Fəlas nak iman-in iyyan daḡ Kæl-Israyil a mosa, əmosaḡ ahaya n Ibrahim, əgmâda-du tawšet ta n Benyamin. ² Məššina wær igmed batu ən tamattay-net as irəw as tat-isannafran. Ængəm təkittəwam awa ənna Elkəttaban daḡ batu n ənnəbi Ilyas as-saḡa wad eway tala-net əs Məššina daḡ batu ən Kæl-Israyil? ³ Inna i Məššina: «*Æməli, ənyan ən-nəbitan-nak, jabbarajjen idaggan-nak win təkutawen, wær d-iqqim ar nak, amaran gammayan d a day-i əkkəsan iman.*»⁴ Təssânam za awa das-ijjəwwab Məššina? Inn-as: «*Æsinafranay i man-in əssa gim n aləs wær nəssəjad dat əssənəm wa igan Baxal.*»

⁵ Zund əmmək en daḡ as daḡ azzaman win nəha əmərədda əggolazan-du aytedan isinafran Məššina s arraxmat-net. ⁶ Daḡ adi, dad zamas arraxmat-net as tan-isannafran, wədi wərgəḡ fəl əddəlil ən mazalan-nasan, madeḡ amaran iqqəl as arraxmat ab-as təmos arraxmat.

⁷ Ma igan daḡ adi? Kæl-Israyil wær əgrewan awa gammayan. Wær daḡ-san t-igrew ar win isannafran Məššina. Win hadatnen amaran tawaggan aytedan as garmoman wallan-nasan, ⁸ inimannak awen d awa ənna Elkəttaban as ənna: «*Ikkas-tan Məššina daḡ əlxəyyar ən man-nasan, ikf-en šittawen wær nəhənnəy wala, əd təməzzugen wær nəşəllu har azalada.*»⁹ Ənnəbi Dawəd deḡ inna: «*Æqqəlanet-asan mensewan-nasan taftaw, əqqəlan sangay a tan-z-ibəzan. Æqqəlanet-asan aqadal, əgrəwanet attadib wa dər əhoran.*¹⁰ *Alsinet šiyay šittawen-nasan, igmədet-tan asawad-nasan. Kərənbəwanet roran-nasan har faw!*»

Edag wa əhan Kæl-Əlyəhud d aytedan win tan-wær-nəmos daḡ tarrayt ta d-iga Məššina

¹¹ Ænne daḡ adi: Awak Kæl-Israyil nigartattafan y ad uden har faw? Igmâd aššak as wərgəḡ awen. Mišan təmazrəyt-nasan a du-tewayat as əgrawan aytedan win wær nəmos Kæl-Əlyəhud efsan fəl ad əggəznat təsmiten Kæl-Israyil. ¹² Wala təmazrəyt-nasan təqqal tənəfləyt y əddənət, ətəwərna-nasan deḡ iqqal tənəfləyt i win wær nəmos Kæl-Əlyəhud, əngəm in za as d-əḡradan əsənəd əbdadan-du?

¹³ Əmərədda kawanay win wær nəmos Kæl-Əlyəhud as əššewala: Nak anammazul a mosa s aytedan win wær nəmos Kæl-Əlyəhud amaran əssiḡ-

marəḡ əššəḡəl wen, ¹⁴ har âs as imməkkan awen a d-awəya šismiten s aytedan win tawšet-in afsin daḡ-san wiyyad. ¹⁵ Fəlas as iqqal as ətəwəkkas-nasan əs tama eway-du amaknaw daḡ əddənət, əngəm in za ətəwəsuxəl-nasan? Wær t-illa a dər z'alu ar tanakra daḡ təmattant.

¹⁶ Amaran as imos as tadagart ta tazzarat daḡ təgəlla təskât i Məššina, wədi awa daḡ-as in-iqqi-man ketnet da in Məššina. As imos as deḡ ikewan tiwaskatan i Məššina, wədi ilədlad da tiwaskatan-as. ¹⁷ Əlmital en daḡ a əhan Kæl-Israyil: Ilədlad wiyyad a din-tawakarammatnen daḡ ašək. Kay amaran wa wær nəmos iyyan daḡ Kæl-Israyil, tə-mosa zun ələdlid ən zaytun n əsuf, təzzar tətawagga daḡ adag-nasan. Daḡ adi kay da tədrâwa dər-san isudar olâḡnen win du-nakkasan kewan n azza-ytun wa itawanbalan den. ¹⁸ Dər iga awen da ya, ad wær talkaḡ ilədlad win din-tawakarammatnen. Amaran as kay du-təggaz ənnəyat ən zazwar ən man-nak, takta-du as wərgəḡ kay a ilan ikewan, kalar ikewan a kay-ewaynen əkbâlan-kay. ¹⁹ Ad tanna daḡ adi: Ilədlad tawakarammen-in fəl ad əg-gəzəḡ edag-nasan. ²⁰ Tidət as ətəwəkərəmme a din-əgan lədlad win den fəl iba n əzəgzan. Kay amaran təddara s əzəgzan-nak. Ad wær tagaḡ ime-dranan əmosnen zazwar ən man, kalar əqqəl əmik-sad ən Məššina. ²¹ Fəlas dad zamas Məššina wær oyya ilədlad win dər d-ixlak ašək, wədi kay da wær kay-z-ayyu.

²² Daḡ adi əssən fəl əlluḡ ən Məššina, əd tallabast n alham-net. Tallabast n alham-net isakn-et i win nəmməzray, əlluḡ-net amaran isakn-ak-ku, iket təz-izawe daḡ tarrayt n əlluḡ wen. As wær təgəḡ adi, wədi kay da a din-tətəwəkərəmme. ²³ Kæl-Əlyəhud da as oyyan tarrayt ta n iba n əzəgzan a du-təwə-suxələn ašək, fəlas Məššina ila tarna n a tan-d-iləs əsuxəl n ašək wen. ²⁴ Dad zamas kay tətawakaramme-du daḡ ašək ən zaytun n əsuf, tətawaggaḡ ələdlid ən zaytun wa n ənebəl olâḡnan, manəmmək as du-wær-za-təwəsuxələn əntanay da təwəggin daḡ azzaytun wa daḡ d-əxlakan?

Əlyillas wa d-izayan Kæl-Israyil

²⁵ Imədrayan-in, wær areḡ a dawan-ijhâl əssir wa, fəl ad wær təḡilam təlâm masnat iyyat zəwwərat. Edes ən Kæl-Israyil wær z'ammazayan ad əffillagan iket wær d-əxsələn aytedan kul win wær nəmos Kæl-Əlyəhud əs Taḡmar ən Məššina. ²⁶ Əmmək en daḡ as z'igrəw Israyil ketnet efsan id ənna Elkəttaban: «*Wa iyallasan a d-igməd Šəyon, ikkəs inəmməzray daḡ əzzurrəyya ən Yaqub.*²⁷ *Ənta da da arkawal wa dər-san z'aga, assaḡa wa fall-asan z'əkkəsəy ibakkadan-nasan.*»

²⁸ Daḡ batu ta təqqalat tugəyt-nasan s Əlinjil, wədi Kæl-Əlyəhud əntanay a mosnen izənga ən Məššina fəl ad təgrəwam tənfa n awen. Mišan daḡ batu ta təqqalat anafran wa n Məššina, wədi əntanay a mosnen aytedan win ikna Məššina tara fəl əddəlil

æn marawan-nasan. ²⁹ Fēlas Mēššina wēr d-itēqqel daȝ tēhakkuten-net, za wēr isēmmēttēy anafran-net. ³⁰ Kawanay iman-nawan dat awa tēm-mizrayam Mēššina mišan ēmērēdda ihanattat-awan s ēssēbab æn tēmazrēyt-nasan. ³¹ Zund ēm-mæk en daȝ as, dad zamas tēmazrēyt-nasan ta n ēmērēdda tēway-du as tēgrawam ēhēnētta, arat wēdi iga fēl a dasan-ihēnēttēt Mēššina ēntanay da [ēmērēdda]. ³² Fēlas Mēššina ittāf aytedan kul daȝ tēmazrēyt fēl a tan-assaknu ketnasan tēhanint-net.

Tømmalen i Mēššina fēl masnat-net

³³ Ya Mēššina! Tēgērgist-nak, ēd tayttay-nak ēd masnat-nak wēr ēlenat ēddukad. Ælxēkuman-nak wēr t-illa i ifragan ēšēggēr-nasan, tarrayen-nak wēr t-illa i ifragan ēgērri-nasnat. ³⁴ «Mēni wa is-sanan awa daȝ isamadran Æmēli? Mēni was kala ad iqqal ēmēššewwēr-net?» ³⁵ Mēni was kala ad iga i Mēššina tēnēfust, ēngēm iqqal as irwās-tu tēnēfust?» ³⁶ Arat kul ēnta a d-ifal, ēnta a d-ewayan as t-imal arat kul, ēnta dēȝ a ilan arat kul. Igrēwet Mēššina adkul daȝ azzaman kul har faw! Amin.

Æzēmmizēl n Ælinjil: Awa dēr tētalū tēmēddurt n ēlmēsixi

Ammar s igi æn tēmēddurt ta n ēlmēsixi

Tēmēddurt tēmmitayāt fēl ta tērēwat

12 Daȝ adi ēgmāya daȝ-wan, ya imēdrayan-in, fēl tišit ta iga Mēššina ēmēhhenēn, ad tak-fim šixēswen-nawan ēqqēlnat takutay tēddarat, zēddigat, tēgrāzat i Mēššina. Æmmæk en daȝ as za tagim i Mēššina ēlxiḃada wa n tidēt. ² Ad wēr tayyim iman-nawan sēmmēttēyan-kawan azzaman win nēha da ēmērēdda, kalar ayyiwat iman-nawan a kawan-tēšēššinēy tayttay-nawan ta taynayāt, fēl ad tagrim, tardim dēȝ s arat wa imosan tara æn Mēššina, a t-imosan: Awa olaȝan, d awa igrāzan i Mēššina, d awa ikmalan.

Agiwat tēmēddurt ās akkiyyan daȝ-wan imos amaššāȝal æn win hadatnen, tēšȝēlam æs tēhakkuten æn Mēššina

³ Arat da wa ganna y akkiyyan daȝ-wan s ēssēbab n arraxmat ta di-iga Mēššina: Ad wēr tēqqēlam aytedan ēzzizwarnen iman-nasan, kalar agiwat i man-nawan iduf igān s ēnnēyāt tolaȝāt, ewāl awen s ēzēgzan wa ikfa Mēššina y akkiyyan daȝ-wan. ⁴ Akkiyyan daȝ-na taȝēssa iyyadda a ila, mišan tēȝa daȝ tēsēllad aggotnen, amaran šisēllad šin den akkiyyat d ēššēȝel-net. ⁵ Æmmæk en daȝ as nakkanay nēggēt, mišan taȝēssa iyyadda a nēmos daȝ tērtēyt d Ælmēsix, amaran akkiyyan daȝ-na imōs taslēt daȝ ēljēmaȝat-nana. ⁶ Mišan nēgrāw šihakkuten wēr nola ewalnen s arraxmat ta tētawak-

fat akkiyyan daȝ-na. As imos as igrāw iyyan daȝ-na tēhakkut n emel y aytedan isalan a fall-as d-izazab-bat Mēššina, iššēšēȝēlet-tat ewāl awen s awa dēr ogda ēzēgzan-net. ⁷ Was tēhakkut-net tadhēlt n aytedan, idhēlet-tan. Wa igrāwan tēhakkut n ēsēsšēȝri, issasāȝriwet. ⁸ Wa igrāwan tišit n awedan italaman y aytedan fēl man, amazalet s awen. Wa igrāwan tišit n awedan tēha tahakkay, akfet s ēwēl iyyanda. Wa igrāwan tizart agiwet tizart n ēlmēxsud. Wa itassanan daȝ aytedan win maȝatarnen, issēnet daȝ-san æs man filawasnen.

Agiwat tēmēddurt taha tara d ēsēmmēdrēy æn man æd tugēyt s a imosan tēkma

⁹ Tara a tat-wēr-tēggēz tēlmēnufēqa. Ækēydat arat kul wa imosan tēkma. Zēzzēwētāt wēllen daȝ ēmazal n awa olaȝan.

¹⁰ Daȝ batu ta tēqqalat tara ta gēr mēdrayan, akkiyyan daȝ-wan akniwet tara æn win hadatnen. Daȝ batu ta tēqqalat saȝmar, zuzērat tēnfa ta n mēdrayan-nawan i ta-nawan.

¹¹ Daȝ batu ta tēqqalat ēššēȝēl, ēqqēlat imaššāȝalan, wērgēȝ imēsšēndad, tēmēhēndēret daȝ-wan tamse ta tētakkasat sandad,

a tat-imosan ta n Infas æn Mēššina, tēȝbēdam Æmēli.

¹² Daȝ batu ta tēqqalat igi n attama, fēliwēsāt. Daȝ batu ta tēqqalat tēsust, ēqqēlat imēzēzzēy-dar.

Daȝ batu ta tēqqalat šiwatriwen, ad wēr tammazzayam d igi-nasnat.

¹³ Dahhalat imizdagan daȝ addararaten-nasan, tēqqēlam aytedan iha amagaru fawda.

¹⁴ Tattarat a igan albaraka y aytedan win [kawan]-ēdgaznen. Ad wēr tēlaȝȝanam awedan waliyyan, kalar tattarat y aytedan. ¹⁵ As tēggazam aytedan filawasnen, tēfēliwēsam kawanay da, as tēggazam win hallinen, talim kawanay da.

¹⁶ Nēmēggiwat iduf iyyanda gar-ewwan. Ad wēr tēgammayam almaȝam i man-nawan, kalar gammayāt awa wēr nēla anay. Ad wēr tagim iduf n as tēmosam imalan æn tayttay.

¹⁷ Ad wēr tēzzalam tēkma æs tēkma y awedan waliyyan. Gammayāt awa olaȝan ȝur aytedan kul, a sēr-æs tētamazalam. ¹⁸ As immikkan awen, iket iqqan daȝ-wan adi, imēlet-tu alxer gar-ewwan d awedan kul. ¹⁹ Ad wēr tēzazalam i man-nawan, imaran-in, kalar ayyiwat alham wa n Mēššina ad išȝēl, fēlas ēnnan Ælkēttaban: «*Nak a itabazan s ēššēriȝa, nak a z'ixkēman y awedan kul awa dēr ihor, inna Æmēli.*» ²⁰ Kawanay amaran arat da wa kawan-iwaran: «*As tēnayȝ azangaw-nak ih-ay gēlōk, taššatšaq-qu; as t-ihā fad dēȝ taššaswaq-qu; fēlas as das-tēgēȝ adi, zun as tēsšinsa fēl aȝaf-net šimakaten ērȝānen.*» ²¹ A dak-wēr-ilkēm ad toyeyē ēššur issēfēl-du dēnnēȝ-ēk, kalar ēȝlēb ēššur s ēmazal n awa olaȝan.

Æqqolat köl akal olâxnen

13 Awedan köl ilzâm-tu æbærdæg i muzaran n akal fêlas taẓmar köl Mæššina a du-têfal. Taẓmaren köl šin t-ellanen, Mæššina a tanat-issêb-dadan. ² Awen daẓ a fêlas awedan köl wa iffêllagan fêl ælxækum n akal-net, awedan wædi ænnizam æn Mæššina a fêl iffêllag. Win æffêllagnen deẓ a d-awêyan attadib æs man-nasan. ³ Imuzaran wêr tan-iksud awedan wa itaggin awa olaẓan, kalar wêr tan-iksud ar wa itaggin tækma. As tareẓ a kay-têg-mêd tasa æn muzaran ad têtamazalaẓ awa olaẓan, æddi a ẓur-san têgrêwaẓ ælqêbulat. ⁴ Fêlas imuzaran n akal æššêẓæl æn Mæššina a æhan imosan tønfa-nak. Mišan as têtaggay awa wêr noleẓ, wædi iksad imuzaran fêlas wêrgeẓ bannan êlân fêrregat n attadib æs tømattant. Mæššina a iššêšẓalan imuzaran fêl ad tawaddaban aytedan win tamazal-nen tækma, ewayan-du æs man-nasan alham n Æmêli. ⁵ Awen daẓ a fêlas têga addararat s ad abbardagan aytedan i muzaran. Wêrgeẓ tæksêda n attadib ẓas a fêl danaẓ-ilzam awen, kalar ænnêyat-nanaẓ a dana-tu-têzzêlzamat. ⁶ Êddêlil n awen daẓ a fêl têrazzamam amana fêlas win tu-garrawnen den Mæššina a tan-iššêšẓalan fêl ad sênnêhêlan amak-naw n æššêẓæl wen. ⁷ Êrzemat y awedan köl awa daẓ-wan ila. Êrzemat amana i wa daẓ-wan t-ilan, têrzemam takês i wa daẓ-wan tat-iran, tiksadam was kawan-têwar tæksêda-net, têsseẓmêram was kawan-iwar saymar-net.

Tara n æššêqqay-nak, ænta a têmosat æsækmêl æn lækum y æššêriẓa

⁸ A tu-wêr-imêl waliyyan daẓ-wan itiwarwasan arat a iqqal. A tu-wêr-imêl gar-ewwan ar ænêmera, id awedan wa iran aytedan, wædi issinda-du æššêriẓa æn Mæššina. ⁹ Fêlas alwajiban zun win æn-nanen: «Ad wêr tagay æzzêna, wala tagay iman, wala takêra, wala tagay attama-nak daẓ ares n awedan», d alwajiban köl win hadatnen, æxsâlan-du daẓ alwajib iyyanda, wa innan: «Agu y æššêqqay-nak tara ta têgeẓ i man-nak.» ¹⁰ Awedan irân æššêqqay-net wêr ilkem a das-iga tækma waliyyat. Daẓ adi tara, tæssinda-du æššêriẓa.

Agiwat tømêddurt a daẓ têhâm ænnur fêlas tewaylay n Æmêli têhêz

¹¹ Daẓ adi, alwaq ewad-du æmêrêdda wa daq-qawan iwar ad tênkêram daẓ etês, fêlas efsan ogar ihêz wa dana-d-êgan æmêrêdda i wa dana-d-êgan assaya wa du-nêzzêgzan. ¹² Ehad iglâ, ezal ihoz-du. Mazzayatana daẓ adi æd mazalan win šiyay. Êttê-fatana têzoli ta n ænnur. ¹³ Šikêlatana daẓ æzzêbun, zun as nêjiwankat ezal a mallan. Ad wêr nêsasakay daẓ tattay wala tessay n esmad. Ad wêr nêtaggu æzzêna æd mazalan zizallatnen aggadêm, nênêmêg-

gæg æd têmazayen æd manzaẓ. ¹⁴ Kalar têqqêlet têbdoq-nawan alxal wa n Æmêli ẓaysa Ælmêsix. Ad wêr tayyim tarrayt waliyyat y arak deranan win ag-gadêm annadin daẓ-wan.

Tara d ænêmênnak gêr aytedan win ædrawnen æzêgzan

Ad wêr têxakkamaẓ y aytedan win dêr têdraway æzêgzan

14 Qabbalat aytedan win as irkam æzêgzan-nasan. A dêr-san wêr têtamazayam daẓ batu n idufan-nasan. ² Awedan iyyan iga iduf n âs têx-alal-as tattay n arat köl. Iyyan as irkam æzêgzan-net wêr das-xalal âr tettay n annabatan win fêrgan. ³ Wa itattin amensay, ad wêr alku wa tu-wêr-nêtê-tu. Wa wêr nêtêttu amensay deẓ ad wêr issêwêr lahan i wa t-itattin fêlas ænta da iqbâl-tu Mæššina. ⁴ Ma têmosay as têxakkama y êkli æn wiyyad? Gêr ibdâd wala uda, da mæššis a têqqal batu ten. Mišan wêr z'udu, kalar ad ibdêd, fêlas Æmêli ila fêrregat n akabal-net.

⁵ Awedan iyyan iga iduf n as æzêl iyyan ogar ijilan win hadatnen, iyyan iga iduf n as ijilan köl olân ogdân. Awedan köl iwâr-tu ikus n aššak daẓ iduf wa iga. ⁶ Awedan wa izlayan ijilan, Æmêli a fêl iga awen. Wa itattin amensay was ira deẓ Æmêli a fêl iga awen, fêlas iggoday i Mæššina amensay wa itat-tu. Wa issêban fêl man-net imensewan wiyyad deẓ Æmêli a fêl iga awen id ænta da iggoday i Mæššina. ⁷ Êssênat as wêr danaẓ-iha i iddaran fêl êddêlil æn man-net wala deẓ i itiba fêl êddêlil æn man-net, ⁸ fêlas as nêddâr, wædi Æmêli a fêl nêddar, as danaẓ-aba deẓ Æmêli a fêl danaẓ-aba. Gêr za nêddar wala deẓ ab-ana, Æmêli a danaẓ-ilan. ⁹ Fêlas Ælmêsix aba-tu, iqqal-du tømêddurt fêl ad iqqêl Æmêli æn win aba æd win êddarnen.

¹⁰ Amaran kay, mafêl têxakkama y amadray-nak madêẓ tolkeq-qu? Awak wêrgeẓ ketnana kundaba nêbdat dat adag n æššêriẓa æn Mæššina? ¹¹ Fêlas ænnan Êlkêttaban: «Inna Mæššina: "Nak êddâra, i d-ixlâkan köl kundaba issêjad dat-i, ilæs deẓ köl kundaba iga tømmalen i Mæššina."»

¹² Êmmêk en daẓ as akkiyyan daẓ-na kundaba ibdad fêl mazalan-net [dat Mæššina].

Êdgêz daẓ awa infan aytedan win dêr têdraway æzêgzan

¹³ Daẓ adi mazzayatana d ad nêxakkam imi-dawan-nana. Kalar akkiyyan daẓ-wan idgêzet daẓ ad inkêd y arat a z'isênnêgêrtêffêtan æmidi-net madêẓ aggadl-ay daẓ alxata. ¹⁴ Êssânaẓ, amaran êkkasaẓ aššak daẓ esêm n Æmêli ẓaysa as wêr t-illa arat xaraman. Mišan as iga awedan iduf n as xaram fall-as arat iyyan, wædi a fall-as ixram. ¹⁵ As imos as têẓsâda iman n amadray-nak daẓ batu n amensay, wædi kay wêr têššokala daẓ tara. Ad wêr-

təhləka imədrayan-nak day əzəgzan day batu ən mensewan fəlas Əlməsix iman-net as t-aba fəl əd-dəlil-nasan. ¹⁶ Day adi ad wər itəwənnu ark arat s aratan win as təgam iduf n əs olâyan. ¹⁷ Fəlas Tay-mar ta n Məşşina wər təmos tətay wala tessay. Kalar taqqat a təmos d alxer əd təfalawist əs tar-rayt n Infas wa Zəddigan. ¹⁸ Wa iybadan Əlməsix s əmmək wədi, ad igrəz i Məşşina igrəw deş ətəwəsəşmar yur aytedan.

¹⁹ Day adi gammayatana wəllen aratan win du-tawaynen alxer əd win dana-z-ilalnen s ad issuhət əzəgzan-nana ketnana. ²⁰ Ad wər təcəbbərəjjeş əşşəşəl ən Məşşina fəl batu ən mensewan. Tidət as amensay kul təxalal tattay-net, mişan təxaram tattay n amensay a du-za-tawəyat ad inəgərtəttəf awedan iyyan day əzəgzan-net. ²¹ Olâş ad ayyu awedan tətay ən şan, ayyu tessay n esmad n alşanab, ammazzay d arat kul wa z'arzin əzəgzan n amadray-net. ²² Iduf wa day təkkaşay aşşak day əwəl-nak, wədi ag-ay gar-ek əd Məşşina. Ibbilal wa ikkasan aşşak as wər t-obeş əşşərişə s arat was iga iduf n əs ənta a oşadan! ²³ Mişan awedan wa igan aşşak day awa itattu, wədi ibâz-tu əşşərişə id awa itaggu wər inamannak d əzəgzan-net. Amaran arat kul wa wər nənammannak d əzəgzan-nak wədi abakkad.

Ədgəz day tədhəlt n aytedan win dər tədraway əzəgzan

15 Nakkanay as issohat əzəgzan-nanay təwâr-ana zəmmerat i win as wər issohat əzəgzan-nasan, nayyu agamay n arat wa ərən man-nana. ² Akkiyyan day-na iwar-tu ad igammay d ad igrəz y aytedan win dər idraw əzəgzan day anamod n awa olaşan imos awen agamay n awa tan-z-işşitin. ³ Fəlas Əlməsix da wər igmay awa das-igrəzan, kalar ənnan Əlkəttaban: «*Ərrəbdan win dak-tawagginen əqqalan fall-i.*»⁴ Amaran aratan win ənnan Əlkəttaban dāt əzəl, kul tiwaktaban fəl ad nəgrəw attama wa itawayan əs tarrayt ən zəmmerat əd təsasmit ən wallan-nana şin danaş-əhakkin Əlkəttaban. ⁵ Əgmâya day Məşşina s ənta a du-tə-fəl zəmmerat d allam fəl man a kawan-akfu təməddurt a day tənimardam gar-ewwan day təkâmam y almasal n Əlməsix Şaysa. ⁶ Əmmək en day as za tagim təmmalən ən tanaya ən Məşşina di n Abba n Əməli-nana Şaysa Əlməsix, təgâm awen s ənəmən-nak ən wallan d əməli iyyanda.

Tinəməqbilat gar-ewwan zund əmmək âs Əlməsix osâ-du fəl əddəlil ən Kəl-Əlyəhud d aytedan win tan-wər-nəmos

⁷ Tinəməqbilat gar-ewwan zund əmmək as kawan-iqbal Əlməsix, tagim awen fəl saymar ən tanaya ən Məşşina. ⁸ İllikan as Əlməsix iqqal amaşşaxal ən Kəl-Əlyəhud fəl ad isattaddu arkawalan win iga Məşşina y alşadan-nasan, as-

saknu s awen as Məşşina tidət a imos. ⁹ Osâ-du əntada fəl ad igrəw Məşşina təmmalən ən tanaya-net şur aytedan win wər nəmos Kəl-Əlyəhud fəl əddəlil ən təhanint-net, zun awa ihan Əlkəttaban, as ənnan: «*Awen day a fəl kay-z-əməla day aytedan wər nəmos Kəl-Əlyəhud, agay şigaytalen ən saymar-nak.*»¹⁰ Ənnan deş Əlkəttaban: «*Tawşeten şin wər nəmos Kəl-Əlyəhud, agimat təfalawist ta təga tamattay ən Məşşina.*»¹¹ Ənnân deş: «*Agimat təmmalən y Əməli ketnakmat tawşeten şin wər nəmos Kəl-Əlyəhud, şimattiwen kul əməlnatet-tu!*»¹² Ənnəbi İsayas da innâ: «*Ahaya ən Yasay a d-asu, ib-dəd ixkəm fəl tawşeten şin wər nəmos Kəl-Əlyəhud, amaran ketnasnat a day-as aginat attama-nasnat.*»¹³ Əgmâya day Məşşina s ənta a şur d-iffal attama ketnet a kawan-akfu təfalawist d alxer əkmâlən əs tarrayt n əzəgzan-nawan fəl ad təsən-nəhəlam agaraw n attama əs tarna n Infas wa Zəddigan.

Təsəxtəmt

Əşşəşəl wa iwaran Buləs əd şikilan win as otas igi-nasan

Əşşəşəl wa iwaran Buləs day batu n aytedan win wər nəmos Kəl-Əlyəhud

¹⁴ Day batu ta kawan-təqqalat kawayan, nak iman-in əkkasay aşşak imədrayan-in, as təkñâm əl-lux təkñâm agaraw ən masnat, təfrâgam ad tət-inəməsəşəşrim gar-ewwan. ¹⁵ Dər iga awen da ya, kud ira annay əktabaş-awan-in əs taholat, fəl a kawan-d-asakta, əs tarrayt n arraxmat ta di-iga Məşşina, arat əs kala da təsənam day-as. ¹⁶ Arraxmat ten təmos as di-iga amaşşaxal n Əlməsix Şaysa day aytedan win wər nəmos Kəl-Əlyəhud. Taggaş əşşəşəl zəddigan s amel wa taggaş Əlinjil ən Məşşina. Awen əgêç-qu fəl ad əqqəlan aytedan win wər nəmos Kəl-Əlyəhud takutay təgrâzat i Məşşina, təmosat arat a dər inihagga əs tarrayt n Infas wa Zəddigan. ¹⁷ Day adi ələş s ad səbbərəga day tassaş n Əlməsix Şaysa day batu n əşşəşəl wa əgeş i Məşşina. ¹⁸ Wər əhəlay awal day aratan ar win is-sənda Əlməsix əs tarrayt-in əmosnen as d-ewayay aytedan win wər nəmos Kəl-Əlyəhud s əbərdeş i Məşşina. Arat wen iga s awal əd mazalan, ¹⁹ igâ deş əs tarna ən təlməşşujatən əmosnen alşalamat-en, d aratan simaklalnən, əgânen əs tarrayt ən tarna n Infas ən Məşşina. Əmmək en day as a d-obazan şur Yerusalam harkid Əlurəya, akal wədi kul sinahalaş day-as emel ən salan n Əlinjil n Əlməsix. ²⁰ Amaran əşşəşəl-in wa day ədgəza wəllen imos emel n Əlinjil y aytedan win âs wər kala ad əslan y esəm n Əlməsix. Arat wen əgeş-qu fəl ad wər iqqəl əşşəşəl-in arat intân fəl əşşəşəl n iyyan awedan. ²¹ Əşşəşəl wen əgeş-qu s əmmək wa əməlan Əlkəttaban as ənnan: «*Win as wər ittəmal*

ad t-ənəyan, amaran win wər nəsla isalan-net a tan-aslin agrin-tan.»

Işikilan win otas Buləs

²² Arat wa daɣ a di-igaddalan fawda a kawan-in-asa. ²³ Mišan əmərədda əxradaɣ əşşəxəl-in daɣ kallan win den. A ilan elan ad əknex tara n a kawan-in-azzayyara, ²⁴ amaran arex igi n adi asaxa wa din-z-asax Esbanəya. Fəlas əgeɣ attama n a kawan-ənəyaɣ as din-əmmaraɣ əddi, amaran əf-filla fall-awan y a di-tilalam s iki n akal wen dəffər as ɣur-wan əgeɣ azzaman.

²⁵ Əmərədda ad akka Yerusalama y ad əşxələx i tamattay ən Məşşina ta təllat den. ²⁶ Fəlas Əlkənisaten şin Masedonəya d Akayya əknənat tara n igi ən şirgiten fəl ad ədhəlnat şiləqqawen əhanen imizdagan win Yerusalama. ²⁷ Əlkənisaten şin əknənat tara n awen, amaran iwâr-tanat igi-net, fəlas dad zamas əlməsixitan win əmosnen Kəl-Əlyəhud ədhəlan win wər nəmos Kəl Əlyəhud fəl aganna wa n əzəgzan-nasan, wədi əlməsixitan win wər nəmos Kəl Əlyəhud iwâr-tan əntanay da ad ədhəlan s ərrəzəxan-nasan win əmosnen Kəl Əlyəhud. ²⁸ Daɣ adi as əxradaɣ əşşəxəl wa, şaşşawada şirgiten şin i məssawəsnat, ad akkaɣ Esbanəya əmməraq-qawan-in. ²⁹ Amaran əssənaɣ as albaraka ikmālan n Əlməsix a imos asa wa kawan-in-z-aga.

Agamay ən Buləs şiwatriwen ən məzzəgzan s Əlməsix

³⁰ Ya imədrayan-in, əgmaya daɣ-wan wəllen əs tarrayt n Əməli-nana Ƴaysa Əlməsix əd tara ta ihakku Infas wa Zəddigan a di-tilalam daɣ təbəllant ta əgeɣ s a di-tətansayam Məşşina daɣ təwatriwen-nawan. ³¹ Tattarat-in a di-iylasan daɣ aytedan win uɣaynen s əbərdəg i Məşşina əhanen Yahudəyya, təttəram-i deɣ a fəl əqbalan mizdagan win Yerusalama şirgiten şin dasan-z-awəya. ³² As iga adi a kawan-in-asa əknex təfalawist, kud ira Məşşina adi, aga ɣur-wan azzaman ən təsanfawt. ³³ Əgmāya daɣ Məşşina a ihakkin alxer a kawan-agəz ketnawan. Amin!

Assalaman d ənnəsixatan əd təwatriwen

16 Əssiflasaq-qawan təmadrayt-nana Fəbay təmosat təmadhalt n Əlkənisat ta n Qankrəya ² fəl a tat-təqbəlam s esəm n Əməli, igâ awen s əmmək wa dər əhoran mizdagan. İlalat-as daɣ arat kul wa daɣ təddərar tilalt-nawan fəlas ənta da təllil y aytedan aggotnen as nak iman-in aheq-qan.

³ Təhulam-in Friska d Akilas əmosnen imidawan-in daɣ əşşəxəl y Əlməsix Ƴaysa. ⁴ Əntanay a əganen iman-nasan daɣ alɣarar ən tamattant fəl a di-agəzan daɣ win əranen tenaxay-nin. Wərgəx nak ɣas a dasan-iggodayan awen. Kalar Əlkənisaten kul şin aytedan win wər nəmos Kəl-Əlyəhud, da əg-

godaynat-asan. ⁵ Təhulam-in deɣ Əlkənisat ta təhat aɣaywan-nasan.

Təhulam-in əməri-nin Efaynet s ənta a azzaran əzəgzan s Əlməsix daɣ akal n Asəya. ⁶ Təhulam-in Maryama təyyəwanat əşşəxəl aggen imosan tilalt y-awan. ⁷ Təhulam-in Andronikus əd Yunəya, əmosnen kəl tamet-in a dər nimaggaza kasaw, əmosan deɣ aytedan a fəl təga masnat daɣ nəmmuzal amaran azzaran-i əzəgzan s Əlməsix. ⁸ Təhulam-in deɣ Anfləyatus əknex tara fəl tərtəyt a nəga daɣ əzəgzan s Əlməsix. ⁹ Təhulam-in Urbanus imosan əmidi-nana daɣ əşşəxəl y Əlməsix, təhulam-in deɣ əməri-nin Əstaxus. ¹⁰ Təhulam-in Abalus imosan awedan isitaddan əzəgzan-net s Əlməsix. Təhulam-in deɣ kəl aɣaywan n Aristabul. ¹¹ Təhulam-in Herodəyon s ənta da iyyan daɣ kəl tamet-in. Təhulam-in kəl aɣaywan ən Narsisos win əzzəgzannen s Əlməsix.

¹² Təhulam-in Trifina əd Trifoza əgânen əşşəxəl aggen daɣ tarrayt n Əməli. Təhulam-in təmərit-nana Fərsida təgât əntada əşşəxəl aggen daɣ tarrayt n Əməli. ¹³ Təhulam-in Rufus imosan anafron ən Məşşina d anna-net as nak da təmos-i zun anna.

¹⁴ Təhulam-in Asinkrit əd Flegon əd Ƴermes, əd Fatrobas əd Ƴermas əd mədrayan-nana win ɣursan əllanen. ¹⁵ Təhulam-in Filologos əd Yuləya, əd Neray əd tamadrayt-net, əntanay harkid Olinbas əd məzzəgzan kul win ɣur-san əllanen. ¹⁶ Tinəməg-gat assalam zəddigan. Əhulnat-kawan-in Əlkənisaten n Əlməsix ketnasnat.

Ənnəsixa wa ilkaman

¹⁷ Ya imədrayan-in, əgmāya daɣ-wan ad tənəkədam y aytedan win du-tawaynen iməzzəyan gərəwwan əd təsənkaf sikarakadnen əmosnen əllid n əsəssəxri wa tətawaggam. Nəməggəgat d aytedan win di ¹⁸ fəlas wər əxbedan Əməli-nanaɣ Əlməsix, kalar wər gəmməyan ar a əgan daɣ tədusen-nasan. Awalan-nasan hossaynen əd şizada n iləs-nasan as takarrasan aytedan win wər nəla arak man. ¹⁹ Əbərdəg-nawan i Məşşina awedan kul issən daɣ-as, adi a fəl as isifalawas-i awen daɣ batu-nawan. Mišan arex ad tilem tayttay daɣ batu ta təqqalat əmazal n awa olaɣan, tizdagam deɣ daɣ i tu-təlla talbast. ²⁰ Məşşina s ənta a d-iffal alxer kul, tarmad as z'addagdag Aşşaytan daw daran-nawan. Tidawet dər-wan arraxmat n Əməli-nana Ƴaysa.

²¹ İhul-kawan-in əmidi-nin daɣ əşşəxəl a t-imosan Timotay ənta harkid Luqəyus əd Yason əd Sosifater əmosnen kəl tamet-in. ²² Nak iman-in Tertəyus a itawasaktaban şirawt ta, da əhulaq-qawan s esəm n Əməli. ²³ İhul-kawan-in Gayəs s ənta a ɣur əssəgana nak d Əlkənisat ketnet. İhul-kawan-in Erastus imosan aləs wa innəttəfan d ərrəzəxan n əxgrəm wa, ihul-kawan-in deɣ amadrayt-nana Kartus. ²⁴ [Tidawet dər-wan arraxmat n Əməli-nana Ƴaysa Əlməsix ketnawan! Amin!]

²⁵ Tømmalen i Møššina s ønta a ilan tarna n ad isæssuhæt øzøgzan-nawan day anamod iniman-nakan d Elinjil-net wa ømala imos tølcutbat ta øge day batu øn Ýaysa Elmøsix. Inimannak dey awen d øssir øn Møššina wa danay-inafalalan. Æssir wen, ixbâr day azzaman win okaynen. ²⁶ Mišan ømøred-

da sannafalalan-tu Elkøttaban win d-øzzøbbatnen føl ønnøbitan. Møššina di n Amaylol a omaran s ad inøfiløl awen i tawšeten n øddønet ketnasnat føl a sør-øø øzzøgzønat abbardagnat-as. ²⁷ Møššina ønta møššis øn masnat kul! Tanaya kul šin-net. Attamalet har faw, øø tarrayt øn Ýaysa Elmøsix! Amin!

1 Kəl-Korent

Æsənti

Təhult

1 Awa nak Buləs, iyrâ Məşşina dağ tara-net əs tişit n ənammazul ən Elməsix Xaysa. Nak d amadray-nana Sustinəs ² nəhul-in Elkənisat ən Məşşina ta təhat ayxəm ən Korent. Iyr-et y ad təqqəl tamattay-net zəddigat, təhât təla-net s əssəbab ən tassağ-nasan d Elməsix Xaysa; ənta d aytedan kul win hadatnen edag əhan, əxbâdan Əməli-nana Xaysa Elməsix, imosan Əməli-nasan, imos değ wa-nana. ³ Məşşina di n Abba-nana, d Əməli-nana Xaysa Elməsix təkfeq-qawan arraxmat d alxer.

Igodan

⁴ Faw tigudəyax i Məşşina di n Əməli-nin dağ talxa-nawan, tehakkay ta kawan-iga arraxmat-net s əssəbab ən tassağ-nawan d Elməsix Xaysa. ⁵ Fəlas tassağ-nawan dər-əs a sər-wan d-ewayan as kawan-isabbalal dağ arat kul, wəllen dağ awa təgannim kul d awa təssanam kul. ⁶ Isalan ən Xaysa win nəğa əttiddan xur-wan wəllen. ⁷ Adi as wər tuttəlla təhəkkut ən Məşşina wər təgrewam, kawanay win waraywaraynen i tawağlay n Əməli-nana Xaysa Elməsix; ⁸ s ənta a z'isəssuhen əzəgzan-nawan har təzərəst, awəd-du fall-awan əzəl wa du-z-asu wər kawan-iwer lahan waliyyan. ⁹ Məşşina di kawan-d-iyran y ad tərtəyam əd Barar-net Əməli-nana Xaysa Elməsix, wər d-itəqqəl dağ tənna-net.

Ətəwətəytay n Elməsix d ənəmənək n əlməsixitan

Iba n ənəmənək dağ Elkənisat

¹⁰ Imədrayan-in, əgmâya dağ-wan fəl udəm n Əməli-nana Xaysa Elməsix ad tənəmənəkam ket-nawan dağ awa təgannim, taqqamim wər təqqəlam təzunen. Kalar nəmənəkət dağ awa təsamad-ranam d awa tənneyem. ¹¹ Fəlas imədrayan-in, əgân dağ-i aytedan n ayaywan ən Kələway isalan n as, təlla gar-ewwan tamazaq. ¹² Ənnex adi fəlas wiyyad dağ-wan gannin: «Nakkanay Buləs as nəlkam», wiyyad gannin «Nakkanay Abbolos as nəlkam», wiyyad gannin «Nakkanay Butros as

nəlkam», wiyyad gannin: «Nakkanay Elməsix as nəlkam». ¹³ Awak Elməsix təzunt a iga? A təxilam nak Buləs, a itawaxan fəl təgəttawt fəl əddəlil ən bakkadan-nawan? Məx ak esəm wa-nin Buləs as tətawasalmağam dağ aman?

¹⁴ Əggodayax i Məşşina əs wər dağ-wan əssəlməyax awedan waliyyan dağ aman, ar Krisbəs əd Gayəs. ¹⁵ Dağ adi wər t-illa awedan ifrâgan ad annu itiwasalmağ dağ aman s esəm-in fəl ad iqqəl ənalkim-in. ¹⁶ Awalla, əkte-du as əssilməyax dağ aman aytedan n ahan n Əstefanos əntanay da. A wər nəmos aytedan win, wər kəttəway id əssilməyax dağ aman awedan iyyan.

Ətəwətəytay n Elməsix issikna tarna əd masnat şin Məşşina

¹⁷ Fəlas wər di-d-izammazal Elməsix fəl ad əssəlməyax aytedan dağ aman, kalar izimazal-i-du fəl a dasan-əmələx isalan n Əlinjil, ağax-asan değ emel wər nəğa əs masnat n awal, fəl ad wər tabbannan tamattant n Elməsix fəl təgəttawt, təqqəl arat wər nəla almağna. ¹⁸ Tidət as, isalan ən tamattant ən Xaysa fəl təgəttawt, xur aytedan win əhanen tarrayt n əhluk, isalan wər nəla almağna a əmosan; mişan nakkanay win əhanen tarrayt n əlxillas, nəssân as tarna ən Məşşina a əmosan. ¹⁹ Isalan n awen da a dağ ənnan Elkəttaban: «Ad səbbənnana masnat ən musanan, səbbənnana değ tayttay ən malan ən tayttay.» ²⁰ Dağ adi ma din-igan dağ musanan? Ma din-igan za dağ musanan n Əttawret? Imusanan n awal n azzaman win den, əntanay ma dağ-san in-igan? Wərgəx Məşşina is-səkna as, masnat ta əlan aytedan n əddənet ta, əm-məskəl a təmos?

²¹ Fəlas Məşşina a igan əs masnat-net as aytedan wər əfregan a t-əssənan əs masnat ta-nasan iman-nasan, adi a fəl igrax i Məşşina ad ixləs aytedan win sər-əs əzzəgzannen əs tarrayt ən salan n Əlinjil əmosnen əmməskəl s aytedan win sər-əs wər nəz-zəgzan. ²² Kəl-Əlyəhud za əntanay gammayan a dasan-ətəwəgginat təlməxjujaten əmosnen alğalamaten, Kəl-Əlyunan amaran gammayan masnat. ²³ Adi a fəlas nakkanay emel wa nətaggu tamattant n Elməsix fəl təgəttawt, təsənkəft a imos i Kəl-Əlyəhud a dasan-təgdâlat əzəgzan, aytedan amaran win wər nəmos Kəl-Əlyəhud əntanay imos xur-san əmməskəl. ²⁴ Mişan xur aytedan win iyrâ Məşşina, gər za Kəl-Əlyəhud wala değ Kəl-Əlyu-

nan, Elməsix tarna əd masnat ən Məşşina a imos. ²⁵ Fəlas igi ən Məşşina wədi imosan s aytedan əddi əmmiskəl, wər tu-tewed masnat n aggadəm. Iginet dəy wədi imosan s aytedan iba ən təla ən tanaya, wər tu-təlla tarna n aggadəm wər oger.

²⁶ Ya imədrayan-in, aktiwat-du awa təmosam as kawan-d-iyra Məşşina. Wər dəy-wan əggətan aytedan as itiwagga iduf n as əmosan imusanan, wala wiyyad əlanen fərregat, wala wiyyad əmosnen kəl əket. ²⁷ Kalar Məşşina isannafran aratan win wər nəla almayna xur aytedan n əddənət ta fəl ad izzəbəz imusanan təkarakit. Isannafran dəy win wər nəla fərregat dəy əddənət ta fəl ad izzəbəz təkarakit aytedan win əlanen fərregat. ²⁸ Awa itawalkan dəy əddənət ta, d awa itawakyadan, əd wa wər nətəwagga wala a isannafran Məşşina y a sər-san assabu tamaymayt ən win əmosnen arət xur aytedan. ²⁹ Arat wen kul, ig-ay Məşşina fəl ad dat-əs wər idkəl awedan waliyyan iman-net. ³⁰ Kawanay amaran Məşşina a kawan-osaxan əd Xaysa Elməsix, s ənta a danax-iqqalan masnat a du-təfəlat Məşşina - almayna ikfana sər-əs taqqat, əd tazdak, əd tedarfit. ³¹ Adi a fəl ənnan Elkəttaban: «Awedan wa iran adkul ən man-net, idkəlet-tan fəl aşşaddat n awa iga Məşşina.»

2 Nak iman-nin, imədrayan-in, as kawan-in-osəy y a dawan-əməla tidət ta du-təfəlat Məşşina təmosat əssir, wər kawan-əssəkna masnat n awal wala igət ən masnat. ² Fəlas əgey tanat n as, iket əheq-qawan, wər dawan-z-agağ isalan wər nəmos win Xaysa Elməsix, d ətəwənxə wa itawagga fəl təgəttawt.

Masnat ta n Məşşina isannafalal-tat Infas wa Zəddigan

³ Nak azzaman win xur-wan əge, əgeq-qan d iba n assahat əd tasa di-təssindawat taysəst labasat. ⁴ Amaran isəssəxritan-in əd təlxutbaten-in wər əgen əs masnat n awal wala təla ən tayttay, kalar isəssəxritan a əmosan as issikna Infas wa Zəddigan əs tarna-net as tidət a əmosan, ⁵ fəl ad iqqəl əzəgzan-nawan arət a sər-wan du-təway tarna ən Məşşina wərgəy masnat n aggadəm. ⁶ Dər iga awen da ya, tidət as, təll-ay masnat nəsasaxru aytedan win saggatakkənən dəy əzəgzan; mişan masnat ten, wər tat-təla əddənət ta, za wər tat-əlen muzaran-net as ilkâm ad iba tamaymayt-nasan.

⁷ Kalar masnat ta du-təfəlat Məşşina a nəsasaxru, təmosat əssir irəwan ixbâr y aytedan. Masnat ta, harwa dat əxluk n əddənət ad otas Məşşina a dana-sər-əs-akfu adkul. ⁸ Wər t-illa dəy muzaran n əddənət ta da, i igrâwan əgərri ən ta da masnat; fəlas ənnar tat-əgrân, wər z'attaytayan Əməli ən tanaya. ⁹ Dər iga awen da ya ənnan Elkəttaban: «Awa issənsa Məşşina i win t-əranen, wər kala tu-tənay şat, wər kala tu-təsla təməzzuk, wər kala dəy ad t-isammadrən awedan.»¹⁰ Nakkanay amaran

isannafalal-anaq-qu Məşşina əs tarrayt n Infas wa Zəddigan; fəlas Infas wa Zəddigan wər t-illa a dəy wər issen, wala xas aratan win as otas Məşşina iginasan da issân dəy-san. ¹¹ Id wər t-illa awedan is-sânan awa ihan iman n iyyan awedan, ar iman n awedan wədi da xas. Əmmək di dəy as, wər t-illa awedan issânan awa otas Məşşina. Infas-net di Zəddigan xas a t-issanan. ¹² Amaran nakkanay, wərgəy infas şilat ən wa n əddənət a nəgraw, kalar infas wa d-ifalan Məşşina a nəgraw, fəl ad nagru arraxmaten şin fall-ana d-izazzabbat Məşşina. ¹³ Adi a fəlas, aratan win nəsasaxru, wər tan-nəsəsxru əs masnat ta n aggadəm, kalar masnat ta danax-ihakku Infas wa Zəddigan as tan-nəsasaxru. Nəsasaxru tidət ta du-təfəlat Məşşina y aytedan win iha Infas di Zəddigan ən Məşşina.

¹⁴ Mişan awedan wa wər nəlkem ar i masnat ta n aggadəm, wədi wər ifreg ad iqbəl arət wa d-ifalan Infas di Zəddigan ən Məşşina, id xur-əs əmməskəl a imos awen, wər ifreg ad t-agru fəlas Infas di Zəddigan ən Məşşina a ihakkan əgərri-net. ¹⁵ Awedan wa iha Infas wa Zəddigan, wər t-illa arət a d-ifalan Məşşina as wər ifreg əgərri-net, amaran ənta iman-net, wər t-illa awedan wər iha Infas wa Zəddigan ifrâgan a sər-əs annu arət. ¹⁶ Adi a fəl ənnan Elkəttaban: «*Ma issanan dəy awa otas Əməli Məşşina, wala ifrâg a das-əgu ənnəsixa?*» Nakkanay za a igrawan Infas di Zəddigan ən Məşşina nəssân dəy awa otas Elməsix.

Buləs d Abbolos, imaşşaxalan ən Məşşina

3 Nak amaran, imədrayan-in, harwa xur-wan əlle, wər dawan-təggağ awal wa tagga y aytedan win iha Infas wa Zəddigan. Kalar əgey-awan awal zun wa itaggu awedan y aytedan win wər nəlkem ar i tara ən man-nasan, zun əşşewala y aytedan as səket əlkaman y Elməsix. ² Zun as ax a kawan-əşşəşwa, wər kawan-əssətša imensewan win əqqurnen, fəlas harwa da wər dasan-təfregam. Wala əmərədda da, wər dasan-təfregam, ³ id harwa da wər t-illa a kawan-izlâyan d aytedan win wər nəlkem ar i tara ən man-nasan. Şismiten şin tətaggim fəl midawan-nawan əd təməzaq ta təmmalat gar-ewwan wərgəy sitaddanat as harwa da kəl əddənət a təttələlam, təlkâmam i tarrayt-nasan? ⁴ As inna iyyan dəy-wan: «Nak Buləs as əlkama», inna iyyan: «Nak Abbolos as əlkama», wədi wərgəy əlxal n aytedan n əddənət ta da a təgam?

⁵ Abbolos a da, ənta wala Buləs, awak ma əmosan? Wər nəmos ar imaşşaxalan ən Məşşina, win sər-wan d-ewaynen əzəgzan sər-əs, nak harkid ənta, wər nəga ar əşşəxəl wa danax-ikfa Əməli. ⁶ Nak awa əmmoza, iha şaşşelan n amasa as nak a t-inbalan, təzzar işşəşw-ay Abbolos, mişan Məşşina ənta a t-id-issədwalan. ⁷ Dəy adi, wərgəy awedan wa inbalan amasa wala wa t-işşəşwin a imosan arət; kalar Məşşina a t-id-issədwalan a t-imosan. ⁸ Awedan wa inbalan amasa əd wa t-

iššašwin arat iyyanda a əmosan, akkiyyan dağ-san ad t-akfu Məşşina alxaq n əşşəxəl-net. ⁹ Nak d Abbolos nədrāw əşşəxəl wa danağ-ikfa Məşşina, amaran kawanay a mosnen šilat ən tawagost-net, təmosam değ əkərrus-net.

¹⁰ Nak, əgeç s arraxmat ta di-ikfa Məşşina, əşşəxəl zun wa itaggu əmakras ən nan issānan əşşəxəl-net, əssəxta təsəkbəlt ta təmosat šiyurad ən tağazamt, dəffər adi osa-du awedan iyyan a fall-as ikarras; mišan akk awedan inkədet d əmmək was išatu əkərrus ən tağazamt tədi. ¹¹ Wər t-illa awedan ifrāgan əsəxti n iyyat təsəkbəlt wər nəmos ta təxtat kala da, ad tat-imosan Xaysa Əlməsix. ¹² Wiyyad aytedan əkarrasan fəl təsəkbəlt ən tağazamt ta, s urəx, wiyyad s azrəf, wiyyad əs təhun əknānen šihussay, wiyyad s eškan, wiyyad s ələmmuz, wiyyad s agabal. ¹³ Akk awedan ilkām ad itəwənəy əşşəxəl-net, id ad itəwəsəknu əzəl wa ilkaman, itəwəjərrəb əs təmsay, fəlas təmsay ta ənta a za təsənnəfiləlat əzzənəf n əşşəxəl wa iga akk awedan. ¹⁴ Kud təməkrust ta fall-as iga awedan wər tat-tətša təmsay, awedan wədi ad igrəw alxaq-net. ¹⁵ Mišan as imos as tətš-et təmsay, awedan wədi ad affatu. Dər iga awen da ya, ənta iman-net ad iğləs, mišan ad alu əlxillas-net d in awedan ad d-it-tirkaban dağ təmsay. ¹⁶ Awak masnat a wər təgema as, kawanay iman-nawan a imosan ehan ən Məşşina, iha değ Infas wa Zəddigan iwallan-nawan? ¹⁷ Amaran awedan kul wa ihallakan ehan ən Məşşina, a t-ihlək Məşşina; fəlas ehan ən Məşşina i zəddigan, amaran kawanay a t-imosan.

¹⁸ Ad wər issudəf awedan waliyyan iman-net alxata. Wa dağ-wan iğilan ila masnat ta fəl təgla əddənət, wədi aget iman-net əmeskel, ad t-akfu Məşşina masnat ta n tidət. ¹⁹ Fəlas masnat ta n əddənət ta, əmməskəl a təmos çur Məşşina, id a ənnan Əlkəttaban: «*Imusanan n əddənət ta, šimərkas šin-nasan as tan-ibaz Məşşina.*»²⁰ Ənnān deç: «*İs-sān Əməli əs, imedranan ən musanan n əddənət ta, wər əzlayan əd bannan.*»²¹ Dağ adi, ad wər tədakkalam iman-nawan fəlas təlkamam y awedan, fəlas arat kul i-nawan, ²² gər za nak Buləs wala Abbolos, wala Butros, wala əddənət, wala təməddurt əd tamattant, gər za aratan win əmərədda wala win əlkammen, awa ketnet i-nawan. ²³ Kawanay iman-nawan, Əlməsix a kawan-ilan; Əlməsix amaran, Məşşina a t-ilan.

4 Dağ adi, nak d Abbolos a dana-wər-itəwəggu iduf wər nəmos ar wa n mašşayalan n Əlməsix, d almawakkilan-net as imos əşşəxəl-nasan emel y aytedan igitan ən Məşşina win dasan-əhanen ətənkul. ² Amaran ma itawaran dağ awedan imosan almawakkil, ar ad imos awedan n alyadil. ³ Nak əs man-in, wər əzlaya dağ iduf wa dağ-i təgam wala wa dağ-i əgan aytedan wiyyad. Nak əs man-in, wər əgeç iduf waliyyan dağ man-in. ⁴ Wər di-təha tərək n ark əmazal waliyyan, mišan wərgəç adi a di-z-ikkəsan. Əməli, ənta a di-z-işrəçan. ⁵ Dağ

adi ad wər təssəwəram awedan waliyyan lahan dat tawaylay n Əməli s ənta a z'assaknin ezal a mallan arat kul wa itawaggan dağ əssir, isəffəggu awa ihan iwallan n aytedan. Alxaq wədi, awedan kul ad igrəw çur Məşşina təmmal ta dər ihor.

⁶ Amaran imədrayan-in, ədkəlay-awan-du isalan-in nak d Abbolos fəl ad iqqəl awen almasal a kawan-z-isassagrin batu ta tənnat: «Ad wər takəyam awa ənnan Əlkəttaban». Əgeç adi ənta da fəl a kawan-wər-iggəz awedan waliyyan isifaxaran s awedan iyyan alku wa hadan. ⁷ Kay wa itaggan ibaragan, ma kay-izlayan d iyyan awedan? Ma tələç, as wərgəç Məşşina a dak-k-ikfan? Dad zamas awa tələç kul ətəwəkfa a kay-itawagga bannan, ma əmosan baragan win tətagga?

⁸ Kawanay əmərədda təlām arat kul wa taram, har as təgərgəsam! Təqqalam fadda imənokalan ənta nakkanay wər tan nəmos! Nəsidaran a tan-təqqalam əs tidət, fəl a dər-wan nədrəw taymar nakkanay da. ⁹ Mišan əs tannaç sər-i nakkanay in-əmmuzal, ig-ana Məşşina dağ ələqqam n aytedan, nola d aytedan issiwar əşşəriçə tamattant, nətawagga ares n awnaf y əddənət ketnet, gər za aytedan wala angalosan. ¹⁰ Nakkanay za nəqqal s aytedan imeskelan fəl əddəlil n əşşəxəl wa nətagg y Əlməsix, kawanay amaran təqqalam imalan ən tayttay fəl əddəlil ən tassaç-nawan dər-əs. Nakkanay nərkam, kawanay amaran təssohem. Nətiwakyad, mišan kawanay tətiwasaymaram.

¹¹ Nakkanay wala ças əmərədda da ih-āna laz, nəffūd, nəzlām, nətatawat, wər nəla id nəxsar; ¹² izaçazzab-ana əşşəxəl ən fassan-nana. Nəttar a igan arraxmat y aytedan win dana-tagginen ark awalan, nəzmâr i win dana-sakninen arkanay. ¹³ Aytedan win çasšadnen ismawan-nana, nəgam may dağ-san əs man mallolnen ad ammazzayan d adi. Har harwa da əgân-anay aytedan šilat ən ferəçan n əddənət əd səfraç-net.

¹⁴ Wər dawan-in-əkətebaç aratan win fəl a kawan-əzzəbəza təkarakit, kalar əktabaç-awan-tan-in fəl a dawan-aga ənnəsixa, wa z'aga i bararan-in əkne tara. ¹⁵ Amaran kud təlām maraw gim n əlfəççiqi a kawan-sasaçren tarrayt n Əlməsix, da wər təlem ar abba iyyanda, fəlas əzəl wa dawan-əgeç isalan ən Xaysa Əlməsix, təlkamam-as, ənta ad əqqala šilat n abba-nawan. ¹⁶ Adi a fəl ədgaza gammaya dağ-wan a di-tattalalam.

Əzzəna dağ Əlkənizat

Ədərreg y əzzəna

Ark aratan wər nəmməkkan win ətawagginen dağ Əlkənizat

¹⁷ Əddəlil n adi da a fəl sər-wan in-zammazala Timotay ən ruray əkneç tara, issiflasan wəllen dağ ləkkum-net y Əməli. Əssokaç-awan-t-in fəl a

kawan-d-assaktu əzzənəf ən ləkkum wa əgeç y Elməsix, s ənta a sassayra daç əlkənisaten kul daç adag kul.

¹⁸ Wiyyad daç-wan taggin ibaragan, fəlas əxilan wər kawan-in-z-ələsaç assa. ¹⁹ Mişan əs turagat n Əməli, a kawan-in-asa daç alwaç wər nəggug. Alwaç wədi, aytedan win tagginen ibaragan əddi, ad əneyaç awa əfragan, wərgex awa gannin ças.

²⁰ Fəlas Taymar ta n Məşşina, imazalan win taggin aytedan əs tarna-net a daç tətawanay wərgex awa əgannin əs mawan-nasan. ²¹ Awak məni daç aratan win wa təssofam? A kawan-in-asa ewayaç ələkkud, meç a kawan-in-asaç əd tara əd man lammodyn?

5 Aytedan kul gannin ih-iwan awedan itaggin əzzəna, igân təllabəst ta daç əs wala aytedan win wər nəssen Məşşina da wər tu-təggin; imosan as ih-îwan aləs itinəmənsin əd tətut n abba-net!

² Eges harwa da tətəggim ibaragan, edag n a kawan-assakmu adi iman, tətəmməzzəyam iman-nawan d awedan wa itamazalan adi. ³ Kud nak wər çur-wan əlleç s azzat-in, da iman-in əllân çur-wan. Amaran awedan wa igan əmazal labasan wədi, obâzaç-qu s əşşəriçə şilat n as əlleç çur-wan. ⁴ As təmmənayam gar-ewwan fəl əddəlil n Əməli-nana Çaysa, əggəzaç-qawan-in əs man-in wərgex s azzat-in, a fall-awan d-izəzzəbbət Əməli-nana Çaysa tarna-net; ⁵ tayyim awedan wədi y Aşşaytan ad təhlək təçəssa-net, fəl ad igrəw efsan əzəl wa n tabad-day.

Əşşəriçə gər əlməsixitan

⁶ Wər təlem əddəlil waliyyan fadda s igi ən baragan. Awak wər təssenam as, «arat ən xamira a isakafan təbəluləç n agel irwayan ketnet?»

⁷ Əkkəsət daç man-nawan xamira wa waşşaran a t-imosan abakkad, tizdagam fəl ad təqqələm şilat ən təbəluləç n agel irwayan wər iha xamira, s ənta a təmosam kala da, fəlas Elməsix, imos təfaskay-nana ta n amud wa n Akkay, immut daç adag-nana.

⁸ Daç adi nəssəçməret amud wa n Akkay, wərgex əs xamira wa waşşaran, a t-imosan iwallan iha əşşur əd talbast; kalar nəssəçməret-tu əs təgəlla ta wər iha xamira, a tat-imosan iwallan zaddognen, təha tidət.

⁹ Daç şirawt-in ta dat ta, əktâbaç-awan-in as, ad tu-wər-təməl tassaç waliyyat gar-ewwan d aytedan win tagginen əzzəna. ¹⁰ Mişan ya wər əssoka s adi iba ən tassaç d aytedan win wər nəşşokal daç əd-dənət ta ar daç igi n əzzəna, madeç win as əffofen wallan-nasan, madeç win narkaban əd win əçbadnen əssənəman, fəlas aytedan win di, wər za taçqamim wər dər-san toseçam, ar s ad təgmâdam əddənət ketnet da. ¹¹ Kala kalar a dawan-ganna, ad wər tasəçam d awedan wədi igannin imos amadray-nawan daç əddin, ənta wər işşokal ar daç igi n əzzəna, iffofat əwəl-net, içbâd əssənəman, ilâ ark iləs, imos əməşwi n esmad, imos anarkab.

Awedan şilat ən wa, wala ças tətay da a dər-əs tat-wər-tədrəwam.

¹²⁻¹³ Fəlas wərgex nak a iwar ad əbəza s əşşəriçə aytedan win wər nəzzəççən s Elməsix, Məşşina a tan-z-ibəzan s əşşəriçə, mişan aytedan win Əlkənisat-nawan, kawanay a iwar a tan-tabəzam s əşşəriçə, fəlas ənnan Əlkəttaban: «*Əkkəsət çur man-nawan inəllubas.*»

6 As illam arat gər iyyan daç-wan d əmədi-net, ma kawan-issəhalan ad tətəkkim aytedan wər nəzzəççən əs Məşşina y a dawan-əşşrəçan, təçləyam tamattay zəddigat ən Məşşina? ² Awak masnat a wər təgəm as, tamattay tədi ənta a za təşrəçat y əddənət? Daç adi, dad imos as kawanay di da a z'əşrəçnen y əddənət, manəmmək as wər təfregam əşşəriçə ən taçawşiwen madrornen? ³ Awak masnat a wər təgəm as, wala angalosan, nakkanay a dasan-z-işrəçan, əngəm-in za şiçawşiwen n əddənət ta! ⁴ Daç adi, as t-imal əçşud gar-ewwan daç taçawşay iyyat, manəmmək as tətayyim aytedan wər nəmos wala çur Əlkənisat şar-çay-an-awan? ⁵ Imos fall-awan təkarakit ad imos as, wər kawan-iha awedan waliyyan ilân masnat a tütəssifragat ad izəmməzzəy əşşəriçə i mədrayan-net daç əddin. ⁶ Awak ma kawan-igrawan as təşar-çayam gar-ewwan har təçqimam əşşrəçay-an-awan aytedan wər nəzzəççən s Elməsix.

⁷ Wala ənəməşraç wa tətəggim gar-ewwan da agadal zəwwəran a dawan-imos. Mafel wər təzəz-zaydaram d iba ən tidət wa dawan-itâwaggan, madeç təzəzçəydəram d əmiçi wa tətawaggin?

⁸ Edag n ad tagim adi, kala kalar kawanay iman-nawan a itamazalan s iba ən tidət, tətayçam aytedan win hadatnen, əs fadda imədrayan-nawan a əmosan daç əddin.

Inasbakkadan əd Taymar ta n Məşşina

⁹ Awak masnat a wər təgəm as inəllubas wər z'əgrəwan adagar daç Taymar ta n Məşşina? Əççələt-du daç əçruk wa təçam, təssənəm as imaggan n əz-zəna, d aytedan win əçbadnen əssənəman, əd win tagginen i tədoden-nasan şidoden, əd meddan win tagginen iman-nasan şidoden əd win tagginen imidawan-nasan şidoden, ¹⁰ əd baydagan, əd win as əffofen wallan-nasan, əd maşwan n esmad, əd mawayan ən tənawen, əd narkaban, aytedan win kul wər əlen adagar daç Taymar ta n Məşşina.

¹¹ Wiyyad daç-wan kala ad əhan samal n aytedan win di, mişan əmərədda tətivaşaradam daç awen, tətivazazdagam, təççalam aytedan təsisəçad tarçayt n Əməli Çaysa Elməsix d Infas wa Zəddigan n Əməli-nana Məşşina!

Batu ta təççalat iki ən təkərwaten

¹² Təççannim: «Arat kul xalal-ana», tidət mişan wərgex arat kul təh-ay tənfa. Tidət as «arat kul xalal-ana», mişan nak wər z'ayyaç arat waliyyan it-

təf day-i tanat. ¹³ Təgannim deyə «Isudar, tadist a fəl d-əxlakan, amaran tadist, isudar a fəl du-təxlak.» Dər iga awen da za, tadist harkid mensewan ilkâm ad asabu Məşşina tamayyamayt-nasan. Tağəssa n awedan ənta wər du-təxlek fəl ad tagu əzzəna. Kalar təxlâk-du fəl ad tagu tara n Əməli, s ənta a tat-ilan. ¹⁴ Amaran Məşşina a d-issənkaran Əməli Xaysa day tamattant a dana-day-as-d-issənker nakkanay da, əs tarna-net.

¹⁵ Wər tessenam as, şixəswen-nawan, şisəllad n Əlməsix a mosnat? Day adi manəmmək as z'əsərtəya şisəllad n Əlməsix əd təğəssa ən təkərwat? Kala Kala! Wər ilkem ad iga adi! ¹⁶ Məx masnat a wər təgem as awedan wa issərtayan iman-net əd təkərwat, wədi iqqal dər-əs təğəssa iyyadda? Awak wərgəx ənnan Elkəttaban: «Aləs əd təntut-net ad əqqələn təğəssa iyyadda»? ¹⁷ Awedan amaran wa irtayan d Əməli, wədi Infas wa Zəddigan n Əməli a t-ihan. ¹⁸ Darragat y igi n əzzəna. İbakkadan kul win tamazal aytedan wər ədrewan arət əd təğəswen-nasan; mişan awedan wa igan əzzəna, wədi iga abakkad immâran təğəssa-net təmosat taslət n Əlməsix. ¹⁹ Awak masnat a wər təgem as şixəswen-nawan ehan n Infas wa Zəddigan a əmosnat, a kawan-ihân, ikf-âwan-tu Məşşina? Wərgə kawanay a ilan iman-nawan. ²⁰ Fəlas izinziwan-du Məşşina s əlqimat zəwwərat. Day adi, səxmərat Məşşina əs təğəswen-nawan.

Batu ta təqqalat azalaf

Batu təqqalat aytedan win əzləfnen

7 Amaran day batu ta təqqalat isəstanan win di-du-təgam day şirawt ta di-du-təktabam, tən-nam: «Ofa y aləs ad aqqam wər inamansa əd tantut kuddey ta izlaf.» ² Dər iga awen da za, fəl ədərreg y igi n əzzəna, əkkulluk n aləs ofa ad ila tantut, əkkulluk ən təntut deyə təla aləs. ³ Aget aləs i təğurəs arət was iwwəjjab a das-t-agu, təntut deyə taget y aləs-net awen da. ⁴ Tantut wərgəx ənta a tətəfat tanat day təğəssa-net, aləs-net a ittafan tanat-net. Aləs ənta da, wərgəx ənta a ittafan tanat day təğəssa-net; tantut-net a tat-ittafan. ⁵ Day adi ad wər tənəmgədelam iman-nawan ar s ad tənimardam s adi day temert təkâtam i təwatriwen. As təğrad, təqqəlam təməwit ta təwwəjjabat fəl aləs əd təntut-net, fəl təksəda n ad ib'as tənno dam day man-nawan, igrəw sər-wan Aşşaytan tarrayt s a kawan-ajjarrab. ⁶ Arət wa ənnəx əddi, turagat n igi-net a kawan-əkfeş, wərgəx ammar a kawan-sər-əs-əgeş. ⁷ Nak əsidarana a dər-i olân aytedan kul, əfrəgan ad aqqamin wər əzlefən; mişan ya akkiyyan day-na əd təhəkkut ta das-iga Məşşina. Wiyyad day-na wər əfrəgan ad wər əzlefən, wiyyad əgrâwan təhəkkut təmosat fərregat y amaxras.

⁸ Amaran meddan win as aba şidoden-nasan, əd tədoden şin as aba meddan-nasnat, ofa ad agin

awa əgeş, aqqamin da wər əzlefən. ⁹ Mişan as imos as wər əfrəgan adi, wədi əzləfanet; fəlas ofa y awedan ad izləf, aqqam da wər isabbalaglag deran əwəl-net.

¹⁰ Aytedan amaran win əzläfnen, omâraq-qan s as: tantut ad wər tamməzzay d aləs-net. Əməli a innan adi, wərgə nak. ¹¹ Mişan as imos as təmməzzay dər-əs, wədi taqqamet wər təzlef, madəş taknu d aləs-net təqqəl-tu; aləs ənta da ad wər izəmməzzəy təğurəs.

¹² Aytedan amaran win hadatnen, ənnəx-asan: Amadray day əddin was wər təzzəgzan tantut-net əs Xaysa, eges tərda s a tat-ittâf, wədi a tat-wər-izəmməzzəy. Batu tēdi, nak a tat-igan, wərgə Əməli. ¹³ Tantut deyə ta n tamadrayt day əddin, tas wər izzəgzan aləs-net əs Xaysa, eges igla irâ a şur-əs təlla, tēdi a tu-wər-təfəl. ¹⁴ Fəlas aləs wədi wər nəzzəgzan əddi, zəddig id tantut-net a təmosat iyyat day mədrayan day zəgzan əs Xaysa. Tantut deyə tēdi wər nəzzəgzan əs Xaysa əddi, təzəddig id aləs-net a imosan iyyan day mədrayan day zəgzan əs Xaysa. Adi a izzəzdagan bararan-nasan, mişan ən-nar wər iga adi, bararan-nasan ehan ən taxxaramt a daq-qan əlân. ¹⁵ Dər iga awen day, wa day-san wər nəzzəgzan, gər za aləs wala tantut, as ira əməzzəy ən wa hadan, amməzzəyet dər-əs. Amadray day əzəgzan wədi, madəş tamadrayt tēdi, wər t-idu-z-iqqəl əşşərişə n adi, fəlas Məşşina, təməddurt iha alxer as ira a tat-təgâm. ¹⁶ Ma is-sanən, mijas kam ta n təməzzəgzənt əs Xaysa a du-z-awəyan s aləs-nam ad igrəw efsan? Kay da, aləs wa n əməzzəgzən əs Xaysa, ma issanan mijas kay a du-z-awəyan əs təntut-nak ad təgrəw efsan? ¹⁷ Amaran aytedan win wər nəmos win-di akkiyyan aglet day alxalat ta daq-qu iga Əməli Xaysa təmos təhəkkut-net, s ənta a iha as t-işra Məşşina. Ammar wədi a taggaş əlkənisaten kul.

Awedan kul aqqamiwet day alxalat ta iha

¹⁸ Kud awedan imminkad as t-id-işra Məşşina, wədi a das-wər-iqqəl adi asakor. Kud deyə awedan wər immənkad as t-id-işra Məşşina, ad wər igməy d ad itəwəsəmmənkəd. ¹⁹ Əmənəkəd wala iba-net wərgəx ənta a imosan arət, amazal s ammaran ən Məşşina a t-imosan. ²⁰ Akk awedan aglet day alxalat ta iha as t-id-işra Məşşina.

²¹ Kud as kay-d-işra Məşşina akli a təmosaş, a kay-wər-işşəwəş adi; mişan as təgrawa tarrayt əs tadarfit, a sər-əs wər tugəya, kalar darfat. ²² Fəlas awedan wa imosan akli as t-id-işra Məşşina y a tu-təməl tassaş gar-es d Əməli, wədi ad iqqəl adaraf n Əməli. Əmmək di day âs awedan wa wər nəmos akli, ənta da as t-id-işra Məşşina, ad iqqal akli n Əlməsix. ²³ Əməli a irzəman fall-awan, isəddərfat-kawan; day adi ad wər tayyim aytedan agin-kawan eklan. ²⁴ İmədrayan-in, akkiyyan day-wan aglet iga attama-net day Məşşina, aqqam ənta da day alxalat ta iha as t-id-işra Məşşina.

Batu tæqqalat aytedan win wër nözlef

²⁵ Amaran daḡ batu ta tæqqalat aytedan win wër ides azalaf, wër di-ikfa Məşşina ammar waliyyan y-asan; mişan a dawan-agax ənnəsixa, ənnəsixa di da ig-âwan-tu aləs igrâwan daḡ əhənətta n Əməli tişit n awedan issiflasan.

²⁶ Azzaman n alḡazab a fall-anax əganen, daḡ adi illa ḡur-i as, ofa y akk awedan kul ad aglu daḡ alxalat ta iha. ²⁷ Kud kay təsımarkaşa əd tantut, ad wër tægməya d a dər-əs tammazzaya. Kud wër tæzlefa, a dər-əs wër tægməya. ²⁸ Dər iga awen da ya, as tæzlafa, werge abakkad a tægeḡ; tantut deḡ ta wër ides azalaf, as tæzlaf, wergeḡ abakkad a tæga; mişan ya aytedan win əzlafnen daḡ azzaman win, ad ənəyan tæssust labasat s ənta as areḡ a tan-agəza daḡ-as.

²⁹ Awa fəl dawan-gannaḡ adi, imədrayan-in, as, təsəlkaıt n alwaq a nəha da. Daḡ adi a ibazan ḡur əmərədda, wala aytedan win əzlafnen, aginet as şilat n as wër əzlefan, ³⁰ win hallinen şilat n as wër həllin, win falawasnen şilat n as wër falawasan, win du-zanzinen deḡ əttəfanet as arat wa d-əzənzən wër t-əlen, ³¹ amaran aytedan win sattaḡmalnen aratan n əddənət ta, a daḡ-san wër zəzzəwen, fəlas arat kul wa itaḡḡan daḡ əddənət ta nəha da, ta n əḡrud a iha.

³² Nak amaran a əreḡ ad taḡim təməddurt daḡ kawan-wër-işşəwəş wala. Aləs wa wër nözlef, ifrâḡ əddəḡuz daḡ igi n aratan win fall-as ira Əməli, fəlas igammaı d əmmək was z'igrəz y Əməli. ³³ Mişan aləs wa izlafan, şıḡawşiwen n əddənət a daḡ idagḡaz igammaı əmmək was tu-za-tiru taḡurəs; ³⁴ tæzzar tuzan ənəyat-net ḡər tara n igi n awa tara təntut-net d awa ira Məşşina. Amaran tantut ta wër nözlef əd ta wër ides azalaf, əfrâḡnat əd-dəḡuz daḡ igi n aratan win fall-asnat ira Əməli, fəlas əranat ad əşkətnat təməddurt-nasnat ketnet y əlyibada n Əməli; mişan tantut ta tæzlafat, şıḡawşiwen şin əddənət a daḡ tədagḡaz, təḡammaı əmmək was tat-z-iru aləs-net. ³⁵ Arat wa ənney da, tənfa-nawan a daḡ-wan t-ənney, wergeḡ əzuk iyyan a kawan-sawara. Kalar tara a əgeḡ ad taḡim awa inahagḡan, təlkəmam y Əməli s əwəl iyyanda.

³⁶ As iga aləs arkawal n azalaf i təmidit-net har d-ewad alwaq wa daḡ ihor a tat-izlaf, amaran iksud əsəkkərukəd-net, wədi izləfet-tat, kud adi a ira, wër imos awen abakkad. ³⁷ Mişan aləs wa d-inkaran ḡar-es əd man-net isammarkas as wër z'i-zləf tantut ta dər imarakan azalaf, amaran imos awedan ifrâḡan daḡ man-net, wədi igâ arat ihossayan. ³⁸ Daḡ adi awedan wa issəndan arkawal n azalaf i təmidit-net, iga arat ihossayan; mişan of-ay wa igan tanat n a tat-wër-izlef.

³⁹ Tantut tæzlâfat ilzâm-tat amel ḡur aləs-net iket iddâr. Mişan as t-aba, ad tilu tarrayt n azalaf n iyyan aləs wa tara, eges kundaba wa izzəḡzanan s Əməli ḡaysa. ⁴⁰ Mişan nak daḡ iduf wa-nin, oḡar

əbbələl wa za tagu as tæqqim wër tæzlef. Infas wa Zəddigan ən Məşşina a di-isassagan iduf wədi, amaran Infas en daḡ as əgeḡ iduf n âs əḡrâwaq-qu.

Əlyibada n əssənəman

Ədərreḡ y əlyibada n əssənəman

Tara ən mədrayan-nana win əlməsixitan əd təkatawt-nasan

8 Daḡ batu ən şan ən tæzəḡzam şin təwagḡanen y əssənəman ta dər-i tæssəstanam, tənnam: «Masnat, ketnana nəla daḡ-as arat». Tidət a imos adi, mişan za masnat, adkul ən man a du-tətaway s awedan, as iga awen, tara ənta, əsəssuhi a tətagḡu əzəḡzan n awedan. ² Awedan wa ḡur illa as ila masnat, wədi harwada wër issen awas imməkkan ad t-issən. ³ Mişan awedan wa iran Məşşina, izday-tu Məşşina.

⁴ Amaran daḡ batu ən tattay ən şan ən tæzəḡzam şin təwagḡanen y əssənəman, nəssân âs wër t-illa əssənəm imosan əməli, Məşşina iyyanda ḡas a t-illan imos Əməli. ⁵ Wala ad əttâfan aytedan as əllan-tu əssənəman agḡotnen daḡ jənnawan d amaḡal ti-waḡbadnen, amaran tidət as əllan-tu, ⁶ da ḡur-na, Məşşina iyyanda ḡas a t-illan. Ənta a imosan Abbana, ixlak-du awa t-illan kul, s ənta a danaḡ-ilan nəsandu tara-net; wër t-illa deḡ ar Əməli iyyanda, ḡaysa Əlməsix, s əssəbab-net as t-illa arat kul, amaran ənta a danaḡ-ittafan təməddurt.

⁷ Mişan wergeḡ aytedan kul tewâd masnat-nasan adi. Aytedan win di əs kala əzəḡzanan s əssənəman, harwa da as ətşan isan ən tæzəḡzəmt y əssənəm, ad əşşəkan iman-nasan, iməl ḡur-san as isimadas-tan awen. ⁸ Dər iga awen da ya, wergeḡ tettay n amensay a dana-z-izənnəmihezən əd Məşşina: ḡər za nətşâ isan win di, wala wër tan-nəşâ, wərmad dana-za-təfnəz tettay-nasan s arat, wala deḡ təşşit-ana sər-əs. ⁹ Eges ya ənkeḡat əd man-nawan, tarrayt ta təḡrawam əddi, a dawan-təssixlalət tettay n amensay kul, ad wër tæqqəl təsənkəft y awedan was wër issohat əzəḡzan-net.

¹⁰ Fəlas kay wa ilan masnat tədi, as kay-inay amadray-nak daḡ əddin was wër issohat əzəḡzan-net tæqqima daḡ adag n əlyibada n əssənəman tətatta, ak wergeḡ a sər-əs d-awəy adi ad ammazray iduf wa iga, tæzzar ad itattu isan win tæzəḡzam y əssənəman ənta da? ¹¹ Daḡ adi tæssəxrakax əs masnat-nak ta tagget amadray-nak was wër issohat əzəḡzan-net s ənta da əddəlil-net a fəl aba Əlməsix. ¹² As təbbəkkadam imədrayan-nawan as wër issohat əzəḡzan-nasan əs təməwit tədi, wədi Əlməsix a təbbəkkadam. ¹³ Adi da fəlas, kud amensay wa tatta a z'iqqəlan y amadray-nin təsənkəft, wədi, nak, wër di-ilkem ad əlasax tettay ən şan, fəl a das-wər-əqqəla təsənkəft.

Təbəllant ən Buləs fəl əşşəxəl-net y Əlməsix

9 Awak nak, wərgex əlləlli a əmosa? Wərgex ənəm mazul ən Xaysa Əlməsix a əmosa? Wərgex ənâyax Əməli-nana Xaysa? Wərgex kawanay iman-nawan tənfa ta du-təgmadat əşşəxəl-in y Əməli a təmosam. ² Kud xur aytedan wiyyad wər əmosax anammazul, da xur-wan illikan as əmosaq-qu; adi da fəlas əzəgzan-nawan s Əməli a imosan ejwal ən tişit-in anammazul n Əməli. ³ Ənta da awa z'anna y a sər-əs əkkəsax iman-in dağ aytedan win di fall-i ganninen ark aratan: ⁴ Awak nakkanay inəmmuzal alxaq a wər nəla n ad nəgrəw a nətša d a nəşwa dağ əşşəxəl-nana? ⁵ Awak nakkanay tarrayt a wər nəla n ad nidaw əd tətut n iyyan dağ-na təmosat tamadrayt-nana dağ əddin dağ əşikəl, awa taggin nəmmuzal win hadatnen, taggin-tu deş mədrayan n Əməli Xaysa əd Butros? ⁶ Məş, nak əd Barnabas xas a wər nəla alxaq n ad nəddər dağ tişit-nana inəmmuzal? Kunda-ba ad nəddər dağ əşşəxəl ən fassan-nana? ⁷ Məni dad kala ad itawanay soji irazzaman i man-net əşşəxəl wa itaggu? Wala əmagyak wər nətəttu tənfa ən tawagost-net? Madəş amadan wər nəşəssu ax n aharay a dər inittaf? ⁸ Awak arat a d-inzâm awedan gar-es əd man-net a dawan-ganna da, məş ak Əttawret da awa da a inna? ⁹ Fəlas a inna Əttawret: «Ad wər tədbəxa y azgar təzidizdiyiza dağ alkama itabakat-ak-tu.» Awak zələyat dağ zəgran a fəl inna Məşşina awen? ¹⁰ Wərgex əddəlil-nana nakkanay a fəl inna awen? Awalla illikan as əddəlil-nana a fəl iktawaktab awen fəl ad agu awedan wa igayyakan tawagost əd wa itabbakken tənfa ta tat-du-təgmadat attama n ad əgrəwan adagar-nasan dağ tənfa ten. ¹¹ Dad zamas nakkanay a d-issəd-walan dağ wallan-nawan tənfa ta du-təfalat Infas wa Zəddigan, awak arat zəwwəran a imos a kawan-d-igməd sər-na a təla əddənət? ¹² Kud əllân-tu aytedan as kawan-iwar alxaq-nasan, awak wərgex oğar-tu wa-nana?

Mişan harkid adi, wər dağ-wan nəgmay alxaq n əşşəxəl-nana; kalar nəzmar y arat kul, fəl ad wər nagu arat a z'iqqələn təsənkəft y awedan waliyyan igdəl-as awen tesalay y Əlinjil n Əlməsix. ¹³ Awak masnat a wər təgem as aytedan win şaqqalnen dağ Ahan wa Zəwwəran n Əlyibada, ehan en da a tan-ihakkin isudar-nasan; win əşxalnen deş xur majmar wa dağ taqqadnat təkutawen, əlân adagar-nasan dağ təkutawen en? ¹⁴ Awen da a inna Əməli, omar s âs, aytedan win tagginen isalan n Əlinjil, əddəranet dağ-as.

¹⁵ Mişan nak wər dağ-wan əgmaya alxaq-in waliyyan; wala kattabaş-awan-in aratan win əmərədda fəl a dağ-wan tan-əgməya. Fadda əsofay a di-iba y a dağ-i ikkəs awedan fərregat n igi n abarag wədi. ¹⁶ Wər ələş tarrayt waliyyat s igi n abarag n as taggay isalan n Əlinjil; fəlas əşşil a di-imos igi-nasan. İket əlyazab adi iqqəl as tan-wər-

əgex. ¹⁷ Ənnâr tara ən man-in a dağ tagga isalan n Əlinjil, wədi ələş alxaq; mişan dad imos as, igi wa dasan-t-agga ilzâm-i, imos əşşəxəl a di-issiwar Məşşina, ¹⁸ wədi ma imosan alxaq-in? Adi za igi ən salan n Əlinjil y aytedan bannan, wər dağ-san əg-maya alxaq waliyyan wa fall-asan ələş dağ igi-nasan.

¹⁹ Nak əheş tara ən man-nin, wər di-ila awedan waliyyan, mişan əgex iman-in akli y awedan kul fəl ad d-awəy awen əs taşşam n aytedan əzəgzan s Əlməsix. ²⁰ As əggazax Kəl-Əlyəhud ad əqqələş şilat n iyyan dağ-san fəl ad əzzəgzənan s Əlməsix; as əggazax win əlkammen y Əttawret, ad əqqələş şilat n iyyan dağ-san, kuddeş nak wər das-əlkema, fəl ad əzzəgzənan s Əlməsix. ²¹ As əggazax aytedan win wər nəlkem y Əttawret, ad əqqələş iyyan dağ-san fəl ad əzzəgzənan s Əlməsix; awen wər imos əlməşna-net as wər əlkema y əşşərixa ən Məşşina, kalar əlkəməş-as fəlas əşşərixa wa n Əlməsix as əlkama. ²² As əggazax aytedan win as wər issohat əzəgzənan-nasan, ad əqqələş şilat n iyyan dağ-san fəl ad əzzəgzənan s Əlməsix; təməwit tədi as əqqala arat kul y aytedan kul fəl a dağ-san səşşəlləsa wiyyad.

²³ Taggay adi kul fəl əddəlil n Əlinjil, fəl ad ədrəwa albaraka-net d aytedan win sər-əs əzzəgzənen. ²⁴ Masnat a wər təgem âs, tammazaga aytedan aggotnen a tat-taggaznen, mişan awedan iyyanda a tat-d-itarnin? Dağ adi azəlat, tagim azzal wa kawan-du-z-isassarnin. ²⁵ Amaran aytedan kul win əganen ənnəyat ən tammazaga, əşinən labasan a ətaggin i man-nasan. Taggin awen fəl ad əgrəwan alak ixaşşadan, as iga awen nakkanay nətagg-ay fəl ad nəgrəw alak wa wər nəşəşşəd. ²⁶ Adi a fəl ozala nak, əzzilləxa s adag wa n təzərəst; əheş şaşşəlan n awedan ihakkin imankasan wər nəşəsikəy. ²⁷ Zaxazzab təşəsa-nin wəllen, əgeq-qat taklit-in, fəl ad wər əgməda tammazaga, aqqa-ma wər əgrewaş alak, nak wa immâlan Əlinjil y aytedan.

Tərgəmt fəl əlyibada n əssənəman

10 Amaran imədrayan-in, wər areş a dawan-ijhâl âs, imarawan-nana as d-əgmadan akal ən Masar ketnasan tollây dənnəg-san tagarak, ketnasan deş as ərdəyan dağ agaraw; ² iha awen şaşşəlan n âs, ətiwasalməşan ketnasan dağ tagarak ten d agaraw wen fəl aşşəddat ən tassaşq ta əgan d ənnəbi Musa. ³ Ketnasan deş ətşân amensay wa fall-asan d-izazzabbat Məşşina dağ jənnəwan; ⁴ əşwân deş ketnasan dağ aman win dasan-d-ikkas Məşşina. Aman win, əngâyan-du dağ təhunt a dər-san təddewat ta tan-ikfa Məşşina, amaran təhunt ta, Əlməsix a tat-imosan. ⁵ Mişan harkid awen, taşşam-nasan wər təgreş i Məşşina. Adi a fəl wazawaznat təşəşwen-nasan dağ taneray.

⁶ Amaran aratan win, əgân əmosan-anax almasal fəl ad nənəkəd, naqqam wər nəşəddaran igi ən tal-

bast ta əgan. ⁷ Ad wər təqqəlam aytedan əxbâdnen əssənəman, awa əgan wiyyad daɣ-san; id iktâb as: «Təqqim tamattay, tətša, təšwa təzzar təbdad, təggaz tara ən man-net.» ⁸ Ad wər nətəggu deɣ əz-zəna, šilan awa əgan wiyyad daɣ-san, təzzar ihlak daɣ-san Məššina sanatat təmərwen n əgim əd karad daɣ əzəl iyyanda; ⁹ wala nāgu tənəgmayt y Əlməsix awa das-əgan wiyyad daɣ-san, təzzar a tan-əddadnat taššolen, itiba-tan. ¹⁰ Wala deɣ təgətəntənam awa əgan wiyyad daɣ-san, təzzar ihlak-kan angalos wa n ənabaz ən man. ¹¹ Amaran awen kul igraw-tan fəl ad iqqəl almasal y aytedan, amaran itawaktab fəl a das-nənkəd nakkanay win fəl du-tosa təzərəst n əddənət. ¹² Daɣ adi awedan wa ɣur illa as ənta ikna tebadday, inkədət ad wər ifətəqqət. ¹³ Ətəwəjərrab təgam kul əgân-tu dat-wan aytedan; amaran Məššina wər d itəqqəl daɣ allaman wa kawan-iga, wər z'ardu itəwəgg-awan ətəwəjərrab as wər təfregam. Amaran as tətawajərrabam, a kawan-akfu fərrəgat ən zəmmerat y-as, ar-awan tarrayt n ədərreg y-as.

¹⁴ Daɣ adi, imaran-in, darrəgat y əlɣibada n əssənəman. ¹⁵ Awal wa itəggu awedan y aytedan əlānen tayttay a dawan-tagga, ənzərət daɣ-as kawanay iman-nawan ad tənəyam tidət-net. ¹⁶ Takabart n albaraka ta nətigudəy i Məššina, as daɣ-as nəšwa, awak wərgəɣ tadrəwt a nəga əddi əzni n Əlməsix wa inɣalan as t-aba? Tagəlla za ta nətuzan gar-ena! As tat-nətša, awak wərgəɣ tadrəwt a nəga əddi təxəssa n Əlməsix? ¹⁷ Id tagəlla iyyadda a imos Əlməsix, nakkanay deɣ harkid igət-nana təxəssa iyyadda a nəmos fəlas ketnana nədrâw tagəlla iyyadda ta. ¹⁸ Ənəyat šikutawen šin taggin Kəl-İsrayil! Ak wərgəɣ aytedan win tanat-tagginen tattin-tanat əddəwan daɣ əlɣibada wa taggin i Məššina daɣ adag wa daɣ taqqadnat təkutawen-nasan? ¹⁹ Awak mas gammayəɣ əd tənna-net da? Adis tənna a tagga əssənəm madəɣ imensewan tiwakfanen y əssənəm əmosan arət? ²⁰ Kala kala! A ganna, šikutawen šin di taggin aytedan win n aljahilan almaɣna aytedan wər nəmos Kəl-Əlyəhud, kələsuf as tanat-əkkâtan wərgə Məššina. Amaran, wər areɣ ad tədrəwam arət waliyyan d aljaynan. ²¹ Wər təfregam ad təsassim daɣ takabart ta kawan-du-təsaktit tanaɣla ta iga ɣaysa əzni-net fall-awan, təsassim deɣ daɣ takabart ta daɣ sassin aytedan win əxbâdnen kələsuf. Wər təfregam ad tədarrawam tagəlla ta kawan-du-təsaktit tehakkay ta iga ɣaysa təxəssa-net fall-awan, tədarrawam deɣ tagəlla ta tattin nəɣbidan ən kələsuf. ²² Məɣ tara a nəga ad nəssənkər šismiten daɣ Əməli? Awak norn-ay?

²³ Təgannim: «arat kul i xalalan», mišan wərgəɣ arət kul təh-ay tənfa. Təgannim deɣ: «arat kul i xalalan», mišan wərgə arət kul ištə awedan. ²⁴ A tu-wər-iməl waliyyan daɣ-wan igammayan tənfa ta n man-net ənta ɣas, kalar igməyet awa z'anfin imahharagan-net. ²⁵ Isan kul win nazzinen daɣ əs-

suk, təlâm tarrayt n a tan-tazzanzim, tatsim-tan, da wər təssəstanam d iguz wa d-əgan, ²⁶ id ənnan Əlkəttaban: *Amaɗal d awa t-ihan ketnet in Əməli.* ²⁷ As daɣ-wan igmay awedan wər nəzzəgzan s Əlməsix a t-in-tasim, təzzar tərɗam as, amensay kul wa issənsa dat-wan, atšat-tu da wər təssəstanam d iguz wa d-iga. ²⁸ Mišan as dawan-inna awedan: «Amensay di itiwakat y əssənəm», wədi a tu-wər-tatsim fəl əddəlil n awedan wa dawan-innan adi, d əddəlil n iduf wa iga. ²⁹ Wər gənna y iduf wa təgam daɣ amensay di kawanay iman-nawan, kalar iduf wa daɣ-as iga awedan wa hadan as ganna. Amaran mafel as di-igaddal iduf n awedan iyyan, igi n arət as ələɣ tarrayt n igi-net? ³⁰ Kud amensay wa tatta har təggodayəɣ i Məššina as təggazəɣ šin tattay, mafel as di-ilayyan awedan fəl as t-ətšəɣ?

³¹ Daɣ adi, gər za tətay a tətəggim wala təsəsim, a iqqal arət wa tətəggim, əgiwat-tu fəl ədkul ən Məššina. ³² Ad wər təqqəlam təsənkəft y awedan waliyyan, gər za Kəl-Əlyəhud wala aytedan win tan-wər-nəmos wala deɣ aytedan n Əlkənisan ən Məššina. ³³ Agat awa tagga; nak a igammayan d ad əgrəzəɣ y awedan kul daɣ arət kul; wər gəmməya tənfa i man-nin, kalar tənfa y aytedan əgğot-nen a gammaya fəl ad əgrəwan əlɣillas ɣur Məššina.

11 Əqqələt aytedan a di-əttilalnen s əmmək was əttələla nak da Əlməsix.

Əlɣibada ən Məššina daɣ Əlkənisan

Awa iwaran meddan əd tədoden daɣ Əlkənisan

² Emmâlaq-qawan imədrayan-in fəl təkatawt ta di-du-tətaggim daɣ arət kul d iduf wa təgam alɣadaten s əmmək was dawan-tanat-əssəbdada.

³ Mišan areɣ ad təsənəm as, aləs kul, Əlməsix a imosan əɣaf-net; tantut, aləs a imosan əɣaf-net; Əlməsix, Məššina a imosan əɣaf-net. ⁴ Amaran id iggaz aləs šin əlɣibada ən Məššina daɣ Əlkənisan itattar madəɣ igraw emel y aytedan isalan a fall-as d-izizabbat Məššina, issilsa əɣaf-net, wədi izabaz wa das-imosan əɣaf təkarakit. ⁵ Eges tantut kul ta tətattarat madəɣ təgrâw emel y aytedan isalan a fall-as d-izizabbat Məššina, wər təsəwar əɣaf-net, daɣ Əlkənisan, tədi təzabaz wa das-imosan əɣaf təkarakit, šilat n as təsitabalbal. ⁶ Tantut ta wər nəşəwir əɣaf-net, tədi təfnəzet anzan-net! Mišan dad imos i təntut təkarakit afanaz n anzan madəɣ əsəttəbəlbel, wədi təsəwəret əɣaf-net! ⁷ Aləs ənta wər t-ilzem ad assalsu əɣaf-net id Məššina a t-id-ixlakan əs šaššəlan-net, ikf-ay tanaya šilat ən ta-net; mišan tantut ənta, saɣmar n aləs a təmos. ⁸ Fəlas wərgə aləs a d-ixlak Məššina daɣ təntut, kalar tantut a d-ixlak Məššina daɣ aləs. ⁹ Wərgəɣ deɣ aləs a d-itawaxlakan fəl əddəlil ən təntut, kalar tantut a du-tətaxlakat fəl əddəlil n aləs. ¹⁰ Adi a fəl ilzam tantut ad iwâr asannal ən

taymar eyaf-net, fəl udəm n angalosan. ¹¹ Mišan ya dat Əməli, aləs harkid təntut, akkiyyan iqqân day wa hadan; ¹² fəlas kud imos as tantut, aləs a du-təgmad, da aləs, tantut a d-igmad, amaran arat kul Məşşina a d-ifal. ¹³ Kawanay iman-nawan ma tən-nam: Awak ihôr ad tətattar təntut əs Məşşina day aljamağat n əlməsixitan wər təssəwar? ¹⁴ Awak wərgex ətəbiğat-nawan iman-net, təssosan-kawan as igi ən jəkkad imos təkarakit fəl aləs? ¹⁵ Mišan tantut ənta, ijəkkad almaqam a tat-hakkin? Id Məşşina a das-tan-ikfan y assatar n ağaf-net. ¹⁶ Kud ill-ay awedan amaran irân ad ammazax adi, issenet as: Gər za nakkanay wala Əlkənisaten ən Məşşina, wər nəla iyyat alğadat wər nəmos tədi.

Imensewan win saktan n Əməli

Şisəssukay şin tawagğanen alwaq wa n mensewan win saktan n Əməli

¹⁷ Amaran ammaran win dawan-tagga da, wər əmosan eməlan-nawan, id imənəyan-nawan win əlyibada wərgex əşitəy a kawan-taggin, kalar ələqqam a kawan-suğulan. ¹⁸ Fəlas arat wa az-zaran, wa sər-wan əsley âs, id təmmənay aljamağat n Əlkənisat-nawan y əlyibada, ad təqqələm şizunawen; amaran wər aba a əzzigzanax day batu di. ¹⁹ Mišan ya əşşil ad təqqələm şizunawen fəl a day-wan təwənəyan win əhornen d ətəwəsəxmər, wərgex? ²⁰ Day adi əmənəy wa tətəggim, wər tu-tətəggim y ad tədrəwam imensewan win saktan n Əməli Xaysa. ²¹ Fəlas as təggazam şin tattay, akkiyyan day-wan ad ihəz day amensay wa d-eway atş-ay, ayyu əmidi-net; iqqəl âs, wiyyad day-wan za ih-en gələk, amaran win hadatnen isimaswad-tan esmad. ²² Awak inan a wər təlem a day tətşam, taşwim? Məx məlka a təgam Əlkənisat ən Məşşina, təzabazam təkarakit win day-as wər nəla arat? Ma dawan-z-anna za? A təram a dawan-aga təmmalen olağnen fəl as təgam adi? Wala ənəmi haz!

Imensewan win saktan n Əməli

²³ Fəlas nak iman-in alğadat ta di-d-oyya Əməli iman-net a dawan-d-oyyex, a tat-imosan as: Ahad wa day z'itəwəggu Əməli Xaysa day fassan, idkal tagəlla, ²⁴ iga igodan i Məşşina, təzzar irz-et, inna: «Təxəssa-nin adi, [tətiwarzat] fəl əddəlil-nawan. Taggat awa da əs təməwit ta da, imos adi isaktan-in.» ²⁵ Zund əmmək en da âs, as ətşan, idkal tək-abart, inn-asan: «Təkabart ta, arkawal wa aynayan ən tassağ a təmos gər Məşşina əd tamattay-net. Arkawal wa, azni-nin a t-isattaddan. I day-as təşwam, tagim adi isaktan-in.» ²⁶ Fəlas id tətşam tagəlla ta, təşwam dəy day təkabart ta, wədi isalan ən tamattant n Əməli Xaysa a tətəggim, har əzəl wa du-z-iqqəl.

Tettay ən mensewan win saktan n Əməli əs təməwit toğadat

²⁷ Awen day a fəlas, i itşan tagəlla ta təmosat isaktan ən təxəssa n Əməli Xaysa, madəy iga day təkabart ta təmosat isaktan n əzni-net tessay təgat s iba n safrar, wədi ibbikkad təxəssa n Əməli Xaysa d əzni-net, amaran ad t-ibəz əşşərixa s adi. ²⁸ Day adi akk awedan aşşəgaret iman-net təzzar, alwaq wədi amaran atşu tagəlla ta, aşew day təkabart ta; ²⁹ fəlas awedan wa itşan tagəlla ta, madəy işwa day təkabart ta, wər igra arat wa idraw adi əd təxəssa n Əlməsix Xaysa, wədi awedan izzibaz iman-net əşşərixa ən Məşşina. ³⁰ Adi a fəl kawan-əhan aytedan aggotnen ən nərkam əd wiyyad aggotnen ən miranan, aba day-wan fadda wiyyad. ³¹ Ənnar nazzâr əs şəggara ən man-nana, wər dana-z-ibəz əşşərixa. ³² Dər iga awen da ya, Məşşina itâbaz-ana s əşşərixa fəl a danağ-ağəd, naqqam wər danağ-issertay d əddənət day əşşərixa wa ilkaman. ³³ Day adi imədrayan-in, id təddewam y ad tədrəwam imensewan, ad tətəqqalam i mədrayan-nawan! ³⁴ Kud iyyan day-wan ih-ay gələk, atşet day ahan-net təzzar, fəl ad wər iqqəl əmənəy-nawan arat a sər-wan du-z-awəyan a kawan-abəz əşşərixa.

Amaran day batu ta təqqalat şığawşiwen şin hadatnen, as din-osey a tanat-akna.

Şihəkkuten şin itaggu Infas wa Zəddigan

12 Amaran imədrayan-in, day batu ən təmətək-wəyen şin ihakku Infas wa Zəddigan, wər arex a day-asnat təjhâlam. ² Təssânam as dat iguz-nawan tarrayt ta n Məşşina, aytedan a təmosam əxrâknen, əlkâmnen y əssənəman wər nəşiwil. ³ Awen da fəl arex ad təssənam as, wər t-illa awedan a day innoda Infas ən Məşşina a du-z-inkəran ad igannu: «Məşşina təlyâna Xaysa!» wala dəy ill-ay awedan ifrâğan ad annu: «Xaysa imos Əməli!» ar s a day-as innoda Infas wa Zəddigan. ⁴ Amaran şihəkkuten əzzənəfan a əmosnat, mišan Infas iyyanda ɣas, a t-imosan Infas wa Zəddigan ən Məşşina s ənta a tanat-ihakkin ketnasnat. ⁵ Tar-rayen n əşşəxəl əzzənəfan a əmosnat, mišan Əməli di n iyyan as nəşğal. ⁶ Igitan əzzənəfan a əmosan, mišan Məşşina di n iyyan a ihakkin aytedan kul masnat n igitan kul win taggin.

⁷ Akk ənalkim igrâw ɣur Infas wa Zəddigan təhəkkut a tu-təssifragat əşşəxəl imosan tənfanana ketnana. ⁸ Awedan za iyyan ihakk-ay Infas wa Zəddigan igi ən batuten ən təla n əgərri, iyyan amaran ihakk-ay Infas igi ən batuten ən masnat. ⁹ Iyyan ihakk-ay Infas wa Zəddigan əzəgzan, iyyan ihakk-ay fərregat n əzuzəy ən miranan, ¹⁰ iyyan ihakk-ay fərregat n igi ən təlməxjujaten, iyyan igrâw emel y aytedan isalan win fall-as d-izazabbat Məşşina, iyyan ihakk-ay fərregat ən zələy gər

tøhækkut ta n Infas wa Zëddigan æd ta tat-wær-nø-mos. Iyyan ihakk-ay færregat n iššiwæl n awalan wær nətawazday, iyyan ihakk-ay æfæssær n awalan win di; ¹¹ mišan Infas wa Zëddigan wa da a itaggin aratan di ketnasan, akk awedan ihakk-ay tøhækkut ta das-ira.

Taxëssa æd tæsëllad-net aggotnen

¹² Ænøyat tišit ta tæga tæxëssa n awedan arat iyyanda igân daẓ tæsëllad æknanen igæt, eges harkid igæt-nasnat, taxëssa iyyadda a ømosnat. Awen da za a øgan aytedan win ælkammen y Ælmësix, s øntanay a ømosnen taxëssa-net. ¹³ Følas gær za nømos Køl-Ælyøhud wala aytedan win wær tan-nømos, gær za nømos eklan wala illalan, Infas wa Zëddigan wædi da, a daẓ nətawasalmaẓ ketnana, næqqal taxëssa iyyadda. Ketnana deẓ Infas wa Zëddigan wædi da, a idnayan iwallan-nana. ¹⁴ Amaran taxëssa wær tæga daẓ tæslet iyyadda, kalar šisëllad aggotnen a daẓ tæga. ¹⁵ As d-iggad adar inna: «Nak wær di-tøla tæxëssa id wær ømosaẓ øfus.» Awak ikkås-tu awen daẓ tišit n iyyat daẓ tæsëllad øn tæxëssa? ¹⁶ As tønna tømëzzuk: «Nak wær di-tøla taxëssa, id wær ømosaẓ šat.» Awak ikkås-tat awen daẓ tišit n iyyat daẓ tæsëllad øn tæxëssa? ¹⁷ As tæqqal tæxëssa ketnet šat, mas z'aslu awedan? As tæqqal tæxëssa ketnet tømëzzuk, mas z'iwøt awedan aẓu? ¹⁸ Kalar Møššina a igan šisëllad daẓ tæxëssa, akkiyyat ig-et daẓ adag was ira. ¹⁹ As imos as taxëssa ketnet taslet iyyadda a tømø, wædi ma z'iqqølan taxëssa? ²⁰ Kalar šisëllad æknanen igæt a t-øllanen, mišan taxëssa ønta iyyadda. ²¹ Awen daẓ a fæl wær tæfreg šat ad tannu y øfus: «nak wær sær-øk øddørar», wala deẓ annu ayaf i daran: «nak wær sær-wan øddørar.» ²² Fadda šisëllad øn tæxøswen-nana šin n as nøga iduf n as ørkamnat, øntanatay a dana-tøha tønfa wøllen. ²³ Amaran šin di as ẓur-naẓ iga as wær farørnat, øntanatay a næssøẓmar wøllen. Daẓ adi, šisëllad-nana šin ømosnen izuf, øntanatay a nækannu assatar. ²⁴ Šin wær nømos izuf amaran, øntanatay wær ød-døarnat s assatar. Møššina iman-net a d-ixlakan taxëssa tošâẓ, ig-as tømøwit a fæl tawasaymarnat tæsëllad-net, wøllen šin øddørarnen s adi, ²⁵ fæl ad wær tæzun tæxëssa gar-es, kalar ækkulluk øn tæslet ad tæssøn daẓ tæmidit-net. ²⁶ Awen daẓ a følas, as tælaggay iyyat daẓ tæsëllad øn tæxëssa, šisëllad kul šin hadatnen øntanay da, ad laggaynat. As tətawazazwar deẓ iyyat daẓ tæsëllad, šisëllad kul šin hadatnen ad fæliwøsnat. ²⁷ Kawanay taxëssa n Ælmësix a tømøsam, amaran akkiyyan daẓ-wan taslet øn tæxëssa-net a imos. ²⁸ Adi a følas Ælkønisanat, daẓ tizarat iga daẓ-as Møššina inøm-muzal, døffær-san ønnøbitan; døffær ønnøbitan, ølføqqitan; døffær adi aytedan win ølanen færregat n igi øn tælmøẓjujaten, ølkaman-asan win ikfa færregat n øzuzø y øn tøwørnawen, ød win tilalnen y aytedan, ød win ikfa færregat øn tizart y aytedan,

ød win ikfa færregat n øšiwæl n awalan wær nətawazday. ²⁹ Awak ketnasan as ømosan inøm-muzal? Awak ketnasan as ømosan ønnøbitan? Awak ketnasan as ømosan ølføqqitan? Awak ketnasan as øgrawan færregat n igi øn tælmøẓjujaten? ³⁰ Madøẓ øgråwan færregat n øzuzø y øn tøwørnawen, meẓ færregat n awalan wær nətawazday, meẓ færregat n øfæssær-nasan? Wala ønamihaz!

Tara: Tarrayt ta n tidøt

³¹ Daẓ adi sëddirønat s ølluẓ agaraw øn tøhækkuten šin ofanen! Amaran a kawan-assakna ømørødda tarrayt ta tofat tarrayen kul.

13 Kud øššewalaẓ awalan n aytedan harkid win angalosan da, as di-wær-tøha tara, wær izlay awal-in d ømøslu n anayna madøẓ ømøslu n øẓlal øn tözoli itatawatan. ² Kud øgråwa tøhækkut n amel øn salan a d-izizabbat Møššina, wala øgråwa øssiran kul ød masnat kul, wala ølêẓ øzøgzan ikmålan a di-issifragan øsøggøli n ødẓaẓan, da, as di-wær-tøha tara, wær ømosaẓ wala. ³ Kud øzuna tøla-nin kul i tøløqqawen, øskataẓ iman-in y ølyibada øn Møššina har ẓur-i imøl as øgaraẓ aytedan, da, as di-wær-tøha tara wær di-z-anfu adi øs wala.

⁴ Awedan wa taha tara, tøh-ay tæzaydart, olâẓ; wær izway y awedan waliyyan, wær itaggu ibaragan, wær idkel iman-net dønnøg aytedan. ⁵ Awedan taha tara wær itøggø ømazal n iba øn tøkarakit, wær igømmø y awa tu-z-anfin ønta ẓas, wær røẓis alhamnet, wær itøttøf daẓ man ark amazal a das-iga awedan; ⁶ wær t-isødøwit arat wær nøyed, kalar tidøt a tu-tøsadawet. ⁷ Faw izizaydar, faw izzigzan, faw igâ attama, izmâr y arat kul. ⁸ Tara, wær das-ilkem ad tøyåd, tøhækkut n amel øn salan a d-izizabbat Møššina ilkâm a tu-wær-tølla, ta n øšiwæl n awalan wær nətawazday ad tørez, ta n masnat ønta da ilkâm a tu-wær-tølla; ⁹ følas masnat-nana wær tønða, emel-nana isalan win d-izizabbat Møššina deẓ wær inda.

¹⁰ Mišan as du-tosa alkamalat, awa wær nækmel ad iba tamayyammat-net. ¹¹ Harwa ømosa barar, awal øn barar a taggaẓ, taggaẓ imedranan win barar, øløy tayttay ta n barar; mišan as øqqalaẓ aløs, øyyøẓ-in aratan win barar døffær-i. ¹² Æmørødda næhannay as, masnat-nana, wala ad tøggøt, wær tømø wala døgma n ta tølkamat; izlay-tanat awa izlayan anay n awedan daẓ šišøt d anay-net udøm s udøm. Æmørødda masnat-in wær tøkmele, mišan ilkâm ad tøkmele, tagu alkamalat ta tæga tømøzdøyt ta di-iga Møššina.

¹³ Amaran ømørødda karad aratan win, a t-øllanen, a tan-imosan: øzøgzan d attama ød tara; mišan wa tan-øgaran tara.

Šihakkuten šin Infas wa Zëddigan d akaras n Ēlkënisat

14 Ēgmëyat za ad tëqqëlam aytedan taha tara; tësëddirënam wëllen agaraw ën mazalan win ihakku Infas wa Zëddigan, wëllen emel ën salan win d-izizabbat Mëššina. ² Fëlas awedan wa ifragan ëššiwël n awalan wër nëtawazday, Mëššina as iššewal wërgëx aytedan; id wër t-illa awedan igrân ëssiran win as t-ikfa Infas wa Zëddigan emel-nasan. ³ Mišan awedan wa igrawan emel ën salan a fall-as d-izizabbat Mëššina wëdi aytedan as išawal, isisuhit ëzëgzan-nasan, isasmad iwallan-nasan, italam-asan fël man. ⁴ Awedan wa iššewalan awalan wër nëtawazday, ëzëgzan wa-net xas a isisuhit s adi, mišan awedan wa igrawan emel ën salan a d-izizabbat Mëššina wëdi Ēlkënisat ketnet as isisuhit ëzëgzan-net. ⁵ Nak arex ad tëššiwëlam ketnawan awalan wër nëtawazday, mišan awa dawan-ëssofax, ad tëgrëwam tëhëkkut n amel ën salan win d-izizabbat Mëššina. Awedan wa igrawan emel ën salan a d-izizabbat Mëššina, ogar wa igrawan fërrëgat n ëšiwël n awalan wër nëtawazday, ar s ad imos as ifrâg ad itafassar awa igannu fël a sër-ës isëssuhët ëzëgzan n Ēlkënisat.

⁶ Amaran ëmërëdda, imëdrayan-in, nëna masalan oseq-qawan-in ëššewalax awalan wër nëtawazday, awak mas kawan-z-anfu adi? Mišan as kawan-in-osex ëmalax-awan arat isinafalal Mëššina, madëx ëššita masnat ta tëlâm, madëx agax-awan batu a fall-i d-izizabbat Mëššina madëx ësas-saxraq-qawan tëssunt a du-tëgmâdat Ēlinjil, wërgëx a kawan-anfu adi? ⁷ Wala aratan win as tawaggin sëwat, nëna masalan tësënsëq madëx tëhërdant da, as wër ëgen ewet olâxan, manëm-mëk as z'izlëy awedan aggay wa ëgan? ⁸ Esëk dëx wa itawansağan y ad sëmmutëgan aytedan y ëmëgër, as das-wër-itawagga anasax wa itawas-sanan, ma z'isëmmutëgan y ëmëgër? ⁹ Kawanay da za, awen da: as tëššewalam wër tëlëffëdam s ëlxërëfan as itiwassan almağna-nasan, man ëm-mëk as z'issën awedan waliyyan awa tëgannim? Zun tëššewalam dëx adu! ¹⁰ Igmâd aššak âs, ëz-zënëfan n awalan aggotnen a ëhanen ëddënet; mišan wër tan-iha is wërgëx ila almağna. ¹¹ Amaran as wër ëssenax iyyan dëx-san, ad ëqqëlay s awedan wa t-iššewalan awedan ën tama, iqqël-tu sër-i nak da. ¹² Dëx adi kawanay da, dad zamas tësidarënam wëllen agaraw ën tëmëtëkwayen šin ihakku Infas wa Zëddigan, adi za, ëšxëlat dëx agamay ën šin za sëssuhëtten ëzëgzan n Ēlkënisat.

¹³ Awen da a fëlas awedan wa iššewalan awalan wër nëtawazday, igmëyet dëx Mëššina ad t-akfu fërregat n ëfëssër-nasan. ¹⁴ Fëlas as imos as tatarä dëx awalan wër nëtawazday, iman-in xas a tatarënen, tayttay-in ënta, wër tëšxël dëx tëwatriwen šin tagga. ¹⁵ Dëx adi ma z'aga? Adi za, ad ëttërax dëx man-in, ëttëra dëx ës tayttay-in dëx awal isis-

agran; agax tagaytalt ës man-in, agağ-qat dëx ës tayttay-in dëx awal isisagran. ¹⁶ As wër iga adi, as iqqal âs tëtaggay igodan i Mëššina ës man-nak xas, dëx awalan wër nëtawazday, awak awedan wa tu-wër-nëssen, wa dak-issësëman dëx Ēlkënisat, manëm-mëk as z'annu i tëwatray-nak: «Amin!», ënta wër issen awa tëganna? ¹⁷ Illikan as igodan-nak i Mëššina hossayan, mišan wër isassahat adi ëzëgzan n aytedan win dak-ëssësammen id wër ëssenaw a tëganna. ¹⁸ Nak tigudëyax i Mëššina as kawan-ogara ketnawan awal dëx awalan wër nëtawazday! ¹⁹ Mišan as ahex Ēlkënisat, ëssofax igi ën wala xas sëm-mos ëlxërëfan a za tawagrinen y ad ëzzëbëzax aytedan alfaydat, igi ën maraw gim n ëlxërëf dëx awalan wër nëtawazday.

²⁰ Imëdrayan-in, ušarat, tammazzayam ëd tišit ën bararan! Tidët as, dëx awa iqqalan igi ën tëlëbëst, ëqqëlat šilat ën bararan; mišan dëx awa iqqalan ëgërri n aratan win, ëqqëlat aytedan ëkmâlënen. ²¹ Ēnnan Ēlkëttaban: «Ēnna Ēmëli: "Tamattay ta, a das-ëššiwëlay dëx awal wër tësënen, igmëd-du sër-san awal wen imawan ën naftaxan, mišan harkid awen wër di-z-abbardagan."» ²² Adi a fëlas, ëšiwël n awalan wër nëtawazday, asannal n ëššërixa ën Mëššina a imos y aytedan win wër nëzzëgzan, wërgë win ëzzëgzannen; as iga awen, awedan wa ikfa Mëššina emel ën salan a d-izizabbat Mëššina, wëdi isalan win itaggu, asannal n arraxmat a mosan y aytedan win ëzzëgzannen, wërgë win wër nëzzëgzan. ²³ Nëna masalan Ēlkënisat ketnet a tëddëwat dëx adag iyyanda, tëzzar ëššewalan ketnasan awalan wër nëtawazday, har tan-d-osan aytedan wër nëgra awa imos awen, madëx aytedan wër nëzzëgzan, wërgëx ad annin ëmmëskël a ëgan? ²⁴ Mišan as imos as ketnasan ëmmâlän awal imosan emel ën salan a d-izizabbat Mëššina har tan-d-osa awedan wër nëzzëgzan, madëx iyyan wër ëhen isalan n awen, ad t-ëssusënan awalan kul win as isallu ëddi as igâ ibakkadan, issën dëx as ad t-ibëz ëššërixa ën Mëššina; ²⁵ ënta da affaggin aratan kul win ëhanen ëwël n awedan wen, tëzzar issejöd i Mëššina, iğbëd-tu, annu: «Tidët as illa Mëššina gar-ewwan!»

Ēnnizam dëx alwaq wa n ëlxibada

²⁶ Dëx adi, imëdrayan-in, mas immëkkan a tu-tag-im? Adi za as tëm-mënayam dëx adag iyyanda, wiyyad dëx-wan aginet šigaytalen, wiyyad sas-saxrinet aytedan, wiyyad ëmëlanet awa dasan-isannafalal Mëššina, wiyyad ëššiwëlanet awalan wër nëtawazday, wiyyad affassaranet-tan. Ēqqëlanet aratan win di kul, arat a z'isëssuhen ëzëgzan-nawan. ²⁷ Kud wiyyad dëx-wan a šawal-nen awalan wër nëtawazday, ad wër akëyan ëššin aytedan madëx karad. Ēššiwëlanet s iyyan iyyan, amaran imël-tu awedan iffëssaran awa gannin. ²⁸ Kud wër t-illa awedan a t-iffëssaran, affastinet, ad wër ëššiwëlan dëx Ēlkënisat, ëššiwëlanet dëx

man-nasan gar-essan æd Møššina. ²⁹ Amaran win æmosnen ænnëbitan, æššiwëlanet daḡ-san æššin madeḡ karad, tæzzar aššaggaran aytedan win hadatnen n Ælkënisat awal wa d-izzæbben da. ³⁰ Mišan as d-isanafalal Møššina awal y iyyan awedan iqqiman den, awedan wa iššewalan, af-fastet i wëdi. ³¹ Daḡ adi ketnawan tæfrâgam ad tæmmâlam s iyyan iyyan isalan win d-izazabbat Møššina y aytedan, y ad tæsassaḡrim inalkiman kul, taknim-asan iman ketnasan. ³² Tæhækkut n amel æn salan a d-izazabbat Møššina, immikkan as innôda daḡ-as awedan wa tat-igrawan. ³³ Fêlas Møššina wër ira tanajarwayat, kalar ænnizam olâḡan a ira, d alxer, šilat n awa igan daḡ Ælkënisat-en ketnasnat, æmosnen tamattay zæddigat æn Møššina. ³⁴ Ad wër šawalnat tædoden daḡ mæn-nëyan win Ælkënisat, fêlas wër ëlenat turagat n awen. Kalar abbardagnatet, id adi da as inna Æt-tawret ad t-aginat. ³⁵ Kud ill-ay arat as ærânat a daḡ-as æssënnat, æssëstannatet meddan-nasnat daḡ aḡaywan; fêlas tækarakit a imos fêl tæntut ad tæššiwël daḡ æmænëy n Ælkënisat. ³⁶ Awak tæḡilt a tægam awal æn Møššina kawanay a d-igmad? Meḡ tæḡilt a tægam kawanay ḡas a t-iqbalan? ³⁷ Awedan wa daḡ-wan igan iduf n as ænta ænnëbi a imos, madeḡ innoda daḡ-as Infas wa Zæddigan, agret s ælluḡ âs aratan win dawan-kattaba da, alwajib n Æmëli a æmosan. ³⁸ Amaran awedan wa wër næssëfrar adi, wëdi ænta da wër tu-z-issëfrar Møššina. ³⁹ Daḡ adi imædrayan-in, sæddirënat wëllen agaraw æn tæhækkut n amel æn salan win d-izazabbat Møššina; mišan ad wër tægdëlam æšiwël n awalan win wër nêtawazday. ⁴⁰ Adi kul agiwat-tu daḡ æzzæbun d ænnizam.

Tanakra æn Ḥaysa daḡ tamattant

Isalan æn tanakra æn Ḥaysa daḡ tamattant

15 Imædrayan-in, æmërëdda a kawan-d-assak-taḡ Ælinjil was dawan-ægeḡ isalan-net, tæz-zægzanam sër-æs, tælkamam-as s ælluḡ; ² Ælinjil di da a kawan-igan daḡ tarrayt n ælyillas, kud tættâ-fam-tu s ælluḡ s æmmæk was dawan-t-ëmala. As das-wër-tægem adi, æzægzan æn bannan a tægam. ³ Fêlas isalan win ægrawa nak iman-in a dawan-ægeḡ, amaran isalan win di, eḡaf-nasan as, Ælmësix, aba-tu fêl æddëlil æn bakkadan-nana, imos as adi da ænnan Ælkëttaban. ⁴ Ænnan deḡ Ælkëttaban, tætaawagga taḡëssa-net daḡ tæzækka, as æzël-net wa n karad d iba, itawasankar-du daḡ tamattant. ⁵ Inafalal-du i Butros, amaran inafalal i nêt-tulab-net win maraw d æššin. ⁶ Dæffër adi inafalal i tiddawat æn nalkiman togarat sëm mosat tæmad n awedan, arat daḡ-san aba-tu mišan taššam-nasan harwada tæddâr. ⁷ Dæffër adi amaran inafalal i Yaquub, dæffër adi inafalal i næmmuzal kul. ⁸ Dæffër-san ketnasan a di-inafalal nak da Bulës, nak ihân

ælmital æn barar a d-ihëwan dæffër as okay alwaḡ æn tæhëwt-net. ⁹ Fêlas nak inæmmuzal kul ogaran-i, wër æweda fadda a di-itæwënnu anammazul, id kala ad æssëknay aytedan win Ælkënisat æn Møššina arkanay. ¹⁰ A iqqal awa æmosa, dâ, æmosaq-qu s ar-raxmat æn Møššina, amaran arraxmat ta di-ikfa, wër tæbbënnan; fêlas ogaraḡ inæmmuzal kul æššëḡël, mišan ya wërgeḡ nak a igan adi, kalar ar-raxmat æn Møššina a daḡ-i tæšḡalat. ¹¹ Adi a fêlas, geḡ za nak, wala deḡ inæmmuzal win hadatnen, isalan win di a nêtaggu, amaran æntanay a tæz-zægzanam.

Tanakra æn næmmëttan

¹² Amaran dad gannin salan win nêtaggu, Ælmësix inkar-du daḡ tamattant, manæmmæk as gannin wiyyad daḡ-wan, inæmmëttan wër daḡ-san tælkem tanakra daḡ tamattant? ¹³ Kud tidët a imos as inæmmëttan wër daḡ-san tælkem tanakra, wëdi Ælmësix da, wër d-itawasankar daḡ tamattant! ¹⁴ Amaran kud Ælmësix wër d-itawasankar daḡ tamattant, adi za tælxutbaten-nana wër ëlenat tænfawaliyyat, æzægzan-nawan sër-æsnaḡ deḡ wër ila tænfawaliyyat! ¹⁵ Amaran arat wëdi as iga, nakkanay næqqal šigëyyawen æn bahu id nêtagayyat âs Møššina issinkar-du Ælmësix daḡ tamattant; ænta adi wër z'agu as wër tælkem tanakra daḡ tamattant, ¹⁶ fêlas ænnar imos as inæmmëttan wër du-za-tæwësënkëran daḡ tamattant, adi za Ælmësix da, wër d-itawasankar daḡ tamattant. ¹⁷ Amaran kud Ælmësix wër d-itawasankar daḡ tamattant, adi za æzægzan-nawan wër infa wala, amaran æwâran-kawan bakkadan-nawan; ¹⁸ aytedan deḡ win aba æzzigzanan s Ælmësix, æntanay da wër dasan-t-illa attama waliyyan âr wa n æhluk. ¹⁹ Kud nakkanay at-tama-nana daḡ Ælmësix wër okay æddënet ta da ḡas, adi za wër t-illa awedan daḡ æddënet wër noḡer tæla æn tæhanint.

²⁰ Kalar tidët daḡ a imos as Ælmësix itiwasankar-du daḡ tamattant. Ænta a d-azzaran tanakra, imos awen arat isitaddan as aytedan win aba æzzigzanan sër-æs æntanay da a d-ænkëran daḡ tamattant. ²¹ Id tamattant awedan iyyanda a tat-d-ewayan s æddënet, a t-imosan Adëm; æmmæk di da za as tanakra daḡ-as da, tosa-du æs tarrayt n awedan iyyanda, a t-imosan Ælmësix. ²² Id aytedan kul a tan-iba fêlas Adëm a d-æḡmadan, æmmæk di da za as aytedan kul win osaxnen d Ælmësix, ad ægrëwan tæmëddurt ta tæḡlalat. ²³ Tanakra daḡ tamattant amaran, tægâ s ænnizam: Ælmësix a sër-æs d-azzaran, dæffër adi win sër-æs æzzægzanen a du-za-tæwësënkënnen ḡur tawaxlay-net. ²⁴ Amaran tasadu tæzëræst n æddënet, ijëbbërëjjët Ælmësix tæmënukeḡla kul d ælxëkuman kul æd taḡmaren šin ættënkálnen, dæffër adi idkël taḡmar akf-et i Møššina di n Abba. ²⁵ Fêlas ilzâm Ælmësix ad ittëf taḡmar har agu Møššina izënga-net kul daw daran-net. ²⁶ Azangaw-net was z'izrëy s ahluk-net, tamattant.

²⁷ Følas ønnan Ælkøttaban: «*Iga Møššina aratan kul daw daran-net*», amaran immun as «aratan kul» win as itawanna ad ømølan daw daran-net da, wør tan-iha Møššina, s ønta iman-net a ikfan Ælmøsix taγmar ta ittaf. ²⁸ Amaran as iga Møššina aratan kul daw daran n Ælmøsix, alwaq wødi, ad z'agu Barar ønta da, almaγna Ælmøsix, iman-net daw ølxøkum øn Møššina wa igan aratan kul daw daran-net føl ad tøkmlø tizart øn Møššina y arat kul daγ adag kul.

²⁹ Amaran ønzørat daγ aytedan win tawasalmaγan daγ aman føl øddølil øn saγmar n aytedan-nasan win aba: Awak ma imos awas øgan attama n agaraw-net daγ igi n awen? Kud ønta tidøt daγ a imos as, wør tu-tølla tanakra daγ tamattant, wødi ma fel tawasalmaγan daγ aman føl øddølil øn saγmar n aytedan-nasan win aba?

³⁰ Nakkanay iman-nana za, ma fel akk assaγat nøha tazak øn tamattant? ³¹ Akk øzøl tøhoz-i-du tamattant! [Imødrayan-nin], arat wødi, ig-as aššak agamad wa iga y øsøbbøreg wa fall-awan tagga føl øddølil n awa daγ-wan iga Æmøli-nana γaysa Ælmøsix. ³² Kud tøbøllant ta øgeγ daγ øγrø m n Efez, wør nøzlay d amøgø ød wøxxsan, wør tøga ar føl ares n øddønet, awak ma di-za-taknu? Kud inømmøttan wør du-za-tøwøsenkøran daγ tamattant, adi za, agatanay awa ønnan aytedan wiyyad as ønnan: «*Natš-et, našwet, følas wør daγ-naγ ilkem ar tamattant*»³³ Ad wør tøtøwøsxøkam! Følas ønnan køl awal: «*Tidawt d ark aytedan tøγaššad alxal olôγan.*»³⁴ Tøqqølet-kawan-du tayttay-nawan ta tolaγat, tammazzayam d igi øn bakkadan. Følas wiyyad daγ-wan wør øssenar Møššina. Ænnøγ adi føl a kawan-izzøbøz tøkarakit.

Taγøssa ta du-tønkørat daγ tamattant

³⁵ Mišan wør igdel awen ad annin wiyyad daγ-wan: «Awak inømmøttan, møni tømøwit tas du-za-tøwøsenkøran? Ma tømos tøγøssa ta dør du-za-tøwøsenkøran?» ³⁶ Aljahilan! As tønbalam tablalt n amasa, wørgøγ kundaba tømmut as du-tøgammad, tøddår? ³⁷ Amasa deγ γas a tanbalam den, iha mijas in alkama madeγ tabzøst iyyat, wørgøγ tasaytot tøγrødøt a tønbala. ³⁸ Tøzzar ikf-ay Møššina taγøssa ta das-ira, økkulluk n amasa ikf-ay taγøssa øn man-net. ³⁹ Šixøllak wør olenat taγøssa ketnasnat; aytedan zønnit tøγøssa ta-nasan, eharay zønnit tanet, igødad zønnit ta-nasan, kifitan deγ zønnit ta-nasan. ⁴⁰ Amaran ijønnewan da, øhån-tan aratan ølånøen šixøswen, zund ømmøk as, amađal øwaran-tu aratan ølånøen šixøswen; mišan šihussay n aratan win øhanen ijønnewan wør tola ød tøhussay øn win øwarnen amađal. ⁴¹ Zønnit ønnur wa n tøfuk, zønnit wa n tøllit, etran deγ zønnit wa-nasan. Etran iman-nasan, ønnur-nasan øzzønefan a imos, ønnur n iyyan oγar ønnur wa hadan. ⁴² Zund ømmøk di da a tøga tanakra øn nømmøttan. Taγøssa tøγaššødat a za tønbølat, tøtøwøsenkørdø ta wør

nøtømøttøγ. ⁴³ Taγøssa ta dør inbal awedan, tøbrår; ta dør du-z-inkørdø tøkna šihussay. Taγøssa ta dør inbal awedan, tørkam; ta dør du-z-itøwøsenkørdø tøla tarna. ⁴⁴ Inbal-in ød tøγøssa ta n øddønet, itøwøsenkørdø ød tøγøssa ta iha Infas wa Zøddigan. Da tu-tølla tøγøssa ta n øddønet, wødi ta n Infas wa Zøddigan da tøll-ay. ⁴⁵ Adi a føl ønnan Ælkøttaban: «*Adøm a d-azzaran y aytedan s øxluk, imaltu iddår,*» mišan Adøm wa n øššin s ønta wa ilkaman, a t-imosan Ælmøsix, infas a imos, ihakkin tømøddurt. ⁴⁶ Wørgøγ wa imosan infas a d-azzaran, kalar wa imosan taxløk n øddønet tøddårat a d-azzaran, døfførdø a d-osa wa imosan infas. ⁴⁷ Awedan wa d-azzaran, øgødrar a daγ iga, igmad-du amađal; awedan wa n øššin, ønta ijønnewan a d-igmad. ⁴⁸ Awedan wa igan daγ øgødrar, awa imos, ønta a ømosan aytedan win øganen daγ øgødrar; wa d-igmadan ijønnewan, ønta da, awa imos, ønta a ømosan aytedan win jønnewan. ⁴⁹ Amaran tulat ta nøga d awedan wa igan daγ øgødrar, ønta a za nugu ød wa d-igmadan ijønnewan.

⁵⁰ Imødrayan-in, a dawan-γannaγ, awa igan daγ šan d øzni, wør z'ilu adagar daγ Taγmar ta n Møššina, wala deγ ilu awa iγaššødan adagar daγ awa wør nøγøššød. ⁵¹ Søsømat, a dawan-øməlaγ øssir: Wør dana-z-iba ketnana, mišan dør iga awen da, ketnana as za nøtøwøsemøttøγ, ⁵² føl arat n amazay, føl ellaf øn šat, γur anasaγ wa ilkaman n asak. Følas ad itøwøsenkørdø asak, tøzzar tøwøsenkørdø-nømmøttan ød tøγøswen wør za nøløs aγšud, nakkanay deγ nøtøwøsemøttøγ.

⁵³ Følas taγøssa ta tøγaššødat, øššil ad tøggøz ta wør nøγøššød edag-net; ta tøtamattit deγ øššil ad tøggøz ta wør nøtømøttit edag-net. ⁵⁴ As tøggøz tøγøssa ta wør nøγøššød edag øn ta tøγaššødat, tøggøz deγ tøγøssa ta wør nøtømøttit edag øn ta tøtamattit, øddi amaran ad z'andu awa ønnan Ælkøttaban as ønnan: «*Tamattant tøttølmaz, tøtawarna, ab'as tu-tølla.*»⁵⁵ «*Ya tamattant, ma tøga tarna-nam? Ma iga endal-nam, was tøddåγay aytedan tønaqqaq-qan?*»⁵⁶ Abakkad a imosan endal øn tamattant, abakkad amaran øššøriγa wa n Ættawret a imosan assahat-net. ⁵⁷ Mišan agøda i Møššina a danay-isasarnin abakkad øs tarrayt n Æmøli-nana γaysa Ælmøsix.

⁵⁸ Daγ adi, imødrayan-in økney tara, zøzzøwøtat daγ øzøγzan-nawan, tazakkem daγ-as s assahat, ad tøtaggim faw s igøt øššøγøl olaγan wa tøtaggim y Æmøli, id tøssånas, øššøγøl issohen wa tøtaggim y Æmøli wør ibbønnan.

Awa d-izdaran day širawt ta

Širgiten d əššərədan wiyad n Əlkənisat

Širgiten y Əlkənisat ta n Yerusalam

16 Day batu ta təqqalat širgiten šin tawaggi-nen i mizdagan win Yerusalam, agat kawanay da, arat was omaray Əlkənisaten šin akal wa n Galatəya. ² Əkkulluk n əzəl wa azzaran day əssuk, akkiyyan day-wan idkâl day awa sər-əs d-iggazan arat was ifrag, ixbər-tu har kawan-in-asa, fəl ad wər iqqəl əšidəw-nawan širgiten y assa-nin. ³ As kawan-in-osex, ad akfa aytedan-nawan win təsannafranam šira a fəl iktâb as aytedan-in a mosan, təzzar əssuqaq-qan Yerusalam ewâyan širgiten-nawan. ⁴ Kud deyx itawanay âs ihôr ad agla nak iman-in, wədi a dər-i idawan.

Işikilan win d-əzaynen

⁵ Kundaba əmməray akal wa n Masedonəya as kawan-in-z-assa, fəlas ad ərzəga akal wa n Masedonəya. ⁶ Iha mijas a çur-wan agay adan, mijas deyx tagrəst ketnet as çur-wan tat-z-əkkəsax, fəl a di-tagim allawtan kawanay iman-nawan s akal was kawan-z-əgməda. ⁷ Tidət as wər arex a kawan-in-asa əmərədda, agay-awan-in assa day əzzikke; fəlas əgeç attama n ad ahaga çur-wan kud ikfi Əməli turagat. ⁸ Əmərədda, ad aqqamay day əçrəm wa n Efez har di day-as d-awəd amud wa n Fəntəkawt. ⁹ Fəlas tənnołam-i day-as tarrayt zəwwərat n əššəxəl, kuddeyx as əgğətan zənga win wər nərə awen.

¹⁰ Amaran as kawan-in-osa Timotay tabəzam-t-in əs man-nawan, a tu-wər-iməl arat as tu-təha tasanet, fəlas əššəxəl y Əməli a iha ənta da, šilat-in.

¹¹ Day adi a tu-wər-alku awedan waliyyan; agiwat-as allawtan fəl a sər-i d-agu əşikəl olâxan fəlas əqqâlax-as ənta əd mədrayan-nana win dər iddew. ¹² Day batu ta təqqalat amadrax-nana Abbolos: əg-

mâya day-as wəllen a kawan-in-asu iddew əd mədrayan-nana win di; igmâd aššak âs wər ila ənnəyat n adi əmərədda. Mišan as igraw s adi, a kawan-in-asu.

Ənnəsixatan d assalaman

Ənnəsixatan win əlkammen

¹³ Agat ənnəyat, təzəzzəwem day əzəgzan-nawan əs Çaysa Əlməsix, təqqələm aytedan wər təha tasa, təssuhem. ¹⁴ Arat kul wa tətəggim, agiwat-tu əs man taha tara.

¹⁵ Əhân-kawan salan n aytedan n ahan wa n Əstefanos; təssânam as əntanay a əzzarnen s əzəgzan əs Çaysa Əlməsix day akal wa n Akayya, əkkâsan deyx iman-nasan s əššəxəl i mizdagan. Onsayaq-qawan za imədrayan-in, ¹⁶ a dasan-tabbardagam, əntanay d id t-illa awedan ihân əššəxəl wa əhan, əs gəlleyat. ¹⁷ Isidawat-i assa wa di-d-iga Əstefanos əd Fortunatos d Axaykos. Assa-nasan idbaç-in təxərəbbet ta sər-i d-eway iba n əšinəy-nawan.

¹⁸ Fəlas issəsmad iman-in, issəsmad deyx win-nawan. Day adi, taget masnat fəl meddan zun win di, təwəsəxməran.

Assalaman win əlkammen

¹⁹ Əhulan-kawan-in nalkiman win Əlkənisaten šin akal wa n Asəya. Ihul-kawan-in deyx Akilas əd Friska əd nalkiman win Əlkənisat ta tətəmanayət day ahan-nasan. Əhulan-kawan-in wəllen wəllen fəl əddəlil ən tassaç ta nəga d Əməli Çaysa. ²⁰ Əhulan-kawan-in mədrayan-nawan day əddin win əllanen da da ketnasan. Tinəməggat assalam zəddigan.

²¹ Təhult awa a din-təgmadat əfus wa-nin nak Buləs. ²² Məššina təlxânaç awedan wa wər nərə Əməli Çaysa! Marana ta, almaçna: Ya Əməli-nana asa-du! ²³ Əgmâya day Məššina a kawan-ikfan araxmat n Əməli Çaysa. ²⁴ Əreq-qawan ketnawan fəl əddəlil ən tassaç ta nəga d Əlməsix Çaysa.

2 Kəl-Korent

Æsənti

Təhult

1 Awa nak Buləs, imosan əs tərəddawt ən Məşşina anammazul n Elməsix Xaysa, nak d amadrax-nana Timotay ənnānen əhulan-in Elkənisat ən Məşşina ta təhat axtərəm ən Korent əd mizdagan kul win əxsarnən daɣ akal n Akayya ket-net. ² Əgmāya daɣ Məşşina di n Abba-nana d Əməli Xaysa Elməsix a kawan-ikfan arraxmat d alxer.

Igodan d ənnəsixatan

³ Təmmal i Məşşina di n Abba n Əməli-nana Xaysa Elməsix, imosan Abba wa n əməhhenən, imos deɣ Məşşina di isasmadan iwallan kul, ⁴ s ənta a isasmadan iwallan-nana a təqqal təssust ta fall-ana təgat, fəl a danaɣ-issəfrəg əs tarrayt n əssəsməd wa itag iwallan-nana, ad nəssəsməd nakkanay da, iwallan n aytedan win fəl təga təs-sust a təqqal. ⁵ Id igət wa iga alyazab wa nənnay fəl əddəlil ən tassaɣ-nana d Elməsix, ənta a təga təsasmit ən wallan ta danaɣ-ihakku Elməsix. ⁶ Kud ətəwəsas wa nəga, təsasmit d efsan-nawan a imos, kud deɣ təsasmit ən wallan a danaɣ-ikfa Məşşina, wədi kawanay as tat-ikfa. Təsasmit tədi təkfi-wan ad təzmərəm y alyazab wa nətaggu nakkanay da. ⁷ Wər kala ad nəga ašşak daɣ attama wa daɣ-wan nəga, fəlas nəssān as, da dər-na tədrawam alyazab, təsasmit ta itaggu Məşşina iwallan-nana da a dər-na tat-tədrawam.

⁸ Amaran imədrayan-in, wər nara a kawan-wər-əhen salan ən təssust ta fall-ana təgat daɣ akal n Asəya. Təgrāw-ana daɣ-as təssust togarat awas nəfrag a dər-əs nəzəzzəydər, fadda har nəkkas at-tama ən man-nana. ⁹ Tidət as imāl xur-naɣ as, wər dana-t-illa ar tamattant. Arat wa, igrāw-ana fəl ad nəssən as wərge iman-nana, kalar Məşşina s ənta a d-isankaran inəmməttan, xas, as ihor a daɣ-as nagu attama-nana. ¹⁰ Ənta a dana-d-ikkasan daɣ tazak labasat ən tamattant ta nəggaz den, ənta a dana-du-z-ikkəsən daɣ adag šilat ən wen. Nəgā deɣ attama n as, i tu-nəggaz, a dana-d-ikkəs. ¹¹ Amaran kawanay tədhālam-ana əs mansay wa dana-tətag-gim Məşşina; adi a fəlas, arraxmat ta za nəgrəw əs təwatriwen n aytedan aggotnən, a du-tawəy s

aytedan aggotnən wiyyad ad əggudəyan i Məşşina arat wa danaɣ-iga.

Buləs isasagru işikilan-net

Buləs isammattay ənnizam ən šikilan-net

¹² Amaran ənta da abarag-nana: wər nəssen fəl ark arat daɣ əddənət ta da as dana-z-əbəzan man-nana, wəllen daɣ tassaɣ ta dər-wan nəga. Wər nəga əmazal əs wərgeɣ əwəl iyyanda zəddigan wa ihakku Məşşina as tu-nəga. Arraxmat ən Məşşina a danaɣ-təssəfragat awen, wərgeɣ a d-ihān əs mas-nat n aggadəm. ¹³⁻¹⁴ Fəlas šira šin dawan-in-nəkattab, wər daɣ-asnat nəssoka arat waliyyan wər nəmos wədi da təxarrim əddi, təgrām-tu. Kud dana-wər-təgem əgərri olāxan əmərədda, da əgəɣ attama-nin daɣ ad tawədam a dana-tagim əgərri ik-mālan, tagim fəl əddəlil-nana abarag wa danaɣ-isassaga wa-nawan, əzəl wa du-z-asu Əməli[-nana] Xaysa.

¹⁵ Ikus wa əgeɣ ašşak daɣ adi, a fəl otasaɣ a sər-wan in-izara, fəl ad təgrəwam daɣ assa-nin tənfa təmosat ənətfus; ¹⁶ akəyaɣ-qawan s akal wa n Masedonəya. As d-əgmada Masedonəya a kawan-d-əqqəla, tagim-i allawtan y əšikəl wa z'aga s akal wa n Yahudəyya. ¹⁷ Awak gəlleyat a wər əgeɣ daɣ attas wa əgeɣ a kawan-in-asa? Məx ak aratan win as areɣ igi-nasan, wər əmosan ar deranan n ag-gadəm, igannin «ayew» as iga amazay ad annu «kala»? ¹⁸ Iggəyyat Məşşina as, awa dawan-nənna, wər imos «ayew» irtāyan əd «kala» ¹⁹ Fəlas Xaysa Elməsix di n Barar ən Məşşina was dawan-nəga isalan-net, nak əd Silfanus əd Timotay, wər isərtəy «ayew» əd «kala». Kalar «ayew» xas a inna Məşşina əs tarrayt-net. ²⁰ Almaɣna n awen as arkawalan ən Məşşina ketnasən «ayew» a əmosan daɣ Elməsix, adi da deɣ a fəl nəmmāl adkul ən Məşşina əs tənna ta nətaggu «Amin» əs tarrayt ən Xaysa Elməsix. ²¹ Amaran, tartəyt ta nəga d Elməsix, nakkanay dər-wan, Məşşina iman-net a tat-isassahen, isannafran-ana, ²² issəwar-anaɣ deɣ ejwal-net alwaq wa d-iga Infas wa Zəddigan daɣ wallan-nana, imos awen təsukəst n ašşak daɣ arozan win as ilkam a danaq-qan-akfu.

²³ Məşşina a daɣ-i z'ibəzan iman, əgeq-qu təgəyya as, wər din-əqqəla axtərəm ən Korent ar fəl as wər areɣ a dawan-əššita axtəud ən man; ²⁴ amaran areɣ ad təssənəm as wər nəgəmməy d a

kawan-nəşəhhəşşəl arat waliyyan daɣ batu ta n əzəgzan-nawan, kalar ənəməşəɣal ɣas a dər-wan nəga daɣ arat wa kawan-z-isəffəliwəsan, fəlas əzəgzan-nawan issohat.

2 Adi a fəl əgeɣ tanat təmosat as ənnəɣ: wər z'ələsaɣ aɣşud ən man-nawan s iyyan assa. ² Fəlas, nak as əɣşada iman-nawan, awak ma di-z-isəddəwen, ar kawanay win as əɣşadaɣ iman? ³ Adi a d-ewayan as a dawan-in-əktaba širawt fəlas wər areɣ a kawan-in-asa təɣşədam iman-in, kawanay win as ihor a di-təsəffəliwəsam; fəlas əkkâsaɣ ašşak as, arat wa di-isaffalawasan, kawanay da isifalawas-kawan ketnawan. ⁴ As dawan-in-əktabaɣ širawt tədi, təga fall-i təssust labasat, isâs-i əwəl-in, əffâyan daɣ-i məttawan. Amaran wər dawan-tat-in-əktebaɣ fəl ad əɣşəda i man-nawan, kalar fəl ad təssənam daɣ təzzəwwərt ən tara ta dawan-əgeɣ.

Təsureft i nadlaman

⁵ Amaran kud iyyan daɣ-wan a d-ewayan aɣşud ən man daɣ anamod iyyan, wərgəɣ nak as iɣşad iman, kalar ketnawan as dawan-tan-iɣşad, made z'anna fəl təksəda ən təsəssikəyt iɣşad-tan y arat daɣ-wan. ⁶ Awedan wədi, igd-âs əsənnərgəɣəm wa das-təga tašşam-nawan. ⁷ Əmərədda ofa a das-təs-şurəfam, təsəsmadam əwəl-net, fəl a tu-wər-iɣləb əɣşud ən man, ihlək. ⁸ Daɣ adi, onsâyaq-qawan a tu-tassaknim tara ta das-təgam. ⁹ Id iyyan əddəlil wa fəl dawan-in-əktaba širawt tədi, tara a əgeɣ a kawan-ajjarraba əssənaɣ kud təlkâmam y arat kul wa dawan-ənnəɣ, wala. ¹⁰ Amaran awedan kul was təssorəfam, nak da, əssorəfaɣ-as; arat deɣ wa əs-sorəfa den, kud ənta ill-ay fadda a əssorəfaɣ y awedan, a das-əssurəfaɣ arat kul was kala a di-t-iga fəl əddəlil-nawan, dat Əlməsix, ¹¹ fəl ad wər igrəw Ašşaytan tarrayt waliyyat n a danaɣ-akkar-ras, id wər danaɣ-ədreɣnat təmərkas-net.

Buləs daɣ aɣrəm ən Trowas

¹² Alwaq wa din-oseɣ aɣrəm n Trowas y a daɣ-as əxtəbaɣ isalan n Əlinjil n Əlməsix, or-i daɣ-as Əməli tarrayt n adi, ¹³ mišan harkid awen, wər tənəsa ən-nəyat-in, fəlas wər daɣ-as əgrewaɣ amadrəy-nin Titəs. Adi a fəl namagga əd nalkiman win əhanen Trowas šiwatriwen, əgmadaq-qan s akal ən Masedonəya.

Buləs isasagru əşşəɣəl-net wa n arkawal ən tassaɣ wa aynayan

Buləs isasagru əşşəɣəl-net

Tarna ta igraw Əlməsix

¹⁴ Nətaggu igodan i Məşşina a danaɣ-itaggin faw y əddənet əsəkni a itaggu əmənokəl ikefəlan a d-

oɣâ. Arat wen ig-anaq-qu fəl əddəlil ən tassaɣ-nana d Əlməsix isâknin agaraw-net tarna fəl Iblis. Ənta deɣ a iziwəziwizan əs tarrayt-nana daɣ adag kul aɣu izodan wa təmos masnat n Əlməsix. ¹⁵ Id aɣu izodan a nəmos əs Məşşina, a sər-əs in-igmâdan Əlməsix. Aɣu wa, iwizawaz daɣ aytedan win əhanen tarrayt ta n əlɣillas əd win əhanen tarrayt ta n əhluk. ¹⁶ Aytedan za win əhanen tarrayt ta n əhluk, nəmos-asan aɣu ən tamattant, a d-itawayan sər-san tamattant. Aytedan amaran win hadatnen, nəmos-asan aɣu ən təməddurt, tan-issodaran. Awak ma ifragan igi n əşşəɣəl ogdân d awa? ¹⁷ Nakkanay, wər nola d aytedan aggotnen, əganen jola daɣ awal ən Məşşina. Kalar daɣ tassaɣ ta nəga d Əlməsix nəmmâl dat Məşşina awal-net s əwəl iyyanda, amaran nəssân as Məşşina a dana-izammazalan.

Buləs, amaşşəɣal a imos n arkawal ən tassaɣ wa aynayan

3 Awak eməlan wiyyad a nətaggu iman-nana? Məɣ ak addararat a nəga əs šira a danaɣ-z-akfinen ɣur-wan udəm, madeɣ nəddirar s a danatanat-tagim, awa taggin aytedan wiyyad? ² Kala kalar kawanay iman-nawan as təmosam širawt-nana, təktâbat daɣ wallan-nana, issân awedan kul, iɣr-et deɣ awedan kul. ³ Təssiknam deɣ tişit-nawan širawt n Əlməsix, təktâbat s əşşəɣəl-nana, wər nəkteb əs taddawat, kalar Infas ən Məşşina di iddaran əs təktab; wər təkteb fəl əsəllum ən təhunt, kalar iwallan a daɣ təktab. ⁴ Ašşaddat n attama wa nəga daɣ Məşşina əs tarrayt n Əlməsix a fəl nənneɣ adi. ⁵ Wərgəɣ ašşaddat n as ill-ay arat waliyyan as nəfrâg igi-net gar-ena əd man-nana, kalar Məşşina a danaɣ-ihakkin fərregat n igi-net. ⁶ Ənta deɣ a danaɣ-issəfragan ad nəqqəl imaşşəɣalan n arkawal ən tassaɣ ta təynayət, wər nəmos əlqanun iktâban fəl səlluman, kalar tassaɣ a imos iktâb Infas wa Zəddigan daɣ wallan n aytedan; fəlas əlqanun wa irəwan iktâban fəl səlluman, tamattant a d-itaway s aytedan, amaran tassaɣ ta iktab Infas wa Zəddigan daɣ əwəl, təməddurt a sər-san du-tətaɣay.

Buləs imâl dad imməzray arkawal ən tassaɣ wa irəwan d arkawal ən tassaɣ wa aynayan

⁷ Ənnizam n əlqanun amaran wa d-itawayan tamattant s aytedan, isəlluman ən təhun a fəl iktab. Izizzabbat-t-idu Məşşina fəl Musa daɣ ənnur, s awa iga daɣ assahat, indar i Kəl-İsrayil ad əswədan daɣ udəm-net. Ənnur en da za arat ilakkayan a imos. ⁸ Əngəm-in za ənnizam wa d-ifalan Infas wa Zəddigan, iktaban daɣ wallan n aytedan, išşaqal daɣ-san! Manəmmək as wər z'agər wen tanaya? ⁹ Fəlas kud ənnizam n əlqanun wa d-itawayan s aytedan attadib, ila tanaya, wədi, ma dər za tagdu şigrat ən tanaya ta tu-z-agu ənnizam ən tarrayt ta təynayət wa d-itawayan s aytedan taqqat? ¹⁰ Iqqal as, arat wanad iknan təla ən tanaya, ab'as ila

tanaya əmərəddə fəl awa das-təga tarrayt ta tay-nayat dağ şigrat ən tənaya. ¹¹ Fəlas kud arat ilakkayan osa-du əs tanaya, adi za ma dər za tagdu şigrat ta tu-z-agu wa t-illan faw tanaya!

¹² Dad nəga attama ogdân d awen, wədi nəhal ad nammazal awa nərə ši wala tasa. ¹³ Nakkanay wər nəga awa iga ənnəbi Musa, issəlsan udəm-net afər fəl a dağ-as wər əswədan Køl-İsrayil iket di ad t-igammad ənnur wa imalawlawan dağ udəm-net.

¹⁴ Mişan tawasayaran wallan-nasan y awen, id har azalada, as yarrin Elkəttaban win arkawal ən tassağ wa irəwan, şilat n as harwada ill-ay, igdal-asan əgərri n Elkəttaban, id afər wen, tassağ d Elməsix ças a ifragan ikus-net. ¹⁵ Awalla, har azalada, çar-rin elkəttaban n ənnəbi Musa, mişan wər tan-əgren, fəlas afər wen a ilsan iwallan-nasan. ¹⁶ Tə-tubt ças s Əməli a itakkasan afər wen. ¹⁷ Amaran Əməli, Infas a imos. Awedan dəğ wa iggaz Infas n Əməli, wədi illəllat. ¹⁸ Nakkanay ketnana win as itawakkas əfər wen fəl udmawan-nana, nəswād dağ tanaya n Əməli şilan n as iswad awedan dağ şışet. Isamattay-ana Əməli, s ənta Infas a imos, s əşşəğəl wa itaggu dağ wallan-nana, išaşal-ana əd man-net, tətittəy dağ-na tanaya-net.

Tidət a dağ nəsusin aytedan

4 Adi fəlas, dad zamas as ihanattat-ana Məşşina ig-ana dağ əşşəğəl ən tarrayt ta taynyat, wədi wər za nəqqəl dəffər-na; ² nakkanay nəmmiz-zay d ark mazalan sikərükidnen win tamazalan aytedan dağ əssir, wər nəgəmməy əd təkərras n awedan waliyyan, wala nəsafrağ awal ən Məşşina. Kalar emel wa nətaggu tidət əs təməwit təzdarat, nəgəmmay sər-əs əsəfləs ən man-nana y əkkulluk n awedan dat Məşşina. ³ Aytedan win əhanen tarrayt n əhluk ças as ilsa arat isalan n Əlinjil win nətaggu, wər tan-əzzəgzanan. ⁴ Wər əzzəgzanan fəlas İblis wa n əməli n əddənet ta, a tan-isaddarçalan; igdal-asan anay n ənnur wa d-igammadan Əlinjil, ənnur wa isaknin tanaya n Elməsix imosan şaşşelan ən Məşşina.

⁵ Nakkanay isalan win nəmmâl, wər dağ-san nəmmil iman-nana, kalar emel a nətaggu as Çaysa Elməsix a imosan Əməli, nəmmâl dəğ as eklan-nawan a nəmos fəl əddəlil ən Çaysa Elməsix. ⁶ Id Məşşina a innan: «*İmələwləwet ənnur dağ şiyay*», ənta iman-net a imalawlawan dağ wallan-nana, ikf-anay ənnur, a t-imosan masnat ən tanaya ən Məşşina ta təmələlawlat dağ udəm ən [Çaysa] Elməsix.

Əşşəğəl ən Buləs: Təməddurt ən Çaysa əd təmattant-net

Anammazul Buləs aggadəm a imos irkaman zun aytedan kul

⁷ Mişan ərrezəğ wa, imosan masnat ən tanaya ən Məşşina, ikassan ən talaq, as nakkanay a tan-

imosan, a dağ-qu neway, fəl ad itəwəssən as, tarna wər nəla əddukad ta, şin Məşşina, wərgəç şin-nana. ⁸ Wər t-illa dağ ətəwəsas wər nətawagga, mişan wər kala nətawayalab; əqqanan çafawan-nana, mişan wər nətəkkəs attama. ⁹ Faw nəti-wadgaz mişan wər danay-oyya Məşşina əd man-nana; nətawagadlu mişan nənakkar-du. ¹⁰ Fawda nəha tazak n igi ən tamattant şilat ən ta iga Çaysa, fəl ad tətəwənəy təməddurt-net ənta da dağ təçəswen-nana. ¹¹ Fəlas nakkanay win əddarnen, faw nəha tazak ən tamattant fəl əddəlil ən Çaysa, fəl ad tətəwənəy təməddurt ən Çaysa s əlluğ dağ təçəswen-nana əmosnen arat itamattin. ¹² Adi a fəl nəha faw tazak ən tamattant, fəl ad təggəzam kawayay tarrayt n agaraw ən təməddurt ta təğlalət.

Awa d-ixsalan dağ təməddurt n aytedan win Køl-Korent

¹³ Əzəgzan-nana ola əd wa ittəmalan dağ Elkəttaban as ənnan: «*Əzzigzanay! Adi a fəl əşşəwalay.*» Nakkanay da əzəgzan wen da a nəga, adi a fəl nəşşəwal nakkanay da. ¹⁴ Id nəssân as, Məşşina a d-issənkarən Əməli Çaysa dağ tamattant, a dana-d-issənker nakkanay da nəddew əd Çaysa, təzzar is-səbdəd-ana dat-əs nakkanay dər-wan. ¹⁵ Fəlas awa ketnet tənfa-nawan a fəl tu-nətaggu, fəl a dinta-wəd arraxmat n Məşşina aytedan aggotnen, igatan godan i Məşşina, fəl zazwar-net.

Ad wər nəkkəs attama gər za nətaçazzab wala natamattat

Tanaya təğlalət ta du-təzayat

¹⁶ Adi a fəl wər za nəqqəl dəffər-na. Kud imos as şiyəswen-nana ta n əmində a əhanat, da iwallan-nana əntanay akk əzəl ətiwaşayaynan. ¹⁷ Fəlas təssust fəsusat wər za nihag ta nənnay əmərəddə, a dana-za-takfit adkul iknan təzəwwert ixlâlan. ¹⁸ Nakkanay wər nəswəd dağ aratan win tawanay-nen, kalar win əhanen ətənkul a dağ nəswəd; fəlas awa itawahannayan, wər itihag; as iga awen, awa ihan ətənkul, ənta ixlâl.

Nəsikalal iket di ad nəha əddənet

5 Nəssân as ihəktan win nəha əmərəddə, al-mayna şiyəswen-nana, ad əhləkan, amaran isimatag-ana Məşşina dağ jənnawan şiyəzmen əylâlnen, s ənta iman-net a tanat-ikrasan wərgəç ifassan n aytedan. ² Amaran ihəktan win nəha əmərəddə, osaynat fall-anat təhənəffa, nəsidaran wəllen ad nagu i nan-nana win jənnawan iguz a itag awedan i səlsa aynaynen fəl wiyyad waşşar-nen. ³ As iga adi, ad nəstər, wər za nəqqəl iman ças wər nəha taçəssa. ⁴ Tidət as ihəktan win nəha əmərəddə əmosan-ana şilat n əzuk zəwwəran a danay-isihənəffen, eges wərgəç fəl aşşaddat ən

tara n əməzzəy dər-san, kalar fəl aššaddat ən tara n iguz ən təxəswen-nana šin jənnawan, fəl ad təlməz təxəssa ta təxlalat, ta wər nəxləl. ⁵ Amaran Məššina iman-net a danax-isammatagan awen, isattadd-anax əs təhakkay ta danax-iga Infas-net as, ad agu awen.

Nəkna igi n attama id tara a nəga gərrezat y Əməli

⁶ Dağ adi faw təkna ənnəyat-nana id nəssân as, iket təmos təxəssa ta ehan-nana, nəggug Əməli. ⁷ Fəlas awa nəzzəgzan as nəlcam, wərgex awa nəhannay əs šittawen-nana. ⁸ Awalla adi a fəl ən-nex təkna ənnəyat-nana, mišan nəsof wəllen ad nəgməd təxəssa ta nəha əmərədda s ahan-nana wa xur Əməli. ⁹ Awen da a fəlas, gər za nəha təxəssanana wala dəx wər tat-nəha, wər nədgez ar dağ a das-nəgrəz. ¹⁰ Fəlas kundaba nəbdad ketnana dat Əlməsix, işrəx-ana. Akkiyyan dağ-na ad igrəw awa dər ahoran mazalan win iga harwa iha təxəssa-net, gər za win olağnen wala win wər nolex.

İmašşaxalan ən Məššina a nəmos, nəmos dəx almawakkilan-net

Əššəxəl wa n igi n alxer gar-ena

¹¹ Dağ adi, dad zamas nəssân awa təmos təksəda n Əməli, nəgammay dağ aytedan a sər-əs əz-zəgzanan əs gəlleyat. Məššina issân wəllen awa nəmos, amaran əgex attama n as kawanay da təssânəm wəllen dağ wallan-nawan awa nəmos. ¹² Wərgex təmmal a nəllas iman-nana xur-wan, kalar əddəlil xas a kawan-nəhakku n igi ən baragan fall-ana, fəl ad tilem a tənnam y aytedan win tagginen ibaragan fəl awa iwaran azzahir, imos sokni wərgex təla n əwəl zəddigan dat Məššina. ¹³ Kud a itawannan tayttay-nana a dana-təgmədat, wədi sağmar ən Məššina a fəl nəga adi; kud dəx wər dana-təgmed, wədi tənfa-nawan a imos. ¹⁴ Fəlas tara ta danax-iga Əlməsix a tənnodat dağ arat kul wa nətaggu. Id nəzzigzan as awedan iyyanda, a t-imosan Əlməsix, a immutan dağ adag n aytedan kul; dağ adi aytedan kul əddewan dər-əs dağ tamattant ta iga. ¹⁵ Aba-tu dağ adag n awedan kul, əgrawan aytedan təməddurt taynayət s əssəbab-net. İgâ awen fəl ad ammazayan əd təməddurt dağ wər əlkəman ar i tara ən man-nasan. Kalar ad əlkəman y Əlməsix a immutan fəl əddəlil-nasan, itawasankar-du dəx dağ tamattant. ¹⁶ Adi a fəlas əmərədda ab'as nəga dağ awedan waliyyan iduf wa dağ-as əgan aytedan; kuddeğ as kala ad nəttaf Əlməsix dağ adag wa dağ t-əttafan aytedan, mišan əmərədda wər tu-nəttef dağ adag wen. ¹⁷ Dağ adi awedan wa ilan tassağ d Əlməsix, iqqal taxlək taynayət. Ab'as imos awedan was kala a t-imos, fəlas təməddurt tas kala tat-iga iğrad dər-əs; təggaz iyyat taynâyat edag-net. ¹⁸ Amaran

awen kul Məššina a t-igan, ənta a danax-iknan əd man-net əs tarrayt n Əlməsix, ikf-ana dəx nakkanay əššəxəl imosan igi n alxer, ¹⁹ imosan as: Məššina eway-du alxer gar-es d əddənət ketnet əs tarrayt n Əlməsix, ab'as fall-asan ittaf ibakkadan-nasan. Əntanay da da isalan n igi n alxer win as danax-inna a tan-nagu y aytedan. ²⁰ Dağ adi nakkanay almawakkilan n Əlməsix a nəmos, id Məššina iman-net as kawan-iğarru əs tarrayt-nana. Nonsay-kawan fəl udəm n Əlməsix ad təkna əd Məššina! ²¹ Əlməsix wər t-iwer abakkad waliyyan, mišan is-səwar-tu Məššina fəl əddəlil-nana ibakkadan-nana, fəl a sər-na du-tawəy tassağ-nana dər-əs taqqat dat Məššina.

6 Dağ adi, dad imos as nəha əššəxəl wa dağ iha Məššina, nəgmây dağ-wan ad wər təsəbbənənam arraxmat ən Məššina ta təgrawam da. ² Id Məššina iman-net as inna: «*As d-ewad alwaq wa dağ kawan-z-akfa arraxmat-in, ad əqbəla šiwatriwen-nawan, as d-ewad alwaq wa dağ kawan-z-əxləsay, a dawan-ilalay.*» Ənəyat za alwaq wədi, ewad-du, ənta da da dəx əzəl wa n əlxillas-nawan.

Awa immozal Buləs əd tağaray ta iga Kəl-Korent

³ Wər nətəggu arat waliyyan as z'iqqəlan təsənkəft y awedan waliyyan, fəl ad wər itəwənəy lahan waliyyan dağ əššəxəl-nana. ⁴ Kalar arat kul wa nətaggu, nəsaknu dağ-as as imašşaxalan ən Məššina dağ a nəmos əs zəmmerat tagget ta nəga i təssust, d ašşawaša əd təməğutar, ⁵ əd təwit, əd kasaw. Nəzmər dəx dağ alyazab wa nəga dağ tənəjarwayen šin fall-ana əganen, d əššəxəl labasan wa nətaggu, d-iba n agaraw s etəs əd gələk. ⁶ Nəsaknu tišit-nana imašşaxalan ən Məššina əs man zaddog-nen, əd masnat ta nəgraw, əd təzaydart ta dana-təhat, əd man mallolnen. Nəsakn-et dəx əs tədhəlt ta danax-iga Infas wa Zəddigan əd tara təgât s əwəl iyyanda ta dana-təhat. ⁷ Nəsaknu tišit-nana imašşaxalan ən Məššina s awal imosan tidət wa nəmmâl, əd fərregat ta danax-ikfa Məššina. Nəsaknu tišit-nana imašşaxalan ən Məššina əs təzoli n əməgər ta n taqqat tas za nammagar naggəz iman-nana. ⁸ Gər za nətiwasaymar wala nətiwalka; gər za nətawarbad wala nətatamal, nakkanay tidət a nəmmâl, kuddeğ as itiwattaf as əsəxrək a nətagg aytedan. ⁹ Nətiwazday wəllen, mišan šilat n as wər nətawazday. Nəššigga dağ tamattant, mišan harwada nəddâr. Nətawaddab mišan wər nətəwənğu kərəz. ¹⁰ Əğşâdan man-nana mišan wər danax-igdel awen as faw nəfilawas. Wər nəla wala mišan nəsağgargas aytedan aggotnen; wər nəla wala, ənta arat kul i-nana.

¹¹ Ya işəqqayən-nana win Kəl-Korent, awa ihan iman-nana a dawan-tu-nəmmâl s əwəl iyyanda, amaran nolâm-awan iwallan-nana. ¹² Nakkanay wər dawan-nəxfel iwallan-nana, kawanay amaran təxfalam-ana win-nawan. ¹³ A dawan-anna awa

z'annay i bararan-in: Aləmat-ana iwallan-nawan, zun awa dawan-nəga.

Ammar n aytedan s ad izdagan

¹⁴ Ad wər tətasağam d aytedan win wər nəz-zəgzan s Elməsix. Manəmmək as z'asəx əlluğ d əşşur, wala asəx ənnur əd šiyyay? ¹⁵ Ma imos arat wa fəl z'inəmənnək Elməsix d Iblis? Ma idraw awedan izzigzanan s Elməsix d iyyan sər-əs wər nəzzəgzan? ¹⁶ Ehan n Əlxibada ən Məşşina dəx ma təmos tərəddawt ta z'agu d əssənəman? Fəlas nakkanay a əmosnen Ehan ən Məşşina di iddaran, id Məşşina a innan: «*Ad əxsəra dağ aytedan-in, idawa dər-san; əqqələğ Əməli-nasan, əntanay dəx əqqəlan tamattay-nin.*»¹⁷ Awen dağ a fəl inna Əməli: «*Əgmədat-du aytedan win wər nəzzəgzan, tammazzayam dər-san, ad wər tədəsam a immi-dasan, əddi a kawan-əqbəla.*»¹⁸ *A dawan-əqqələğ abba, təqqəlam bararan-in əd təbararen-in, adi a inna Məşşina di n əməli ən tarnə kul.*»

7 Dağ adi, imaran-in, dad zamas tawaggan-ana arkawalan win, zəzdəgat-ana iman-nana dağ arat kul wa isamadasan tağəssa d ənnəyat. Nağət tazdak təkmalat, iga awen əs təkşəda ən Məşşina.

Tədəwit ən Buləs yur tətubt ən Kəl-Korent

² Aləmat-ana iwallan-nawan, nakkanay wər kala ad nəga təkma y awedan waliyyan, wala nəğşād-as arat wala dəx nətša alxaq-net. ³ Wər ənnəy adi fəl a kawan-əssəwəra lahan waliyyan fəlas əmələğ-awan dat adi as nəsinahal-kawan tara. Təməddurt wala tamattant wər za təkəkəş tara tədi dağ wallan-nana. ⁴ Wər dağ-wan əgeğ aşşak waliyyan. Tagga abarag dağ batu-nawan. Dağ təssust kul ta nənay təkna talğa-nawan təsasmit n əwəl-in, amaran təfalawist-in wər təla əddukad.

⁵ As du-nosa akal ən Masedonəya wər kala ad nəgraw əs təsanfawt, kalar nəbdād dağ təməğutar labasnen as wər t-illa a dağ wər əgenat. Tagganat tamazağən dəğma-nana, amaran təh-āna tasa. ⁶ Mişan Məşşina di n ənəssəsməd ən man n i s əğşadan man-net, isasmad iman-nana s assa wa dana-d-iga Titəs. ⁷ Wərgəğ assa-net ças a danax-olaman fəl man; kalar əkənni wa das-təgam iman, d as iməl-ana əsənnəhəl wa təgam tara n a di-tənəyam, əd təmagrizt ta təgam, d əddəğuz wa təgam dağ awer n aganna-nin; adi, a iknan əsəffəli-wəs ən man-in.

⁸ Ab'as əmməğraza şirawt ta dawan-in-əktağa, kuddeğ as idās-i as əmmiğrazağ akatab wa dawan-tat-in-əgeğ, fəlas əssānağ as təğşād iman-nawan, mişan ya ağşud di wər ihog. ⁹ Fadda əmərədda isidawat-i as dawan-tat-in-əktağağ, wərgəğ fəlas təğşad iman-nawan, kalar fəlas ağşud wa əgan man-nawan əddi, eway-du sər-wan tətubt dağ bakkadan-nawan. Əzzənəf n əğşud ən man wədi dağ a ira Məşşina y aytedan-net, dağ adi wər

dawan-nəğşəd arat waliyyan. ¹⁰ Fəlas Məşşina ifrâğ a sər-na d-awəy ağşud ən man fəl ad nutab dağ bakkadan-nana, awəy-du sər-na əğğillas. Wər danax-ilkem ad nəmmiğraz əzzənəf n əğşud ən man wədi. Ağşud ən man amaran wa sər-na du-teway əddənət wər d-itaway tətubt, təsəlkamt-net tamattant. ¹¹ Ənəyat iket n əsəbdəd wa kawan-iga əğşud ən man wa ira Məşşina. Əsəbdəd wen ənta a d-ewayan gəlleğat ta təgam, d agğaz wa təgam iman-nawan, d alham wa dağ-wan iga, əd tasa ta sər-wan d-eway, d əsəddiran wa təgam anay-nin, d əddəğuz wa təgam dağ amazal n awa olaxan, d agğay wa sər-wan d-iga tara n ad awwaddaban aytedan win tagganen təkma. Təssiknam dağ anamod kul as, wər tələm lahan waliyyan dağ talğa tədi.

¹² Dağ adi şirawt ta dawan-in-əktağağ əddi, wər tat-in-əktağa fəl əddəlil n awedan wa iga anax amazal wala was itawagga; kalar əktābağ-awan-tat-in fəl ad tətawasaknu gəlleğat ta təgam dağ batu-nana dat Məşşina. ¹³ İknā adi iman-nana. Amaran əkənni wa əgan man-nana den, iwar-tu as, isidawat-ana wəllen anay wa nəga Titəs ikna təfalawist fəlas ketnawan as das-təknam iman. ¹⁴ Əgeğ-as abarag fall-awan, təqqimam wər di-təz-zəbazam təkarakit. Amaran wər kala a dawan-nən-na arat wər nəmos tidət, abarag dəx wa nəga i Titəs, ənta da, iqqal tidət. ¹⁵ İkn-iwan tara, wəllen as d-ikta əbərdəğ wa təgam ketnawan y igi n awa inna əd sağmar aggen wa tu-təssəknam. ¹⁶ İket təfalawist əgeğ-qat, fəlas əfrāğax a fall-awan saffalla dağ arat kul.

Şirgiten əmosnen tadhəlt n əlməsixitan win əğrəm ən Yerusalam

Tadhəlt d igi ən tənfa y aytedan

8 İmədrayan-in, nəra a dawan-nagu isalan n ar-raxmat ta iga Məşşina y Əlkənisanen şin əhanen akal ən Masedonəya. ² Təssust labasat ta tanat-təğrawat, d əlləqqəw labasan wa tanat-idgazan wər dasnat-igdel igi ən təfalawist s awa təga dağ təzzəwwərt, teway-du sər-əsnat igi ən təhək n əlləllu iknan təzzəwwərt. ³ Fəlas silakanax-awan as, arat wa əfragnat a əragnat, fadda awa əkfanat, oğar awa əlanat, amaran əğānat awen gar-essanat əd man-nasnat. ⁴ Fadda mansay a dağ ədgāznat a danax-əganat a tanat-nayyu əğrəwnat ar-raxmat n ad ədhəlnat imizdagan win əğrəm ən Yerusalam əntanay da. ⁵ Arat wa əganat, oğar was nəga attama-net, ad t-imosan as azzarnat tehakkay ən man-nasnat y Əməli, dəffər adi əkfanat-anax iman-nasnat, imos awen arat ira Məşşina. ⁶ Adi a fəl nədgaz Titəs, s ənta a dağ-wan d-igan əstizarat ad tagim şirgiten, a dawan-ilal s ad tassandim əşşəğəl wa, imosan ar-raxmat. ⁷ Dad zamas təbbilalam s arat kul: almağna təknam təla n əzəgzan, təknam mas-

nat n awal, təknâm təla ən masnat, təssânam gəlle-yat daɣ arat kul, tədgâzam daɣ tara ta dawan-nə-ga; wədi arraxmat ta imos igi ən tərgiten da ədgəzat daɣ-as wəllen.

⁸ Wər dawan-ganna imos fall-awan əššil igi n adi, kuddeɣ as Əlkənisaten šin hadatnen əknânat tara n igi-net. Kalar tara ɣas a əgeɣ ad əssəna da du-təqqal tara ta kawan-təhat. ⁹ Təssânam daɣ arraxmat ta danax-isəknə Əməli-nana ɣaysa Əlməsix. Ənta wa n əməggərgəs, isallaqqaw iman-net fəl əd-dəlil-nawan, fəl a kawan-isəggərgəs kawanay s ələqqəw-net. ¹⁰ Ənta da ənnəsixa wa dawan-əgeɣ daɣ batu tədi: of-awan ad təsəkkəsəwam arat əs kawanay iman-nawan ad t-issəntan ila adi əmərəd-da awatay, fəlas kawanay a zzarnen s igi-net, kawanay deɣ a t-id-iktan harwa daɣ tizarat. ¹¹ Daɣ adi əmərədda agiwat daɣ əsəkkəsəw n əššəxəl di, əddəguz wa təgam as t-idu-təssəntam. Ərəgat daɣ arat a iqqal wa təlam awas təfragam širgit-net. ¹² Fəlas kud daran issohen ill-ay wədi təhəkkut ad tətəwəqbəl s əlluɣ ewal awen s awa nəla wərgəɣ awa wər nəla. ¹³ Wərgəɣ agamay a tagga ad əsənəfləyax aytedan wiyad, kawanay amaran əsəmməxiteraq-qawan. Kalar agamay ɣas a tagga ad tənəmiwəyam. ¹⁴ Əmərədda kawanay a əbbəlalen, immikkan ad tilalam y aytedan win tələqqawen; as iga adi, as ənnəflayan a dawan-ilalan əntanay da əzəl wa ad təmaɣataram. Əmmək wədi as za tənəmiwəyam. ¹⁵ Ənnan Əlkəttaban: «Awedan wa iššədawan a əggen, wər iššədaw a t-ogaran; wa iššədawan a əndərran, wər ikataytay.»

Batu ta təqqalat Titəs daɣ ənnizam wa n šir-giten y Əlkənisat ta n Yerusalam

¹⁶ Əggədayax i Məššina a ikfan Titəs gəlle-yat daɣ batu-nawan šilat ən ta daɣ-as əgeɣ. ¹⁷ Fəlas wərgəɣ tərəddawt ɣas a iga s arat wa daɣ-as nəg-may, fadda issəwar adi as d-inkar gar-es əd man-net ikk-iwan-in fəl gəlle-yat a iga daɣ batu-nawan. ¹⁸ Nəššədaw-t-in d amadray-nana iyyan əs Əlkənisaten ketnasnat əmmâlnat əššəxəl wa itag-gu daɣ batu n Əlinjil. ¹⁹ Ənta deɣ a sannafərran Əlkənisaten y a dər-naɣ iddaw daɣ əšikəl wa za nagu newây arraxmat ta əmosnat tərgiten šin, y a dər-əs annattaf, nassaknu s adi adkul-nana Əməli d əddəguz wa nəga daɣ tilalt y aytedan. ²⁰ Təmos tidawt-nana dər-əs ədərreg y a danax-itəwəsəwər lahan a iqqal daɣ talxa n ənnəttaf wa nəga əd təhəkkut zəwwərat ta. ²¹ Fəlas nəgammay awa olaɣan dat Əməli d aytedan, nəgammay deɣ amazal sər-əs.

²² Meddan win sər-wan in-nəzammazal, nəššədaw-tan-in d amadray-nanax iyyan. Amadray-nana wa, nərâm-tu daɣ taklaten aggotnen əs təməwiten aggotnen, faw iglây, wəllen əmərədda fəl awa dawan-iga daɣ fəllesat. ²³ Daɣ batu ta təqqalat Titəs, əmidi-nin a imos dər ədrəway əššəxəl wa dawan-taggaɣ, amaran daɣ batu ən mə-

drayan-nana win hadatnen win dər iddew, əntanay inəmmuzal a əmosan n Əlkənisaten, əşyâlnen gam-mayan adkul n Əlməsix. ²⁴ Daɣ adi, sakniwat-tan tara ta kawan-təhat d əddəlil wa nəla s igi ən baragan daɣ batu-nawan fəl a daɣ-san əkkəsənat Əlkənisaten aššak, ənəynat-tan.

9 Daɣ batu ta təqqalat tadhəlt ən mizdagan wər əddərara s a dawan-in-əktəbəɣ širawt. ² Fəlas əssânaɣ daɣ gəlle-yat ta təgam daɣ a dasan-tərgəgam, d as əgeɣ y aytedan ən Masedonəya ibaragan fall-awan. Ənneɣ-asan: inalkiman n Əlməsix win akal n Akayya harwa naydan ad əran əsəgli ən tərgiten; fadda əddəguz-nawan daɣ igi ən tərgiten a issəran taššam-nasan ad ərəgan əntanay da. ³ Adi a fəl sər-wan in-zammazalax imədrayan-nana win di, fəl ad wər əqqəlan baragan win fall-awan nətəggu awal ən bannan. Ənneɣ-asan as kawan-in-z-asin širgiten-nawan əmmotəgnat. ⁴ As wər iga adi, har kawan-in-oseɣ əddəway d arat daɣ Kəl Masedonəya, nos-iwan-in wər təsammətagam; a dana-tabəz təkarakit ən baragan win dasan-əgeɣ fall-awan, amaran kawanay wəllen a za təbəz təkarakit. ⁵ Daɣ adi ənayaɣ as təga addararat s ad əgəmməya daɣ mədrayan-nana win di a di-in-izaran y ad əššidəwan širgiten šin as təgam arkaw-al-nasnat; assaknu adi as təgâm-tanat s əlləllu, wərgəɣ əs gərrəz.

Maruzat ta təhat igi ən tənfa y aytedan s ər-rəzəyan-nana

⁶ Ənta da awa əssoka əs batu tədi: Awedan wa in-balan amasa wər nəggət, ad d-aləy tənfa wər nəg-gət; awedan deɣ wa inbalan amasa aggen, ad d-aləy tənfa tagget. ⁷ Akk awedan akfet awas iga ən-nəyat n ad t-akfu daɣ man-net. Ad wər təqqəl təhakkay-net arat imigraz, wala imos as əššil; fəlas Məššina ira awedan wa ihakkin əs man ərdânen. ⁸ Amaran Məššina ifrâg a fall-awan d-izəzzəbbət əzzənəfan n arraxmaten aggotnen, fəl a tu-wər-iməl arat a iqqal daɣ alwaq a iqqal as təddiraram, har tawadam igi ən mazalan kul win olaɣnen. ⁹ Adi a fəl ənnan Əlkəttaban: «*Ihakku s əlləllu, ihakku šiləqqawen; taqqat-net, təxlâl.*»¹⁰ Məššina a ihakkin amagyak amasa, ihakku deɣ isudar. Ənta deɣ a kawan-z-akfin amasa s iggət, təzzar isəggət tənfa ta du-təway taqqat-nawan. ¹¹ Awalla, Məššina a kawan-isəbbələl daɣ arat kul fəl ad təfrəgam ad tallallem faw daɣ arat kul; awəy-du adi s aytedan win as za nawəy širgiten-nawan igi ən godan i Məššina. ¹² Fəlas širgiten šin təgam, wərgəɣ imizdagan win Yerusalam win maddararan ɣas as z'anfinat; kalar ad d-awəynat s aytedan aggotnen igi ən godan i Məššina. ¹³ Širgiten šin di əntanay a d-ewaynen əs mizdagan win Yerusalam zazwar ən Məššina fəlas təssiknam əbərdəg wa sər-wan d-eway ləkkum wa təgam y Əlinjil n Əlməsix, təssiknam-tan deɣ əlləllu əntanay d aytedan sahadan. ¹⁴ As dawan-taggin šiwatriwen a dawan-tanat-tag-

gin əs man tədnay tara fəl əddəlil n arraxmat təkñat təzzəwwərt ta kawan-ikfa Məşşina.
¹⁵ Gudəyatanay i Məşşina təhəkkut wər nəla tulat ta danax-iga.

Buləs isasagru ibbillan deş fəl əşşəşəl-net wa n tişit n anammazul

Tanaya ən Buləs

10 Nak Buləs, nak wa fəl gannin aytedan as: šira šin dawan-in-kattabaş ɣas a daş əhâla awal, mišan as kawan-əheş ad əqqələş awedan ləmmidan; onsâyaq-qawan fəl udəm ən talmat d əl-luş win iga Elməsix, ² as, as kawan-in-oseş, a di-wər-təşəhhəşşəlam a kawan-assakna tahlolat-in awal id otâsaş ad assakna tahlolat-in awal aytedan win di gannin əddi nakkanay wər nəlkem ar i tēla n əddənet. A dawan-ələsa tēna: Əgmâya daş-wan a di-wər-təşəhhəşşəlam igi n əmazal di! ³ Tidət a imos as əddənet a nəha, mišan wər nəmməgar fəl awa fəl əmməgaran aytedan win əlkammen y əddənet. ⁴ Fəlas təzoli tas nəmməgar wər tat-tēla əddənet ta, kalar tarna a danax-ikfa Məşşina as nəmməgar; nətadagdag sər-əs idaggan əssohatnen win ittaf Iblis. Nəssân daş bahutan-net, nəsaşfagg-en. ⁵ Nəzaraz sər-əs tamazaş kul ta tēgaddalat y aytedan ad əssənan Məşşina. Təzoli tēdi da as dunnətabaz imedranan kul n aytedan, fəl ad abbardagan y Elməsix. ⁶ As təssəknam alkamalat n əbərdəg-nawan, nəsimatag y ad nawwaddab awedan kul wa n ənəmmezrey.

⁷ Əswədat daş awa illan dat šittawen-nawan, tagrim-tu. Kud awedan a kawan-ihan ikkâsan ašşak as Elməsix a t-ilan; issənet za as, nakkanay da ig-âna Elməsix tēla tēdi da a das-iga əddi. ⁸ Wala ad əgeş ibaragan aggotnen fəl as danax-ikfa Əməli tanaya, da wər di-zizzəbəz adi təkarakit. Tanaya ta danax-ikfa šin a kawan-nəsəssuhət, wərgəş a kawan-nəjəbbərəjjet. ⁹ Ənneş awen fəl ad wər tişalam šisəksədawen ɣas a dawan-tagga daş širanin! ¹⁰ Id itawannu sər-i: «A kawan-wər-işşəwəş Buləs. Šira-net ši labasnen, əssohatnat, mišan ənta əs man-net as dana-d-osa wər fəruş, amaran wər is-sen awal.» ¹¹ Awedan wa sər-i innan adi, əssənet as, awa din-nəkəttab daş šira-nana, ənta a za nəmmazal as kawan-in-nosa.

¹² Tidət âs, wər za nəhəl ad nəşişagda iman-nana wala nəşişalen d aytedan win di a dawan-əmmal-nen iman-nasan; wər nədəkkəd iman-nasan ar əs man-nasan, şaşagdin deş iman-nasan əd man-nasan. Wər əlen əgərri. ¹³ Nakkanay za, wər za nagu ibaragan fəl aratan win wər nəmos tadagart-nana; amaran wər z'akəyan baragan-nana tadagart ta danax-ikfa Məşşina, a tat-imosan as kawan-in-newad. ¹⁴ Iki wa dawan-in-nəga wər imos əsəssikəy fəl awa nətawakfa zun as kawanay wər tēhem tēdagart ta nəgraw, fəlas kawanay as nazzar

nəşyal ɣur-wan, nəmal-awan isalan n Əlinjil n Elməsix. ¹⁵ Nakkanay wər nətəggu ibaragan fəl əşşəşəl ən wiyyad aytedan win əgrawnen tēdagart wər nəmos ta nətawakfa nakkanay. Kalar attamanana nəg-ay daş-âs, as ittītəy əzəgzan-nawan, a ɣur-wan nagu əşşəşəl as z'itizwaran wəllen, da wər nokay tēdagart ta danax-ikfa Məşşina. ¹⁶ Al-mayna ad nəfrəş igi ən salan n Əlinjil daş kallan win dənnəg-wan əllanen, naqqam da wər nəga ibaragan fəl awa d-ixsalan daş əşşəşəl imōsan tadagart n awedan iyyan. ¹⁷ Ənnan Əlkəttaban: «I itaggin ibaragan, aget-tan fəl awa iga Əməli.» ¹⁸ Fəlas wərgəş awedan wa immalan iman-net a igrawan saşmar, kalar awedan wa immâl Əməli a t-igrawan.

Buləs issinkad-anay i nəmmuzal win bahu

11 Arey daş-wan a dər-i təzəzzəydəram! Ad aga arət ən tēmətəkwayt n əmməskəl! Awal, əzmarat y awa z'anna! ² Fəlas əgeş-awan tara ta n təsmiten, šismiten di da šin d-əfalnen Məşşina, id tēhâm-i şaşşelan ən tētut əs wər kala a tat-idas aləs, a dər isimarkas aləs iyyanda, a t-imosan Elməsix, amaran nak a das-isamarkasan dər-əs. ³ Mišan əksudaş ad tēwərkəbnat taytwen-nawan əs tēsədək iyyat, tammazzayam d əlşibada wa tēgam Elməsix s əwəl iyyanda [əd man zaddog-nen], itəwəgg-awan ətəwəsəxrak wa iga mələl Xawa əs təkərras-net. ⁴ Fəlas as kawan-in-osa awedan iyyan ig-awan isalan ən Şaysa iyyan wər nəmos was dawan-nəga isalan-net, madəş tēgrəwam infas iyyan wər nəmos Infas wa Zəddigan wa tēgrawam, madəş ag-awan isalan n əlinjil iyyan wər nəmos wa tēqbalam, tarmâd as das-taknim tərəddawt s awen. ⁵ Dər iga awen da za, wər ɣur-i iga as ill-ay arət as di-ogaran nəmmuzal-nawan wər nəla tulat win di. ⁶ Amaran kud awal wər əley madas-net, masnat ənta, əleq-qat wəllen; nəssikn-awan-tat daş əkkulluk n arət s əmmək kul.

⁷ Awak abakkad a əgeş as əssərasaş iman-in fəl a kawan-əzzəzwəra kawanay s amel wa dawan-əgeş isalan n Əlinjil ən Məşşina wər kawan-əzzərzama wala? ⁸ Oşə-du Əlkənisenaten šin hadatnen əs tēdhəlt ta di-əganat s awas əddərara daş əşşəşəl wa dawan-əgeş. ⁹ Alwaş wa ɣur-wan əlle, wər kala əqqalaş i waliyyan daş-wan əzuk as maşatara s arət, fəlas imədrayan-nana win d-əfalnen akal ən Masedonəya a di-əkfanen awas əddərara. Əgdələş i man-in tişit n əzuk i waliyyan daş-wan daş əkkulluk n anamod, amaran ad agla daş igi n adi. ¹⁰ Agamad wa iga ašşak tidət n Elməsix ta di-təhat, ənta a iga as, wər iha awedan imədlan n akal n Akayya ifrâgan a di-igdəl igi n abarag wədi! ¹¹ Ma fəl əgeş adi? Awak iba ən tara-nawan? Məşşina issân as areq-qawan! ¹² Arat wa tagga da amaran, ad agla daş igi-net, fəl ad əgdələş igi ən baragan y aytedan win əranen ad əgrəwan tarrayt n ad annin əşşəşəl-nasan wər izlay əd wa-nana.

¹³ Fêlas meddan win di, inëmmuzal ën bahu a ëmosan, ëmosan deŷ imaššaxalan ën mëkkëddal, sakninen as inëmmuzal n Elmësix a ëmosan. ¹⁴ Wër iqqen adi eŷaf, fêlas wala Aššaytan itaggu iman-net angalos n ënnur itäggin tidët. ¹⁵ Daŷ adi aytedan win das-ëšxalnen wër isammaklâl ad agin iman-nasan zun maššaxalan sasaxrinen aytedan taqqat. Ilkâm ad egrëwan awa dër ëhoran mazalan-nasan.

Alŷazab wa iga Bulës daŷ tišit-net anammazul

¹⁶ A dawan-ëlësa tënna, ad wër iŷal awedan waliyyan nak ëmeskel. Mišan, kud ëmeskel a di-tëgam, tëzmëram-i, awa tëtäggim y ëmeskel, fêl ad agax arat ën baragan-in nak da. ¹⁷ Arat wa ënne da, wërgëŷ arat as d-inna Ëmëli ad t-anna, kalar abarag adi, a di-tësisaga tulat-in d ëmeskel. ¹⁸ Dad zamas ëggëtan aytedan win tagginen ibaragan fêl awa itaggu aggadëm daŷ ëddënet, nak da, ad agax ibaragan. ¹⁹ Fêlas kawanay win malan ën tayttay, tëzmâram i mëskelan, isidawat-kawan adi! ²⁰ Tëzmâram y i kawan-igan ëklan, madëŷ aŷu awa tëlâm, tëzmâram y i daŷ-wan tat-igân ëš tëkërras-net, madëŷ assakn-iwan mëlka, madëŷ iwët-kawan daŷ udëm. ²¹ Isikarakad-i as, ëllëqqëw-nana nakkanay, igdâl-ana a dawan-nagu aratan šilat ën win di.

Dër iga awen da ya, arat a iqqal as ihal awedan a fall-as agu abarag, nak da, ëhâlax a fall-as agax abarag. Batu ta ëge da šilat n as ig-et ëmeskel.

²² Kud Kël-ŷibri a ëmosan, nak da, ëmosaq-qu. Kud Kël-Israyil a ëmosan, nak da, ëmosaq-qu. Kud ëz-zurrëyya n Ibrahim a ëmosan, nak da, ëmosaq-qu.

²³ Kud imaššaxalan n Elmësix a ëmosan, ogaraq-qan tišit-net. Batu ta ëge da šilat n as ig-et ëmeskel. Kud alŷazab a ëgan, ogaraŷ-asan-tu; kud kasaw a ëggazan, ogaraq-qan iguz-net; kud šiwwit a tawaggan, ogaraq-qan ëtëwënxä; kud deŷ tazak ën tamattant a ëggazan, ogaraq-qan iguz-net.

²⁴ Iwëddiban sëmmos a di-ëgan Kël-Ëlyëhud, s akk iyyan ëkkozat tëmërwen ën tawatay daŷ aba iyyat. ²⁵ Karadat tënëqq a di-ëgan Kël-Ërrum s ëlëkkud, taklat iyyat ëgmëyan aytedan ëd tanaxay-nin kërëz ëš tëgur ën tëhûn, karad ëŷšudan da tënamazray a dër-i iga ëŷlal n aman. Idâs-i deŷ as ëgeŷ ahad iŷrâdan d ëzël daŷ ammas n agaraw ëbukan aman a di-ëtšin. ²⁶ Egeŷ išikilan aggotnen. Eëgâzaŷ alŷarar n adi ëbëtan aman ën tësëssëngay šin raddaxa madëŷ egrëwan-i narkaban. Eëgâzaŷ alŷarar daŷ aytedan win-da-nin ën Kël-Ëlyëhud ëd win tan-wër-nëmos. Eëgâzaŷ alŷarar daŷ ŷërman ëd saffan. Eëgâzaŷ alŷarar n a di-atšu agaraw. Eëgâzaŷ deŷ alŷarar daŷ aytedan win ganninen ëš bahu ëmosan imëdrayan-in daŷ ëddin. ²⁷ Eëzdâyax ëššëŷël iha alŷazab ëd talawayt, d ëmikër n etëš aggen. Eëzdâyax gëlëk ëd fad, ëyyëwana deŷ ëzum. Eëzdâyax taysëst n asamed ëd zëllëm. ²⁸ Adi ketnet, iwâr-tu ëddëguz wa ëgeŷ akk ëzël daŷ masnat ta ëgeŷ daŷ Ëlkënisaten kul. ²⁹ As daŷ-asnat irkam

awedan, a di-idës rëkkëm-net nak da; as daŷ-asnat d-eway awedan s ëmidi-net igi n abakkad, ad tarŷu tëmsey daŷ man-nin.

³⁰ Kud ëššil a fall-i imos igi ën baragan, wëdi aratan win sakinen rëkkëm-in a fêl tan-z-aga. ³¹ Is-sân Mëššina di n Abba n Ëmëli ŷaysa as, wërgë bahu a ëgeŷ. Attamalet esëm-net har faw. ³² Alës wa izzozar ëmënokâl Arestas y ëŷrëm ën Damas, kala ad omar meddan s ad ëbdëdan daŷ mawan n ëŷrëm fêl a di-ëbëzan. ³³ Mišan tawagga daŷ azmam zëwwëran, tawasarasa ëš fënetër ihân aŷalla wa iŷlayan aŷrëm, ëddërragax-as.

Targët ën Bulës ëd tësasmit ta tëhat taŷëssa-net

12 Ilzâm-i igi n abarag. Kud wër infa igi-net wala da, ad aglaŷ ëmmâlax-awan aratan win di-issëkna Ëmëli ëd win di-isannafalal. ² Eëzdâyax alës iyyan osâŷan d Elmësix as kala ad immëdkal har osa ëjënna wa n ëssa. Wër ëssenax kud taŷëssa-net a tëmmedkalat den, wala deŷ iman-net ŷas a ëmmëdkalnen, Mëššina ŷas a issanan. Ila adi ëmërëdda maraw elan d ëkkoz. ³⁻⁴ Awalla ëssânax as alës wëdi, immidkal har osa aljannat, isla daŷ-as awalan simaklâlnen as wër ifreg awedan emel-nasan daŷ awal waliyyan, wala deŷ xalal amel-nasan. Wër ëssenax kud, taŷëssa-net a tëmmedkalat den, wala deŷ iman-net ŷas a ëmmëdkalnen, Mëššina ŷas a issanan. ⁵ Ad aga abarag fêl awedan wëdi, mišan wër tu-z-aga fêl man-in. Rëkkëm-in ŷas a fêl z'aga abarag. ⁶ Amaran kud areŷ igi ën baragan, da wër di-iga adi ëmeskel, fêlas tidët a z'anna. Mišan ad ammazzaya d igi-nasan id wër areŷ a di-ittëf awedan waliyyan daŷ adag ogaran wa daŷ-i ëgan mazalan-in d awa ganna.

⁷ Isinafalal-i Mëššina aratan ëganen adkul wër nëla ëddukad, adi a fêl di-igdal adakal ën man-nin s igi wa iga daŷ alam-in ëšënnan, imosan ënammazul n Aššaytan a di-izaxazzaban fêl ad wër ëdkelax iman-nin. ⁸ Karad gamayan daŷ tanamazray a ëgeŷ daŷ Ëmëli a di-izëmmëzzëy dër-ës. ⁹ Mišan inn-i: «Tëgd-âk arraxmat-in; fêlas tarna-nin, rëkkëm a daŷ tëtäggim ënëfilël wa ikmalan.» Daŷ adi isad-dawat-i igi ën baragan fêl rëkkëm-in, fêl a daŷ-i tëzdëŷ tarna n Elmësix. ¹⁰ Adi a fêl di-isaddawat rëkkëm, ëd tërëbbad, d alŷazab, d ëtëwëdgaz, ëd tëmëŷutar fêl ëddëli n Elmësix. Fêlas alwaŷ wad ërkama, ënta a daŷ ëssohëŷ.

Awa idgazan Bulës daŷ batu ën Køl-Korent

¹¹ Tëšahhaššalam-i ëmazal imosan igi ën baragan âs ëmeskel ŷas a t-itaggin; ënta kawanay as ihor a fall-i tësanamalam, fêlas kud wër ëmosax arat da, wër di-ogëran nëmmuzal-nawan wër nëla tulat win di. ¹² Alŷalamaten ën tišit-in anammazul wa n tidët tiwagganat gar-ewwan ëddëwnat ëd zëmmerat, igâ awen s alŷalamaten ëd tëjuŷab ëd tëlmëŷujat-

en. ¹³ Arat iyyanda ȝas a ȝur-wan wër əgeȝ, âs Ælkənīsaten ſin hadatnen əgeq-qu ȝur-əsnat, a t-imosan as wër daȝ-wan əgmaya tadhəlt waliyyat. Surəfat-i-id ark amazal wədi!

¹⁴ Æmərədda simâtaga y a dawan-in-agay assa wa n karad, amaran wër dawan-z-əqqəlay əzuk; fəlas wër ȝəmməyay awa təlam, kalar kawanay a ȝam-maya. Wərgəȝ bararan a iwar ad assansin arat iyyan i marwan-nasan, kalar imarwan a iwar ad assansin arat i bararan-nasan. ¹⁵ Nak za, isidawat-i a fall-awan akfa təla-nin kul, akfa harkid man-nin fəl əddəlil-nawan. Awak da dawan-əge tara togdat d awa, ad ifnəz adi ta di-təgam kawanay? ¹⁶ Təssâ-nam as wër dawan-əmosay əzuk, mišan təgannim əməkkerrəs a əmosay, əgeq-qat daȝ-wan əs təkərras-in. ¹⁷ Məni təməwit tas kawan-əkkərrasay? Awak iyyan daȝ meddan win kawan-in-əssoka a daȝ-wan itšan arat? ¹⁸ Nak a onsayan Titəs əgmaya daȝ-as a kawan-in-akku, əššədawaq-q-in d amadray-nana daȝ əddin wa təzdayam. Awak arat iyyan a daȝ-wan itša Titəs? Awak wərgəȝ nak dər-əs tarrayt iyyadda as nəlkam s ənəyat iyyadda? Awak wərgəȝ almasal iyyanda as nəlkam?

¹⁹ Awak tədma a təgam, awal ketnet wa əgeȝ daȝ batu ta, agamay a sər-əs nətaggu aggaz daȝ-wan iman-nana? Kala! Dat Məššina ad nəšawal, əs tarrayt ən tassa-q-nana d Ælməsix. Amaran, imaran-nana, əssənat as arat kul wa nətaggu tənfa-nawan a fəl tu-nətaggu. ²⁰ Æksudaȝ a kawan-in-asa wër oggema taȝara-nawan, kawanay dəȝ, wër toggemam ta-nin; əksudaȝ as mijas əllanat-tu tamazaȝen ȝar-ewwan, əd manȝay, d aššar, d əzgən, əd tənawen, d ədkul ən man, əd tənajarwayat, wër təgəmməyam ar tənfa ən man-nawan. ²¹ Æksuda dəȝ a kawan-in-asa iləs-i Æməli-nin Məššina əzəbəz ən təkarakit ȝur-wan; əksudaȝ ad əȝšədan man-nin, fəlas wiyyad daȝ-wan aggotnen a wër nəmməzzay d igi ən bakkadan win as kala a tan-taggin, wër ətuban dəȝ daȝ igi ən mazalan samadasnen win taggin, d igi n əzzəna əd mazalan zizallatnen win taggin.

Igi daw ayaf d əsəmmutəȝ y əšikəl wa n karad

13 Iki-nin y-awan wa n karad awa. Ænnan Ælkəttaban: «*Taytəst kul, təȝəyya n əššin aytədan madəȝ karad a tat-isisuhen.*»² ȝur assanin y-awan wa n əššin, əssinkadaȝ aytədan win di

wër nəmməzzay d igi ən bakkadan, əntanay d aytədan kul win hadatnen. Æsənkəd za wədi da a dawan-əgeȝ əmərədda harwa da əgguga, âs: As kawan-in-oseȝ wër t-illa awedan itaggin ibakkadan, as z'əqqamin wër iwwəddab ³ dad zamas təgammayam a dawan-attaddu as Ælməsix a sər-i iššəwalan. Amaran Ælməsix wër kawan-issəkna iba ən fərregat n arat, kalar issikn-iwan təlatnet tarna. ⁴ Fəlas illikan as irkam alwaq wa daȝ itawataytay fəl təgəttawt, mišan iddar-du əs tarna ən Məššina. Illikan dəȝ as nakkanay da nərkam fəl əddəlil ən tassa-q ta nəȝa d Ælməsix, mišan əs tarna ən Məššina ad nagu təməddurt ta iga Ælməsix, fəl əddəlil n əššəȝələn win dawan-nətaggu.

⁵ Šaggarat iman-nawan, təssənam kud tidət daȝ âs təzzigzanam! Ærəmat iman-nawan! Wër təssənam as ȝaysa Ælməsix iha iman-nawan? Məȝ əzəȝzan-nawan a wër nəzmer i šaggarat! ⁶ Amaran əgeȝ attama-nin daȝ as, ad tənəyam tarđim dəȝ s as, nakkanay da nənjâx daȝ šaggarat wədi, issiknay as nakkanay inəmmuzal win tidət a nəmos. ⁷ Nətat-tar əs Məššina a dawan-igdalən igi ən təkma waliyyat. Wër dawan-nətəttər fəlas nənjâx daȝ əššəȝəl wa ȝur-wan nəȝa, kalar fəl tara n ad taȝim awa olaȝan, kuddeȝ as itiwattaf as nakkanay wër nənjəx. ⁸ Fəlas wër nəfreg əməzrəy ən tidət, kundaba ȝas tebadday fall-as. ⁹ Isifilawas-ana rəkkəm wa nəȝa, ənta kawanay təssohem. Awalla nətat-tar a iknan tebadday-nawan daȝ əzəȝzan. ¹⁰ Adi a fəl dawan-in-kattaba harwa da əgugaq-qawan, fəl ad wër addarara s a dawan-aga ərruȝmatan əsəsnen as kawan-in-oseȝ, fəlas tanaya ta di-ikfa Æməli fall-awan, ikf-i-tat fəl ad əšȝəla daȝ anamod wa kawan-z-issukin afalla, wərgəȝ wa kawan-z-ijəbbərəjjen.

Təsəxtəmt: Ænnəsixatan d assalaman win təzərəst

¹¹ Æmərədda, imədrayan-in, fəliwəsət! Æqqəlat aytədan əkmâlnen; tinəməgginen ənnəsixatan; tənimanakam ȝar-ewwan. Iməlet alxer ȝar-ewwan. Əddi a daȝ-wan issən Məššina di ihakkin tara d alxer. ¹² Tinəməggaat assalam zəddigan. Æhulan-kawan-in mizdagan kul win əllanen da da.

¹³ Ægmâya daȝ Məššina a kawan-ikfan ketnawan arraxmat n Æməli-nana ȝaysa Ælməsix, əd tara ta n Məššina əd tassa-q n Infas wa Zəddigan.

Kəl-Galatəya

Esənti

Təhult

1 Şirawt a din-təfâlat Buləs imosan anammazul a du-wər-zammazalan aytedan, wala deş iz-imazal-t-id awedan waliyyan. Kalar Məşşina di n Abba s ənta a d-issənkarən Xaysa daş təməttant, əd Xaysa Elməsix iman-net a di-du-zammazalnen. ² Nahul-in Elkənisaten şin n akal ən Galatəya nak harkid mədrayan-in win çur-i ɛllanen. ³ Ig-awan Məşşina di n Abba-nana d Əməli-nana Xaysa Elməsix arraxmat d alxer. ⁴ Xaysa Elməsix ənta a ikfan iman-net fəl a danaş-agəz daş bakkadan-nana, iğləs-ana deş daş talbast n əddənət ta n əmərədda, inimannak awen əd tara ən Məşşina di n Abba-nana, ⁵ a ilan tanaya har faw! Amin.

Əlinjil iyyanda

⁶ İqqan-i eyaf wəllen əsətrəb wa təgam agamad ən batu ən wa kawan-d-iğran əs tarrayt n arraxmat ta d-eway Elməsix, təlkamam y əlinjil iyyan ən bahu. ⁷ Əssənət əs wər t-illa əlinjil waliyyan ar wa dawan-əməla. Aytedan ças a t-əllanen a kawan-şawaşnen, safraxan Əlinjil n Elməsix. ⁸ Amaran i iğan isalan n Əlinjil wər nəmos win dawan-nəga, gər nakkanay iman-nana wala angalos a d-ifâlan ijənnawan, wədi itəwəlxənet! ⁹ Arat wa ənnex-awan-tu kala da, amaran a dawan-t-ələsa tənna əmərədda: As dawan-iga awedan iyyan isalan n Əlinjil wər nəmos win as təslam təqbalam-tan, wə-di itəwəlxənet! ¹⁰ Ma tənnam: Awak əmərədda aytedan a daş gammaya saşmar meş Məşşina? Awak aytedan as gammayaş a dasan-əgrəza? Ən-nar harwa da gammaya a di-iren aytedan, wər z'əqqələş akli iğbâdan Elməsix.

Buləs ibillan fəl Əlinjil

Təməwit tas iqqal Buləs anammazul

¹¹ Arat da was areş a daş-as təssənəm imədrayan-in: Əlinjil wa əmmala, wər d-ifel aggadəm. ¹² Fəlas nak iman-in da wərgəş aggadəm a di-t-ikfan wala deş isisayr-i-tu. Kalar Xaysa Elməsix iman-net as di-t-isannafalal.

¹³ A iğan da təslâm alxal-in dat awa harwa ad əheş əddin wa n Kəl-Əlyəhud. Azzaman di əkney

wəllen əssus n Elkənisat ən Məşşina, gammaya d əhluk-net. ¹⁴ Harwa ad əheş əddin wa n Kəl-Əlyəhud, oğaraş kəl-tawşet-in aggotnen win jəytan-in əddəguz daş əddin, fəlas gəlleşat tagget a əgeş daş ləkkum y alşadat ən marawan-in.

¹⁵⁻¹⁷ Məşşina a di-isannafranan, harwa da aheş tadist n anna-nin, iğr-i deş s arraxmat-net y ad t-əşbada. Amaran assaşa wa das-igras a di-isənnəfiləl Barar-net fəl ad əmələş isalan-net a tan-imosan Əlinjil y aytedan win wər nəmos Kəl-Əlyəhud, assaşa wədi daş ad əkkeş Arabəya, dəffər adi əqqala-du Damas, da wər əşşəwwaraş awedan waliyyan, za wər əggəzzaya əs Yerusalam y ad əs-suməra tanat meddan win di-azzarnen tişit ən nəmmuzal.

¹⁸ As əgeş karad elan dəffər awen, əkke Yerusalam fəl ad ammanayaş əd Qayfas nəməzdəya dər-əs, əgeş çur-əs maraw adan əd səmmos. ¹⁹ Wər ənaya waliyyan daş nəmmuzal win hadatnen. Yaşub wa n amadray ən Xaysa, di n Əməli-nana, ças a ənaya. ²⁰ Silakanay-awan dat Məşşina as, isalan win dawan-in-kattabaş da, wər əmosan bahu. ²¹ Əgmada Yerusalam əkkeş amaşal wa n Surəya əd wa n Kilikəya. ²² Alwaş wədi aytedan n Elkənisaten şin Yahudəyya, wər di-əz-dayan. ²³ Əslân ças əs: «Aləs wanad a danaş-iknan əssus da, əmərədda itaggu isalan n Əlinjil was kala ad ira əjəbbərəşji-net.» ²⁴ Arat wen eway-du sər-san iği ən təmalen i Məşşina daş batu-nin.

Buləs əd nəmmuzal win hadatnen

2 As əgan maraw elan d əkkoz dəffər awen əlasa əgəzzəş əs Yerusalam nak əd Barnabas, əddewa deş əd Titəs. ² Məşşina a di-d-isannafalalan as iwar-i iki ən Yerusalam y a daş-as əmələş Isalan n Əlinjil win tagga y aytedan win wər nəmos Kəl-Əlyəhud. Arat wen amaran əkneşqu wəllen emel i muzaran n Elkənisat ən Yerusalam win oğarnen ətəwəşəşmar, fəl təksəda n ad abbannan əşşəşəl wa əgeş əd wa z'aga dəffər awa. ³ Əqbalan-i nak əd Titəs a dər əddewa, imosan iyyan daş Kəl-Əlyunan, s əmənkəd da wər im-mənkad. ⁴ Awen wər t-igdel iguz wa danaş-əgan məzzəgzan ən bahu wər nəmos arat daş-na, kalar iguz ças a dana-d-əgan fəl ad əssənən əmmək was nəşəşçal tədarfit ta danaş-ikfa Elməsix Xaysa. Ərân a danaş-əssuşəlan əkkəlu wa nəga daş əşşərişə wa n Əttawret. ⁵ Mişan aytedan win den

wər dasan-nəga wala arat n amazay ən tərəddawt s awa ərən. Arat wen nəg-ay fəl aggaz y-awan tidət ta n Əlinjil. ⁶ Aytedan amaran win ogarnen ətəwəsəymar – wər əzlaya daɣ awas kala ad t-əmosan: Məşşina wər itəggu təmərıt! – Aytedan win tawasaymarnen en, wər di-şahhaşşalan wala. ⁷ Kalar əgran-in as isalan n Əlinjil tiwaggan-du daɣ əfus-in y a tan-əməla y aytedan win wər nəmos Kəl-Əlyəhud, zund əmmək as tawaggan daɣ əfus ən Butros y tan-əgu y aytedan win Kəl-Əlyəhud. ⁸ – Məşşina ikfa Butros fərregat n ad iqqəl anam-mazul-net əs Kəl-Əlyəhud, nak amaran ikf-i fərregat ən tişit n anammazul-net s aytedan win wər nəmos Kəl-Əlyəhud. – ⁹ Yaqub əd Qayfas əd Yaxya iti-wassannen daɣ tişit ən tətəttawen n Əlkənisat əgran-in arraxmat ta di-tətawaggat, əqbəlan-ana nak əd Barnabas əssəknan-ana tassaɣ ta gər mədrayan. Əmmək en da as əqbalan as nakkanay ad nakku aytedan win wər nəmos Kəl-Əlyəhud, ətətanay amaran akkin Kəl-Əlyəhud. ¹⁰ Əgmâyan daɣ-na ɣas ad nəkittəw şiləqqawen. Arat wen amaran nak ədgâza daɣ igi-net.

¹¹ Mişan assaɣa wa d-osa Qayfas aɣrəm n Antəy-oxəya, əşşewala fall-as udəm s udəm id tidət a wər iga, ¹² fəlas dat assa n aytedan wər nəggət win d-əşşokalnen ɣur Yaqub, idarraw imensewan d aytedan win wər nəmos Kəl-Əlyəhud; mişan as t-in-osan aytedan win, igaz şin n awer n aganna, fəl təkşəda n əlməsixitan win as ələsəl-nasan Kəl-Əlyəhud zizawatnen daɣ alɣadaten n Əttawret. ¹³ Kəl-Əlyəhud win hadatnen n əlməsixitan ətənanay da əgan awen da, əɣbaran arat was əzzəgzanan zun awa iga Qayfas, har as Barnabas iman-net da ilkam i təmənufəqa-nasan. ¹⁴ Mişan assaɣa wad ənayax as wər zalalaɣan daɣ ləkkum i tarrayt ən tidət ta n Əlinjil, ənney i Qayfas dat mədrayan-nana kul: «Kay was imos ələsəl-nak aɣ Əlyəhud, təgəɣ təməddurt tolat əd ta n awedan wər nəmos iyyan daɣ Kəl-Əlyəhud, toyyəɣ tarrayt ta n Əttawret. Daɣ adi manəmmək as za təşəhhəşşəlay aytedan win wər nəmos Kəl-Əlyəhud ləkkum y alɣadaten n Əttawret?»

Aytedan kul əgrawan taqqat s əzəgzan əs ɣaysa Əlməsix

¹⁵ Nakkanay as imos ələsəl-nana Kəl-Əlyəhud, wər nəmos «inasbakkadan» şila n aytedan win wər nəssen Məşşina. ¹⁶ Dər iga awen da aggadəm wərgəɣ ləkkum i tarrayt ta n əşşəriɣa wa n Əttawret a t-ihakkin taqqat ɣur Məşşina, kalar əzəgzan əs ɣaysa Əlməsix. Awen da a fəl as nakkanay da nəzzəgzan s Əlməsix ɣaysa fəl ad nəgrəw taqqat s əzəgzan s Əlməsix wərgəɣ əs ləkkum y əşşəriɣa wa n Əttawret. Awalla wər t-illa awedan waliyyan a z'igrəwan taqqat ɣur Məşşina əs ləkkum y əşşəriɣa wa n Əttawret.

¹⁷ Mişan as imos as, daɣ agamay wa nətaggu taqqat əs tərətəyt n Əlməsix, itawanay-du as

nakkanay da nətaggu ibakkadan win taggin aytedan win wər nəmos Kəl-Əlyəhud, daɣ adi Əlməsix a danax-illilan s igi n abakkad? Kala Kala! Wər ilkem ad iga adi! ¹⁸ As əlasax akarəs n awa jabbarajjəɣ a t-imosan tarrayt ta n ləkkum y əşşəriɣa wa n Əttawret, ad sənəfiləlay as nak ənəmmezrəy a mosa. ¹⁹ Nak əssəbab n əşşəriɣa a fəl əmməzzayax əd təməddurt ta ihakku əşşəriɣa. Arat wen kul iga fəl ad iqqəl as təməddurt-in tartəyt əd Məşşina a daɣ təga. Nak ab-i fəl tətəttawt əddəwax d Əlməsix. ²⁰ Əddâra mişan ab'as imos as nak a iddaran, kalar Əlməsix a iddaran iha iman-nin. Əmərədda təməddurt-in ta n tişit n ag-gadəm, əgeq-qat s əzəgzan əs Barar ən Məşşina as awa di-iga daɣ tara, iman-net a ikfa aba-tu daɣ adag-in. ²¹ Daɣ adi wər z'ugəya s ad əqbəlay arraxmat ən Məşşina əqqəla-du tarrayt ta n ləkkum y əşşəriɣa wa n Əttawret, fəlas ənnar ləkkum y əşşəriɣa a ihakkin taqqat ɣur Məşşina, wədi Əlməsix bannan as t-aba!

Əzəgzan a igarrawan arkawal

Tarrayt ta n əzəgzan meɣ ta n əşşəriɣa?

3 Xa Kəl-Galatəya win aljahilan! Ma işwan tayt-tay-nawan? Awak wərgəɣ dat şittawen-nawan a dawan-təbbəyyan tətəttant ən ɣaysa Əlməsix fəl tətəttawt ta fəl itawataytay? ² Əsəstan iyyanda ɣas as areɣ a dawan-t-aga, a t-imosan as: Awak ləkkum y Əşşəriɣa wa n Əttawret a kawan-ikfan Infas wa Zəddigan, meɣ əzəgzan wa təgam əs salan n Əlinjil win as təslam? ³ Awak igrəw-kawan iba n tayttay oğdân d adi? Awak dəffər as təssintam əs mazalan win ləkkum y Infas ən Məşşina, tara a təgam əmərədda ad tassandim əs mazalan win təgam kawanay iman-nawan? ⁴ Awak aratan win təjjərabam daɣ təməddurt-nawan kul əqqələn bannan? Wər t-illa əmmək as z'abbannanan! ⁵ Tehakkay ta kawan-iga Məşşina Infas-net di Zəddigan, iga daɣ-wan deɣ təlməxjujaten, awak ləkkum-nawan y Əşşəriɣa wa n Əttawret a fəl dawan-iga awen, meɣ əzəgzan-nawan əs salan n Əlinjil win as təslam? ⁶ Aktiwat-du awa ənnan Əlkəttaban s ənnəbi İbrahim as ənnan: «*Izzəgzan əs Məşşina, awen daɣ a fəl t-ikfa taqqat.*»

⁷ Daɣ adi əssənət as aytedan win əzzəgzannen əs Məşşina ətənanay a mosnen bararan n İbrahim. ⁸ Fadda Əlkəttaban ənnân harwa dat əzəl: Aytedan win wər nəmos Kəl-Əlyəhud, əssəbab n əzəgzan-nasan a fəl z'iqbəl Məşşina taqqat-nasan. Awen daɣ a fəlas Əlkəttaban əmâlan isalan n Əlinjil win y İbrahim a irəwan as ənnan: «*Ad əgrəwnat tawşeten kul n əddənət albaraka s əssəbab-nak.*» ⁹ Əmmək en daɣ as aytedan win əzzəgzannen əs Məşşina, ətənanay a z'əgrəwnen albaraka wa igrəw əməzzəgzən İbrahim.

¹⁰ Amaran aytedan win saffallanen fəl ləkkum-nasan y əşşəriya wa n Ettawret, win di təsəlkaht-nasan tulyant, fəlas ənnan Eləkəttaban: «*Təwəret tulyant awedan kul wa wər nəbbərdag faw y əşşərədan kul win əktabnen day Ettawret.*»¹¹ Day adi wər t-illa awedan igrāwan əs ləkkum-net y əşşəriya taqqat ħur Məşşina fəlas a ənnan Eləkəttaban: «*Awedan wa oyadan day tarrayt ta n əzəgzan a igarrawan təməddurt taynayət.*»¹² Amaran əşşəriya wər idrew əd zagzan wala. Kalar ənnan Eləkəttaban: «*Əşşəriya ənta a z'akfin təməddurt y aytedan win d-əssəndanən əşşərədan-net.*»¹³ Elməsix ikkas-ana-du day tulyant ta danağ-issəwar əşşəriya wa n Ettawret, idkal-tat day adag-nana, id Eləkəttaban a ənnanen: «*Təwār tulyant awedan kul wa itawaşalayan ašək.*»¹⁴ Arat wen igay Elməsix Ħaysa fəl ad iqqəl tarrayt y aytedan win wər nəmos Kəl-Əlyəhud y ad əgrəwan day albaraka n İbrahim, nəgrəw ketnanağ əs tarrayt n əzəgzan İnfas was iga Məşşina arkawal-net.

¹⁵ Imədrayan-in, a dawan-aga almasal s arat taggin aytedan: As iktab awedan imateran-net əs təməwit təlkāmat y əşşəriya, wər t-illa i ifragan a dər-san d-iqqəl dəffər adi ħər za y a day-san ifnəz arat wala a day-san t-işşitu. ¹⁶ Amaran İbrahim d əzzurrəyya-net as iga Məşşina arkawālān. Wər itawanna: «y əzzurrəyyatan-net», zun as ila əzzurrəyyatan aggotnen, kalar iyyanda ħas, fəlas a das-itawannan: «*əzzurrəyya-nak*», almağna Elməsix. ¹⁷ Day adi ənta da awas areğ tənna-net: Arkawal ən tassağ iga Məşşina kala da, wər tu-z-iməs əşşəriya wa n Ettawret a d-osān əkkozat təmad n awatay əd karadat təmərwən dəffər awen, iqqəl as arkawal wen ab'as t-illa. ¹⁸ Amaran as iqqəl as əşşəriya a ihakkin təkasit ten, adi za ab'as imos as arkawal wa iga Məşşina y İbrahim a işğalan. Arkawal wen amaran, tarrayt-net as iga Məşşina arraxmat-net y İbrahim.

Tassağ d Elməsix

¹⁹ Day adi mafel osa-du əşşəriya wa n Ettawret? Əşşəriya wa itiwāšata-du fəl a du-tumman təmazrəyt n aytedan iket di a d-itawad əzzurrəyya n İbrahim s ənta as iga Məşşina arkawal. Əşşəriya wen izzibbat-du əs tarrayt n angalosən, amaran aggadəm a imosan əməşşewəl day batu ten.

²⁰ Əməşşewəl amaran wər sər-əs təga addararat ar s ad t-illa awedan iyyan was z'işşiwəl, Məşşina amaran nəssan as ħas-net a imos.

²¹ Awak almağna n awen as əşşəriya immizray arkawalan ən Məşşina? Kala Kala! Wər ilkem ad iga adi! Fəlas ənnar d-itiwākfa əşşəriya iyyan ihakkan təməddurt taynayət, wədi illikan as ləkkum y əşşəriya as za tətəwəgrəw taqqat.

²² Kalar Eləkəttaban əmālan əs arat ketnet ila fall-as abakkad tarna fəl ad iqqəl əs: Arat was iga Məşşina arkawal-net kundaba inda fəl məzzəgzan, fəl əddəlil ən təlyudəla ən Ħaysa Elməsix.

²³ Dat assa ən tarrayt ta n əzəgzan, ig-anay əşşəriya iməskəsa, ittaf-ana har d-ewad alwağ wa day danağ-isannafalal Məşşina tarrayt ta n əzəgzan as irəw təzay-du. ²⁴ Day adi əşşəriya a danağ-isassağadan har d-osa Elməsix, fəl ad nəgrəw taqqat əs tarrayt ta n əzəgzan. ²⁵ Amaran dad zamas tarrayt ta n əzəgzan tosa-du, wədi ab'as danağ-isassağad əşşəriya.

²⁶ Fəlas ketnawan as təmosam bararan ən Məşşina s əssəbab n əzəgzan wa, day tassağ d Elməsix Ħaysa. ²⁷ Awalla, ketnawan win tawasalmağnen day aman day tərtəyt d Elməsix, Elməsix en da a iqqalan zun telassay-nawan ta taynayət. ²⁸ Ab'as əzlayan Kəl-Əlyəhud, wala Kəl-Əlyunan, wala eklan, wala ilallan, wala əzlāyan meddan əd tədo-den, fəlas ketnawan awedan iyyanda a təmosam day tassağ d Elməsix Ħaysa. ²⁹ Kud Elməsix a kawan-ilan, wədi bararan n İbrahim a təmosam, təmosam iməkkusa-net əs tarrayt n arkawal wa das-iga Məşşina.

4 Arat da was areğ a dawan-t-anna: Amakkasu, iket mədrəy wər izlay d əkli, kuddeğ as ənta a ilan arat kul. ² Aytedan win dər-əs ənnəttafnen əd win ənnəttafnen əd təğawşiwen-net as ilkam i tanat-nasan iket wər d-ewad alwağ wa imal abbanet. ³ Nakkanay da harwa ad nəmədrəy, wər nəlkem ar y əşşərədan win as təgla əddənət, nəmos zun eklan-nasan. ⁴ Mişan as d-ewad alwağ wa iskat Məşşina y awen, isəgla-du Barar-net, iggazdu əddənət əs tarrayt ən təntut, ilkam y əşşəriya wa n Ettawret, ⁵ osa-du fəl ad isəddərfət aytedan win əmosnen zun eklan n əşşəriya. Osa-du değ fəl a danağ-akfu tarrayt n a danağ-iqbəl Məşşina day tişit ən bararan-net. ⁶ Amaran tişit-nana bararan ən Məşşina, ənta a fəl d-iga Məşşina day wallan-nana İnfas ən Barar-net. İnfas en da a idkalan əməli igannu: «Abba! Abba!» ⁷ Day adi ab'as təmosağ akli, kalar barar ən Məşşina a təmosa. Amaran dad zamas təmosa barar ən Məşşina, wədi a kay-akfu Məşşina arraxmat tas iga arkawal-net i bararan-net.

Awa işşəwaşan Buləs day batu ən Kəl-Galatəya

⁸ Ənəyat Kəl-Galatəya! Kawanay əstizarat wər təssenam Məşşina, təğbādam imalan ən bahu, təmosam eklan-nasan. ⁹ Mişan əmərədda, dad zamas təssanam Məşşina, madəğ dad zamas iqbal-kawan Məşşina day tişit ən bararan-net, manəmmək as za tələsam ləkkum y əşşərədan wər nənfə wala win as təgla əddənət, tələsam tişit n eklan-nasan? ¹⁰ Təsisahem wəllen ijilan, əd təlil əd təməren, d elan wiyad! ¹¹ İşşiwāš-i ad abbannan əşşəğəl issohen wa əgeğ fəl əddəlil-nawan.

¹² Ya imədrayan-in, are day-wan ad təqqələm şilaten-in dad zamas nak da əmosa şilat-nawan. Wər di-təgem talbast waliyyat. ¹³ Təkittəwam tarrayt tas dawan-əgeğ isalan n Əlinjil əs tizarat a tat-imosan tarrayt ən təwərna-nin. ¹⁴ Təfrāgam a di-

talkim madey tagləfam-i fəl əddəlil ən rəkkəm d əbrur ən tayəssa-nin. Mišan wər təgem awen! Kalar təgam-i əlqəbulat âs zun əmosay angalos a d-ifalən Məşşina, madey Elməsix Yaısa iman-net.

¹⁵ Dağ adi ma iga alxer ən man was kala tu-tə-grawam? Fəlas əsilakanay âs ənnar immikkan adi, şittawen-nawan da a tanat-du-təkəkkərəm takfimi-tanat. ¹⁶ Awak azangaw-nawan a əqqalağ əmərəd-da fəl as dawan-əmmala tidət?

¹⁷ Əssənət as aytedan di saknin-kawan as ədgāzan dağ-wan mišan ənnəyaten-nasan wər oleynat. Tara ɣas a əgan a kawan-zəmməzzəyan dər-i, fəl ad təkəmam y idufan-nasan, təzəzzəwem dağ-san. ¹⁸ Olağ wəllen gəllejat dağ igi n awa olağan dağ alwaq kul, wərgəy alwaq wad əlle ɣur-wan ɣas. ¹⁹ Bararan-in, nak əllāsa alɣazab fəl əd-dəlil-nawan, zun tantut tətəggazat amzur, iket wər ikna Elməsix iguz ən man-nawan.

²⁰ Areğ wəllen ad əlle ɣur-wan dağ amazay wa, are değ a dawan-əşşiwəlağ s əmmək iyyan wər nəmos wa, fəlas iqqān aɣaf-in dağ batu-nawan.

Masnət ta nəgraw dağ əlqissat n Ənnəbi İbrahim

²¹ Əməlat-i: Kawanay a əranen ad tagim tēməd-durt a dağ təkəmam y əşşəriɣa wa n Əttawret, awak masnət a wər təgem awa inna əşşəriɣa?

²² Wərgəy ənnan Əlkəttaban: İbrahim ila əşşin bararan, iyyan teraw-tu təkliit, wa hadan teraw-tu tələllit? ²³ Wa teraw təkliit ihəw-du əs tarrayt ta n attas n əggadəm, wa teraw tələllit amaran ihəw-du əs tarrayt ta n arkawal ən Məşşina. ²⁴ Batu ta əlmi-tal a təmos fəlas sanatat tədoden şin, əşşin arkawalan ən tassağ a mosnət. Arkawal iyyan za iga fəl ədɣay wa n Sinay imos təhəwt ən bararan əmosnen eklan, amaran arkawal wa Hajara a tu-tə-mosat. ²⁵ Hajara amaran adɣay wa n Sinay a tat-imosan, ihān amaɣal n Arabəya, təmmittal Yerusalām ta n əmərədda dağ əddənət, fəlas təha əkkəlu ənta harkid bararan-net. ²⁶ Sa hadan Yerusalām ta təhat ijənnawan tələllit a təmos, amaran ənta a təmosat zun anna-nana. ²⁷ Fəlas ənnan Əlkəttaban: «*Fəliwəs tantut ta wər nətilu bararan, kam a wər ides aɣaraw ən barar. Ədkəl əməsli-nam wəllen takna tədəwit kam a wər nəzday təlawayt ta n əmzur. Fəlas bararan ən təntut ta tətawaksanat ad aɣəran win təntut ta wər izammazzay aləs-net igət.*»

²⁸ Kawanay amaran imədrayan-in, bararan as itiwagga arkawal-nasan a təmosam, zun Isəhaq.

²⁹ Mišan zun awas kala iga, wa d-ihəwan əs tarrayt ta n attas n əggadəm, əddəguz a itaggu wa d-ihəwan əs tarrayt ta n İnfəs ən Məşşina, amaran arət wen da a igan har əmərədda. ³⁰ Awak wərgəy a ənnan Əlkəttaban: «*Əstəy takliit əd barar-net, fəlas barar wa n təkliit wər z'inəməkusət əd barar*» wa n tələllit?

³¹ Dağ adi imədrayan-in, əssənət as nakkanay wər nəmos bararan ən təkliit, kalar bararan ən tələllit a nəmos.

5 Elməsix a danağ-isaddarfen fəl ad nallallat. Awen dağ a fəlas zəzzəwətət wəllen dağ əlləllu wa, fəl ad wər təqqəlam əkkəlu.

Tədarfit n əlməsixitan

² Ənəyat, nak Buləs əmalay-awan kawanay əlməsixitan win wər nəmos Kəl-Əlyəhud âs as tēm-məkadam wər dawan-z-aknu Elməsix wala.

³ Amaran arət wa ad t-ələsəy emel y awedan kul wa itawasamankadan: Awedan wədi iwar-tu ad ilkəm y əşşəriɣa ketnet. ⁴ Təmmizzayam d Elməsix kawanay win gammaynen taqqat əs ləkkum y əşşəriɣa; aba fall-awan arraxmat ən Məşşina. ⁵ Nakkanay amaran tarrayt n İnfəs wa Zəddigan as nəssəgəd s ikus n aşşak i taqqat tas nəga attama n a danaq-qat-akfu əzəgzan. ⁶ Fəlas awedan was təlla tassağ ɣar-es d Elməsix Yaısa, wər izlay əmənəkəd d iba-net. Wər ɣur-əs imos arət ar əzəgzan. Əzəgzan amaran tara a tu-təsaknit.

⁷ Kawanay itittəy əzəgzan-nawan wəllen! Dağ adi ma dawan-iqqalan təsəwəq izzəbaz-kawan tarrayt wər nəmos ta n tidət ta n Əlinjil? ⁸ Tarrayt tas təqbalam iguz-net əddi, wər du-təfel wa kawan-d-iɣran, a t-imosan Məşşina. ⁹ Itawannu: «Arət ən xamira a isakafan tagəlla ketnet.» ¹⁰ Dər iga awen da ya, nak əgey attama dağ Əməli Yaısa dağ talɣanawan: Əgey iduf n as wər za tagim imedranan əm-mizraynen win-in. Mišan awedan wa sər-wan d-it-awayan aşşawaşa a iqqal, ad awwaddab. ¹¹ Nak amaran imədrayan-in, ənnar emel a taggağ âs təga addararat s əmənəkəd, wədi mənəi əddəlil wa fəl tawadgaza harwa da? Kud arət wədi a sasayra, adi za ətəwətəytay ən Yaısa fəl təgəttawt ab'as imos təsənəkəft y aytedan! ¹² Amaran aytedan win kawan-əhanen əddi ətawayan-du sər-wan aşşawaşa dağ batu n əmənəkəd, əɣrədanet azzam ən man-nasan!

İnnəsixatan

Tarrayt ta n tara

¹³ Kawanay amaran imədrayan-in, iɣr-iwan-du Məşşina y ad taddarfem. Eges tədarfit ten ad wər təqqəl arət a sər-wan d ewayan ləkkum y arak dər-anan ən tara ən man. Kalar akkiyyan dağ-wan iqqəlet akli ən win hadatnen, iga awen əs tara.

¹⁴ Amaran əşşəriɣa wa n Əttawret kul as inna dağ batu iyyadda təmosat: «*Ad taga y əşşəqqay-nak tara ta təgey i man-nak.*»¹⁵ Ənkədət y ad tətənəmədi-dam zun imudaran, tətənəməggim talbast ɣar-ewwan, fəl ad wər tənəməhləkam.

Tarrayt ta n Infas wa Zəddigan əd ta n aggadəm

¹⁶ Arat da was arex a dawan-t-anna: Ayyiwat Infas wa Zəddigan ad annadu daɣ təməddurt-nawan. As təgam adi, wər dawan-ilkem ad təmmozalam s arak deranan ən tara ən man. ¹⁷ Fəlas deranan win aggadəm iman-net, əllid a əmosan n Infas wa Zəddigan, Infas wa Zəddigan deɣ əllid a imos ən deranan win aggadəm. Əgân əməzrəy wa n as a sərwan d-awəy awen ad tammazzayam d igi n awa tərām. ¹⁸ Amaran as imos as Infas wa Zəddigan a daɣ-wan innodan, wədi ad ib'as fall-awan ixkam əşşərixa wa n Əttawret.

¹⁹ Imazalan win aggadəm iman-net əmmunan. Əmosan: Əzzəna d ammadas d igi n aratan win oğarnen taxxaramt, ²⁰ d igi n əmadraw əd şaxawan d əzzəngu d əməstan, əd manjaɣ d aşşar əd tara ən man d əzəmməzəy n aytedan d əzəmməzrəy-nasan ²¹ d iba ən təla n igda, d əməswəd, d əsəssikəy daɣ tattay d aratan wiyyad olanen əd win. Ad dawan-ələsaɣ emel harwa əmərədda əs: Aytedan win tagginen aratan win di wər z'əggəzan Taɣmar ta n Məşşina.

²² Aratan amaran win d-əfalnen Infas wa Zəddigan, əmosnen əllid ən win di, əmosan: tara əd təfalawist d alxer əd təzaydart əd man mallolnen, d əlluɣ d əzəgzan, ²³ əd talmat, d ənudi daɣ wallanana. Amaran wər t-illa əşşərixa išşakan alxalan win di. ²⁴ Awalla, aytedan win əkfanen iman-nasan y Əlməsix Ƴaysa, win di əkkasan-in daɣ alxal-nasan tara ən man d arak deranan win daɣ-san ənnodanən, əttəytayan-tan fəl təgəttawt ta fəl itawataytay Əlməsix.

²⁵ Dad zamas Infas wa Zəddigan a ɣur du-təfal təməddurt-nana, nayyiwet-tu a daɣ-na ixkəm.

²⁶ Ad wər nəqqəl aytedan əzzizwarnen iman-nasan. Mazzayatana əd tədləmt gar-ena d igi n at-tama daɣ awa əlan midawan-nana.

Igi n awa olaɣan y awedan kul

6 Imədrayan-in, as ewad jarraba awedan iga ark əmazal a iqqal, kawanay a əlkamnen y Infas wa Zəddigan, səssixədat-tu əs man lammodnen fəl a d-iqqəl tarrayt ta tolayat. Ənkədat wəllen əd man-nawan fəl a kawan-wər-awəd jarraba kawanay da.

² Akkiyyan daɣ-wan idkəlet əzuk ən win hadatnen. Əmmək en daɣ as du-za-tassandim əlqanun wa n Əlməsix; ³ fəlas wa iga n man-net iduf n as

imos awedan zəwwəran, as iga awen wər imos wala, wədi bahu a itaggu i man-net. ⁴ Akkiyyan daɣ-wan inzəret daɣ mazalan-net. As inay as imazalan-net hossayan, əddi ad igrəw əddəlil n ad ifləs iman-net s əssəbab ən mazalan-net wərgəɣ s ad išəsalu iman-net d awedan iyyan. ⁵ Fəlas awedan kul kundaba ibdad fəl mazalan-net.

⁶ Awedan wa itawasasaɣrin awal ən Məşşina, iwâr-tu ad idrəw ərrəzəɣan-net kul əd wa t-isasaɣrin.

⁷ Ad wər tətəfam alxata: Məşşina wər t-illa i z'ayyu isəmmədrəy-tu. Awalla, amasa wa inbal awedan ənta a du-z-aləy. ⁸ Illikan əs awedan wa iga imazalan win tara ən man, aroz-net ad t-iqqəl awa d-itaway ləkkum y arak deranan, a t-imosan ahluk. Mişan wa itaggin imazalan win d-əfalnen Infas wa Zəddigan, ad igrəw aroz a d-ifalnen Infas wa Zəddigan a t-imosan təməddurt ta təɣlalət.

⁹ Ad wər nəqđəz igi n awa olaɣan, as iga adi ad nəgrəw arozan daɣ alwaɣ wa itawaskatan y awen, as wər nəqqəl dəffər-na. ¹⁰ Daɣ adi iket di ad nəgraw tarrayt n awen, taggiwatanax awa infan aytedan kul, wəllen imədrayan-nana daɣ əzəgzan s Əlməsix.

Ərruymatan win əlkamnen d assalaman

¹¹ Ənəyat əlxərəfan win zawwarnen a. Əfus-in as dawan-tan-in-kattaba. ¹² Aytedan win gammaynen a kawan-şəhhəşşələn əs iwar-kawan əmənkəd, win di agamay a taggin a tan-əssəɣməran aytedan. Amaran arat wa gammayan wəllen, a tan-wər-ədgezan aytedan fəl əddəlil n əzəgzan-nasan əs tamattant n Əlməsix fəl təgəttawt. ¹³ Aytedan win tamankadnen da, wər əlkeman y əşşərixa fadda. Tara ɣas a əgan a kawan-səmmənkədən fəl ad agin ibaragan s awen. ¹⁴ Nak amaran wər ilkem ad sibaragaɣ âr əs təgəttawt ta fəl itawataytay Əməlinana Ƴaysa Əlməsix. Tarrayt ten daɣ ən təgəttawt en ənta a du-təwayat as ark aratan n əddənət a kul əmosan sər-i a ammen, zund əmmək as nak da əmosaɣ iri ammen daɣ batu ta təqqalat əddənət. ¹⁵ Fəlas wərgəɣ əmənkəd wala iban-net a imosan əlməxsud, kalar axluk aynayan əs tarrayt n Əlməsix a imosan əlməxsud. ¹⁶ Ihənəttətət Məşşina y aytedan kul win əlkamnen y anamod wa, akf-en alxer, s əmmək was iga adi i tamattay-net!

¹⁷ A obazan ɣur əmərədda, a di-wər-iləs awedan waliyyan əddəguz, fəlas elam-in əwarnat-tu təmi-jar ən ləkkum-in i Ƴaysa.

¹⁸ Ya imədrayan-in, əttâra s Əməli-nana Ƴaysa Əlməsix a kawan-ikfan arraxmat. Amin.

Kəl-Efez

Assalam

1 Awa nak Buləs, imosan anammazul n Elməsix
 Ʋaysa əs tərəddawt ən Məşşina. Širawt ta
 təkka aytedan win əmosnen tamattay ən Məşşina
 əhanen aƷrəm n Efez, almaƷna aytedan win əƷdal-
 nen day tassaƷ d Elməsix Ʋaysa. ² EƷmaya day
 Məşşina di n Abba-nana, d Əməli-nana Ʋaysa
 Elməsix a kawan-ikfan arraxmat d alxer.

Təməddurt ta taynayət, almaƷna təməddurt ta təƷat day tassaƷ d Elməsix

Təməddurt ta day nəzzəƷzan s Elməsix

³ Təmmal i Məşşina, imosan Abba n Əməli-nana
 Ʋaysa Elməsix! Ig-anay albaraka day tassaƷ-nana
 d Elməsix əs tahakkay ta danaƷ-iga əkkulluk n al-
 baraka wa d-izazzabbat Infas wa Zəddigan day jən-
 nawan. ⁴ Day adi, əssənatanay as harwa dat əxluk
 n əddənet a danaƷ-isannafran Məşşina y ad nəƷqəl
 i-net əs tarrayt n Elməsix fəl a dat-əs nəƷqəl
 aytedan zaddognen wər iwer a imosan lahan, fəl ad
 nagu təməddurt təha tara. ⁵ Məşşina ənta a danaƷ-
 isannafran harwa day tizarat y a danaƷ-agu
 bararan-net əs tarrayt ən Ʋaysa Elməsix. Awen day
 a igrazan i Məşşina, ⁶ amaran ig-ay fəl ad nəmməl
 tanaya-net d arraxmat-net tas danaƷ-isabbalal əs
 tarrayt ən Barar-net a ikna tara.

⁷ Tartəyt əd Barar-net en da a dana-təkfət tədarfit
 əs tarrayt n əzni-net. Tədarfit ten təmos təsureft ən
 bakkadan-nana, amaran nəƷrāw-tat s arraxmat ən
 Məşşina wər nəla əddukad ⁸ a fall-ana d-izizzabbat
 s igət, ikf-anay əzzənəfan kul ən masnaten d əƷər-
 ri. ⁹⁻¹⁰ Awen ig-ay s əsusən wa day-na iga əssir ən
 tara-net. Əssir wen imos əšidəw n aratan kul win
 əhanen ijənnawan əd win əwarnen amaƷal fəl ad
 ittəf Elməsix tanat-nasan. Tarrayt ten ig-et-du har-
 wa a irəwan s əssəbab n Elməsix, amaran awen da
 das-igrazan. Igā awen fəl ad assandu tarrayt ten
 day alwaƷ wa das-iskat.

¹¹ Isinafran-ana deƷ Məşşina harwa day tizarat,
 əs tarrayt n Elməsix y ad nəƷqəl i-net inimannak
 awen əd tarrayt ta d-iktab Məşşina s ənta a itaggin
 aratan kul s əmmək was tan-d-ikta əd was iga
 tanat-nasan. ¹² Məşşina ig-ānay awen fəl ad nagu

təməddurt a daƷ-as nətaggu təmmalen fəl tanaya-
 net, nakkanay win azzarnen igi n attama day
 Elməsix.

¹³ Kawanay da təslām y awal wa imosan tidət a t-
 imosan isalan n Əlinjil win kawan-hakkinen əƷillās
 əs tarrayt n Elməsix. Amaran as təzzəƷzanam, wə-
 di issəwar-kawan Məşşina əs tarrayt n Elməsix
 ejwal issiknan ās tamattay-net a təmosam. Ejwal
 wen, imos-tu Infas wa Zəddigan as iga arkawal-
 net. ¹⁴ Infas wa Zəddigan en ənta a imosan təda-
 Ʒart ta tazzarat day awa dana-z-akfu Məşşina day
 jənnawan. Məşşina issiwar-anay ejwal-net iket di a
 du-tətawad tədarfit ən tamattay ta iskat i man-net.
 Arat wen kul ad t-agu Məşşina fəl ad təwəƷginat
 təmmalen i tanaya-net.

Təwatray ən Buləs i Kəl-Efez

¹⁵ Awen day a fəlas, nak da, dəffər as əsley
 əzəƷzan-nawan s Əməli Ʋaysa, əd tara ta təssək-
 nam i mizdagan kətnasan, ¹⁶ wər kala ad əməzza-
 yaƷ əd godan i Məşşina day batu-nawan alwaƷ kul
 wa kawan-d-əkteƷ day təwatriwen-in. ¹⁷ EƷgam-
 maya day Məşşina imosan Əməli n Əməli-nana
 Ʋaysa Elməsix, imosan deƷ Abba wa ilan tanaya, a
 kawan-akfu Infas wa ihakkin masnat, isinəfilil deƷ
 aratan win əhanen ətənkul, fəl a tu-təssənam.
¹⁸ Gammaya daƷ-as deƷ ad aləm iwəllan[-nawan]
 fəl ad təkni əƷərri n awa imos attama was kawan-
 iƷra, təssənam deƷ awa dər oƷdanat təhussay ən
 saƷmar wa igarraw Məşşina Ʒur-na nakkanay a n
 mizdagan, ¹⁹ təssənam deƷ awa dər togda təz-
 zəwwert wər nəla əddukad ən tarna-net sər-nay
 nakkanay a əzzəƷzannen əs mazalan əssohatnen
 ən tarna-net. ²⁰ Tarna-net ten iššišƷal-tat day
 Elməsix, s əsənkər wa t-id-iga day təmattant d
 əsəƷƷimi wa t-iga day əƷil-net day jənnawan. ²¹ Ig-
 ay dənnəƷ taƷmar kul əd təmənukəla kul, əd tarna
 kul, d əlxəkum kul. Iga esəm-net dənnəƷ esəm kul
 wa t-illan Ʒər za daƷ azzaman win əmərədda, wala
 deƷ azzaman win d-əzaynen. ²² Arat kul ig-ay daw
 daran-net, təzzar ig-ay əmuzar n arat kul day
 Əlkənisat, ²³ təmosat taƷəssa-net. TaƷəssa en ama-
 ran ənta a daƷ ikannu Elməsix əlkamalat, ənta a
 ihan edag kul.

Təmattant əd tanakra əs tarrayt n Elməsix

2 Amaran kawanay aba-kawan fəl aganna wa
 iƷqalan tassaƷ əd Məşşina s əssəbab n arak

mazalan-nawan əd bakkadan-nawan. ² Dat awa təşşokalam dəy arak mazalan win, təlkâmam y alxal wa n əddənet, təlkâmam y awa ira əmuzar ən kəl ətənkul win alhawa, a t-imosan infas wa ixkaman dəy nəmməzray ən Məşşina dəy əddənet. ³ Ketnana as tizarat nəmos arat dəy-san. Dat awa nəlkâm y arak deranan ən təyəswen-nana, nətamazal awa əranat təyəswen-nana əd medranan-nana. Dəy adi təsəlkamt-nana əstizarat, âs nakkanay da, a danax-iwər attadib ən Məşşina wa iwaran aytedan kul.

⁴ Mişan təhanint ən Məşşina wər təla əddukad. Amaran əddəlil ən tara tagget ta danax-iga, ⁵ nakkanay as zun danax-aba s əssəbab n ark mazalan-nana, ənta a fəl danax-ikfa təməddurt əs tarrayt n Əlməsix. Arraxmat ən Məşşina as təgrawam efsan. ⁶ Issənkər-ana-du nəddew d Əlməsix Ҳaysa, isayxam-ana dəy jənnawan nəddew dər-əs fəl əddəlil ən tassağ ta dər-əs nəga. ⁷ Awen ig-ay fəl ad əssaknu dəy əzzaman win d-əzaynen igət wər nəla əddukad a təga arraxmat-net əs tarrayt n əllux-net y-anax fəl əddəlil ən tassağ ta nəga d Əlməsix Ҳaysa. ⁸ Fəlas illikan âs arraxmat as təgrawam efsan, əs tarrayt n əzəgzan-nawan. Amaran wərgəx kawanay a xur d-ifal awen, kalar təhəkkut ən Məşşina a imos. ⁹ Wərgəx imazalan win olaşnen a hakkinen efsan, ənnar adi a igan əz-zəzwəran aytedan iman-nasan. ¹⁰ Şixəllak ən Məşşina a nəmos, a d-ixlâk əs tarrayt n Əlməsix Ҳaysa fəl ad naqu təməddurt dəy nətamazal awa olaşan âs Məşşina a t-isammatagan harwa dəy tizarat y a tu-nammazal.

Tamattay taynayət: Tamattay ta n Məşşina

Kəl-Əlyəhud əd win tan-wər-nəmos əgân alxer əs tarrayt n Əlməsix

¹¹ Dəy adi aktiwat arat wa: Dat awa təlâm alxalamat dəy təyəswen-nawan təssiknat as wər təmosam Kəl-Əlyəhud. Aytedan win ənnanen əmminkadan, gannin wər təmmənkadam. Əntanay amaran əmənəkəd-nasan wər imos âr arat əgân fassan n əggadəm. ¹² Aktiwat alxalat ta təham əstizarat. Azzaman win di wər təqbelam Əlməsix, itiwagdal-awan tişit ən tamattay n İsrayil. Təmosam inaftayan dəy batu ta təqqalat arkəwal ən tassağ wa iga Məşşina. Alwaq wədi wər təlem attama waliyyan, wər təlem tassağ waliyyat əd Məşşina dəy əddənet. ¹³ Mişan əmərədda əs tarrayt ən tərtəyt-nawan d Əlməsix Ҳaysa, kawanay win as kala ad təggugam Məşşina, təhozam-du əs tarrayt n əzni n Əlməsix.

¹⁴ Əlməsix ənta a imosan alxer-nana, ənta a issərtayan Kəl-Əlyəhud əd win tan-wər-nəmos ig-en arat iyyanda, irza təxərt ta tan-təzammazzayat, ikkas ənəməzənga gar-essan, əs tarrayt ən təxə-

sa-net ta ikfa fəl təgəttawt. ¹⁵ Arat wen ig-ay s ikus wa din-iga Əttawret d əlwajiban-net d əşşərədan-net. Iga alxer gər Kəl-Əlyəhud əd win tan-wər-nəmos əs tarrayt ən tassağ ta dər-san iga, ig-en tamattay iyyadda taynayət. ¹⁶ Təmattant ta iga Əlməsix fəl təgəttawt, ənta as issərtay Kəl-Əlyəhud əd win tan-wər-nəmos, ig-en təxəssa iyyadda. Iğasan alxer əd Məşşina, ikkas ənəməzənga gar-essan s ətəwətəytəy wa iga fəl təgəttawt. ¹⁷ Amaran osa-du y a dawan-əgu isalan n alxer, a tan-imosan Əlinjil, kawanay a naməggagnən əd Məşşina, iməl dəy alxer i win t-əhoznen. ¹⁸ Id Əlməsix ənta a ifragan a danax-izənnəmihez ketnana əd Məşşina di n Abba, əs tarrayt n Infas-net di Zəddigan.

¹⁹ Əmmək en dəy as ab-as təmosam inaftayan, wala iğərab. Kalar arat iyyanda a təmosam kawanay əd tamattay zəddigat ən Məşşina, təmosam kəl ahan ən Məşşina. ²⁰ Təmosam ehan âs inəmmuzal d ənnəbitan a mosnen şisəttəytay-net, imos Əlməsix Ҳaysa təhənt ta n təsəkbəlt-net. ²¹ Şihun şin as ikras ahan wen, kul əknânat ənəməttaf əs tarrayt ən tərtəyt d Əlməsix, əqqalnat ehan zəddigan n əlxibada əs tarrayt ən tassağ d Əməli. ²² Kawanay dəy tərtəytəm təqqalam əkərrus iyyanda fəl ad təqqəlam təməzduq ən Məşşina əs tarrayt n Infas wa Zəddigan. Awen kul iga əs tarrayt ən tərtəyt-nawan d Əlməsix.

Buləs imâl tarrayt təmosat əssir ta d-iga Məşşina - Əşşəxəl ən Buləs

3 Awen dəy a fəl əmosa nak Buləs, amaskasaw n Əlməsix [Ҳaysa] fəl əddəlil-nawan, kawanay a wər nəmos Kəl-Əlyəhud. ² A igan da təgrâwam isalan n əzuk wa di-issəwar Məşşina dəy batu n araxmat-net ta di-təwəkwəfət fəl tənfa-nawan. ³ Almayna Məşşina a di-isannafalalan əssir ən tarrayt ta d-iga, s ənta a əktaba da imos arat ən təfir. ⁴ As təxram awa əktaba da, ad tənəyam awa dər-ogda əgərri a əgəx y əssir n Əlməsix. ⁵ Əssir wa, wər təwəkwəfa masnat-net y aytedan n əzzaman win okaynen, zun əmmək was itawasanafalal əmərədda əs tarrayt n Infas wa Zəddigan i nəmmuzal n Əlməsix d ənnəbitan-net a zəddognen. ⁶ Əssir wen ənta da: Aytedan win wər nəmos Kəl-Əlyəhud, əd məzzəgzan s Əlməsix win əmosnen Kəl-Əlyəhud əgrâwan təkasit, əqqalan təxəssa iyyadda, əqqalan dəy arat iyyanda əs tarrayt ən tassağ ta əgan d Əlməsix dəy arkəwal wa ihan Əlinjil. ⁷ Əlməsix en dəy as əqqalaş amaşşaxal-net a t-iğbâdan, s əssəbab ən tarna ən təhəkkut ən Məşşina təgât s arraxmat-net ta əgrawa.

⁸ Nak a ogaran təmmədrəyt dəy məzzəgzan di ən mizdagan ən Məşşina ketnasan, mişan əgrâwax araxmat ta, a tat-imosan: Igi y aytedan win wər nəmos Kəl-Əlyəhud isalan n Əlinjil, imosan isalan n arraxmaten n Əlməsix as tu-wər-illa i ifrâgan əgərri-nasnāt. ⁹ Sənnəfiləla dəy y aytedan [kul], əmmək was innəzzam Məşşina tarrayt ta, har tat-iyrad

əsəkməl. Tarrayt ten, harwa day tizarat a tat-iga Məşşina a d-ixlakan arat kul, təmos əssir. ¹⁰ Ənəfilal wa təga tarrayt ta, ənta a du-z-awəyan əmərəddada as tağmaren əd təmənikəla şin jənnawan, ad əzdəynat assayfaten wər nəla əddukad a təmos masnat ta n Məşşina. Arat wen tarrayt n Əlkənisat as z'agu. ¹¹ Amaran awen ad agu s əmmək was t-in-nəzzam Məşşina imos arat ixlalan, ikmal-du dey day Əlməsix Ҳaysa Əməli-nana. ¹² Tassaq ta nəga d Əlməsix Ҳaysa əs tarrayt n əzəgzan sər-əs a danax-təkfət tədarfit n ad nəfrəg ənəmi haz əd Məşşina əs təfləst. ¹³ Day adi əgmaya day-wan ad wər təqqəlam ələqqam fəl əddəlil n alğazab wa tagga da fəl əddəlil-nawan. Alğazab wa ənta a kawan-z-akfin tanaya.

Təwatray ta iga Buləs fəl ad tətəwəssən tara ta n Məşşina

¹⁴ Awen day a fəl əssəjada dat Məşşina di n Abba, ¹⁵ s ənta a igan esəm y id t-illa ağaywan kul day jənnawan d amaḍal. ¹⁶ Awalla! Əgməyax day-as ad aknu əssəsuhi ən wallan-nawan əs tarrayt n Infasnet wa Zəddigan s əssəbab ən tanaya-net təkməlat. ¹⁷ Onsəyaq-qu ad izdəx Əlməsix day wallan-nawan, əs tarrayt n əzəgzan-nawan, id təqqəlam aytedan zizawatnen wəllen sihaddan dey fəl tara. ¹⁸ Onsəyaq-qu day adi ad taknim əzəzzəwi day əzəgzan-nawan, təfrəgam ad təməsəsəgrim əd məzzəgzan di zaddognen kul day batu ən tara n Əlməsix təknət ilwi fəl aganna kul, ¹⁹ təzdəyam dey tara ten təllət dənəg masnat kul. Əddi a kawan-za-tədkər tanaya ən Məşşina s əmmək ikməlan.

²⁰ Əmmək en day əs Məşşina ifrəg ad agu y arat kul igi ofən wa day-as nəgmay, ofa dey awa nəxil. Arat wen, itagg-ay əs tarna-net ta day-na təşyalat. ²¹ Igrəwet Məşşina ətəwəsəymar day Əlkənisat igə awen day tassaq d Əlməsix day azzaman kul har faw. Amin.

Əşşərədan aynaynen: Əsənnəfiləl n ətəwəşşinay wa danax-itawaggan

Əzəzzəwi day ad təqqəl Əlkənisat arat iyyanda, a t-imosan tağəssa n Əlməsix - Ənəmənnək ən məzzəgzan

4 Day adi arat da wa day-wan gammaya, nak imosan amaskasaw fəl as əğbadax Əməli: Kawanay a iyra Məşşina, agiwat alxal inihaggan d ətəwəxra wa tətəwaggam den. ² Əqqələt faw aytedan wər nədkel iman-nasan, tilmadam, təqqəlam iməzəzzəydar. Nəməqbəlat gar-ewwan əs tara. ³ Ədgəzat faw day agamay ən tartəyt ta ihakku Infas wa Zəddigan əs tassaq n alxer ta təllət gar-ewwan. ⁴ Tağəssa iyyadda a tu-təllat, d Infas iyyanda. Əmmək en day əs Məşşina iyr-iwan-du s ad tagim attama iyyanda, a t-imosan was du-

tətəwəxram. ⁵ Əməli iyyanda a t-illan, ill-ay əzəgzan iyyanda, d alamağ day aman iyyanda, ⁶ Məşşina dey iyyanda a imos, imos abba n awedan kul, ixkəm fəl i t-illan kul, itaggu igitan-net əs tarrayt n id t-illa iyyan, irtəy dey d id t-illa iyyan.

⁷ Dər iga awen da ya, akkiyyan day-na igrəw araxmat ən Məşşina, ewəl awen s adagar wa t-ikfa Əlməsix day əşşəxəl-net. ⁸ Awen day a fəl ənnan Əlkəttaban: «*Iggəzzay əs daggan win ədkalnen, ewəy win əhanen təla, təzzar iga şihəkkuten y aytedan.*»⁹ Ma imos almağna ən batu ta n «iggəzzay»? Wərgəx almağna n awen as iras har imal daw amaḍal? ¹⁰ Wa d-izzəbben, ənta a iggəzzayan imal dənəg jənnawan kul fəl ad idnəy edag kul d arat kul.

¹¹ Amaran Əlməsix, ənta a igan aytedan wiyyad inəmmuzal, iga wiyyad ənnəbitan, iga wiyyad imaggan ən salan n Əlinjil, iga wiyyad imadanan əd məssəsəxra. ¹² Şihəkkuten şin den ig-enat Əlməsix fəl əsəsuhi d əsəkməl ən məzzəgzan, fəl ad əfərgan əşşəxəl was təwəxran, y ad taknu təğəssa n Əlməsix assahat. ¹³ Əmmək en day əs ketnanax əs za nəwəd ənəmənnək day əzəgzan, iga awen day təməzdəyt ən Barar ən Məşşina. Təsəlkamt n awen əs ad nəqqəl iməzzəgzan əkməlnen, tənifalal day-na tişit təkməlat n Əlməsix. ¹⁴ Əddi ad z'ib'as nəmos bararan mdrornen, əddagnen sa əd sa əb-batan-tan əzzənəfan ən səsəxritan taggin nəsbuha ən məkkərras saxraknen aytedan. ¹⁵ Kalar əddi ad za nəmmal tidət, nag-as emel igən əs tara, nəttəy day əkkulluk n anamod day tarrayt ən wa imosan əxaf-nana, almağna Əlməsix. ¹⁶ Ənta en day a isadwalan tağəssa ketnet, ənta dey a xur du-təgarraw təğəssa assahat-net, iga awen day tara. Ənta dey a isannamannakan tağəssa tənəməttaf əs səmməxras əssəhatnen fəl ad təfrəg təslət kul igi n əşşəxəl-net.

Aggadəm wa irəwan d aggadəm wa aynayan

¹⁷ Day adi əggəyyəx əsilakanax-awan s esəm n Əməli əs: Wər imməkkan ad tələsam igi ən maza-lan win taggin aytedan win wər nəmos Kəl-Əlyəhud, a wər nəlkem ar i tayttay-nasan təmosat şibənnan. ¹⁸ Tayttay-nasan wər tat-iha ənnur, əmosan inaftaxan i təməddurt ta təssəymarat Məşşina s əssəbab n əljəhəl-nasan a sər-san dutewəy tağart ən wallan-nasan. ¹⁹ Ab-əs əssanan awa olağan wala awa wər noləx. Əşşokalan day təmazrəyt, taggin imazalan zizallatnen aggadəm, d iba n təla n igda day əzzənəfan kul ən mazalan samadasnen, əknən tara n əddənət.

²⁰ Mişan kawanay wərgəx əmmək wen əs təsanam awa imos Əlməsix. ²¹ Dad zamas təgrəwam isalan n Əlməsix, tətəwasasaxram day tərətəy dər-əs, wədi tətəwasəsanam tidət ta təhət Ҳaysa. ²² Almağna n awen ad tamməzzayam d alxal-nawan wa irəwan, a t-imosan alxal n aggadəm was kala a tu-təmosam, təwəyan arak deranan-net s əxruk.

²³ Eqqølat aytedan išišanay Infas wa Zëddigan isimattay taytween-nawan. ²⁴ Zund ëmmæk as ilassu awedan tabdoq, tæqqølet tæbdoq-nawan alxal aynayan wa d-iga Mëššina. Alxal wen, itinëfilil day taqqat ëd tazdak šin tæhakku tidët.

²⁵ Awen day a fëlas mazzayat d igi ën bahu. «Akkiyyan day-wan iššiwølet tidët yas y əšəqqay-net», id akkiyyan day-na taslët a imos ën win hadatnen. ²⁶ «As kawan-iggaz alham, ad wër tagim abakkad.» Ad wër tudu tæfuk ih-iwan alham. ²⁷ Ad wër talëmam y Iblis tarrayt as d-iggaz. ²⁸ Wa imosan abaydag ammazzayt ëd šikra, iššəšxølet šixurad-net, išxølet əs fassan-net fël ad igrëw tënfa a za uzan i maddararan.

²⁹ A du-wër-tëgmød batu waliyyat labasat imawan-nawan. Kalar ad wër tætaggim ar batuten hossaynen a za tæggöz tënfa, as tæga addararat s awen, əqqølnat dëx arraxmat i wa dasnat-islam.

³⁰ Ad wër tæzëzəkënzëram Infas wa Zëddigan ën Mëššina, fëlas tarrayt n Infas wa Zëddigan en as kawan-issëwar Mëššina ejwal-net y əzəl wa n tædarfit ta n tæzërest. ³¹ Tëgmødet-kawan i tu-tølla tæssëmømt, d əxəšəši, d alham, əd tæhërəššet, d ər-røbdan, d a iqqal aššar. ³² Tinëmøggiwat awa olaxan gar-ewwan, akkiyyan iqqəl awedan tæha tæhanint, lëmmid i midiwan-net. Akkiyyan day-wan isurəfet i win hadatnen zund ëmmæk as dawan-isoraf Mëššina əs tarrayt n Elmësix.

Agiwat tæmøddurt tægät day ənnur

5 Dad zamas bararan ën Mëššina ikna tara a tæmosam, wëdi əlkëmat y almasal wa-net. ² Eqqølat aytedan əššokalnen day tara, zund ëmmæk was danax-ira Elmësix har as ikfa iman-net i Mëššina, imos tæhëkkut əd tækutay tølät xur-əs ađu izodan. ³ Nëmøggøgat d əzzëna, əd mazalan samadasnen a əqqalan, əd tara n əddønët. Aratan win di a du-wër-tammadkel batu-nasan fadda xurwan. Awen day as ihor ad t-agin mizdagan ën Mëššina. ⁴ Ad wër tætaggim aratan jargonnen wala batuten wër nëla almayna əs zun tanat-iga əmeskel, wala batuten jargonnen. Adi wër itewøggu. Kalar taggiwat igodan i Mëššina. ⁵ Fëlas əssønät wëllen as, awedan kul wa itaggin əzzëna, wëdi immidas, iga attama-net day ər-rëzəxan n aytedan, almayna iybäd əssënəman, wëdi wër z'igrëw adagar waliyyan day taymar ta n Elmësix əd Mëššina.

Agiwat tæmøddurt ta taggin aytedan əhänen ənnur ən Mëššina

⁶ A kawan-wër-akkarras awedan waliyyan wala issëxrək-kawan əs batuten ën bannan, fëlas arat wen ənta a d-itawayan alham ën Mëššina s aytedan win næfføllag. ⁷ Day adi ad wër tilem tassaq waliyyat d aytedan win. ⁸ Fëlas illikan əs dat awa kala ad tæham šiyay, mišan əmërødda tæhäm ənnur day tørtøyt d Əmøli. Agiwat alxal wa taggin aytedan

əhanen ənnur, ⁹ fëlas tënfa ta d-itaway ənnur tæmos əzzënfan n aratan kul win olaxnen, əd win oxadnen əd win əmosnen tidët. ¹⁰ Dad zamas tæhäm ənnur, wëdi gammayat wëllen d ad tæssënam awa igrazan y Əmøli. ¹¹ Amaran ad wër tædrëwam wala əd mazalan ən bannan n aytedan win əhanen šiyay, kalar tugəyat sër-san tæsafaggimtan. ¹² Fëlas illikan as awa taggin aytedan win di day əssir, isikarakad fadda awal day batu-net.

¹³ Mišan as əfføggan aratan win, əwaran azzahir, ad næfiləlän mazalan-nasan ezal a mallan. ¹⁴ Amaran arat kul wa day innøflay ənnur, wëdi ənnur a imos. Awen day a fël itawanna:

«Ənkər-in kay wa insan,
Ənkər-in day næmmøttan,
Əddi a fall-ak
isëmmølowløw Elmësix ənnur-net.»

¹⁵ Day adi ənkødat wëllen y alxal-nawan, ad wër tæqqølam zun imeskelan, kalar əqqølat imalan ən tayttay. ¹⁶ Ad wër tæsabannanam šimazayyaten šin tægarrawam, fëlas ark azzaman a nəha. ¹⁷ Awen day a fëlas ad wër tæqqølam zun aljahilan, kalar əqqølat aytedan əgranen awa fall-awan ira Əmøli. ¹⁸ Amaran ad wër tæsamaswadam iman-nawan s esmad, arat wëdi əjëmøjöllød a z'agu tæmøddurt-nawan. Kalar əqqølat aytedan idnây Infas ən Mëššina, almayna n awen as: ¹⁹ tinëmøggiwat əl-maxizatan gar-ewwan əs tæsarnaten n Azzabur, əd tægaytalen, əd sakkan a d-əgmadnen xur Infas wa Zëddigan. Agiwat isakkan əmosnen tæmmalen ən Mëššina. Agiwat awen y Əmøli s əwəl iyyanda. ²⁰ Tigudəyat faw arat kul i Mëššina di n Abba, s es-əm n Əmøli-nana Xaysa Elmësix.

Inømad ən tassaq win aynaynen

Tassaq gër aləs əd taخورəs - Axaywan n əlmësixitan

²¹ Akkiyyan day-wan abbardaget i win hadatnen, tægäm awen day tæksøda n Elmësix. ²² Šidoden, bardagmat i meddan-nakmat zun əmmæk as tæb-bærdagmat y Əmøli; ²³ id aləs ənta a imosan əmuzar ən tørtut zund əmmæk as Elmësix a imosan əmuzar n Əlkənizat tæmosat taخوسa-net, amaran ənta iman-net a imosan Ənəsəfsi-net. ²⁴ Zund əmmæk as tæbbærdag Əlkənizat y Elmësix, tantut kul tabbardaget y aləs-net day arat kul.

²⁵ Meddan, iriwat šidoden-nawan, s əmmæk as ira Elmësix Əlkənizat har as iman-net a ikfa fël əddølil-net, ²⁶ fël a tat-iskət əs man-net dæffer as tat-izzizdag s aman, almayna Awal ən Mëššina.

²⁷ Awen igmay sër-əs ad taknu Əlkənizat šihussay, wër tat-tøwer a imosan tətənəqqet, wala ənəkəmmi, wala arat zun awen, fël ad tizdag day a imosan lahan. ²⁸ Əmmæk en day əs meddan da iwâr-tan ad iren šidoden-nasan zun tara ta əgan i man-nasan. Awedan wa iran taخورəs, wëdi iman-net a ira. ²⁹ Il-

likan âs wër kala ad itawanay awedan ikyâdan taÿessa-net. Kalar awedan äšätši a itaggu iman-net, innittaf äd taÿessa-net zun awa iga Elmäsix y Elkänisat, ³⁰ id nakkanay šisellad en taÿessa n Elmäsix a namos. ³¹ «*Awen daÿ a fäl z'ifäl aläs abba-net d anna-net aglu irtäy äd taÿuräs äqqölan taÿessa iyyadda.*»³² Arat wa enne da daÿ batu n Elmäsix d Elkänisat, imos ässir zöwwëran en Mäššina. ³³ Xasil äkkulluk n iyyan daÿ-wan agiwet i taÿuräs tara ta iga i man-net, tantut deÿ tössäxmëret aläs-net.

Tassaÿ gër bararan äd marwan-nasan

6 Bararan, bardagat i marwan-nawan [zun as többirdagam y Emëli], fëlas awen daÿ a oÿadan. ² Alwajib wa azzaran as iga Mäššina arkawal n as ad ilu arozan, a inna: «*Söxmër abba-nak d anna-nak,*³ *fäl ad tögrewaÿ töfalawist, tileÿ taÿrëst tagget daÿ äddënet.*»

⁴ Kawanay amaran abbatan, ad wër täšixëšësem bararan-nawan, kalar sassaxriwat-tan, tagim-tan daÿ tarrayt tömëlam-asan awa fël irÿam Emëli.

Tassaÿ gër eklan äd mössawsan

⁵ Eklan, bardagat i mössawwan win äddënet äs saÿmar äd töksöda. Agiwat awen s öwël iyyanda, zun âs Elmäsix as többërdagam. ⁶ A dasan-wër-tëtaggim äššëÿäl olâÿan fël as kawan-ewalan, zun as wër tagëmmëyam ar awa igrazan y äggadëm. Kalar agiwat y äššëÿäl wa igi n âs eklan n Elmäsix a tömosam. As tu-tëtaggim tögammayam s öwël iyyanda a du-tössëxsëlam tara en Mäššina. ⁷ Agiwat-asan äššëÿäl igân äs man ärdânen, zun as Emëli as täšÿalam, wërgëÿ äggadëm. ⁸ Tössanam as: Arat kul olaÿan wa iga awedan, ad igrew maruzat-net ÿur Emëli, gër imos awedan wen akli wala ällëlli.

⁹ Kawanay deÿ mössawës n eklan, agiwat äqqad en da y eklan-nawan. Ayyiwat-tan šihëräšša, id tössänam as Emëli a ihan ijënnawan ënta a imosan mäššikkawan kawanay dër-san. Emëli amaran wër fall-as t-illa igi en tömërit.

Tëbellant äd talbast: ättëfat äÿër wa n Mäššina

¹⁰ Xasil, a obazan ÿur ëmërëdda, ägmëyat daÿ Emëli ad isëssuhët tartëyt-nawan d Elmäsix äs tar-

na-net wër nëla äddukad. ¹¹ Ättëfat tözoli n ëmögër ta n Mäššina fël ad tëzmëram i tëmërkas n Iblis, ¹² id töbellant ta nëga, wërgëÿ äytedan a dër tat-nëga ämosnen taÿessa d äzni, kalar taÿmaren, d älxäkuman, äd muzaran ëlanen tarnä äd fërregat a tan-imosan taÿmaren šin äxkamnen daÿ šiyay äd kël ätënkul win ëhanen ijënnawan tawayan-du tökma a dër nëmmëgar. ¹³ Awen daÿ a fëlas ättëfat tözoli n ëmögër ta n Mäššina fël ad tëfrëgam zëmmerat y ark özäl, taqqamim da wër tëqqëlam dëf-fër-wan daÿ töbellant ta tëgam dëffër as du-tössifalam dënnëg aratan win den.

¹⁴ Xasil zëzzëwëtat daÿ özëgzan-nawan, almaÿna n awen âs: Tëqqëlet tidët äsatëb was totabam; tëqqäl taqqat asalsaw n ëmögër wa tëzlagam. ¹⁵ Sëmmutëgat i töbellant ta dër d-osa Elinjil n alx-er wa nëzzëgzan, iqqäl Elinjil en zun iÿatëman-nawan. ¹⁶ Dënnëg ädi kul, iqqëlet özëgzan äÿër-nawan. Enta a kawan-z-akfin fërregat n ad tanÿim abalagleg kul wa z'intës Iblis. ¹⁷ Sëwërat tækëbbut ta n älyšillas, tëzlëgam takoba ta n Infas wa Zëddigan a tat-imosan Awal en Mäššina.

¹⁸ Tattarat faw da äs tilalt n Infas wa Zëddigan, ad tëtaggim äzzënefan kul en tëwatriwen, äd mansayan en Mäššina. Eglëyat daÿ awen, a tu-tëtaggim äs zëmmerat, ad tëtaggim deÿ šiwatriwen i mëzzëgzan di en mizdagan ketnasan; ¹⁹ a di-tanat-tëtaggim nak da fël ad ägrëwaÿ masnat n awal, äššiwëlaÿ s ikus n äššak, ägaÿ isalan n ässir n Elinjil äs tanaya. ²⁰ Elinjil en daÿ as ämosaÿ al-mawakkil-net daÿ äddënet, amaran äddëllil-net a fël äheÿ iÿunan. Tattarat-in fël ad t-ëmmala y äytedan s ikus n äššak, s ämmëk was ihor a sër-ës äššiwëla.

Assalaman win ëlkammen

²¹ Amadray-nana Tišik wa n ëmëri-nin imosan ämäššäÿal iÿdâlan n Emëli, a dawan-ägu kawanay da isalan-in kul, fël ad tössänam alxalat ta äheÿ d awa tagga. ²² Egmäÿaÿ-in äsuki wa dawan-t-in-z-aga, fël a dawan-ägu isalan-nana, alëm-awan fël man.

²³ Onsaya Mäššina di n Abba d Emëli ÿaysa Elmäsix ad akfu imëdrayan-nana kul alxer äd tara daÿ ättâfan özëgzan-nasan. ²⁴ Ya Mäššina tögëÿ ärraxmat-nak y äytedan kul win ëranen Emëli-nana ÿaysa Elmäsix, ägân-as tara wër nëtëmëttëy.

Kəl-Filib

Šihulawen

1 Awa nak Buləs əd Timotay əmosnen eklan n Elməsix Yaysa. Nəhul-in aytedan kul n əyrəm ən Filib win əmosnen arat dəy tamattay ən Məşşina əs tərətəyt-nasan d Elməsix Yaysa, əd muzaran n Elkənisat əd madhalan-nasan. ² Əgmâya dəy Məşşina di n Abba-nana d Əməli Yaysa Elməsix a fall-awan d-izazzabben arraxmat d alxer.

Igodan əd təwatriwen

³ I kawan-d-əkterə ad əggudəyax y Əməli-nin Məşşina. ⁴ Šiwatriwen kul šin dawan-tagga, fawda təfalawist a dəy-wan tanat-tagga, ⁵ fəl əddəlil ən tədhəlt ta di-tətaggim dəy əzəwwəziwəz n Əlinjil, a d-obazan xur əzəl wa azzaran har əmərədda. ⁶ Fadda əkkasax ašşak as, əšşəxəl olayan wa dəy-wan isənta Məşşina əddi, wər tu-z-izzərəz iket wər t-isənda əzəl wa dəy du-z-azzabbat Elməsix Yaysa. ⁷ Wərgex bannan ifarray əwəl-in y adi dəy talxanawan ketnawan fəlas əkneq-qawan tara kawanay win dər-i ədrawnen arraxmat ta di-iga Məşşina gər za əmərədda ad əheç kasaw wala dəy dəy təbəllant ta əgeç fəl Əlinjil d əsəttəddi-net. ⁸ Məşşina issan as tara ta dawan-əgeç ketnawan Yaysa Elməsix iman-net a du-təfal. ⁹ Amaran awa gammaya dəy təwatriwen-in, a dəy-wan tətittəy tara ta kawan-təhat dəy masnat ta n tidət d əgərri n id t-illa arat. ¹⁰ As iga adi ad təfrəgam əsənnəfrən n awa iknan əllux, təqqələm aytedan zaddogən wər iwer lahan waliyyan əzəl wa du-z-iqqəl Elməsix, ¹¹ təssəgətəmə imazalan win oçadnən as Yaysa Elməsix a xur d-əfalan fəl ad itəwəsəxmər Məşşina attamal.

Isalan ən təməddurt ən Buləs d əšşəxəl-net

¹² Areç ad təssənam imədrayan-in as, arat wa di-igrawan da eway-du fadda as əslan aytedan aggotnən y Əlinjil. ¹³ Təzzar eway-du awen as əssanan sojitən kul win tagaznən əmənokəl d aytedan kul sa hadan as əddəlil n Elməsix a fəl əheç kasaw. ¹⁴ Amaran wərgex adi xas, kalar iguz-in kasaw eway-du əs tašşam ən mədrayan-nana dəy əzəgzan tətəyt ən təfləst ta əgan y Əməli, a dəy-san tətittəy təholat n əməl n awal ən Məşşina wər tan-taha tasa.

¹⁵ Tidət a imos as wiyyad dəy-san manjax əd tara n əməzrəy a fəl taggin isalan n Elməsix. Mišan win hadatnən taggin-tan s ənnəyat tolaçat, ¹⁶ amaran

tara a fəl taggin adi id əssānan as əddəlil ən təbəllant fəl Əlinjil a fəl əheç kasaw. ¹⁷ Mišan, aytedan win hadatnən wərgex əwəl iyyanda as taggin isalan n Elməsix, kalar tənfa-nasan xas a gammayan, əgān iduf n as a fall-i əššitin s adi arkanay wa ənnaya dəy kasaw. ¹⁸ Wər imos adi wala! Elməxsud as, gər za taggin adi s əwəl iyyanda wala dəy s ark ənnəyat, isalan n Elməsix a taggin amaran isifalawas-i adi.

A di-aknu dəy əsəffəliwəs. ¹⁹ Fəlas əssanaç as, adi ketnet a d-awəy ad əgrəwax əfsan s əssəbab ən təwatriwen-nawan əd tilalt n Infəs ən Yaysa Elməsix. ²⁰ Amaran əkneç əsəddirən wəllən əge dəy attama n as wər di-za-tabəz təkarakit dəy arat waliyyan. Kalar gər za dat awa wala əmərədda, fawda əmosax əmaqçajay fəl ad itəwəsəxmər Elməsix gər za əs təməddurt-in wala əs təməttant-in.

²¹ Fəlas nak Elməsix a imosan təməddurt-in, amaran təməttant tənfa-nin a təmos. ²² Mišan ya as imos as əšşəxəl n Elməsix təh-as tənfa ad əglay əd-dara, wədi wər əssena awa za sənnəfrəna. ²³ Ət-tirkaba fəl əššin gannatan. Sinahala tara n əgamad n əddənət əməla xur Elməsix, arat s ənta a di-ofan wəllən. ²⁴ Mišan ya fəl əddəlil-nawan oçar tənfa ta təhat ad əheç əddənət. ²⁵ Arat wədi əkkasa dəy-as ašşak. Əssanaç as ad əglay əlle xur-wan fəl a dawan-ilala ketnawan s ad ittəy əzəgzan-nawan, akn-iwan adi əsəffəliwəs. ²⁶ Adi a z'ışšitin saçmar wa təgam Yaysa Elməsix əs tarrayt-in, s əssəbab ən tawayçay ta kawan-in-z-aga.

Elməsix a imosan təməddurt-in - Almasal wa n Buləs

Təməddurt ta təməttalat Əlinjil

²⁷ Təyara təgat da, əgiwat alxal was imməkkan ad t-əgin aytedan əzzigzannən s Əlinjil n Elməsix. As iga adi, gər za oseq-qawan-in wala dəy imos as isalan-nawan xas a əgrawa, ad əssənaç as təglayam dəy igi n açaç iyyanda, tənimmənakam s əwəl iyyanda dəy təbəllant ta təgam fəl əzəgzan isihaddan fəl Əlinjil. ²⁸ A dəy-wan wər əgin aytedan win kawan-əzzəngatnən tasa s arat waliyyan. A sər-san d-awəy adi ikus n ašşak dəy əhluk-nasan, kawanay awəy-du sər-wan ikus n ašşak dəy iguz wa təgam tarrayt ta n əfsan. Amaran Məşşina a z'əgin adi. ²⁹ Məşşina wərgex arraxmat n əzəgzan

s Elmæsix ƣas a kawan-ikfa, kalar ikf-iwan harkid ta n alyazab fæl eððälil-net. ³⁰ Æmørædda tægâm fall-as tæbëllant šilat ən tas kala di-tənayam əgeq-qat fall-as, ənta deƣ as təsallim as harwa da taggaq-qat.

Tartəyt d əsəmmədrəy ən man

2 Dad zamas tənayam təsasmit əs tørtəyt-nawan d Elmæsix, tənayam allam fæl man wa du-tətaway tara-net, tənayam tassaƣ ta ihakku In-fas wa Zəddigan, tənayam deƣ təhanint d əllux n Elmæsix, ² daƣ adi səkməlat təfalawist-in s ad tagim təməddurt daƣ tənimmannakam, tənimmaram, tørtəyam s əwəl iyyanda, tagim ənnəyat iyyadda. ³ Ad wər tagim arat waliyyan a daƣ wər tægəmməyam ar tənfa ən man-nawan ƣas, wala təz-zəzwəram iman-nawan id wər infa awen wala. Kalar akkiyyan daƣ-wan isəmmədrəyet iman-net i win hadatnen, tagim fawda i midawan-nawan iduf n as ogaran-kawan. ⁴ Akkiyyan daƣ-wan igməyet tənfa ən midawan-net, wərgəƣ ta-net ƣas.

⁵ Aƣiwat tiddawt tægât s alxal wa n Elmæsix ƶaysa.

⁶ Ənta di da a daƣ du-təxsal tišit ən Məššina ket-net.

Mišan tugdat əd Məššina ta igraw den Wər igmay d a tat-ittəf fæl man-net.

⁷ Kalar oyya awen ketnet s igi wa iga iman-net akli,

iga-du təhəwt ta du-taggin aytedan.

Awa imos kul issikna tulat-net d aytedan.

⁸ Isammadrəy iman-net s əbərdəg wa iga har təmattant.

Tamattant en daƣ ta tægat fæl tægəttawt.

⁹ Adi a fæl t-ikfa Məššina edag wa ogaran adkul, ikf-ay deƣ s arraxmat-net esəm

əs tu-wər-illa esəm wər oger,

¹⁰ fæl ad issəjəd i t-illan kul gər za daƣ jənnawan wala fæl amađal wala deƣ daw amađal,

fæl saƣmar n esəm ən ƶaysa;

¹¹ aggayyat deƣ i t-illan kul as ƶaysa Elmæsix a imosan Əməli.

Imos awen arat izzizwaran Məššina di n Abba.

Əmələwləw daƣ əddənet

¹² Daƣ adi imaran-in zund əmmək as faw da təb-birdagam y Əməli aƣliwat təsinəfililam əs mazalan-nawan efsan win kawan-ikfa tægâm awen daƣ tək-səda-net. Awen daƣ a tægam harwa a ƣur-wan əlle. Daƣ adi ad wər tammazzayam d igi n adi, wəllen əmørædda ad wər əlle ƣur-wan. ¹³ Təfrâgam igi n adi fəlas Məššina iman-net a išƣâlan daƣ wallan-nawan, ihakk-iwan ənnəyat əd fərregat n igi n arat kul, ilkâm awen i tara-net.

¹⁴ Arat kul wa tətəggim, aƣat-tu da wala aƣatan-ten wala tamazaq ¹⁵ fæl ad təqqəlam aytedan wər iwer lahan waliyyan, zaddoggen, əmosan bararan əkmâlnen ən Məššina, əhanen ammas n ark

aytedan, əxraknen ən nəllubas. Tægâm daƣ-san əmələwləw wa iga ənnur daƣ šiyay, ¹⁶ təzizawem daƣ salan win hakkinen təməddurt ta təƣlalət. As tægam adi, ad əfləsəƣ iman-nin əzəl wa du-z-asu Elmæsix, fəlas ad assaknu adi âs əššəƣəl-in d arkanay wa ənaya wər əbbənnanan.

¹⁷ Mišan mijas a daƣ-i təwəkkəsan man, əqqəla šilat ən təkutay tətowanƣalat a du-təssindat əššəƣəl wa kawan-isassagan əzəgzan-nawan. Kud iga adi da ad fəliwəsa nak, fəliwəsa deƣ nak dər-wan.

¹⁸ Kawanay da fəliwəsət, təfəliwəsəm deƣ nak dər-wan.

Timotay d Ebafroditəs

¹⁹ Əgeƣ attama daƣ Əməli ƶaysa n a kawan-in-əs-suka Timotay. As kawan-d-ifal ad əgrəwəƣ isalan-nawan tansu tayttay-nin. ²⁰ Fəlas Timotay ƣas a ifarrayan y awas farraya, təwây-as talƣa-nawan əd man. ²¹ Amaran aytedan kul win hadatnen tənfa ta n man-nasan ƣas a gammayan, wərgəƣ talƣa ta n ƶaysa Elmæsix. ²² Amaran təssânam daƣ təməwit tas isitadda Timotay tišit-net awedan ilan almaƣna, fəlas ənəməšƣal wa itaggu barar d abba-net a dər-i inamagga, iddew dər-i daƣ əššəƣəl wa n amel n Əlinjil. ²³ Daƣ adi ənta as əgeƣ attama n a dawan-t-in-əs-suka. Wər əqqəlay ar y ad əssənəƣ awa daƣ-i z'əgin. ²⁴ Amaran əkkasəƣ aššak ƣur Əməli, as a kawan-in-asa nak iman-in daƣ alwaq ihozan.

²⁵ Ənâyəƣ as olâƣ as kawan-in-əssəƣala Ebafroditəs, imosan amadrəy-nin imos deƣ əmidin-nin daƣ əššəƣəl əd təbëllant ta əgeƣ təmosat amel n Əlinjil s ənta a sər-i du-təzammazalam ewây tad-həlt tas əddərara. ²⁶ Isidaran wəllen anay-nawan ketnawan, fəlas tədgâz-tu tasalay ta tægam tafrəyt-net. ²⁷ Awalla tədâs-tu təfrəyt zəwwərat har zama ad t-aba. Mišan ihanattat-as Məššina. Amaran wərgə ənta ƣas as ihannattat, kalar nak da ihinat-tat-i, igdal-i aƣšud ən man ogaran wa di-igrawan. ²⁸ Adi fæl ədgaza daƣ a t-in-zəmmizəla sər-wan fæl a tu-tələsam anay təfəliwəsəm, isəssikəy-i adi aƣšud ən man nak da. ²⁹ Aƣiwat-as əlqəbulat tægât əs tə-falawist tagget id amadrəy-nawan a imos daƣ əzəgzan s Əməli ƶaysa, təssəƣmərəm aytedan win šilat-net. ³⁰ Fəlas har iga iman-net daƣ alyarar ən təmattant fæl əššəƣəl y Elmæsix. Awen kul ig-ay fæl a di-əgu tilalt tas wər təfregam a di-tat-tagim kawanay fəlas igəg a di-təgam.

Təƣudəla daƣ tarrayt n Elmæsix

3 Amaran, imədrəyan-in, təsəffəliwəsət-kawan tassaƣ ta tægam d Əməli ƶaysa. Wər fall-i imos əzuk a dawan-in-ələsəƣ akatab n aratan win as kala dawan-tan-in-əktaba, fəlas təha tənfa awen daƣ aggaz-nawan. ² Ənkədat y aytedan win wər nəzlay əd đan, taggin əššur, sisahen əmənəkəd əttafan as ənta a itaggin daƣ tamattay ən Məššina. Ənkədat-asan wəllen. ³ Nakkanay a igan əmənəkəd wa n

tidet, fêlas ælybada a næga Mæššina s Infas wa Zæddigan. Ǧaysa Elmæsix a imosan abarag-nana. Wêr næga attama waliyyan daǵ arat iga aggadê. Wêr næga attama waliyyan daǵ arat iga aggadê.

⁴ Amaran nak iman-nin æley êddêlilan s iga n attama-nin daǵ aratan eǵân aytedan. Kud ill-ay awedan ilân êddêlil s iga n attama-net daǵ arat iga aggadê, awedan wêdi ogaraq-qu têla n êddêlil s awen, ⁵ fêlas nak a itiwassammankadan êzêl wa n êttam dêffêr têhêwt-in. Eǵmâda-du Køl-Israyil, têl-i tawset ta n Benyamin, êmosaǵ aw Ǧibri wa n êlêsel, êssinda-du êššêrêdan ketnasan win êššêriǵa wa n Ettawret id Farisay as kala ad t-êmosa. ⁶ Awa eǵeǵ daǵ gêlleyat daǵ tarrayt ten, iyyêwanay êzêǵǵêzzêb n êlmêsixitan. Daǵ batu ta têqqalat aqqad daǵ êššêriǵa, wêdi wêr æley lahan waliyyan. ⁷ Aratan kul win di, kala daǵ-san eǵeǵ iduf n as êmosan-i têttyet, mišan êmêrêdda eǵe daǵ-san iduf n as afanaz a di-êmosan, fêl êddêlil n awa iga Elmæsix. ⁸ Fadda wêrge aratan win di ǵas, kalar arat kul eǵe daǵ-as asawad n as afanaz a di-imos fêl êddêlil n êdkul a dênnêg wêr illa iyyan a têga masnat n Elmæsix Ǧaysa, Êmêli-nin. Êddêlil-net fêl eǵbalay a di-igmêd arat kul, amaran arat kul eǵeǵ-as iduf n as tajjargant a imos, fêl ad êt-têya daǵ tarrayt n Elmæsix, ⁹ almayna tassaǵ dêr-ês. Wêrgeǵ lêkkum y êššêriǵa wa n Ettawret a di-ikfan taqqat dat Mæššina, kalar êzêǵzan-in s Elmæsix. Mæššina a ihakkin taqqat, amaran ihakket s êzêǵzan s Elmæsix. ¹⁰ Arat wa areǵ masnat n Elmæsix, almayna ad êssêna tarna ên tanakra-net daǵ têtattant, êd têttyet dêr-ês daǵ alǵazab wa iga, ala dêr-ês dêǵ daǵ têtattant ta iga. ¹¹ Adi a di-z-issêfrêgan iga n attama n a di-d-issênkêr Mæššina daǵ têtattant.

Aggad n êlmêxsud

¹² Wêr ênnêǵ eǵrâway masnat têdi, ênta wala tišit n awedan ikmâlan, kalar azzal a eǵeǵ daǵ agamay n a tanat-êgrêwa, fêlas êddêlil n awen da a fêl di-d-obaz Elmæsix Ǧaysa ês man-net. ¹³ Imêdrayan-in, wêr ênnêǵ eǵrâwa aratan win di; mišan ya arat iyyanda a tagga a t-imosan as: wêr din-sêggêda daǵ awa okayan, kalar arat wa êfragaǵ a tagga fêl ad awêdaǵ awa illan dat-i. ¹⁴ Azzal a eǵeǵ s êsêrkên, fêl ad eǵrêwa tefert têmosat têǵaray ta danay-iga Mæššina ês jênnawan ês têttyet d Elmæsix Ǧaysa. ¹⁵ Daǵ adi nakkanay ketnana win as ikna êzêǵzan-nana assahat immikkan ad nagu alxal wen, amaran wala ad têgâm alxal iyyan, Mæššina a dawan-z-isênnêfilêlan awas ihor a tu-têssênam daǵ batu têdi. ¹⁶ Arat iyyanda a dawan-z-annay as: dad zamas newad-du edag wa nêha da êmêrêdda, aglatana nêddew daǵ anamod wa da.

¹⁷ Ya imêdrayan-in, êqqêlat ketnawan imattalalan-in, tattalalam aytedan win êlkamnen y almasal wa kawan-nêkfa. ¹⁸ Êmmalay-awan as êllan-tu aytedan aggotnen safraynen s alxalan-nasan almayna ên têtattant n Elmæsix fêl têgêttawt.

Iyyêwanay-awan iga ên batu ta, amaran êmêrêdda hâllay as dawan-tat-êlasay iga. ¹⁹ Tilkamat-nasan ahluk, fêlas šidusen-nasan a mosnen êmêli-nasan, sinafasan arat was ihor a tan-isikarakad, wêr têkka ênnêyat-nasan ar êddênet. ²⁰ Nakkanay amaran akal-nanay ijênnawan. Amaran ijênnawan en da as nêqqal y a sêr-na tan-d-igmêd Ênêssefsi a t-imosan Êmêli Ǧaysa Elmæsix. ²¹ Ênta a z'isêmmêttêyan ês tarna ta ila fêl arat kul šiyêswen-nana êrkamnen, tamattatnat, iššêsil-enat êd ta-net têknât têla ên tanaya.

4 Imêdrayan-in êkneǵ tara, sinahala tara n anay-nawan! Têmosam-i têfalawist, têmosam dêǵ êssêbab n êtêwêsêǵmar-in. Imaran-in, zêz-zêwêtat daǵ êzêǵzan s Êmêli.

Ênnêsixatan

² Efodêya êd Santik, onsayaq-qamat ad tênemên-nêkmat fêl êddêlil ên tassaǵ ta têgamat d Êmêli. ³ Amaran kay da, imosan êmidi-nin wa n tidet daǵ êššêǵel, eǵmâya daǵ-ak ad tilalay i têdoden di ês maknan gar-essanat fêlas êllilnat-i ês têbêllant fêl Êlinjil, nak êd Kêleman êd midawan-in win hadatnen daǵ êššêǵel s êsmawan-nasan êktâban daǵ êlkêttab wa êhan êsmawan n aytedan win eǵrawnen têmêddurt ta têǵlalât. ⁴ Fêliwêsat faw daǵ tassaǵ ta têgam d Êmêli. Êlasa tênnâ n adi, fêliwêsat. ⁵ Issênet awedan kul daǵ êlluy-nawan. Êmêli ihôz. ⁶ A kawan-wêr-iššêwêš arat waliyyan. Kalar a têqqal alxalat ta têggazam, eǵmêyat daǵ Mæššina arat was têddêraram, ad têtattaram s êwêl iha ago-da. ⁷ As iga adi, alxer wa ihakku Mæššina, imosan alxer ilân dênnêg arat kul was ifrag awedan eǵêrri-net, ad agêz iwallan-nawan êd medranan-nawan daǵ arat kul id tartêyt a têgam d Elmæsix Ǧaysa. ⁸ Xasil imêdrayan-in, aratan da win as ihor a tan-tagim faw da daǵ taytwen-nawan êd medranan-nawan: imazalan kul win êknanen êlluy, êhoran d i tan-imalan, êd mazalan win êmosnen tidet, êmosan êzzêbun, oǵâdan, zaddogan, êssiran, tatamalan. ⁹ Êlmêxsud as tamazalat faw s arat wa fall-i têǵram, têqbalam-tu, têslam-as, tênayam-i tamazalaq-qu. Êddi a daǵ-wan issên Mæššina di n êmêggi n alxer.

Igodan ên Bulês i Køl-Filib tadhêlt-nasan

¹⁰ Amaran êššêšinêy wa têgam masnat ta daǵ-i têgam, eway-du sêr-i têfalawist tagget daǵ tassaǵ-in d Êmêli, kuddeǵ as dat awa da, têssânâ daǵ-i mišan wêr têgrewam tarrayt n êsêkni n adi. ¹¹ Wêr ênnêǵ adi fêl as êddêrara s arat iyyan, kalar nak êlmâdaǵ eǵêddi s alxalat kul ta êheǵ. ¹² Êssana têmêddurt daǵ têmayatirt, êssana dêǵ têmêddurt daǵ tênaflêyt. Amaran daǵ alxalaten kul šin eǵgaza êlmâda tewant, êlmâda dêǵ gêlêk, êlmâda tênaflêyt harkid têmayatirt. ¹³ Alxalaten kul êfragaǵ-asnat ês tilalt ên wa di-ihakkin tarna. ¹⁴ Dêr iga

awen da ya, tégâm a olayan as di-têdhalam day tēməyutar-in.

¹⁵ Amaran kawanay Kəl-Filib tēssānam wəllen as, as əgmada akal wa n Masedonəya, azzaman win day əssəntay emel n Elinjil, wər tu-təlla Elkənisat a di-têdhâlat ar ta-nawan. ¹⁶ Fəlas wala alwaq wad əheɣ aɣrəm ən Tesalonik tēsisawayam-in awas əddərara har wərgəɣ taklat iyyadda. ¹⁷ Wərgəɣ agamay a taggaɣ a əgrawa, kalar arozan-nawan as gammayaɣ ad əttəyan.

¹⁸ Elex arat kul was əddərara, ənniflaya. Wər dinodena wala id əgrâwayə təhəkkut-nawan ta di-deway Ebafroditəs, tēmosat takutay iqbâl Məššina, tēla ɣur-əs aɣu izodan, oggam-tat. ¹⁹ Amaran əgmâya day Əməli-nin, ilân tanaya wər nəla əddukad,

a kawan-ikfan awas tēddəraram kul fəl udəm n Elməsix ɣaysa. ²⁰ Adkul i Məššina Abba-nana har faw. Amin!

Assalaman win tēzərəst

²¹ Təhulam-in aytedan kul win əzzəgzannen s Elməsix ɣaysa. Əhulan-kawan-in mədrayan-nana n əlməsixitan win ɣur-i əllanen. ²² Iməzzəgzan əs ɣaysa Elməsix kul win əllanen da, əhulan-kawan-in. Wəllen win maššaxalan n aɣaywan n əmənokal Qaysara.

²³ Əttâra s Əməli ɣaysa Elməsix a kawan-ikfan ar-raxmat ketnawan.

Kəl-Kolosəya

Šihulawen

1 Awa nak Buləs, imosan anammazul ən Xaysa Elməsix əs taradawt ən Məššina, nak d əmidin nin dağ əzəgzan Timotay, ənnânen əhulan-in ² Kəl-Kolosəya win əhanen tarrayt ən Məššina, ənnimanakan dağ esəm ən Xaysa Elməsix, əmosnen imidawan-nana n alğadılan sər-əs. Izazzabbat-du fallawan Məššina Abba-nana alxer d arraxmat.

Igodan əd təwatriwen

³ Faw da dağ təwatriwen-nana nətigudəy-awan i Məššina di n Abba n Əməli-nana Xaysa Elməsix, ⁴ fəlas nəslâ əzəgzan wa təgam əs Xaysa Elməsix, d əsəkni-nawan tara y i t-illân izzigzan sər-əs.

⁵ Əzəgzan wa əd tara ta, eraw-tan-du attama wa təgam dağ Məššina, n awa dawan-issənsa dağ aljannat. Attama wa təgam-tu əzəl wa kawan-d-ewad Əlinjil, a imosan isalan win tidət ən Xaysa Elməsix.

⁶ Əlinjil wa ig-awan d assa ad d-iga fəl əddənet ketnet. Ənta a isammattayan alxalan n aytedan s əl-luğ, ətittəyan məzzəgzan sər-əs. Əmmək wa da a dağ-wan igan kawanay da, a d-obazan çur əzəl wad təslam i salan n arraxmat ən Məššina əs tidət, təgrawam əgərri-net. ⁷ Ebafras, əməllil-nana, n əməri-nana, ənta a kawan-issosanan isalan win. Imos əməggi ən salan n alğadil n Elməsix y-awan, ⁸ ənta a danax-imalan tara ta iga Infas Zəddigan ən Məššina dağ wallan-nawan.

⁹ Adi da fəlas a kawan-nəsla nətattar-awan əs Məššina. Nəgammay dağ-as a kawan-aknu əsusən ən tara-net, s a kawan-akfu s Infas Wa Zəddigan, tayttay kul d əgərri. ¹⁰ Šiwatriwen šin nətagg-enat fəl ad tilem alxal ən məzzəgzan, isənnəhəl-tu Əməli təggəma, ad tətəggim imazalan olâğnen, tətittəy dağ-wan masnat ən Məššina, ¹¹⁻¹² akn-iwan Məššina əsəssuhi dağ anamod kul əs tarna-net di maqqarat fəl ad tilem zəmmerat, təggəz-kawan tazaydart, təggudəyam əs man filawasnen y Abba wa kawan-issəfragan agaraw dağ təkəsət ta issənsa dağ tağmar-net di təmosat ənnur təhat ijənnawan iskat y aytedan-net win əhanen tarrayt ta n Elməsix.

Assayfaten n Elməsix

¹³ Ənta a dana-d-ikkasan dağ əlxəkum n Iblis di imosân šiyyay ig-anax dağ wa n Barar-net Xaysa Elməsix a ikna tara. ¹⁴ Əddəlil ən Barar-net a fəl

nəgraw tədarfit, təmosat təsureft ən bakkadan-nana.

¹⁵ Barar wa, şaşəlan ən Məššina a imos di wər nətəwəhənnəy, imos değ əmuzar ən təxlək kul, ¹⁶ fəlas axluk a sər-əs d-iga Məššina aratan kul fəl amağdal əd jənnawan, win ətawahannaynen əd win wər nətəwəhənnəy, šiğurad šin əttənkəlnen gər əqqalnat tətəbəla wala tağmar, wala əlxəkum, wala təmənukeła, aratan win kul ətiwaxlakan-du sər-əs, fəl əddəlil-net.

¹⁷ Xaysa Elməsix ənta iman-net ill-ay dat təxlək kul,

amaran taxlək kul tənimmattaf əs tarrayt-net, issan dağ-as.

¹⁸ Ənta iman-net imos eyaf n Əlkənisat, ig-as tizart ta iga ayaf i təğəssa.

Ənta ələsəl n Əlkənisat, fəlas ənta ad azzaran tanakra dağ win aba fəl ad iqqəl ill-ay, azzâr y arat kul.

¹⁹ Aratan kul win ətawannanen s Elməsix da, kul tidət id fəlas Məššina iman-net

a isəggatakken əs tara-net

əsxəsəl ən tişit-net di təndat dağ Barar-net,

²⁰ amaran ikna tolas iman-net əd təxəllək kul šin amağdal əd jənnawan s əddəlil ən Barar-net, izazzabbat-du fall-asnat alxer əs tanağla n əzni ən Barar-net çur təməttant-net fəl təgəttawt.

²¹ Kawanay da əstizarat tənimməggagam əd Məššina təmosam iməgzaran-net s ark ənnəyaten-nawan d arak mazalan-nawan. ²² Mişan əmərədda, əs təməttant ən Barar-net ikfan iman-net, Məššina ikniwan əd man-net fəl a dat-əs təbdədam təmosam aytedan zaddogən, wər nəla lahan, ²³ kud imos as təglam tətətfam əzəgzan-nawan, təzizawem dağ-as iman-nawan, təzikkem dağ-as s assahat, wər təkkəsem attama wa təgam as təslam y Əlinjil. Əlinjil wa, ittimalan y aytedan kul n əddənet, ənta as əqqala nak Buləs əməggi ən salan-net.

Əşşəğəl wa n Buləs y Əlkənisat

²⁴ Əmərədda isidawat i arkanay wa ənnaya fallawan. Fəlas əmmək wa ənta as əsakkasawa əs təğəssa-nin, dağ əganna wa-nin, arat wa din-aba

day alyazab wa inay Ælmæsix fæl tøyøssa-net di, tømōsat Ælkønīsāt ən nalkīman-net. ²⁵ Ælkønīsāt ta ənta as əqqala amaššayal-net s awa dər togda tanat-nawan ta di-issodaf Məššīna. Izammazal-i-du fæl a kawan-əygrəday əsusən n awal-net, ²⁶ s a dawan-əsaffaggağ əssir wa iğbar elan s elan. Mišan əmərədda əssir wa itawasanafalal i win das-əlkanen, ²⁷ əntanay as ira Məššīna a tan-issusən day igət wa dər ogda ədkul n əssir wa iqqalan ši-mattiwen n əddənet kul. Əssir wa imos-tu as: Ælmæsix iğsār day wallan-nawan adi da fəlas illikan as ad tilem tadagart day əlxurma ən Məššīna.

²⁸ Ælmæsix wa ənta a nəmmal nakkanay. Nərakkab šiməzzugen n awedan kul, nəsassayr-ay əs tayttay təndāt fæl ad ikməl akkiyyan day tənəmənaka d Ælmæsix. ²⁹ Day tara n aggad n arat wa a fæl əsannahaləğ əššəğəl, əs tarna ta du-təfalat Ælmæsix, a day-i tətīmətəkwəyat s assahat tagget.

2 Arəy ad təssənam awa dər togda təbəllant ta fall-awan ətagga, kawanay d aytedan n əygrəm wa n Lawodikəya, əd wiyyad šilat-nawan as wər kala ənayan udəm-in. ² Arat wa əgeq-qu fæl tara n ad tilem kawanay dər-san əlhimmat, tənəmərīm gar-ewwan s əwəl iyyanda, fæl ad təsənnəhəlam gəlləyat təndāt ta ihakku əgərri ikkisawan, təssənam əssir ən Məššīna wa imos Ælmæsix. ³ Ælmæsix ənta ças a imosan təsassarut ən təgərgist a təmos tayttay əd masnat.

⁴ Arat wa ənneç-awan-tu fæl a tu-wər-iməl awedan a kawan-issəxrakan a əganat batuten-net day šizada. ⁵ Day adi kud imos as wər çur-wan əlle s azzat-in da iman-in əllān çur-wan amaran isidawat i as əsleç as tənizzamam, təzzikkem s asahat day əzəgzan wa təgam s Ælmæsix.

Tənəddawt ən tarrayt ta n Ælmæsix

⁶ Day adi azzama təqbālam as Ælmæsix çaysa imos Æməli, wədi awəyat əd tarrayt-net. ⁷ Səssəhətat day-as iman-nawan. Əqqələt aytedan əkrāsnen day-as, əssohatnen day əzəgzan-nasan, s əmmək was tətawasasaçram, təqqələm dəy aytedan əknanen dəkku n agoda y Æməli.

⁸ Ənkədat i y ad t-imal awedan a kawan-issəxrakan s əljəmaten wər təha tənfa əd batuten ən təkərras ad əzziratnen day tanaden n aytedan, əzziratnat-du dəy day təçurad šin əttənkānen, a du-wər-nəha s Ælmæsix. ⁹ Fəlas Ælmæsix ənta day təçəssa-net a day təçsar tišit kul ən Məššīna, ¹⁰ amaran kawanay win day-as ənamannaknen təgrāwam arat kul əs tənəddawt. Ənta a imosan eyaf n əlxəkuman kul əd təmənukəla kul.

¹¹ Day tənəmənnəka day as tətawasamankadam s əmənəkəd wər igā əfus n awedan mišan wa dawan-iga Ælmæsix imosan as day-wan ikkas tišit kul ta n nasbakkadan, ¹² s alamaç-nawan day aman tənbalam təddəwan dər-əs, amaran dəy tətawasankaram-du sər-əs təddəwam dər-əs fəlas əzəgzan a təgam əs tarna ən Məššīna di maçqarat

a t-id-təssənkərat day tamattant. ¹³ Kala təmosam aytedan abā day wallan-nawan fæl əddəlil ən bakkadan-nawan d əddəlil n as wər təmosam arat day Køl-Əlyəhud, wər təmmənkadam, mišan əmərədda Məššīna ilas-kawan d əsudər təddəwam d Ælmæsix, sas dawan-issoraf ibakkadan-nawan kul s arraxmat-net.

¹⁴ Imas arak mazalan-nana əd win-nawan əwārnen iyafawan-nana, irzam-tan fall-ana s ətəwətəytəy-nasan fæl təgəttawt. ¹⁵ Ikkas Məššīna assahat ta təhat tayməren ən kələsuf, osaç-qanat ilway-tanat dat aytedan əmosnat ajjab, iyəlab-tanat s Ælmæsix.

¹⁶ Day adi a tu-wər-iməl awedan a kawan-z-işrəçan fəlas wər tətəggim awa ira gər iga day tat-tay wala tessay wala ijilan-nawan win maddan əd win əlyibada, ¹⁷ fəlas aratan win wər əmosan ar telay ən win d-əzaynen: tidət-nasan təha Ælmæsix. ¹⁸ Ad wər tayyim iman-nawan y awedan a iqqal is-səwər-kawan əlhigga fæl as sər-əs əzzodan maza-lan n azzahir, issilaçqaw iman-net sər-san, izod sər-əs dəy əlyibada n angalosan, isisahat iduf-net wa iga as tan-inay. Izzizwar iman-net əs medranan wər təha tənfa a d-əgmādnen tayttay wər nəha tar-rayt ta n Ælmæsix, ¹⁹ amaran ab'as isassahat iman-net day tətəyt d Ælmæsix a imosan eyaf ən təçəssa. Tayçəssa ta kul ənta a tətittəyat s Ælmæsix s əmmək wa ira Məššīna, s ənəmənnak ən təsəllad wa du-tawayan səmməçras əd zərwan.

²⁰ Azzama aba kawan-tənimannakam d Ælmæsix, tətəwəçtasam-du day tayməren ən kələsuf day əd-dənet, day adi mafel təlakkamam i batuten n əd-dənet, təqqabbalam əlçanunan əmosnen: ²¹ «ad wər təkələç awa», «ad wər tərəmaç awa», «ad wər tədəsaç awa»? ²² Aratan win wərge wər əgen ar y a tan-təgməd tənfa dəffər as sər-san iga əmazal? Wər əmosan ar əlçanunan d awalan n aytedan! ²³ Tidət as day anay-nasan aratan win oçādan fəlas əkfān əs tayttay day mazalan-nasan əmosnen: əlyibada əs gəlləyat, əsələçqu ən man, əsəkni ən təçəssa arkanay. Mišan ya məssawsan wər əlen a imosan fərregat n iduf day tara ən man.

Təməddurt ta təçrayt day Ælmæsix

3 Dad zamas tətawasankaram-du kawanay d Ælmæsix day təmattant, wədi əgamməyat aratan win jənnawan dad illa Ælmæsix iha açil ən Məššīna. ² Sədəgat ənnəyatən-nawan sa sər-san wərge sa sər win n əddənet. ³ Fəlas šilat n aytedan aba a təmosam ab'as tətamazalam aratan win tətamazalam əstizarat, amaran təməddurt-nawan tətār s Ælmæsix çur Məššīna. ⁴ As d-itawasanafalal Ælmæsix a imosan təməddurt-nawan, kawanay da a du-tətəwəsənəfilələm dər-əs, təgrəwam əlxurmanet.

⁵ Day adi ançat day man-nawan ənnəyatən kul šin əddənet a tanat-imosan: əzzəna, ammadas, tara ən man, arak deranan, tara n əddənet təmosat

əmadraw. ⁶ Aratan win əddəlil-nasan a fəl itaggaz alham Məşşina n aytedan win ugaynen s as sər-əs əzzəgzanan. ⁷ Kawanay iman-nawan kala a tan-tətamazalam harwa ad wər təfregam iduf dağ man-nawan.

⁸ Əmərədda aratan win kul mazzayat dər-san a tan-imosan: alham, aššar, əzzəngu, šizmit, ark batuten. ⁹ Ad wər tətınəməggim bahu gar-ewwan, fəlas təjwaram təkcasam dağ man-nawan tišit-nawan ta tərəwat əd mazalan-net, ¹⁰ təzzar təgam dağ-san əmərədda iyyat təzrəyat. Iman-nawan win əntanay a ətawəšašaynaynen faw əs šašelan n Əmaxlak-nasan fəl ad tilem masnat təndât ən Məşşina. ¹¹ Dağ təməwit ta təzrayat a, wər tu-təlla zələyat gər aytedan kul gər əqqalan Kəl-Əlyəhud wala win tan-wər-nəmos, gər win əmmənkadnen wala win wər nəmmənkad, gər əmosan iğərab wala aljahilan, gər əmosan eklan wala ilallan, əlməxsud as ketnasan əhân Əlməsix di imosan arat kul.

¹² Kawanay təhâm win d-isannafran Məşşina, is-səwar-tan ağanna ir-en. Dağ adi təggəzet-kawan təhanint, tilem iman mallolnen, təsəlləqqəwam iman-nawan, taləgam, təggəz-kawan tazaydart. ¹³ Nəmiwəyat gar-ewwan, ad tətınəməsurufam gar-ewwan as inamašsak iyyan dağ-wan d əmidinet. Ad tətınəməsurufam gar-ewwan kawanay da əs təməwit tas dawan-issoraf Əməli. ¹⁴ Aratan win kul agiwat tara dənnəg-san, as təgam adi ad taknim ənəmənnak.

¹⁵ Alxer wa iga Əlməsix dağ wallan-nawan ixkəmet šinaden-nawan, fəlas alxer wen da as kawan-d-iğra Məşşina fəl ad təqqələm arat iyyanda, a das-tətigudəyam. ¹⁶ Iğsəret awal n Əlməsix dağ wallan-nawan s igət. Ad tətınəməsəsəyrim, tətınəməsənkidam gar-ewwan əs tayttay təndât, amaran ad tətəggim šigaytalen i Məşşina əs man əglaynen, əd təmmalen, əd sakkan win d əgmadnen dağ Infas Wa Zəddigan. Ətaggat-tan fəl ad tassaknim igodan-nawan i Məşşina. ¹⁷ Arat kul wa təgannam əd wa tətəggam, mazalat-tu s esəm n Əməli Xaysa, a sər-əs tətigudəyam i Məşşina di n Abba-nana.

Aharog n aytedan dağ təməddurt ta təzrayat

¹⁸ Šidoden əlkəmmat i tənna ən meddan-nakmat əmmək as ihor a t-ətagginat tədoden šin əhanen tarrayt n Əlməsix.

¹⁹ Meddan iriwat šidoden-nawan amaran a kawan-wər-ətaggazan arak man sər-əsnat.

²⁰ Bararan bardagat i marwan-nawan dağ arat kul, fəlas adi da oggam Əməli. ²¹ Amaran kawanay imərwan ad wər tətihərəšem bararan-nawan faw fəl ad wər yaššadan man-nasan.

²² Eklan bardagat i məssawwan dağ arat kul. Ad wər tətəggim arat fəl as tətıwawalam xas, tərâm igi n awa oggaman aytedan, kalar agat-tu gar-ewwan əd man-nawan əs təkşəda n Əməli.

²³ Əšşəxəl wa tətəggim kul mazalat-tu s əwəl iyyanda. Agiwat as igi n as imos əšşəxəl təgâm y Əməli

wərgex y aytedan. ²⁴ Fəlas təssanam as Əməli a kawan-akfu alak imosan təkəsət ta issənsa y aytedan-net. Əlməsix ənta Əməli-nawan. ²⁵ I igan ark əmazal ad t-irzəm fəlas əšşəriğa ən Məşşina ola, wər tu-təha təmərıt.

4 Məssawəs n eklan ətamazalat s alxaq d əšşəriğa dağ tənəttuft ta təgam y eklan-nawan, taktim as kawanay iman-nawan təlâm Məšikkawan dağ jənnawan.

Aholan

² Sənnəhəlat təkəkkıt dağ igi ən təwatriwen a dağ-asnat tənakkadam, tətigudəyam i Məşşina. ³ A dana-tətaggim šiwatriwen nakkanay da fəl a danağ-aləm Məşşina tarrayt n əzəwwəziwəz ən salan n əssir-net a imos Əlməsix. Əssir wa ənta a imosan əddəlil n ətəwəttaf-in dağ kasaw əmərədda. ⁴ A danağ-qanat tətəggim değ fəl ad akna fərregat n igi ən salan n Əlməsix s əmmək wa ihoran.

⁵ İliwat alxal olağan dağ tassağ-nawan d aytedan win wər nəha tarrayt ta n Əlməsix, amaran ad wər təsabannanam šimazayyaten šin təgarrawam wər dağ-asnat təgem isalan-net. ⁶ Awal-nawan ihor ad olâx imos in əlməxsud, fəl ad təfregam masnat n aljawab igân dağ adag-net y əkkulluk n awedan.

Šihulawen šin əlkammen

⁷ Amaran isalan kul win-nu əmidi-nana dağ əzəgzan igân esəm Tişik n əməri-nana imosan amašşaxal n alxadil n əməllil-nana dağ əšşəxəl n Əməli, ənta a dawan-tan-z-iğrədan igi. ⁸ Adi da a fəl as əgmâyax-in əzəmmizəl wa t-in-əge sər-wan fəl a dawan-əgu isalan-nana, aləm-awan fəl man. ⁹ Id-dəw dər-əs əmidi-nana dağ əzəgzan n alxadil n əməri-nana igân esəm Onesim, imosan iyyan dağ-wan. A dawan-əgin isalan n arat kul wa itawamazalan da.

¹⁰ Aristarxus, a dər ənimaha kasaw, issislam-in fall-awan ənta əd Markus wa n əššin ən Barnabas. Markus tərəwam as təgrawam isalan-net, amaran as kawan-in-osa təqbələm-tu. ¹¹ Xaysa was itawan-nu Yustus, issislam-in fall-awan ənta da. Meddan win ən karad a əntanay xas iməzzəgzan dağ Kəl-Əlyəhud win dər ənamaşğala i taymar ən Məşşina, amaran olâman i fəl man.

¹² Ebafras wa n iyyan dağ-wan imosan akli n Əlməsix Xaysa, issislam-in fall-awan ənta da. Faw itagg-awan šiwatriwen, igammay dağ Məşşina əs gəlləyat a kawan-isəssuhət dağ tarrayt-nawan, təqqələm aytedan əndânen dağ əzəgzan, əkmâlnen dağ ənnəyaten-nasan əndânen ətamazalnen tara ən Məşşina kul əs təməwit təkmalıat. ¹³ Nak iman-in əggəyex əšşəxəl issohen wa dawan-iga kawanay əd Kəl Lawodikəya əd Kəl Yerafolis.

¹⁴ Luqa əməri-nana n anasmagal əd Demas əhulan-kawan-in. ¹⁵ Səslamat-anax-in fəl midawan-nana dağ əzəgzan win əhanen ağrəm ən La-

wodikəya əd Nimfa d Əlkənisat ta tətamanayat daɣ ahan-net.

¹⁶ Dəffər as təyrâdam teɣaray ən širawt ta, agat təməwit a fəl za tətəwəɣru y Əlkənisat daɣ La-wodikəya, taɣrim kawanay da širawt ta-nasan ta dawan-du-z-assaglin.

¹⁷ Tannim y Arxifus: əkkəs aššak daɣ əɣrud n əššəɣəl wa təggaza y Əməli.

¹⁸ Arat wa əfus wa-nu as t-əktaba: Assalaman a din-əgmâdnən daɣ Buləs. Daɣ təwatriwen-nawan a din-wər-tattawim ətəwəttaf wa əge da, daɣ kasaw. Izazzabbat-du fall-awan Məššina arraxmat-net.

1 Kəl-Tesalonik

Assalaman

1 Awa širawt a din-təfâlat Buləs əd Silfanus əd Timotay. Nəhul-in Elkənisat ta n əyrəm ən Tesalonik, təmosat tamattay tərtayət əd Məşşina di n Abba d Əməli Ҳaysa Elməsix. İkf-iwan Məşşina arraxmat d alxer.

Buləs d əlməsixitan win Tesalonik

Əzəgzan ən Kəl-Tesalonik d almasal wa əmosan

² Faw da nətigudəy i Məşşina dəy talğa-nawan ketnawan assağa kul wa kawan-du-nəkta dəy təwatriwen-nana. ³ Faw da nəkittəw dat Məşşina di n Abba-nana awa dər ogda əzəmmizəl wa təgam əzəgzan-nawan, d əmmək was təşğalam əs tara ta kawan-təhat, əd zəmmərat-nawan dəy igi n attama dəy Əməli-nana Ҳaysa Elməsix.

⁴ Nəssân, imədrayan-nana as, isinafran-kawan Məşşina, kawanay a ira, y ad təqqələm tamattay-net. ⁵ Adi da fəlas isalan n Əlinjil win dawan-nəga, wər kawan-in-osen əmosan awal Ҳas, kalar əmosan imazalan ən tarna, d əsəggətəkki zəwwəran win ihakku İnfəs wa Zəddigan. Təssânam wəllen imazalan win nəga gar-ewwan fəl agamay ən tənfa-nawan. ⁶ Təttələlam-nana, təttələlam dəy Əməli. Təmiyataram wəllen eges wər dawan-igdel awen əlqəbulat n awal ən Məşşina əs tədəwit ta ihakku İnfəs wa Zəddigan. ⁷ Əmmək wen dəy as təqqəlam almasal olâğan y əlməsixitan kul win əhanen akal ən Masedonəya, əd wa n Akayya. ⁸ Wərgəx Masedonəya d Akayya Ҳas a dəy tawaslan igitan n awal ən Məşşina win Ҳur-wan əganen, kalar edag kul wizawazan dəy-as salan n əzəgzan-nawan əs Məşşina har as wər nəddərar s əsuxəl n awen. ⁹ Ənta awedan kul immal əmmək was dana-təqbalam assağa wa kawan-in-nosa, d əmmək was təgmadam batu n əssənəman təmalallayam sa sər Məşşina y a tu-təxbədəm, ənta a imosan Əməli idaran, ittidda. ¹⁰ Təqqələm dəy y a d-ifəl Barar-net Ҳaysa ijənnawan s ənta a d-issənkər dəy təmat-tant, a danax-agəz dəy alham ən Məşşina əzəl a ilkaman.

Emel n Əlinjil dəy Tesalonik

2 Kawanay iman-nawan imədrayan-nana, təsanam as assa wa dawan-in-nəga wər ibbən-nan ² Təssanam harwa dəy as dat assa-nana y-awan, nətiwadgaz, tiwaggan-anax ərrəbdan dəy əyrəm ən Filib, mişan nəgraw tadhəlt ən Məşşina s as danax-ikfa təholat n a dawan-nəməl Əlinjil, kud-dəy as iyyəwanan aytedan agamay n a danax-əgdəlan awen.

³ Aratan win dər kawan-nəsammatar wər əmosan a igmayan əsəxrək n awedan wala iga s ark ənnəyat wala əs təkərras. ⁴ Kalar dad zamas Məşşina işşəggar iwallan-nana fəl a danax-isənnəttəf d əməl n Əlinjil-net, dəy adi wər nətəggu awal a dəy nəgəmmay ad nəgrəz y aytedan, kalar Məşşina as nəra a das-nəgrəz s ənta a itaşaggaran iwallan-nana. ⁵ Təssanam wəllen as wər kala ad nəga batuten əmosnen šixiyyan, wala dəy nəga ənnəyat iyyat təxbârat təmosat agamay ən tənfa i man-nana, Məşşina danax-imosan təgəyya fəl adi. ⁶ Wər nəgmay dəy saҲmar dəy aytedan, gər za dəy-wan wala dəy aytedan wiyyad. ⁷ Nəfrâg a kawan-nəssəwər igi n awa nəra fəlas nakkanay a mosnen inəmmuzal n Elməsix, mişan talmat a kawan-nəssəkna. Zund əmmək as tətənatfə anna əd bararan-net, ⁸ əmmək en dəy as nakkanay da, fəl tara ta dawan-nəga, nara a dawan-nagu isalan n Əlinjil a d-ifəlan Məşşina. Amaran wərgəx isalan n Əlinjil Ҳas, kalar iman-nana da nəga edag y a tanakfu fəl əddəlil-nawan, fəl awa dawan-nəga dəy tara! ⁹ Təkittəwam ya imədrayan-nana əşşəxəl issohen izzəwat wa nətaggu ehad ezal fəl ad wər nəqqel əzuk i waliyyan dəy-wan, assağa wa dawan-nəmmal Əlinjil a d-ifəlan Məşşina. ¹⁰ Təggiyyem iman-nawan, amaran Məşşina da iggiyyat as kawanay a mosnen iməzzəgzan, nəg-awan tidawt təgat əs tazdak, d əzəluləx, d iban əlxib waliyyan. ¹¹ Təssanam as əkkulluk n iyyan dəy-wan nəg-as arat wa z'agu abba i bararan-net. ¹² Nəsimatar-kawan, nolam-awan fəl man, nəzzidgaz-kawan dəy y ad tagim alxal wa ira Məşşina s ənta a kawan-ixran fəl ad təggəzam taҲmar-net əd tanaya-net.

Əlqəbulat ən Kəl-Tesalonik awal ən Məşşina

¹³ Faw da nətigudəy i Məşşina fəl əddəlil n as təslam y awal-net wa dawan-nəmal, təqbalam-tu, wər das-təgem iduf n as awal n aytedan, kalar təgam-as

iduf n awa imos, a t-imosan awal ən Məşşina a işxalan daɣ wallan-nawan kawanay a sər-əs əz-zəgzannen. ¹⁴ Ənta imədrayan-nana, kawanay təqqalam aytedan əttilalnen əlməsixitan win Əlkənisaten ən Məşşina şin əhanen akal ən Yahudəyya. Awen da a fəlas kawanay da ziyazaban-kawan kəl akal-nawan zund əmmək as Əlkənisaten şin əntanatay da ziyazaban-tanat Kəl-Əlyəhud. ¹⁵ Əntanay a ənənanen Əməli Ƴaysa, d ən-nəbitan, əmərədda ədgazan-ana wəllen nakkanay da. Wər əgrezan i Məşşina, amaran əmosan izənga n aytedan kul. ¹⁶ Gaddalan-anay ad nətamagrad i təmattiwen şin wər nəmos Kəl-Əlyəhud nətəgg-asnat isalan n efsan win ihakku Məşşina. Emmək en daɣ as faw sandin ibakkadan-nasan. Mişan illikan əs, ilkâm a fall-asan d-izəzzəbbət Məşşina alham-net.

Deran ən Buləs ad iləs iki ən Køl-Tesalonik

¹⁷ Nakkanay amaran imədrayan-nana, illikan as isigalam-anay əzəmməzzəy wa danaɣ-əgan dər-wan azzaman, nənamməggag dər-wan daɣ akal mişan wərge daɣ wallan, nədgâz wəllen daɣ agamay n anay-nawan fəlas nəsidaran-tu wəllen. ¹⁸ Awen da fəlas nara a kawan-in-nakku, wəllen nak Buləs. Wərgeɣ taklat iyyadda ɣas a daɣ əg-mayaɣ a kawan-in-akka, mişan awen igdal-anaq-qu Aşşaytan. ¹⁹ Awak wərgeɣ kawanay ɣas a mosnen attama-nana, təmosam əssəbab ən təfalawist-nana, təmosam fella-nana əzəl wad za nəbdəd dat Əməli-nana Ƴaysa assaya wa du-z-asu? ²⁰ Awalla kawanay a imosan abarag-nana, təmosam deɣ əssəbab ən təfalawist-nana.

3 Awen da fəlas imədrayan-nana, təgmad-ana təzaydart n əsəgəd wen, nəsof ad naqqam ɣas-nana nak əd Silfanus daɣ əxrəm n Atena. ² Təz-zar nəzammazal-in amadray-nana Timotay, imosan əmadhal daɣ əşşəxələn win Məşşina, tan imosan əzəwwəziwəz ən salan n Əlinjil n Əlməsix, y ad isəssuhət əzəgzan-nawan aləm-awan fəl man, ³ fəl a kawan-wər-iggəz i oyyan iman-net isəfəl-du dən-nəg-əs ətəwədgaz wa təgam. Təssânam iman-nawan as ətəwədgaz wədi iha aratan win as otas Məşşina harwa daɣ tizarat as a danaɣ-əgrəwan. ⁴ Harwa ɣur-wan nəlla nəyyəwan-awan igi daw aɣaf əs itiwatas ad nətəwədgəz, amaran arat wa, təssânam as ənta iman-net a igan əmərədda. ⁵ Awen da fəl di-təgmad təzaydart n əsəgəd, təzzar zammazalax-in Timotay y a di-d-abəz isalan n əzəgzan-nawan, fəl təksəda n ad təfətəqqem daɣ taftawen n Ənəjjerrəb abbannan əşşəxəl issohen wa nəga.

⁶ Mişan əmərədda Timotay səket sər-anaq qawan-d-ifal, nəgraw ɣur-əs əmərregəz-nawan olâɣan. Imal-anay iduf wa təgam əzəgzan-nawan, əd tara ta kawan-təhat, d as təkittəwam-ana s əl-lux. Təsidaranam wəllen a dana-tələsam anay, arat wa, ənta a nəga nakkanay da. ⁷ Emmək en daɣ as

imədrayan-nana, şirəmnaɣ, əd tarsəmmawen kul şin nəga, təkfâm-ana təsasmit s əzəgzan-nawan. ⁸ Awalla əmərədda əqqalan-ana-du man-nana, fəlas kawanay təglâyam daɣ tərtəyt-nawan d Əməli. ⁹ Mas nəfrag igi-net y ad nəggudəy i Məşşina daɣ talxa-nawan əd tədəwit tagget ta sər-nay du-tewayam dat-əs? ¹⁰ Ehad ezal nətansay Məşşina əs gəlleyat a danaɣ-akfu turagat n a kawan-nələs anay, d a kawan-naknu əsəssəgri fəl ad isuhət əzəgzan-nawan.

¹¹ Aɣədət Məşşina di n Abba-nana d Əməli-nana Ƴaysa, tarrayt ta dana-za-təsəmmənəyat dər-wan! ¹² Kawanay amaran aget Əməli əsitəy aggen y ənəmərə wa təgam ɣar-ewwan, əd tara ta təgam y əkkulluk n aggadəm, zund əmmək as nakkanay da nəg-awan tara wər nəla əddukad. ¹³ Isəssuhətət Əməli iduf-nawan, fəl ad təqqəlam imizdagan, wər nəla əlxib waliyyan dat Məşşina di n Abba-nana, əzəl wa du-z-iqqəl Əməli Ƴaysa iddew d aytedan kul win-net. Amin.

Ammaran

Təməddurt toɣâdat

4 Imədrayan-nana, nəssosan-kawan əmmək was za tagim təməddurt ta daɣ za təgrəzam i Məşşina, amaran harwa əmərədda da awen daɣ as təlkamam. Əmərədda nəgmay daɣ-wan əs gəlleyat s esəm n Əməli Ƴaysa ad təşşitim daɣ anamod wen. ² Nəzzidgaz-kawan daɣ awen fəlas təssânam awas kawan-nomar s ənta a danaɣ-issəwar Əməli Ƴaysa.

³ Arat wa ira Məşşina, ad təqqəlam imizdagan ogaznen iman-nasan daɣ igi n əzzəna.

⁴ Ekkulluk n iyyan daɣ-wan ittəfet tanat daɣ təxəssa-net əs tazdak n əwəl d əzzəbun.

⁵ Taqqamim da wər təlkemam y arak deranan ən tara ən man, zun awa taggin nəmməzray wər nəssen Məşşina. ⁶ A kawan-wər-iggəz i igân iba n tidət y əmidi-net daɣ batu tədi wala idləm-tu. Fəlas Əməli ad awwaddab awedan kul wa igan arak mazalan zun win di. Arat wa dat əzəl da nəg-awan-tu daw aɣaf. ⁷ Ənta Məşşina wər danaɣ-ira am-madas, kalar tazdak a danaɣ-ira. ⁸ Awen da fəlas awedan wa din-igaran ammaran win, wədi wərgeɣ awedan a inkur, kalar awedan wədi Məşşina a inkur s ənta a kawan-ikfan Infas-net Zəddigan.

⁹ Daɣ talxa ən tara ta gər mədrayan, wər təd-dəraram i dawan-in-iktəban şirawt, fəlas Məşşina a kawan-issosanan kawanay iman-nawan ənəmərə ɣar-ewwan. ¹⁰ Fadda ənəmərə wa ənta iman-net a təsannafalalam i mədrayan-nana kul win akal ən Masedonəya. Mişan nəgmay daɣ-wan əs gəlleyat ya imədrayan-nana, ad təşatim daɣ əsəkni ən tara ta. ¹¹ Əqqəlat aytedan wər nədgəz ar daɣ igi ən təməddurt təgât daɣ alxer, tannattafam d əşşəxələn-nawan, ad təgammayam təməddurt daɣ təɣurad-nawan. Adi da as kawan-nomar. ¹² Emmək

di day as sər-wan du-z-awəy alxal-nawan
 ətəwəsəymar day aytedan win wər nəmos əlməsix-
 itan, təqqələm aytedan wər nəmos əzuk y awedan
 waliyyan.

Isalan ən tanakra ən nəmməttan

¹³ Imədrayan-nana, nəsidadan ad təssənam awa
 imosan tidət day talxa n aytedan win aba, fəl ad
 wər təqqələm aytedan as əxşadan man-nasan, zun
 awa igrawan aytedan win hadatnen wər nəga atta-
 ma-nasan day wala. ¹⁴ Dad zamas nəzzigzan as
 Xaysa aba-tu inkar-du day təmattant, wədi ad nəz-
 zəgən as Məşşina a d-issuxəl əs tarrayt ən Xaysa
 aytedan win aba, əqqələn-du əddewan əd Xaysa.
¹⁵ Arat da wa dawan-za-nəməl day awa danax-isan-
 nafalal Əməli: Nakkanay win du-za-tagəz tewaɣlay
 n Əməli nəddar, wər za nagu wala arat ən tizart i
 win aba. ¹⁶ Fəlas Əməli iman-net as du-z-azzabbat
 day jənnawan xur əkuray, imosan əməsli n angalos
 wa zəwwəran, d anasaɣ n asək ən Məşşina. As iga
 adi aytedan kul win aba əzzigzanan s Əlməsix, ən-
 tanay a du-z-izarnen tanakra. ¹⁷ Dəffər adi
 nakkanay win d-ogaz alwaɣ wen nəddar, a dər-san
 nidaw nəmmidkal day təgnawen, nəssəlkəd y
 Əməli day alhawa, nəməl xur-əs har faw. ¹⁸ Day adi
 əqqələnet salan win arat a du-tətinəməsəktim gar-
 ewwan, imos-awan ares ən təfalawist.

5 Wər təddəraram imədrayan-in i dawan-in-ik-
 taban day talxa n azzaman wala assaxat ta
 day z'agin aratan win. ² Fəlas təssənam iman-
 nawan as əzəl wa ilkaman a d-agu assa wər nəla
 şisənnəfray, zund abaydag a d-idâlan ehad. ³ As ən-
 nan aytedan: «Iket alxer, iket iba ən tazak waliyy-
 at!» Amazay wen da day fall-asan du-z-azzabbat al-
 waba ihân samal ən təlawayt ta du-tətasat tantut
 tətəggazat amzur, amaran wər z'əfrəgan ədərrəg
 y-as. ⁴ Mişan kawanay, imədrayan-in, wərgə şiyay
 a təham əngəm a dawan-itaggu əzəl wədi təydərt
 ta n abaydag. ⁵ Ənta ketnawan as təmosam
 bararan n ənnur, təmosam bararan n azal: Wərmad
 a danax-ila ahad za wər danax-əlenat şiyay. ⁶ Day
 adi ad wər nətaggu etəs wa taggin aytedan win ha-
 datnen, kalar nəqqələt aytedan okaynen as əkkul-
 luk n arat əttâfan day-as alwasat. ⁷ Win nassinen,
 ehad ad nassin, amaran win tamaswadnen, ehad
 ad samaswadan iman-nasan. ⁸ Mişan nakkanay a
 mosnen ənnur, nəqqələt aytedan əttâfnen alwasat
 day arat kul, təzzar nagu əzəgzan əd tara axər il-
 sân idmaran-nana, iqqəl-ana deɣ attama n efsan
 wa nəga təkəbbut ən təzoli ta n əməgər, ⁹ fəlas

Məşşina wər danax-otes temsay, kalar efsan a
 danax-otas əs tarrayt n Əməli-nana Xaysa Əlməsix
¹⁰ aba fəl əddəlil-nana, fəl ad iqqəl as nəddew dər-
 əs day təməddurt gər za nəddar wala deɣ ab-ana.
¹¹ Awen da fəlas akkiyyan day-wan issəsmədet
 əwəl n əmidi-net, tənəmədhəlam gar-ewwan day
 əşitəy n əzəgzan-nawan zun awa da tətəggim kala
 da.

Ənnəsixa wa ilkaman

¹² Nəgmay day-wan ya imədrayan-nana, ad tətəg-
 gim a iknan əlluɣ y aytedan win day-wan əşɣalnen
 id Əməli a dawan-tan-d-isannafranan y a dawan-
 izaran, agin-kawan day tarrayt-net. ¹³ Nəgmay
 day-wan a dasan-tagim saɣmar aggen igân əs tara
 fəl əşşəxəl wa taggin. Iməlet alxer gar-ewwan.

¹⁴ Nəgmay day-wan deɣ imədrayan-nana, ad
 təraqqamam y aytedan win məssəndad, tətəggim
 ənnəsixatan olaxnen i win əksannen iman, tədah-
 halam inərkam, təqqələm iməzəzzəydar y aytedan
 kul. ¹⁵ A tu-wər-iməl awedan izzizalan təkma s iyy-
 at, kalar gammayat faw igi n awa olaɣan, gər za
 gar-ewwan kawanay iman-nawan, wala deɣ gar-
 ewwan d awedan a iqqəl. ¹⁶ Əqqələt aytedan as faw
 filawasan. ¹⁷ Ad wər tamməzəyayam d igi ən təwa-
 triwen. ¹⁸ Əkkulluk n alxalat fall-awan təgat, ad tət-
 tigidəyam i Məşşina. Ənta əddi da arat wa fall-
 awan ira Məşşina fəlas tərtəyayam əd Xaysa Əlməsix.

¹⁹ Ad wər təgəddalam y Infas wa Zəddigan a
 kawan-isimələwləw. ²⁰ Ad wər tətətkim awa gannin
 ələwilitan, ²¹ kalar arat kul nəzzarat day-as, tətə-
 fam day-as awa olaɣan. ²² Nəməgəgəgat əd təkma
 ketnet, a təqqəl.

²³ Nəgmay day Məşşina a ihakkin alxer, a dawan-
 agu əzəzdəg ikmâlan ənta iman-net, agəz-kawan
 əmmək wa təmosam, gər iman-nawan wala iwal-
 lan-nawan, wala təxəssa-nawan, təqqələm aytedan
 as tu-wər-illa i ifragan a sər-san annu ark arat, har
 d-asu Əməli Xaysa, Əlməsix! ²⁴ Məşşina kawan-d-
 îxran əs man-net, alɣadil a imos, amaran ənta z'a-
 gin əddi.

Assalaman

²⁵ Tattarat-anax-in imədrayan-nana: ²⁶ Səsləmat-
 in imədrayan-nana kul tassaknim-tan-in tara ta n
 tidət. ²⁷ Əgmaya day-wan fəl udəm n Əməli, ad
 təxrim şirawt ta i mədrayan-nana kul.

²⁸ Izəzabbat-du fall-awan Əməli-nana Xaysa
 Əlməsix arraxmat-net!

2 Kəl-Tesalonik

Assalaman

1 Širawt a din-təfâlat nak Buləs əd Silfanus əd Timotay. Nəhul-in Elkənisat ta n əyrəm ən Tesalonik təmosat tamattay tərtaýat əd Məşşina di n Abba-nana, d Əməli Ҳaysa Əlməsix. ² Ikf-iwan Məşşina di n Abba-nana d Əməli Ҳaysa Əlməsix ar-raxmat d alxer.

Əşşəriya wa z'agin yur tawaylay n Əlməsix

³ Imədrayan-nana, iwâr-ana ad nətigudəy i Məşşina faw daɣ talɣa-nawan. Imos adi arat as ini-hagga a tu-nagu fəlas əzəgzan-nawan a ittittəyan wəllen, ittittəy əntada ənəmərə-nawan. ⁴ Adi da a fəlas nakkanay iman-nana nəsanamal fall-awan daɣ Elkənisaten šin hadatnen ən Məşşina. Nəmmâl zəmmerat-nawan d əzəgzan-nawan daɣ ətəwədgaz kul wa tatawaggam d arkanay wa tənnyam.

⁵ Isitadda adi aqqad n əşşəriya ən Məşşina, amaran adi da a kawan-z-issəhəran əd taɣmar-net ta fəl tənnyam arkanay. ⁶ Arat oɣâdan yur Məşşina a imos ad izzəzəl daɣ win kawan-zaɣazzabnen.

⁷ Amaran kawanay win taɣazzabnen əmərədda, a kawan-akfu təsasmit akf-anaq-qat nakkanay da. Arat wa, ad agu assaya wa du-z-inəfiləl Ҳaysa Əlməsix ifâl-du jənnawan ənta d angalosan-net əlanen tarna, ⁸ daɣ ammas ən təmsay təbilaglagat fəl ad awwaddab aytedan win wər nəssen Məşşina, ugayan əs ləkkum y Əlinjil n Əməli-nana Ҳaysa Əlməsix. ⁹ Attadib-nasan, ad iqqəl ahluk ixlâlan, nəməggəgan d Əməli-nana. Wər dasan-ilkem anay ən tanaya ən tarna-net. ¹⁰ Adi kul ad agu əzəl wa du-z-azzabbat Ҳaysa iha ammas n aytedan win mizdagan əd win sər-əs əzzəgzannen kul fəl ad t-əssəxməran ad t-əmmalan. Kawanay da a tan-təg-gəzam əzəl wədi fəlas təzzigzanam isalan win dawan-nəga. ¹¹ Adi a fəl dawan-nətansay Əməli-nana faw a kawan-issəhəran əd tarrayt ta daq-qawan iga. Nəgammay daɣ-as ad assandu əs tarna-net deranan-nawan kul win olaxnen, agu deɣ əzəgzan-nawan arat təha tənfa. ¹² Eddi ad za təssəxməram esəm n Əməli-nana Ҳaysa, issəxmər-kawan ənta da s arraxmat ən Məşşina d Əməli-nana Ҳaysa Əlməsix.

Əzəbbi n Əlməsix

2 Imədrayan-nana, daɣ batu ta təqqalat əzəbbi wa du-z-agu Əməli-nana Ҳaysa Əlməsix əd

tidawt ta za nagu yur-əs, nəgmây daɣ-wan: ² Ad wər ašew awedan waliyyan əd tayttay-nawan, wala təşşewəşam fəl əddəlil ən batu as itiwanna isinafalal-ana-tat-du Məşşina s Infas-net wa Zəddigan, wala təşşewəşam fəl əddəlil ən batu nəgâ daɣ anamod wen, wala deɣ širawt iyyat as dawan-itiwanna nakkanay a din-təfal nəmmal daɣ-as əs əzəl wa ilkaman ewad-du. ³ A tu-wər-iməl əmmək as kawan-issəxrak awedan, fəlas əzəl wədi wər du-z-asu iket wər tənayam əfəlləg, təzzar inifiləl Ənəmmezrəy as itawannu In-Tajat as təsəlkaht-net ahluk. ⁴ Imos azangaw ən Məşşina a z'ammazrayan arat kul was itawanna ifâl-du Məşşina əd wa itawaybadan, agu iman-net dənnəg-san. Fadda ad aqqam daɣ Ahan wa Zəwwəran n Əlyibada, agu iman-net əməli. ⁵ Awak takatawt a wər tətəggim as dawan-əmalay aratan win ketnasan harwa yur-wan əlle?

⁶ Amaran əmərədda təssânam awa t-in-iwayan fəl a du-wər-inafalal iket wər d-osa alwaq-net. ⁷ Wala əmərədda da təmazrəyt tətawamazal daw amadal, əngəm in za əs ab'as t-illa wa tat-in-iwayan. ⁸ Amaran inəfiləl-du In-Tajat mišan əs d-osa Əməli Ҳaysa a daɣ-as ikkəs iman s Infas-net, assabu tamayya-mayt-net s əmələwləw n assa-net. ⁹ Assa n In-Tajat a d-agu əs tarrayt n Aşşaytan idded d əzzənəfan aggotnen ən təlməxjujaten d alyalamaten əd təjujab əmosnen bahutan. ¹⁰ In-Tajat idded d əkulluk n abakkad issixrakan aytedan win z'əhləknən, fəlas wər əqbelan za wər əren tidət ta təfragat əsəfsinasan. ¹¹ Eddəlil-net a fəl dasan-d-issəgla Məşşina tarrayt təsaxrakat, fəl ad əzzəgzənən əs bahu, ¹² fəl ad awwaddaban win wər nəzzəgzan əs tidət, əsofan ləkkum y awa wər noyed.

Akniwat əzəzzəwi daɣ əzəgzan-nawan

¹³ Nakkanay amaran imədrayan-nana ən maran n Əməli, iwâr-anaɣ ad nətigudəy faw i Məşşina daɣ talɣa-nawan fəlas kawanay təzzar a isannafran Məşşina y ad təgrəwam efsan s əzəzdəg wa itaggu Infas ən Məşşina d əzəgzan əs tidət. ¹⁴ Awen da əs kawan-d-ixra s Əlinjil wa dawan-nəmal fəl ad təgrəwam tanaya n Əməli-nana Ҳaysa Əlməsix. ¹⁵ Daɣ adi imədrayan-nana, zəzzəwətət daɣ iduf n əsəssəxri wa dawan-nəga gər za s əmi wala da əs šira šin dawan-in-nəkta.

¹⁶ Amaran nəgmây daɣ Məşşina di n Abba-nana d Əməli-nana Ҳaysa Əlməsix iman-net danax-ərânen,

əkfân-ana s arraxmat təsasmit təylâlat d-igi n attama issohen, ¹⁷ a kawan-akfin təsasmit n əwəl, səs-suhen-kawan fəl ad təfrəgam əmazal əd tənna n awa olağan.

Taggiwat ũiwatriwen

3 Emərədda imədrayan-nana, tansayat-anax-in Məşşina, fəl ad iwəziwəz awal n Eməli itəwəgg-as saşmar wa das-itawaggan şur-wan. ² Egməyat ənta da daş Məşşina a danaş-ogazan daş zənga əd nəzzulam fəlas wərgəş aytədan kul a əttafnen əzəgzan. ³ Mişan, Eməli alşadil a imos, ənta a kawan-z-isəssuhen agəz-kawan daş Iblis. ⁴ Nəga attama s esəm n Eməli as tətamazalam awas kawan-nomar taglim deş tətamazalam-tu. ⁵ Issədəget Eməli iwallan-nawan sa sər tara ən Məşşina əd zəmmerat ta ihakku Elməsix.

Batu təqqâlat aytədan win məssəndad

⁶ Imədrayan-nana, nomâr-kawan fəl udəm n Eməli-nana Şaysa Elməsix s ad tənəməggəgam əd məzzəgzan kul win məssəndad, wər əlkeman y awa tan-nəsassaşra. ⁷ Kawanay iman-nawan, təssânam wəllen as immikkan ad tatəggim awa nətəg. Harwa a şur-wan nəlla, wər nəmos iməssəndad. ⁸ Wər nəgməy daş waliyyan daş-wan a danaş-işatşu ban-nan, kalar nərçda s anay n arkanay d iduz labasan,

nəşşâl ehad ezal fəl ad wər nəqqəl əzuk i waliyyan daş-wan. ⁹ Wər dana-isassaga adi iba ən təla n alxaq n a dana-tilalam, kala ar nəg-ay fəl a dawan-nəqqəl almasal. ¹⁰ Harwa kawan-nəha, nomâr-kawan s as: Wa uşayan s əşşəşəl, ad wər atşu.

¹¹ Amaran əmərədda nəsla as ahân-kawan aytədan əşlânen əs tamajalladat, wər tan-iha ar iguz ən taşawşiwən a tan-wər-nəqqəl. ¹² Aytədan win di nomâr-tan, nəgmây daş-san deş s esəm n Eməli Şaysa Elməsix, ad agin əşşəşəl-nasan əs tənəgrit fəl ad atşin daş əşşəşəl ən fassan-nasan. ¹³ Amaran kawanay imədrayan-nana, ad wər tədəzəm igi n awa olağan. ¹⁴ Kud ih-iwan awədan wər nəlkem y awa nənna daş şirawt ta, əssənət-tu, a tu-wər-təməl tassaş waliyyat gar-ewwan dər-əs, fəl ad ikərəkəd. ¹⁵ Dər iga adi da, a das-wər-tagim iduf n azangaw, taggat-as ənnəsixa wa za tagim y amadray-nawan.

Şiwatriwen d assalaman

¹⁶ Akfet-kawan Eməli n alxer ənta iman-net alxer faw daş arat kul, ilal-awan ketnawan. ¹⁷ Efus wənin iman-in a iktaban awa: Şihulawen a din-əşmad-nen Buləs. Awa da a imosan ejwal ən şira-nin kul. Emmək wa da as tanat-kattaba. ¹⁸ Məşşina ya tək-feq-qawan arraxmat n Eməli-nana Şaysa Elməsix.

1 Timotay

Šihulawen

1 Awa nak Buləs, anammazul n Elməsix Xaysa s ammar ən Məşşina di n Ənəssefsi-nana d Elməsix Xaysa wa dağ nəga attama-nana. ² Əhulay-in Timotay imosan barar-in wa n tidət dağ əzəgzan əs Xaysa Elməsix. Əgmâya dağ Məşşina di n Abba, d Əməli-nana Elməsix Xaysa, a fall-ak d-izazzabben arraxmat, əd təhanint, d alxer.

Arraxmat ən Məşşina əd təbəllant ta tolayat

Erruymatan fəl səssəyritan win saxraknen

³ Xur iki-nin akal ən Masedonəya, əgmâya dağ-ak ad taqqama dağ əyrəm n Efez, fəl ad təzzərəzağ isəssəyritan saxraknen, a dağ-as taggin aytedan wiyyad. ⁴ Ann-asan ad ammazzayan əd ləkkum i mayyan ən Kəl-Əlyəhud, əd masnat n əsmawan n aljadan, wər nəla təzərəst! Aratan win wər du-tiwəyan ar tamazaq wər təha alfaydat waliyyat, edag a n ad ədgəzan dağ iduf n aratan win issəbdad Məşşina dağ tarrayt ta n əzəgzan. ⁵ Elməxsud n awas kay-omarax əddi, a tu-təməl tara dağ aytedan s əwəl iyyanda, d ənnəyaten olaynen, d əzəgzan wər təha təmənufəqa. ⁶ Aytedan wiyyad namaggagan d əşşərədan win, fataqqen dağ igi ən batuten šiyyad wər nəla almağna waliyyan.

⁷ Sidaranan ad əqqəlan imusanan n əşşərixa wa n Əttawret, ənta wərmad əgrân awa gannin wala dəx aratan win as əşşewalan əkkasan dağ-san aşşak.

⁸ Nəssân as əşşərixa wa n Əttawret olâx as das-ilkam awedan s əlluğ. ⁹ Nəssân dəx as əşşərixa wər d-osa fəl əddəlil n aytedan win oğadnen, kalar osâ-du fəl əddəlil n arak aytedan, əd nəmməzray, d aytedan win wər nəksud Məşşina, əd win nas-bakkadan əd win wər nəha əddin əd maggan n al-fawaxišan əd win əganen iman n abbatan-nasan d annaten-nasan əd win maggan ən man ¹⁰ əd maggan n əzzəna, əd win tinəməgginen əzzəna gər za meddan gar-essan, wala šidoden gar-essanat, d aytedan win din-zanzinen wiyyad, əd nəsbuha əd win tagginen tahuday ən bahu, d aytedan kul win əmməzraynen əsəssəyri wa isxan. ¹¹ Əsəssəyri wə-di, igmâd-du Əlinjil ən Məşşina ilân albaraka ila tanaya. Əlinjil en da a dər-i isannattaf.

Igodan ən Buləs i Məşşina arraxmat-net

¹² Əggodayax y Elməsix Xaysa əməli-nana a di-is-səfragan igi n əşşəyəl-in, fəlas əsənnəhi a di-iga əd təfləst, isannafran-i fəl a das-əşyəla, ¹³ nak was harwa das-wər-əlkema tibuduraq-qu, sakna inalki-man-net arkanay, rabbadaq-qan, mišan ihanattat-i fəlas əljəhəl d iba n əzəgzan sər-əs a dağ əgəy awen. ¹⁴ Təzzar isannahal-i Əməli-nana tehakkay n arraxmat-net, ikf-i dəx əzəgzan əd tara win sər-na du-təaway tassağ əd Xaysa Elməsix.

¹⁵ Batu ta, igmâd-tat aşşak, təhor dəx d i tat-iz-zəgzanan ketnet təmosat as: Elməsix Xaysa osâ-du əddənet fəl ad assafsu inasbakkadan as nak əyaf-nasan. ¹⁶ Mišan ihanattat-i Məşşina, fəl a sər-i as-saknu Elməsix Xaysa nak a ogaran inasbakkadan, tazaydart-net ketnet, əqqəlağ almasal y aytedan win sər-əs z'əzəgzənnen əgrəwan təməddurt ta təğlalay.

¹⁷ Ya Əmənokəl n Amağlol
Wər nətəməttəy har faw
wər itəwənəy
Wər ila əmidi.
Saxmar d ədkul kul
kay a dər-san ihoran har faw.
Amin!

Awa iwaran Timotay

¹⁸ Ya barar-in Timotay, ənta da arət was kay omara, amaran inimannak əd batuten šin fall-ak əgan ələwlitan dat awa əs tilalt n Infas ən Məşşina, imosan as, batuten šin di ag-enat təzoli-nak dağ əməgər olâğan wa təge d aytedan win safraynen awal ən Məşşina. ¹⁹ As tətəggağ adi təttafay əzəgzan-nak, təzinamazlaya wəllen gər awa olayan d awa wər noləğ. Aytedan wiyyad teway-du sər-san tugəyt s adi as ibarajjat əzəgzan-nasan. ²⁰ Aytedan win di ih-en Himani d Alaskandər. Oyyəğ Aşşaytan orn-en fəl ad aknin, ammazzayan d ikus ən tarna i Məşşina.

Ənnizam n Əlkənisat

Əlyibada dağ Əlkənisat

2 Əgmâya dağ-wan dağ adi ad təgammayam dağ Məşşina a iknan tumaylaten n aytedan, tə-tattaram, tətənsayam-tu y aytedan kul, tə-

tigudəyam-as awa iga y akk awedan. ² Ad tətəggim adi da i mənokalan d aytedan kul win əhanen təymar fəl ad nagu təməddurt tədrârat, iha alxer day nəksud Məşşina d əzzəbun day əkkulluk n anamod.

³ Adi a olağan, igray y Ənəsəfsi-nana Məşşina,

⁴ irân əsəfsi n aytedan kul, awədan masnat ən tidət.

⁵ Fəlas Məşşina iyyanda ɣas a t-illan, awedan deɣ iyyanda, a t-imosan ɣaysa Əlməsix a imosan almawakkil gər Məşşina d aytedan;

⁶ ikfa iman-net, fəl ad addarfen aytedan kul.

Ənta den da təgəyya ta iga Məşşina day alwaq was imal.

⁷ Təgəyya ten da as di-isannafran Məşşina y a tataga. Iq-i əməggi ən salan n Əlinjil, d anammazul. Issok-i aytedan win wər nəmos Kəl Əlyəhud y a tansassaɣra awa iqqalan əzəgzan əd tidət. Awa ənne da, tidət a imos, wərge bahu.

⁸ Day adi, day adag kul, as təddewam y əlɣibada, əgmâya day meddan ad tattaran ədkâlan ifassan-nasan s əwəl zəddigan wər iha alham wala əsəmməsəndəd. ⁹ Emmək en da as areɣ ad tagginat tədoden telassay təzzibanat, tətârat, təhât edag. Ad wər ədləgnat iman-nasnat əs lətfan əmmittaynen, wala s urəɣ əd təssayeren madəɣ tabdoq təknât əz-zəwi. ¹⁰ Kalar ədləgnatet iman-nasnat əs mazalan olaɣnen win tagginat tədoden šin əksudnen Məşşina. ¹¹ Day alwaqan win əsəssəɣri n əljəmayat, tantut iwâr-tat ad tədrər taknu əsəsəm a day təb-birdag y əməsəssəɣri. ¹² Wər əkfe tantut turagat n əsəssəɣri wala da tizart y aləs. Kalar iwâr-tat əsəsəm. ¹³ Fəlas Adəm a d-ixlak Məşşina day tizarat, dəffər adi ixlak-du Xawa. ¹⁴ Harwa, wərge Adəm a issəxrak Iblis; kalar tantut a issəxrak, təqqal tənəmmezrəyt. ¹⁵ Mišan ya ad təgrəw əlɣillas s əssəbab n as tətulu bararan. Amaran šidoden ad əɣləsnat as zazzawatnat day əzəgzan-nasnat, təh-enat tara, əgânat alxal zəddigan, əgânat awen day əzzəbun.

Imuzaran n Əlkənisat

3 Illikan as awedan was imos amadammat-net tišit n əmuzar ən nalkiman ən ɣaysa, əşşəɣəl ihossayan a ira əddi. ² Əmuzar n Əlkənisat iwâr-tu a tu-wər-illa i ifragan a day-as d-inəy ark arat, izlâf tantut iyyadda, iɣdal i tətut-net, imos awedan səmmidan, innoda day əwəl-net, ila əzzəbun, ih-ay amagaru, ifrag wəllen əsəssəɣri. ³ Wər t-itəqqəl əməšwi n esmad wala awedan n əməkkənəs. Kalar əmuzar n Əlkənisat iwâr-tu ad imos awedan ilân aladab, wər imos ənadlam, wər iwwələt azrəf. ⁴ Iwâr-tu ad ittâf s əlluɣ tanat n aɣaywan-net, əb-birdagan bararan-net, iga awen s əzzəbun. ⁵ Awak awedan wa wər nəfreg ənəttaf ən wala aɣaywan-net, manəmmək as z'issən day nalkiman ən ɣaysa? ⁶ Ad wər iqqəl awedan as səket ilkam i ɣaysa fəl ad wər idkəl iman-net dənneɣ aytedan təzzar udu day tədləmt ta day iggədlə Iblis iman-net. ⁷ Iwâr-tu ad

imos awedan əflâsan aytedan win wər nəmos əlməsixitan, fəl a tu-wər-iməl i ifrâgan a day-as d-inəy ark arat, ifətəqqat day taftaw n Iblis.

Imadhalan n Əlkənisat

⁸ Imadhalan n Əlkənisat, əntanay da iwâr-tan ad əttafan əzzəbun-nasan, təssiflas deɣ batu-nasan. Ad wər iqqəl alxal-nasan tessay n esmad wala tattan alxaram. ⁹ Iwâr-tan ad zizawen day tidət ta tənafalalat təhât əzəgzan s Əlməsix, ilen ənneyaten zaddogən. ¹⁰ Təwəjərrəbanet təzzar, dəffər adi kud wər t-illa i ifragan a day-as d-inəy ark arat, asantın əşşəɣəl wa n tišit ən madhalan. ¹¹ Emmək en day as šimadhalen n Əlkənisat da iwâr-tanat ad əlânat əzzəbun, wər tizəmnat, sammədnat, əɣdâlnat day əkkulluk n arat. ¹² Əmadhal n Əlkənisat iwâr-tu ad iɣdâl i tətut-net, iga ənəttaf olağan i bararan-net d aɣaywan-net. ¹³ Imadhalan n Əlkənisat win tagganen əşşəɣəl-nasan s əlluɣ garawan almaqam d ikus n ašşak ikmalan day əzəgzan s Əlməsix ɣaysa.

Əssiran ən tarrayt ta n Əməli

¹⁴ Attama wa əgeɣ n a kay-ənəya tarmad wər digdel a dak-in-əktəba isalan win di ¹⁵ fəl ad iqqal as kud fall-ak in-əllələ, da ad təssənəɣ alxal was imməkkan ad t-agin aytedan day ahan ən Məşşina di n Amaylol a t-imosan Əlkənisat. Əlkənisat ta ənta a təmosat təgəttawt ta n təsəkbəlt ən tidət. ¹⁶ Igmâd ašşak as əssir wa danaɣ-isannafalal Məşşina a t-imosan Əlməsix, i zəwwəran:

Inafalal imos awedan.

Iggəyyat Infas ən Məşşina as oɣâd.

Ənâyan-tu angalosan.

Tiwaggan salan-net

y aytedan win wər nəmos Kəl-Əlyəhud.

Əzzigzanən sər-əs aytedan day əddənət ketnet.

Immədkal əs jənnawan əs tanaya.

Əsəssəɣri wa olağan d amašşayal n Əlməsix

Ərruxmatan fəl səssəɣritan ən bahu

4 Dər iga awen da ya Infas imâl s əlluɣ as day azzaman win əlkamnen, aytedan wiyyad ad ammazzayan d əzəgzan s Əlməsix, əlkaman i kələsuf saxraknen, əd təssunen n Ašşaytan. ² Təssunen šin əfâlnat-du inəsbuha n əlmunafiqan, əs əmmutan wallan-nasan, ³ əgdâlan azalaf, ərɣâman fəl tattay ən wiyyad imensewan as Məşşina a tan-d-ixlakan fəl a tan-atšin aytedan win əzzəgzannen əggodayan i Məşşina, əntanay a əssanen tidət. ⁴ Fəlas awa d-ixlak Məşşina kul olâɣ. Wər t-iha a xaraman, iggudəyet ɣas awedan i Məşşina təzzar atšet awa ira. ⁵ Id izzizdak-ku awal ən Məşşina əd təwatray.

Amaššaxal wa olağan ən Xaysa Əlməsix

⁶ As təmmâlay isalan win dak-əge da i mæz-zəgzan, ad təqqəla amaššaxal olâğan n Əlməsix Xaysa, iddaran s Əlinjil imosan ənəfilal ən Məššina dağ Xaysa, əd təssunt tolâğat tas təsle. ⁷ Ad wər təsasamağ i mayyan ən bannan əmmizraynen awal ən Məššina. Kalar səlməd iman-nak tēməddurt ta dağ tosağa əd Məššina. ⁸ Əšinən ən tağəssa wər tu-taha tənfa tagget, mišan əšinən n əwəl ləkkum y awal ən Məššina, tah-ay tənfa dağ tarrayt kul, fəlas nəgarraw sər-əs əməredəda tēməddurt tas iga Məššina arkawal-net, nəgrəw-tat deş dəffər iba. ⁹ Batu adi igmâd aššak, tənňihat da sər-əs arđin aytedan kul. ¹⁰ Nənnây arkanay, nəbillan fəlas nəgâ attama-nana dağ Məššina di n Amağlol imosan Ənəsəfsi n aytedan kul, wəllen win sər-əs əzzəgzannen. ¹¹ Aratan əddi da win as za tətama-rağ aytedan təsasağrağ-asan-tan.

¹² Ad wər tayyağ awedan waliyyan alkik fəl as wər tawaššera. Kalar əqqəl almasal i məzzəgzan s awa təganna d alxal-nak əd tara ta kay-təhat d əzəgzan-nak əd tazdak n əwəl-nak. ¹³ Əgməd əs tağaray n Awal ən Məššina i məzzəgzan, d əsəhəl-nasan d əsəssəğri-nasan har din-asa. ¹⁴ Ad wər taqqama wər təššəşğala təhəkkut ta təğrawa, ta kay-ikfa Məššina s awal wa sər-ək iga ələwli iyyan əs tarrayt n Infas ən Məššina, assağa wa kay-əssəwaran muzaran n Əlkənisat ifassan. ¹⁵ Aratan win dak-əməla da, ədgəz dağ-san, fəl ad ənəyan aytedan kul əməttəy wa tətəgga.

¹⁶ Əssən dağ man-nak, təssəna ənta da dağ aratan win təsasağra, ad wər tammazzaya d igi n adi. As tətəggağ adi, ad tassafsəğ iman-nak, tassaf-sa deş aytedan win dak-sasammen.

Awa iwaran Timotay gar-es əd məzzəgzan

5 Ad wər tətihərəšşəğ iğmaran. Tagg-asan ən-nəsixa şilat ən wa za taga y abba-nak; tagağ i meddan win madrornen ənnəsixa wa za tagağ i mədrayan-nak. ² Şiğmaren ag-asnat ənnəsixa wa za taga y anna-nak. Taga deş i tədoden şin madrornen ənnəsixa wa za tagağ i təmədrayen-nak, iga awen s əwəl zəddigan.

³ Səğmər şidoden şin as aba meddan-nasnat wər əlenat əšəqqaq a dər-əsnat inəttafan, təssəna dağ-asnat. ⁴ Mišan kud əlânat bararan madəğ ihayawan, wədi zəmmizəlanet təksəda-nasan Məššina s ad əssənan dağ marwan-nasan, ərzə-man-asan əsədwəl wa tan-əgan fəlas adi da igrazan i Məššina.

⁵ Amaran ta wər nəla i dər-əs, təxsâr əd man-net ənta əddi təgat attama-net dağ Məššina, təgam-may dağ Məššina a iknan tuməğlaten-net, tətəttar ehad ezal. ⁶ Mišan as imos as tantut as wər idder aləs-net, təga tēməddurt a dağ təlkâm i tara ən man-net, kud imos as tağəssa-net təddar, da fəl

aganna wa n tassağ-net əd Məššina şilat n as wər tədder. ⁷ Ənta əddi da awa as kay-iwar a tanat-təta-mara sər-əs, fəl a tu-wər-iməl i ifragan a dağ-asnat d-inəy ark arat. ⁸ Amaran awedan wa wər nəssen dağ aytedan-net, wəllen win nəmmuray-net, wədi zun as oyya əzəgzan-net, iššam-as fadda awedan wa wər nəzzəgzan.

⁹ Ad wər təktəba tantut as wər idder aləs-net dağ şin as tətılal Əlkənisat ar s ad təga sədisat təmər-wen n awatay madəğ tokay-tanat, ənta da, wər tat-ides ar azalaf iyyanda. ¹⁰ Əggəyyen deş aytedan as tətəg imazalan olağnen, əmosnen əsədwəl olâğan ən bararan-net, d amagaru, wər təsassagar iman-net igi n əššəğəl a iqqal i məzzəgzan, əd tilalt y aytedan win mağatarnen, d əmazal n arat kul wa olağan s əwəl iyyanda.

¹¹ Amaran şidoden şin aynaynen, şin as wər əd-deran meddan-nasnat ad wər təqbəla tilalt y-asnat fəlas as dağ-asnat d-inkar İblis, ad usafnat azalaf əššəğəl y Əlməsix. ¹² Təzzar ibəz-tanat əšşəriğa ən Məššina s agamad wa tanat-iga əzəgzan-nasnat s ənta arkawal-nasnat wa azzaran, ¹³ aqqaminat wər əlenat əššəğəl waliyyan ar ilum gər nan. Adi ogar-tu âs, a tanat-təggəz şizmit; əšşiwəlnat dağ tağawşiwen n aytedan, d aratan as wər imməkkan a dağ-san şawalnat. ¹⁴ Dağ adi şidoden şin aynaynen, şin as wər ədderan meddan-nasnat, əssofağ ad əzləfnat, ilenat bararan, əssənnat dağ çaw-natan-nasnat fəl ad wər əğrəwnat i maksanan-nanağ tarrayt n a dağ-na d-ənəyan ark arat a sər-nağ ənnan, ¹⁵ fəlas şiyyad dağ-asnat har âs əxrak-nat, əlkamnat y Ašşaytan.

¹⁶ Kud təll-ay təlməsixit təlât şišəqqaqəgen as wər ədderan meddan-nasnat, təssənet dağ-asnat, aqqaminat wər əmosnat əzuk y Əlkənisat, fəl ad tilal i şin wər nəla i dər-əsnat.

Imuzaran n Əlkənisat

¹⁷ Imuzaran n Əlkənisat win tagginen tizart to-ləğat əhoran d ətəwəsəğmar imosan ənətfus, wəllen win tagganen təlxtutbat sasayrin Awal ən Məššina. ¹⁸ Fəlas a ənnan Əlkəttaban: «*Ad wər təd-bəğa y azğar wa təššəşğala*». Ənnân deş: «*Amaššaxal ihor d alxağ-net*».

¹⁹ Ad wər tətəttafa tağtəst tətəwəgəttat y əmuzar n Əlkənisat ar s a *tət-əggəyyen əšşin aytedan madəğ karad*.²⁰ Imuzaran n Əlkənisat win tagginen ibakkadan, raqqam-asan dat Əlkənisat ketnet, fəl ad təggəz tasa əlməsixitan win hadatnen. ²¹ On-sayağ-qay fəl Məššina d Əlməsix Xaysa d anga-loşan win isannafran ad təlkəma y aratan win as kay-omara da, dağ wər təgəğ arak torda waliyyat, wala təmərıt.

²² Ad wər tərurədə əsəwər ən fassan-nak awedan, wala deş tileğ adagar dağ bakkadan n awedan waliyyan. Ağəz iman-nak, tətəttəfa tazdak-nak. ²³ Mazzay əd tassay n aman ças, kalar sassu arat n esmad n alğanab ad anfu adi tadist-nak, anf-

ik day tæfrøyt ta sær-æk du-təsaxlayat. ²⁴ Ellan-tu aytedan as ibakkadan-nasan wær tan-iqqərat arat, tiwassanan harwa dat əššəriya, mišan wiyyad dəf-fər tərut ad tawanayan win-nasan. ²⁵ Emmək en day as, imazalan win olaɣnen wær tan-iqqərat arat, amaran wala win iqqərat arat da wær təhigin əybâran.

Eklan əd məssawsan

6 Elməsixitan kul win əmosnen eklan, iwâr-tan saxmar ən məssawsan wəllen fəl ad wær əkkesan aytedan tarna i Məššina, wala dəx alkin təs-sunt ta nəsassaxru.

² Amaran win day-san əlan əlməsixitan, ad wær assaknin məssawsan iba ən saxmar fəlas dər-san əmosan arat iyyanda day əddin. Kalar aginet-asan əššəxəl ofân was kala a dasan-tu-taggin, fəlas aytedan win garrawnen tənfa n əššəxəl-nasan əd-di, əntanay da əlməsixitan a əmosan sinahalnen ətəwəra.

Ammaran əkkanen Timotay imosan əmaray əs Məššina

Isəssəxritan ən bahu d əzəgzan wa n tidət

Adi a za tasassaxraɣ aytedan təzzədğəzaq-qan day-as. ³ Awedan wa isasaxran aratan wær nemos win dak-əmala da, harwa wær ilkem y awal wa isxan n Əməli-nana Xaysa Elməsix d əsəssəxri wa d-it-awayan təlxudəla, ⁴ wədi awedan anasbarag a imos n aljahil təssiran tara ən tamazaq əd takat wær nəga ar fəl almaɣna n əlxərəfan. Itaraw-du adi manjaɣ əd tamazaq d arak batuten d arak tordaten, ⁵ əd məzrəyan wær nərriz gər aytedan as wær oɣednat ənnəyaten-nasan, təgmad-tan tidət. Əgân iduf n âs a tan-isəggərgəş iguz n əddin. ⁶ Mišan il-likan as, təksəda ən Məššina təmos təgərgist zəwwərat fəlas təhakk-anax təməddurt a day nəg-da s awa nəla. ⁷ Fəlas wær neway wala as du-nəggaz əddənət zund əmmək en day as a tat-nəgməd wær neway wala. ⁸ Day adi, agdet-anax as nəla isudar əd talassay. ⁹ Amaran aytedan win əranen təgərgist, tifətəqqen day jarrabatan, əd taftawen d arak deranan aggotnen a tan-əkmanen, a du-wər-nətiwəy s awedan ar əbərəjji d əhluk. ¹⁰ Tara n əzrəf a təmosat ələsəl n əššur kul. Ellan-tu aytedan s awa das-əgan day tara, əxrakan, igmad-tan əzəgzan-nasan, ewayan-du əs man-nasan šiməgraz aggotnen.

Ammaran əkkanen Timotay

¹¹ Amaran kay Timotay, imosan əmaray əs Məššina, darrag y adi ketnet. Əgməy taqqat, əd təksəda ən Məššina, d əzəgzan, əd tara, əd zəmmerat, əd talmat. ¹² Agu təbəllant ta tolayat, təmosat aggaz n əzəgzan. Əqbəl təməddurt ta təxlalat, fəlas Məššina iyr-ik y a tat-təgrəwaɣ, amaran batu-net a day təmalax əzəgzan-nak dat təgəyyawen aggotnen.

¹³ Omâraq-qay fəl Məššina a itaggin iman day arat kul, d Elməsix Xaysa a imalan s əlluɣ əzəgzan-net dat Fons Bilatəs, ¹⁴ ad təlkəma y awas kay-omara, a daq-qay wær iwer lahan waliyyan, wær t-illa i ifragan a day-ak d-inəy ark arat, har d-inəfiləl Əməlinana Xaysa Elməsix. ¹⁵ Ənəfilal-net ad agu day al-waq wa issənsa Məššina y awen,

Ənta a ilan albaraka

Ənta ɣas ənaxkim wa n tidət

Əmənokal ən mənokalan,

Əməli ən malan

¹⁶ Wær itəməttəy har faw

Izdâɣ day ənnur

Wær din-itəwəhiz

Wær t-illa awedan as kala ad t-inay

Wala ifrag anay-net

Ənta a ilan saxmar əd tarna har faw.

Amin!

Awa iwaran iməggərgas

¹⁷ Amər win əggərgasnen day əddənət s ad wær ədkelan iman-nasan dənneɣ aytedan wala agin at-tama-nasan day təgərgist wær za nahag. Amər-tan s ad t-agin day Məššina a danax-ihakkin arat kul s igət fəl ad nagu təməddurt a day nəddəwat.

¹⁸ Amər-tan s əmazal n awa olaɣan, aggərgasanet day mazalan olaɣnen, təggəzet-tan tahakkay, ar-dinet əs tədrəwt d aytedan. ¹⁹ Emmək di as z'əššidəwan i man-nasan təgərgist a za təqqəlat təsəbdət tolayat y awa d-izayan əzəl a ilkaman fəl ad əgrəwan təməddurt ta n tidət.

Ənnəsixa wa ilkaman əd təhult

²⁰ Ya Timotay, agəz awa kay-issəxlaf Məššina. Nəməggəg əd batuten ən bannan əmmizraynen əd-din, əd tamazaxen əgânen day təssunt ən bahu.

²¹ Wiyyad əlməsixitan əlkâmnen i təssunt tədi, əxrakan əmməzzayan d əzəgzan.

Məššina ya təgeɣ-awan arraxmat-net.

2 Timotay

Tøhult

1 Awa nak Buløs, anammazul ən Ȳaysa əs tərøddawt ən Məššina. Iwâr-i amel ən tømød-durt tas danax-itawagga arkawal-net əs tarrayt ən tørtøyt d Elməsix Ȳaysa. **2** Əhulax-in Timotay imosan zun barar-in əkney tara: Onsaya Məššina di n Abba, d Elməsix Ȳaysa Əməli-nana, a kay-ikfan arraxmat əd təhanint d alxer.

Ammar ən Timotay s ad aglu day əššəxəl-net

Agoda ən Buløs i Məššina day batu ən Timotay d ammar-net

3 Nak əggodayax i Məššina, s ənta a əxbada s əwəl iyyanda zund əmmək as t-əxbadan marawan-in, amaran kittəwaq-qay faw day təwatriwen-in ehad ezal. **4** Kittəwaq iməttawan-nak əkney tara n a kay-ələsax anay fəl ad aknin man-in təfalawist. **5** Kittəwa deq əzəgzan wa təgeq əs Ȳaysa s a wər nəmos sokni, amaran əzəgzan wa, ənta təga Law-isa ta kay-təsahhayawat, d anna-nak Anika. Əkkasax aššak as kay da təgrāwaq-qu s əmmək en da. **6** Awen da fəl kay-du-saktaq as: sudər təhəkkut ta dak-iga Məššina, s əssəbab n əsəwər wa kay-əgeq ifassan. **7** Infas wa danax-ikfa Məššina, wər imos Infas ən tasa, kalar Infas a imos ən tarna əd tara d iduf n əzzəbun. **8** Day adi a kay-wər-təggəz təkarakit n ad tətagayye fəl Əməli-nana, wala deq isəkkərukəd-kay iguz-in kasaw fəl əddəlil-net. Kalar nərtəyet day alqazab wa tagga day tarrayt n Əlinjil, iga awen əs tarna ən Məššina

9 s ənta danax-issəfsan, ig-ana təxaray zəddigat, wərgəq fəl əddəlil ən mazalan-nana, kalar fəl əddəlil n awa issəbdad Məššina əs tara-net,

d arraxmat ta dana-tətawakfat əs tarrayt n Elməsix Ȳaysa

harwa dat axluk-net əddənet.

10 Arraxmat ta isannafalal-tat-du əmərədda assa n Ənəsefsi-nana Elməsix Ȳaysa s ənta a ikkasan tarna day təmattant, isammalawlaw tøməddurt ta təqlalat tas itaggu Əlinjil isalan-net.

11 Əddəlil n Əlinjil en da a fəl di-isannafran Məššina ig-i əməggi ən salan, n anammazul n əməsəseyri.

12 Amaran əddəlil n aratan win da, a fəl tawazaxaz-

zabax əmərədda, mišan wər fall-i imos awen təkarakit, fəlas əssana was əzzəgzana, əkney deq ikus n aššak as ifrâq ad agəz taqlift ta qur-əs əle har əzəl a ilkaman. **13** Əlkəm y almasal wa ihan isalan ən tidət win dak-əgeq, təzəzzəwe day-as s əzəgzan əd tara win du-tətaway tassaq n Elməsix Ȳaysa. **14** Taqlift təhossayat ta təgrawa qur Məššina, agəz-tat əs tarna n Infas wa Zəddigan a danax-ihan. **15** Təssənax əs aytədan kul win akal n Asəya əfalan dəffər-i, harkid Figelus, əd Hermogenus.

16 Əməli ya təzizabbe du təhanint-nak fəl aqaywan n Onesiforus, fəlas faw italam-i fəl man, amaran wər ikarakad y iguz-in kasaw. **17** Kalar assaxa wa din-osa Ərrum, iswad-i əs tidət har di-igraw.

18 Əməli ya təhinatəq-as əzəl a ilkaman. Kay iman-nak a issanan wəllen day tilalt ta di-igi day əqrəm wa n Efez.

Anammagar wa n tidət n Elməsix

2 Day adi kay barar-in səssuhət iman-nak s ar-raxmat ta təhat tartəyt n Elməsix Ȳaysa.

2 Amaran arət was di-təsle ənneq-qu dat təgəyyawen aggotnen, sənnəttəf dər-əs aytədan əxdälnen, əfrâqnen a tu-sassaqrin əntanay da i wiyyad. **3** Əzmər kay da i tadagart-nak day alqazab fəlas adi da a itaggu anammagar wa n tidət n Elməsix Ȳaysa. **4** Awədan imosan anammagar, wər izlay day təxawšiwən n əddənet sa hadan, fəlas wər igəmməy ar gərrezat y əmənokal-net. **5** Zund əmmək di day as ənəbbellen wər inəjjəx ar s ad ilkâm y əššərədan kul win təbəllant. **6** Amaran əmagyak wa igan əššəxəl olâqan, ənta a itizaran agaraw ən qarət. **7** Ənzər wəllen day awa dak-ganna da, fəlas Məššina a kay-z-akfin əgərri day əkkulluk n arət. **8** Kattəw Ȳaysa Elməsix, s ənta a d-itawasankaran day nəmməttan, imos arət day əz-zurrəyya ən Dawəd. Arət wa iššewal sər-əs Əlinjil wa əmmala. **9** Əddəlil n Əlinjil en da, a fəl taqazaba, har as əgan-i qunan iguz a taggin y əjajəb n anasgafa. Mišan awal ən Məššina ənta wər t-əhen qunan. **10** Awen da fəlas əddəlil ən win isannafran Məššina a fəl əzmara y arət ketnet, fəl ad əgrəwan əntanay da efsan əs tarrayt n Elməsix Ȳaysa, əgrəwan tanaya təqlalat. **11** Illikan as awal wa tidət a imos:

As dər-əs nərtay day təmattant ta iga, a dər-əs nərtəy deq day tøməddurt.

12 As nəzmar, wədi a dər-əs nərtəy day taqmar,

as tu-nənkur, wədi a danay-unkar ənta da.
¹³ Kud nakkanay wər nəydel, ənta faw iydāl,
 fəlas wər z'unkar iman-net.

Amaşşaxal itiwaqbalan

¹⁴ Aratan win as təsleḡ da, sakt-en-du i məz-zəgzan təzzar təgməya daḡ-san fəl udəm ən Məşşina ad ammazzayan əd tamazaq ən təfir. Wər tat-təha tənfa waliyyat. Wər du-tətiwəy ar ahluk n aytedan win das-sasammen. ¹⁵ Gammay wəllen d ad tagay iman-nak aləs isitaddan əzəluləḡ-net dat Məşşina, təqqələḡ awedan wər nətəkərukud daḡ əşşəḡəl-net, tətəggaḡ igi oxādān i salan win tidət. ¹⁶ Nəməggəg d awalan wər nəla almaḡna waliyyan, əmosan əllid n əzəgzan, fəlas win as əmosan awalan win əşşəḡəl-nasan, iket tahagin kannin ənəməggəg əd təkəda ən Məşşina. ¹⁷ Awal-nasan iha əlmital an şiqqest labasat, a du-təjibərəjjet elam. Aytedan win arat daḡ-san a imos Himani əd Filetos. ¹⁸ Əntanay a sannamaggagnen iman-nasan əd tidət, ənnan tanakra ən nəmməttan wər təmos arat ilkāman, kalar arat okāyan a təmos, takkasan s awen əzəgzan daḡ aytedan. ¹⁹ As iga awen şigətawen şin issəbdad Məşşina, arat a mosnat izizawen, iwār-tanat ejwal ən Məşşina imosan batuten şin: «*Əməli issan win-net.*» Iwār-tanat deḡ as: «Awedan kul wa innan ənta in Əməli, wədi iwār-tu ad uḡag arat kul wa wər noḡed.» ²⁰ Aḡaywan zəwwəran ihossayan wərgəḡ ikassan n urəḡ d əzrəḡ ḡas a t-əhanen, kalar əhan-tu win eşkan, əd win talaq. Wiyyad za tiwasansan y əzəl a sər-san iskatan, win hadatnen amaran tiwasataymalan əzəl kul. ²¹ Daḡ adi as izzəzdaḡ awedan iman-net daḡ ark aratan win əmala da, ad immutəḡ y əşşəḡəlān a sər-əs əskātən, iqqəl awedan zəddigan təha tənfa i məşşis, amaran igār iri y igi ən mazalan kul win olaḡnen. ²² Darrag y arak deranan ən təmmədrəyt, ad təgammayay əd taqqat d əzəgzan əd tara d alxer, tərətəya d aytedan win tansaynen Məşşina s əwəl zəddigan. ²³ Nəməggəg əd təmazayən wər nəla almaḡna, əmosnat əljəhəl, id təssānaḡ as ikən-nasan a du-tawaynat. ²⁴ Akli n Əməli wər ihor ad ikannas, kalar iwār-tu ad səmmid y aytedan kul, imos awedan ifrāḡan əsəssəḡri, tah-ay tazaydart, ²⁵ iwār-tu ad itaggu əsəssəḡri ləmmidan y aytedan win das-tamazaynen, daḡ igi n attama n a tan-akfu Məşşina tətubt y ad ənəyan tidət. ²⁶ Əddi a tan-duza-təqqəl tayttay-nasan ta tolayat, əkkəsən iman-nasan daḡ taftawen n Iblis a tan-ibāzan, ig-en daḡ agna-net.

Tilkamat n əddənət

3 Əssən Timotay as azzaman win əlkammen, a daḡ-san agin jilan labasnen. ² Əddi aytedan ad ib'as kittəwan ar iman-nasan, iren azrəf, əqqəlān inasbaragan, əzzəzwəran iman-nasan, taggin al-fawaxişan, ib'as əbbərdagan i marwan-nasan, ib'as

tan-iha agoda, amaran wər z'əssəḡmaran aratan win əqqalnen əddin. ³ İkwalan wallan-nasan, wər tan-təha təhanint, jiwanken daḡ şizmit, wər əlen əzzəbun, əknān aşşar, əgzaran arat kul olaḡan, ⁴ əqqəlān iməkkəddal, əlkəman y awa dasan-d-ewayan medranan-nasan, ih-en əttəkəbbur wəllen, usafan deranan-nasan i talḡa ta n Məşşina. ⁵ Ad ət-təfan əddin daḡ azzahir, mişan ad unkaran tarnanet. Aytedan win, nəməggəg dər-san! ⁶ Əhan-tan wiyyad as imos alxal-nasan ilum gər ḡawnatan, tabazan əs taftawen-nasan şidoden şin ərkammen, ən tənəsbakkaden. Şidoden şin den wər əlkəmnat ar y arak deranan-nasnat əmosnen əzzənəfan. ⁷ Faw da əgammaynat təḡaray mişan wər əfregnat masnat ən tidət. ⁸ Əmmək was əmməzrayan maşşaxawan ən Masar əmosnen Yanus əd Yanbres ənnəbi Musa, əmmək wədi daḡ as əmməzrayan aytedan win di tidət. Meddan win taytwen-nasnat wər tanat-iha ar aḡşud, amaran əzəgzan-nasan wər izmer i jarrabatan. ⁹ Mişan wər z'əgrəwan tətəyt waliyyat, fəlas əmməskəl-nasan ad inəfiləl y əkkul-luk n awedan, zun awa igrawan Yanus əd Yanbres.

Əgəlli daḡ əzəgzan ən tidət

¹⁰ Kay amaran, təkneḡ ləkkum y əsəssəḡri-nin d alxal-in, təssānaḡ wəllen aratan win as ənnəyyey igi-nasan, tənāyaḡ wəllen əzəgzan-in əd təzaydart-in əd tara-nin əd zəmmərat-in ¹¹ d ətəwədgaz-in d alḡazab-in. Təssāna daḡ arat kul wa di-igrawan daḡ əḡrəm n Antəyoxəya əd wa n İkonəyum əd wa n Lustra. Məni-tu ətəwədgaz wa wər əgəḡ? Mişan ikkas-i-du Məşşina daḡ awen kul. ¹² Amaran aytedan kul win miksadan ən Məşşina əs tərətəyt n Əlməsix ḡaysa, win di ad təwədgəzan. ¹³ Mişan aytedan win maksanan, n əlmunafiqan, ad şatin daḡ arak mazalan, saxrakan aytedan-nasan, saxrakan iman-nasan. ¹⁴ Kay amaran, aknu əsəg-gətəkki daḡ aratan win təssana, təkkaşa daḡ-san aşşak. Təssānaḡ wa dak-tan-issosanan. ¹⁵ Harwa da təmosa barar as təssanaḡ Əlkəttaban win Zaddognen, amaran əfrāḡan a kay-akfin masnat ta tət-awayat s agaraw n əlḡillās s əzəgzan s Əlməsix ḡaysa. ¹⁶ Əlkəttaban win Zaddognen kul Infas wa Zəddigan a d-əfalan amaran təh-en tənfa daḡ əsəssəḡri n aytedan d əqqad-nasan d ikus-nasan daḡ alxata d əsəssəḡri-nasan daḡ tarrayt ta toḡadat. ¹⁷ Əmmək di as awedan wa imosan əmaray əs Məşşina ad ifrəḡ, aknu deḡ əmutəḡ y igi n əşşəḡəl kul wa olaḡan.

Emel ən salan win tidət

4 Onsayaq-qay fəl udəm ən Məşşina, d Əlməsix ḡaysa, s ənta a z'ışrəḡan win əddarnen əd win aba d udəm n ənəfilal n Əlməsix əd taḡmar-net as: ² Ədgəz daḡ əmel n awal ən Məşşina əs təməwit daḡ du-wər-tətəqqəla dəffər-ək, gər za təgraway ədag n igi n awen wala. Əqqəl awedan a d-isardın

aytedan âs wər əlen tidət, ad tərəqqama y aytedan tətamaraq-qan, iga awen əs təzaydart təkmlat d əsəssəxri iknân. ³ Fəlas əlkâman azzaman a day wər z'əqbəlan aytedan əsəssəxri wa n tidət təzzar əlkəman y arak deranan, ad şadawan fəl man-nasan iməssəsəxra a dasan-ganninen aratan kul win as saddaranan tesalay y-asan. ⁴ Ad ədbəxan şiməzzugen-nasan i tidət, usafan əsəsəm i mayyan. ⁵ Kay amaran əqqəl awedan ilan əzzəbun day əkkulluk n arat, təzməra y alyazab, iqqəl əşşəxəl-nak emel n Əlinjil y aytedan. ⁶ Nak amaran alwaq ən teklay-nin ihoz-du, alwaq ewad-du wa day z'akfa təməddurt-in təmos takutay. ⁷ Əggâza s əlluğ təbəllant, əggâza tammazaga har təxrad, əgleğ ogâzay əzəgzan-in. ⁸ Day adi, awa obazan xur əmərədda, tətivasans-i təkəbbut ta n aqqad təmosat aroz ən wa d-ornan, s ənta di-z-akfu Əməli imosan əmaşray wa oşadan, əzəl a ilkaman. Wərgəy nak xas as tat-z-akfu, kalar a tat-akfu y aytedan kul win əqqalnen əs tara y ənəfilal-net.

Ammaran əkkanen Timotay

⁹ Ədgəz wəllen day a di-du-takka day ətrub, ¹⁰ fəlas Demas igmad batu-nin id issôf ləkkum y əd-dənet, ikka əxərəm ən Tesalonik. Kreses amaran ikka akal ən Galatəya, Titəs dey ikka akal ən Dal-matəya. ¹¹ Wər xur-i d-iqqim ar Luqa. Idaw-du əd Markus fəlas tah-i-tu tənfa day əşşəxəl-in. ¹² Zi-

mazala Tişik s əxərəm n Efez. ¹³ As du-təgle təm-məray-i-du əbərnuz wa din-oyye xur Karfus day əxərəm ən Trowas, təmməray-i-du dey əlkəttaban-in, wəllen win əganen day ağaşek.

¹⁴ Alaskandər wa n anad issikn-i arak mazalan ag-gotnen labasnen. Əməli a das-z-ixkəman əs maza-lan-net. ¹⁵ Kay da ənəkəd-as, fəlas ikna tişit n əllid n awa nəsassayru.

¹⁶ Xur əşşərixa-nin wa azzaran wər t-illa awedan iwāran aganna-nin, kalar awedan kul igmad batu-nin. Məşşina ya wər tan-tobeza s əmazal di.

¹⁷ Əməli a iwaran aganna-nin, isassahat-i, fəl ad aslin aytedan kul win wər nəmos Kəl-Əlyəhud y əmazal-net, şişawadağ əs təməwit təkmlat, ikkas-i-du day əmi n ahar. ¹⁸ A di-agəz Əməli day i t-illa əşşur ən maksanan, assafs-i y a di-agu day təxmar-net ta n jənnawan. Ənta a ilan tanaya ta tu-təllat day əxlul ən təmeren! Amin.

Şihulawen

¹⁹ Təhulay-in Friska d Akilas, əntanay harkid aşaywan n Onesiforus. ²⁰ Erastus ənta iqqim-in day əxərəm ən Korent. Trofiməs, as t-id-əfalay irin day əxərəm ən Miletəs. ²¹ Ədgəz wəllen day a dutasa dat təgrəst. Əhulan-kay-in id Ebulay əd Fudenəs əd Linəs əd Klawdəya əd mədrayan-nana kul day əzəgzan. ²² Illil-ak Əməli, ikf-iwan arraxmat ketnawan! Amin!

Titos

Esanti

1 Awa nak Bulos, imosan akli ən Məşşina, əmosa deş anammazul ən Ҳaysa Elməsix. Issiwar-i Məşşina əzuk n a d-awəyax əs tarrayt ta n əzəgzan aytedan win isannafran; əssusənaq-qan tidət ta tan-za-tassaknit anamod was z'agin tēməddurt tənimmannakat əd tara ən Məşşina. ² Emmək en daş as z'agin attama ən tēməddurt ta təxlalat. Tēməddurt ten, Məşşina di wər nətəggu bahu a iğan arkawal-net dat əxluk n əddənet. ³ Amaran Məşşina isinafalal awal-net daş alwaq was otas. Awal wen ənta a iha əlməyiza was du-tawafasa s igi-net, daş əlkāma y awas omar Məşşina di n Ənəssefsi-nana. ⁴ Əhulaq-qay-in Titos. Təmosa zun barar-in wa n tidət a dər ədrāwax əzəgzan. Əgmāya daş Məşşina di n Abba, d Ənəssefsi-nana Ҳaysa Elməsix, a fall-ak d-izazzabben arraxmat d alxer.

Əşşəxəl ən Titos daş Kəret

Ətəwəsənəfran ən muzaran d əşşəxəl wa tan-iwaran

⁵ Oyyeq-qay-in daş akal ən Kəret fəl ad təsəkkəsəwax awa din-iqqiman daş əşşəxəl-nana, təzzar taga daş əkkulluk n əğrəm imuzaran y Əlkənisat ta tu-təhat. Aktəw aratan win as kay-omara, a tan-imosan as: ⁶ Akkiyyan daş muzaran win, ihor a tu-wər-illa i ifragan a daş-as d-inəy ark arət, izlāf tantut iyyadda, ila bararan əzzigzannen, as tu-wər-illa i z'annin əlan arak aladab, madeş wər əbbərdagan. ⁷ Ənta amyar n Əlkənisat Məşşina a t-iflasan izzozar-tu i tamattay-net, daş adi ilzām-tu ad imos awedan as tu-wər-illa i ifragan a daş-as d-inəy ark arət: Wər idkel iman-net dənnəg aytedan, wər ila tuksay n əwəl, wər imos əməşwi n esmad, wər imos əməkkənnəs, wala deş itattu alxaram. ⁸ Kalar arat wa t-ilzaman ad imos aləs iha amagaru, ira imazalan win olaxnen, imos ag əlməxsud, n əməzzələləş, n əmizdag innodan daş əwəl-net. ⁹ Isigatakkat wəllen daş ləkkum y awal wa ilan ələsəl s əmmək was itawasasaxra. As iga adi, ad igrəw fərrəgat n ad itamar aytedan s əsəssəxri wa n tidət itaggu, ifrəg deş ad isattaddu y aytedan win das-əggəwalnen as əntanay a əhanen alxata.

Ənnəkud i səssəxritan win bahu

¹⁰ Ənta əllan-tu aytedan aggotnen, wəllen win d-əgmədnen Kəl-Əlyəhud, əmosnen inəffəllag, əşşəwalnen ixərsan, saxrakan aytedan. ¹¹ Aytedan win di ilzām ad təwədbəxan mawan-nasan, fəlas saxrakan iğawnatan əğrādnen s əsəssəxri n aratan wər nəmməkkan. Tattin s awen alxaram. ¹² Iyyan daş kəl akal-nasan, imosan ənnəbi a innan:

«Kəl-Kəret, har faw təmosam inəsbuha, təmosam şilan wəxsan aşşarnen, ən nəffərəşşa wər nəməmədrin ar daş a ətşan.»

¹³ Amaran arət wa inna da, tidət a imos. Awen da fəlas ag-asan ərruyəmatan əsāsnen, fəl ad izələləş əzəgzan-nasan, ¹⁴ aqqamin da wər əlkəman i mayyan ən Kəl-Əlyəhud d idufan n aytedan win əməzraynen tidət. ¹⁵ Arət kul zəddig y aytedan win as zaddogan man-nasan. Mişan aytedan win as wər zaddogan man-nasan, uğāyan deş s əzəgzan, ғursan wər t-illa a zəddigan, fəlas taytwen-nasan, d ənnəyaten-nasan kul ih-enat iba ən tazdak. ¹⁶ Gannin əksudan Məşşina, mişan imazalan win taggin sataddin as ənkuran-tu. Əmosan aytedan tagginen igitan əssiglafnen, əmosan inəmməzray a fəl tu-wər-illa igi n əmazal olaxan.

Əsəssəxri ikkan Əlkənisat

Ammaran əkkanen əzzənəfan n aytedan

2 Amaran kay, tamar s aratan win naman-naknen əd tarrayt ta imal əsəssəxri wa n tidət.

² Tannax i meddan win waşşarnen ad əqqəlan aytedan sammədnən, əttāfnən əzzəbun, ənnodan daş wallan-nasan, issohat əzəgzan-nasan, təh-en tara, əknan zəmmərat.

³ Emmək wen daş as ilzam ad t-aginət tədoden şin waşşarnen. Amər-tanat s ad əttəfnət əzzəbunnasnat dat Məşşina. Ad wər tazəmmənat wala iqqəl alxal-nasnat tessay n esmad aggen. Əqqələnətət şidoden tamarnen s əmazal n awa olaxan. ⁴ Ədgəznətət daş ammar ən tədoden şin madrornen s ad irenat meddan-nasnat, əd bararan-nasnat. ⁵ Əqqələnətət şidoden ənnodanən daş wallan-nasnat, aginat alxal zəddigan. Annattafnat d əşşəxələn ən ғawnatan-nasnat, aləxnət, abbardagnət i meddan-nasnat. As iga adi, wər z'itəwəlku Awal ən Məşşina.

⁶ Tamar harwa s əmmək wen da meddan win madrornen s ad annadin daş wallan-nasan. ⁷ Kay

iman-nak da ilzâm-kay ad têtaggay imazalan olaynen day êkkulluk n anamod fêl ad têtqqôlay almasal y aytedan. Taggu êsêssêgri igân s êwêl iyyanda, ilân almaçna. ⁸ Taggu batuten oçadnen as tu-wêr-illa i dêr-êsnat du-z-iqqôlan. As iga adi inêmmênkar-nanaç a dasan-iba a sêr-naç ênnan têha têkma, tabêz-tan têkarakit.

⁹ Amêr êklan s ad abbardagan i mêtssawsan day êkkulluk n arat, a dasan-taggin arat wa fêl tan-z-irin, ayyin-tan têtazrêyt, ¹⁰ amaran a day-san wêr takaran. Kalar êqqôlanet aytedan êssiflasnen wêllen. As iga adi a d-awêyan êtêwêsêçmar igân day êkkulluk n anamod y êsêssêgri kul wa iqqalan Mêtššina di n Ênêssefsi-nana.

Arraxmat ên Mêtššina

¹¹ Ênta arraxmat ên Mêtššina tênifalal, tewây-du efsan y aytedan kul. ¹² Têsakn-anaç êmmêk was za nammazzay êd mazalan win iba ên têksêda ên Mêtššina êd tara n êddênet, fêl ad nagu day êd-dênet têtêddurt a day nênnoda day wallan-nana, toçâdat, tênimannak êd tara ên Mêtššina. ¹³ Arat wa a tu-nagu nêssigad, nêga attama n êzêl isifalawasan, imosan ênêfilal n êdkul ên Mêtššina di maçqaran, a t-imosan Ênêssefsi-nana Çaysa Êlmêsix. ¹⁴ Ênta a ikfan iman-net, fêl a danaç-isêd-dêrfu day id t-illa êššur, izzêzdêg-ana, nêqqêl tamattay-net a sêr-ês têskâtat, têsigatakkat day igi ên mazalan win olaynen.

¹⁵ Arat da da was kay-ilzam a tu-têsasayra, d anamod was ilzam a sêr-ês têtamaray aytedan, têsuyulaç-asan-t-idu. Agu y êššêçêl wa igi n alês ilân batu. A tu-wêr-imêl i kay-olkân.

Alxal was ilzam ad t-agin êlmêsixitan

3 Sakt-en-du as ilzâm-tan ad êbbirdagan y êlxêkumat d almawakkilan-net, êkkiwanan-asan, êçêran iri y id t-illa êmazal olaçan. ² Ad wêr taggin arak batuten s awedan waliyyan, wala êqqôlan inadlaman, ilen aladab, êqqôlan aytedan zamazalnen talmat y êkkulluk n awedan.

³ Fêlas nakkanay iman-nana da êstizarat wêr nêla almaçna, nêmos inêmmêzray êxrâknen. Nêha êkkêlu fêlas nêlkâm y ark ênnêyaten d arak deranan, êmosnen êzzênêfan. Nêmos aytedan as kawalan wallan-nasan, êranen êddênet, nêla alxal isinaglafan, nênimaksan çar-ena. ⁴ Mišan assaça wad tênafalal ênniçmat ên Mêtššina di n Ênêssefsi êd tara-net y aytedan, ⁵ issêfs-ana ês têhanint-net.

Wêrgêç imazalan olaynen win nêtaggu a fêl nêgraw efsan win. Kalar nêgraw-tan s êšîrêd wa danaç-iga Infas wa Zêddigan. Êšîrêd wa, ênta a danaç-ewayan ês têhêwt ta taynayay, isammattay-ana nêssênta têtêddurt iyyat taynayay. ⁶ Infas wa izazzabbat-t-idu fall-ana Mêtššina s igêt s êssêbab n awa iga Çaysa Êlmêsix imosan Ênêssefsi-nana.

⁷ Arat wa ig-ay fêl ad nêqqêl imêkkusa ên têtêddurt ta têtçlalal s ênta day nêga attama-nana, fêlas ikkas-ana-du day tišit ên nêmmêzray-net, s arraxmat-net.

⁸ Arat wa imos awal illikanan, amaran areç a day-as têdgêza fêl ad awêy adi s aytedan win êzzêçzan-nen ês Mêtššina ad sêggêtêkken day igi ên mazalan win olaynen. Arat da da wa olaçan, têh-ay tênfa y aytedan.

Tarçêmt fêl êzênnêmrêy n aytedan

⁹ Nêmêggêç êd takkayen wêr nêla almaçna d agamay ên masnat n êsmawan n aljadan. Tênnêmêggêga dêç d amel çêr aytedan êmmizraynen, d êmêstan igân day talça n êššêriçça ên Kêl-Êlyêhud, fêlas wêr êlen alfaydat waliyyat, za wêr tan-têha tênfa. ¹⁰ I igmayan d êzênnêmrêy n aytedan, têrgêmaç-as har sanatat têtçlaten. As ilas dêffêr adi têtêççaç-qu day Êlkênisat. ¹¹ Fêlas têfraçay ad têkkêsaç aššak as alês šilat ên wêdi imizray tarrayt ta toçadat, amaran itaggu ibakkadan, izabaz iman-net y êššêriçça.

Ammaran win êlkammen

¹² As sêr-êk înzammazalaç Artemas madêç Tišik, tênêmênça d a di-du-takka day êçrêm ên Nikobolis, fêlas ênta as otasa a day-as êkkêsa tamert ta day gaddalan konakan d asamed êšikêl. ¹³ Akn-in masnat day êšikêl ên Zaynas wa n êmusan n êššêriçça, d Abbolos. A tu-wêr-imêl as miçataran. ¹⁴ Amaran aytedan win-nana dâ iwar-tan ad êlmêdan êsêggêtêkki day igi ên mazalan win olaynen, fêl a d-êssêxsêlan aratan win as têkna addararat igi, wêrgêç ad êçân têtêddurt a day wêr ênfen wala.

Šihulawen šin êlkammen

¹⁵ Aytedan kul win dêr namahaç edag, êhulan-kay-in. Têhulaç-in imaran-nana win dêr nêdraw êzêçzan. Mêtššina ya têgêç-awan arraxmat ketnawan.

Filemona

Šihulawen

1 ¹⁻² Awa nak Buləs, imosan amaskasaw fəl əd-dəlil n Elməsix Ƴaysa, nak d əmidi-nana dəy əzəgzan Timotay, ənnanen əhulan-in əməri-nana Filemona n əmadhal-nana, d Elkənisat ta tətə-manayat dəy ahan-nak. Nəhul-in dəy təmidit-nana dəy əzəgzan Affəya d Arxifus əmadhal-nana dəy təbəllant. ³ Izazzabbat-du fall-awan Məššina di n Abba-nana əd Ƴaysa Elməsix, Əməli-nana, arraxmat d alxer.

Tara d əzəgzan ən Filemona

⁴ Əmidi-nin Filemona faw id əggaza šin igi ən təwatriwen a kay dəy-asnat d-əkatta ətigudəya y Əməli-nin. ⁵ Fəlas əsləx tara ta təgey y aytedan kul win əlkammen y Əməli Ƴaysa, d əzəgzan wa sər-əs təge. ⁶ Šiwatriwen-in ətaggaq-qanat fəl ad təgrəwa s əlləllu-nak, wa d-igmadan əzəgzan-nak, əgərri iknan tənəddawt, n albaraka kul wa nəla dəy ənəmənək-nana əs ləkkum y Elməsix. ⁷ Tara ta kay-təhat amidi-nin teway-du sər-i tədəwit agget d allam fəl man, təssismada dəy iwallan n aytedan kul win əlkammen i Ƴaysa Elməsix.

Efsan ən Buləs Onesim

⁸ Awen dəy a fəlas kud imos as tartəyt-in d Elməsix təkfi-fərregat n a kay-aməra s arat wa iho-ran, ⁹ da əssofay ad imos as agamay Ƴas a dəy-ak z'aga a di-taga tənəfust fəl əddəlil n ənəmərə wa nəga. Nak Buləs imosan almawakkil n Elməsix Ƴaysa əhe kasaw əmərədda fəl əddəlil-net, ¹⁰ əgmâya dəy-ak a di-taga tənəfust dəy talxa n Onesim, wa Ƴur-ək d-iddərragan, imosan barar-in dəy əzəgzan fəlas tarrayt ta n Ƴaysa Elməsix a dəy t-əge harwa a Ƴur-i illa da da dəy kasaw. ¹¹ Kala a

dak-ku-wər-təha tənfa mišan əmərədda təh-anaq-qu, gər za i kay wala i nak.

¹² Əmərədda əssoyalax-ak-k-in imos aganna-nin. ¹³ Əsitarana a Ƴur-i illa da da iket əhe kasaw fəl əd-dəlil n Elinjil, a di-ilal dəy adag-nak. ¹⁴ Mišan wər arex igi n adi ar əs turagat-nak fəlas wər arex a kay-əšəhhəššəla əmazal a, olağan a, əssofa a tu-taga gar-ək əd man-nak. ¹⁵ Mijas Onesim wər dak-iga arat n afel, ar fəlas as kay-in-iqqal, a Ƴur-ək aqqam har faw, ¹⁶ əmərədda wər imos akli Ƴas, og-ar akli, əmidi-nin dəy əzəgzan n əməri-nin a imos. Wala nak əknêq-qu tara wəllen əngəm za kay a das-issertayan tara ta n as imos akli-nak imos dəy əmidi-nak dəy əzəgzan s Əməli. ¹⁷ Dəy adi kud amidi-nak dəy əzəgzan a əmosa wədi əqbəl-tu tətəfaq-qu dəy adag wa dəy-i tətəfa. ¹⁸ As imos as iğšād-ak arat made tərwəsax-as-tu wədi nak a daq-qu təs-sana. ¹⁹ Arat wa əfus wa-nu nak Buləs as t-əktaba: nak a dak-z-irzəman. Kud ira wər kay-d-əssəktay as kay təməddurt-nak iman-net a dəy-ak əle. ²⁰ Əgmâya dəy-ak əmidi-nin a di-taga tənəfust ta fəl udəm n Əməli. As di-təgey adi fəl əddəlil ən tartəyt ta nəga dəy Elməsix a di-taləma fəl man. ²¹ As dak-in-əkattaba širawt ta əkkasax aššak as arat wa dəy-ak in-əgammaya da a di-tu-taga ənta madəy a t-ogaran. ²² Əgmâya dəy-ak dəy a din-təsəmmutəga edag ən təximit fəlas ordəy as a kawan-in-ətəwəsuxəla as iqbal Məššina šiwatriwen-nawan.

Šihulawen šin əlkammen

²³ Ebafras wa n əmidi-nin dəy kasaw fəl əddəlil n Elməsix Ƴaysa, issislam-in fall-ak, ²⁴ ənta əd Markus d Aristarxus əd Demas əd Luqa əmosnen imadhalan-in dəy əššəxəl. ²⁵ Izazzabbat-du fall-awan Əməli Ƴaysa Elməsix arraxmat-net.

Kəl-Ḫibri

Ḫsənti: Məššina iššewal-ana əs tarrayt ən barar-net

1 Dəffər as iššewal Məššina a irəwan i marawan-nana əs tarrayt n ənnəbitan, daḡ taklaten aggotnen əd tēməwiten aggotnen, ² iššewal-ana nakkanay da daḡ azzaman win əlkamnen a, əs tarrayt ən Barar. Barar wen iga Məššina arat kul daḡ əfus-net, ixlak-du deḡ əddənet əs tarrayt-net. ³ Tanaya ən Məššina kul tēmilawlaw fall-as, amaran tənda-du daḡ-as tišit ən Məššina, awal-net deḡ ilân tarna, ənta as ittaf arat kul. Dəffər as issinda əššəḡəl wa n əzəzdəḡ-nana daḡ bakkadan, ikka ijənnawan, iqqim daḡ əḡil ən Məššina di idkalan. ⁴ Almaqam-net ikna šigrat ən wa n angalosan, fəlas esəm wa t-ikfa Məššina oḡar wəllen win-nasan.

Awa dər togda šigrat ən Barar ən Məššina y angalosan almaqam

Barar ən Məššina oḡar angalosan

⁵ Amaran mənəi daḡ angalosan was kala a das-inna Məššina: «*Barar-in a təmosa, azalada, ad əqqalay abba-nak.*» Mənəi deḡ daḡ angalosan was inna Məššina: «*Nak a das-əqqalay abba, ənta deḡ iqqəl barar-in.*»⁶ Amaran barar wa n aḡafadday en, as t-id-iga Məššina daḡ əddənet, omar angalosan kul s a das-əssəjədan. ⁷ Daḡ batu ta təqqalat angalosan, inna Məššina: «*Angalosan-net, ig-en zun aḡu, inaybidan-net ig-en zun abalagleg ən təmsay.*»⁸ Daḡ batu amaran ta təqqalat Barar, a inna Məššina: «*Taymar-nak, ya Barar-in di n Amadkol, təll-ay har faw, əttəbil-nak, əttəbil n əššəriḡa a imos.*»⁹ «*Tareḡ taqqat, təkyaḡa təmazrəyt. Awen da fəlas ya Barar-in di n Amadkol, Ḫməli-nak Məššina a kay-igan əmənokəl, isannafran-kay ikf-ik təfalawist tagget, toḡarat ta n midawan-nak.*»¹⁰ Inna deḡ Məššina: «*Kay Barar-in di n Amadkol, əstizarat, kay a d-ixlakan amaḡal, ijənnawan deḡ kay a tan-d-ixlakan.*»¹¹ «*Ad əməsan kul, mišan kay təlleq-qu har faw. Ketnasan ad aḡin əməndi wa tətəḡḡu təbdoq.*»¹² «*A dasan-tagay aḡḡa wa itawaggin i təkadkat, itəwagg-asan deḡ əsəmməttəy wa itawaggin*» i səlsa. «*Mišan kay, har faw wər təmməttəy, taḡrəst-nak deḡ wər təla təzərəst.*»¹³ Amaran, mənəi daḡ angalosan was kala

a das-inna Məššina: «*Qamu daḡ əḡil-in, har daw-ək əssərəsay izəḡa-nak, əməlan daw daran-nak.*»¹⁴ Awak angalosan, wəḡeḡ iməttənkəl a mosan s akkiyyan ila əššəḡəl-net, tiwamazalan-du y ad ilalan y aytədan win z'əḡrəwnen əḡilləs?

Ad wər nəsettəlkək awal wa d-eway Barar ən Məššina

2 Awen daḡ a fəlas iwâr-anay ənnəkud wəllen, nəsessuhət aratan win as nəsla, fəl təksəda n ad nəḡməd tarrayt ta tolayət. ² Arat kul wa əməlan angalosan i marawan-nanay ittidda, amaran abakkad kul əd təmazrəyt kul n awal wədi itiwaggin attadib wa dər əhoran. ³ Manəmmək as za naqqam wər nəwwəddab as imos âs wər nəssəfrar əḡilləs oḡdân d awa təzzəwwərt? Fəlas əḡilləs wa, Ḫməli iman-net a t-id-imalan daḡ tizarat, win das-əslanən deḡ sitaddan-anay as tidət a imos. ⁴ Məššina a isattaddan təḡəyya-nasan s aḡalamaten, d aratan simaklalnən, əd təlməḡjujaten əmosnən əz-zənfən, əd təhəkkuten a d-əfalnən Infas wa Zəddigan. Aratan win kul ig-en əs tēməwit tənimmannakat əd tara-net.

Ḫsəmmədrəy ən man əd tanaya ən Barar ən Məššina

⁵ Wəḡeḡ angalosan a izzozar Məššina y əddənet ta du-təzayat, tas nəššewal daḡ batu-net da. ⁶ Amaran təll-ay təḡəyya daḡ adag iyyan tənənât: *Ma imos aggadəm as t-idu-təkatta? Ma imos aḡ aggadəm as daḡ-as tətassana?*⁷ *Təssərəsaq-qu daḡ arat n azzaman, imal daw angalosan, dəffər awen təkfeq-qu tanaya d ədkul.*⁸ *Təssərəsay arat kul daw-əs.* Ḫuzər wa t-iga Məššina y arat kul, ənta a d-ewayan as wər t-illa i ifraḡan təmazrəyt-net. Amaran harwa da, wər nəhənnəy âs arat kul illa daw tanat-net. ⁹ Mišan nənây Ḫaysa as iga arat n azzaman illa daw angalosan, dəffər awen igraw tanaya d ədkul fəl əddəlil n aḡazab wa iga əd tēmattant ta iga. Ḫməmmək en daḡ as iḡazankazat tēmattant, imos awen arat iga fəl əddəlil n aytədan kul, s arraxmat ən Məššina.

¹⁰ Məššina a d-ixlakan aratan kul, amaran əddəlil-net a fəl t-əllan. Məššina amaran igrâz-as ad əḡrəwan aytədan aggotnen daḡ tanaya-net. Dad zamas Ḫaysa a imosan əssəbab n əḡilləs-nasan, wədi ilzâm ad t-akfu Məššina alkamalat kul əs tarayt n aḡazab wa iga. ¹¹ Wa izzadḡan, əd win

tawazazdagnen, ketnasan iyyanda a d-əfalan, a t-imosan Məşşina. Awen daɣ a fəlas Ŷaysa wər fall-as imos təkarakit tənna ta dasan-itaggu: «Imədrayan-in», ¹² assaɣa wad inna: *Ad əmmālay esəm-nak i mədrayan-in. A dak-agay təmmalen daɣ əljə-mayət.* ¹³ Inna deɣ: *A tu-sənnəhəlay fəllesat.* Inna harwada: *Nak da, nak əd bararan win di-ikfa Məşşina.* ¹⁴ Daɣ adi, dad zamas bararan win olân, əgân daɣ azni əd təɣəssa, wədi, Ŷaysa da iggâz alxalat ta əhan. Arat wen ig-ay, fəl ad attaftaf əs təmattant-net wa ittafan tarna ən təmattant, a t-imosan Iblis, ¹⁵ isəddərfət deɣ aytedan win əhanen əkkəlu daɣ təɣrəst-nasan fəl təksəda ta əgan i tamattant. ¹⁶ Igmâd aššak as Ŷaysa wər d-osa fəl ad issən daɣ angalosan. Kalar əzzurrəyya n ənnəbi Ibrahim a d-ikka y a daɣ-as issən. ¹⁷ Awen daɣ a fəlas ilzâm ad alu əd mədrayan-net daɣ arat kul, fəl ad iqqəl əlimam wa zəwwəran, imosan əməhhenən n alɣadil daɣ əlɣibada ən Məşşina. Əmmək en da as z'igrəw təsureft ən bakkadan ən tamattay. ¹⁸ Fəlas, alɣazab wa iga assaɣa wad itawajarrab, ikf-ay fəregat n ad agəz win tawajarrabnen.

Ŷaysa ənta ogaran tišit n alɣadil, ogar deɣ Musa almaqam

3 Adi daɣ a fəlas ya imədrayan-in kawanay a zaddognen iɣr-iwan Məşşina y a təgrəwam tadagart daɣ əššəɣəl-net, agiwat ənəzər-nawan daɣ anammazul s ənta a imosan əlimam wa zəwwəran ən tarrayt ta nəha, a t-imosan Ŷaysa. ² Iɣdâl i Məşşina di a t-isannafranan, zun awa iga ənnəbi Musa i tamattay ketnet ən Məşşina. ³ Amaran, itiwaxkam-as âs ihor əd tanaya təknaš sigrat ən ta n Musa, zund əmmək âs əmakras n ahan, ogar ehan iman-net almaqam. ⁴ Ehan kul ill-ay wa t-ikrasan, Məşşina amaran, ənta a ikrasan əkkulluk n arat. ⁵ Musa iɣdâl i tamattay ketnet ən Məşşina, amaran amaššayal a imos išewalan daɣ batu n aratan win z'iməl Məşşina. ⁶ Elməsix amaran barar n ahan ən Məşşina a imos, iɣdâl i tamattay ən Məşşina, imos əmuzar-net. Ehan wen amaran nakkanay a t-əmosnen as imos as nəzazzawat daɣ təfləst təglayət d attama was nəsarabag.

Edag ən təsanfawt wa ihakku Məşşina i win əz-zəgzannen əd tarna n awal ən Məşşina

⁷ Awen daɣ a fəl inna Infas wa Zəddigan: «*Azalada, as təslam y awal-net,* ⁸ *ad wər təsəggərməmam iwallan-nawan zun alwaq wanad n əfəlləg ən marawan-nawan win ərəwnen. Əzəl wa di-əjjarraban daɣ taneray,* ⁹ *əgan-i tənagmayt təmosat jarraba-nin, ənâyan igitan-in* ¹⁰ *har əgan əkkozat təmərwen n awatay. Awen daɣ a fəl di-iggaz alham wəllen ən tamattay n azzaman win den. Təzzar ənneɣ: Aytedan win, iwallan-nasan faw əxrâkan, wər kala ad əssanan tarrayen-in.* ¹¹ *Alham en daɣ a sər-i d-ewayan tahuday n âs wər ilkem ad əggâzan akal*

wa sammatagay i təsanfawt-nasan.» ¹² Ənkədat ya imədrayan-in! A kawan-wər-iggəz i ilân əwəl aššaran wər nəzzəgzan har awəd awen ad ammazray šiyyat Məşşina di iddaran. ¹³ Kalar tinəməggiwat təlxutbat gar-ewwan akk əzəl, iket əfragan aytedan ad annin: «*azalada*», fəl a kawan-wər-iggəz i udân daɣ jarraba n abakkad aggarmam əwəl-net. ¹⁴ Nakkanay imidawan n Elməsix daɣ əššəɣəl a nəmos as imos as nəzazzawat har təzərəst daɣ gəlleɣat ta nəga harwa daɣ tizarat. ¹⁵ Ənnan Əlkəttaban: «*Azalada, as təslam y awal-net, ad wər təsəggərməmam iwallan-nawan zun alwaq wanad n əfəlləg.*» ¹⁶ Amaran ma mosan aytedan win əffəllagnen fəl Məşşina dəffər as əslân y awal-net? Awak wərgəɣ aytedan win d-əgmadnen Masar azâr-asan Musa? ¹⁷ Ma mosan za aytedan win as iga Məşşina əkkozat təmərwen n awatay ih-ay alham-nasan? Awak wərgəɣ win əganen abakkad amaran əɣradan maxsay daɣ taneray? ¹⁸ Təzərəst n awen âs ma mosan aytedan win as ihad Məşşina âs wər ilkem ad əggâzan akal wa isammatag i təsanfawt-nasan? Awak wərgəɣ win ugaynen s a das-abbardagan? ¹⁹ Daɣ adi nəhannay as wər əgrewan iguz n akal wa n təsanfawt fəlas tugəyt a əgan sa sər-əs əzzəgzənan.

4 Daɣ adi, iket di ad t-illa arkawal ən Məşşina wa n ad nəggəz akal ən təsanfawt wa imal, ənkədat wəllen a kawan-wər-iggəz awedan waliyyan igân iduf n as ab'as ogaz wala. ² Fəlas igmâd aššak as isalan n Əlinjil nəg-asan agaraw zun wa dasan-əgan daɣ taneray. Mišan awal was əssəsaman wər dasan-ikna wala fəlas wər əgen əzəgzan wa əgan aytedan win t-əqbalnen. ³ Nakkanay win sər-əs əzzəgzannen, ad nəggəz akal ən təsanfawt was inna Məşşina daɣ batu-net: «*Igaz-i alham-nasan. Alham en daɣ a sər-i d-ewayan tahuday n âs wər ilkem ad əggâzan akal wa sammatagay i təsanfawt-nasan.*» As itaggu awen da Məşşina iɣrâd arat kul harwa ɣur ənətti n əddənət. ⁴ Fəlas ill-ay adag a daɣ innâ, daɣ batu n əzəl wa n əssa: *Təzzar izzərəz Məşşina əššəɣəl-net kul wa n əxluk ən jənnawan d amaɣal, əzəl wa n əssa.* ⁵ Ənnân deɣ Əlkəttaban: *Igmâd aššak as wər z'əggəzan akal ən təsanfawt ta hakka.* ⁶ Daɣ adi, dad zamas əgrâwan wiyyad iguz ən təsanfawt ten, amaran win əslanen isalan n alxer əstizarat wər əgrewan iguz n akal ən təsanfawt wen fəl tišit-nasan inəmməzray, ⁷ ikkas Məşşina əzəl iyyan aynâyan daɣ batu ten, a t-imosan azalada, əs tənna ta iga dəffər awen wəllen əs tarrayt n ənnəbi Dawəd, s əmmək was t-inna dat awen: *Azalada, as təslam y awal-net, ad wər təsəggərməmam iwallan-nawan.* ⁸ Awalla, ənnar iddew Joswe əd tamattay ten har tat-išaššawad edag ən təsanfawt wen, wədi wər z'ammagrad Məşşina daɣ batu n əzəl iyyan ən təsanfawt dəffər awen. ⁹ Almaɣna n awen as harwada təll-ay təsanfawt i tamattay ən Məşşina, tolât d əzəl wa n əssa s ənta daɣ izzərəz Məşşina

na əššəxəl-net kul wa n əxluk ən jənnawan d amaḍal. ¹⁰ Amaran awedan wa iggazan edag ən təsanfawt ta ihakku Məššina, wədi ad assanfu daǵ əššəxəl-net, zun awa iga Məššina daǵ win-net iman-net. ¹¹ Daǵ adi ədgəzatana wəllen daǵ iguz n adag ən təsanfawt ta, fəl ad wər ixrək waliyyan daǵ-na awa əgan marawan-nana a əməzraynen Məššina.

¹² Fəlas awal ən Məššina iddâr, ila tarna, amaran tawala-net togar ta n takoba. Itaggaz iman n aytedan əd wallan-nasan, igallu har isəmməxras, d əkəlkəl ən ǧasan. Amaran awal ən Məššina ənta a ixakkaman y awas ifarray awedan daǵ man-net d awa isamadran daǵ əwəl-net. ¹³ Wər tu-təlla təxlək as wərgəx ihannay-tat Məššina. Arat kul immun-as, inniflay daǵ-as. Amaran ənta a dat za nəbdəd fəl mazalan-nana.

Awa dər ogda almaqam ən Barar ən Məššina, imosan Əlimam-nana wa Zəwwəran, daǵ batu ən təkutawen

Nəla əlimam wa zəwwəran ikmâlan ihân ijənnawan

¹⁴ Dad zamas nəla əlimam wa ogaran ilimaman kul, ihân ijənnawan, a t-imosan ǧaysa, Barar ən Məššina, wədi zəzzəwətətana daǵ əzəǧzan-nana. ¹⁵ Fəlas əlimam-nana wa zəwwəran en, ifrâg a danax-ikbəl daǵ rəkkəm-nana, id əgrâwan-tu jarra-batan zun win danax-garrawnen daǵ anamod kul, eges kala wər iga abakkad. ¹⁶ Daǵ adi ihazatanax-in əmənokal-nana a t-imosan Məššina di n əməggi n arraxmat, nəgâ awen əs təfləst, fəl ad nəgrəw əhənətta, nəgrəw deǵ arraxmat s ənta dana-za-takfit tilalt daǵ alwaq wa daǵ nəddərar s awen.

ǧaysa Əlməsix itiwasafrən imos əlimam daǵ taggayt ta n Malək-Assaddeq

5 Ekkulluk n Əlimam wa Zəwwəran, itiwasafrən daǵ aytedan, amaran tənfa n aytedan en da a fəl itawazazar y ad agu əššəxəl ən Məššina, agu šihəkkuten əd təkutawen fəl agamay ən təsureft ən bakkadan-nasan. ² Əlimam wen, ifrâg əgərri n aljahilan d aytedan win əxraknen, id ənta iman-net da irkäm. ³ Rəkkəm-net en daǵ a fəlas iwâr-tu ad agu šikutawen fəl agamay ən təsureft ən bakkadan win-net, harkid win tamattay. ⁴ Amaran wər t-illa awedan ifrâgan ad akfu iman-net almaqam ən tišit n Əlimam wa Zəwwəran. Kalar Məššina a sər-əs d-iǧarrin aytedan, zund əm-mək as sər-əs d-iǧra Harun.

⁵ Emmək en daǵ âs Əlməsix wərgəx ənta a ikfan iman-net tanaya ən tišit n Əlimam wa Zəwwəran. Kalar Məššina a ǧur igraw tanaya ten s ənta a das-innan: *Barar-in a təmosax. Azalada əqqalay abbanak.* ⁶ Zund əmmək was inna Məššina daǵ Əlkəttə-

ban: *Əlimam a təmosa har faw, daǵ taggayt ta n Malək-Assaddeq.* ⁷ Əlməsix harwa ad iha əddənet, ittâr əs təkalelt əd məttawan, onsay Məššina s ənta a ifragan ad t-iyləs daǵ tamattant. Iqbal Məššina təwatray-net, fəlas əmiksad ən Məššina a imos. ⁸ Əlməsix Barar ən Məššina a imos, mišan ilmâd əbərdəg id alǧazab a iga. ⁹ Emmək en da as igraw alkamalat kul, iqqal wa ihakkin əlǧillas iylâlan i win das-əbbərdagnen, ¹⁰ id Məššina a t-ikfan tišit n əlimam wa zəwwəran daǵ taggayt ta n Malək-Assaddeq.

Ammar s əzəǧzan ikmâlan d ammar s ad wər nəqqəl dəffər-na

¹¹ Aratan aggotnen as nəfrag a tan-nannu daǵ batu ta, as izzəwat əsəssəgri-nasan id aytedan a təqqalam a fəl izzəwat əgərri. ¹² Edag an âs tərəwam as təqqalam iməssəşəxra, kalar har harwada təddiraram s ad tətawasasaǧrim aratan win təsəntit n awal ən Məššina. Təhâm edag was wərgəx imensewan win əqqurnen as təddərar, kalar harwada təddiraram s əx. ¹³ Amaran awedan was harwada iddirar s əx, wədi harwada wər ifreg zələy ǧər awa olaǧan d awa wər noleǧ. Awedan wa, imos zun aǧanǧay. ¹⁴ Imensewan win əqqurnen i n aytedan win ədwalnen. Aytedan win, əntanay a əgrawnen masnat ta tan-təkfat zələy n awa olaǧan d awa wər noleǧ fəlas əjjiraban aratan win di.

6 Daǵ adi, akəyatanax edag wa n əsənti ən taǧaray daǵ batu n Əlməsix. Akkiwatana dat y ad nawəd alkamalat da wər nəles tewaylay n əsənti iyyan aynayan, almaǧna n awen: tətubt d əməzzəy d arak mazalan tawaynen aggadəm s əhluk d əzəǧzan əs Məššina ² d əsəssəxri igân daǵ batu n əzəzdəg d əsəwər n aytedan ifassan d əsənkər ən nəmməttan d əššəriǧa wa n əzəl wa n tabadday. ³ Amaran awen daǵ a za nagu, kud irda Məššina.

⁴⁻⁶ Aytedan win əjwarnen əgrawan ənnur ən Məššina, əsammatammen təhəkkut ən Məššina, əgrawan Infas wa Zəddigan, ənayan as awal ən Məššina ihəssay, ənayan deǵ tarna ta təsaknit əddənet ta du-təzayat, amaran əmməzrayan tarrayt ta tolaǧat, win di, wər t-illa əmmək as əlasan tətubt; fəlas agamay ən tənfa ən man-nasan a fəl əlasan ətəytəy ən Barar ən Məššina fəl təgəttawt, sammadrayan-tu dat awedan kul. ⁷ Amaḍal igarrawan akonak olaǧan, amaran itaraw-du annabatan təha tənfa i win tu-ǧayaknen, amaḍal wədi igrâw albaraka ən Məššina. ⁸ Mišan amaḍal wa d-erawan y aytedan annabatan aššarnen, wədi wər infa wala. Tulǧant a tu-za-təwərat, amaran təsəlkaht-net ahluk igân əs təmsay.

⁹ Ya imaran-in, kud imos âs nəššəwal-awan s əmmək wa, da nəkkâs aššak âs izay-kawan-du arat iknân əlluǧ a t-imosan əlǧillas. ¹⁰ Awalla, Məššina Əməli oǧadan a imos, daǵ adi wər din-z-attaw imazalan-nawan, wala tara ta tu-təssəknam daǵ əššəxəl wa təgam fəl saǧmar n esəm-net i məz-

zøgzan âs harwada tötaggim-tu. ¹¹ Mišan nesi-daran âs akkiyyan daḡ-wan ad assaknu gälleyat tēdi da har tēzērēst, fēl ad tēgrēwam igi n attama indân. ¹² As tēgam adi wēr za tēqqōlam imēssēndad, kalar ad tattalalam win ēgrawnen arraxmat tas itawagga arkawal-net ēs tarrayt n zēgzan-nasan ēd tēzaydart-nasan.

¹³ Amaran, assaḡa wad iga Mēššina arkawal y ēn-nēbi Ibrahim, wēr t-illa esēm iyyan ogaran wa n Mēššina ēngēm ihēd sēr-ēs. Awen daḡ a fēl *ihad Mēššina s azzat-net*,¹⁴ inna: *Illikan âs a kay sēn-nēhēlay tehakkay n albaraka, akna deḡ ēsēgēt n ēzzurrēyya-nak*.¹⁵ Emmək en daḡ âs dēffēr as issikna Ibrahim tēzaydart-net, igraw arat was das-itawagga arkawal-net. ¹⁶ Aytedan, tahuday a taggin s esēm wa ogaran win-nasan, amaran tahuday ten, ēnta a tēsātaddit batu-nasan, tēgdēl a dēr-ēs d-iqqōl awedan waliyyan. ¹⁷ Emmək en daḡ as Mēššina, isigatakkat y ad issusēn aytedan win as iga arkawal âs aratan win issēbdad wēr tēmēt-tēyan. Awen daḡ a fēl *ihad Mēššina daḡ batu ten*. ¹⁸ Daḡ adi ēššin aratan a t-ēllanen wēr nētēmēt-tēy, amaran wēr t-illa ēmmək as daḡ-san iga Mēššina bahu. Aratan win ēntanay a dana-za-sēsuhētnen wēllen, nakkanay a oyyanen arat kul nēgmay taggast s ēzēzzēwi-nana daḡ attama wa danaḡ-itawakfan. ¹⁹ Attama wen, ēnta a danaḡ-imosan šisēt-tēy-tay ēssiflasnen, ēssohatnat, amaran ēnta a danaḡ-ewayan har dēnnēg anayēr wa illan gēr adag wa zēddigan ēd wa ogaran tazdak. ²⁰ Edag wen ēnta a iggaz Ḳaysa fēl ēddēlil-nana, azzar-anay-in sēr-ēs, iqqal ēlimam wa zēwwēran har faw, daḡ taggayt ta n Malēk-Assaddeq.

Taggayt ta n Malēk-Assaddeq

7 *Malēk-Assaddeq* wen, ēnta as kala ad imos *ēmēnokāl n ēyrēm ēn Salem, imos ēlimam ēn Mēššina di n Amadkol. Ēnta a issēlkadan y ēnnēbi Ibrahim, assaḡa wad irza imēnokalan, ittar y Ibrahim a das-igan albaraka*.² Ēnta en da a *ikfa Ibrahim tēmēssēdāk n awa ila kul. Almayna* n esēm wa n Malēk-Assaddeq: *Ēmēnokāl ēn taqqat, imosan deḡ ēmēnokāl ēn Salam, almayna "ēmēnokāl n alxer"*. ³ Wērmad ila abba, wala anna, wala aljadan. Tēmēddurt-net wēr tēla ēnētti za wala tēzērēst. Itawašāšala ēd Barar ēn Mēššina, iqqal ēlimam har faw. ⁴ Ēnzērat daḡ ēdkul n ēlimam wen, har âs Ibrahim iman-net wa n aljadanay a t-ikfan tēzunt ta n marawat n awa d-oḡa. ⁵ Ilimaman win Køl-Lebi, ikf-en alwajib ihân Ēttawret alxaq n ad garrawan šimēssēdāk ēn tamattay n Israyil, ēmosnen imēdrayan-nasan, kuddeḡ âs ēntanay da ihayawan n Ibrahim a mosan. ⁶ Malēk-Assaddeq amaran, wēr imos iyyan daḡ Køl-Lebi, mišan igraw tēmēssēdāk n awa ila Ibrahim. Tēzzar ittar Malēk-Assaddeq a igan albaraka y Ibrahim s ēnta as iga Mēššina arkāwalan! ⁷ Igmâd aššak âs wa ogaran adkul ēnta a itattaran a igan albaraka i

wa das-ēndērran. ⁸ Ilimaman win garrawnen šimēssēdāk ēn tamattay, aytedan a mosan a z'iba ēzēl iyyan, Malēk-Assaddeq amaran, sitaddan Ēlkēttaban âs iddâr. ⁹ Xasil Køl-Lebi iman-nasan, s ēntanay a garrawnen šimēssēdāk, irzâm fall-asan Ibrahim tēmēssēdāk ēs tahakkay ta tat-iga i Malēk-Assaddeq. ¹⁰ Fēlas as issēlkad Malēk-Assaddeq y Ibrahim, Lebi wēr ihēw.

¹¹ Ēnnar ikmâl ēnnizam wa n limaman win Køl-Lebi, s ēnta a isēbdadan ēlqanun wa issēwar Mēššina tamattay, wēdi wēr tu-z-imēl ēlimam ēn taggayt ta n Malēk-Assaddeq daḡ adag ēn limaman ēn taggayt ta n Harun. ¹² Amaran dad zamas im-mēttay ēnnizam wa n limaman, wēdi ēlqanun da ilzâm ad ammattay. ¹³ Ēlimam wa fēl ēmmēgradan salan win, in tawšēt iyyat. Tawšēt ten amaran wēr tat-iha awedan as kala ad iqqal ēlimam. ¹⁴ Illikan âs Ēmēli-nana, tawšēt ta n Yahuda a d-igmad, tawšēt ta amaran wēr d-idkel Musa batu-net fadda daḡ batu n ēššēḡēl wa n tišit n ēlimam. ¹⁵ Arat wen, isitadd-ay wēllen as d-inafalal ēlimam iyyan olân ēd Malēk-Assaddeq. ¹⁶ Ēlimam wa, wēr d-iga iguz n ēnnizam wa n ēnēmēkusa. Kalar iguz ēn tarna ēn tēmēddurt tēḡlâlāt a d-iga, ¹⁷ fēlas ēnnan Ēlkēttaban daḡ batu-net: *Ēlimam a tēmōsa har faw, daḡ taggayt ta n Malēk-Assaddeq*. ¹⁸ Ēlqanun wa t-illan kala da, itawakkas-in, fēlas wēr ila tarna waliyyat za wēr infa wala. ¹⁹ Ēlqanun wa, wēr d-issēxsal arat waliyyan ikmâlan. Attama amaran wa danaḡ-itawakfan ofâ wa n ēlqanun wen. Attama wa, ēnta a danaḡ-issēfragan ēnēmihaz ēd Mēššina.

²⁰ Arat wa kul Mēššina a ihadan daḡ batu-net. Ilimaman win hadatnen wēr ihed Mēššina daḡ batu-nasan, ²¹ Ḳaysa amaran, Mēššina a ihadan daḡ batu-net, id Ēlkēttaban a ēnnanen: *Ēmēli a ihadan, amaran wēr ilkem a d-iqqal daḡ batu-net. Ēlimam a tēmōsa har faw*.²² Emmək en daḡ as tarrayt ta n Ḳaysa a fēl nēkkas aššak âs nēgrâw arkawal ēn tassaḡ ēd Mēššina ofân wa irēwan. ²³ Ilimaman ēknânen igēt a t-ēmälnen s ēnēmēkusa, fēlâs wēr tan-toyya tēmattant s ad t-ēmēlan har faw. ²⁴ Ḳaysa amaran ill-ay har faw. Awen daḡ a fēlas tišit-net ēlimam wēr tētēmēt-tēy. ²⁵ Daḡ adi ifrâg tehakkay n ēlḡillas ikmâlan y aytedan win din-ēzzēhaznen iman-nasan Mēššina ēs tarrayt-net, id iddâr har faw, y ad iššâwal i Mēššina s esēm-nasan. ²⁶ Ḳaysa ēnta a imosan ēlimam wa zēwwēran was nēddērar, id zēddig, wēr t-iwer lahan waliyyan, wēr kala ad iga abakkad, wēr ola ēd nasbakkadan alxal, im-mēdkal imal dēnnēg jēnnawan. ²⁷ Ilimaman win hadatnen zawwarnen ilzâm-tan igi ēn tēkutawen akk ēzēl fēl ēddēlil ēn bakkadan win-nasan iman-nasan tēzzar, dēffēr adi win tamattay. Ḳaysa amaran ēnta wēr iddērar s awen, fēlas takutay iyyadda a iga, ig-et šiyyat ēs tahakkay ta iga iman-net. ²⁸ Ilimaman win zawwarnen isannafran Ēttawret, aytedan a mosan ērkammen. Mišan wa isannafran Mēššina ig-ay ēlimam wa zēwwēran ēs tēhuday ta iga daḡ

batu ten, wədi Barar-net a imos, igrâwan alka-malat har faw. Tahudday ten ig-et Məššina dəffər as iziraz ənnizam wa n Ǝttawret.

Ǝlməsix, ənta a imosan Ǝlimam wa zəwwəran daɣ arkawal wa idkalan

8 Amaran, əntada əlməxsud n awas nara tənna-net: Nəla əlimam igân ta daɣ təzzəwwərt, iqqi-man daɣ əɣil ən Məššina daɣ taɣmar-net di maqqarat daɣ jənnawan, ² iha əššəxəl wa n adag wa zəddigan, s ənta a imosan ahaket wa n tidət, ahaket was Ǝməli Məššina iman-net a t-ikrasan, wərgex aggadəm.

³ Ǝkkulluk n əlimam wa zəwwəran, əššəxəl-net igi ən təhəkkuten əd təkutawen. Daɣ adi əlimam wa-nana da iwâr-tu ad agu takutay ta-net. ⁴ Ǝnnar iha Ƨaysa əddənet dada, wədi wər z'iqqəl əlimam, fəlas əššəxəl wen əhân-tu limaman win tagginen šikutawen s əmmək wa imal Ǝttawret. ⁵ Ǝlimaman win, ɣabbadan Məššina s əmmək imosan əsəkbar əd šaššelan n aratan win əhanen ijənnawan. Fəlas assaɣa wad isimutug Musa y akaras n ahaket, omar-tu Məššina inn-as: *Ǝnəy, arat kul ag-ay s əmmək iman-net wa kay-itawasaknan fəl ədɣaɣ.* ⁶ Amaran əmərədda, əššəxəl ogaran wəllen wa n limaman a itawakfan Ƨaysa s ənta a imosan əlimam-nana wa zəwwəran, fəlas ənta a imosan al-mawakkil-nana daɣ arkawal ən tassaɣ ta tofat, təbdâdat fəl arkāwalan win ofänen.

⁷ Amaran, ənnar ikmâl arkawal wa azzaran, wər za tagu addararat s ad iggəz wa aynayan edag-net. ⁸ Tidət as Məššina issiwar tamattay-net lahan, assaɣa wad inna: *«Inna Ǝməli: Ǝnəy! Ǝzayan-du adan a daɣ za nəməggay əd tamattay n Israyil əd ta n Yahuda arkāwal ən tassaɣ aynayan.»* ⁹ Arkawal ən tassaɣ wa, wər z'alu əd wa namaggaɣ əd marawan-nasan, assaɣa wa tan-d-ədkalaɣ əkkasaq-qan-du daɣ Masar. Dad zamas wər əɣdelan daɣ arkawal ən tassaɣ wa dər-san namagga, wədi əgmada batunasan, inna Ǝməli. ¹⁰ Amaran ənta da arkawal wa aynayan ən tassaɣ wa za nəməggay əd maddanəs n Israyil dəffər adan win den, inna Ǝməli: *Ad agay əššərədan n əššəriɣa-nin daɣ əgərri n akkiyyan daɣ-san, əktəbaq-qan daɣ wallan-nasan, əqqəlay Ǝməli-nasan, əqqəlan tamattay-nin.* ¹¹ Wər tan-iha i z'iləsan əsəssəyri n əmidi-net, wala amadray-net ann-as: *"Iwâr-kay ad təssəna Məššina" fəlas ket-nasan a di-əssənan a d-ibazan ɣur wa əddarran-nasan, har wa waššaran-nasan.* ¹² Fəlas a dasan-əhənətəy daɣ talbast ta əgan, əssurəfay-asan ibakkadan-nasan šiyyat.» ¹³ Dad zamas Məššina inna: *wa aynayan, daɣ adi arkāwal wa azzaran iqqal arat waššaran. Amaran arat as waššar, wədi iha tarrayt n ad iba tamayyamayt-net.*

Adkul ən təkutay ta n arkawal wa aynayan

Arkawal wa irəwan əd wa aynayan

9 Arkawal wa azzaran ila əššərədan win əɣibada, ila deɣ edag n əɣibada ihân əddənet dada. ² Ahaket a itawakrasan, imosan əššin daggan. Edag wa azzaran ih-ay əsəkəbəl ən fətəlaten əd təbəl əd təgəlwen šin tat-əggarnen a d-əmməwaynen əmosnat šikutawen y Ǝməli. Edag wen esəmnet Edag wa Zəddigan. ³ Amaran dəffər anaxer wa n əššin illân den, ill-ay adag was itawannu Edag wa Ogaran Tazdak. ⁴ Edag wen ih-ay majmar n urəɣ a fəl tawasaqqadan aɣutan win əzodnen. Ill-ay deɣ əssənduɣ wa n tassaɣ ilsân urəɣ. Ǝssənduɣ wen ih-ay əɣəzu n urəɣ ihâ amensay wa n Manna, tah-ay deɣ tallaq ta n Harun tənzârat, əd səlluman əššin win fəl iktab arkawal ən tassaɣ. ⁵ Afalla n əssənduɣ wen, əbdâdan fall-as šaššelan n angalosan win Kəruban əssiknanen tanaya ən Məššina əgân telay s əfrutan-nasan y əsəhər-net s ənta a fəl inaqqal əzni ən takutay ta təmmasat ibakkadan. Mišan əmərədda wər za nagu isalan kul daɣ batu ta. ⁶ Amaran Ahaket wa n əmənəy imos əššin daggan, a tan-imosan Edag wa Zəddigan d Adag wa Ogaran Tazdak. Edag wa Zəddigan taggazan-tu limaman alwaq kul, aɣin daɣ-as əššəxəl-nasan wa n əɣibada. ⁷ Edag wa n əššin daɣ Ahaket amaran, Ǝlimam wa Zəwwəran ɣas a das-itaggan iguz iyyanda daɣ awatay. Den daɣ ad itaway əzni n əmudar ag-ay takutay dat Məššina fəl ad igrəw təsureft ən bakkadan win wər nəga s əttənəgmur gər za win-net wala win tamattay. ⁸ Infas wa Zəddigan issiknanax s awen âs, tarrayt ta n Adag wa Ogaran Tazdak wər za tənəfiləl iket əşɣalan aytedan s ahaket wa azzaran n arkawal. ⁹ Arat wen, imos əlmital n azzaman win nəha əmərədda. Almaɣna n awen as šihəkkuten əd təkutawen wər əfregnat ad əz-zəzdəgnat iwallan n aytedan win ɣabbadnen Məššina s əmmək wa. ¹⁰ Aratan win əmosan əššərədan əqqâlne imensewan, d aratan win tamašwinen, d əzzənəfan aggotnen n alwallatan. Ǝššərədan win den, əntanay as əşɣalan aytedan har d-ewad alwaq wa daɣ issəbdad Məššina ən-nizam wa aynayan.

¹¹ Mišan Ǝlməsix osâ-du imos əlimam wa zəwwəran n aratan olâɣnen win t-əlanen. Iggaz ahaket wa ogaran təzzəwwərt, ikmâlan, âs wərgex ifassan n aytedan a t-əganen, almaɣna wər iha əddənet dada. ¹² Ǝlməsix iguz iyyanda a iga šiyyat y Adag wa Zəddigan. Amaran əzni-net iman-net a ikfa imos takutay, wərgex əzni ən zulaɣ wala izəgran. Ǝmmək en daɣ as dana-d-igray əɣillan ixlâlan. ¹³ Fəlas, dad zamas əzni ən zulaɣ d əzni ən zəgran d ezəd ən təharaten šin rakammətnen win tawanbasnen əfrâgan əzəzdəg ən təɣəssa-nana, ¹⁴ ma dər z'agdu əzəzdəg wa dana-z-əgu əzni n Ǝlməsix,

izzəzdəg iwallan-nana daɣ arak mazalan win tawaynen aggadəm s əhluk, fəl ad nəɣbəd Məššina di iddarān, id Elməsix a ikfan iman-net i Məššina əs tarrayt n Infas wa Zəddigan di iɣlālan, imos takutay wər nəla a imosan əlɣib.

¹⁵ Awen daɣ a fəlas Elməsix a imosan almawakkil-nana daɣ arkawal ən tassaɣ wa aynayan. Dad zamas Elməsix aba-tu fəl ad əgrəwan aytedan tədarfit daɣ bakkadan win əgan daɣ azzaman ən tassaɣ ta tərəwat, aytedan win du-tawaɣranen, ad əgrəwan təkasit təɣlālat tas itawagga arkawal-net. ¹⁶ Amaɣer ilzām as kundaba igmad aššak təmattant ən wa t-igan, ¹⁷ fəlas amaɣer, wər sər-əs itəwəggü əššəɣəl iket wər aba wa t-igan, id wər z'itəwəqbəl iket iddār məššis. ¹⁸ Awen daɣ a fəlas arkawal wa azzaran, ənta da tanaxla n əzni as inta. ¹⁹ Dəffər as imāl ənnəbi Musa alwajiban kul win Ettawret i tamattay, idkal-du azni ən zəgran əd zulaɣ d aman, idkal-du təduft zagɣayt d agabal ən xisof, infas sər-əs əlkəttab iman-net əd tamattay ketnet, ²⁰ igannu: *Ənta da azni n arkawal ən tassaɣ wa dawan-issəbdad Məššina.* ²¹ Dəffər awen, infas Musa s əmmək wen da s əzni wen Ahaket əd mutag-net kul win əlɣibada. ²² Daɣ awa inna Ettawret, taššam n aratan azni as tawazazdagan, amaran wər tu-təlla təsureft ən bakkadan ār s ad inɣāl əzni.

²³ Daɣ adi, ilzām as šaššelan n aratan win əhanen ijənnawan əmmək wen daɣ den as z'izdagan, aratan amaran iman-nasan win əhanen ijənnawan, ilzām ad izdagan əs təkutawen ədkālne wəllen. ²⁴ Amaran Elməsix, wərgəɣ Edag wa Ogaran Tazdak əkrāsān aytedan imos əlmital ən wa n tidət a iggaz, kalar ijənnawan iman-nasan a iggaz, fəl ad iməl dat Məššina har əmərədda, imos almawakkil-nana. ²⁵ Wər iggez deɣ edag wen y a daɣ-as akfu iman-net imos takutay daɣ taklaten aggotnen, zun awa itaggu Əlimam wa Zəwwəran əkkulluk n awatay itaway-in azni wər ila. ²⁶ Ənnar adi a igan, wədi Elməsix a du-tənta əddənet itaxazzab. Kalar ənəfilal iyyanda šiyyat a iga Elməsix, daɣ ələqqam n azzaman, fəl ad iməs ibakkadan n aytedan əs tahakkay ta iga iman-net imos takutay. ²⁷ Zund əmmək əs aggadəm təsəlkamt-net təmattant iyyadda, dəffər adi ibdəd fəl mazalan-net, ²⁸ əmmək wen daɣ den əs Elməsix da ətəwəkfə iyyanda a itawagga imos takutay, fəl ad iməs ibakkadan n aytedan aggotnen. Amaran assa-net wa n əššin, wər d-igla fəl aməs ən bakkadan, kalar fəl ad iɣləs win das-əssəgadnen əknān tara n a d-asu.

Əššəɣəl ikmālan wa təmos təkutay ta iqqal Elməsix

10 Əššəriɣa wa n Ettawret šaššelan ɣas a imos ən tənəfawen šin d-əzaynen. Əlmital-nasnat da wər t-ewed. Awen daɣ a fəlas šikutawen šin iz-zəlam ənnizam wa n Ettawret, tawagginen har faw daɣ əkkulluk n awatay, wər ilkem ad əfragnat

təhakkay n alkamalat i win əɣbadnen Məššina.

² Ənnar ihakku əššəriɣa wen alkamalat, wədi aytedan win əganen šikutawen šin den ad ammaz-zayan d igi-nasnat fəlas irəw as əgrəwan təsureft ən bakkadan-nasan šiyyat, zaddogan wallan-nasan daɣ id t-illa abakkad. ³ Kalar šikutawen šin den, əkkulluk n awatay əssiktanat-du aytedan ibakkadan-nasan. ⁴ Fəlas wər t-illa əmmək as ifrāg əzni ən zəgran wala wa n zulaɣ eməs ən bakkadan.

⁵ Awen daɣ a fəlas assaɣa wa d-iggaz Elməsix əddənet, inna i Məššina: *Wərmad təddirarəɣ əs təkutay za wala təhəkkut, mišan təkfəɣ-i tayəssa.* ⁶ *Wərmad dak-əgraznat təkutawen šin tirəkəmmittən za wala šin takkasnen ibakkadan.* ⁷ Awen daɣ a fəl ənne: *Nak da a d-osan da, fəlas batu-nin a daɣ əššəwalan əlkəttaban. Ose-du ya Əməli-nin y ad agay tara-nak.*

⁸ Inna: *Wərmad tareɣ šikutawen, wala ši-həkkuten, wala šikutawen šin tirəkəmmittən, wala šikutawen šin takkasnen ibakkadan, wər dak-əgreznat wala andərran.* Dər iga awen da ya šikutawen šin den, tiwagganat s əmmək iman-net wa imal əššəriɣa wa n Ettawret. ⁹ Dəffər awen inna: *«Nak da a d-osan da y ad agay tara-nak.»* Əmmək ən daɣ as izzərəz ənnizam wa azzaran, issəbdad wa n əššin. ¹⁰ Təhakkay ta iga ɣaysa Elməsix tayəssa-net əs tara ən Məššina, ənta a danax-takfat tazdak əs tarrayt ən təkutay iyyadda ta n təzərəst ta təqqal təyəssa-net.

¹¹ Əkkulluk n əlimam iha edag n əššəɣəl-net akk əzəl y ad agu šikutawen aggotnen olānen, mišan wər ilkem ad əfragnat eməs ən bakkadan n aytedan. ¹² Elməsix amaran, dəffər as iga takutay iyyadda ta n təzərəst fəl bakkadan n aytedan, iqqim daɣ əɣil ən Məššina. ¹³ Illa den da iqqāl y əzəl wad za təwəggin zənga-net daw daran-net. ¹⁴ Takutay iyyadda wər nəla təmidit as ikfa alkamalat har faw y aytedan win izzəzdaɣ daɣ bakkadan-nasan.

¹⁵ Infas wa Zəddigan isitadd-anax batu ta, id a inna: ¹⁶ *Ənta da arkawal wa dər-san za nəməgga dəffər adan win den, inna Əməli: Ad agay əššərədan n əššəriɣa-nin daɣ wallan-nasan, əktəbaq-qan daɣ əgərri n akkiyyan daɣ-san.* ¹⁷ Dəffər awen inna: *Wər ilkem a d-ələsa təkatawt ən bakkadan-nasan, wala talbast-nasan.* ¹⁸ Amaran, dad zamas ibakkadan tawasarafan, wədi ab'as təga addararat əs təkutawen šin əmmasnen ibakkadan.

Əzəgzan əd zəmmerat

Ənəmi haz n Əməli d iba n tawaylay n ələqqam

¹⁹ Daɣ adi imədrayan-in, nakkānəy nəkkās aššak daɣ iguz n Adag wa Ogaran Tazdak, id ɣaysa a inɣalan azni-net fəl əddəlil-nana. ²⁰ ɣaysa a danax-olaman tarrayt ta taynayət, təddārat, issəɣras-anax anaxer s Adag wa Ogaran Tazdak, almaɣna

issəǧras-anaǧ əs təǧəssa-net iman-net. ²¹ Emmək en daǧ əs nəla əlimam wa zəwwəran s ənta a itawazazaran y ahan ən Məššina. ²² Daǧ adi, zən-nəmihezatanay iman-nanaǧ əd Məššina əs wallan əǧdálnen, d əzəǧzan ikmálan, fəlas ətəwəzəzdaǧ a əǧan wallan-nana daǧ igi n id t-illa arak əmedran, tətawašarad təǧəssa-nana s aman win zaddognen.

²³ Zəzzəwətātana wəllen daǧ əzəǧzan d attama win nəǧa, nəkkâs daǧ-san aššak, fəlas wa danaǧ-igan arkāwalan issiflas wəllen.

²⁴ Akkiyyan daǧ-na issənet daǧ win hadatnen, fəl ad nətinəməǧgu aholan ən tara əd mazalan win olaǧnen, nəǧa awen əs ǧəllejat. ²⁵ Ad wər nəǧməd əljəməǧat ən məzzəǧzan ta nəha, zun awa imosan alxal n aytedan wiyyad. Kalar tinəməǧgiwatanay ənnəsixatan id təhannayam əs əzəl wa ilkaman ihoz.

Ərruymatan d ənnəsixatan: Ad wər nəmmaz-zay d igi n attama

²⁶ Amaran əs nətaggu abakkad igân s əttənəǧ-mur, dəffər əs nəssân tidət, wədi wər tu-təlla təkutay iyyat a fall-anaǧ-qu za təməsat. ²⁷ As iga adi, ad ib'as tu-təlla tarrayt waliyyat âr ta n əsəǧəd y əššəriǧa labâsan ən Məššina əd təmsay ta za təsər-rəkəmmet aytedan kul win əmosnen izəǧa ən Məššina. ²⁸ As uǧay awedan əs ləkkum y əššəriǧa wa n Əttawret, imos âs əllânat-tu sanatad madəǧ karadat təǧəyyawen a t-ənaynen, wədi wər das-tu-təlla təsureft waliyyat, kalar əššəriǧa-net təmat-tant. ²⁹ Daǧ adi, ma dər z'agdu attadib wa dər ihor awedan wa issəknan iba ən safrar i Barar ən Məššina, issəkna məlka y əzni ən tassaǧ wa t-iz-zəzdaǧan, isammadray Infas wa Zəddigan ihakkin arraxmat? ³⁰ Nakkanay nəssân wa innan: *Nak a itabazan s əššəriǧa, nak a z'ixkəman y awedan kul awa dər ihor.* Innâ dəǧ: *Əməli ad abəz tamattay-net s əššəriǧa.* ³¹ Arat səksədan wəllen a imos ad igǧəz awedan ifassan ən Məššina di iddaran.

³² Aktiwat-du azzaman win azzarnen, dəffər əs kawan-ikfa Məššina ənnur-net, təmmiqqasam d alǧazab labasan, əd təbəllant təssohet, ³³ fəlas al-waq iyyan tətawakaggaram dat awedan kul, tətawasaknim arkanay, alwaq iyyan amaran tət-awayam tadhəlt-nawan y aytedan win tawasakni-nen alǧazab zun wen. ³⁴ Təhinattem y aytedan win əhanen kasaw, təssânam daǧ-san, təǧbalam əs man filawasnen a daǧ-wan attarmasan ərrəzəǧan-nawan, id təssânam âs təlâm ərrəzəǧan ədkálnen, a t-əllânen har faw. ³⁵ Daǧ adi, ad wər tammaz-zayam d ikus n aššak wədi, fəlas ənta a kawan-z-akfin arozan zawwarnen. ³⁶ Təddiraram əs zəmmerat fəl a du-tassandim tara ən Məššina təǧrəwam arat was iga arkawal-net. ³⁷ Fəlas inna Məššina: *Wər din-iqqim âr arat n azzaman, azzaman wər nəǧǧət ǧas, y a d-asu was ihor a d-asu. Wər din-z-ahag.* ³⁸ Fəlas wa dat-i oǧadan, ad igrəw təməddurt ta təǧlalat s əzəǧzan-net. Mišan as iqqal dəffər-əs,

wədi ad ib'as t-əran man-in. ³⁹ Nakkanay amaran, wər nəha aytedan win taqqalnen dəffər-san abəzan tarrayt ta n əhluk. Kalar nəha win əttafnen əzəǧzan-nasan y ad əǧrəwan əǧillās.

Əzəǧzan ən təǧəyyawen n arkawal wa irəwan

11 Əzəǧzan almaǧna-net âs arat was nəǧa attama-net, wədi nəkkâs aššak əs nəǧrâw-tu. Almaǧna-net ikus n aššak daǧ aratan kudde wər tan-nəhənnəy. ² Əzəǧzan en daǧ a fəl əǧrawan marawan-nana ətəwəǧbal ǧur Məššina. ³ Amaran ənta a danaǧ-isassagran âs əddənet awal ən Məššina əs du-təxlak. Emmək en daǧ əs awa nəhannay, igmâd-du a wər nətəwəhənnəy.

⁴ Əzəǧzan, ənta a fəl ikfa Habila takutay tofât ta ikfa Qayin. Əzəǧzan en daǧ a fəl tətawaǧbal tišit ən Habila alǧadil id Məššina iman-net a igǧəyyen əs šikutawen-net tiwaǧbalnat. Əzəǧzan a d-ewayan âs Habila aba-tu mišan har harwa iššewal. ⁵ Əzəǧzan, ənta a fəl immədkal Xenok əs jənnawan, wər tu-tədes tamattant. *Wər kala ad ilas ətəwənaǧ dəffər awen, fəlas Məššina a t-idkalan.* Amaran dat əmədkəl-net, igrâw ətəwəǧbal ǧur Məššina id ənnan Əlkəttaban: *Xenok igrâz i Məššina.* ⁶ Əzəǧzan ənta ǧas a ihakkin aytedan ad əǧrəwan ǧərrezat i Məššina, fəlas awedan wa iǧbalan Məššina daǧ əwəl-net, wədi kundaba izzəǧzan âs Məššina ill-ay, izzəǧzan dəǧ âs itaggu arozan i win ǧammaynen masnat-net. ⁷ Əzəǧzan, ənta a fəl ikras ənnəbi Nux aǧlal n aman fəl ad iǧləs aǧaywan-net, id əmiksad ən Məššina a imos ikkâs aššak daǧ arat wa das-isannafalal Məššina, kudde wər t-ihənnəy. Emmək en daǧ əs obaz Nux əddənet s əššəriǧa, iǧbal Məššina tišit-net aləs oǧâdan əs tarrayt n əzəǧzan-net.

⁸ Əzəǧzan a fəl ibbərdaǧ ənnəbi Ibrahim i Məššina s iki wa iga akal was das-itawanna ilkâm ad igǧəz təla-net, assaǧa wa t-iǧra Məššina. Ifal akal-net, igla da wər issen id ikka. ⁹ Əzəǧzan a fəl igla Ibrahim, ikka akal was das-iga Məššina arkawal-net, iqqal daǧ-as ənaftaǧ, ixsâr daǧ həktan ənta d Isəhaq əd Yaǧub âs ənta dər-san əs iga Məššina arkawal wen. ¹⁰ Arat wen ig-ay Ibrahim fəlas issigad y əǧrəm wa wər nətəbərəjjet, aǧrəm was Məššina iman-net a t-id-inzaman ikras-tu.

¹¹ Əzəǧzan a ikfan Sarata barar daǧ tušaray-net. Sarata wər tətulu bararan, mišan təǧraw əzzur-rəyya, id əzəǧzan a təǧa s arkawal ən Məššina di n alǧadil. ¹² Awen daǧ a fəlas aləs iyyanda, ihân ələqqam ən təǧrəst-net, a igrawan əzzurrəyya igân igət wa əǧan etran daǧ jənnawan, madəǧ šiblalen n amaǧdal əs tu-wər-illa i ifrâǧan əšidən-nasnat.

¹³ Əzəǧzan en daǧ a əǧan aljadan win den, har tan-aba da wər əǧrewan aratan win əs dasan-itawagga arkawal-nasan, mišan awa sər-san əǧan daǧ əzəǧzan zun əs ənayan-tan daǧ igəǧ, əǧâran fall-asan assalam, əǧgiyyen dat awedan kul âs inaftaǧan əd ǧərab ǧas a mosan daǧ əddənet. ¹⁴ Ama-

ran win əganen awal wa, sitaddan sər-əs âs gammayan akal ən man-nasan. ¹⁵ Ennar tan-iggâz əsuf n akal wa d-əfalan, wədi ad t-əqqəlan, fəlas əgrāwan edag n awen. ¹⁶ Mišan, akal idkâlan dən-nəg wen as əgan ənnəyat-net, almaɣna ijənnawan. Awen daɣ a fəlas, Məššina wər fall-as imos təkarakit tišit ta iga Əməli-nasan, fəlas isimatag-asan aɣrəm daɣ jənnawan.

¹⁷ Əzəgzan ənta a fəl ikfa Ibrahim barar-net Isəhaq y ad iqqəl təfaskay assaɣa wad ijǧerrab Məššina əzəgzan-net. Barar-net a n iyyanda a ikfa, ənta wa igrawan arkawal. ¹⁸ Amaran ənta en daɣ as inna Məššina: *Tarrayt n Isəhaq as za təgrəway əzzurrəyya.* ¹⁹ Daɣ iduf n Ibrahim, Məššina ila tarna n əsənkər daɣ təmattant. Awen daɣ a fəl das-oyya Məššina barar-net, zun as issinkar-as-t-idu daɣ təmattant. ²⁰ Əzəgzan a fəl ittar Isəhaq i bararan-net Yaquub d Ezaw a dasan-igan albaraka daɣ azza-man win d-əzaynen. ²¹ Əzəgzan a fəl ittar Yaquub daɣ ələqqam ən təɣrəst-net y akkiyyan daɣ bararan ən Yusəf, *issəjad issîdad s əmi ən tallaq-net.* ²² Əzəgzan a fəl iššewal Yusəf i Kəl-İsrayil dat təmattant-net, daɣ batu n agamad-nasan Masar, omar-tan s awa z'əgin i ɣasan-net.

²³ Əzəgzan ənta a fəl itawaybar Musa ɣur təhəwt-net har iga karadat təlil. Əɣbaran-tu marwan-net id ənâyan as barar ihossayan a imos, amaran əzəgzan-nasan a dasan-igdalan a tan-təggəz tasa n awas omar Firɣawna, imosan əmənokəl ən Masar. ²⁴ Əzəgzan a fəl ugay Musa dəffər tadwala-net s ad iqbəl tišit ən barar n elles ən Firɣawna. ²⁵ Əzəgzan en daɣ a fəl issof Musa ad irtəy əd tamattay ən Məššina daɣ aɣazab, iksan tənəfləyt n əddənet əd bakkadan-net wər nəmos âr arat n adan. ²⁶ Musa issof ad itəwəsəknu məlka wa itawasakna Əlməsix, fəlas arozan win z'igrəw əs tarrayt ten, ogaran wəllen ərrəzəɣan ən Masar; Musa iswâd daɣ aratan win d-əzaynen, a tan-imosan arozan win ihakku Məššina. ²⁷ Əzəgzan a fəl igmad Musa Masar, wər tu-taha tasa n əmənokəl iha alham labasan, fəlas əsəggətəkki a iga id ihannay a wər nətəwənəy. ²⁸ Əzəgzan a fəl iga Musa təfaskay ta n əmud wa n Akkay, infäs azni ən təfaskay ten i tamawen ən təsəhar ən nan ən Kəl-İsrayil, fəl ad wər idəs əməhlak iɣəfədda-nasan.

²⁹ Əzəgzan a tan-issəɣrasan Agaraw was itawan-nu wa Zaggayən, jiwanken fəl amaɣal iqquran, il-maz agarew en Kəl-Masar win əgmaynen d a tan-awədan. ³⁰ Əzəgzan a iggədlan afarag wa iɣlayan aɣrəm ən Yerikaw, dəffər as əgân Kəl-İsrayil əssa adan ɣallayan-t-id. ³¹ Əzəgzan wa təga Rahab ta n təkərwat ənta a das-igdalan a tat-iba assaɣa wad əhlakan aytedan win ugaynen s əbərdeɣ i Məššina, id Rahab a təqbalat a ɣur-əs əssəgənan nas-sasaman n İsrayil, təg-asan isəxlak.

³² Ma dawan-z-anna dəffər aratan win? Wər z'əgrəway əlwaq ewâdan a dawan-əššiwəla daɣ batu ən Jedeyon d Əmbarək əd Samson əd Yeftay əd

Dawəd əd Saməwel, d ənnəbitan win hadatnen. ³³ Əzəgzan as obazan meddan win ikallan, əxka-man fall-asan s əššəriɣa oɣadan, əgrawan arkāwalan win dasan-tawagganen, ədbaɣan imawan ən harran. ³⁴ Əzəgzan as ənɣan šiməs za-wwarnen, əɣlasan daɣ təkabiwen əknânen tawala, əgrawan tarna daɣ adag ən rəkkəm was kala t-əgan. Əssəknan tišit-nasan inammagaran, ərzan igənan. ³⁵ Əzzəgzannat tədoden tawasankaran-as-nat-du nəmməttan-nasnət daɣ təmattant. Wiyyad amaran tawasaknan aɣazab səksədan, mišan ugayan s ad əgrəwan tədarfit ɣur aytedan win tan-zayzabnen. Arat wen əgân-tu fəl ad əgrəwan təməddurt ta təɣlalət dəffər tanakra-nasan daɣ tamattant. ³⁶ Wiyyad əgrawan-tan jarrabatan labasnen əgânen daɣ təmakkakkayt, əd təwit, əd təzabagawen, əd kasaw. ³⁷ Wiyyad tawayən əs təgur ən təhun, wiyyad əmmolayan əs təkəjaten, wiyyad tawayən əs təkabiwen. Wiyyad itāway-tan aɣaf wər əssenən is ədagan, əlsân igəškan n ayfəd əd win wəlli, wər əlen a d-ixlâkan, irtāy-asan awen d as tiwadgazan, tawasaknin arkanay. ³⁸ Aytedan win, wər təhor əddənet d a tat-əhân, itāway-tan aɣaf daɣ tənariwen, d ədɣayən, əd kəzman əd ɣayən.

³⁹ Aytedan win kul iqbəl-tan Məššina əs tarrayt n əzəgzan-nasan, mišan wər tan-iha i inâyan arkawal wa dasan-itawaggan. ⁴⁰ Məššina kala dâ issins-anay arat idkâlan wəllen fəl ad wər əgrewan aytedan win den alkamalat iket wər dər-san nəjjəy-at agaraw-net.

Ləkkum i tarrayt ta n zəmmerat d igi ən təməddurt zəddigat

12 Awen daɣ a fəlas nakkanay da, dad zamas ɣilayɣalayan-ana məzzəgzan əgânen igət ogdân d awa, wədi əgəratanaɣ-in əzuk kul wa danaɣ-iwaran, əd bakkadan əssirɣasnen alamaz-nana, naglu har təzərəst ən təbəllant ta danaɣ-is-səwar Məššina. ² Əswədatana faw daɣ ɣaysa s ənta a danaɣ-olaman tarrayt ta n əzəgzan, təhakkit alkamalat. ɣaysa iqbəl aɣazab fəl təgəttawt imosan təkarakit zəwwərat, id təkarakit ten wər ɣur-əs təmos wala, fəlas ihannay təfalawist ta das-təqqalat. Dəffər awen ikka ijənnawan, iqqim daɣ əɣil ən Məššina daɣ taɣmar-net.

³ Awalla, aktiwat was əgan nasbakkadan akyud ogdân d awa, fəl ad wər tayyim iman-nawan təg-mədam tarrayt. ⁴ Təbəllant ta təgam d abakkad, wər tat-təgem har tamattant. ⁵ Təttəwam-in ammar wa dawan-iga Məššina, olân d ənnəsixa wa itaggu awedan i bararan-net, inna: *Barar-in, ad wər təsəttəlkəkay attadib n Əməli, ad wər təqqəla dəffər-ək as kay-issəwar Əməli lahan.* ⁶ *Fəlas Əməli itawaddab win ikna tara, iggât win iqbəl daɣ tišit ən bararan-net.* ⁷ Əqbəlat aɣazab wa tətəggim. Məššina itawaddab-kawan fəlas bararan-net a təmosam. Awak ill-ay barar wər itəwəddib abba-net?

⁸ As imos âs wər kawan-itəwəddib Məššina, zun awa itaggu i bararan-net kul, wədi wər təmosam bararan-net win tidət, kalar bararan ən bannan a təmosam. ⁹ Dad zamas ketnana nəla abbatan day əddənet a dana-tawaddabnen, nəssiǧmar-tan, manəmmək as wər za nabbarədag i Məššina s ənta a imosan Abba-nana wa ihan ijənnawan, fəl ad nəgrəw təməddurt ta təǧlalət? ¹⁰ Abbatan-nana win əddənet tawaddaban-ana day arət n azzaman wər nəggət day batu n idufan-nasan, Məššina amaran, tənfa-nanaǧ a fəl danaǧ-itawaddab, fəl a danaǧ-iqbəl day tazdak-net. ¹¹ Attadib wər imos arət izo-dan s awedan day amazay wa das itawaggu, kalar arət a imos iǧaššadan iman. Mišan win tawawaddabnen, təsəlkaht-nasan ad əgrəwan alxer, əd təməddurt toǧdat.

¹² Awen day a fəlas: ifassan-nawan ərkaman, ifad-dan-nawan deǧ ərkaman, day adi səssuhətat-tan.

¹³ Əlkəmat i tarayen šin oǧadnen. As təgam adi, aytedan win ərkamnen, wər dasan-z-ittəy rəkkəm, kalar ad əzzəyan.

¹⁴ Agliwat day igi n alxer d awedan kul, tagim təməddurt zəddigat. Awedan wa wər nəga təməddurt zun tədi, wədi wər z'ammanay d Əməli.

¹⁵ Əgləyat wəllen, fəl a tu-wər-iməl awedan issiban fəl man-net arraxmat ən Məššina. A day-wan tu-wər-iməl awedan waliyyan a z'iqqəlan zun annabat səməman a du-z-idwəlan awəy-du iǧšudan a z'əgdələn y aytedan aggotnen tazdak. ¹⁶ Ad wər ikkəs waliyyan day-wan tarna i Məššina, madəǧ isəmmədrəy aratan win zaddognen zun awa iga Ezaw a din-izzənzən alxaq-net wa n tišit n aǧafad-day, isammaskal-tu amensay. ¹⁷ Təssānam âs dəffər awen, igmay albaraka wa n tišit n aǧafad-day, mišan igdal-as-tu abba-net. Iyyəwan tala, mišan indar-as a d-issuxəl abba-net day batu ten.

Təkawent i Məššina d əlyibada-net

¹⁸ Amaran, wərgəǧ arət as ifrāǧ awedan edes-net a din-təhozam, zun təmsay təmihandarət, madəǧ šiyyay, madəǧ əhu, madəǧ tazəkkay, zun awa əǧan Kəl-İsrayil day tanəǧay. ¹⁹ Wərmad təslām y anasaǧ n asak, wala tərnuq zun tas əslan Kəl-İsrayil, əǧmayan a das-wər-ələsan tesalay, ²⁰ fəlas wər əqbelan tarǧəmt ta dasan-tənnat: *Wa idasan adǧay, gər iqqal awedan wala əmudar, wədi ad ammat əs təgur ən təhun.* ²¹ Arət wa itawanayan den, i səksədan wəllen, har âs idkal Musa əməsli-net inna: *«Tah-i tasa wəllen, təga day-i taysəst.»* ²² Kala kalar kawanay, təhozam-in adǧay wa n Səyon, d əǧrəm ən Məššina di iddaran, a t-imosan Yerusalem ta təhat ijənnawan, təhozam-in deǧ šimərwen ən ğiman n angalosan əmminaynen əknān təfalawist. ²³ Təhozam-in deǧ tiddawat ən ǧəfədda win as ik-tab Məššina esmawan-nasan day jənnawan, təhozam-in Məššina s ənta əmašray n aytedan kul, təhozam-in aytedan kul win oǧadnen, əgrāwan alkamalat ǧur Məššina. ²⁴ Təhozam-in deǧ ǧaysa, s

ənta a imosan almawakkil-nana day arkawal ən tassaǧ wa aynayan, d əzni-net wa inǧalan, oǧaran wa n Habila təla n əməsli day jənnawan.

²⁵ Day adi ənəkədat y ad təzəmməzəǧam i wa iššəwalan. Dad zamas Kəl-İsrayil win uǧaynen s ad əqbəlan awa dasan-itawaggan daw aǧaf day əd-dənet da da, ketnasan əwwəddaban, wədi ma dər z'agdu attadib wa dana-z-itəwəggin as nəzam-mazag i wa dana-d-iššəwalan day jənnawan?

²⁶ Əməsli-net isannagaynagay amaǧal day azzaman win okaynen, amaran əmərədda arkawal da wa iga: *«Taklat ta du-təzayat, wərgəǧ amaǧal ǧas a za sənnəǧəynəǧəya, kalar ijənnawan da a tan-sən-nəǧəynəǧəya.»* ²⁷ Batu ta n «taklat ta du-təzayat» almaǧna-net âs arət kul ad iba tamayyamayt-net, fəl a d-aqqamin aratan win as wər ilkem ad nigay-nagayan. ²⁸ Day adi, dad zamas nəgrāw taǧmar as wər ilkem ad tənigaynagay, sənnəfilələtanay aǧoda i Məššina, naǧ-as əlyibada wa das-igrazan igān s əbərdeǧ, əd saǧmar, ²⁹ fəlas, Əməli-nana, təmsay da imos-tat təsirəkəmmet.

Təsəxtəmt

Ənnəsixatan aggotnen

13 Ad wər tammazzayam d ənəmərə wa taggin mədrayan. ² Əqqələt aytedan iha amagaru. Ad wər talkim adi fəlas aytedan win iha amagaru, wiyay day-san simagaren angalosan da wər əssen-an. ³ Aktiwat aytedan win əhanen kasaw, zun as tənimaham-tu dər-san. A din-wər-tətatawim aytedan win tawasakninen arkanay, fəlas kawanay da təlām taǧəssa zun tada-nasan. ⁴ Səǧmərat aza-laf ketnawan. Aləs əd tənəttut win ənnəzəlafnen, əydələnet ǧar-essan fəlas Məššina ad awwaddab imaggan n əzzəna. ⁵ Ad wər təqqələm aytedan əwwələtnen azrəf. Agdiwat s awa təlam əmərədda, fəlas Məššina iman-net as inna: *Wər ilkem a kay-oyye za wər ilkem ad əǧmada batu-nak.* ⁶ Awen day a fəlas nəfrāǧ ad nannu, s ikus n aššak: *Əməli a imosan fella-nin, wər əksuda wala. Ma di-z-iǧšəd aggadəm?*

⁷ Aktiwat imuzaran-nawan win ǧur təslam y awal ən Məššina. Əttəfat awa dawan-d-oyyan, tatta-lalam əzəǧzan-nasan. ⁸ ǧaysa Əlməsix iman-net awa imos əndazəl ənta a imos azalada, imos-tu deǧ har faw.

⁹ Ad wər tarǧim əssəxrəkan-kawan səssəǧritan wər nəmos win as nəzzəǧzan. Fəlas aggadəm, ofa ad igrəw assahat ta təhakku arraxmat ən Məššina, wərgəǧ ta hakkin mensewan. Əššəriǧa wa iqqalan batu ən mensewan, wər ikna wala i win das-əlkamnen. ¹⁰ Nəla edag wa n əsəqqəd ən təkutawen, mišan ilimaman win əšǧalnen day Ahaket wa n əlyibada, wər əlen turagat ən tattay ən təkutawen šin day-as tawakfinen. ¹¹ Azni ən mudaran wa itawakfan wa d-immewayan y ames ən bakkadan,

əlimam wa zəwwəran a t-itawayan s Adag wa Ogaran Tazdak, amaran šifəkkawen ən mudaran win den, təwəsəqqədnat sədi y aǧaywan. ¹² Awen day a fəlas ǧaysa da, aba-tu dəffər as itiwakkas day əǧrəm fəl ad izzəzdəg tamattay s əzni wa-net iman-net. ¹³ Day adi əgmədatanaǧ aǧaywan, nəlkam-as, nəgər iri y ad nətəwəsəknu məlka wa itawasakna. ¹⁴ Fəlas day əddənet dada, wər nəla edag ən təməxsurt iǧlâlan. Kalar aǧrəm wa d-izayan a day nəgammay edag ən təməxsurt. ¹⁵ [Day adi] iwâr-anaǧ ad nətaggu faw i Məššina šikutawen əs tar-rayt ən ǧaysa. Šikutawen šin əmosnat təmmalen, almaǧna šigaytalen a day nəqbâl dat awedan kul as ənta a imosan Əməli. ¹⁶ Ad wər tammazzayam d əmazal n awa olaǧan, d əsəssuhi ən tassaq ǧar-ewwan, id awen day a imosan šikutawen šin əǧraz-nen y Əməli.

¹⁷ Bardagat i muzaran-nawan, takkawanam-asan. Əntanay a kawan-ogaznen, id əssânan âs ilkam ad əbdədan fəl mazalan-nasan dat Məššina, day batu n əššəǧəl wa tan-issəwar. As dasan-təbbərdagam, ad aǧin əššəǧəl-nasan əs man filawasnen, fəlas as t-əgan əs man əǧšâdnen əd təhənəffa, wər dawan-tu-za-təggəz tənfa waliyyat.

¹⁸ Aǧliwat day igi y-anaǧ šiwatriwen, fəlas nəkkâs aššak âs iman-nanaǧ i zaddognen id əlqəbulat a nə-ga əzəluləǧ day əkkulluk n anamod. ¹⁹ Onsâyaq-qawan wəllen ad taglim day təwatriwen, fəl a kawan-in-təwəsuyəla tarmad.

Assalaman əd təwatriwen

²⁰ Məššina di n Əməggi n alxer a d-issənkaran day təmattant Əməli-nana ǧaysa imosan amadan wa ofan imadanan, əs tarrayt n əzni n arkawal ən tassaq iǧlâlan, ²¹ əgmâya day-as a kawan-issəfrəg igi n arat kul wa olaǧan y ad tammazalam tara-net. Aǧiwet sər-na Məššina arat kul wa das-igrazan əs tarrayt ən ǧaysa Əlməsix s ənta a ilan tanaya har faw! Amin!

²² Širawt ta əzzigzala day-as wəllen, amaran əg-mâya day-wan imədrayan-in, ad təqbəlam təlxutbat ta, təzəzzəwem day-as. ²³ Əssənat âs amadray-nana Timotay, igmad-du kasaw. As di-d-osa tarmad, a dər-əs in-idawa sər-wan.

²⁴ Təhulam-in imuzaran-nawan kul, əd tamattay zəddigat ən Məššina. Əhulan-kawan-in šəqqaqan-nana win akal n Italəya. ²⁵ Ig-awan Məššina arraxmat-net ketnawan.

Yaqub

Assalaman

1 Awa nak Yaqub, akli ən Məşšina d Əməli
 Xaysa Elməsix, a din-ihulan marawat
 tawşeten əd sanatat wizawaznen dağ əddənet.

Əlməsixi əd jarrabatan

Əzəgzan əd zəmmerat

² Ya imədrayan-in, as fall-awan d-osan jarrabatan əmosnen əzzənəfan, əqqəlanet arat a kawan-isi-falawasan wəllen. ³ Fəlas təssānam as, ətəwəjərrab n əzəgzan-nawan a sər-wan d-itarawan zəmmerat. ⁴ Dağ adi ayyat zəmmerat tədi, a dağ-wan tassəndu əşşəxəl-net, fəl ad təqqəlam aytedan əndānen, əkmālan. ⁵ Kud ih-iwan awedan iddiraran əs masnat, ansəyet Məşšina, a das-tat-akfu; fəlas Məşšina illillat, ihakku awedan kul, da wala təgna. ⁶ Mişan ansəyet Məşšina, iziğzan, wər iga aşşak. Fəlas awedan wa igan aşşak wər izlay əd tanazzamaren n agaraw wa zəwwəran isaggād ađu, ibbāt-tanat sa əd sa.

⁷ Awedan şilat ən wədi, ad wər agu attama n as ad igrəw arat waliyyan ħur Əməli, ⁸ id əwəl-net a izunan, wər t-illa arat itaggu a dağ ittāf edag iyyanda.

⁹ Amadray-nana wa n tələqqay addawatet, isəbbərəg fəl adkul wa igraw ħur Məşšina əddi.

¹⁰ Amadray-nana dəx wa n əməggərgəs addawatet, isəbbərəg fəl əsəmmədrəy wa t-iga Məşšina əddi; id tayart a tətəggu takawkawt ən yel, iba tamayya-mayt-net a z'agu ənta əd təgərgist-net. ¹¹ Yel, as du-təgmad təfuk, təga tuksay, a tu-təssəxər, tərək takawkawt-net, iba şihussay-net. Adi da za a igar-rawan awedan n əməggərgəs ozālan dağ tağawşi-wen-net.

¹² Ibbilal awedan wa izmaran i jarrabatan, fəlas as fall-as okayan ad igrəw alak imosan təməddurt təxləlat, tas igā Məşšina arkawal-net y aytedan win t-əranen.

Jarrabatan d arak deranan

¹³ As itawajarrab iyyan dağ-wan, ad wər annu: «Məşšina a di-ijərraban», fəlas Məşšina iman-net wər t-igərrəw jarraba n igi n ark əmazal, wala dəx itajarrab awedan s igi-net. ¹⁴ Kalar akk awedan ləkkum y arak deranan-net a tu-tawaynen, har tu-

səffətəqqen dağ jarraba. ¹⁵ Arak deranan win, ən-tanay a du-tawaynen igi n abakkad. Abakkad amaran, as innoda dağ əwəl n aggadəm, a d-awəy tə-mattant ta təxləlat.

¹⁶ Ya imədrayan-in əkneç tara, ad wər tətəwə-sudəfam alxata! ¹⁷ Əssənət as təhəkkut kul ta to-layət əd ta n təfərənt, Məşšina di n Abba s ənta a imosan əmaxlak ən təfuk əd təllit d etran a tat-d-izazabben fəl aytedan. Wərmad itamattay, wala dəx itaggu y edag-net agamad a das-tətəggu telay. ¹⁸ Arat irā a təmos tahakkay ta danaç-iga təməddurt ta taynayət s awal-net imosan tidət, a t-imosan Əlinjil, fəl ad nəqqəl şilat ən xəfədda dağ təxəllak-net şin ikfa təməddurt ta taynayət.

Imazalan n əzəgzan

Awal ən Məşšina d əbərdəg

¹⁹ Ya imədrayan-in əkneç tara, səsəmat: əgmāya dağ əkkulluk n awedan ad issərgəs əsəsem, ayyu tararada n awal, wala irças alham-net. ²⁰ Fəlas awedan iha alham wər ifreg amazal n awa oğadan ħur Məşšina. ²¹ Dağ adi, mazzayət əd mazalan kul win kawan-samadassen, əd təllabəst kul ta tətə-mazalam, təqbəlam əs man lammodnen awal wa itawaggan dağ wallan-nawan, ifrāgan a kawan-içləs dağ Jahannama.

²² Ad wər iqqəl əs əsəsem ças a tətəggin y awal ən Məşšina, amaran wər tətəməzilam s awa inna, təssəxrəkam iman-nawan s adi. ²³ Fəlas awedan wa isasaman ças y awal wa, amaran wər itəməzil s awa inna, wədi ola d awedan išşəggin dağ şişşet, ²⁴ izaggazda udəm-net, igla, ittəw-in dağ tamazayt ten da awa dər ola. ²⁵ Mişan awedan wa išşəggin dağ əşşəriçə ikmālan ən Məşšina, s ənta a imosan əşşəriçə wa isadarfen, ittaf-tu, ad itamazal s awa inna, wər din-ittəw awas isla, awedan wədi ad ab-balal dağ awa itamazal.

²⁶ Kud ih-iwan awedan a ħur iga as ittāf əddin, ənta wər innoda dağ iləs-net, wədi iman-net a isaxrak. Amaran iduf-net əddin wər infa wala. ²⁷ Əddin wa zəddigan wər ila əlçib dat Məşšina di n Abba, imos-tu ad issən awedan dağ gugelan win maçatarnen əd tədoden şin as aba meddan-nasnat əddirarnat, igdəl dəx i man-net a tu-təssəwər əd-dənət əlçib waliyyan.

Ad wər tətəggim tēmərīt

2 Ya imədrayan-in, kawanay win əzzəgzannen s Əməli-nana, Xaysa Əlməsix ilân tanaya, ad wər tətəggim tēmərīt. ² Nənna masalan, osan-kawandu meddan əşšin dağ Əlkənisat-nawan. Iyyan za əməggərgəs as ədnaynat təsəndar n urəx idədwānet, ilsa isəlsa əknanen şihussay, wa hadan amaran talaqqay ilsân irakkan. ³ As din-təgram aləs wa ilsan isəlsa win hossaynen, tēnam-as: «Mandam, edag da wa ofan, qam dağ-as»; amaran aləs wa n tələqqay ənta tēnam-as: «Xa! Əbdəd den» madex «qam dağ amadəl.» ⁴ Wərgex əzənəməzləy a tēgam aytedan-nawan əddi, təzzar isəkna adi as imazalan-nawan əlkāman y arak medranan-nawan?

⁵ Ya imədrayan-in əkneş tara, səsəmat: Awak wərgex aytedan win əlləqqawnen dağ əddənet a isannafran Məşşina fəl ad əqqəlan iməggərgas fəl aganna wa iqqalan əzəgzan-nasan, əqqəlan dəx iməkkusa ən taşmar tas iga arkawal-net y aytedan win t-əranen? ⁶ Eges kawanay tolkān-tan. Awak wərgex iməggərgas a kawan-ədgaznen, tawayyan-kawan s adag n əşşərixa? ⁷ Awak wərgex əntanay a tibudurnen esəm idkālān n Əlməsix was tətəwayrim?

⁸ Illikan as kud əsəndi a du-təgam əşşərixa ən taşmar ta n Məşşina əs tēməwit tas iktāb dağ Əlkəttaban as: «*Agu y əşəqqaq-nak tara ta təgeş i man-nak*» wədi tēgām a olāxan. ⁹ Mişan kud tēmərīt a tətəggim, wədi tēgām abakkad, ibāz-kawan əşşərixa s əməzrəy wa tu-təgam. ¹⁰ Ənta awedan wa ilkaman y əşşərixa ketnet amaran inagartattaf dağ əlwajib-net iyyanda, wədi əşşərixa ketnet as t-imməzray. ¹¹ Fəlas wa innan «*Ad wər tagay əzzəna*» inna «*Ad wər tagay iman*» da. Dağ adi, as təgeş iman n awedan, ad tammazrayax əşşərixa ketnet, kuddeş wər təgeş əzzəna. ¹² Adi a fəlas, aratan win tēgannim madex win tətəmāzalam taggiwat-asan igi dağ təssānam as ilkām dağwan əşşərixa wa isadarfen. ¹³ Fəlas əşşərixa wər təha təhanint a z'itəwəggin y awedan wa wər təha təhanint. Əsəkni wa itaggu Məşşina y aytedan təhanint ogār abbaz wa tan-itaggu s əşşərixa.

Əzəgzan əd mazalan

¹⁴ Ya imədrayan-in, ma z'aknu y awedan ad igannu izzigzan, ənta wər itəggü imazalan olaxnen sitaddanen əzəgzan-net? Awak ifrāğ əzəgzan wədi əlxillās-net? ¹⁵ Nənna masalan inay iyyan dağwan amədray-net dağ əddin madex tamədrayt-net əzlāmnen madex wər əlen a ətşan. ¹⁶ Awak ma dasan-z-aknu a dasan-annu: «Aqliwat dağ alxer, yawanat, talsim», ənta wər tan-ikfa aratan win as əddərarnat təxəswen-nasan? ¹⁷ Emmək di da za as, əzəgzan şas wər igda. Əzəgzan wa wər nətəwənəy əs mazalan olaxnen, wədi immut, wər infa wala.

¹⁸ Amaran as inna awedan: «Nak əzəgzan-in a fəl saffalla.» Inn-as iyyan: «Kay əzəgzan-nak a fəl təsaffalla, nak amaran imazalan olaxnen win tagga fəl saffalla. Sakn-i əzəgzan-nak da wala imazalan olaxnen, nak a kay-assaknaş wa-nin əs mazalan-in olaxnen.» ¹⁹ Wərgex təzzigzanax as Məşşina iyyanda? Təgeş a olāxan, əssən z'ās Iblis da əzzigzan adi, amaran issindaw-tu taysəst. ²⁰ Xa əljahil wa, awak əgərri a din-wər-təgeş as əzəgzan wər nəddew əd mazalan olaxnen, wər infa wala?

²¹ Məni əmmək was igraw amaraw-nana İbrahim tişit n əlxadil dat Məşşina? Wərgex əddəlil ən mazalan-net, əlwaq wad ikfa barar-net İsəhaq y ad iqqəl tənəgzamt i Məşşina fəl edag ən təkutawen. ²² Təhannayax? Əzəgzan-net iddew əd mazalan-net dağ arat kul wa itaggu. Imazalan-net a əssəkmal-nən əzəgzan-net. ²³ Təxşal-du batu ta tənənat dağ Əlkəttaban: «*Izzəgzan İbrahim əs Məşşina, ikf-ay Məşşina taqqat fəl əddəlil n awen*», təzzar itawagg-as esəm: Əmidi ən Məşşina. ²⁴ Xasil, təhannayam as awedan əddəlil ən mazalan-net d əzəgzan-net a fəl t-ihakku Məşşina tişit n əlxadil, wərgex əddəlil n əzəgzan-net şas.

²⁵ Rahab za ta n təkərwat ənta məni əmmək was təgraw taqqat dat Məşşina? Awak wərgex əddəlil ən mazalan-net əlwaq wad təsammagarat inas-sasaman ən Kəl-İsrayil təsəlxas-tan dağ ahan-net, təzzəbaz-tan tarrayt iyyat əgmədan akal. ²⁶ Zund əmmək as taşəssa wər əhen man təmmūt, əmmək di dağ as əzəgzan wər nəddew əd mazalan olaxnen ənta da immūt.

İduf ən tanat dağ iləs

3 Ya imədrayan-in, a dağwan wər igatan əlfəqqitan fəlas təssānam as nakkanay win əlfəqqitan a danax-itəwəggü əşşərixa labasan ogaran wa z'itəwəggin y aytedan win hadatnen. ² Fəlas ketnana nətinegərtətif dağ tarrayen əgğotnen; amaran kud ill-ay awedan as wər kala inagartattaf s a du-təgmad ark batu imi-net, awedan wədi, ikmāl, ifrāğ iduf ən tanat dağ təşəssa-net ketnet.

³ Nətaggu ayaba dağ ays fəl a dağ-as nətətəf tanat, nəssuk-ay edag was nərə. ⁴ Ənəyat dəx əxlal n aman wala ad ikna təzzəwwərt, ibāt-tu ađu iknan əssahat, da aşək iknān təmmədrəyt as t-itikurit awedan wa t-əwayan fəl aman, isadak-ku s as ira. ⁵ Adi da a iga iləs n əgğadəm. Taslət əndərrat a imos dağ təşəssa, mişan aratan zəwwarnen as ifrag igi n abarag-nasan. Zund as, arat ən taman-tast təfrāğ əsəbbələgləg n əgoras iknān təz-zəwwərt! ⁶ İləs, ənta da təmsay a imos. Wər t-illa əzzənəf ən talbast a tu-wər-nəha, isamadas şisələd-nana kul, issirya fall-ana təmsay dağ əddənet wa n təhəwt-nana har ibā-nana, amaran ənta iman-net təmsay ta n Jahannama a tu-təsəbbalaglat.

⁷ Wər t-illa əzzənəf ən tawaqqast wala əgədid, wala əmudar imiraradan fəl amadəl wala iyyan n

aman as wər ifreg aggadēm əšinən-net, amaran işşonan-tan deyx. ⁸ Eges iləs, ənta wər t-illa awedan ifrâğan əšinən-net. Talbast a imos din-wər-ikka awedan d arat, amaran idkâr assam inaqqin.

⁹ Ənta as nətəgg təmmalən y Əməli di n Abbana, ənta deyx as nəbayyak aytedan, as Məşşina a tan-d-ixlakan əs şaşşelan-net. ¹⁰ Imi iyyanda a dugammadnat təmmalən igammad-t-id deyx abayak. Ya imədrayan-in, arat wədi wər imməkkan ad itaggu. ¹¹ Awak şat n aman iyyadda, taffayan-du dağ-as aman əzodnen əd win samomnen? ¹² Ya imədrayan-in, awak aşək ən fig itaraw zaytun, wala deyx itaraw asab n alyanab fig? Şat n aman za əğanen tembay n əsalax, ənta da wər tat-du-gəmmadan aman əzodnen.

Masnat ta n tidət

¹³ Məni-tu dağ-wan wa imosan əmusan ila deyx əgərri? Awedan wədi, assaknet adi s alxal olağan əd mazalan əgânen əs talmat ən man əd masnat. ¹⁴ Mişan kud kawanay iwallan-nawan manjağ labasan a tan-ihan, wər təgəmməyam ar tənfa ən man-nawan, wədi wər təhoram d igi ən baragan fəl masnat-nawan. Arat wədi isəbbəhəw a imos ən tidət ən Məşşina. ¹⁵ Masnat tədi, wər du-təfel Məşşina, kalar şin əddənət ta da. Şin awedan ilkâman i tara ən man-net d Iblis. ¹⁶ Fəlas id t-imal manjağ d agamay n awa infan iman ɣas, a t-iməl iba n ənəmənək labasan d əzzənəfan kul n arak mazalan.

¹⁷ Mişan masnat ta du-təfalat Məşşina, arat wa azzaran təga âs ši zəddigat. Awedan wa tat-igrawan, ira alxer, ləmmid, igarru, təkna-ay təhanint iguz, itaggu deyx imazalan olağan. Wər itəggü təmərıt za wər tu-təha təlmənufəqa. ¹⁸ Amaran aytedan win maggan n alxer amasa imosan alxer a ənabalan təzzar ələyan-du tənfa təmosat aqqad dat Məşşina.

Erruymatan aggotnen

Erruymatan fəl əkənnas

4 Ma d-itawayan gar-ewwan şimazağan əd kənnasan? Wərgəy arak deranan-nawan əmmi-garnen dağ təxəswen-nawan? ² Tətaggim attama n arat taqqamim wər tu-təgrewam. Təmosam imaggan ən man, təmosam deyx inəmmənzağ, amaran wər təfregam agaraw n awa taram. Aratan win təgammayam-tan əs təmazazağan əd kənnasan. Wər təlem awa taram, fəlas agamay a tu-wər-təgəm dağ Məşşina. ³ Amaran kud dağ-as tu-təgmayam da, wər tu-təgərrəwam fəlas əddəlil wa fəl dağ-as tu-təgammayam a wər noleğ, id wər təgəmməyam âr ark aratan win ərən man-nawan.

Erruymatan fəl tara n əddənət

⁴ Xa inəmməzray ən Məşşina! Masnat a wər təgəm as, tara n əddənət gezzar ən Məşşina a təmos? Dağ adi awedan wa igan iman-net əmidi n əddənət, wədi azangaw ən Məşşina a imos. ⁵ Məğ ak təxilt a təgam as Əlkəttaban tənna ən bannan a əgan as: Məşşina ikna tara n Infas wa dağ-nağ iga. ⁶ Mişan tara n Infas wa, togar-tat arraxmat ta danax-ihakku. Adi a fəl ənnan Əlkəttaban: «Məşşina *irnâz y aytedan win əzzəzwarnen iman-nasan, amaran win əssərasnen iman-nasan arraxmat-net a tan-ihakku.*»

⁷ Dağ adi bardagat i Məşşina, təgdələm iman-nawan y Iblis, a kawan-ugag. ⁸ Zənnəmihezət iman-nawan əd Məşşina, a dər-wan inəmihez. Xa inasbakkadan, şirədat ifassan-nawan dağ igi ən bakkadan, təzzəzdəgam iwallan-nawan, təkəkəsam dağ-san igi n aşşak! ⁹ Əxşədanet man-nawan, talim d aytedan a fəl təga təfəyyawt, təhallim. Təggəzet tala edag ən tadaza-nawan, təggəz təkənzert edag ən təfalawist-nawan. ¹⁰ Sərəsat iman-nawan dat Əməli, a kawan-idkəl.

Erruymatan fəl şizmit

¹¹ Ya imədrayan-in, ad wər təməl şizmit gar-ewwan. Awedan wa oğaman amadrax-net madəy issəwar-tu lahan, wədi əşşərixa a oğam, issəwar-tu lahan. Amaran awedan wa issəwaran əşşərixa lahan, wədi ab'as ilkam y əşşərixa, iqqal əmaşrağ ən-ta iman-net. ¹² Məşşina ɣas a imosan Amaşrağ iyat-tasan əşşərixa, isafsu, ihallak deyx. Kay ma təmosay as təşarağa y iyyan awedan?

Erruymatan fəl zazwar ən man

¹³ Səsəmmat za, kawanay win ganninen: «Azalada madəy tufat ad nakku aɣrəm mandâm, nağ-in dağ-as awatay nəgâ jola, nəgrəw riba.» ¹⁴ Ənta kawanay wər təssenam wala ɣas awa dər kawan-du-z-ifaw! Wər təzlayam d əhu, s ad t-illa, mişan as z'agu arat n amazay, wər t-illa. ¹⁵ Edag n ad tannim: «Kud Əməli irğa, ad nəddər, nagu awa madəy awa.» ¹⁶ Mişan əmərədda ibaragan a tətaggim tədkâlam iman-nawan. Ibaragan za kul win şilat ən win di talbast a əmosan. ¹⁷ Dağ adi awedan kul isanan əmazal wa olağan amaran iqqim wər t-iga, wədi abakkad zəwwəran a iga di.

Erruymatan fəl iba n əşşərixa wa tamazalan məggərgas

5 Amaran kawanay iməggərgas, səsəmat-i: Əg-gəzat şin tala, təsəkkələlam fəl əddəlil n əlməssibaten şin kawan-d-əzaynen. ² Təgərgist-nawan tərka, isəlsa-nawan tətş-en təwəkay. ³ Urəx-nawan d əzrəf-nawan tətş-en tənək. Amaran tənək di da a fall-awan za taggayet, tatşu şixəswen-nawan zun tanat-tətşa təmsay. Təşşədawam təgər-

gist day adan win, s əntanay a əmosnen təsəl kamt n əddənet. ⁴ Ənəyat, alxaq ən maşşaxalan win təsassalayam ši wəgas-nawan, isiyarat fall-awan; amaran təkurayt-nasan, tewad Məşşina di n Əməli ən tarna. ⁵ Tənniflayam day əddənet, təhəm tara ən man-nawan. Təsədarem iman-nawan y əzəl wa n agazam. ⁶ Təbazam s əşşəriya alyadılan ən Məşşina a kawan-in-wər-nəkka d arat, təgam iman-nasan.

Ənnəsixatan aggotnen

Təzaydart day alyazab

⁷ Ya imədrayan-in, day adi zəzzəydərat har d-asu Əməli. Ənəyat tewaxlay a itaggu əmagyak i tənfa ta du-təgammadat tawagost-net. Əzəzzəydər a itaggu har təgrəw tawagost-net akonak wa azzaran əd wa ilkaman. ⁸ Kawanay da za, zəzzəydərat, tilem əwəl, fəlas assa n Əməli ihôz.

⁹ Ya imədrayan-in, ad wər tətınəməşşikam gar-ewwan ibəz-kawan əşşəriya. Ənəyat! Əmaşrağ wər iggug, illa xur imi n ahan. ¹⁰ Day batu ta təqqalat alyazab əd təzaydart, ya imədrayan-in əqqəlat aytədan olānen d ənnəbitan win əşşewalnen s esəm n Əməli. ¹¹ Ənəyat, a nəgannu aytədan win əlanen zəmmerat əbbilalan. Təslām əlqissat ən zəmmerat n ənnəbi Ayuba, tənâyam dəx təsəl kamt ta das-iga Əməli, id Əməli təkna-ay tara əd təhanint iguz.

Ənnəsixa day batu ən təhuday

¹² Ya imədrayan-in, are day-wan dat arat kul ad wər təhhadam gər za əs jənnawan wala s amaçal

wala s arat a iqqal. Ganniwat xas «Ayew» y awa imosan tidət, təgannim «kala» xas y awa tat-wər-nəmos fəl a kawan-wər-iwər abakkad, ibəz-kawan əşşəriya.

Şiwatriwen i miranan

¹³ Awak ih-iwan i itaxazzaban? Wədi aget şiwatriwen. Awak ih-iwan awedan ifilawasan? Wədi aget təmmalen i Məşşina. ¹⁴ Awak ih-iwan awedan irinan? Issəgməyet imuzaran n Əlkənisat a das-ət-təran, əzwəyan-as widi s esəm n Əməli Xaysa.

¹⁵ Təwatray ta təgat s əzəgzan ad tassafsu əmiran wa fəl təga, izzuzəy-tu Məşşina day təwərna. Wala ad imos as ibakkadan a sər-əs tat-d-ewaynen, a das-ətəwəsurəfan. ¹⁶ Day adi, tinəməmilat gar-ewwan ibakkadan-nawan, tutabam day-san, ad tət-inəməggim şiwatriwen fəl ad təzzəyam. Təwatray təgləyat n awedan oğadan təh-et tarna tagget əd tənfa.

¹⁷ İlyas, awedan a imos ən şilat-nana. İga təwatray a day iglây a igdalan y akonak ewet. Təzzar iga akonak karad elan əd sədisat təlil wər itteb fəl amaçal. ¹⁸ Dəffər awen ittar, ifay-du akonak day jənnawan, ikkas-du amaçal tənfa-net.

Batu ən məzzəgzan win əxraknen

¹⁹ Ya imədrayan-in, as ixrak iyyan day-wan igmad tidət, issuxəl-as-tat-du əmidi-net, ²⁰ təssənam as, awedan wa d-issoxalan anasbakkad, ikkas-t-idu day axarak wa iga, wədi iman a d-issəfsa day təməttant, eway-du dəx təsureft ən bakkadan aggotnen.

1 Butros

Šihulawen

1 Awa nak Butros imosan anammazul ən Ȳaysa Ȳlməsix, a din-ihulan iməzzəgzan win waza-waznen, əmosan iyərab daȲ kallaŋ ən Fontəs, əd Galatəya, əd Kabadokəya, d Asəya, əd Bitinəya. Isinafran-tan Məššina ² di n Abba harwa dat alwaq əs masnat-net d ənnizam-net. Ig-en aytedan a sər-əs əskâtnen s əssəbab n Infas wa Zəddigan, fəl ad ab-bardagan i Ȳaysa Ȳlməsix, təwəzəzdəgan dəȲ s əzni-net. Məššina ya təzizabbe-du fall-awan arrax-mat, d alxer wər nəla əddukad.

Tišt n əlməsixi

Agoda i Məššina attama wa danaȲ-ikfa

³ Təmmal i Məššina di n Abba n Ȳməli-nana Ȳaysa Ȳlməsix. Təhanint-net wər nəla əddukad as danaȲ-iga aytedan əgânen təhəwt taynayət, fəl ad nagu təməddurt təgât s attama ittiddan, s əssəbab ən tanakra ən Ȳaysa Ȳlməsix daȲ təməttant, ⁴ nəgrəw dəȲ təkasit n arət wər nətəməndu, wər itəmədis, za wər itəbəkəssit, a dawan-itiwagazan daȲ jənnawan. ⁵ Kawanay a ogaz Məššina əs tarnanet, fəlas əzəgzan a təgam, fəl ad təgrəwam efsan. Efsan win isimatak-kan Məššina fəl ad təwəgrəwan daȲ azzaman win əȲrud n əddənet.

⁶ Isəffəliwəset-kawan awen, kuddeȲ as əmərədda ihhiššal a kawan-zəzzəkənzəran jarrabatan əmosnen əzzənəfan, mišan ya awen wər z'ihag.

⁷ Jarrabatan win, əntanay a sataddinen assahət n əzəgzan-nawan ogaran urəȲ almaqam. UrəȲ iman-net wər iȲləl, amaran təmsay a daȲ itawaggu fəl ad itəwəssən kud imos wa n ələsəl wala. Əzəgzan-nawan da za kundaba itawajarrab. Əddi amaran, assaȲa wa du-z-azzabbat Ȳaysa Ȳlməsix, itəwəssənəfiləl y əddənet ketnet, ad təgrəwam təmalen d ədkul əd saȲmar, s əssəbab n assahət n əzəgzan-nawan. ⁸ Ȳaysa Ȳlməsix tərâm-tu təzzizagan sər-əs da wər tu-tənyam harwa da. Awen daȲ a fəl təgam təfalawist as tu-wər-illa i ifragan emel-net za wər tu-təlla tulat-net. ⁹ Təfalawist tədi təgâm-tat fəlas aggad a təgam əlməxsud n əzəgzan-nawan, a t-imosan agaraw n efsan.

¹⁰ Efsan win di, əyyəwanan ənnəbitan win əmal-nen arraxmat ta dawan-z-əgu Məššina agamay d əgərri-nasan. ¹¹ Ədgâzan wəllən daȲ ad əssənan awa mosan azzaman d alxalaten, win z'assakninen

awa imal Infas n Ȳlməsix. Infas wa, illa Ȳur-san kala da; amaran imâl-asan alȲazab wa z'əgu Ȳlməsix əd tanaya ta du-za-təlkəmat y awen.

¹² Isannafalal Məššina y ənnəbitan as isalan win d-əgrawan den, wərgəȲ əntanay a d-əkkan, kalar kawanay a d-əkkan, iwâr-tan a dawan-tan-agin. Isalan win əntanay a dawan-əmalan məssəsəȲra win sasayrinen Ȳlinjil əs tilalt n Infas wa Zəddigan. Infas wa, ijənnawan a daȲ d-itawasagla. Ȳlinjil, angalosan da sidaranan wəllən masnat-net.

Alxal wa issəȲmaran Məššina

¹³ Dad zamas tayttay-nawan təsimatag y əššəȲəl, təttafam dəȲ alwasat daȲ arət kul, wədi agiwat at-tama-nawan ketnet daȲ arraxmat ta za təgrəwam Ȳur əzəbbi ən Ȳaysa Ȳlməsix d ənəfilal-net y əd-dənet. ¹⁴ Bardagat y Ȳməli-nawan, awa taggin bararan y abba-nasan, tammazzayam d arak deranan win as kala a tan-tətaggim harwa ad təmosam aljahilan. ¹⁵ Emmək was zəddig wa kawan-d-iȲran əs man-net, əmmək en daȲ as kawan-iwar ad izdag alxal-nawan kawanay da, ¹⁶ Fəlas iktâb as: «izdagat, fəlas nak əmizdag a mosa.»

¹⁷ Amaran dad zamas təgannim daȲ təwatriwen-nawan «Abba» i wa wər nəzlay aytedan, kalar ix-akkam akkiyyan daȲ-san əs mazalan-net, daȲ adi agiwat təməddurt a daȲ təksudam Məššina daȲ az-zaman win əmərədda, a daȲ təmosam inaftaȲan daȲ əddənet. ¹⁸ Alxal wa dawan-d-oyyan marawan-nawan wər infa wala. Təssânam as Məššina irzâm əlqim zəwwəran y a kawan-d-ikkəs daȲ anamod ən təməddurt wen. Amaran inazzan win den, wər əgen s əzrəf, wala urəȲ a mosnen aratan tamandinən, ¹⁹ kalar azni ilân almaqam wəllən n Ȳlməsix as əgan. Azni wa, iha əlmital n əzni n ajaȲol wər nəga əlȲib. ²⁰ Ȳlməsix təga fall-as masnat dat əxluk n əd-dənet, amaran itawasanafalal daȲ azzaman win əlkammen a fəl əddəlil-nawan. ²¹ Əddəlil-net a fəl təzzəgzanam əs Məššina s ənta t-id-issənkaran daȲ təməttant ikf-ay tanaya. Adi a d-ewayan as təz-zəgzanam əs Məššina təgam daȲ-as attama-nawan. ²² Təzzizdagam iman-nawan s əbərdəȲ wa təgam i tidət fəl ad tagim ənəmərə igân s əwəl iyyanda, awa taggin mədrayan. DaȲ adi akniwat ənəmərə əs wallan zaddognen. ²³ Əssənət as təhəwt taynayət a təgam təlât ələsəl iȲlâlan, wərgəȲ təhəwt ta n ag-gadəm təmosat arət wər nəȲləl. Kalar awal ən Məššina iȲlâlan ihakku təməddurt a imosan ələsəl

ən təhəwt ta tēgam da. ²⁴ Id iktāb as: «*Aggadəm wər izlay əd yel, tanaya-net dəy ketnet wər tēzlay əd tējigay ən yel. Yel amaran tayart a itag tērtək tējigay-net,*²⁵ *mišan awal wa n Ēməli ənta, ill-ay, ixlāl.*»

Amaran awal wen Ēlinjil wa dawan-ittəmalan a t-imosan.

Awa təmos tamattay ta n Məššina

2 Dağ adi sənnəməggəgat iman-nawan d a imosan əzzəngu, əd təkərras, əd təlmənufəqa əd manjağ, d əzgən. ² Awal ən Məššina zun ax wər nəqqer a dawan-imos. Agiwat-as tara ta taggin bararan əs səket əhəwan y əx, fəl a kawan-issəd-wəl dağ tišit-nawan əlməsixitan. ³ Tara ten da a das-za-tagim as imos as «tənayam kawanay iman-nawan awa dər ogda əlluğ n Ēməli.»

⁴ Zənnəmihezət iman-nawan d Ēməli s ənta a imosan təhənt tēddarat, tas aytedan za əgaran-tat-in, çur Məššina amaran ənta a təmosat təhənt ta tənəfranat tēla almaqam. ⁵ Dad zamas kawanay da təmosam zun təhun əddarnen, itawakras sərwan ahan n əlçibada ən Məššina əs tilalt n Infas wa Zəddigan, wədi təqqalam ilimaman zəddognen hakkinen šikutawen šin imal Infas wa Zəddigan s əntanata y a əgraznen i Məššina əs tarrayt ən Çaysa Ēlməsix. ⁶ Ənta Məššina inna dağ Ēlkəttaban: «*Ənəyat, əssinsa dağ Səyon təhənt ta təkəbalat ehan, tənifranat, tēlat almaqam. Wa sər-əs izzəgzanan, wər z'ikərukəd.*»

⁷ Dağ adi kawanay a əzzəgzannen, təkfiwan təhənt ta ətəwəsəçmar. Aytedan amaran win wər nəzzəgzan əssənənət as: «*Təhənt ta din-əgaran makrasan, ənta a tēqqalat təhənt ta təkəbalat ehan.*⁸ *Amaran təhənt ta təmos təsənkəft y aytedan, tətagadl-en.*»

Təhənt ten nakkafan-as aytedan, tətagadl-en, fəl tuğəyt ta əgan s ad əzzəgzənan s Awal ən Məššina, amaran tuğəyt ten da a dasan-tətawatasat.

⁹ Kawanay amaran:

«Tawšət tənifranat a təmosam, tiddawat ən limaman ən Məššina di n Ēmənokəl, təmosam harwa da ayrəf iskatan əs Məššina, təmosam dəy tamattay-net.

Ikkas-kawan-du

fəl ad təmmalam igitan simaklalen,»

win iga id ənta a kawan-d-içran dağ šiyyay, igiwan dağ ənnur-net isinahalan əmələwləw.

¹⁰ Kawanay dat awa, wər təmosam fadda tamattay, amaran əmərədda təqqalam tamattay ən Məššina. Dat awa wər təğrewam əhənətta fadda, əmərədda amaran təğrawam-tu.

Alxal wa iwaran əlməsixitan

Alxal wa iwaran əlməsixitan gar-essan d aytedan

¹¹ İmaran-in dad zamas əddənət a inaftayan əd çərəb a dağ-as təmosam, wədi onsəyaç-qawan ad tənəməggəgam d arak deranan win aggadəm, fəlas əntanay a əmosnen izənga n əzəgzan-nawan. ¹² Ad wər tammazzayam d alxal wa olağan dat aytedan win wər nəksud Məššina. Əddi as imos as sawaran-kawan bahutan ən tišit ən nəsgufa, iman-nasan as z'ənəyan igitan olaçnen win tətəggim dağ anamod wen, awəy-du sər-san awen saçmar n Ēməli əzəl wa du-z-asu. ¹³ Bardagət i muzaran-nawan kul fəl udəm n Ēməli, çər əmənokəl s ənta a ixkaman fəl arət kul, ¹⁴ wala dəy inaxkiman-net win d-izamazal imos əššəçəl-nasan əwəddəb n aytedan win tagginen təkma, əd tahakkay n almaqam i win tamazalnen awa olağan. ¹⁵ Məššina a ira ad tətəggim awa olağan fəl ad tēdbəçam imawan n ark aytedan n aljahilan. ¹⁶ Agiwat alxal ən lallan, mišan əlləllu-nawan a tu-wər-tagim arət a daw təssolamam aššar, kalar taggiwat imazalan n as təmosam eklan ən Məššina. ¹⁷ Səçmərət aytedan kul. İriwat imədrayan-nawan kul dağ əzəgzan. İksadat Məššina, təssəçmərəm imənokalan-nawan. ¹⁸ Eklan, bardagət i məssawwan, tagim-asan saçmar kul wa kawan-iwaran, çər za əmosan aytedan olaçnen, lammodan, wala dəy əmosan ark aytedan labasnen, ¹⁹ fəlas arraxmat a imos ad izmər awedan, izəzzəydər d alçazab imosan tādłəmt, as imos əs təkatawt ən Məššina a fəl iga awen. ²⁰ As imos as təgeç abakkad, ma imos aroz wa za təğrəwa dağ əzəzzəydər d attadib n awen? Mišan ya as imos as təmosaç awedan itamazalan awa olağan, amaran təzməra y ətəwəzəçəzzab imosan tādłəmt, wədi əssən as arraxmat a təğrawa çur Məššina.

²¹ Awalla, ənta da da awas tətəwəçram, fəlas Ēlməsix iman-net da iççizab fall-awan, oyy-awan-du almasal, fəl ad təkəməm y awa iga. ²² Ēlməsix amaran, ənta *as wər kala ad iga abakkad, za wala iga bahu y awedan waliyyan.*²³ Ənta a iyyəwanan ətəwərbəd, mišan wər izzəzal. As itawazaçəzzab, wər iga arak batu y awedan waliyyan, kalar talçanet kul as tat-iga dağ əfus n Ēmašraç wa Oçadan a t-imosan Məššina. ²⁴ Ənta dəy a itawataytayan fəl tēğəttawt, idkal ibakkadan-nana, nəga əd bakkadan ənəməggag wa tēga tēməddurt əd tēməttant, fəl ad naku tēməddurt a dağ noçād. Dağ adi Ēlməsix ənta a kawan-izzozayan əs busan win dağ-as tawagğanen. ²⁵ Əstizarat təmosam zun ayfəd əssigğalnen, mišan əmərədda təqqalam-du amadan-nawan, s ənta a imosan əmagaz ən man-nawan.

Alxal wa iwaran əlməsixitan dəy azalaf

3 ¹⁻² Kamatay dəy şidoden, bardagmat i meddan-nakmat. As tēgamat adi, kud imos as wiyyad dəy-san wər əzzəgzanan s awal ən Məşşina da, as hannayan alxal-nakmat olâx zəddig, hannayan dəy saşmar wa dasan-tēgamat, a sər-san d-awəy awen əzəgzan da wər dasan-təşşewalmat. ³ Ad wər əqqəlnat tēhussay-nakmat arat iwâran azahir şas, a du-wər-əway ar əzzənəfan ən latafan wiyyad əmmittaynen, madəx uşənan n urəş, wala şibəddəy əknanen əzzəwi. ⁴ Kalar əgməymat şihussay şin əşbarnen dəy əwəl, s əntanata y a wər nəgəmməd, əmosnen talmat d əsənsi ən tayttay. Şihussay den da şin əknanen tēla n almaqam şur Məşşina. ⁵ Ənta den dəy əmmək was dallagnat tēdoden şin dat awa a əskatnen əs Məşşina əgânat dəy-as attama-nasnat, əbbirdagnat i meddan-nasnat, ⁶ zun Sarata, s awa tēga y Ibrahim dəy əbərdəg, a das-tēgannu: Məşşi. Əmərədda kamatay a mosnen şibararen-net, as imos as tətəmazalmat awa olaxan a dəy wər toyymat iman-nakmat tēggəz-kamat tasa n arat waliyyan. ⁷ Kawanay dəy meddan agiwat i tēdoden-nawan tidawt tēgât s ənəməsəsəgra, a dəy tēssânam fəl tişit a əgânat tēdoden şinərkam. Səşmərət-tanat, fəlas tēdrawam dər-əsnat təkasi n arraxmat tēmosat tēməddurt. As dasnat-tēgam adi, wər t-illa a z'inkəfan i təwatriwen-nawan.

Alxal wa iwaran əlməsixitan gar-essan

⁸ Xasil iliwat tayttay iyyadda, tilem tafreyt i təkəməwen n aytedan kul. Əqqəlāt aytedan a dəy tēgəgət tara ta tēllat gər mədrayan d əlluş d iban zazwar ən man. ⁹ Ad wər tēzazalam dəy aytedan win dawan-tagganen təkma wala takaggaran-kawan. Kalar tattarat-asan a dasan-igan arraxmat, fəlas awen da as tətəwaxram s a tu-tətaggim, fəl ad tēqqəlam iməkkusa ən maruzat ta dawan-tənsat. ¹⁰ Ənnan Əlkəttaban:

«As ira awedan ad igrəw tēməddurt a dəy id-dəwat,

ifaw-du fall-as ijilan a dəy inniflay,

wədi agəzet iləs-net dəy təkma,

igdəl-as əlləfəd n awa imosan şikərras.

¹¹ *İsənnəməggəget iman-net əd təkma, ad itamazal awa olaxan.*

Igməyet alxer, išşikəl dəy-as.

¹² *Amaşlol iswâd dəy aytedan win oşadnen,*

amaran iqabbal şiwatriwen-nasan.

Amaran win əşşokalnen dəy təkma, akyud a tan-iga.»

Alxal wa olaxan əttələl n Əlməsix a t-imosan

¹³ Awak ma imos wa dawan-z-agin təkma as imos as tēsīgatakkem dəy əmazal n awa olaxan? ¹⁴ Amaran as imos as affaw-du fall-awan əzəl iyyan a dəy

təşşizzabam fəl as tēmnozalam awa oşadan, wədi tēbbilalam!

Ad wər tiksadam awa əksudan aytedan, amaran ad wər əşşədan man-nawan.

¹⁵ Zəzwərat dəy wallan-nawan Əlməsix imosan Əməli, tərđim as ənta a imosan Əmizdag. Səmutəgat faw y əsəssəgri n awedan kul wa kawan-issəstanan dəy batu n attama wa tēgam. ¹⁶ Awen amaran agiwat-tu əs talmat əd saşmar n aytedan. A tu-wər-iməl arat waliyyan a daq-qawan tēha tərək. As iga adi edag iman-net wa dəy sər-wan tawagginat batuten əbrarnen, a dəy-as kərükədan aytedan win jajargannen alxal olaxan wa tēgam dəy tassaq-nawan d Əlməsix, ¹⁷ fəlas ofa ad aşşazzab awedan itamazalan əlluş, as imos as awen dəy a ira Məşşina, y ad aşşazzab awedan itamazalan təkma. ¹⁸ Əlməsix iman-net iga alşazab iyyanda, abatu fəl bakkadan n aytedan. Ənta wa n alşadil, abatu fall-awan kawanay a wər nəşdel, fəl a kawan-izənnəmihez əd Məşşina. Təmattant ta n tēşəssanet a iga, mişan iddar-du əs tarna n Infas Wa Zəddigan. ¹⁹ Amaran tarna n Infas wa Zəddigan as igla Əlməsix iga təlşutbat i win əhanen alaxirat əşfâlan. ²⁰ Aytedan win əntanay as kala ad əffəllagan əs Məşşina dəy azzaman ən Nux. Azzaman di izizaydar Məşşina iqqâl y ad işrəd Nux akaras n əşlal-net. Əttam aytedan şas a əggaznen aşlal wen ərgan-du dəy akonak wa n Nux. ²¹ Arat wen əlmital a imos n alaməş dəy aman was ənta a kawan-issəfsan əmərədda əs tarna tas d-inkar Şaysa Əlməsix dəy tēmattant. Alaməş wa wərgəş əşirəd ən şiday fəl tēşəssa a imos, kalar igi n arkawal dat Məşşina əs man wər tēha tərək waliyyat a t-imosan. ²² İllikan as Şaysa Əlməsix a d-obazan şur əgəzzəy-net əs jənnawan, iqqim dəy əşil ən Məşşina, angalosan, əd tēmənukəla kul əd taşməren kul əbbirdagan-as.

4 Dəy adi, dad zamas Əlməsix da tēşəssanet tənây alşazab, kawanay da səmmutəgat y arat zun wen da. Fəlas awedan wa işəzzaban əs tēşəssanet dəy anamod wen, wədi immizzay əd bakkadan. ² Awen dəy a fəlas a obazan şur azala, ad wər tələsam şiyit ən man-nawan təkamam i deranan win aggadəm, kalar əlkəmat i tara ən Məşşina dəy awa din-iqqiman dəy tēşərras-nawan. ³ İgdə-awan awas kala tu-tēgam, imosan awa əran aytedan wər nəssen Məşşina. Wər tēzlayam a tēmnozalam, tētaggim arak deranan, tēmosam imaşwan n esmad. Tētaggim tēttay tagget, əd tāsşay tagget, tēşbâdam əssənəman əmosnen arat isiksadan. ⁴ Amaran ark aytedan win isimaklal sərşan as dasan-wər-təlkəmam dəy arak mazalan win taggin əmosnen əsəssikəy aggen dəy tēmazrəyt, əqqiman amaran şaşşadan-awan esəm. ⁵ Kundaba əbdadan fəl mazalan-nasan dat wa isammatagan y ad işrəş win əddarnen əd win aba. ⁶ Awen dəy a fəlas win əmosnen inəmməttan əmərədda, da itiwamal-asan Əlinjil. Arat wen itiwagg-asan fəl ad

awwaddaban əs tēməwit tas tawaddaban aytedan daɣ əddənət, agin deɣ dəffər awen tēməddurt a daɣ innoda Infas wa Zəddigan əs tēməwit ta ira Məşşina. ⁷ Təzərəst n əddənət təhōz. Əqqəlat aytedan əlanen əzzəbun tannadim daɣ man-nawan, fəl ad təfrəgam igi ən təwatriwen.

⁸ Zuzərat y arat kul ənəmərə aggen gar-ewwan, *fəlas tara, ənta a təhakkīt təsureft ən bakkadan aq-gotnen.*

⁹ Əqqəlat aytedan iha amagaru gar-ewwan əs man ərdānen. ¹⁰ Akkiyyan daɣ-wan agiwet i win hadatnen tənfa əs təhəkkūt ta təgrawam s arraxmat ən Məşşina. Emmək di da as za təqqəlam inaxlifan olaɣnen n arraxmaten aggotnen šin dawan-iga Məşşina. ¹¹ I daɣ-wan išsewalan, aget awal n as Məşşina a t-id-izammazalan. I daɣ-wan idahhalan imidawan-net, idhəlet-tan əs fərregat ta danax-ihakku Məşşina fəl ad itəwəsəxmər Məşşina daɣ arat kul, əs tarrayt ən Ƴaysa Əlməsix. Ənta a ilan tarna, əd tanaya har faw! Amin!

Allam fəl man d ənnəsixa y aytedan daɣ azza-man win alɣazab

Alɣazab fəl Əlməsix

¹² Imaran-in, ad wər əqqənən ɣafawan-nawan i təmsay n alɣazab ta kawan-təhat əddi təmos jarra-ba-nawan, a das-wər-tagim iduf n as igraw-kawan arat immittayan. ¹³ Kalar isəffəliwəset-kawan as tədrāwam d Əlməsix alɣazab, fəl ad taknim təfalaw-ist əd tədəwit assaɣa wa du-za-tənəfiləl tanaya-net.

¹⁴ Təbbilalam kawanay win tawarbadnen fəl as kawan-ila Əlməsix id Infas wa ilan tanaya, a t-imosan Infas ən Məşşina, a dər-wan iddewan. ¹⁵ A kawan-wər-iggəz i iɣɣizzaban fəl igi ən man, wala šikra, wala tišit n anasgafa, madəɣ awedan itaggazan šixawšiwən a tu-wər-nəqqəl. ¹⁶ Mišan as tətaɣazzabam fəl tišit n əlməsixitan, a kawan-wər-isəkkərəkəd awen, kalar sənnəməlat fəl Məşşina, fəl awer wa kawan-iga esəm n Əlməsix.

¹⁷ Fəlas alwaq ewad-du wa daɣ z'antu əşşəriɣa, amaran tamattay ta n Məşşina as inta. Daɣ adi dad zamas nakkanay as issənta əşşəriɣa-net, ma dər za talu təsəlkaht ən win wər nəzzəɣzan s Əlinjil-net?

¹⁸ Ənnan Əlkəttaban: «*Dad zamas aytedan win oɣadnen da gərrid as z'afsin, ma dər z'alın win wər nəksud Məşşina əşşokalan daɣ igi ən bakkadan?*»

¹⁹ Daɣ adi win taɣazzabnen daɣ əddənət fəl as əmmožalan tara ən Məşşina, aginet iman-nasan daɣ təɣlift n Əmaxlak n əkkulluk n arat, s ənta a imosan alɣadil, aglin daɣ əmazal n awa olaɣan.

Tizart daɣ Əlkənisat

5 Əmərədda ad aɣay ənnəsixatan əkkānen win daɣ-wan əmosnen imuzaran n Əlkənisat. Əşše-

walaɣ-asan s esəm ən tišit-in əmuzar nak da, šilat-nasan, əmosa deɣ təgəyya n alɣazab n Əlməsix, əd-dewa dər-əs deɣ daɣ tanaya ta du-za-tənəfiləl.

² Ədənət eharay wa kawan-issəɣlaf Məşşina. Əssənat daɣ-as s a wər nəmos əşşil, kalar əs man ərdānen s əmmək was ira Məşşina. Ad wər tətaggim adi fəl tara n əddənət, kalar taggiwat-tu s əwəl iglayan. ³ Ad wər tətaggim adi s əddəguz ən məz-zəɣzan win kawan-tawasaxlafnen, kalar agiwat-as igi a daɣ təmosan almasal olaɣan i tamattay ən Məşşina. ⁴ Əddi assaɣa wa du-z-inəfiləl əmuzar ən madanan n əlməsixitan, ad təgrəwam maruzat təmosat təkəbbut ən tanaya wər nətəməndu. ⁵ Əmmək en daɣ as əɣrəɣ aytedan win əmosnen təmmədrəyt s ad abbardagan i muzaran n Əlkənisat. Daɣ tassaɣ ta təgam, əqqəlat aytedan əssirasnen iman-nasan, gar-ewwan, fəlas a ənnan Əlkəttaban: «*Məşşina iɣnāz y aytedan win əzzəzwarnen iman-nasan, amaran win əssərəsnen iman-nasan arraxmat-net a tan-ihakku.*»

⁶ Sərəsat iman-nawan dat Məşşina di ən Məşşis ən tarna, fəl a kawan-izzəzwər alwaq was otas.

⁷ Agiwat talxiwen šin kawan-əşşəwəşnen kul daɣ təɣlift ən Məşşina, fəlas ənta a daɣ-wan issanan.

⁸ Əqqəlat aytedan ənnodanən daɣ man-nasan, tənəkədam. Azangaw-nawan Iblis, itixələyɣələy-kawan zun ahar ihirnanan, igammay i ijalaqqat.

⁹ Əgdəlat-as iman-nawan, s ad təsəggətəkkem daɣ əzəɣzan. Təssānam as imədrayan-nawan daɣ əzəɣzan, taggin alɣazab olān əd wa da tətaggim əddi daɣ adag kul wa əhan daɣ əddənət.

Igi n attama daɣ Məşşina daɣ alɣazab

¹⁰ Məşşina di n Əməggi n arraxmat, s ənta a kawan-d-iɣran əs tanaya-net təɣlalət daɣ tassaɣ d Əlməsix, ənta iman-net as dawan-italam fəl man, isisuhit-kawan, ihakk-iwan fərregat n ad təzəz-zəwem daɣ əzəɣzan, dəffər as təgām arat ən tamert n alɣazab. ¹¹ Ənta a ilan tarna har faw! Amin!

Šihulawen šin əlkammen

¹² Əgəɣ-awan-in arat ən batuten šin əssiktaba Silfanus imosan amadrəy-nana n alɣadil, əmosnat ən-nəsixa y-awan, əd təgəyya y-awan as arraxmat ən Məşşina ta n tidət, ənta əddi da təgrawam əddi təz-izawem daɣ-as. ¹³ Təhul-kawan-in Əlkənisat ta n əɣrəm ən Babəylon, as Məşşina a tat-isannafranan zun awa dawan-iga. Barar-in Markus da ihul-kawan-in. ¹⁴ Nəsəsləmat ketnawan əs təzələmma šin tinəməggin mədrayan. Ig-awan Məşşina alxer ketnawan kawanay a ertaynen d Əlməsix!

2 Butros

Šihulawen

1 Awa nak Simyon Butros, wa n ækli d anam-mazul en Xaysa Elmæsix, a din-ihulan aytedan kul win ægrawnen ezægzan ilân almaqam zun wa nægraw. Ezægzan wa, nægraw-tu es taqqat n Æmëli-nana, n Ænëssefsi-nana Xaysa Elmæsix. ² Ig-awan Mëššina arraxmat d alxer wër nëla æddukad, es masnat ta tægam Mëššina, d Æmëli-nana Xaysa!

Ætawëgra n ælmæsixitan d ætawësænëfran-nasan

³ Egëx-awan tawatray tædi fëlas tarna en Mëššina as dana-x-ihakku arat kul was næddërar y ad nagu tæmæddurt a daq-qu næksud. Ænta a dana-x-iknan esusën en wa dana-x-ixran es tanaya-net d ællu-x-net. ⁴ Æssëbab en tanaya-net d ællu-x-net æntanay as nægraw arkawalan win ogarnen tæla n almaqam, ogaran de-x tæzzëwwært. Arkawalan win, tægrawam-tan fël ad tagim alxal wa d-ifalan Mëššina, tønëmëggëgam d arat kul wa ihallakan a du-tawayan arak deranan n æddënet. ⁵ Fël æddëлил n awen da-x as, agiwat awa tæfragam kul fël ad tæssertëyam ezægzan-nawan d ællu-x, tæssertëyam ællu-x æd masnat, ⁶ tæssertëyam masnat d ænudi da-x wallan-nawan, tæssertëyam ænudi da-x wallan-nawan æd zëmmerat, tæssertëyam zëmmerat æd tæksëda en Mëššina, ⁷ tæssertëyam tæksëda en Mëššina æd tæmmëdrëyya gar-ewwan tæssertëyam tæmmëdrëyya æd tara. ⁸ As da-x-wan d-ændan aratan win di, æglan tittëyan da-x-wan, ad tæqqëlam aytedan tæha tænfa tëtittëy da-x-san masnat n Æmëli-nana Xaysa Elmæsix. ⁹ Mišan awedan wa da-x du-wër-ænden aratan win di, wëdi ola d æmëd-deryël. Egërri-net wër fërrur, ittëw-in fadda as iti-wazazdag da-x bakkadan-net win erëwnen.

¹⁰ Awen da-x a fëlas egmâya da-x-wan imëdrayan-in, ad taknim æddëguz wëllen, tæsëssuhem tëxaray ta kawan-iga Mëššina, d esënnëfrën wa kawan-iga. Fëlas arat wëdi as tu-tëgam, wër dawan-ilkem ad tudâm da-x a imosan tækma. ¹¹ Emmëk en da-x as za tagim agaraw ikmalan y iguz en ta-x-mar tëx-lalat n Æmëli-nana, s ænta Ænëssefsi-nana, a t-imosan Xaysa Elmæsix. ¹² Ænta da da æddëлил wa fël kawan-du-sakta-x har faw aratan win, kudde-x as tæsë-nam-tan kala da tæzizawem da-x tidët ta tættafam. ¹³ Mišan iket æhe-x æddënet iwâr-i a kawan-du-sakta-batu ta fël ad tænkëdam. ¹⁴ Fëlas da-x awa di-is-

nafalal Æmëli Xaysa Elmæsix agamad-in æddënet ihôz wëllen. ¹⁵ Mišan ad agax awa æfraga kul y ad iqqël as dëffër tæmattant-in da, ad taglim tækattim-du aratan win har faw.

Tanaya n Elmæsix d awa ænnan Ænnëbitan

¹⁶ Amaran æssënat as wërgëx imayyan a du-tiwanzammen es tæla en tayttay tagget as nëlkam, nesusun-kawan sër-san fël tarna n Æmëli Xaysa Elmæsix d assa-net. Kalar adkul-net a nönay es šit-tawen-nana. ¹⁷ Fëlas igraw ætawësëxmar æd tanaya-xur Mëššina di n Abba. Aratan win igraw-tan as-saxa wad isla y æmëli isinnahalan tæla en tanaya, as das-inna: «Wa, ænta a imosan barar-in wa æknëx tara, ikna esëffëliwës en man-in.» ¹⁸ Æmëli wa nakkanay iman-nanax as das-nësla as d-igmad ijën-nawan, assaxa wad næddew d Æmëli Xaysa fël æd-xax wa zëddigan.

¹⁹ Awa dawan-ænne-x æddi, ittëy-du fall-as awal n ænnëbitan s ænta a ihoran wëllen d ætawëzëgan. Æmazal wen, tægâm tanat tolâxat as sër-ës tæz-zëganam, tæsëxëmaram-tu, fëlas iha ælmital a en fëtæla tæbilazlat da-x adag æhânat šiyay, har d-assarrat azal, isëmmëlwëw Elmæsix imosan atri wa n tifawt iwallan-nawan. ²⁰ Are-x a kawan-æssusë-nax tæzzar as wër t-illa awal n ænnëbitan ihân Ælkëttaban as ifrag ænnëbi a t-id-inzëm gar-es æd man-net. ²¹ Fëlas wër t-illa awal n ænnëbitan imosan arat a d-ifalan aggadëm wala ewâl s awa ira aggadëm. Kalar Infas wa Zëddigan a d-igan da-x wallan n aytedan as æmmëgradan s awal a d-ifâlan Mëššina.

Aytedan win sasaxrinen bahutan

2 Kala ad æhan ænnëbitan en bahu tamattay n Israyil. Emmëk en da-x as kawanay da a da-x-wan t-æmëlan musanan sasaxrinen bahu, a da-x-wan du-z-æssëdnen es tækërras masnaten saxrak-nen, a du-tawaynen ahluk, har as ad unkaran Æmëli wa tan-isaddarfan; awëy-du sër-san awen ahluk en man-nasan a fall-asan du-z-agin ezëbbi a tan-ixdâran. ² A dasan-ælkëman aytedan aggotnen da-x igi en mazalan win ogarnen taxxaramt, amaran imëssësëxra en bahu en da a du-z-awëynen iba n ætawësëfrar en tarrayt ta n tidët. ³ Tara-nasan æddënet, a sër-san du-tawëy âs a da-x-wan ayyawanan agaraw en tænfa es batuten a d-ænza-man. Aytedan win irëw wëllen as tan-ibaz æššërixa,

amaran ahluk-nasan wër iggug! ⁴ Məşşina wër ixləs angalosan win əganen abakkad, kalar igartan dağ anu wër nəl-eder, tawattafan dağ-as əs sas-saran den da dağ şiiyyay har əzəl wa n tabadday. ⁵ Aytedan win ərəwnen da, iwwiddab-tan Məşşina fəl bakkadan-nasan. Mişan assağa wa tan-iğrad ahluk s alwabil wa zəwwəran, issəfsa Nux a itamaran aytedan əs tarrayt ta n taqqat. Issəfsa değ əssa aytedan wiyyad. ⁶ Məşşina ihlâk ayrəm an Sədom, əd wa n Gamora əs təmsay, har əqqalan ežəd. Iwwiddab-tan Məşşina s əhluk wen fəl ad əqqəlan almasal y aytedan win tu-wər-nəksud. ⁷ Mişan ixləs Lot a imosan awedan oğadan, iğşâd ark alxal labasan ən nəmməzray win den iman-net. ⁸ Fəlas Lot aləs iğdâlan a imos, izdâğan ammas n ark aytedan win, ihannay, isallu değ y ark aratan wër nəmməkkan win taggin əkkulluk n əzəl. Arat wen da a izzozaran iman ən Lot wəllen fəlas əwəl-net a iğdalan. ⁹ Dağ adi arat wa, issikna as Əməli issân əmmək was z'ixləs dağ jarrabatan aytedan win t-əksudnen, issân değ əmmək was z'ittəf aytedan win tu-wər-nəksud, har d-awəd əzəl a ilkaman s ən-ta a daq-ğan z'awwaddab. ¹⁰ Aytedan win əlkammen y arak deranan samadasnen şığəswen-nasan, olkân taymar ən Məşşina, əntanay wəllen a z'awwaddab.

Iməssəsəğra ən bahu win, olkân aytedan, əzzizwaran iman-nasan, wër əgen wala arat ən safrar i Kəl Tanaya win jənnawan, kalar takkasan-asan tarna. ¹¹ Wala angalosan, a tan-ogarnen wəllen təla ən fərregat, ogaran-tan təla ən tarna, da wër təkkəsən tarna dat Məşşina i Kəl Tanaya win. ¹² Mişan aytedan win, wër əssenən a taggin den, wër əzlayan əd wəxsan a du-wər-nəhəw ar y ad tatarlasan, tâwanxin. Aytedan win takkâsan tarna y a wër əzdayan, amaran ad agin ətəwənxə wa tawaggin wəxsan. ¹³ Ənta den dağ attadib wa dasan-z-itəwəggin fəl arak mazalan-nasan. Ezal a mallan ad tamazalan arak deranan-nasan. As dərwan nağaman dağ məğura, ad arin a kawan-takar-rasan, amaran ənəğima-nasan iğşad-awan esəm wəllen. ¹⁴ Şittawen-nasan, wër tanat-iha ar tara n igi n əzzəna, faw da erân igi n abakkad, takar-rasan-du əs man-nasan aytedan win as irkam əzəgzan-nasan y a tan-səssugin ibakkadan. Aytedan win, faw da wër gəmməyan ar a əgrawan əs təməwit wër noğed, amaran təwâr-tan tulyant. ¹⁵ Əgmadan tarrayt ta tolayat, əlkaman i Balğam wa n ag Bosor, əxrakan. Balğam tara n əzrəf n alxaram a tu-tewayat s as irda s igi ən təkma. ¹⁶ Mişan ya isla y ərriymatan fəl təmazrəyt ta iga den. Tajat fadda, a təşşewalat s əməsli n aggadəm, təgdal y ənnəbi wen igi n əmazal n əmməskəl was otas igi-net den.

¹⁷ Iməssəsəğra ən bahu win, olân d enwan wër əhen aman, əd garakan təbbât təzəkkay sa əd sa. Edag-nasan issins-asan-tu Məşşina dağ şiiyyay şin ogarnen tallabəst. ¹⁸ Awal-nasan wër nəla al-

mağna waliyyan, za wër ənfen wala, d arak deranan-nasan as du-takarrasan aytedan win as səket a d-əggazan tarrayt ta tolayat, əmməzzayan-du d aytedan win əxraknen, a tan-sisuginen əzzəna. ¹⁹ Gannin-asan a tan-əkkəsən dağ təla, ənta iman-nasan as əmosan eklan n arak deranan-nasan tawaynen s əhluk. Ənta awedan kul akli a imos n arat wa t-ornan. ²⁰ Kud aytedan win əssannen Əməli-nana Xaysa Əlməsix, imosan Ənəsəfsi-nana, namaggagan əd tadjarganen n əddənət, dəffər adi amaran oyyan iman-nasan əqqalan tadjarganen şin den, adi za tawarnan. Alxalat ta əggazan den təşşam-as fadda ta d-əgmadan əs tizarat. ²¹ Fəlas of-asan fadda, ad imos as wër kala ad əzdayan tarrayt ta n taqqat y ad imos as əzdəyan-tat, dəffər awen amaran ammazrayan alwajib zəddigan was dasan-itawanna a das-əlkəman. ²² Awa igrawan iməssəsəğra ən bahu win, isitadda batu ta əgan kəl awal as ənnan: «Idi as iga afşi, a t-id-iqqəl atş-ay.» Ənnan değ: «Əzubara kud das-təşşorada da, amazay wədi da a dağ z'iqqəl talaq izəggəluləz dağ-as.»

Arkawal ən tawaylay n Əməli

3 Ya imaran-in, şirawt-in ta, ənta ta n sanatat a dawan-in-əktaba. Şira şin kul, gammaya dağ-asnat a dawan-agay ənnəsixa n ad tətagim ənnəzər olağan igân s əwəl iyyanda dağ əsəssəğri wa təgrawam. Awen dağ as areğ a dawan-t-id-assakta. ² Əddi ad za taktim awalan win as kala tan-əgan ən-nəbitan a zaddognen. Taktim değ alwajib wa dawan-əmalan nəmmuzal-nawan. Alwajib wa, ifâl-du wa imosan Əməli, imos değ Ənəsəfsi. ³ Dağ tizarat, areğ ad təssənam âs dağ adan win əlkammen, ad t-əməlan nujaban labasnen, wër nəl-kem ar y arak deranan-nasan, ad tajaban dağ əzəgzan-nawan. ⁴ Ad gannin: «Inna a d-asu! Ənda ya, mas iqqal asa-du? İmarawan-nana da aba-tan, amaran wa du-tənta əddənət, wër imməttay wala dağ talğa ta har əmərədda!» ⁵ Mişan aytedan win ganninen awa, ill-ay arat iyyan a din-tatawin, amaran əg-mayan-in awen, a t-imosan as ijənnawan d amaçal, a irəwan wəllen a d-əxlakan. Məşşina a izammaz-zayan aman d amaçal s awal-net, amaran aman en da, as d-ixlak amaçal. ⁶ Aman win dağ den, as təhlak əddənət ta tərəwat, əğradan-tat alamaz. ⁷ Amaran awal wen dağ den as tawagazan jənnawan d amaçal har harwa da, fəl ad təwəkfin i təmsay, har d-awəd əzəl wa dağ z'abəz əşşərixa aytedan win wər nəksud Məşşina əhləkan.

⁸ Dər iga awen da ya, ill-ay arat iyyan as a t-in-wər-tattawim, imaran-in, a t-imosan as: Xur Əməli, əzəl iyyanda wër izlay d əgim n awatay, amaran ag-im n awatay wër əzlayan d əzəl. ⁹ Əməli wër isəlulit əsəndi n arkawal, awa əğilan aytedan wiyyad. Təhay təzaydart wəllen y-awan. Wër ira ad ihlək awedan waliyyan. Kalar a ira ad utaban aytedan kul. ¹⁰ Əzəl wa ilkaman, a d-agu assa wa d-itaggu

abaydag. Ezel wen, ad tægræd tæmsay ahluk n awa ihan ijønnawan kul, iba tamayyamayt ən jønnawan, iddew awen d əməsli iknân tallabəst, ikşəf amaḍal d awa fall-as itawamazalan kul fəl ad təwəxkəman. ¹¹ Dad zamas aratan win kul ad əyrədan ahluk, wədi əssənat ənnuɣ n anamod was kawan-iwâr a das-təlkəmam dəy təməddurt-nawan. Iwâr-kawan ad tagim alxal zəddigan wa ira Məşşina, tiksadam-tu, ¹² awen agiwat-tu təssigadam, tədgâzam dəy a d-awəd əzəl a ilkaman, imosan əzəl a dəy za bələgləgan jønnawan, ibələgləg dəy awa tan-ihan kul, əlyəman. ¹³ Nəqqâl y ad t-əməlan jønnawan d amaḍal aynaynen, a daq-qu z'iməl əşşəriɣa oɣadan, imos as awen dəy as danaɣ-iga Məşşina arkawal-net.

Aholan win əlkammen

¹⁴ Dəy adi imaran-in, dəy əsəgəd wa təgam da, ədgəzat wəllen, dəy agamay n a kawan-d-asu Əməli təzəddigam, wər təlem a imosan əlxib, təs-

sibdadam awa imosan alxer gar-ewwan əd Məşşina. ¹⁵ Agiwat iduf n as təzəydart n Əməli-nana, ənta a təmosat efsan-nawan. Arat wədi amadəy-nana n əməri-nana Buləs da imâl-awan-tu dəy şirawt-net, əs masnat ta t-ikfa Məşşina. ¹⁶ Awen dəy a itaggu dəy şira-net kul şin dəy iga batu ta. Şira şin, əhân-tanat daggan as izzəwat əgərri-nasan. Idaggan win, safrayən-tan aytedan win aljahilan, as irkam əzəgzan-nasan, awa taggin y Əlkəttaban win hadatnen, amaran awen hallakan sər-əs iman-nasan.

¹⁷ Ya imaran-in, dad zamas təgrâwam isalan, ənkədat wəllen, fəl ad wər təlkəmam y əxruk wa əgan aytedan win wər nəksud Məşşina, fəl ad wər tammazzayam d əsəggətəkki wa təgam dəy əzəgzan-nawan. ¹⁸ Kalar are dəy-wan ad təşşitim əzəzzəwi dəy arraxmat ta təgrawam, əd masnat ən Xaysa Əlməsix, s ənta Əməli-nana n Ənəssefsi-nana. Ənta a ilan tanaya əmərədda, il-et dəy har faw. Amin!

1 Yaxya

Təzugəst ən salan

1 Nəkattab-awan-in isalan ən wa imosan awal ihakku tēməddurt. Awal wa ill-ay dat ənətti n əddənət: nəsl-as nənay-tu əs şittawen-nana, nəzigəzd-ay, amaran ədâsan-tu fassan-nana. ² Wa imosan tēməddurt, itawasanafalal-du nənay-tu nəggəyat-as, amaran nəmâm-awan tēməddurt ta təxlalat tas kala təlla ħur Abba. Tēməddurt ta əmərədda tətawasanafalal-ana-du. ³ Tidət a imos as arət wa nənay əd was nəsla nəmâm-awan-tan, fəl ad təqqələm kawanay da aytedan a dər-na ərta-yen. Tartəyt ta tidət a imos as nəg-et əd Məşşina Abba-nana əd Barar-net Ħaysa Əlməsix. ⁴ Aratan win wər dawan-tan-in-nəkəttəb ar fəl ad tandu tədəwit-nana.

Məşşina ənnur a imos

⁵ Əntanay da isalan ən Ħaysa Əlməsix win as nəsla, nətagg-awan-tan: Məşşina ənnur a imos, wər t-ihə a imosan şiyay.

⁶ Kud a nənna nertay dər-əs amaran nəgla nəji-wankat dəy şiyay, wədi nakkanay inəsbuha, wər nəlkem y arət wa dana-iwaran imosan əmazal əs tidət. ⁷ Mişan as nəjiwankat dəy ənnur s ənta a ihə Məşşina iman-net, wədi nertây, amaran azni ən barar-net Ħaysa izzizdag-ana dəy id t-illa abakkad.

⁸ As nənna wər dana-iwer abakkad waliyyan wədi bahu a nətaggu i man-nana, amaran wər təha tidət iwəllan-nana. ⁹ Mişan as wər nənkur ibakkadan-nana, dad zamas imos alyadil, oġâd, wədi a danaq-qan-issurəf, izzəzdəg-ana dəy arət wər noyəd kul wa nəmmozal. ¹⁰ As nənna wər nəgə abakkad waliyyan wədi əsəbbəhəw a nəgə Məşşina, amaran awal-net wər ihə iwəllan-nana.

2 Bararan-in arət wa əkattabağ-awan-t-in fəl ad wər tətəggim ibakkadan. As iqqal as iga iyyan dəy-wan abakkad wədi nəla almawakkil ħur Abba a t-imosan Ħaysa Əlməsix s ənta a oğadan, ² fəlas iman-net a ikfa iqqal takutay ta təmmasat ibakkadan-nana. Amaran wərgəy ibakkadan win-nana ħas kalar harkid win aytedan kul.

Ammar irəwan aynay

³ Ənta da arət wa dana-z-issusənan as nəssân-tu: Ad nətamazal arət kul was danağ-omar. ⁴ As inna awedan issân-tu ənta amaran wər itəmizil arət was omar, awedan wədi anasbahu a imos isitaddan as

wər təha tidət iman-net. ⁵ Mişan wa itamazalan s awal-net wədi tənifalal dəy-as tara ən Məşşina tək-mâlat. Ənta da əmmək was nəssan as nertay d Əlməsix:

⁶ Wa innan ihə Əlməsix iman-net iwâr-tu igi ən tēməddurt ta iga Əlməsix. ⁷ Imaran-in ammar wa wər imos arət aynayan a dawan-in-kattaba, ammar awa wanad da irəwan a, təgrâwam harwa dəy tizarat imosan isalan win as təslam. ⁸ Dər iga awen da ya ammar wa dawan-in-kattaba da aynay. Şinaya-net tətawahannay dəy Əlməsix, tətawahannay dəy dəy-wan, fəlas şiyay a tamattatnen itimələwləw d ənnur wa n tidət.

⁹ Wa innan ihə ənnur ənta ikyad amadrəy-net wədi harwa da ihə şiyay. ¹⁰ Wa iran amadrəy-net wədi ənnur a ihə, amaran dad zamas ihə ənnur wədi wər tu-təlla təsənkəft a tu-za-taggadlit. ¹¹ Mişan wa ikyadan amadrəy-net wədi şiyay a ihə, iji-wankat dəy-asnat, wər issen sas idag fəlas sidaryalnat-tu.

Əddənət əd zəngə n Əlməsix

¹² Bararan əkattabağ-awan-in as: ibakkadan-nawan ətiwasarafan-awan s əssəbab n arət wa iga Ħaysa Əlməsix. ¹³⁻¹⁴ Bararan, kattabağ-awan-in fəlas təssânam Abba.

Abbatan əkattabağ-awan-in fəlas təssânam wa t-imalan harwa dəy tizarat.

Təmmədrəyt, əkattabağ-awan-in arət wa fəlas əs-sahət a təgam dəy tarrayt ta n Məşşina tornâm əlxəkum n İblis.

¹⁵ Ad wər tirem əddənət wala tirem arət a tatihan təll-ay. As ira awedan əddənət tara ta n Abba wər tu-za-təggəz. ¹⁶ Fəlas aratan kul win əddənət, a tan-imosan: tara ən man, tara n əddənət, zazwar ən man wa du-tətaway təgərgist, aratan win kul wər d-əfelan Abba, kalar in əddənət. ¹⁷ Əddənət d ətəwəra-net ad əyrədan, mişan win əlkamnen i tara ən Məşşina ad əxləsan har faw.

¹⁸ Bararan-in tilkamat n əssağat tənta. Təslam as a d-asu awedan imosan azangaw n Əlməsix. Əmərədda aytedan aggotnen a d-osanen əmosnen izəngə-net. Arət wa da a danağ-issosanan as tēmastant tənda. ¹⁹ Aytedan win əmosnen izəngə n Əlməsix nakkanay a da din-əgmədan, mişan wər əmosan arət dəy-na. Fəlas ənnar t-əmosan wər dana-z-əgmədan. Mişan əfalan-ana fəl ad igməd əşşak as wər əmosan arət dəy-na. ²⁰ Amaran

kawanay ikf-iwan Infas wa Zëddigan tarna s ënta a kawan-tëkfät ketnawan masnat n arat kul wa imosan tidët. ²¹ Wërgëy fëlas wër tëssenam tidët a fël dawan-in-kattaba, kalar fëlas tat-tëssanam, tidët amaran wër t-illa bahu a tat-du-z-igmedan.

²² Dağ adi ma imosan anasbahu ar wa inkuran as Ğaysa a imosan Elmësix? Wëdi ënta a imosan azan-gaw n Elmësix, inkuran Abba ëd Barar. ²³ I inkuran as Ğaysa a imosan Barar wëdi Abba da wër t-iqbel, amaran wa iqbalan Barar, wëdi Abba da iqbâl-tu.

²⁴ Adi da fëlas sënnëhëlat iduf ën salan win të-grawam dağ tizarat. As tëglam tëttafam arat was tëslam dağ tizarat wëdi har faw tërtayam ëd Barar d Abba. ²⁵ Amaran ënta da arkawal wa dawan-iga Elmësix: A kawan-akfu tëmëddurt ta tëğlalät.

²⁶ Aratan win kattabağ-awan-tan-in fël ëddëlil n aytedan win gammaynen d ësxërk-nawan. ²⁷ Amaran kawanay tarna n Infas wa Zëddigan ta të-grawam ħur Elmësix, tah-iwan. Dağ adi wër tëd-dëraram s ëtëwësësëğra fëlas tarna tëdi da a kawan-tësasaxrit arat kul. Arat wa tësasaxru tidët a imos, fëlas wër tëtëggu bahu. Nëmënnëkat dağ esëm ën Ğaysa s ëmmëk was kawan-isassaxra Infas wa Zëddigan.

Bararan ën Mëššina

²⁸ Bararan-in akniwat tassağ d Elmësix, ëddi as du-z-inëfilël da nëkkäs aššak fël man-nana, wër dër-ës nënamaggag, wër nëkarakad ħur assa-net. ²⁹ Tëssänam as Elmësix ënta a oğadan, dağ adi awedan kul wa itamazalan awa oğadan, wëdi irtây d Elmësix imos değ barar ën Mëššina.

3 Tëhannayam as awa dana-iga Abba da tara a danağ-itawannan bararan ën Mëššina. Amaran nëmos-tan. Eddënet wër dana-tëssen, fëlas wër tëssen Elmësix.

² Imaran-in nakkanay ëmërëdda bararan ën Mëššina a nëmos, amaran arat wa za nëqqël dëffër awa harwa da wër dana-d-inafaläl. Nëssän ħas as Elmësix as du-z-inëfilël nola dër-ës, fëlas anay a tu-za-nagu ënta iman-net. ³ Aytedan win ëganen attama wa, win di ëzzizdagan iman-nasan s ëmmëk as zëddig Elmësix.

⁴ Wa igan abakkad wëdi immizray ëššëriğa ën Mëššina fëlas abakkad almağna-net ëmëzrëy n ëššëriğa. ⁵ Amaran tëssänam as Elmësix osa-du fël a fall-anay ikkës ibakkadan. Enta iman-net wër kala a tan-iga. ⁶ Dağ adi wa dër-ës irtayan imëzzay d igi ën bakkadan, mišan wa tan-itaggin wëdi wër issen Ğaysa za wër igra awa imos.

⁷ Bararan-in a tu-wër-imël awedan a kawan-is-sëxrakan. Awedan wa oğadan ënta a izalalaxan dağ tarrayt, s ëmmëk as oğad Elmësix. ⁸ Wa itaggin ibakkadan Iblis as ilkam fëlas Iblis ħur ënëtti ad iggaz šin igi ën bakkadan. Amaran Barar ën Mëššina osâ-du fël ad izzërëz ëššëğël n Iblis. ⁹ Awedan kul wa imosan barar ën Mëššina wër itëggu ibakkadan fëlas tëmëddurt ta du-tëfalät Mëššina

tëha iman-net. Wër ifreg igi ën bakkadan fëlas barar ën Mëššina a imos. ¹⁰ Enta da arat wa izlayan bararan win Mëššina ëd win Iblis: Aytedan kul win wër nëtëmizil awa oğadan, wër ëren değ imëdrayan-nasan win ëzzëgzannen s Elmësix. Aytedan win di ëntanay a ëmosnen bararan win Iblis.

Tara gër mëdrayan dağ ëzëgzan

¹¹ Tëkittëwam isalan win as tëslam harwa dağ ti-zarat ëmosnen âs: «Nëmëratana gar-ena!» ¹² Dağ adi a dana-wër-iggëz i igân awa iga Kayin, ilkaman y Iblis iga iman n amadray-net. Mafel za itaggen? Iga iman n amadray-net fëlas alxal-net a wër noğed amaran wa n amadray-net oğäd.

¹³ Dağ adi imëdrayan-in, a dawan-wër-iqqën eğaf as tëtüwakyadam dağ ëddënet. ¹⁴ Nakkanay nëssän as nëgmäd-du tëmattant ës tëmëddurt tëzrâyät fëlas imëdrayan-nana dağ ëzëgzan a nëra. Awedan wa wër nëra amadray-net dağ ëzëgzan, wëdi harwa da ënëmmettën a imos. ¹⁵ Awedan wa ikyadan amadray-net dağ ëzëgzan, wëdi ëmëggi ën man a imos, amaran tëssänam as ëmëggi ën man wër das-tu-tëlla tëmëddurt ta tëğlalät. ¹⁶ Tehakkay ta iga Ğaysa iman-net fël ëddëlil-nana, ënta a dana-tëssosanat awa tëmos tara. Nakkanay da iwâr-anay ad nakfu iman-nana fël ëddëlil ën mëdrayan-nana dağ ëzëgzan. ¹⁷ Awedan n ëmëggergës inayan amadray-net dağ ëzëgzan iddiraran izazzandar-tu, manëmmëk as z'itëwënnu tëha tara ën Mëššina ëwël-net? ¹⁸ Bararan-in ad wër tëqqël tara-nana arat ihân imi ħas, kalar tamazalat-tat ës tidët ës mazalan a tat-sinafalalnen.

Ikus n aššak fël man-nana ħur Mëššina

¹⁹ Tëmëwit ta da as nëssan as aytedan ëlkâmnen i tidët a nëmos, dağ adi wër danağ-iššëwaš wala dat Mëššina, ²⁰ kudde tihammen-ana wallan-nanay arak ëmazal. Fëlas Mëššina oğar iwallan-nana, amaran issän dağ arat kul. ²¹ Imaran-in, as dana-wër-tahammen wallan-nana arak ëmazal, wëdi nëkkëset aššak fël man-nana ħur Mëššina. ²² Arat kul wa dağ-as nëgmay a danağ-q-akfu fëlas alwajiban-net as nëlkam, amaran nëtamazal awa das-igrasan.

²³ Enta da arat was danağ-omar: Ad nëzzëgzën s esëm ën Barar-net Ğaysa Elmësix nënëmëru gar-ena s ëmmëk was danağ-omar. ²⁴ Awedan wa ilkaman i tenna ën Mëššina wëdi Mëššina iha iman-net. Ma danağ-issosanan za as iha iman-nana? Ad i za Infas wa Zëddigan wa danağ-ikfa.

Mas za nëssën wa d-ifalan Mëššina

4 Eñkëdat imaran-in, ad wër tëzagzanam y i d-iggadan kul inna Mëššina a t-id-izammazalan, kalar jarrabat-tan tëzzar har tëssënam dağ-san win d-izammazal Mëššina, fëlas ënnëbitan ën bahu aggotnen a ëhanen ëddënet. ² Enta da ëmmëk was za

tæssenam awedan wa d-issægla Infas wa Zëddigan: Awedan kul wa iqbalan as Ýaysa Ælmësix osâ-du ëddënet iha taýessa n aggadëm wëdi Infas wa Zëddigan t-id-izammazalan. ³ Mišan awedan kul wa inkuran Ýaysa wëdi wër t-id-izammazal Mësshina. Awedan wëdi ëmagzar n Ælmësix was tëslam âs a d-asu a t-id-izammazalan. Æmagzar n Ælmësix wëdi iha ëddënet ëmërëdda.

⁴ Kawanay bararan-in, Mësshina a kawan-ilan amaran tornâm ënnëbitan ën bahu win, fëlas wa dër tærtayam ogar wa işýalan y ëddënet. ⁵ Æntanay kël ëddënet a ëmosan. Adi da a fëlas batuten şin n ëddënet a taggin, amaran sasaman-asan aytedan. ⁶ Nakkanay Mësshina a dër nërtay; awedan wa is-sanan Mësshina isasam-ana, wa tu-wër-nëssen amaran wër danay-isësim. Æmmëk wa da as za nëfrëg zëlëyat gër awedan wa d-izammazal Infas wa Zëddigan ëd wa d-izammazal ëmëssexrëk.

Mësshina tara a imos

⁷ Imidawan-in ën maran-in nëmëratana gar-ena fëlas tara Mësshina a du-tëffal. Awedan wa tëha tara, barar ën Mësshina a imos amaran issân-tu. ⁸ Wa wër tëha tara wër issen Mësshina fëlas Mësshina ënta tara. ⁹ Ænta da ëmmëk was dana-isannafalal Mësshina as ir-ana: Barar-net an iyyanda a d-issoka ëddënet fël a sër-ës nëgrëw tëmëddurt taynayat. ¹⁰ Ænta da awa tëmos tara: Wërgëx nakkanay a issëknan Mësshina tara, kalar ënta a danaq-qat-issëknan issoka-du Barar-net ëddënet fël ad iqqël takutay tëmmasat ibakkadan-nana.

¹¹ Imaran-in, dad zamas Mësshina ig-ana tara togdât d awa wëdi nëmëratana gar-ena nakkanay da. ¹² Mësshina wër kala ad t-inay awedan. Mišan kud nënimara gar-ena wëdi iha iman-nana, tëni-falal-du daý-na tara-net ës tëmëwit tëkmâlät. ¹³ Infas-net wa Zëddigan a danay-ikfa, a di da a danay-issosanan as nërtay dër-ës iha iman-nana. ¹⁴ Abba issigla-du Barar-net fël ad iqqël Ænëssefsi n ëddënet. Nënëy-tu ës şittawen-nana, nëtagayyat dëý awen.

¹⁵ I innan s ëwël iyyanda Ýaysa Barar ën Mësshina a imos, wëdi Mësshina iha iman-net, amaran irtây ëd Mësshina. ¹⁶ Nakkanay nëssân daý tara ta danay-iga Mësshina nëzzigzan-tat dëý. Mësshina tara a imos. Was tëha tara iman-net irtây ëd Mësshina iha Mësshina iman-net.

¹⁷ As du-tëga tara ta ënëfilal ikmâlan daý wallan-nana, ad nëkkës aşşak fël man-nana ëzël wa n tabadday, fëlas tëmëddurt-nana daý ëddënet a tolat ëd ta n Ælmësix. ¹⁸ Tara wër tërëttëý ëd tëksëda, fëlas tara tëkmâlät asatay a tëtag tëksëda. Daý adi wa taha tasa wër daý-as tëkmel tara fëlas tasa mërda ën tazak n ëttadib a tëmos. ¹⁹ Nakkanay tëha tara iwallan-nana, fëlas Mësshina a danay-iran ëstizarat. ²⁰ As inna awedan ënta ira Mësshina amaran ikyad ëmidi-net, awedan wëdi anasbahu. Fëlas wa wër nara ëmidi-net ihannay manëmmëk as z'iru

Mësshina a wër ihënnëý? ²¹ Alwajib da wa dana-d-oyya Ælmësix: I irân Mësshina, iret ëmidi-net.

Æzëgzan tægëyya ën Mësshina

⁵ I izzëgzanan as Ýaysa ënta Ælmësix wëdi barar ën Mësshina a imos. I iran ëmaraw, ad iru bararan-net. ² Æntada awa danay-issosanan as nëra bararan ën Mësshina: Tara a nëga Mësshina nëlkâm y alwajiban-net. ³ Tara ën Mësshina lëkkum y alwajiban-net, amaran alwajiban ën Mësshina wër ëmosan ëzuk, ⁴ fëlas bararan ën Mësshina kul ornan ëddënet, amaran tarna ta tëýlabat ëddënet tëdi ëzëgzan-nana.

⁵ Ma imos za wa ornan ëddënet? Adi za awedan wa izzëgzanan as Ýaysa Barar ën Mësshina a imos. ⁶ Ýaysa osâ-du ëddënet, itawasalmaý daý aman, azni-net dëý inşal fël tëgëttawt, daý adi wërgëx aman ýas as d-inafalal, kalar aman d ëzni as d-inafalal. Infas wa Zëddigan a isattaddan arat wa, Infas wa Zëddigan amaran tidët a imos. ⁷ Daý adi karadat tægëyyawen a t-ëllanen ëmosnen: ⁸ Infas wa Zëddigan d aman d ëzni, amaran ketnasnat fël karadatesnat nimannaknat ës tægëyya ta. ⁹ As ëg-gëyen aytedan fël arat ad nëqbël tægëyya-nasan. Mišan tægëyya ta n Mësshina ënta a zëwwërat, amaran ënta a iga i Barar-net. ¹⁰ Wa izzëgzanan ës Barar ën Mësshina, ënta da tëha tægëyya ta iman-net. Wa wër nëzzëgzan ës Mësshina wëdi ësëb-bëhëw a t-iga, fëlas ëzëgzan a wër iga tægëyya ta iga Mësshina fël Barar-net.

¹¹ Ma tësätadda tægëyya ta? Tësätadda as Mësshina ikf-ana tëmëddurt ta tëýlalät, amaran tëmëddurt ta ënta a du-tëgmadat Barar-net. ¹² Wa izzëgzanan ës Barar ën Mësshina igrâw tëmëddurt ta, wa sër-ës wër nëzzëgzan wër tat-igrew.

Æzëgzan igmâd aşşak

¹³ Aratan win ëkattabay-awan-tan-in fël ad tæssënam as tëgrâwam tëmëddurt tëýlälät, kawanay a ëzzëgzannen s esëm ën Barar ën Mësshina. ¹⁴ Ænta da ëmmëk was nëkkës aşşak fël man-nana ýur Mësshina: As daý-as nëgmëý arat inimannakan ëd tara-net wëdi issisam-ana. ¹⁵ Amaran dad zamas nëssân as issisam-ana wëdi arat wa daý-as nëgmëý nëssân as nëgrâw-tu.

¹⁶ As inay iyyan daý-wan amadray-net daý ëzëgzan itaggu abakkad a tu-wër-nëşşëtşä i tëm-say, igmëyet-as daý Mësshina a das-issurëf. Aytedan as ganna win tagginen ibakkadan win wër nëşëtşu ës tëm-say. Mišan ill-ay abakkad wa itawayan ës tëm-say, amaran wërgëx ënta as dawan-ënnëx ad tëtteram i wa t-igan. ¹⁷ Tidët as iba n aqqad abakkad a imos, mišan wërgëx ibakkadan kul şatşin ës tëm-say.

¹⁸ Nëssân as bararan ën Mësshina wër gëllin taggin ibakkadan, fëlas Barar ën Mësshina a tanogazan. Adi da fëlas wër daý-san ifreg Iblis wala.

¹⁹ Nəssân as nakkanay Məşşina a danay-ilan, amaran əddənet ketnet innoda dağ-as Iblis. ²⁰ Nəssân as Barar ən Məşşina osâ-du, amaran ənta a danay-ikfan əgərri fəl ad nəssən Əməli wa n tidət, amaran nərtây d Əməli wa n tidət əs tarrayt ən Barar-net

Çaysa Əlməsix. Ənta a imosan Əməli wa n tidət ihakkan təməddurt ta təylalat.

²¹ Bararan-in agəzat iman-nawan dağ əssənəman.

2 Yaxya

Šihulawen

1 Awa nak amyar a din-ihulan Elkənisat ta tən-nəfranat əd bararan-net. Areq-qawan əs tidət, amaran wərgex nak yas a kawan-iran, aytedan kul win əssannen tidət aran-kawan. ² Nar-iwan fəlas tidət a təhat iman-nana, wər tan-təgəmməd har faw. ³ Egmaya daɣ Məššina di n Abba əd Barar-net Ƴaysa Elməsix a danax-ikfan arraxmat əd təhanint, d alxer, attaddin daɣ-na əs tidət əd tara.

Təməddurt ta təlkatat i tidət

⁴ Ekney təfalawist wəllen as əsleɣ as wiyyad daɣ bararan-nam əzilalaɣan daɣ tarrayt ta n tidət s əm-mək was dana-omar Abba-nana. ⁵ Emərədda, Elkənisat, ənta da arat wa daɣ-am gammaya: ad nənəmərü gar-ena. Wərgex alwajib izrayan a dam-in-əktaɣ da kalar alwajib awa nəgraw harwa ɣur ənətti. ⁶ Tara almaɣna-net ad nəzəluləɣ daɣ alwajiban ən Məššina. Ənta da da alwajib was za təlkmə s ənta as təslam harwa ɣur ənətti.

⁷ Iməssəxrək aggotnen əwizawazan daɣ əddənət. Ma imosan za əməssəxrək n aytedan imos deɣ

azangaw n Elməsix? Adi za wa inkuran as Ƴaysa Elməsix osâ-du əddənət imos aggadəm. ⁸ Daɣ adi ənkedat əd man-nawan fəl ad wər təsəbbənənəm əššəɣəl-nawan. As təgam ənəkud wa ad təgrəwam aroz-nawan indân.

⁹ Awedan kul wa inamaggagan d əsəssəɣri n Elməsix wədi wər irtay əd Məššina. Amaran wa iglan ittâf əsəssəɣri wa, wədi irtây d Abba əd Barar-net. ¹⁰ As kawan-d-osa awedan d əsəssəɣri iyyan wər nəmos wa, a tu-wər-təqbəlam, amaran a das-wər-taɣim assalam fadda. ¹¹ Fəlas i das-oɣan assalam wədi inimannak dər-əs daɣ arak mazalan-net.

Šihulawen šin əlkammen

¹² Əllan-tu aratan aggotnen as areɣ a dawan-tan-in-annaɣ mišan s a wər nəmos akatab ən širawt əs taddawat. Əssofaɣ a kawan-in-asay iman-in annaɣ-awan-tan s əmi d əmi fəl ad təkməl təfalawist-nana. ¹³ Əhulan-kawan-in bararan ən təmidit-nawan ta tən-nəfranat.

3 Yaxya

Šihulawen

1 Awa nak amyar a din-ihulan əməri-nin Gayəs arey əs tidət. ² Əməri-nin əsidaranay-ak tət-təyt day anamod kul, d assahat ən təxəssa-nak zun ta təge day əzəgzan-nak. ³ Əknêx təfalawist wəllen y assa wa di-d-əgan mədrayan-nana day əzəgzan, əmalan-i ənəfilal wa du-təga tidət day təməddurt-nak d əzəluləx wa day-as təge. ⁴ Wər t-illa a di-igân əseffəliwəs ewadan wa di-iga ad aslaş as bararan-in əlkâman i tidət.

Ənəmənnak d əməzrəy

⁵ Əməri-nin tətamazala s alxadala day arat kul wa tətəgga i mədrayan-nana day əzəgzan, wəllen win dak-əmosnen inaftaxan. ⁶ Əntanay dak-əggəyatnen dat Əlkənisat fəl tara ta kay-təhat. Ad tagax arat olaşan as dasan-təsamataga əşikəl-nasan s əmmək wa igrazan i Məşşina.

⁷ Fəlas wər imos əşikəl-nasan ar igi ən salan n Əlməsix, amaran wər əgmayan wala day aytedan win wər nəssen Məşşina. ⁸ Day adi nakkanay a iwar ad nədhəl aytedan ən şilat ən win di fəl a dər-san nənəməşxəl day tarrayt ta n tidət.

⁹ Kala a din-əktabax arat ən şirawt gəzzulat y Əlkənisat mişan Dəyodrefəs irân a dasan-azzâr day

arat kul, wər iqbel a danax-in-igmâdan. ¹⁰ Adi da a fəlas as din-oseş a dawan-agaş isalan n aratan win immozal, əmosnen arak awalan win sər-nay itag-gu. Amaran wər das-igda awen xas, fəlas tugəyt a iga s ad issəgən i mədrayan-nana day əzəgzan əmosnen iməşşukal, igdal deş y aytedan a tan-səm-məguren, istaq-qan day Əlkənisat. ¹¹ Əməri-nin täläl awa olaşan, wərgəş awa labasan. Awedan wa itaggan a olaşan ənta a irtayan əd Məşşina, wa itaggan awa labasan wər issen Məşşina.

¹² Day batu ta n Demetrəyəs aytedan kul əgân fall-as təgəyya tolaşat, amaran tidət tas ilkam, iman-net as fall-as təgəyyat. Nakkanay deş nəga fall-as təgəyya tolaşat, amaran təssânay as təgəyya ta-nana ənta tidət.

Šihulawen šin əlkammen

¹³ Əllan-tu aratan aggotnen as areş a dak-kan-in-annay mişan s a wər nəmos akatab ən şirawt əs taddawat, ¹⁴ fəlas əknêx mərda n a kay-ənəya tar-mad fəl a dak-kan-anna s əmi d əmi. ¹⁵ Əgmâya day Məşşina, a fall-ak d-izazzabben alxer. Əhulan-kay-in midawan-nana. Təhulay-in imidawan-nana, əkkulluk n iyyan təmalaş-as.

Yuday

Šihulawen

1 Širawt a din-təfalat Yuday, imosan akli ən
 1 Yaaysa Elməsix, imos deŷ amadray ən Yaqub.
 Ehulay-in aytedan win igra Məššina di n Abba, ir-
 en, ogâz-tan y əzəl wa du-z-iqqəl Yaaysa Elməsix.
 2 Məššina ya təgeŷ-awan tehakkay təkmâlat i
 təhanint-net d alxer-net əd tara-net!

Batu ta daŷ təmməgrad širawt ta

3 Ya imaran-in, ədgâza wəllen daŷ a dawān-in-ək-
 təba daŷ batu n efsan win nəgraw ketnana.
 Emərədda amaran ənayax as ilzâm-i a dawān-in-
 əktəba fəl a daŷ-wan əgməyax ad tabballanam fəl
 əzəgzan wa ikfa Məššina i win iskat i man-net. Ig-
 asan y as tehakkay iyyadda, **4** əkattabaŷ-awan-in
 fəlas aytedan wər nəksud Məššina a kawan-əggaz-
 nen daw amađal. Safraxan əmazal iqqalan arrax-
 mat wa dana-d-issoka Eməli-nana Məššina, fəl ad
 əgrəwan tarrayt n ad ammazalan aratan win ogar-
 nen taxxaramt. Ənkuran deŷ Emakraz-nana n
 Eməli-nanaŷ an iyyanda a t-imosan Yaaysa Elməsix.
 Ark aytedan win, a irəwan wəllen ad əmalan Elket-
 taban attadib wa dasan-z-itəwəggin.

Iməssəsəgra win bahu

5 A kawan-d-assaktaŷ aratan as ketnawan təkīt-
 təwam-tan. Aktiwat ikus n Eməli tamattay-net daŷ
 Masar a daŷ təha əkkəlu, dəffər adi ihlak win uŷay-
 nen s a sər-əs əzzəgzənan. **6** Aktiwat əlqissat n an-
 galosan win as wər təgda tarna ta əgrawan, əg-
 madan edag was kala ad t-əhan. Awen a fəl tan-
 iwaŷ Məššina daŷ adag a daŷ tiwagazan har faw,
 əqqānan, əhân šiyyay har əzəl maqqaran wa ilka-
 man. **7** Aktiwat-du əlqissat ən Sədom əd Gamora əd
 xərman win tan-əhoznen. Əntanay da zund əmmək
 en daŷ as əgan ibakkadan əmosnen əzzəna, gam-
 mayan deŷ igi n əzzəna əd təxəllak šiyyad.
 Emərədda təazzaban daŷ təmsay təxlâlat, fəl ad
 əqqəlan almasal.

8 Əssənat as əhan-kawan aytedan əddi da taggi-
 nen targəten, taggin imazalan zun win nəmal əddi.
 Targəten šin den nazaman-tanat-du fəl ad əlkə-
 man y arak deranan ən təxəssa-nasan, olkan təx-
 mar n Eməli taggin alfawaxışan daŷ batu n an-
 galosan əlanen tanaya. **9** Wala Mikayil s ənta a
 imosan əmənokəl n angalosan da assaxa wad im-
 məstan d Iblis daŷ batu ən təxəssa ən Musa, wər

ihel šikəggar-net. Kalar tənna ŷas a das-iga:
 Awwaddabet-kay Eməli! **10** Ark aytedan win ama-
 ran, takaggaran i wər əzdayan fadda. Amaran arat
 wa əssanan, əgân-as masnat zun ta n mudaran a
 wər nəla əgərri, ahluk ŷas a tan-z-əgu.

11 İket alŷazab ad t-əgin! Fəlas ləkkum a əgan i
 tarrayt ta n Kayin. Tara n a əgrawan a sər-san du-
 təwayat as oyyan iman-nasan əggazan alxata olân
 əd wa n Balyam. Ad əxrədan ahluk fəlas əgan əfəl-
 ləg zun wa iga Quray. **12** Awalla olân əd təkma-
 wen əllanen daw amađal. Taggazan-kawan daŷ tədrəwt
 ta tətəggim imensewan gar-ewwan kawanay a n
 əlməsixitan. Tattin s igət, wər əlen təkarakit, wər
 kəttəwan ar iman-nasan. Olân deŷ d əgnawan wər
 iha akonak ibbat-tan ađu. Olân harwa da d eškan
 as d-ewad alwaq n ara-nasan wər tan-iha ara
 waliyyan, tiwalbayan-du əd kewan-nasan, əknân
 taŷart. **13** Əgân arak mazalan-nasan əmosnen
 təkarakit olân əd fanŷalan win iggar agarew əs
 təšəšwit-net. Olân d etran itaway aŷaf wər əssen-
 an is ədagan, əqqiman daŷ šiyyay šin ogarnen har
 faw.

14 Əntanay da təqqal-tan batu ta iga ənnəbi
 Xenok, imosan ahaya wa n əssa n Adəm. Inna sər-
 san: «*Ənəy, Eməli a d-asu iddew əd təmərwen ən
 giman n angalosan,*¹⁵ *fəl ad işrəŷ y əddənet ketnet.
 Ad issəbdəd aytedan kul fəl mazalan wər noyed
 win əgan əmosnen iba n təksəda ən Məššina. Ad is-
 səbdəd deŷ inasbakkadan fəl ikus wa əgan tarna y
 esəm-net.*»

16 Aytedan win, wər əlen igda, faw əššakan awa
 tan-igrawan, əlkâman y arak deranan-nasan. Tag-
 ggin batuten əmosnen ibaragan, əmmalan aytedan
 imos awen agamay n a əgrawan.

Awal ən nəmmuzal d ənnəsixa

17 Mišan kawanay ya imaran-in, aktiwat awa
 əmalan nəmmuzal n Eməli-nana Yaaysa Elməsix.
 Arat wa harwa da wər iga as t-əmalan, a t-imosan
18 as dawān-ənnan: «*Daŷ azzaman win əlkamnen,
 ad t-əməlan ark aytedan ən nujaban a z'əlkəmnen
 y arak deranan-nasan.*» Awa taggin aytedan win is-
 sikna as wər əksudan Məššina. **19** Əntanay əddi da
 aytedan win zamazzaynen əlməsixitan. Wər əlke-
 man ar i tara ən man-nasan, wər tan-iha Infas wa
 Zəddigan.

20 Mišan kawanay ya imaran-in, səssuhətat
 əzəgzan-nawan a daŷ təsihəddam fəl əsəssəxri it-

tiddan zëddig, ad tətattaram əs tilalt n Infas wa Zëddigan. ²¹ Zəzzəwətət day tara ən Məššina. Agiwat attama-nawan day Əməli-nana Ƴaysa Əlməsix, a dawan-ihənəttət, akf-iwan tēməddurt ta təɣlalət. ²² Hənəttətət y aytedan win as iha aššak əzəgzan-nasan. ²³ Safsiwat win day togazam arət təkəkəsam-tan-du day təmsay. Win hadatnen amaran hənəttət-atan a daq-qan təkəsudam, takədam əd wala šibədday-nasan fəlas simadasan-tanat bakkadan-nasan.

²⁴⁻²⁵ Agiwatana təmmalen i Məššina di n iyyan s ənta a danax-issəfsan əs tarrayt n Əməli-nana Ƴaysa Əlməsix! Ənta a ifragan agadal y-awan ad təfətəqqem day igi ən talbast. Ifrâg a kawan-agu aytedan as tu-wər-illa i ifragan a day-san d-inəy ark arət, taknim təfalawist fəlas tərtâyam dər-əs day tanaya-net. Ənta a ihoran əd tanaya d ədkul əd tarna əd taymar, har faw, gər day azzaman win okaynen, wala əmərədda, wala awa d-izayan! Amin!

Elkøttab wa n Enøfilal

Enønti d assalaman

Enønti

1 Elkøttab wa tidøt tøybârat a mosan salan win t-øhanen, amaran Xaysa Elmøsix a tan-isannafalalan. Møššina a t-issosanan daX tidøt ta, føl ad assaknu inaybidan-net aratan a z'aginen daX azza-man wør nøggug. Xaysa Elmøsix a issosanan aratan win y ønaybid-net Yaxya s øsuki wa t-id-iga angalos-net. ² Arat kul wa inay Yaxya da, illikan as awal øn Møššina a imos, illikan deX as tøgøyya øn Xaysa Elmøsix a imos. ³ Ibbilal wa iXarrin s ømøslidkâlan isalan win nafalalnen daX ølkøttab wa øššewalnen daX batu n aratan win ømøredda ød win d-øzaynen! Ebbilalan win das-sasammen, øbbirdagan-as, følas alwaq wør iggug.

Assalaman

⁴ Awa nak Yaxya, a din-iktâban y Elkønisaten a n øssayat øhanen akal n Asøya. Emøli s ønta a t-illan kala da, ill-ay deX ømøredda, amaran ønta a d-izayan, a daX øgmayaX a dawan-agu arraxmat d alxer. Tøgrøwamet arraxmat d alxer Xur øssa ørruxanitan win øllanen dat tøxawit ta n taXmar n Emøli! ⁵ Tøgrøwamet-tan deX Xur Xaysa Elmøsix, imosan tøgøyya tæssiflasat, imos deX Barar wa n ayafadday a d-inkaran daX tømattant, imos ømuzar øn mønokalan n øddønet. Xaysa Elmøsix ir-anay amaran isaddarfata-ana daX bakkadan-nanay, øs tøkutay ta iqqal øzni-net. ⁶ Ig-anay imønokalan ød limaman i Møššina di n Abba-net. Enata a ilan tanaya, azzar y arat kul har faw! Amin!

⁷ Enata øddi a d-izayan øddi iha-du šignawen. Aytedan kul ad t-ønayan harkid win t-ødagnen saxxarabben-tu øs tözoli. Tawšeten n øddønet kul a fall-asnat tagu tøføyawt daX talXa n awa t-igrawan. Awalla awen daX a igan. Amin!

⁸ Emøli Møššina ønta a innan: «Nak a imosan Alfa, ømosa deX Omega, almayna wa azzaran, ilkâm. Emosa wa t-illan kala da, ømosa wa t-illan ømøredda, ømosa deX wa d-izayan; ømosa Møššina di n ømøli øn tarna kul.»

Aratan win nafalalnen i Yaxya

Enøfilal øn Wa d-Inkaran daX tamattant ød šira økkanen Elkønisaten šin øssayat

Enøfilal øn Wa d-Inkaran

⁹ Nak Yaxya, amadray-nawan a mosa, øheX tøsust zun ta daX tøham, ødrâwa dør-wan TaXmar ta n Møššina ød zømmerat. Awen kul ødrâwaq-qu dør-wan daX tørtøyt ød Xaysa. EheX akal imosan gørwøtlan as itawannu Fatmos følas emel a øgeX awal øn Møššina, ømosa deX tøgøyya n awa iga Xaysa. ¹⁰ Ezøl n alxad imosan øzøl iskâtan y Emøli, tobaz-i tarna n Infas wa Zøddigan øn Møššina, øsley døffør-i y ømøslissohen olân d ømøslin anasay n asak. ¹¹ Inn-i ømøsliwen: «Ektøb daX ølkøttab awa tøhannaya da, tøsøsiwøyaq-qu y Elkønisaten a n øssayat a tanat-imosan: ta n Efez ød ta n Esmurna ød ta n Fergamos ød ta n Tøyatir ød ta n Sardes ød ta n Filadelføya ød ta n Lawodikøya.»

¹² Malallayax-in y ad øssønaX awa imos ømøsliwen. As din-malallayax, ønayax øssa sækbal øn føtølaten øgânønen daX urøX. ¹³ Ogge daX garegaray-nasan azzat tolât ød ta n aggadøm. Azzat ten, tøzlag tøkadkat zagret, totâb idmaran-net s øsatøb n urøX. ¹⁴ EYaf-net ød jøkkad-net øgân tømøllay ta n tøduft, madeX tømøllay ta n øx. Šittawen-net olânat d abalagleg øn tømsay. ¹⁵ Idaran-net imilawlawan zun darøX illiXlayan, ikna søllul, ømøslinet amaran ola d øjit zøwwøran n aman aggotnen. ¹⁶ Efus-net wa n øXil øhan-tu øssa etran, imi-net tøgammad-tidu takoba tøknât tawala føl øššin fayyan-net. Udøm-net iga ømølewlew wa n tøfuk a du-tøknât øzøreyyi.

¹⁷ As t-ønaya, fataqqe Xur daran-net, zun âs øgmâdan-i man. Tøzzar issøwar-i øfus-net wa n øXil, inn-i: «A kay wør tøggøz tasa! Nak a imosan wa azzaran, ømosa deX wa ilkaman. ¹⁸ Emosa wa idaran! Kala a di-aba, mišan ømøredda, nak da idaran da, har faw! Ettâfa tanat øn tømattant d alaxirat. ¹⁹ DaX adi øktøb awa tøhannaya, gøz za wa itaggin ømøredda, wala deX wa d-izayan. ²⁰ Enata da almayna n øssir wa n øssa etran win øhanen øfus-in wa n øXil d øssa sækbal øn føtølaten win øganen daX urøX: Ešsa etran win, ømosan angalosan win

əssa n Əlkənīsaten a n əssayət, amaran isəkbal ən fətəlaten win əssa əmosan Əlkənīsaten a n əssayət iman-nasnat.»

Şirawt təkkât Əlkənīsāt ta n Efez

2 Əktəb y angalos n Əlkənīsāt ta n Efez as: «Arat da wa inna wa ittafan etran win əssa dağ əfus-net wa n əxil, ijiwankat gər səkbəl ən fətəlaten win əssa n urəx: ² "Kawanay kəl-Əlkənīsāt ta n Efez, əssâna dağ mazalan-nawan, d əşşəxələn win təgam, əd zəmmerat-nawan. Əssânağ âs wər təqbelam inəllubas, tətajarrabam değ win ənnanən əs bahu əmosan inəmmuzal. Təsat-taddam as bahu a taggin. ³ Təmosam Əlkənīsāt təzmarat y aratan kul. Təyyəwanam alğazab fəl əd-dəlil n esəm-in, mişan wər sər-wan d eway awen tewağlay dəffər-wan. ⁴ Mişan ya ill-ay arat a dağ-wan əşşâka, a t-imosan şiyit ta təgam tara ta kawan-təhat əstizarat. ⁵ Dağ adi, a din-wər-tattawim igəg wa din-təgam dağ igi ən bakkadan! Utabat, tərəzam dağ igi-nasan, ad tətəggim imazalan olağ-nən win tətəggim harwa dağ tizarat. As wər tətubam, wədi a kawan-in-asa, əkkəsəğ əsəkbəl ən fətəlaten-nawan dağ adag-net. ⁶ Dər iga awen da ya, təlâm əlxislat tolağat a tat-imosan as təkyađam imazalan âs nak da əkyâdaq-ğan win taggin aytedan win Nikolayitatan. ⁷ Wa isallin aslet y awa inna Infas wa Zəddigan y Əlkənīsaten: 'Wa d-ornan, ad t-əşşatşay ara n aşək wa n təməddurt, ihân aljannat ən Məşşina.'"»

Şirawt təkkât Əlkənīsāt ta n Əsmurna

⁸ Əktəb y angalos n Əlkənīsāt ta n Əsmurna as: «Ənta da awa inna wa imosan wa azzaran, imos değ wa ilkaman, aba-tu inkar-du dağ təmattant: ⁹ "Kawanay Kəl-Əlkənīsāt ta n Əsmurna əssâna dağ təssust ta kawan-təğrawat, d əlləqqəw-nawan labasan. Mişan arat wa imosan tidət, as iməggərgas a təmosam! Əssâna dağ ərrəbdan win kawan-taggin aytedan win ganninen əmosan Kəl-Əlyəhud əs bahu, əntanay amaran wər əmosan ar tiddawat ən nalkiman n Aşşaytan! ¹⁰ Ad wər tiksadam alğazab wa dağ-wan ilkaman. Səsəmat, kəl-Əlkənīsāt ta n Əsmurna! İblis a kawan-əjjarrab s ad agu arat dağ-wan dağ kasaw. Ad tagim maraw adan tətihadğazam. Əğdəlat dağ əzəğzan-nawan iket təddaram, əddi a kawan-akfağ aroz imosan təkəbbut ta n annajax. ¹¹ Wa isallin aslet y awa inna Infas wa Zəddigan y Əlkənīsaten! Wa d-ornan, wər z'iggəz Jahannama."»

Şirawt təkkât Əlkənīsāt ta n Fergamos

¹² Əktəb y angalos n Əlkənīsāt ta n Fergamos as: «Arat da wa inna wa ilan takoba ta təkənāt tawala fəl əşşin fayyan-net: ¹³ "Kawanay kəl-Əlkənīsāt ta n Fergamos, əssâna dad təllam, amaran əddi dağ ad təlla taymar n Aşşaytan. Təsigatakkem dağ tarrayt

ta-nin. Wər təmməzzəyam d əzəğzan sər-i. Təttafam əzəğzan-nawan harkid dağ azzaman win dağ tawagğan man n Antifas, imosan ənalkim-in iğdâlan, imos değ təğəyya-nin. Itawənğa dağ ağrəm-nawan, imosan dad illa Aşşaytan. ¹⁴ Mişan ya, əllan-tu aratən a dağ-wan əşşâka, a tan-imosan âs: Əhân-kawan aytedan əlkâmnen i tarrayt ta n Balğâm s ənta a isassağran əmənokal Balağ əm-mək was z'agu taftaw i Kəl-İsrayil y a tan-isəssugu abakkad. İg-asan təmərkest a fəl z'atşin isan əmmidasnen ən təkutawen tiwagğanen y əssənəman, ağın değ əzzəna. ¹⁵ Əmmək en dağ as kawanay kəl-Əlkənīsāt ta n Fergamos əhân-kawan aytedan zizawatnen dağ tarrayt ta n Nikolayitatan. ¹⁶ Utabat dağ adi. As wər iga adi, a kawan-in-asa tarmad, ammagara d aytedan win di, əs takoba, a tat-imosan awal-in. ¹⁷ Wa isallin aslet y awa inna Infas wa Zəddigan y Əlkənīsaten! Wa d-ornan, ad t-akfağ manna təğbârat, akfağ-qu değ təhunt mallat a fəl iktâb esəm aynayan as tu-wər-illa i t-issânan ar wa t-igrawan."»

Şirawt təkkât Əlkənīsāt ta n Təyatir

¹⁸ Əktəb y angalos n Əlkənīsāt ta n Təyatir as: «Ənta da awa inna Barar ən Məşşina, as şittawen-net olânat d abalagleg ən təmsay, amaran mi-lawlawan daran-net zun daroğ illiğlayan, ikna səl-lul: ¹⁹ "Kawanay kəl-Əlkənīsāt ta n Təyatir, əssânağ awa tətamazalam, əssâna dağ tara ta kawan-təhat, d əzəğzan-nawan d əşşəxəl-nawan əd zəmmerat-nawan. Əssânağ değ as əşşəxələn-nawan win əzraynen, ogaran win azzarnen. ²⁰ Mişan ya ill-ay arat a dağ-wan əşşâkağ a t-imosan as toyyam tantut ta təgat Yezabel, təgannu tənnebit a təmos. Təsasağru inaybidan-in təsaxrak-kan, təsisug-en arak mazalan əmosnen əzzəna, əd tattay ən şan ən təkutawen tiwagğanen y əssənəman. ²¹ Əkfeq-qat alwağ ewâdan ad tutab, mişan wər tara əməzzəy d alxal-net wa n igi n əzzəna. ²² Awen dağ a fəlas a tat-in-əssukağ təwərna d alğazab əmosnen attadibnet. Win dər tənəmagga əzzəna, a sər-san d-awəya təssust labasat as wər ətuban dağ arak mazalan win tan-təsisugu. ²³ Ad əhləkağ inalkiman ən təntut ten. Əlkənīsaten kul ad əssənnat as nak əmosa wa itamayyan iwallas, amaran akkiyyan dağ-wan ad t-akfağ awa tu-şəşşawadan mazalan-net. ²⁴ Kawanay amaran kəl-Əlkənīsāt ta n Təyatir win wər nəlkem i tarrayt ten, za wər təzdayam aratan win as gannin aytedan win den 'əssiran win din-əğ-gugnen n Aşşaytan', arat da wa ənne dağ batu-nawan: wər kawan-əssəwəra lahan iyyan. ²⁵ Zəz-zəwətət ғas dağ əzəğzan-nawan har din-asa. ²⁶ Wa d-ornan ilkâm y alwajiban-in har təzərəst, wədi ad t-akfağ tizart i tawşeten n əddənet. ²⁷ A dasnat-izar əs taymar təkənāt assahat, addagdak-kanat zun təkən ən talağ, ²⁸ s əmmək as di-ikfa Abba-nin tizart. Ad t-akfa değ atri wa n ağora, almayna a dər-

es ødrøwa taγmar-in. ²⁹ Wa isallin aslet y awa inna Infas wa Zøddigan y Ælkønisaten!"»

Širawt tøkæt Ælkønisat ta n Sardes

3 Æktøb y angalos n Ælkønisat ta n Sardes as: «Arat da wa inna wa ilan øssa ørruxanitan d øssa etran: "Kawanay kæl-Ælkønisat ta n Sardes, øssånay imazalan win tøtaggam. Itawannu 'Ælkønisat ta n Sardes tøddar', kawanay amaran zun as aba-kawan. ² Ænkødat, tøsøssuhem awa dawan-d-iqqiman daγ aytedan. Ad wør iγrød adi ketnet tømattant, følas øgreγ-in as waliyyan daγ mazalan-nawan, wør imos arat ikmālan dat Æmøli-nin Møššina. ³ Daγ adi, aktiwat Ælinjil was tøslam d øsøsøγri wa tøgrawam. Aγødat daγ-as, tutabam. As wør tønkeram daγ etøs, a din-asay øheγ ølmital n abaydag, wør za tøsønam alwaq wa daq-qawan in-z-øγdøra. ⁴ Dør iγa awen da ya, øhan-kawan aytedan ås harwa da wør ømmøzrayan Møššina. Win di a dør-i idawan, ømosan isamlalan, id øhoran d awen. ⁵ Emmøk en daγ as wa d-orran ad alsu tabdoq tøgat tømøllay tøsiraqget, amaran wør z'ømøsay esøm-net daγ ølkøttab wa øhan øsmawan n aytedan win øgrawnen tømøddurt ta tøylyalat. Ad øqbøla dat Abba-nin, d angalos-net ås awedan wødi i-nin. ⁶ Wa isallin aslet y awa inna Infas wa Zøddigan y Ælkønisaten!"»

Širawt tøkæt Ælkønisat ta n Filadelføya

⁷ Æktøb y Angalos n Ælkønisat ta n Filadelføya, as: «Ænta da awa inna wa imosan ømizdag, imos tidøt, amaran ønta a ittafan *tøsassarut ta n ømønokal Dawød, s ønta ås, as olam arat wør t-illa i ifragan tømøhirt-net, as ihar deγ wør t-illa i ifragan allam:* ⁸ "Kawanay kæl-Ælkønisat ta n Filadelføya, øssånay imazalan win tøgām, øssånay as wør tølem šixurad aggotnen, dør iγa awen da ya tøydālam daγ awal-in, wør di-tønkuram. Æssønāt za as olāmāγ-awan tøsøhørt, as wør t-illa i ifragan tømøhirt-net. ⁹ Ænøyat, ønta da awa z'agin: tiddawat øn nalkiman n Aššaytan, a tat-aga daγ fassan-nawan. Gannin ømosan Kæl-Ælyøhud ønta wør tan-ømosan, taggin bahu. Ænøyat, ønta da awa dasan-z-aga: A tan-d-as-saglaγ, øssøjødan γur daran-nawan, amaran ad øssønān, øqbølan deγ as areq-qawan. ¹⁰ Dad zamas tøkāmam y awal-in omaran øs zømmerat, wødi nak da a kawan-agøza daγ tamert ta n jarrabatan win d-øzaynen øddønēt ketnet, føl ad iqqøl awen jarra-ba øgeγ y aytedan n øddønēt kul. ¹¹ A din-asa tarmad. Akniwat øzøzzøwi daγ awa tølam, føl a daγ-wan wør abøz awedan waliyyan aroz-nawan imosan šikøbba-nawan šin tarna. ¹² Wa d-orran, ad t-aga tøgøttawt daγ ahan n ølyibada øn Møššina di n Æmøli-nin, amaran wør t-idu-z-igmød har faw. A fall-as øktøbāγ esøm øn Møššina di n Æmøli-nin, d esøm n øγrøm n Æmøli-nin Møššina, a t-imosan Yerusalem ta taynayāt, a du-tøzzibbet daγ jøn-

nawan, isisaway-tat-du Æmøli-nin, øktøbāγ deγ fall-as esøm-in wa aynayan. ¹³ Wa isallin aslet y awa inna Infas wa Zøddigan y Ælkønisaten!"»

Širawt tøkæt Ælkønisat ta n Lawodikøya

¹⁴ Æktøb y angalos n Ælkønisat ta n Lawodikøya, as: «Arat da wa d-inna was itawannu "Amin", s ønta a imosan tøgøyya ta tøydalat, tømøs tidøt, amaran ønta ølæsøl n økkulluk n arat: ¹⁵ "Kawanay kæl-Ælkønisat ta n Lawodikøya, øssånay awa tømamazalam: Wørmad tøsømmidam, za wør tøkкусam. Æn-nar tøsømmidam madøγ tøkкусam! ¹⁶ Mišān dad zamas tølimzayyanam, wørmad tøsømmidam za wør tøkкусam, wødi a kawan-d-afsa, ¹⁷ id a tøgānam: 'Nøggirgas, amaran iman-nana a nøsaggargas. Wør nøddørar øs wala.' Awen tøgānim-tu følas wør tøsønam as kawanay tøllam-tu d øγšud øn man, tøhoram d i dawan-ihanatten, tømøsām šiløqqawen, tøddirγalam, wør tøsem wala. ¹⁸ Ægeγ-awan ønnøsixa n a γur-i tazzanzim urøγ wa itawajarraban øs tømōsay, føl a sør-øš taggargasam, tazzanzim γur-i deγ tabdoq mallat, føl ad talsim, ib-as kawan-tøtabaz tøkarakit n as tøzzafam, tazzanzim γur-i deγ amagal a za tøzwøyam i šittawen-nawan, iqqøl-kawan-du asawad-nawan. ¹⁹ Nak, aytedan win areγ, øntānāy a føl šawala, suγulaq-qan-du tarrayt. Daγ adi akniwat gøllejat, tutabam. ²⁰ Ænøyat! Nak ølleγ γur tøsøhørt n ahan takawkawaq-qat. As di-ista awedan, olam-i øhan, ad øggøzay aγaywan-net, ødrøwa dør-øš tømøk-lawt. ²¹ Wa d-orran, a t-akfay tøttøyt n a dør-i in-øγimu føl tøxawit ta n taγmar-in, zund ømmøk as nak da assayā wa d-orneγ, øgleγ nayāma d Abba-nin føl tøxawit ta n taγmar-net. ²² Wa isallin aslet y awa inna Infas wa Zøddigan y Ælkønisaten!"»

Awa du-z-inøfilølan daγ jønawan

Ænøfilal øn tøxawit ta n taγmar øn Møššina

4 Døffer awen ønaya tøsøhørt tønnoamat daγ jønawan. Æsleγ y ømøslī was øsleγ dat awen, olān d anasay n asak. Igann-i ømøslī wen: «Gazzay-du sa da, a kay-assaknay arat was kundaba iγa døf-før awa.» ² Wala ihoggan tobaz-i tarna n Infas wa Zøddigan, øggeγ tøxawit øn taγmar ta tøhat ijøn-nawan. Tøxawit ten iqqim fall-as awedan. ³ Wa iqqiman føl tøxawit ten, iγa ømøløwløw a n tøhunt iyyat tølāt almaqam, as itawannu jasfa d iyyat as itawannu sardwan. Tøylyat-tat tøzzøl-adar a du-tøsaktit tøhunt iyyat tømilawlawat tølāt almaqam as itawannu emrod. ⁴ Tøxawit ta n taγmar øn, øylaynat-tat sanatāt tømørwēn øn tøxawit øn taγmar d økkozat, a føl øqqiman sanatāt tømørwēn n ømyar d økkoz øn samlalan, øssiwarnen šikøbba øn taγmar øgānen daγ urøγ. ⁵ Gammadān-tat-du es-man ød maslan d eggagan. Æryān dat-øš øssa belan øn tømōsay, ømosnen øssa ørruxanitan øn Møššina.

⁶ Tøxawit ta n taγmar en, oray-tat-du arat olân d agaraw imilawlawan wøllen, igân øγøtøsa a n tølfnø-jart.

Ammas-net ød γølyøγølayan-net øhân-tan økkoz mudaran as ilamawan-nasan ølsân øittawen sa sør dat, ølsân-tanat deγ sa sør øløqqam. ⁷ Æmudar wa azzaran ola d ahar, wa n øøøin ola d øhøri, wa n karad amaran isakta-du udøm-net wa n aggadøm, wa n økkoz ola ød tønagmart tøggådat. ⁸ Amaran imudaran win økkoz en, økkulluk n iyyan daγ-san ila øødis øfrutan ølsânat øittawen sas ammas ød sas afalla. Wør tøføstin øhad øzal gannin:

«Æmizdag, Æmizdag, Æmizdag,
Æmøli Møøøina s ønta a imosan
møøøis øn tarna kul,
imos wa t-illan kala da,
imos deγ wa t-illan ømørødda,
amaran izay-du!»

⁹ Æssiggadan daγ tømmlalen øn tanaya ød saγmar ød godan i Møøøina, s ønta a iqqiman føl tøxawit ta n taγmar, ill-ay har faw. ¹⁰ Amaran id øssøggadan mudaran win den, ad øssøjedan ømγaran γur daran øn wa iqqiman føl tøxawit ta n taγmar, as-sansin øikøbba-nasan øin taγmar, annin:

¹¹ Ya Æmøli-nana Møøøina,
kay a ihoran ød tanaya
d øtøwøøømar, ød tarna,
id kay a d-ixlakan økkulluk n arat.
Aratan kul øllan-tu øs tarrayt øn tara-nak,
amaran kay a tan-d-ixlakan.

Ænøfilal n Æjemar d ølkøttab wa tøwar talxatimt

5 Tøzzar øggeγ daγ øfus wa n øγil øn wa iqqiman føl tøxawit ta n taγmar ølkøttab iwar akatab sa sør ammas ød sa sør afalla. Ælkøttab wen øwarnat-tu øssayøt tølxtatimen, a das-ømosnen øisøγfal. ² Øggeγ angalos iknân tøla øn tarna igannu s ømøslis øsohen: «Ma imos wa ewadan ad øløm ølkøttab wa, aru tølxtatimen øin t-øwarnen?» ³ Miøhan wør t-illa daγ jønnewan za wala ømaðal, wala daw ømaðal, i ifragan allam n ølkøttab wen, wala inøγ awa t-ihan. ⁴ Tøzzar ad halla wøllen id wør t-illa i ifragan allam n ølkøttab wen, wala deγ ifråg anay n awa t-ihan. ⁵ Tøzzar inn-i iyyan daγ ømγaran: «Ayyu tala! Ænøγ, ahar wa n tawøet øn Yahuda, a d-igmådan øzzurrøyya øn Dawød, ønta a d-ornan, amaran ønta fadda a z'aløman ølkøttab wa d øssayøt tølxtatimen-net.» ⁶ Tøzzar øggeγ Æjemar ibdådan daγ ammas øn tøxawit ta n taγmar ød mudaran win økkoz, daγ garegaray n ømγaran. Æjemar wen ola d ømudar igzaman, amaran ila øssa øskawan d øssayøt øittawen ømmittalnen [øssa] ørruxanitan øn Møøøina a d-issøka øddønet ketnet. ⁷ Ihoz-in y ad igrøw ølkøttab daγ øfus wa n øγil øn wa iqqiman føl tøxawit ta n taγmar. ⁸ Assaγa wad igraw Æjemar ølkøttab, ønkaran mudaran win økkoz, d ømγaran win sanatøt tømørwen d økkoz

øssøjedan dat-øsa. Akkiyyan daγ-san ittåf tøhørdant, ød tøkørwøsen n urøγ ødnåynen ødutan øzodnen taqqadnen ømmittalnen øiwatriwen øn mizdagan.

⁹ Æssiggadan daγ tømmlal taynayøt, gannin:

Kay a ihoran d agaraw n ølkøttab, tarzay talxatimt-net,
id øtøwøøzam a tøgeγ.

Amaran azni-nak as tørzama tødarfit n aytedan øn tawøeten kul d øwalan kul ød tømattiwen kul ød kalkan kul, tewayaq-qan-du øs tarrayt ta n Møøøina.

¹⁰ Tøgeq-qan imønøkalan ød limaman,
øγbådnen Æmøli-nana,
amaran ad øxkøman føl øddønet.

¹¹ Ælasaγ-in øsawad, tøzzar øsleγ i maslan n angalos øknånen igøt. Æmosan igiman øn giman, γilayγalayan tøxawit ta n taγmar, γilayγalayan imudaran d ømγaran. ¹² Æssiggadan gannin s ømøslis øsohen:

«Æjemar wa igzaman iqqal takutay,
ihor d agaraw øn tarna
ød tøgørgist ød masnat
ød tøγurad d øtøwøøømar
ød tanaya ød tømmlalen!»

¹³ Tøzzar øsleγ daγ ømazay wen da i tøxøllak kul daγ jønnewan d ømaðal, ød daw ømaðal, ød gørwøwan, ganninat:

«Tømmlalen ød saγmar ød tanaya
ød tarna har faw
in wa iqqiman føl tøxawit ta n taγmar
d Æjemar!»

¹⁴ Tøzzar ønnan mudaran win økkoz: «Amin!»
Æssøjedan ømγaran øγbadan Møøøina d Æjemar.

Talxtatimen øin øssayøt

Æniløm øn talxtatimt ta tazzarat

6 Døffer øwen øggeγ Æjemar øs ølam talxtatimt ta tazzarat daγ øin øssayøt, øsleγ y iyyan daγ økkoz mudaran øs inna s ømøslis ølån d øggag: «Iyyaw!» ² Tøzzar øswadaγ ønayay øys mallan øs d-øsa. øys wen ømawan-net ila tøganzay. Itawakfa tøkøbbut ta n tarna. Igla, imos wa d-ornan, igå deγ ønnøyat n ad øøitu ønnajax.

Æniløm øn talxtatimt ta n sanatøt

³ øs ølam talxtatimt ta n sanatøt, øsleγ y ømudar wa n øøøin øs inna: «Iyyaw!» ⁴ Tøzzar ønayay øys iyyan igân tøzuyay ta n tømsay. Itawakfa ømawan n øys wen førrøgat n ikus n ølaxer daγ øddønet, føl ad tinømønγin aytedan, itawakfa deγ takøba zøwwørat.

Æniløm øn talxtatimt ta n karadat

⁵ øs ølam Æjemar talxtatimt ta n karadat, øsleγ y ømudar wa n karad øs inna: «Iyyaw!» Tøzzar øswadaγ ønayay øys kawalan. Wa iwanan øys wen,

ittâf əlmizan day əfus-net. ⁶ Əsley y a olân d əməsli a d-ifalan imudaran win əkkoz, igannu: «Aganna ən təyya n alkama ƣas as itawarzam əzəl iƣrâdan n əššəxəl. Amaran arat wen əlqimat-net wər tokay təyya d aganna n əššəxir. Widi n azzayt d esmad n alƣanab amaran a tan-wər-tədəsa.»

Æniləm ən talxatimt ta n əkkozat

⁷ As olam talxatimt ta n əkkozat, əsley y əməsli n əmudar wa n əkkoz as inna: «Iyyaw!» ⁸ Təzzar əswadaƣ oggeƣ ays igân taddalət ta n yel təlhây təməllay. Wa iwanan ays wen, esəm-net təmattant, iddew d alaxirat. Təzzar tətawakfa təmattant d alaxirat tarna fəl təzunt ta n əkkozat n amaɖal, fəl ad anƣinat kərəz aytedan əs takoba əd laz əd təwərnawen əmosnen alwaba əd mudaran n əsuf win tattinen aytedan.

Æniləm ən talxatimt ta n səmmosat

⁹ As olam talxatimt ta n səmmosat, oggeƣ daw majmar wa zəwwəran n əsəqqəd ən təkutawen iman n aytedan win as tawaggan man-nasan fəl əd-dəlil n awal ən Məššina əd təgəyya tolaƣat ta əgan daƣ batu n Elməsix. ¹⁰ Ad saƣaren wəllen gannin: «Əməli, imosan əmizdag, imos tidət, har əmmay tətilluleƣ wər təwwəddabaƣ aytedan n əddənet, fəl a daƣ-san izəl əzni-nana wa ənƣalan?» ¹¹ Iman n aytedan win ənaya daw majmar, akkiyyan daƣ-san itiwakfa təkadkat zagret mallat, təzzar itawannasan ad əššitin daƣ təzaydart har d-andin mədrayan-nasan win dər olan əššəxəl daƣ tarrayt ta n Əməli, s əntanay da əhan tarrayt n a dasan-tətəwəggu tanaƣay zun ta dasan-tətawagat.

Æniləm ən talxatimt ta n sədisat

¹² Dəffər awen oggeƣ Əjemar as olam talxatimt ta n sədisat. Təzzar iga amaɖal ənəgəynəgəy labasan. Təqqal təfuk šikawalat, təga təllit ketnet təzuƣay ta n əzni. ¹³ Fataqqen-du etran daƣ jənnawan fəl amaɖal, zund əmmək as tifətəktikan aratan n əšək a fəl d-igâr aɖu issohen. ¹⁴ Ad tatankalan jənnawan, gallin zun təsalat a din-tətadit, əmməd-kalan ədƣaƣan kul, əd gər wətlan win əhanen igərwan, tawakkasan daƣ daggan-nasan. ¹⁵ Imənokalan n əddənet kul d aytedan win daƣ-as əlanen almaƣam əd muzaran ən sojitan əd məggərgas əd kəl tarna d eklan əd lallan, kul əƣradan alaƣas daƣ kəzman d ammas n ədƣaƣan. ¹⁶ Gannin y ədƣaƣan, əd təhun: «Fətəqqətat fall-ana. Səlyəsət-anay ad nugag wa iqqiman fəl təxawit ta n taƣmar. Səlyəsət-anay ad nənəməggəg d alham n Əjemar, ¹⁷ id əzəl wa zəwwəran n alham-nasan a d-osan, amaran mənəi wa ifragan zəmmerat y-as?»

Təmeday n əgim d əkkozat təmərwen d əkkoz win təwar talxatimt ən Məššina

⁷ Dəffər awen, oggeƣ əkkoz angalosan əbdâden daƣ əkkozat təxəmmar n amaɖal. Əttâfan-in əkkoz aɖutan fəl amaɖal, fəl ad wər iger aɖu fəl amaɖal, wala fəl aƣarew, wala dəx igər fəl əšək waliyyan. ² Təzzar əswadaƣ sa sər dənneƣ oggeƣ angalos iyyan itagazzayan əs jənnawan, ittâf talxatimt ən Məššina di Iddaran. Isəƣƣarat s əməsli issohen y əkkoz angalosan win əgrawnən tarna n igi ən təkma y amaɖal əd gərwan. ³ Inn-asan: «Ad wər tagim təkma y amaɖal, wala aƣaraw, wala eškan, iket wər nəjjəjwal əs talxatimt ən Məššina šikannaren ən nəƣbidan n Əməli-nana.» ⁴ Təzzar əsley y əket n aytedan win tətawasawar talxatimt ən Məššina. Əmosan təmeday n əgim d əkkozat təmərwen d əkkoz ən tawšeten kul n Israyil:

⁵ Maraw gim n awedan d əššin daƣ tawšet ta n Yahuda

a təwar talxatimt ən Məššina,
təwar maraw gim d əššin daƣ tawšet ta n Ruben,
əd maraw gim d əššin daƣ tawšet ta n Gad,
⁶ əd maraw gim d əššin daƣ tawšet ta n Aššer,
əd maraw gim d əššin daƣ tawšet ta n Naftali,
əd maraw gim d əššin daƣ tawšet ta n Manasay,
⁷ əd maraw gim d əššin daƣ tawšet ta n Šiməƣon,
əd maraw gim d əššin daƣ tawšet ta n Lebi,
əd maraw gim d əššin daƣ tawšet ta n Issakar,
⁸ əd maraw gim d əššin daƣ tawšet ta n Zəbulun,
əd maraw gim d əššin daƣ tawšet ta n Yusəf,
əd maraw gim d əššin daƣ tawšet ta n Benyamin,
kul təwâr-tan talxatimt ten.

Təmmal n əljəmaƣat

⁹ Dəffər awen əlasaƣ asawad, oggeƣ tiddawat zəwwərat wəllen, as wər t-illa i ifragan əšidən-net. Tiddawat ten təga daƣ ƣərfan n əddənet kul, əd tawšeten kul, əd təmattiwen kul, d awalan kul win tawašawalnen. Əbdâdan dat təxawit ta n taƣmar, dat Əjemar, əzlâgan šikadkaden zagrotnen mallolnen, əttâfan ilədlad ən tagayt. ¹⁰ Saƣaren s əməsli issohen, gannin:

«Efsan Əməli-nana Məššina a tan-ihakkin s ənta a iwaran təxawit ta n taƣmar, ənta d Əjemar.»

¹¹ Təzzar əƣradan angalosan kul tebadday den da, ƣilayƣalayan təxawit ta n taƣmar, d əmƣaran, əd mudaran win əkkoz. Əssəjadan dat təxawit ta n taƣmar en, əƣbadän Məššina, ¹² gannin:

«Amin!

Təmmalen əd tanaya əd masnat
əd godan d ətəwəsəƣmar
əd tarna əd fərregat,
kul in Əməli-nana Məššina, har faw!
Amin!»

¹³ Tøzzar iššewal iyyan day əmγaran, inn-i: «Awak ma mosan win əzlagne ſikadkaden zagrotne mallolne en, mənīs d-əhan?» ¹⁴ Ænney-as: «Təssanay awa mosan, Æməli-nin.» Tøzzar inn-i: «Awen aytedan win d-əgmadne təssust ta labasat. Ærbazan ſikadkaden-nasan, əssəmlalan-tanat s əzni n Æjemar. ¹⁵ Awen day a fəl əbdadan dat təxawit ta n taγmar ən Məššina, əγbâdan-tu ehad d azal day adag-net wa n əlyibada. Amaran wa iqqiman fəl təxawit ta n taγmar, *a dər-san z'inəməxsəran aqəz-tan.* ¹⁶ Wər ilkem a tan-iggâz gələk, za wala fad. *Wər ilkem a tan-təlâs təfuk əzəγəzzəb,* za wala tuksay waliyyat, ¹⁷ id Æjemar wa ihan ammas ən təxawit ta n taγmar a dər-san z'annattafan, s əmmək aš itanattaf amadan d aharay-net, awəy-tan əs šittawen n aman win sidurnen, təzzar *iməs Məššina iməttawan-nasan kul.*»

Æniləm ən talxatimt ta n əssayat

8 As olam Æjemar talxatimt ta n əssayat, tēga təfastit day jənnawan tewadat amađal n aganna n alwaq.

Anasay n əskawan win əssa

Angalos n win əssa

² Oggeγ əssa angalos n win əbdadne dat Məššina, as tawakfan iskawan əssa. ³ Tøzzar osâ-du angalos iyyan ibdad γur majmar wa n əsəqqəd n ađutan win əzodne igân day urəγ, ittâf majmar əndərran n əsəqqəd ən taγəlbast igân ənta da day urəγ. Itawakfa taγəlbast tēgget y a tat-isəqqəd, təmos takutay, fəl majmar wa n əsəqqəd n ađutan, dat təxawit ta n taγmar, iddew awen əd təwatriwen ən mizdagan kul. ⁴ Igmad-du əhu ən taγəlbast ten əfus n angalos, iggəzzay dat Məššina, iddew awen əd təwatriwen ən mizdagan. ⁵ Dəffər awen inkar angalos əs majmar wa n əndərran n əsəqqəd ən taγəlbast as kala da ittaf-tu, idkar-t-idu šimakaten əγanən day majmar wa n əsəqqəd n ađutan, igar-tu fəl amađal. Æmalan-tu eggagan, əd maslan, d esman, d ənəgəynəgəy n amađal. ⁶ Tøzzar ənkarən əssa angalos n win əttafnen iskawan win əssa ad simutugan y anasay-nasan.

Əkkoz əskawan win tawansaynen day tizarat

⁷ Insay angalos wa azzaran esək wa ittaf, təzzar əmalan-tu dagrazan əd təmsay ərtaynen d əzni, ifay-du awen kul fəl amađal. Tərakammat təzunt ta n karadat n əddənet, tərakammat təzunt ta n karadat n əškan kul, irakammat yel kul.

⁸ Insay angalos wa n əššin esək wa ittaf. Itawagar-du arat olân d ədγay zəwwəran ibilaglagnan, irtak day agaraw. Təqqal təzunt ta n karadat n agaraw ketnet azni. ⁹ Tøzzar təmmut təzunt ta n karadat ən mudaran win əhanen agaraw, təhlak

deγ təzunt ta n karadat n əγlalan n aman kul win əwarnen agaraw.

¹⁰ Insay angalos wa n karad esək wa ittaf. Irtakdu ətri zəwwəran day jənnawan, igân əbələzləz an abela ən təmsay, irtak fəl təzunt ta n karadat ən gərwan win əngaynen, əd šittawen n aman. ¹¹ Atri wen esəm-net «Abəsintəs». Təmməttay təzunt ta n karadat n aman n əddənet, təqqal aman samomnen, əgânen təssəməmt ta da iga abəsintəs. Tøzzar aba aytedan aggotnen win əšwânen aman win den.

¹² Insay angalos wa n əkkoz esək wa ittaf. Tøzzar ihlak awen təzunt ta n karadat ən təfuk, əd təzunt ta n karadat ən təllit, əd təzunt ta n karadat n etran. Awa day-san immar awen kul iqqal šiyay. Ezal da təgmad-tu təzunt ta n karadat n ənnur-net, ehad deγ awen da.

Ætəwəmal n alwabatan win karâd

¹³ Tøzzar əswadaγ ənayay tənagmart tēggâdat day təsəggərigəreyt ən jənnawan, əsleγ as tēganu s əməsli issohen: «Xašša! Xašša! Xašša wəllen i win əhanen əddənet, γur anasay n əskawan win z'ənsəγan angalos n win karad dəffər win!»

Anasay n asak wa n səmmos

9 Inkar angalos wa n səmmos insay esək wa ittaf. Oggeγ atri as d-irtak day jənnawan fəl amađal. Atri wen itiwakfa təsassarut n əγəγi wa wər nəla eder. ² Olam əγəγi wa, iggəzzay-du day-as əhu olân əd wa d-igammadan əγəγi a day təmihandar təmsay. Arat wen issəkwal təfuk, d alhawa ketnet. ³ Tøzzar əgmadan-du əjwalan əhu wen, əllilan əddənet ketnet. Tawakfan əjwalan win talbast togdât əd ta n təzurdam. ⁴ Itawarγam-asan fəl igi n a imosan təkma i taddalət a təqqal, gər za yel a ilsan amađal, wala eškan. Kalar tawamaran s ad zəγəzzəban aytedan γas win as wər iwer əjwal ən Məššina ſikannaren-nasan. ⁵ Wər tawakfan turaγat ən tanaγay n aytedan win den kərəz. Kalar tawamaran γas s a tan-zəγəzzəban wəllen har səmmosat təlil. Amaran əsəsnan ən tədud n əjwalan win den, ogda əd wa n taddod ən təzardəmt. ⁶ Azzaman win den a day-san səddirənən aytedan təməttant, mišan wər tat-z-əgrəwan. Ad gammayan təməttant, tətinəməggig dər-san.

⁷ Ijwalan win den olân d əggəsan simatagnen y iki n əməgər. Iγafawan-nasan iwar-tan arat olân əd təkəbba ən taγmar əgânen day urəγ, amaran udmawan-nasan olan əd wa n aggadəm. ⁸ Ijəkkad-nasan olân əd jəkkad ən tədoden, išenan-nasan olân əd šenan n ahar. ⁹ Idmâran-nasan ils-en arat olân əd təzoli, amaran imaslan n əfrutan-nasan olân d əməsli n amalankaytan n əməgər əlwâyan əggəsan aggotnen, ozâlan s adag n əməgər. ¹⁰ Elân šisbaten olânen əd šin təzurdam, əlânen iškarən zun win day ən təzardəmt, amaran imawan ən təsbaten-nasan en da a day iddew aššar n igi ən tək-

ma labasat y aytedan har sëm mosat tølil. ¹¹ Ark angalos n Aššaytan wa ihan øxøxi wør nøla eder, a imosan ømønokal n øjwalan win den. Esøm-net dað tølxi brit Abaddon, dað awal øn Køl-Ǝlyunan esøm-net Aboløyon, almayna n awen «Ǝmahlak.»

¹² Okay albala wa azzaran, amaran øllan-tu øššin wiyyad as kundaba ølkaman-as-du.

Anasøx n asak wa n sødis

¹³ Insøx angalos wa n sødis esøk wa ittaf. Tøzzar øsleð y ømøslil a d-igmadan [økkozat] tøgømmar øn majmar n urøð wa illan dat Møššina, imosan majmar wa n øsøqqød n ødutan. ¹⁴ Ǝmøslil wen igannu y angalos wa n sødis ittafan esøk: «Ara-du økkoz angalosan win øqqannen dað tøgadamayt n agarew wa zøwwøran, a t-imosan Efrat.»

¹⁵ Tøzzar tawâran-du angalosan win økkoz en tiwasamatagnen y alwað wen da, dað øzøl wen da, dað tølilit ten da, dað awatay wen da, føl ad øhløkan tøzunt ta n karadat n aytedan kul n øddønet.

¹⁶ Ǝmosan sanatad tømæd øn miløyaw n amawan n ays. Ǝnta den da meðan-nasan, amaran øsleð-as.

¹⁷ Ǝmmøk da was di-du-nafalalan øggøsan win den ød mawanan-nasan dað targøt-in. Ǝggøsan win, idmaran-nasan ils-en øxøð igân karad ølmawan ømosnen: tøzuyay ta n tømsay, ød taddaløt ta n jønnawan tødâgat sa sør takkawalt ta n tøhønt iyyat tølåt almaðam as itawannu safir, ød tøruyay ta n adayas-øn-tahart. Iyafawan n øggøsan win, ølân ød iyafawan øn harran, imawan-nasan tøgammad-tandu tømsay d øhu d adayas-øn-tahart iryân. ¹⁸ Albalatan win karad en ømosnen temsay d øhu d adayas-øn-tahart iryân, øhløkan tøzunt ta n karadat n aytedan kul n øddønet. ¹⁹ Følas tarna n øggøsan win den, tøha imawan-nasan, ød tøsbaten-nasan, id šisbaten-nasan ølânat ød taššolen, ølânat iyafawan as tagginat y aytedan tøkma labasat.

²⁰ Mišan aytedan win wør aba dað albalatan win den, wør øtuban dað ark aratan win tamazalan. Wør ømmøzzayan d ølyibada øn køløsaf, wala øssønøman n urøð ød win øzrøf ød win darøð ød win tøhun ød win øškan. Ǝssønøman win den, wørmad za as hannayan, wala sallin, wala øfrâgan ømøtøkwy. ²¹ Aytedan win, wør øtuban dað igi øn man, wala igi øn šayawan, wala øzzøna, wala šikra.

Elkøttab wa øndørran

10 Døffer awen øggeð angalos iyyan øknân tøla øn tarna, itazabbat-du dað jønnawan, ils-ay øgnaw zun awedan ilsan tøkadkat zagret. Eðaf-net tølxi tu tøgølølet tøgât dað tøzzøl-adar tøbila-zlatat. Udøm-net øbilazlat s ønnur zun tøfuk. Elyan-net ølân ød lallagan øn tømsay. ² Ittaf dað øfus-net arad n ølkøttab ønnølaman. Issønsa adar-net wa n øxil føl agaraw, øssønsa wa n zalgat føl amaðal.

³ Iga y ømøslil-net adakal øssøhen, ølân ød tønagawt n ahar. As øga y ømøslil-net adakal wen, øgan øggagan win øssa ømosnen zun awal. ⁴ Tøzzar øgmaya d ad øggøza šin akatab n awa ønnan øggagan win den. Amazay wen dað ad øsleð y ømøslil a d-igmadan øjønnewan as di-inna: «Ǝxøðer dað øwøl-nak awa ønnan øggagan win øssa di. A dað-as wør tøk-tøba wala!»

⁵ Tøzzar ønkørr angalos wa ønayax øbdâd føl amaðal d agaraw øzzal øfus-net wa n øxil sa sør jønnawan, ⁶ øhad s esøm øn wa øddaran har faw, s ønta a d-ixlakan øjønnewan d awa tan-ihan, d amaðal d awa t-iwaran, ød gørwand d awa tan-ihan, as wør tuzatøløst tømastant ømel. ⁷ Mišan amazay wa dað øggaz angalos wa n øssa šin anasøx n asak wa ittaf, ønta a dað z'assandu Møššina øsønøfiløl n øssir-net, s ømmøk was øsabbayyan øsalan win den i naybødan-net, a tan-imosan ønnøbitan.

⁸ Tøzzar ølas-i ømøslil was øsleð den awal dað jønnawan ønn-i: «Ǝdkøl arad n ølkøttab øndørran wa ihan øfus n angalos wa øbdadan føl agaraw d amaðal.» ⁹ Ǝkøð angalos ønnøð-as a di-d-akfu ølkøttab wa øndørran øn. ønn-i: «Ǝdkøl-tu tatšaq-qu. Ad tødny tøsømmay-net tadist-nak, mišan dað ømi-nak øga šizada an turawat.» ¹⁰ Ǝdkala-du arad n ølkøttab wen dað øfus n angalos øn, øtšøð-qu. Iga šizada an turawat dað ømi-nin, mišan as t-øtšøð, tødkar tadist-in tøsømmay-net. ¹¹ Døffer awen øtawann-i: «Harwada øwar-kay ømel øn øsalan win d-izazabbat Møššina dað batu øn tømattiwønn øggøt-nen, ød ørfan øggøt-nen, d øwalan ød ømønøkan øggøt-nen.»

Šigøyyawen šin sanâtat

11 Tøzzar tawakfay øgabøl øn telant, ølân ød tøburek tas tøtaggu takkot. øtawann-i: «ønkørr, tøkøtøð ødag n ølyibada øn Møššina, ød majmar wa n tøkutawønn, tøxsøba win dað-as øxøbadnen. ² Mišan øyaryar wa ølyayan ødag wa n ølyibada, øyy-ay s øganna, a tu-wør-tøkøta, følas øtiwakfa y aytedan win wør nøksud Møššina. øytedan win di ad øgin økkozat tømørwønn øn tølilit ød sanatad tidøyzdøyzan øyørm wa zøddigan di. ³ Amaran a øin-øssagla sanatad tøgøyyawønn, ømosnen ønnøbitan-in, ølsønønn šibødday øn tøføyyawt. ønnøbitan win ad ømmalan øsalan a d-izazabbat ømøli har øgin øgin n øzøl ød sanatad tømæd ød sødisat tømørwønn. ⁴ Šigøyyawønn šin sanatad øn ømosnat øššin øškan øn zaytun ød sanatad føtølaten šin øzzøkkatnen dat ømøli n øddønet. ⁵ As øra øwedan øgin y-øsnat tøkma, a du-tøg-mød tømsay øs mawan-nasnat tøsørrøkømmøt-tu. øwalla, wa øran øgin y-øsnat tøkma, ømmøk øn dað as tu-z-øba. ⁶ ønnøbitan win øššin øn ømosnen šigøyyawønn-in ølân førrøgat n øgadal y økonak øwet dað øzzaman win dað ømmalan øsalan win d-izazabbat ømøli. ølân førrøgat n øsømmøttøð n øman øqqølan øzni. øfragan øðø a d-awøyan s ød-

dənet əzzənəfan aggotnen n albalatan, iket ərān awen.»

⁷ Mišan as əyradan təgəyya ta taggin den, a dər-san ammagar əmudar səksədan wa du-z-igmədan əxəyi wər nəla eder, arn-en, anç-en kərəz.

⁸ Şiməxxa-nasan ad ansinat fəl tarrayt dəy əxgrəm zəwwəran wa dəy itawataytay Əməli-nasan. Axrəm wen itawann-as «Sədom» əd «Masar», imos awen tədugent as isinafal Məşşina awa t-id-izayan.

⁹ Edes n aytedan ən təmattiwen kul əd tawşeten kul d awalan kul əd kalkan kul ad agin karad adan d aganna hannayan şiməxxa n ənnəbitan win əşşin en, əgdəlan-asan dəy a din-təwənbəlan. ¹⁰ İbanasan isidawat aytedan n əddənət kul, har as əknān saday, tinəməggin şinəfas gar-essan, id əzəxəzzəb aggen a dasan-əganat təgəyyawen şin sanatat en.

¹¹ Mišan dəffər karad adan d aganna win, iga Məşşina infas ən təməddurt dəy ənnəbitan win aba den, əddaran-du, əbdadan. Təggaz tasa səksədat aytedan win tan-ənaynen. ¹² Əslan dəy jənnawan y əməsli issohen igannu y ənnəbitan win əşşin: «Gazayat-du sa da!» Əggəzzayan əs jənnawan əhān ig-nawan, hānnayan-tan zənga-nasan. ¹³ Amazay wen da a dəy iga amađal ənəgəynəgəy labasan, təbaraj-jat təzunt ta n marawat n əxgrəm en, təzzar aba əs-sa gim n awedan dəy əhluk wa igan den. Win d-əragnen dəy awen, təggaz-tan tasa səksədat, əssəymaran Məşşina di n Əməli ən jənnawan.

¹⁴ Okay alwaba wa n əşşin, amaran wa n karad izay-du tarmad.

Anasay n asak wa n əssa

¹⁵ Insay angalos wa n əssa esək wa ittaf. Itawasla i maslan zawwarnen dəy jənnawan. İmaslan win den gannin:

«Əmərədda tarna ta n tizart y əddənət şin Əməli-nana Məşşina d Əlməsix-net.

Ad iqqəl əmənokəl har faw.»

¹⁶ Ənkaran əmyaran win sanatat təmərwen d əkkoz əqqimnen fəl təxiwa-nasan dat Məşşina, fa-taqqen dəy amađal, əssəjadan, əybadan Məşşina.

¹⁷ Ad gannin:

«Nəggoday-ak Əməli, kay a imosan Məşşina di n əməli ən tarna kul, kay a t-illan əmərədda, təllec-qu dəy kala da.

Nəggoday-ak id əşəşxəl a təgəy tarna-nak zəwwərat

y ad təssəbdəda taymar-nak,

¹⁸ Şimattiwen n əddənət iggāz-tanat alham labasan,

mišan əmərədda alham wa nak a d-ewadan.

Alwaq wa n əşşərixa ən nəmməttan a d-osan.

Alwaq ewad-du wa dəy za tərzəməy y eklan-nak

a tan-imosan ənnəbitan,

takfaq-qan arozan-nasan,

əntanay əd mizdagan kul,

d aytedan kul win miksadan-nak,

gər win muzaran wala win tan-wər-nəmos.

Alwaq ewad-du wa n əhluk ən win hallaknen əd-dənət!»

¹⁹ Təzzar innolam ahan n əlxibada ən Məşşina wa ihan ijənnawan, inafalal-du dəy-as əssənduq wa n arkawal ən tassaq. Dəffər awen əgan esman, əmalan-tu maslan d eggagan d ənəgəynəgəy n amađal əd dagrazan labasnen.

Ænəfilal ən təntut ta təgat tadist

12 Tənafalal-du alçalamat zəwwərat dəy jənnawan: Alçalamat ten təmos tantut təlsāt təkuk, təlla təllit daw daran-net, təssiwar təkəbbut ta n tarna təgat dəy maraw etran d əşşin. ² Təsikaray əd təlawayt n iguz n əmzur. ³ Tənafalal-du alçalamat iyyat dəy jənnawan. İmos awen əməxluk olān d əzzənəf n aqata igān təzzəwwərt səksədat. İga təzuqay a n təmsay, ila əssa xafawan əd maraw əskawan, amaran əkkulluk n iyyan dəy xafawan win den təwar-tu təkəbbut ta n taymar. ⁴ İfrađ əs təkbat-net təzunt ta n karadat n etran, igar-tan-du fəl amađal. Təzzar imal əməxluk wen dat təntut ta tətəggazat amzur fəl ad atşu barar-net dəy amazay wa da dəy du-z-ihəw. ⁵ Tantut ten təgraw barar ən yay, s ənta a z'izaran i təmattiwen n əddənət kul əs taymar təkənāt assahat. Təzzar immeway barar wen əs təxawit ən taymar ta fəl iqqim Məşşina. ⁶ Təddəggag təntut ten s əsuf təkka edag iskāt Məşşina y awen. Den da a dər-əs z'agu ənəttaf har əgim n əzəl əd sanatat təmad, əd sədisat təmərwen.

⁷ Təzzar iga əməgər dəy jənnawan. İmməgar Mikayil d angalosan-net d əməxluk wen. İmməgar dər-san dəy əməxluk ənta d ark angalosan-net.

⁸ Mišan itawarna əməxluk d angalosan-net, ab-as dasan-t-illa adag dəy jənnawan. ⁹ Əməxluk wa zəwwəran en, imosan aşşol wa irəwan, as itawannu İblis, itawann-as dəy Aşşaytan, s ənta a isaxrakan aytedan dəy adag kul wa əhan dəy əd-dənət, itawagar-du fəl amađal, iddew d angalosan-net. ¹⁰ Dəffər awen əsley y əməsli issohen igannu dəy jənnawan: «Əmərədda alwaq wa n efsan osadu! Əmərədda Əməli-nana isinafalal tarna-net, əd taymar-net! Əmərədda taymar təlla gər fassan n Əlməsix-net, id Aşşaytan s ənta a isawaran imədrayan-nana lahanan dat Məşşina ehad ezal, a d-itawakkasan dəy jənnawan, itawagar-du s amađal.

¹¹ Mišan ya ornan-tu mədrayan-nana win əs tarrayt n əzni n Əjəmar əd tarrayt ən salan n Əlinjil win əmalan. Əqbalan tehakkay ən man-nasan, iba-tan dəy tarrayt ten. ¹² Dawatat dəy adi ijənnawan əd win tan-əzdaynen! Mišan iket alqazab ill-ay y amađal əd gərwan, id İblis izzəbbat-in sər-wan, ih-ay alham wəllen, fəlas alwaq əndərran a das d-iqqiman, amaran issān dəy awen.»

¹³ As inay ømøxluk as itiwagar-du føl amaðal, is-tay tantut ta teggazat amzur øn barar øn yay.

¹⁴ Mišan tətawakfa tørtut ten øššin øfrutan øn tønagmart ta zøwwørat. Æmmøk en ðay as tøfrag šigget s øsuf, s adag wa ðay za tønømøggag d aššol. Den ðay a ðør-øs z'agu ønøttaf har karad elan d aganna. ¹⁵ Tøzzar ifsa-du aššol aman ømosan zun agarew ðøffer tørtut, føl a tat-øbøtan. ¹⁶ Mišan illil amaðal i tørtut. Ora amaðal imi-net, ilmaz agarew wa d-ifsa ømøxluk. ¹⁷ Æmøxluk ih-ay alham labasan øn tørtut, tøzzar igla y ad ammagar ød maddanøs øn tørtut win hadatnen, a tan-ømosnen win øbbørdagnen y alwajiban øn Møššina, tagayyen ðay batu øn Ŷaysa Ælmøsix. ¹⁸ ðøffer øwen ikka ømøxluk tøgadamayt n agarew, isam-matag y ømøgør.

Ænøfilal n ømudar søksødan wa d-igmadan agaraw

13 ðøffer øwen øggeø ømudar søksødan as d-igmad agaraw. Æmudar wen ila maraw øskawan, d øssa Ŷafawan. Ækkulluk n iyyan ðay øskawan-net tøwar-tu tøkøbbut ta n tarna, amaran økkulluk n iyyan ðay Ŷafawan win øssa en, iwår-tu esøm imosan ikus øn tarna i Møššina. ² Æmudar wa øggeø den, ola d øzzønøf n adal. Iðaran-net olån ød daran n ømudar iyyan igån urøs, imi-net ola d ømi n ahar. Ikf-ay ømøxluk tarna-net, ød tøxawit-net ta n taŶmar, ød taŶmar zøwwørat. ³ Iyyan ðay Ŷafawan-net olå d as ih-ay øbus inaqqin, mišan iz-zây. Æqqanan Ŷafawan n aytedan n øddønøt kul, ølkaman y ømudar wa søksødan en. ⁴ Æssøjadan aytedan dat ømøxluk id taŶmar-net a ikfa y ømudar. ÆŶbadan ømudar, gannin: «Møni-tu wa olån d ømudar wa søksødan, møni wa ifragan ømøgør-net?» ⁵ Igraw ømudar wa søksødan en færregat n igi øn batuten ømosnen zazwar øn man-net, d ikus øn tarna i Møššina. Igraw turagat n igi øn mazalan win den, har økkozat tømørwen øn tøllit ød sanatat. ⁶ Ad itakkøs ømudar en tarna i Møššina, d adag wa iha, ød win øzðaynen ijønnawan kul. ⁷ Itawakfa færregat n ømøgør ød mizdagan øn Møššina ød tarna-nasan. Itawakfa tizart i tawšeten kul ød tømattiwen kul d aytedan a øššewalnen awalan kul ød kallan kul. ⁸ Aytedan n øddønøt kul ad t-øŶbødan ar win as øktaban esmawan-nasan ðay ølkøttab wa n tømøddurt harwa Ŷur øxluk n ød-dønøt. Ælkøttab en in Æjemar wa igzaman iqgal takutay.

⁹ Wa isallin aslet! ¹⁰ Kud kasaw a itaggaz awedan ad t-iggøz. Kud øtøwønŶa a z'agu øs tøzoli, a sør-øs itøwønŶu. Win ømosnen imizdagan øn Møššina, al-waq-nasan da da wa n øšitøy øn zømmerat d øzøgzan.

Ænøfilal n ømudar wa d-igmadan amaðal

¹¹ Tøzzar øggeø ømudar iyyan søksødan as d-iggøzzay igmåd-du amaðal. Æmudar wen ila øššin øskawan olånen ød win akar, amaran itaggu awal olan ød wa n ømøxluk. ¹² IššøšŶal tarna kul n ømudar wa azzaran a d-osan dat-øs, tøzzar eway-du s amaðal ød win t-øwarnen, as øssøjadan y ømudar søksødan wa azzaran as izzay øbus-net imosan abus inaqqin. ¹³ Ad itaggu tølmøŶujaten zawwarnen, har as temsay a d-izazabbat ðay jønnawan føl amaðal, øswådan aytedan. ¹⁴ Issøxrak aytedan n øddønøt øs tølmøŶujaten šin as igraw igi-nasnat dat ømudar wa das-d-azzaran. Igannu y aytedan ad agin šaššølan n ømudar wen, tøsabasa takoba, id-dar-du. ¹⁵ Igraw færregat n igi øn man ðay šaššølan n ømudar wa das-d-azzaran, tøzzar eway-du øwen øs šaššølan wen as išawal, isasanŶu ðøŶ kørøz aytedan win ugaynen s ad t-øŶbødan. ¹⁶ Eway-du as aytedan kul, gør win wør nøla almaqam, wala win t-ølanen, gør win møggørgas wala win møggønzø, gør ilallan wala øklan, kul išahhaššal-tan as iwar øjwal-net ifassan-nasan win øŶil, madøŶ šikannaren-nasan. ¹⁷ Tøzzar ab-as t-illa awedan ilån turagat n ad azzanzu, wala ðøŶ azzanz-in ar s ad t-iwar øjwal n ømudar wen d esøm-net, madøŶ meðan wa iddewan d esøm-net. ¹⁸ Den ðay ad za tagu addararat øs tayttay ød masnat. Wa ilan tayttay, ixšøbet meðan n ømudar wen. Meðan wen immittal esøm n awedan, amaran imos søðisat tømæd ød søðisat tømørwen ød søðis.

Ænøfilal n Æjemar ød meðan wa n 144000

14 Ælasay asawad, øggeø Æjemar ibdåd føl øðŶay wa n Søyon. Ællån Ŷur-øs aytedan ømosnen temeday n øgim d økkozat tømørwen d økkoz. Aytedan win den iwår esøm n Æjemar d esøm n Abba-net šikannaren-nasan. ² ÆsleŶ y ømøsl i a d-igmadan ijønnawan. Æmøsl i wen ola d øjit zøwwøran n aman aggotnen d ømøsl i n eggag zøwwøran, ola ðøŶ d ømøsl i øn tøhørdanen aggotnen. ³ Aytedan win den øssiggadan ðay tømmlal iyyat taynayat dat tøxawit ta n taŶmar, dat mudaran win økkoz d ømŶaran. Wør t-illa awedan ifrågan ad issøn tømmlal ten, ar temeday n øgim d økkozat tømørwen d økkoz, win d-isaddarfat Møššina ðay aytedan n øddønøt. ⁴ Æntanay wør sammadasan iman-nasan s øzzøna følas wør kala ad ølan tassaŶ waliyyat ød tødøden. Ælkåman y Æjemar s adag kul wa ikka. Tawasadarfen-du ðay aytedan ømosan zun tønfa ta tazzarat øn tøwøgas tøkåtøt i Møššina d Æjemar. ⁵ Amaran imawan-nasan wør tan-d-igmed a imosan bahu, wør t-illa a imosan lahan a tan-iwåran.

Ænøfilal n angalos win karâd ød mazalan win d-øssøglan

⁶ Tøzzar oggeç angalos iyyan as iggad daç tøsøg-gerigørøyt øn jønnawan. Angalos wen eway Ælinjil di ixlalan a z'imøl y aytedan n øddønet, daç kallan kul ød tawšeten kul d awalan kul ød tømattiwen kul. ⁷ Idkâl ømøslī-net wøllen igannu: «Søxmørat Møššīna, tagim-as adkul wa dør ihor, id alwaç osa-du wa daç z'agu øššøriça-net. Eçbødat wa d-ixlakan ijønnawan d amaçal d agaraw ød šittawen n aman.»

⁸ Inkar angalos iyyan wa n øššin, ilkam-du i wen, igannu: «Babøylon ta n tømizwart, tuda! Awalla tuda Babøylon tas tallabast n igi-net øzzøna, ihan ølmital n øšøwi n aytedan esmad, tøsøxrøk šimat-tiwen kul n øddønet, teway-du sør-øsnat as tanat-ibaz øššøriça øn Møššīna.»

⁹⁻¹¹ İlkam-as-du angalos iyyan wa n karad, igannu s ømøslī ihhoken: «Aytedan win øçbadnen ømudar wa søksødan ød šaššølan-net, iwâr-tan asannal-net daç tøkannaren, madeç ifassan, win di ad ašwin esmad wa n alham øn Møššīna. Esmad wen izdâr amaran a dasan-itewøggu daç tøkabart ta n alham øn Møššīna, agin alçazab søksødan igan øs tømsay d adaças-øn-tahart irçân, dat angalos a zaddog-nen d Ejemar. Ehu n alçazab-nasan, ill-ay har faw, amaran wørmad a dasan-tu-tølla tøsasmit ehad, za wala ezal. ¹² Alwaç wen ønta wa n zømmerat øn mizdagan øn Møššīna, øbbirdagnen y alwajiban-net, øknân deç tølçudøla i Çaysa.»

¹³ Døffør awen øsleç y ømøslī a d-ifalan ijønnawan as inna: «Ektøb as: "Ebbilalan aytedan win as har-wa ømøredda da ørtâyan d Emlø, iba-tan deç ørtâyan dør-øs." Awalla, inna Infas wa Zøddigan, assanfinet daç øššøçøl wa øgan, følas ad øgrøwan maruzat øn mazalan-nasan.»

Ænøfilal øn tønfa ta du-tøgmadat amaçal

¹⁴ Elasaç asawad oggeç agnaw mallan. Agnaw wen tøqqim fall-as azzat tolât ød ta n aggadøm. Eçaf-net tøwar-tu tøkøbbut øn taçmar tøgât daç urøç, ittâf ølmošī iwalan wa n allay øn tøwøgas.

¹⁵ Døffør awen igmad-du angalos iyyan ehan n ølçibada isaççarat wøllen inna i wa iqqiman føl øgnaw: «Šøšçøl ølmošī-nak wa n allay, taløya çarat. Alwaç ewad-du wa n ømiløy øn çarat, annabatan win øwarnen amaçal øççân.» ¹⁶ Tøzzar inkar wa iqqiman føl øgnaw olay s ølmošī-net awa iwaran amaçal ketnet daç tønfa.

¹⁷ Døffør awen igmad-du angalos iyyan ehan n ølçibada wa ihan ijønnawan. Enta da ila ølmošī iwalan wa n allay øn tøwøgas.

¹⁸ Tøzzar igmad-du angalos iyyan majmar wa n tøkutawen. Angalos wen ixkâm føl tømsay, idkal ømøslī-net wøllen, inna s ømøslī issohen i wa ittãfan ølmošī iwalan wa n allay øn çarat: «Šøšçøl

ølmošī-nak wa n allay øn çarat, taløyaç-du ara n alçanab kul wa iwaran amaçal, følas šibašakšaken-net kul øççânat, isimatag y øššøriça øn Møššīna.» ¹⁹ Tøzzar olay angalos s ølmošī-net, alçanab kul wa iwaran amaçal, igar-tu ketnet daç tøgdayt ta daç itawazmu alçanab, a tat-imosan tagdayt zøwwørat ta n alham øn Møššīna. ²⁰ Tøzzar itawadayzdayaz alçanab wen itawazma sødi y øçrøm. Ingay-du daç-as øzni har ilsa karadat tømød øn kilaw, iggøzzay har ewad edag øn karad çalan.

Ænøfilal n angalos win øssâ d agaraw

15 Tøzzar ønaya daç jønnawan alçalamat iyyat zøwwørat, tøkñât øsømmøkløl, tømøsat: Ešsa angalos øttãfnen øssa alwabatan win ølkam-nen s øntanay a daç d-inda alham øn Møššīna. ² Eñayaç arat olân d agaraw igân daç arat a d-isaktin tølçençart tørtâyat ød tømøsay, amaran øbdâdan fall-as win ørzanen ømudar søksødan ød šaššølan-net ød meçan wa iddewan d esøm-net, øtãfan ši-hørdãnen a tan-ikfa Møššīna. ³ Ešsiggadan daç tømmal n økli øn Møššīna, a t-imosan Musa ød tøm-mal ta n Ejemar, gannin:

«Içitan-nak zawwarnen, simaklalan, ya Emlø Møššīna!

Kay a imosan møššīs øn tarna kul!

Tarrayen-nak øntanatay a øçadnen, ømosnat tidøt,

ya Emlønal øn tømattiwen.

⁴ Ma imos wa ewadan a kay wør iksud ya Emlø!

Ma imos wa wør za nøssøçmør esøm-nak?

Følas kay ças a imosan ømizdag.

Amaran tawšeten kul a d-asinat, øçbadnat-kay, følas içitan-nak øçadnen a nafalalnen.»

Šikørwesen šin øssâyat n alham øn Møššīna

⁵ Døffør aratan win den, øswadaç oggeç edag wa zøddigan n ahaket wa n ømønøy as innolam daç jønnawan. ⁶ Tøzzar øçmadan-du angalos win øssa edag wa zøddigan øttãfan alwabatan win øssa, ølân tabdoç øn lin iqqitasan isiraççen, øtãban idmaran-nasan øs sutab n urøç. ⁷ Inkar iyyan daç mudaran win økkoç, ikfa angalos win øssa øssay-at tøkørwesen n urøç ødkårnen alham øn Møššīna di iddaran har faw! ⁸ Idkar adag wa zøddigan øhu a d-ifalan tanaya øn Møššīna ød tarna-net. Wør t-illa i ifragan iguz n adag wa zøddigan en, iket wør ønden øssa alwabatan win d-ewayan angalos win øssâ.

16 Døffør awen øsleç y ømøslī zøwwøran as d-igmad ehan n ølçibada, inna y angalos win øssâ: «Açliwat tønçølam føl amaçal ketnet øssay-at tøkørwesen šin alham øn Møššīna.»

² Tøzzar igla wa azzaran daç-san, inçal tøkørwast-net føl amaçal. Ewatnat šiqqas labasnen aytedan kul win iwar ejwal n ømudar, øçbãdan šaššølan-net.

³ Inyal angalos wa n əššin təkərwast-net fəl gərwan, əqqalan aman-nasan azni olân d əzni n ənəm-mettən. Immut id t-illa əmudar kul ihan igərwan.

⁴ Təzzar inyal wa n karad daɣ-san təkərwast-net daɣ təsəssəngay əd šittawen n aman, əqqalnat azni. ⁵ Əsley y angalos wa inəttafan d aman igannu:

«Toɣâda, kay wa t-illan əmərədda, təllep-qu kala da, təmosay əmizdag, id əmmək wa da as təkəməy aratan win y aytedan n əddənət.

⁶ Fəlas tanaɣla a əgan azni ən mizdagan d ənənəbitan,

amaran təkfeq-qan azni y ad t-ašwin, id əhoran dər-əs.»

⁷ Əsley i majmar wa n təkutawen igannu:

«Awalla, Əməli Məššina s ənta a imosan məššis ən tarna kul, əlxəkuman-net tidət a mosan, oɣâdan.»

⁸ Inyal angalos wa n əkköz təkərwast-net fəl təkuk, tətawakfa təkuk fərregat n akaway n aytedan.

⁹ Tosa-du tuksay labasat ad təkaggay aytedan. Təzzar ad takasan tarna y esəm ən Məššina s ənta a ixkaman daɣ alwabatan win, edag an a das-ətuban əssəxməran-tu.

¹⁰ Təzzar inyal angalos wa n səmmos təkərwast-net fəl təkawit ta n taɣmar n əmudar wa səksədan. Əlsanat šiyyay taɣmar n əmudar, əgan aytedan təkəraɣit tas har əqqiman əddâdan idədwan-nasan. ¹¹ Ad takkasan tarna i Məššina di n Əməli ən jənnawan fəl əddəlil ən təsənnay səksədat ta taggin əd šiqqas šin tan-əhanen, wər ətuban daɣ mazalan-nasan.

¹² Inyal angalos wa n sədis təkərwast-net fəl agarew wa zəwwəran n Efrat. Əstakan aman-net, fəl ad təmmutəg tarrayt ən mənokalan a d-əfalnen dənnəg. ¹³ Təzzar oggeɣ imi n əməxluk, əd wa n əmudar, əd wa n ənənəbi ən bahu as tan-d-əgmədan karad aššayatinan əhânen assawwarat ən garan.

¹⁴ Aššayatinan win den əntanay a tagginen təlməxjujaten, əntanay deɣ a z'akkinen imənokalan n əddənət kul y a tan-d-əššidəwan y əməgər wa z'agin daɣ əzəl wa zəwwəran n Əməli Məššina di s ənta məššis ən tarna kul. ¹⁵ Ənta da awa z'agin: a din-agaɣ assa zun wa d-itaggu abaydag. Ibbilal wa okayän, iqqân isəlsa-net fəl ad wər ijəwənkət izzâf tətəwənəy aɣawrat-net. ¹⁶ Təzzar əššədəwan-du aššayatinan imənokalan n əddənət kul daɣ adag iyyanda. Edag wa itawann-as daɣ təlɣibrit: «Armagedun».

¹⁷ Inyal angalos wa n əssa təkərwast-net daɣ alhawa. Təzzar igmad-du əməsli issohen ehan wa zəddigan əd təkawit ta n taɣmar ən Məššina igannin: «Arat kul iɣrad!» ¹⁸ Əgan esman əd maslan d eggagan, iga amaɣal ənəgəynəgəy as wa d-əwaran aytedan tesayt n amaɣal wər iga ənnuɣ-net. ¹⁹ Təzzar iga əɣrəm wa zəwwəran ən Babəylon karadat təzunen. Barajjen ɣərman ən kallan kul. Aɣrəm wa zəwwəran ən Babəylon ikittəw Məššina ibakkadan-

net. Adi a fəl t-iššəšwa təkəbart n esmad n alɣanab immittalan alham-net d əššəriɣa-net labasnen wəllen. ²⁰ Təzzar əmasan kallan kul win gərwətlan, aba təmayyamayt n ədɣaɣan. ²¹ A du-tifətəqqen da-grazan as akkiyyan daɣ-san imos əzuk-net edag n əkkozat təmərwən ən kilaw, rattakan fəl aytedan. Ad takkasan aytedan tarna i Məššina fəl əddəlil n alwaba wa n da-grazan ən, fəlas alwaba iknân təz-zəwwərt wəllen a imos.

Awa inafalalan daɣ taneray

Əššəriɣa wa z'itəwəxkəman i təkərwat ta labasat

17 Dəffər adi osa-du iyyan daɣ əssa angalosan win əttafnen əssayət təkərwəsen, iššəwal-i, inn-i: «Iyyaw a kay-assaknaɣ əššəriɣa ən təkərwat labasat ta təqqimat fəl aman aggotnen. ² Ənta a dər namaggan mənokalan n əddənət əzzəna, təzzar ad taggin aytedan n əddənət əzzəna s igət, əknân tara n awen, zun awedan isassin esmad s igət amaran ikna tara n awen.» ³ Eway angalos iman-in s əsuf, tobaz-i tarna n Infas wa Zəddigan. Təzzar oggeɣ tantut təqqimat fəl əmudar zaggəɣan əwâran əsməwan aggotnen əmosnen ikus ən tarna i Məššina. Əmudar wen ila əssa ɣafəwan əd maraw əskəwan. ⁴ Tantut ten təlsa tabdoq zaggəɣat d iyyat təgât təzuyay təɣɣât, təqqân urəɣ əd təhun šin əlanen almaqam, d əljuhər. Təttâf təkəbart n urəɣ təkârat imazalan zizallatnen aggadəm, d am-madas, win tišit-net təməggit n əzzəna. ⁵ Təkannart-net iktâb fall-as esəm âs almaɣna-net imos əsir. Ənta da awa inna akatab wa iwaran təkannart-net: «Aɣrəm wa zəwwəran ən Babəylon, ənta imosan anna ən təkərwaten əd mazalan win zazallatnen aggadəm.» ⁶ Təzzar oggeɣ tantut ta təgat iman ən mizdagan aggotnen əd nalkiman aggotnen ən ɣaysa win fall-as tagganen təgəyya tolaɣat. Iqqal igi ən man wen arat a tat-isimaswədan zun tassay n esmad. As tat-oggeɣ, iqqan aɣaf-in wəllen.

⁷ Təzzar inn-i angalos: «Mafel iqqân aɣaf-nak? A dak-əmələɣ əssir wa təssəkna təntut-en d əmudar wa təwan, əd ɣafəwan win əssa, d əskəwan win maraw. ⁸ Əmudar səksədan wa toggeɣ əddi, kala ad t-illa, mišan əmərədda ab-as t-illa. Daɣ alwaq wər nəggug, a d-igməd əɣəɣi wa wər nəla eder, akku edag n əhluk. Amaran aytedan n əddənət kul win as wər əkteban esməwan-nasan daɣ elkøttab wa n təməddurt harwa ɣur ənətti n əddənət, ad əqqənan ɣafəwan-nasan as ənayan əmudar id kala ad t-illa, dəffər adi ab-as t-illa, amaran ijwâr a d-osa.

⁹ Den daɣ ad təga addararat əs tayttay əd masnat. Iɣafəwan win əssa a, almaɣna-nasan əssa ədɣaɣan win fəl təqqim təntut. Əmosan deɣ əssa mənokalan ¹⁰ as səmmos daɣ-san ab'as t-əllan, iyyan ill-ay, ixkâm, iyyan amaran harwa da wər d-

osa, amaran as d-osa, ad agu arat n azzaman.

¹¹ Emudar səksədan was kala ad t-illa, ab'as t-illa əmərədda, ənta da əmənokal a imos. Ənta a imosan wa n əttam, idrāw dəy əlməxsud iyyanda d əssa win hadatnen, amaran ad akku edag n əhluk.

¹² Maraw əskawan win tənayaş, almaşna-nasan maraw mənokalan as harwa da wər əgrəwan taşmar-nasan, mişan ad əgrəwan arat n azzaman ən taşmar əntanay d əmudar. ¹³ Iduf iyyanda a əgan, amaran əkfān tarna-nasan əd taşmar-nasan y əmudar. ¹⁴ Ad ammagaran d Əjemar, mişan a tan-arnu arz-en, id ənta a imosan Əməli ən malan, imos əmənokal ən mənokalan. Aytedan win du-tawaşranen, tawasanafranən əmosan alyadilin, ad idawan d Əjemar daş tarna ta du-z-əgu den.»

¹⁵ Iгла angalos işşewal, inn-i: «Aman win toggeş təqqim fall-asan təkərwat, adi şimattiwen əd tid-dawaten əd tawşetən d awalan. ¹⁶ Maraw əskawan win toggeş d əmudar, ad azzangen təkərwat, əkkəsan daş-as tələmmest, əzzəfan-tat, atşin isan-net, sərrəkəmmen-tat əs təmsay. ¹⁷ Awalla Məşşina a d-igan daş wallan-nasan as ad ammazalan s awa ira, ammazalan əlməxsud iyyanda, akfin taşmar-nasan y əmudar. Arat wen daş a z'əgin iket wər d-ewəd əlwaş wa daş z'əndin aratan win ixkam Məşşina. ¹⁸ Amaran tantut ta toggeş den, təmmittal əşrəm wa zəwwəran azzaran i mənokalan n əd-dənet.»

18 Dəffər awen oggeş angalos iyyan ilān taşmar wəllen itazabbat-du daş jənnawan, imalawlaw amaşal ketnet s ənnur ən tanaya-net.

² Inna s əməsli issohen wəllen:

«Babəylon ta n təmizwart, tuda!

Awalla tuda Babəylon!

Təqqal edag ən təməşsurt n aşşayatınan d adag ən təməşsurt ən kələsuf d asammanay ən gəşad kul win xaramnen [d asammanay n əzzənəfan kul ən mudaran win xaramnen]

əd win wər əren man əd win ətawaglafnen.

³ Şimattiwen n əddənet kul əddəwnat dər-əs daş arak deranan-net labasnen n igi n əzzəna, imos awen zun esmad sassinat.

Imənokalan n əddənet nimaggan dər-əs əzzəna, kəl jola n əddənet dəy isaggargas-tan əşrəm wa n Babəylon, s ərrəzəşan-net əknānen igət.»

⁴ Təzzar əsleş y əməsli iyyan as d-igmad ijən-nawan inna:

«Əgmədat-du əşrəm

wədi kawanay win əmosnen tamattay-nin,

fəl ad wər təgem ibakkadan win itaggu,

awəd-kawan-in albala wa fall-as z'uden.

⁵ Fəlas ibakkadan-net əşlan har ewadan ijən-nawan,

amaran Məşşina ikittəw

arak mazalan labasnen n əşrəm wədi.

⁶ Ərzəmat-as s əmmək was irazzam,

takfim-tu ənətfus ən mazalan-net!

Təkəbart tas ikkat, əkətət-as ənətfus-net.

⁷ Əmmək was idkal iman-net,

immozal arat kul wa əran man-net,

əmmək di daş as əgiwat-as əzəşşəzzəb səksədan, təsəssugim-tu təkənzert labasat ogdānen d awen

da,

id tənna a itaggu əşrəm wa n Babəylon:

"Təxawit ta n təmənukəla a fəl əqqima,

wər əmosa tantut as aba ələs-net,

wər ilkem ad əggəzaş afartay."

⁸ Awen daş a fəlas albalatan zawwarnen

əddi win das-ənsanen:

Təmattant əd təkənzert labasat əd laz.

Əzəl iyyanda a fall-as z'uden albalatan win di,

təsərrəkəmmət-tu dəy təmsay.

Awalla, Əməli Məşşina

imosan Məşşis ən tarna

a itawaddaban əşrəm wen.»

İsəmmədənnigan əgānen fəl əşrəm ən Babəylon

⁹ Imənokalan n əddənet kul win dər-əs əddewnen, nimaggan dər-əs əzzəna d aratan win əran man-nasan daş əddənet, ad ənəyan əhu ən təmsay ta tu-za-təsərrəkəmmət, ad hallin səkkələlan fəl awa z'əgu əşrəm wen daş alyazab. ¹⁰ A dər-əs nəməggəgan, fəl təksəda n a tan-in-awəd alyazab wa z'əgu den. Ad gannin:

«Xaşşa! Xaşşa wəllen

y əşrəm wa zəwwəran ən Babəylon ilan tarna.

Əlwaş iyyanda şas a fəl t-iwwəddab Məşşina!»

¹¹ Kəl jola n əddənet kul ad hallin fəl tərəmməq y əşrəm wen. Wər t-illa awedan a şur-san izanzin awa əssətagan, ¹² gər urəş, wala azrəf, wala şihun şin əlanen almaşam, wala əljuhər, wala lin, wala tabdoq təgāt təzuşay təşşāt, wala əlxərir, wala tabdoq ta təgat təzuşay təhossayat, wala əşkan kul win as izod ađu-nasan, wala aratan win əganen daş təhənt təknāt təməllay s ənta daş itaggu uşən wa n xummayşa, wala win əşkan win əlanen almaşam, wala win darəş, wala win təzoli, wala win təhun şin hossaynen, ¹³ wala egel n aşək was itawannu kanel, wala əzzənəfan n annabatan win əlanen ađu, wala alwarditan, wala ađutan win əzodnen əmosnen mir d əlməsək, wala esmad n alyanab, wala widi wa n azzayt, wala egel, wala alkama, wala şitan, wala ayfad, wala əggəsan wala amalankaytan wala eklan, wala ikefəlan. ¹⁴ Ad gannin kəl jola y əşrəm wen:

«Aratan win əran man-nak kul

əddəggagan fall-ak.

Tənəfləyt, d aratan win hossaynen,

əzodnen aba-tan fall-ak.

Wər ilkem ad əlasan ətəwənay!»

¹⁵ Kəl jola win əggərgasnen daş əsətəş wa taggin daş əşrəm wen, a dər-əs nəməggəgan fəl təksəda n

a tan-in-awød alyazab-net. Ad hallin, sikalalan;
¹⁶ gannin:

«Xašša! Xašša wøllen
 y øgrøm wa zøwwøran a!
 Dat awa ilsa tabdoq øn lin ihossayan,
 ød tabdoq tøgât tøzuyay tøjgât
 ød tabdoq ta tøgât tøzuyay tøhossayat,
 iqqân uyønan hossaynen n urøq
 ød tøhun šin ølanan almaqam d øljuhør.
¹⁷ Amaran alwaq iyyanda qas
 a føl aba tøjergist ten!»
 Aytedan kul win azzarnen y øglalan win aman øz-
 zozalan-tan d aytedan kul win šakalnen føl gørwän
 win zawwarnen ød win maššayalan n øglølan n
 aman ød win øganen jola gør källan øs tarrayt øn
 gørwän, øbdadan-in daq igög ¹⁸ assayä wad ønayan
 øhu øn tømsay ta tøsirekømmet øgrøm wen,
 sakkarayan gannin:

«Wør kala ad itawanay
 arat šilat øn wa igraw øgrøm oqdän ød wa.»
¹⁹ Sawaran iyafawan-nasan aboqqa, hallin, øqšâ-
 dan man-nasan wøllen, sikarayan gannin:
 «Xašša! Xašša wøllen
 y øgrøm wa zøwwøran a,
 s ønta a daq øggørgasan aytedan kul
 win ølanan iyälalan n aman win zawwarnen,
 mišan alwaq iyyanda qas a føl iyrad ahluk!»
²⁰ «Dawatat ijønnawan!
 Aqgrøm iyrad ahluk!
 Dawatat kawanay da win ømosnen imizdagan øn
 Møššina

ød nømmuzal d ønnøbitan.
 Awalla, Møššina iwwøddab
 øgrøm wa føl tøkma ta dawan-iga.»

²¹ Tøzzar idkal angalos iknân tøla øn tarna tøhunt
 zøwwørat tolât ød ta føl itawazad alkama, igar-tat
 daq agarew igannu:

«Ænta da da ømmøk was din-z-itøwøgør
 øgrøm wa zøwwøran øn Babøylon
 øs tømøwit labasat,
 amaran wør z'iles øtøwønay døffør adi.

²² Wør ilkem ad ølasan aytedan
 tesalay daq øgrøm wen
 i søwat win øganen øs tøhørdänt wala asak,
 wala win øganen øs tøsønsøq, wala esøk.
 Wør ilkem a daq-as itiwänay øššøqøl
 wa n øfus, wala win tu-tagginen.
 Wør ilkem a daq-as itiwäsla y ømøsl
 n azed n attaqam.

²³ Wør ilkem a daq-as imilawlaw
 ønnur øn føtøla
 za wør ilkem a daq-as ilas øtøwøsla
 y ømøsl n ømørmøš ød tømazlayt-net.
 Amaran ønta da øddølil wa føl iga adi:
 "Køl jola-nak, øntänay a øgarnen
 tøla øn batu daq øddønet kul,
 išayawan-nak døy øssixrakan šimattiwen kul.
²⁴ Kay øgrøm wa n Babøylon,

a daq itawänqal øzni n ønnøbitan
 d øzni øn mizdagan øn Møššina
 d aytedan kul win tawänqanen daq øddønet."»

Tømmalen øgänen daq batu n øhluk øn Babøylon

19 Døffør awen øsley daq jønnawan y arat olän
 d ømøsl issohen n øljømaqat tagget tøgän-

nit:

«Alleluya!
 Efsan, ød tanaya,
 ød tarna in Æmøli-nana Møššina,
² følas ølxøkuman-net tidøt a ømosan, øqäd døy.
 Obaz s øššøriqä-net tøkärwat ta labasat
 tøsøxkrat øddønet øs tišit-net tømøggit n øzzø-

na,
 izzøzal døy azni øn naqbidan-net
 wa inqal øfus øn tøkärwat ten.»

³ Tølas aljamayät ten tønna:

«Alleluya!
 Øhu øn tømsay ta tøsaqqadat øgrøm wen,
 ill-ay har faw.»

⁴ Tøzzar garaffen ømqaran win sanatat tømørwän
 d økkoz, øntänay ød mudaran win økkoz, øqbadan
 Møššina, iqqiman føl tøxawit ta n taqmar-net, gan-
 nin:

«Amin! Alleluya!
 Tømmal i Møššina!»

⁵ Iqmad-du ømøsl tøxawit ta n taqmar en, inna:
 «Agiwat tømmalen y Æmøli-nana,
 ketnawan inaybidan-net, win t-øksudnen
 gør win wør nøla almaqam wala win t-ølanan!»

Takrøst n Ejemar

⁶ Tøzzar øsley y arat olän d ømøsl øn tiddawat
 tagget, olän d øjit n aman aggotnen, øla døy d
 eggagan labasnen as inna:

«Alleluya!
 Følas Æmøli Møššina di øn møššis øn tarna,
 issøbdad taqmar-net.

⁷ Føliwøsatana, naknu tødøwit, nøssøqmør Møšši-
 na,

følas izøzlay n Ejemar ewadan-du,
 amaran tømazlayt-net tøsimatag.

⁸ Tøtawakfa tabdoq øn lin wa n ølæsøl,
 itibøløzzen, iqqitasan, y a tat-talsu.»

Tabdoq øn lin wa ihossayan en, almaqna-net
 imazalan øqädnen win øgan mizdagan øn Møššina.

⁹ Inn-i angalos ad øktøbaq as: «Èbbilalan win
 tawäqranen s ad øggøzan izøzlay n Ejemar!» Døf-
 før adi inn-i: «Batuten øn tidøt awa äs Møššina
 iman-net as tanat-iga.» ¹⁰ Tøzzar garaffe qur daran
 n angalos wen y ad t-øqbøda, inn-i: «Alak! Ad wør
 tagaq adi! Nak ønaqbid øn Møššina a mosa wa da
 tømøsa kay ød mødrayan-nak ød tømødrayen-nak a
 tagayyatnen føl qaysa. Møššina as kay-iwar a tu-
 tøbøda. Amaran, tøjøyya føl qaysa, almaqna-net

emel øn salan øn Ŷaysa win d-izazzabbat Infas wa Zøddigan.»

Ænøfilal n awedan iwānan ays mallan

¹¹ Døffør awen oggeŷ ijønnawan as ønnolaman, ih-en ays mallan, amaran wa t-iwanan esøm-net «wa imosan Alŷadil, imos Tidøt». Ælxøkuman-net øŷādān, itamagar deŷ føl tidøt. ¹² Šittawen-net ømosnat zun abalagleg øn tømsay, øŷaf-net øwar-nat-tu tøkøbba øn taŷmar aggotnen. Iktāb fall-as esøm as wør t-illa i t-issānan ar ønta. ¹³ Amawan n ays wen esøm-net «Awal øn Møššina», amaran ilsa tabdoŷ tømāŷat daŷ øzni. ¹⁴ Ælkāman-as gønan øn jønnawan øwannen øggøsan mallolnen. Ketnasan øqqānan tabdoŷ øn lin wa n ølæsøl, iqqitasan, igān tømøllay tøsiraqqet. ¹⁵ Tøgmad-du takoba tøkñāt tawala imi øn wa iwānan ays en, føl ad tanŷu šimat-tiwen n øddønet. Amaran wa iwānan ays en ad ixkøm føl tømattiwen n øddønet øs taŷmar tøkñāt assahat. Ad azmu alŷanab daŷ tøgdayt zøwwørat y a sør-øs agu esmad immittalan alham labasan wøllen øn Møššina di øn Møššis øn tarna. ¹⁶ Tøkad-kat-net ød taŷma-net iktāb fall-asnat «Æmønokāl øn mønøkalan d Æmøli øn malan.»

Ænøfilal øn saksas zøwwøran øn matsān øn tømøxxa

¹⁷ Døffør awen oggeŷ angalos ibdādan daŷ tøfuk. Isaxŷarat s ømøslis issohen wøllen i gøŷad kul win øggadnen daŷ tøsøggørigøryt øn jønnawan, inn-asan: «Ayewat, idawat-du ketnawan i mensewan øknānen igøt win Møššina, ¹⁸ føl ad tatšim šimøxxa øn mønøkalan ød muzaran øn sojitan, ød namma-garan, ød tømøxxa n øggøsan ød win tan-øwannen, ød tømøxxa n aytedan kul, gør wa imosan øllølli wala akli, gør wa wør nøla almaŷam wala wa t-ilan!»

Ænøfilal n ømudar d ønnøbi øn bahu

¹⁹ Oggeŷ ømudar søksødan, ød mønøkalan n ød-dønet, ød gønan-nasan øddewan y ad ammagaran ød wa iwānan ays, d agan-net. ²⁰ Tøzzar ittørmas ømudar ittørmas deŷ ønnøbi øn bahu wa dør iddew. Ænnøbi øn bahu wa, iga alŷalamaten zawwarnen dat ømudar wen. Æmmøk en daŷ as issøxrak win iwar ejwal n ømudar, øŷbādan deŷ šaššelan-net. Æmudar wa, ønta harkid ønnøbi øn bahu wa, tawagaran da øddāran daŷ aŷazar øn tømsay d adayās-øn-tahart irŷān. ²¹ Awa d-iqqiman daŷ agan wen ketnet tønŷ-ay takoba ta du-tøgmadat imi øn wa iwānan ays. Tøzzar øyyøwanan gøŷad wøllen daŷ tømøxxa-nasan.

Ænøfilal n ømøxluk iqqānan har øgim n awatay

20 Døffør awen oggeŷ angalos itazabbat-du ig-mād-du ijønnawan, ittāf daŷ øfus-net tøsasarut n øŷøŷi wa wør nøla eder, ittāf daŷ asassar

zøwwøran. ² Obaz ømøxluk, a t-imosan aššøl wa irøwan, a imos Iblis, itawann-as deŷ Aššaytan, ig-as tewaynay a za tagit øgim n awatay. ³ Igar-tu angalos daŷ øŷøŷi wen, ihar-tu fall-as, iyfal-tu s ølluy føl ad wør iles øsøxrøk øn tømattiwen har agu øgim n awatay. Døffør awen ilzām ad annalam ammaru har arat n azzaman.

Ænøfilal n øtøwøra n Aššaytan

⁴ Oggeŷ šixiwa øn taŷmar. Win fall-asnat øqqim-nen øgrāwan tarna n ad øqqølan imašraŷan. Oggeŷ iman n aytedan win as tawasaben rawan-nasan føl øddøli øn tøgøyya tolåŷat ta taggin daŷ batu øn Ŷaysa d awal øn Møššina. Oggeŷ deŷ aytedan win wør nøŷbed ømudar wa søksødan za wør øssøjadan i šaššelan-net, wør tawajajwalnat tøkannaren-nasan wala ifassan-nasan. Aytedan win den øqqalan-tan-du man-nasan, namaggazan taŷmar d Ælmøsix, amaran awen ad agu øgim n awatay. ⁵ Ænta den da tanakra ta tazzarat øn nømmøttan. Inømmøttan win hadatnen, wør d ønkeran har inda øgim n awatay wen. ⁶ Æbbilalan aytedan zaddog-nen win d-ønkarnen daŷ tanakra øn nømmøttan ta tazzarat! Aytedan win di wør tan-in-tøkka Jahanna-ma ød wala! Æntanay a z'øqqølnen ilimaman øn Møššina d Ælmøsix, amaran a dør-øs nømøggøzan taŷmar-net har øgim n awatay.

⁷ As inda øgim n awatay wen, a d-itøwøyyu Aššaytan daŷ kasaw wa iha, ⁸ aglu ad isaxrak šimattiwen a øwarnen tesayt n amaŷal, ømosnen Yajuj ød Majuj. A tan-d-iššidøw y ømøgø, amaran øgān igøt wa n tøblalen n amaŷal a dabayyaknen daŷ afay n agaraw. ⁹ Æssøwalan øddønet ketnet, øbazan aŷrøm wa iknan øtøwøra, ŷalayŷalayan imizdagan øn Møššina. Mišan tøzzøbbat-du tømsay daŷ jøn-nawan, tøsarrakammāt-tan. ¹⁰ Iblis s ønta dasan-azzaran, isaxrak-kan, itawagar daŷ aŷazar øn tøm-say tøgāt s adayās-øn-tahart wa iha ømudar d øn-nøbi øn bahu. Den daŷ a dasan-z-itøwøggu øtøwøzøŷøzzab søksødan ehad ezal har faw.

Ænøfilal n øššøriŷa øn Møššina

¹¹ Ogge tøxawit øn taŷmar tøkñāt tøzzøwwørt, tøkna deŷ tømøllay, ød wa fall-as iqqiman. Eddøggagan-as jønnawan ød mødlan, øggugan-tu, wør d-oyyen wala ødøriz. ¹² Døffør awen oggeŷ inømmøttan win wør nøla almaŷam, harkid win t-ølanen øb-dādan dat tøxawit ta n taŷmar en. Ænnolaman ølkøttaban. Innolam ølkøttab iyyan s ønta a imosan ølkøttab wa n tømøddurt. Tawaxkaman nømmøttan s awa ihan ølkøttaban win den, øwāl awen øs maza-lan-nasan. ¹³ Ikfa-du agaraw inømmøttan win t-øhanen, tøkfa-du tømattant d alaxirat inømmøttan win-nasnat, itawaxkam akkiyyan daŷ-san øs maza-lan-net. ¹⁴ Tøtawagar tømattant d alaxirat daŷ aŷazar øn tømsay. Aŷazar øn tømsay wen ønta a imosan Jahannama. ¹⁵ Awedan ketnet was wør ik-

teb esəm-net day ølkøttab wa n tømøddurt, itawagar day aƷazar øn tømsay wen.

Ænøfilal øn jønnawan d amaðal win aynaynen

21 Døffer awen oggeƷ ijønnawan aynaynen, d amaðal aynayan. Ijønnawan win ørøwnen, d amaðal wa irøwan, ab'as t-øllan, igørwan deƷ ab'as t-øllan.

² Tøzzar oggeƷ aƷrøm wa zøddigan, a t-imosan Yerusalem ta taynayat, tètazabbat-du deƷ jønnawan, issigl-et du Møššina. Tøsimatag zun tømazlayt tøgât øddølugan-net win hossaynen y ad tamamay d aløs-net. ³ ÆsleƷ y ømøslisohen a d-ig-mâdan tøkawit ta n taƷmar igannu:

«Æmøredða ehan øn Møššina illa gør aytedan. A dør-san inømøƷsør, øqqølan šimattiwen-net. Møššina iman-net as Ʒur-san z'imøl, iqqøl Æmølinasan.

⁴ A dasan-imøs id t-øllân møttawan, ib'as tu-tølla tømattant, wala tøweškent, wala tøkurayt, wala tisnant, følas aratan win d-aazzarnen, ab'as t-øllan.»

⁵ Inn-i wa iqqiman føl tøkawit ta n taƷmar: «Ænøy! Aratan kul sammattayaq-qan øge win aynaynen.» Tøzzar inna: «Æktøb, følas batuten šin øssiflasnat, ømosnat deƷ tidøt.» ⁶ Inn-i: «Arat wa, iga! Nak a imosan Alfa, ømosaƷ deƷ Omega, almaƷna wa az-zaran ilkâm. Wa iha fad, nak a das-z-agin tøkøkkut tømøsat tessay deƷ šat ta deƷ du-naggayan aman win sidurnen. ⁷ Awedan kul wa d-ornan, a Ʒur-i igrøw aratan win, ømosan-as tøkøkkut, øqqølaƷ deƷ Æmøli-net, iqqøl barar-in. ⁸ Mišan awedan wa imosan øddøyyus, d aytedan win wør nøƷdel ød win tamazalnen awa labasan ød maggan øn man ød win tagginen øzzøna ød maššayawan ød naƷbidan n øssønøman ød nøsbuha kul, øntanay tødagart-nasan iguz øn Jahannama tømøsat aƷazar øn tøm-say tøryât s adayas-øn-tahart.»

Awa inafalalan i Yaxya alwaq wad iwar adƷaƷ wa zøwwøran: Yerusalem ta taynayat

⁹ Tøzzar ikk-i-du iyyan deƷ angalosan win øssâ øt-tâfnen øssayat tøkørwesen šin ødnaynen øssa al-wabatan win ølkammen inn-i: «Iyyaw, a kay-assak-naƷ tantut ta n tømazlayt n Æjemar.» ¹⁰ Eway-i angalos s afalla n ødƷaƷ iyyan zøwwøran, zagren, to-baz-i tarna n Infas wa Zøddigan, issøkni aƷrøm wa zøddigan, a t-imosan Yerusalem, a d-izzibben deƷ jønnawan, ifal-du Ʒur Møššina. ¹¹ AƷrøm wen igrâw tanaya øn Møššina. Iga ømøløwlew a n tøkunt tølât almaqam as itawannu jasfa, tøgât øƷøtøs wa n tølføn-jart. ¹² IƷlay-tu aƷalla zøwwøran zagren, ilân marawat tøsøhar ød sanatata Ʒur øllân maraw angalosan d øššin. Šisøhar šin den øktâban fall-asnat esmawan øn marawat tawšeten ød sanatata šin maddanøs n Israyil. ¹³ TaƷørt n aƷalla en ta n døn-nøg tøla karadat tøsøhar, ta n tamasna deƷ tøla

karadat, ta n agala tøla karadat, ta n ataram deƷ tøla karadat. ¹⁴ AƷalla wen ila marawat tøsøttøytay ød sanatata a das-ømosnen šifurad, amaran øwaran-tanat maraw esmawan d øššin ømosnen esmawan øn maraw nømmuzal d øššin n Æjemar.

¹⁵ Angalos wa di-iššewalan ittâf øsøkøt imosan agabal øn telant igân deƷ urøƷ y a sør-øs ikøt aƷrøm ød tøsøhar-net, d aƷalla wa t-iƷlayan.

¹⁶ AƷrøm wen ogda føl gannatan-net kul win økkoz. Tamawen-net kul togda tøzzøgrøt-nasnat, harkid sa sør afalla. Ikat-tanat angalos s agabal wa n urøƷ en, øqqalnat øššin gim øn kilaw ød sanatata tømød.

¹⁷ Ikat angalos tøzzøgrøt ta n afalla n aƷalla wa iƷlayan aƷrøm en, iqqal temeday n øƷil d økkozat tømørwød d økkoz. Takkot ten ig-et angalos s øm-møk was tat-taggin aytedan fawda. ¹⁸ AƷalla n øƷrøm wen igâ øs tøkun øhossaynen ølânø al-maqam as itawannu jasfa, aƷrøm amaran iman-net iga deƷ urøƷ wa izðaran igân øƷøtøs wa n tølføn-jart. ¹⁹ Šisøttøytay šin ømosnen šifurad n aƷalla ødlâgnat s øzzønøfan øn tøkun kul šin hossaynen ølanen almaqam. Tøsøttøytøyt ta tazzarata tøga deƷ jasfa, ta n sanatata tøga deƷ tøkunt as itawannu safir, ta n karadat tøga deƷ tøkunt as itawannu kalsayðun, ta n økkozat tøga deƷ tøkunt as itawannu emrod. ²⁰ Ta n sømøsat tøga deƷ tøkunt as itawannu onøyks, ta n søðisat tøga deƷ tøkunt as itawannu sardwan, ta n øssayat tøga deƷ tøkunt as itawannu kørzolit, ta n øttamat tøga deƷ tøkunt as itawannu beril, ta n tazayat tøga deƷ tøkunt as itawannu tofaz, ta n marawat tøga deƷ tøkunt as itawannu kørizoføraz, ta n marawat d iyyat tøga deƷ tøkunt as itawannu høyasint, ta n marawat ød sanatata tøga deƷ tøkunt as itawannu ametist.

²¹ Šisøhar šin marawat ød sanatata en, marawat tøkun n øljuhør ød sanatata a deƷ øganat. Ækkulluk øn tøsøhørt tøga deƷ tøkunt iyyadda n øljuhør. Amaran tarrayt ta zøwwørat n øƷrøm en, tøga deƷ urøƷ wa izðaran igân øƷøtøs a n tølføn-jart.

²² AƷrøm wen wør daƷ-as hønneøya ehan n ølƷibada. Awalla Æmøli Møššina di øn møššis øn tarna a imosan ehan-net wa n ølƷibada, ønta d Æjemar.

²³ AƷrøm wen wørmød iddirar s ønnur øn tøfuk za wala wa n tøllit, følas tanaya øn Møššina a tu-tøsammalawlawat, amaran Æjemar a imosan øn-nur-net. ²⁴ Ænnur-net a deƷ-as jøwønkøtnat tømattiwø, asin-t-idu mønøkalan n øddønet øssøƷmøran-tu. ²⁵ Šisøhar n øƷrøm wen wør øhhirnat deƷ tøzzøgrøt øn jilan, amaran wør ilkem ad øhârnat følas ehad s ab'as t-illa. ²⁶ Šimattiwen n øddønet kul a d-awøynat s øƷrøm wen aratan a tu-z-akfinen tanaya d øtøwøøƷmar. ²⁷ Wør tu-z-iggøz a immidasan, wala deƷ i itamazalan talbast, wala bahu. Kalar wør tu-z-iggøz ar win as øktaban øsmawan-nasan deƷ ølkøttab wa n tømøddurt n Æjemar.

22 Tøzørest n awen as di-issøkna angalos agarew was øhakkin aman-net tømøddurt,

øgân aman-net øyøtøs a n tølønjar. Aman win øngâyan-du ðay tøkawit øn taymar øn Møššina d Ejemar, ² økkan-du ammas øn tarrayt ta zøwwørat n øyrøm. Šigadamayen n agarew wen øwâran-tanat øškan win øhakkinen tømøddurt tarawnen maraw øzzønøfan n aratan d øššin, økkulluk øn tøl-lit. Iførkak n øškan win, zuzøyan šimattiwen n ød-dønet. ³ Åyrøm wen wør tu-z-iggøz arat tøwâr tulyant. Tøkawit ta n taymar øn Møššina d Ejemar ad tøgøz øyrøm en da, tøybød tamattay-net Møššina. ⁴ Aytedan win øhanen øyrøm wen ad ønøyan udøm n Emøli, iktøb ðey øsøm-net føl tøkannaren-nasan. ⁵ Wør z'iløs ahad igi, za wør z'øløsan addararat s ønnur øn føtøla, wala ønnur øn tøfuk, følas Emøli Møššina a tan-z-isøm-mølwølwøwan, amaran øxkøman har faw.

Tøsextømt: Assa øn Yaysa

⁶ Inn-i angalos: «Batuten šin øssiflasnat, ømosnat ðey tidøt; Emøli Møššina, s ønta a imosan Emøli n ønnøbitan a d-issøglan angalos-net føl ad assaknu inaybidan-net arat as kundaba iga ðay azzaman wør nøgøg.»

⁷ Inna Yaysa: «Enøy! Ezayay-in tarmad! Ibbilal wa izzøgzanan ibbirdag ðey i batuten a nafalalnen ðay ølkøttab wa ømosnen isalan n aratan win ømørødda ød win d-øzaynen!»

⁸ Nak Yaxya a islan y aratan win, amaran ønâyaq-qan. As øsley y aratan win, ønayaq-qan, fataqqey yur daran n angalos wa di-tan-issøknan y ad t-øybøda. ⁹ Mišan inn-i: «Alak! Ad wør tagay adi! Nak ønaybid øn Møššina a mosa šilat-nak kay ød mødrayan-nak win ønnøbitan, ød win øbbørdagnen y awal wa ihan ølkøttab wa. Eøybød Møššina!»

¹⁰ Døffer awen inn-i: «Ad wør tøybøra isalan win nafalalnen ðay ølkøttab wa øššewalnen ðay batu n aratan win ømørødda ød win d-øzaynen, følas al-

waq ihoz! ¹¹ Wa wør noyed, agliwet ðay iba n taqqat-net, wa immødasan, agliwet ðay ammadas-net. Wa øyadan amaran agliwet ðay taqqat-net, wa zøddigan ðey iššitiwet tazdak.»

¹² Inna Yaysa: «Awalla! Ezayay-in tarmad, amaran ewayay-in ørruzmatan-in y ad akfay awedan kul arozan win tu-šasšawadan mazalan-net. ¹³ Nak a imosan Alfa, ømosa ðey Omega, almayna wa az-zaran ilkâm, tøsøtit ød tøzørest.

¹⁴ Ebbilalan win rabbaznen šikadkaden-nasan zødagan-tanat føl ad øgrøwan alxaq ðay ašøk wa n tømøddurt, øggøzan ðey øyrøm wa zøddigan en øs tøsøhar šin as itawaggaz! ¹⁵ Iðan ød maššayawan øðøganet sødi, øntanay ød maggan n øzzøna ød maggan øn man ød naybidan n øssønøman d awedan kul wa iran bahu itagø-ay!

¹⁶ Nak Yaysa, øssiglay-in angalos-in y a dawan-itagayyat ðay Elkønisaten føl aratan win di. Nak øzzurrøyya øn Dawød a d-øgmada, ømosay atri imi-lawlawan wa d-igammadan s ayora.» ¹⁷ Inna Infas wa Zøddigan ød tøntut ta n tømazlayt: «Asa-du!» I isallin kul anniwet: «Iyyaw!» Wa iffudan kul asiwet-du. I iran adi kul ašwet aman win sidurnen tawagrawnen wala inazzan!

¹⁸ Nak iman-in Yaxya, øggøyyey y awedan kul wa islan isalan win nafalalnen ðay ølkøttab wa øššewalnen ðay batu n aratan win ømørødda ød win d-øzaynen as: I iššøtan arat føl salan win, a das-iššitu Møššina ðay albalatan win øttømalnen ðay ølkøttab wa. ¹⁹ I ðay-san ikkasan arat ðey, ad ikkøs Møššina adagar-net ðay ašøk wa isiduran d øyrøm wa zøddigan win øttømalnen ðay ølkøttab wa.

²⁰ Wa igøyyen føl aratan win, isattadd-en, inna: «Awalla, øzayay-in tarmad.» Amin! Iyyaw, Emøli Yaysa! ²¹ Ya Emøli Yaysa tøkfeq-qawan arraxmat ketnawan.